

FIRPO

1320

BIBLIOTECA NAZIONALE
TORINO




chi l'a pi 'd fil farà pi 'd teila

Ex libris


LUIGI FIRPO

7. 9. 12.









SANCTISSIMÆ TRINITATI GLORIA.

OPUSCULA TRIA
DE DEO

QVOAD OPERA
PRÆDESTINATIONIS,
REPROBATIONIS,
ET GRATIÆ ACTVALIS,

A FR. LAVRENTIO BRANCATO

BASILICÆ SS. XII. APOSTOLORVM
S. R. E. PRESB. CARDINALI DE LAVRÆA
BIBLIOTHECARIO,

*In commodum Tyronum S. Augustini Doctrinæ
Studioforum elucubrata.*

*f.
Angel*

mine



io

hod

con

ROMÆ, Typis Hæredum Corbelletti. 1687.

Superiorum permissu.



In Congregatione Generali S. Rom. & Vni-
uersalis Inquisitionis habita in Conuentu
S. Mariæ super Mineruam coram EE. &
RR. DD. S. R. E. Cardinalibus in tota Re-
publica Christiana contra hæreticam præ-
uitatem Generalibus Inquisitoribus à S.
Sede Apost. specialiter Deputatis.

L Ecto Memoriali tenoris sequentis, vide-
licet : *Eminentiss. e Reuerendiss. Si-
gnori . Essendo dalla Sagra Congregatione
prohibito , che niuno possa stampare in mate-
ria de Predestinatione, Scientia Dei, e de Gra-
tia , seu de Diuinis Auxilijs , senza licenza
di questa S. Congregat. il Card. di Lauria ,
hauendo composto tre Opusculi, De Prædestina-
tione ; Reprobatione , & de Gratia ,
seu de Diuinis auxilijs , prega la me-
desima S. Congregatione della licenza di po-
terli stampare seruatis seruandis , e l'haurà
à gratia . Quo Memoriali audito, EE. & RR.
DD. Cardinales Inquisitores prædicti an-
nuerunt :*

*Alexander Speronus S. Romane , & Vniu.
Inquisitionis Notarius .*

LIBER verè egregius, omnibusque numeris absolutissimus (cuius Titulus est) *Opuscula de Deo quoad Opera Prædestinationis, Reprobationis, & Gratiæ Actualis* ab Eminentiss. & Reuerendiss. Cardinali Brancato de Laureâ elucubratus, difficilimas, ac penè inexolubiles complectitur quæstiones; sed methodo, quàm ante hac faciliore, à subtilissimo tanti viri ingenio in cõcussis rationibus, Sacrarum Scripturarum, & Conciliorum autoritate, fidelissimoque Sanctorum Patrum testimonio, & præcipuè ad mentem, & secundùm germanum sensum Diui Patris Augustini, explicantur, & enodantur. Vt ergo in lucem prodeat, ne intellectus inter tot huiusce sublimis materiæ ambages aberret, sed vt è tenebris experrectus, defecatum veritatis lumen intueatur, & agnoscat, dignissimum censeo.

*D. Io: Baptista Lamia Cremonen. Abbas, &
Proc. Gen. Congr. Can. Reg. Later. Ord. S.
Aug. Sacr. Theolog. Professor, &c.*

CVM Opus tripartitum de Deo quoad
Opera Prædestinationis, Reprobatio-
nis, ac Gratiæ Actuales ab Eminentiss. ac
Reuerendiss. Card. de Laurea ingeniosissimè
compositum perlegissem, vnum inter cæte-
ra in admirationem me rapuit, Virum scili-
cet ætate prouectum, publicis occupationi-
bus distractum, heroicisque laboribus fes-
sum, tam neruose, tamquàm lacertofo co-
natu arduum hoc negotium potuisse breui
temporis interuallo aggredi, expedire, & à
difficultatibus, quibus abundè scatet, extri-
care, euacuare, præcunte nempe Diui Au-
gustini face, cuius mentem neminè feliciter, ne-
minè medullitis assequutum esse reor, vt an-
ceps omnino sis, num ipsius ore Augustinus,
an ipse Augustini ore loquutus sit. Id verò
tanta profunditate, sed clara, claritate, sed
alta, altitudine, sed facili, vt non ampliùs à
sæculis absconditum dixeris Gratix, & Præ-
destinationis mysterium. Pro Theologorum
ergo eruditione, & Christianorum profectu
Opus hoc dignissimum existimo.

*D. Benedictus Giancasperi Ord. Cælestinor.
ac S. Eusebij de Vrbe Abbas, S. Theol.
Professor.*

LEGI Opuscula de *Prædestinatione, Re-
probatione, & Gratia Actuali*, Aucto-
re Cardinali de Lauræa. Stat pro magna
commendatione Operis, nomen præferre
Eminentissimi Auctoris, quem, ipsa seruitia
Sanctæ Sedi insigniter præstita, extulere ad
Purpuram. In hisce autem Opusculis Do-
ctrinæ suæ Robur adijcere satagit ex Sacra
Scriptura, Sanctisque Patribus, & præser-
tim Augustino, cuius discipulatum profite-
tur. Et quod calamo profitetur, factò quo-
que ipso explet; nam erga eos etiam,
quos reijcit, implicite tantum absque
nomine, aut censura (quod solemne erat
Augustino) se gerit quàm modestissimè; vn-
de censuerim non parùm studiosis esse pro-
futura, quandocumque prælo commissa
euulgentur. E Cœnobio Mineruæ pridie
nonas Maij anno 1687.

*Fr. Iulius M. Bianchi Ord. Præd. Sacra
Theologia Magister.*

IN tribus Tractatibus *de Deo quo ad Opera Prædestinationis, Reprobationis, & Gratiæ Actuales*, ab Eminentissimo Cardinale de Lauræa compositis, depræhendi flores, non è flaccido Tantalii horto lectos, qui nempè, *dum nascuntur, consenescant*, sed ad æternitatem omninò delectos, è Theologica soliditate Sanctorum Ecclesiæ Doctorum Augustini, & Thomæ. Quippè quibus sic totus hæret, vt eos, quanti sunt, totos imbibisse videatur. Mea non egent approbatione, cùm maius omni laudum præconio sit Nomen, quod prætendunt in fronte: Nomen, inquam, Eminentissimi Scriptoris potiùs, quàm muricis ostro, voluminum numero, Reipublicæ literariæ notissimi. Romæ, è Conuentu Sanctæ Mariæ super Minervam, Sexto idus Maij, anno Christiani orbis MDCLXXXVII.

*Fr. Angelus Iulianus Ord. Prædic. Doctor
Theologus, ac fidei olim Quæstor
Genue.*

Imprimatur ;

Si videbitur Reuerendiss. P. Sac. Palatij Apost.
Magistro .

I. de Ang. Arch. Urb. Vicesg.



Imprimatur .

Fr. Dominicus Maria Puteobonellus Ord. Præd.
Sac. Apostol. Pal. Mag.



INDEX CAPITVM.

OPVSCVLVM PRIMVM.

DE PRAEDESTINATIONE.

Cap.1. **D**E nomine, & significato Prae-
destinationis. fol.10.

Cap.2. *An ab aeterno facta sit praedestinatio a-*
liquorum ad gloriam. 18.

Cap.3. *An etiam ab aeterno facta sit praede-*
stinatio aliquorum ad gratiam. 22.

Cap.4. *An praedestinationes istae praediuident*
diuinam libertatem, & potentiam. 29.

Cap.5. *An Praedestinatio ad gloriam praedi-*
cet libertatem humanam. 39.

Cap.6. *An Praedestinatio ad gloriam facta*
sit prauiſo Adae peccato, & ex massa dam-
nata per originale. 50.

Cap.7. *An Praedestinatio ad gloriam facta sit*

I N D E X

<i>ex praeuisione meritorum.</i>	56.
Cap. 8. <i>Quid alij Patres senserint de prae- destinatione, cum, vel sine intuitu merito- rum.</i>	68.
Cap. 9. <i>De qualitate meritorum, quorum in- tuitu à quibusdam asseritur facta praeesti- natio.</i>	78.
Cap. 10. <i>Quenam ex his sententijs de praeui- sione, vel non praeuisione meritorum in praeordinando, sit probabilior.</i>	83.
Cap. 11. <i>Quanta sit probabilitas sententiae do- centis praedestinationem factam esse ex me- ritis praeuisis.</i>	94.
Cap. 12. <i>In quo resoluitur quaestio pro S. Au- gustino, & soluantur argumenta contra- ria.</i>	100.
Cap. 13. <i>An ex parte Praedestinatorum assi- gnari possit aliqua causa saltem congruen- tia suae praedestinationis.</i>	118.
Cap. 14. <i>An Christi Domini Praedestinatio fue- rit causa Praedestinationis nostrae.</i>	129.
Cap. 15. <i>An saltem ex praeuisione meritorum Christi facta fuerit hominum praedestina- tio.</i>	137.
Cap. 16. <i>De praecipuis Praedestinationis effe- ctibus.</i>	147.
Cap. 17. <i>De diuersis Praedestinatorum gradi- bus.</i>	153.
Cap. 18. <i>An Praedestinatorum numerus augeri possit, vel minui.</i>	161.
	Cap. 19.

C A P I T V M.

Cap. 19. *An Prædestinatorum numerus sit maior numero Reproborum.* 169.

Cap. 20. *Quomodo ergo saluatur, quòd Deus vult omnes homines saluos fieri si pauci sunt prædestinati?* 176.

Cap. 21. *Animaduersiones quedam circa doctrinam de Prædestinatione.* 189.

Cap. 22. *An possint assignari aliqua prædestinationis signa.* 200



OPVSCVLVM SECVNDVM.

DE REPROBATIONE
MALORVM.

- Cap. 1. **D**E nomine, & significato Re-
probationis, eiusque defini-
tione. 212.
- Cap. 2. An malorum reprobatio ab aeterno sit
facta. 217.
- Cap. 3. Quanam sit efficiens causa reprobatio-
nis malorum. 219
- Cap. 4. An Deus ex mera sua voluntate, sine
motiuo culpa, homines reprobauerit, vel
peccata reprobatorum efficaciter voluerit.
fol. 224.
- Cap. 5. An ex motiuo peccati, & cuius, Deus
aliquos homines reprobauerit. 233.
- Cap. 6. De effectibus reprobationis. 245.
- Cap. 7. An, & quinam assignari possit finis
Dei in reprobatione hominum, & creatione
eorum. 254.
- Cap. 8. An Deus ex supposito decreto reprob-
ationis, aliquo modo concurrat ad peccata
reprobatorum. 263.
- Cap. 9. In quo soluuntur potiora argumenta de
Dei concursu ad hominum peccata. 276.
- Cap. 10. Cur Deus sciens, malos casuros, per-
mit.

mittit eos tentari, & cadere?

290.

*Cap. II. An Christus etiam pro reprobis mor-
tuus sit, & in quo eis profuit.*

297.



OPVSCVLVM TERTIVM.

DE GRATIIS ACTVALIBVS, SEV DE
DIVINIS AVXILIIS.

Cap. 1. **Q**uid intelligatur nomine Gratia
actnalis, seu Diuini Auxilij.

fol. 314.

Cap. 2. De varijs nominibus, ac speciebus gratiarum, seu auxiliorum. 322.

§ 1. An detur; quæ, qualisue sit Gratia præueniens. 323.

§ 2. An detur Gratia excitans, quæ, qualisue sit. 329.

§ 3. An detur Gratia adiuuans, & quæ, qualisue sit. 334.

§ 4. An detur, & quæ qualisue sit gratia cooperans, & an distincta ab adiuuante.

fol. 341.

§ 5. An detur; quæ, qualisue sit gratia Subsequens, & an distincta ab adiuuante.

fol. 346.

Cap. 3. An detur, qualisue sit Gratia efficax. fol. 351.

Cap. 4. An detur; & quæ, qualisue sit Gratia non efficax, communiter dicta Iustificans. 357.

Cap. 5. An detur, & quid sit Gratia Sanans, seu

seu Medicinalis.

368

Cap. 6. *An detur, & qua sit Gratia sine qua non, seu auxilium sine quo non, opus bonum fieri non potest, & an hac satis sit ad faciendum.*

374.

Cap. 7. *An detur, & qua sit gratia qua, seu auxilium quo opus bonum fit de facto.*

382.

Cap. 8. *Quinam secuti sunt Augustini sententiam de gratia qua, ac auxilio quo, seu efficaci.*

395.

Cap. 9. *An Gratia actualis sit semper necessaria ad bene operandum.*

401.

Cap. 10. *Pro quibus operibus, & quibus conditionibus præditis sit necessaria gratia.*

fol.

409.

Cap. 11. *De quibusdam specialibus Gratiæ diuine effectibus iuxta S. August.*

419.

Cap. 12. *An in Veteribus legibus necessaria fuerit gratia ad bene operandum.*

425.

Cap. 13. *Qualis fuerit, & modò sit gratia ista necessaria ad operandum cum effectu salutis opera.*

437.

Cap. 14. *An Gratia ista faciens facere, præiudicet libero arbitrio.*

465.

Cap. 15. *Quomodo Gratia ista, seu Deus per eam, concurrat cum voluntate ad opus bonum.*

473.

Cap. 16. *An Gratia ista faciens facere, seu efficax, detur singulis hominibus, & semper.*

490.

Cap. 17.

INDEX CAPITVM.

- Cap. 17. *Cur ista Gratia faciens facere, seu efficaæ, non detur omnibus, & semper.* 503.
- Cap. 18. *An saltem gratia dicta sufficiens, concedatur omnibus hominibus, & in omni tempore.* 518.
- S. Vnic. *An admittenda sit gratia sufficiens, contradistincta ab efficaci, & in quo consistat.* 519.
- Cap. 19. *An infidelibus omnibus Deus gratiam sufficientem ad credendum largiatur.* 540.
- Cap. 20. *An omnia infidelium opera sint peccata: vel saltim aliqua, & quæ.* 574.
- Cap. 21. *An in omnibus infidelibus infidelitas sit peccatum; & an alia in eis adsint peccata; & quæ.* 590.
- Cap. 22. *An Gratia sufficiens concedatur omnibus pro quolibet temporis momento.* 604.
- S. Vnic. *Corollaria quædam ex precedentibus Capitibus illata.* 633.
- Cap. 23. *An aliqua gratia interdum cadat sub merito.* 647.





PROLOQVIVM.

Et mens Authoris.



ANCTVS meus Pater Francis-
ciscus in cap.9. *Regula*, Præ-
dicatoribus præcipit, *vt an-*
nuncient vitia, & virtutes; pe-
nam, & gloriam cum breuita-
te sermonis; & rationem (tali
Sancto dignam) tradit, quia,
inquit, Verbum abbreviatum
fecit Dominus super Terram.

Cùm autem fuerim ab amicis rogatus, vt ali-
quando meam proferrem sententiam circa ma-
terias Prædestinationis, Reprobationis, & Gratię
adeò controuersas; decreui tandem eis morem ge-
rere, certò sperans, quòd iuxta Isaię 55.12. vaticini-
um, *Verbum Domini non reuertetur vacuum.*

Et quoniam de his materijs innumera ferè, &
prolixa extant disputantium volumina, quę ob
intolerabilem quorundam verbositatem, & im-
pugnandi zelum, ab eis legendis quemcunque,
etiã flemmaticum, Lectorem, deterrent; vt amicis
præfatis satisfaciam, & Sancto Patri Francisco
obediam, laconicè quantum fieri poterit, at non
obscurè, & sine concertatione, dicam pateticè
quid de illis sentiam.

Fareor, quòd ex Sacra Scriptura eruam, quæ habere potero argumenta, & ex Sacris Concilijs, quoad intrinsecam probabilitatem, vel euiden-
tiam statuendam. Quò verò ad extrinsecam, in
omnibus sequar Sanctos Patres, & omnium præ-
cipuum S. Augustinum, cuius doctrinam, & lau-
darunt, & secuti sunt Romani Pontifices, Conci-
lia plura; Doctores sancti permulti, & scholarum
Principes. At quoniam Sancti Augustini senten-
tia in his materijs est omnium ferè meorum dicto-
rum fundamentum; non pigeat lectorem horum
Opusculorum initio prælibare, quinam in specie
Doctrinam S. Augustini de Prædestinatione, Re-
probatione, & Gratia amplexari sunt, vt firmiter
concludat euiden-tem eius firmitatem.

Omni-um primò Innocentius Primus accipiens
litteras à Concilio Mileuitano (in quo ipse-
met Augustinus fuerat, & os, & calamus) de gra-
tia liberante, & adiuuante, &c. respondit, *esse
lineas plenas fidei, & totius Religionis Christianæ vi-
gore formatas.*

Zosimus S. Augustini doctrinam contra Pela-
gianorum errores maximè laudauit, eaque con-
tra eos Antistitum omnium dexterarum armauit.

Bonifacius Primus, quamuis doctissimus esset,
tamen contra Pelagianorum errores Augustini
poscebat responsū. Sic de hoc, & Zosimo loqui-
tur S. Prosper. Sancti isti Pontifices, viuente Au-
gustino, eius doctrinam commendarunt.

Celestinus I. defuncto Augustino, audiens à S.
Prospero, Massilienses contra eius doctrinam
de Prædestinatione, & Gratia obloqui, illum
defendit, sic scribens ad Galliæ Episcopos, *Au-
gustinum sanctę recordationis virum pro vita sua,
atquè meritis in nostra communione semper habui-*
mus,

Authoris
declara-
tio, quòd
sequitur S.
Augustinū.

Romani
Pontifices,
qui doctri-
nam Augu-
stini com-
mentantur.

Innoc. I.
Zosimus.

Bonifacius
I.

Celestinus
I.

mus, nec unquam hunc sinistra suspicionis saltem rumor aspersit; quem tantæ scientiæ olim fuisse meminimus, ut inter Magistros optimos, etiam antè à meis decessoribus haberetur. Benè ergo de eo omnes in commune senserunt, utpotè qui ubique cunctis amori fuerit, & honori. Undè resistendum talibus, quos malè crescere videmus.

Hormisda in epist. 70. quæ est ad Possessorem, in fine, ait, De Arbitrio tamèn libero, quod Roma, hoc est Catholica sequitur, & assuevit Ecclesia, licèt in varijs libris B. Augustini, & maxime ad Hilarium, & Prosperum possit cognosci: tamèn in scrijs Ecclesiasticis expressa Capitula continentur; quæ si tibi desunt, & necessaria creditis, destinabimus; quamquàm qui diligenter Apostoli dicta considerat, quid sequi debeat, euidenter cognoscat. Ex quibus duo habentur; & quòd doctrina hæc Augustini sit doctrina Romanæ Ecclesiæ, & quòd sit Apostoli doctrinæ conformis.

Ioannes 2. in epist. 3. inquit, Doctrinam S. Augustini in Ecclesia observari secundum Prædecessorum statuta.

Gelasius in Epist. 6. inquit, Augustinum, & Hieronymum esse lumina magistrorum.

Bonifacius 8. ut habetur in cap. unico de Reliquijs, & veneratione SS. in 6. statuit doctrinam, Sanctorum Augustini, Ambrosij, Gregorij, ac Hieronymi tenendam; quia, inquit, per eam fulcitur Ecclesia, & nodi difficultatum solvantur.

Ut autèm ad sæculum nostrum accedamus, Clemens Octauus, & Paulus Quintus, S. Augustini doctrinam sacramentatam custodiri mandarunt in controuersijs coram se discussis in materia de auxilijs diuinæ gratiæ inter Patres ordinis Prædicatorum, & Patres Societatis Iesu; nam eam

Hormisda.

Ioan. 2.

Gelasius 2.

Bonifac. 8.

Clemens 8.

Paulus 5.

utrisque præfixerunt indeclinabilem regulam, ut ex Sancti Augustini doctrina sua depromerent argumenta; utrique enim eam doctrinam se tenere profitebantur, quamquam in suis thesibus dissentirent. Et Pijssimi illi Pontifices 47. *Congregationibus* de hac materia coram se habitis patienter præfederunt; nempe Clemens 37. & Paulus 10.

Alexander 7.

Alexander 7. pluries S. Augustini doctrinam, in materia de gratia, & tutari, & commendare dignatus est. Primò cum damnatis *ab Innoc. X.* quinque Iansenij propositionibus, quidam Iansenistę conclamarent, Augustini doctrinam damnatam: Alexander sua Constitutione declaravit eas in sensu Iansenij fuisse damnatas. 2. cum in Breui ad facultatem Louaniensem directo, eam commendavit, quòd S. Augustinum in hac materia sequeretur. Idem fecerunt Clemens X. & feliciter regnans Innocentius XI.

Clemens 10.
Innocentius 17.

Alios ommitto Pontifices, qui transeunter tantum Augustinum, vel eius doctrinam commendarunt contra Pelagianorum hæreses; nempe Sixtum III. Leonem Magnum, Felicem IV. qui, ut infra dicam, canones 24. Aurificani 2. Concilij ex Augustini libris ei Concilio præformavit, & Bonifacius confirmavit. Pelagium 2. Gregorium Magnum, Martinum I. Leonem IV. Nicolaum I. Urbanum V. & Martinum V.

Sixt. 3.
Leo 1.
Felix 4.
Pelagius 2.
Greg. Mag.
Martin. 1.
Leo 4.
Nicolaus 1.
Urban. V.
Martin. V.

Concilia plura, tam Generalia, quam Nationalia omnium ferè nationum S. Augustini doctrinam de Gratia secuta sunt. Mileuitanum sub Innocentio 1. 60. *Episcoporum*, in quo fuit etiam Augustinus. Ephesinum Generale 4. sub Cœlestino 1. 200. *Episcoporum*, ad quod fuerat vocatus Augustin. ab Imperatore Theodosio magnifica illa

Concil. Mileuit.

Concil. Ephes.

5

illa epistola, qua cum, vt magnum totius orbis Magistrum, euocat; sed morte praeuentus est.

Concil. Rom. 70. *Episcoporum* sub Gelasio 1. Romanum 150. *Episcoporum* sub Martino I. Concil. Gallican. incerti loci, à quo Sancti Germanus, & Lupus missi sunt in Britanniam contra Pelagianos pro S. Augustini doctrina. Tolet. 8. Vaticanum 3. Lingonienſe, seu Tullenſe. Arausi- canum 2. in quo canones 24. de Gratia, & libero Arbitrio ex Augustini libris decerpti, statuti sunt, & à Felice IV. fuerant praemissi, & eo mortuo à Bonifacio IV. confirmati, vt ex notis illius Con- cilij in fine.

Tandem Concil. Trident. Gener. postremum, suos de Gratia, & libero Arbitrio canones, ac do- ctrinam in capitibus praëambulis comprehensam, ex doctrina, & verbis Augustini plerumque con- cinnauit, & aduersus hæreses tam nouas, quàm antiquas stabiliiuit.

Sancti Patres plures eam secuti sunt, vt S. Hie- ronymus, S. Paulinus Nolæ Episcopus, S. Possi- dius Episcop. Augustini contubernalis, S. Prosper Aquitanus, S. Hilarius Arelat. omnes eius contra- nei. Post istos S. Germanus Episcop. Antisidior. S. Lupus Episcop. Trecen. S. Fulgentius cum om- nibus Africæ Episcopis, S. Cesarius Episcop. Arelat. Sancti Auitus, & Addo Episcopi Viennenses, & alij omnes, qui in 6. *saeculo* contra Faustum, ac alios semipelagianos pugnarunt. Petrus Dia- conus, Cassiodorus, Facundus Episcop. Hermian. S. Iudorus Episc. Hispalen. S. Idelfonsus Episcop. Tolet. S. Amolo Archiepisc. Lugdunensis. S. Pru- dentius Episcop. Tricassinus contra Hincmarum Episc. Rhemenſem, S. Remigius Archiep. Lug- dun. Venerabilis Beda Præbiter Anglus, S. An- selmus

Concil.
Rom.
Concil.
Gallic.
Concil. To
lee
Concil. Va-
lent.
Concil. Lin-
gonienſe.
Concil.
Arausi. 2.

Concil.
Trid.

S. Hieron.
S. Paulin.
S. Possid.
S. Prosp.
S. Hilar.
S. German.
S. Lupus.
S. Fulgent.
Episcopi
Africani
S. Cesarius
S. Auitus
S. Addo
Petrus Dia-
con.
Cassiodo-
rus.
Facundus.
S. Iudorus.
S. Idelfon-
sus.
S. Amolo.
S. Pruden-
tius.

S. Remigius.
Beda.
S. Anselmus.
Alius S. Remigius.
Haimo.
Rupertus Abbas.
S. Bernardus Abbas.
Petrus Venerabilis.

Scholastici
Petrus Lombardus.
Albertus Magnus.
S. Thomas.
S. Bonaventura.

Egidius Rom. Columna.
Alexander Alensis
Gregorius Ariminensis.
Scotus
S. Vincentius Ferrerius.
S. Antoninus.
S. Thomas de Villanova.

Cardinales Baronius & Bellarm.
Perronius.
Vniuersitates.
Parisiensis.
Salmaticensis.
Louanien.
Duacensis.

selmus Archiepisc. Cantuar. & alij multi. Remigius Antifidiorensis, Haimo Albestradiensis, Rupertus Abbas, Petrus Venerabilis, S. Bernardus Abbas, qui vocat Augustinum *malleum hereticorum*, & *linguam totius Ecclesie*; qui omnes sequaces Augustini fuerunt ante Scholasticos.

Item Augustini doctrinam secuti sunt præcipui Scholastici. Petrus Lombardus Archiep. Parisien. qui quatuor sententiarum libros pro maiori parte ex Augustini scriptis, & sæpissimè verbis, concinnauit. Albertus Magnus, D. Thomas Doctor Angelicus, D. Bonaventura Doctor Seraphicus, Egidius Columna Archiep. Bituricensis Doctor Fundamentalis, Alexander Alensis dictus Doctor irrefragabilis, Ioannes Duns Scotus Doctor subtilis, Gregorius Ariminensis dictus Doctor Authenticus, S. Vincentius Ferrerius. S. Antoninus Archiepisc. Florent. S. Thomas de Villanova Archiep. Valentinus. Cardinales Baronius, Bellarminus, & Perronius: hi omnes S. Augustini doctrinam secuti sunt.

Tandem celebres multæ Vniuersitates S. Augustini doctrinam gloriantur se docere, ac propugnare, vt Parisiensis, Salmaticensis, Louanienfis, ac Duacensis. Religiones multæ, Dominicana, Franciscana, Augustiniana, & Carmelitana Discalceata, & Societas Iesuitarum pro maiori parte.

Hic ergo omnibus clarissimæ Ecclesiæ Sanctæ Luminibus illuminatus, S. Augustini doctrinam in his materijs, præsertim de Prædestinatione & Gratia (cuius libros Deo duce ferè omnes ad compendiosum indicem pro meo solatio reduxi) amplexus, sequar, & vt alij sequantur maiori, qua potero facilitate, insinuabo. Difficillima tamen,

quæ

7
quæ in his Augustinus, ipseque Apostolus non
declararunt, non tentabo, sed dicam, *hic si-
flendum*.

Religiones
Dominica
na, Franci-
scana Au-
gustiniana
Carmelita
na Discal-
ceata.

Scias tamen, amice Lector, quòd in his Opuscu-
lis citaui interdum pro Sancto Augustino libros
aliquos, qui post duodecim sæcula à morte S. Do-
ctoris negantur esse illius opera; & dicuntur esse
respectuè discipulorum S. Augustini; at conti-
nere doctrinas, Sancti Augustini menti confor-
mes: Eorum seriem mox referam. Fateor, benigne
Lector, me nolle contendere cum eiusmodi anti-
quitatis Censoribus, qui ei nituntur fundamen-
to, quòd de eis S. Doctor in suis Retractionum
libris, mentionem non fecerit, sicut de ceteris
fecit. Sed cum iuxta Apostoli documentum Rom. i.
14. *Sapientibus, & insipientibus debitor sim*, ratio-
nem reddam, cur eos pro S. Augustino citauerim,
eiusdemque libros esse crediderim, salua Moder-
norum Censorum pace, quibus detrachere non
intendo.

Notum ergo sit tibi, Lector, quòd ego cupiens
penitus S. Augustini mentem in suis doctrinis
percipere, eius opera in partes undecim, præter
Commentarium Psalmorum, in mea Basileensi
editione anni 1506. diuisa verbatim usque ad octa-
uam legi, studui, & in compendium alphabeticum
mea manu redegi; tres alias partes, & psalmo-
rum commentarium, licet percurrerim, tamen,
ob alias publicas occupationes, & visus debilita-
tem, non potui compendio restringere.

In hac autem lectura, ac studio vsus sum præfa-
ta

ta Basileensi editione in partes vndecim distributa: At in principio primæ partis adest epistola quædam commendatitia Fratris Conradi Leontorij Mulbrunnensis Cisterciensis Monachi, ex Postuino, & ex Cisterciensium Chronicis doctissimi, eo tempore florentis, in cuius calce hæc verba leguntur. *Hos libros, quos edidit (S. Augustinus) in partes ab impressoribus vndecim distinctos, quorum ducentos triginta duos in octo primis partibus ipse retractauit nominatim, & correxit, tibi Lector beneuole exhibemus, &c.* Nunc sic discuro. Libri, qui in prima parte huius Basileensis editionis summatim pro S. Augustino referuntur, & in partibus vndecim distribuuntur, inter quos sunt illi asserti dubij, numerantur trecentidecem, & octo, præter tractatus 124. in Euangelium Ioannis, ac tractatus decem in primam Epistolam Ioannis, & homilias 18. in Apocalipsim, quæ tria in parte nona continentur. Si ergo recipiendi sunt illi tantum, quos retractauit, & reperiuntur in primis octo partibus; reliqui omnes, qui in numero 232. non inueniuntur nec in primis octo partibus, non essent censendi libri, & opera S. Augustini; quod nemo audebit dicere: huius ergo Religiosi viri, gestorum S. Augustini peritissimi, attestationi, utpote antiquæ credidi, tamquam veraci, memor documenti Spiritus Sancti Ecclesiastici 8. 11. *Non te prætereant narratio seniorum: ipsi enim didicerunt à Patribus suis: quoniam ab ipsis discas intellectum, & in tempore necessitatis dare responsum.* Hic autem Religiosus Frater Conradus senior est, quia de anno 1506. viuebat, & scribebat. Ergo potui, & debui ei credere. At cum nullo Censore contendo.

9

*Libri, de quibus est questio, sunt infra scripti, &
hoc ordine in Basileensi anni 1506
editione dispositi.*

- 1 Liber 21. Sententiarum. in parte 3.
- 2 Liber de Ecclesiast. dogmatibus. in parte 10.
- 3 Liber de mirabilibus S. Scripturæ. in parte 10.
- 4 Liber de Prædestinatione, & Gratia. in par. 10.
- 5 Liber de Prædestinatione Dei. in parte 10.
- 6 Liber de Fide ad Petrum. in parte 10.
- 7 Liber de cognitione veræ vitæ. in parte 10.
- 8 Liber de Salutaribus documentis. in parte 10.
- 9 Liber de Spiritu, & anima. in parte 10.
- 10 Libri Hyppognosticon contra
Pelagianos. in parte 11.





OPVSCVLVM PRIMVM.

DE PRAEDESTINATIONE.

CAPVT PRIMVM.

De nomine, & significato Praedestinationis.

1.



Significa-
tum verbi
praedestino

Du. 1. quòd vocabulum hoc praedestino deriuatur à pra, quod significat ante, & destino, quòd significat, decerno, statuo, vel definio. Et sic actiue praedestinare, nil aliud significat, quàm praedecernere, seu praedefinire, aut pra-

statuere de faciendo aliquid in futuro tempore. In quo sensu Paulus Apostolus vtitur hoc verbo praedestino ad Rom. cap. 1. & 8. in 1. ad Cor. 1. 2. & ad Ephes. 1. 5. Et quamuis etiam homines possint multa sua negotia praedecernere, antequàm ea faciant; tamen apud eos in usu non est verbum hoc praedestino; sed apud Theologos tantum est in usu, cùm de Dei decretis ab eterno factis circa creaturas loquuntur.

2. Adu. 2. quòd attenta natura vocabuli praedestinationis significantis praefinitionem, seu praedeterminationem alicuius rei faciendae in futuro

tem-

tempore, oritur quæstio, an omnia decreta Dei de rebus faciendis circa creaturas, siue res sint bonæ, siue malæ malitia pœnæ, siue etiã malæ malitia culpæ procedentis à creatura, cum qua permissiue concurrat Deus (vt postea dicetur) dicenda sint prædestinationes; an verò illa sola decreta, quæ respiciunt bonum, siue supernaturale, siue naturale.

3. Adu. 3. quòd etiamsi prædestinatio accipiat, vt bona tantum supernaturalia rationalis creaturæ respicit, adhuc tamen alię quæstiones insurgunt: An scilicet respicit tantum gloriam, seu vitam æternam, ita quòd prædestinatio idem sit, ac electio ad gloriam ab æterno facta: an verò significet etiam media ad eam consequendam, vt sunt habitus supernaturales, seu bona opera, & auxilia gratiæ ad ea merita elicienda, ita quòd ad ista se extendat etiam prædestinatio.

4 Adu. 4. Quòd diuina prædestinatio de rebus faciendis quædam dici potest absoluta, quædam verò conditionis, seu ex suppositione (vt loquitur S. Augustinus infra adducendus.) Primi generis est illa, qua Deus, nulla supposita conditione creaturæ, decreuit ab æterno aliquid facere in tempore: v.g. decretum de creando Cœlos, terram, elementa, homines, animalia irrationalia, &c. Secundi generis sunt decreta illa de rebus faciendis supposita aliqua conditione creaturæ: v.g. supposita inobedientia Adami decreuit, eum esse mortalem, eijciendum è Paradiso; totum genus humanum naturali modo progenitum contracturum originale peccatum, incursum ignorantiã, concupiscentiam, cæteraq; incommoda, tam naturalia, quàm moralia: itẽm decretum incarnationis diuini Verbi, saltem in carne passibili, vt docet

Quæstio de
extensione
verbi præ-
destino.

An præde-
stinatio re-
spiciat so-
lam glo-
riam, an
aliud.

Prædesti-
natio, quæ-
dam ab-
soluta, quæ-
dam ex sup-
positione.

Barum e-
xempla.

Scotus ; vel absolutè , vt docet cum alijs Sanctus Thomas . De vtroque prædestinationum genere loquemur .

Prædesti-
natio signi-
ficat decre-
tum Dei de
bono in
creatura
rationali
faciendo .

5. Dico I. Vox *prædestinatio* in Sacra Scriptura omnium primò , ac principaliter significat aliquem diuinæ voluntatis actum , seu decretum , quo Deus statuit ab æterno bonum aliquid supernaturalè rationali creaturæ conferre .

De Chri-
sto verifica-
tur .

6. Prob. I. ex vsu , & praxi Sacræ Scripturæ , in qua omnis prædefinitio , ac prædeterminatio facta à Deo æternaliter de rebus futuris vocatur *prædestinatio* , & res prædefinita dicitur prædestinata . Primum exemplum sit de omnium maximo negotio , nempe de incarnatione filij Dei , ac de Christo ad filiationem Dei prædefinito ab æterno (siue antè , siue post præuisionem peccati Adæ , nunc parum refert , quia dicitur postea .) De eo inquit Paulus Rom. 14. *qui prædestinatus est filius Dei in virtute secundum Spiritum sanctificationis ex resurrectione mortuorum Iesu Christi* .

De sanctis,
& electis
verificatur

7. Secundus locus sumitur ex Rom. 8. 29. vbi de electione Sanctorum ab æterno à Deo facta (siue ante , vt teneo , siue post præuisa merita) sic habet ; *nàm quos præsciuit , & prædestinauit conformes fieri imaginis filij sui ; vt sit ipse primogenitus in multis fratribus* . Deindè Dei ordinem circa electorum , seu prædestinatorum regimen exponens , dicit , *Quos autèm prædestinauit , hos & vocauit , quos autèm vocauit , hos & iustificauit , quos autèm iustificauit , illos & glorificauit ?*

Alius locus
de præde-
stinatione
Incarnatio-
nis .

8. Tertius locus huius significati desumitur ex 1. Corint. 2. 7. vbi iterum loquens de mysterio Incarnationis , ineffabili Dei Sapientia patrandò , & ab æterno prædefinito , inquit . *Loquimur Dei sapientiam in mysterio , quæ abscondita est , quam præ-*

prædestinavit Deus antè sæcula in gloriam nostram; quam nemo Principum huius sæculi cognovit. Si enim cognovissent, numquàm Dominum gloriæ crucifixissent.

9. Quartus locus desumitur ex Ephe. 1. 5. vbi de electione Sanctorum ab æterno facta sic loquitur. *Benedictus Deus &c. Qui elegit nos in ipso (Christo) antè mundi constitutionem, ut essemus sancti, & immaculati in conspectu eius in Charitate; qui prædestinavit nos in adoptionem filiorum per Iesum Christum in ipsum, secundum propositum voluntatis suæ &c.* ergo ex Sacro textu habemus, quòd vox ista *prædestinatio* actiue sumpta significat actum diuinę voluntatis, quo ab æterno decreuit aliquid facere in tempore sibi beneplacito.

10. Et S. Augustinus vocat prædestinationem, non solum decretum diuinę voluntatis, quo Christum elegit ad filiationem, & redemptionem &c. ac electionem Sanctorum ad gloriam, & gratiam, seu media ad eam, ut passim patebit: sed etiam omne aliud Dei decretum de quolibet alio bono in tempore faciendo. Adducam aliquot exempla. In Euang. Ioann. tract. 105. & 6. explicans loca quędam Scripturę, in quibus legitur Deum fecisse aliqua, quę tunc temporis facta non erant, sed postea facta sunt, inquit ea intelligi de eternis decretis, quibus decreuit facienda, & appellat *prædestinationes*, sic. *Qui certis, & immutabilibus causis omnia futura prædestinavit, quod facturus est, fecit.* Item. *Illud prædestinandum erat, quod nondum erat, ut sic suo tempore fieret, quemadmodum antè omnia tempora prædestinatum erat, ut fieret.* Et explicans illud Saluatoris, *Pater clarifica me claritate, quam habui priusquam mundus fieret*, Augustinus dicit, *Clarifica me, sicut tunc, ita,*

Alius locus de electione Sanctorum.

Ex Augusti no omne decretum Dei eternum de aliquo faciendo dicitur prædestinatio.

Exempla ex S. Augustino.

Et nunc; sicut tunc prædestinatione, ita Et nunc perfectione. Fac in mundo, quod apud te fuerat ante mundum. Alia eius loca, quæ ad idem sunt, insequentibus conclusionibus adducam.

11. Dico 2. Hæc vox *prædestinatio* actiue sumpta secundum S. Augustinum significat omnia decreta diuinæ voluntatis, quibus ante mundi creationem, & ante omnia secula decreuit aliqua facere, siue spiritualia, ac supernaturalia, siue corporalia, ac naturalia.

12. Prob. 1. de spiritualibus, ac supernaturalibus, ex celebri illa definitione Augustini in lib. de bono Persener. cap. 14. *Prædestinatio est præparatio, Et præscientia beneficiorum Dei, quibus certissime liberantur, quicumque liberantur.* Et S. Fulgentius in lib. ad Monimum, ait; *Hæc autem omnia, idest, Et vocationis nostræ initia, Et iustificationis augmenta, Et glorificationis præmia, in prædestinatione Deus semper habuit, quia Et in vocatione, Et iustificatione, Et in glorificatione sanctorum gratiæ suæ opera futura præsciuit.* Et infra. *Quos prædestinavit ad gloriam prædestinavit ad iustitiam.*

13. Et certè nimis prolixum esset asserre omnia S. Augustini loca, quibus decreta diuinæ voluntatis de gloria danda electis, & de gratia, meritis, ac medijs pro consecutione illius, appellat prædestinationes: & ne longius vageretur curiosus lector ei sufficeret legere tres Augustini libros, nempe primum de *Prædestinatione sanctorum*; Secundum, qui ad hunc sequitur, sed inscribitur de *bono Persuerantia*; & alium paruulum quinque parua, sed succosa capita continentem, qui prætitulatur de *Prædestinatione Dei*. In his enim libris, inter cætera, totus est Sanctus Doctor in explicando,

Omnia decreta æterna diuinæ voluntatis sunt prædestinationes

S. August. dicta de prædestinatione. etiam ad gratiã &c.

Tres Augustini libri pro Prædestinationis significato legendi. & qui.

do, quòd, & quomodò Deus aliquos elegerit ad gloriam, & ad gratiam, seu merita, & media, ac ad perseuerantiam, quibus peruenitur ad gloriam; & has omnes voluntates, seu decreta semper vocat *prædestinationes*.

14. Prob. modò, quòd alia omnia decreta de rebus alijs faciendis appeller *Prædestinationes*. Ratio autem eius vniuersalis ea est, quia quæcunque Deus facit in tempore, siue se solo, siue cum creaturis, iam ab æterno decreuerat. Ita in lib. 6. de Gen. ad lit. c. 11. vbi loquens de Ezechia, ait, *id vtique faciens Deus, quod antè constitutionem mundi se facturum præsciebat, & in sua voluntate seruabat*: & in lib. 22. de Ciuit. Dei, c. 12. inquit, *Dicimus, fiet, si Deus voluerit: non quia Deus nouam voluntatem, quam non habuit, tunc habebit, sed quia, quod ex æternitate in eius immutabili præparatum est voluntate, tunc erit*. Si ergo ab æterno destinauit omnia, quæ in tempore facit, ac facturus est; omnia illa decreta, seu destinationes, meritò dicuntur *prædestinationes*. Et in lib. de bono perseuer. c. 17. ait, *In sua, quæ fallit, mutarique non potest præscientia, opera sua futura disponere, id omnino, nec aliud quidquam est, prædestinare*.

15. Immo decreta etiam damnationis impiorum ob præuisa eorum demerita, sæpius appellat *prædestinationes*, quia reuera sunt destinationes ab æterno sancire de rebus in tempore faciendis; vnde in quæst. 40. super lib. Iudic. ait, *inimici omnino pœnis gehennæ prædestinati sunt, ubi erit fletus, & stridor dentium*. In lib. de peccat. mor. c. 17. inquit, *siuè damnandi prædestinati sunt propter iniquitatem superbiæ*; & in lib. de Perfect. iustitiæ c. 13. ait, *In hominum genere, quod prædestinatum est*

Alia omnia decreta ex Augustino sunt prædestinationes.

Clara Augustini de hoc significato tota

Etiam decreta damnationis vocat prædestinationes.

Multa Au-
gustini di-
cta de hoc
significato.

est ad interitum, super hoc respexit Dei præscientia, protulitque sententiam. Alia plura suppetunt eiusmodi Augustini loca, ut lib. 21. de Ciuit. cap. 24. de reprobis inquit, qui licet in hac vita sint constituti, tamen prædestinati sunt in ignem æternum ire cum Diabolo. Et alibi sæpè: Tamen quia communiter Ecclesia vocem prædestinationis accipit in bonum, idest, quatenus significat electionem Sanctorum ad gloriam, & gratiam, & de hac sum locuturus, non curo alia loca adducere.

Ex Augu-
stino Præ-
destinatio
alligatio-
nis, & con-
ditionis.

16. Dico 3. ex S. Augustino Diuina Prædestinatio quædam est alligationis, & potentie; quædam verò conditionis, & iustitiæ: ita in lib. de Prædestinatione Dei cap. 1.

Sensus, &
mens cla-
ra Augusti-
ni prædesti-
nationis
alligatio-
nis, & po-
tentie.

17. Prob. & declaratur: S. Augustinus in præfatio capite hæc habet. In primis nefas est dicere, Deum aliquid, nisi bonum prædestinare. Sed prædestinationum aliæ sunt alligationis, aliæ conditionis: istæ sunt iustitiæ; illæ potentie. Declarat deinde utrasque sic. Creauit Deus Cælum, & Terram; Solem, & Lunam; diem, & noctem. Prædestinauit insuper, ut Cælum semper moueretur; Terra immobilis circumuoluenti Cælo, loco centri haberetur. Sol, & Luna diei, noctique præessent, dies, & nox certis temporibus vicissim præessent. Hæ prædestinationes potentie sunt, & alligationis; vnumquodque enim eorum, quæ prædiximus, sic alligatum est suo operi per prædestinationem, ut ab eo dimoueri non possit. Postea declarat prædestinationes iustitiæ, seu conditionis, sic. Creauit Deus hominem, & prædestinauit, ut si obediens esset, ac à gustu vetiti pomi se abstineret, in vita permaneret; sin autem inobediens esset, sententiam mortis subiret. Hæc prædestinatio conditionis est, & iustitiæ. Et rationem assignat, dicens, Non enim Deus antè casum homi-
nis

Prædesti-
natio con-
ditionis, &
iustitiæ.

nis sic eum per potentiam alligationis prædestinavit morti vt necesse esset eum mori; sed sub ea conditione, si peccaret: quia igitur peccauit; insilum erat, vt moreretur.

18. Itaque omnia illa decreta absoluta, quibus Deus ab æterno statuit aliqua futura, siue ab eo solo, ac immediatè, siue cum creaturarum, concursu facienda, in Augustini, & vera sententia, appellantur prædestinationes potentia, & alligationis: absolutè futura sunt ea, quæ decreta sunt: illa verò decreta, quæ Deus fecit ab æterno, supposita aliqua conditione ex parte creaturæ, quæ non fecisset, nisi conditio illa præuisa esset ponenda à creatura, dicuntur conditionis, quia ea, quæ statuta sunt per talia decreta supponunt eam conditionem. Priora dicuntur Potentia, quia à sola diuina Potentia, Deo sic volente, pendent; & dicuntur alligationis, quia absolutè nullo habito ad creaturam aliquam respectu futura sunt. Posteriora verò dicuntur conditionis, quia dependenter ab aliqua conditione statuta sunt: At nota, quòd ista quoque decreta, quæ facta sunt supposita conditione, immutabilia sunt, nam post conditionem alligata sunt.

19. Eiusmodi autem sunt prædestinationes, seu decreta, quibus statuta sunt mala omnia, quæ humano generi ex Adæ peccato acciderunt, vt mortalitas, eiectio è terrestri Paradiso, amissio originalis iustitiæ, ignorantia, concupiscentia, incursus originalis peccati, Cæli clausio; filij Dei incarnatio, saltèm in carne passibili, & cætera omnia, quæ supposito Adæ peccato acciderunt, quæ, eo non existente, non accidissent.

Hinc oriuntur postea difficillimæ quæstiones; An aliquorum, & non omnium hominum electio

Regula generalis talium decretorum.

Omnia mala quæ ex Adæ peccato acciderunt ex conditione decreta sunt, & aliqua bona.

Multi que
stiones or-
de de Præ-
destinatio-
ne condi-
tionis.

ad gloriam facta sit à Deo ex conditione peccati Adæ, quo non posito omnes fuissent electi. Secunda, An etiam supposito, vel non supposito Adæ peccato, electio ad gloriam facta sit ex conditione præuisorum meritorum, sicut reprobatio aliorum facta est ex conditione præuisorum demeritorum. Tertia, An electio, seu prædestinatio ad fidem, seu vocationem ad ultorum facta, sit ex suppositione, seu conditione consensus naturalis. Quarta, An prædestinatio, seu electio ad gratiam efficacem pro operibus meritorijs præcepti, aut consilij, aut etiam supererogationis facta sit ex suppositione, seu conditione, quod homines consentiant illuminationibus, ac inspirationibus sufficientibus: Et aliæ similes quæstiones, quæ tanto rumore, calore, ac labore, sine ullo fructu meo videri disputantur: etenim hæc omnia in Dei præscientia prædefinita, ac prædestinata sunt ab æterno. Sed disputatur solum à Theologis, an sint prædefinitiones, seu prædestinationes alligationis, an conditionis; si potentia, an iustitiæ: Quæ quidem Deo duce cum S. Augustino soluemus. Argumenta verò, quæ contra æternas istas prædestinationes militant, si acceptionem personarum, vel necessitatem imponent, in suis locis soluentur negatiue.

C A P. II.

An ab æterno facta sit prædestinatio aliquorum ad gloriam.

10. **A** Du. quod sicut Christus docuit Matth. 20. & 22. multi sunt vocati, pauci verò electi, & isti dicuntur, & sunt prædestinati ad glo-

Sensus quæ
siti.

gloriam, sic enim à Salvatore vocantur, vt ex toto textu Euangelico pater; ideò de istis electis, seu prædestinatis loquimur, quando facta fuit eorum electio, seu prædestinatio; num in tempore, puta in creatione mundi, vel ante, & ab æterno; supponitur autem de fide, quòd facta sit; nam Rom. 8. dicitur, *quos prædestinauit, hos & vocauit, quos vocauit, illos & iustificauit, quos autem iustificauit, illos & glorificauit*; & alibi sapè, vt infrà.

21. Adu. 2. quòd nunc quærimus de præcessione destinationis in ordine ad tempus, an scilicet, vt dixi, facta sit in tempore, vel ante omnia tempora, & ab æterno: postea loquemur de præcessione ad motiua, seu merita, & de præcessione eius ad alia decreta circa naturalia, ac supernaturalia creaturæ rationali conferenda. His positis

22. Dico, Prædestinatio, seu electio aliquorum; siue hominum, siue Angelorum ad gloriam, non in creatione mundi, vel alio tempore facta est, sed ab æterno.

23. Prob. I. ex Ephes. 1. 4. *Benedictus Deus, & Pater Domini nostri Iesu Christi &c. sicut elegit nos in ipso antè mundi constitutionem, vt essemus sancti, & immaculati in conspectu eius in Charitate. Qui prædestinauit nos in adoptionem filiorum per Iesum Christum secundum præscientiam voluntatis suæ &c.*

23. Neque huic textui repugnat assertum à Salvatore Matt. 25. 34. quòd in die iudicij dicer electis, *Venite benedicti Patris mei, Possidete paratum vobis regnum ab origine mundi*, quasi præparatio, seu prædestinatio, ac electio Sanctorum, facta sit, quo tempore factus est mundus, nam, respondetur, quòd textus Arabicus legit *antè constitutionem mundi*. Et Apostolus Paulus à Spiritu Sancto edoctus de Euangelio, vt ipsemet dicit

Prædestinatio ad gloriam ab ætèrno facta.

Ex Sacra Scriptura.

Responsio ad tacitam obiectionem.

Gal. 1. 12. non dixisset ante mundi constitutionem, nisi sic legendum esset Christi dictum Matt. 20. ideòque Sancti Patres, & Ecclesiæ Doctores, ceterique Theologi hoc modo legunt, & intelligunt.

S. August.

25. S. August. in eum locum ad Ephes. ut glosa quoque notavit, inquit. *Quomodo enim eligeret eos, qui nondum erant, nisi prædestinando; elegit ergo prædestinando nos.* Idem dicit in tract. 68. in Ioan. & nunc habetur etiam in can. In Domo 11. De Pæn. dist. 4. *mansiones multæ comparatæ sunt in prædestinatione, sicut ait Apostolus, elegit nos ante mundi constitutionem prædestinando; parando autem in operatione.*

S. Ioan. Chrysost.

26. S. Ioannes Chrysostomus hom. 34. in Gen. ait, *Vide bonitatis Dei excellentiam, quanta erga nostrum genus misericordia usus sit, ut ante iacta fundamenta mundi nobis regni Cælorum fruitionem parare dignatus sit.* Et in hom. 1. in Epist. ad Titum, inquit, *ostenditur ex his nobilitas nostra, quod non nuper, sed olim, atque ab ipsis initijs dilecti sumus*

S. Hieron.

27. S. Hieron. in citatum Matt. locum, ab origine mundi, ait, *Hoc iuxta præscientiam Dei accipiendum, apud quem futura iam facta sunt: & in locum cit. ad Ephes. c. 1. inquit. Quod autem electos nos, ut essemus sancti, & immaculati coram ipso, hoc est Deo, ante fabricam, mundi testatus est, ad præscientiam Dei pertinet, cui omnia futura, & antequàm fiant uniuersa sunt nota.* Et in alio Commentario eiusdem Epist. & capituli dicit, *elegit nos ante mundi constitutionem, quia nihil nouum est ei, apud quem omnia erant, antequàm fierent.* Et ut occurrat Origenistis, subdit, *Non ut quidam Hæretici putant, animas ante in Cælo fuisse creatas. Quasi dicat, omnia ab æterno decreta fuisse, ut essent,*

Ante mundum ab æterno facta est prædestinatio.

essent, non verò facta fuisse ex tunc.

28. Theodoretus in cit. locum ad Ephes. ait, sicut, elegit nos in ipso antè mundi constitutionem; ab initio enim antè constitutionem mundi ea quæ ad nos pertinebant, præsciuit, & præfiniuit. Docet etiam quam de causa elegerit, scilicet, ut essemus sancti, & immaculati in conspectu eius. Et quomodo elegit eos, qui nondum nati erant? in Charitate qui prædestinavit in adoptionem filiorum per Iesum Christum in ipsum, &c.

Theodore
tus.

29. S. Bernardus serm. 2. de Cantico Ezzechiæ, ait. Generatio cælestis est æterna prædestinatio, qua Deus prauidit eos conformes fieri imaginis filij sui, ex his nullus in peccato perseuerat; quia nouit Dominus, qui sunt eius, & propositum Dei manet immobile. Et serm. 78. in Cantic. inquit, Tria esse quædam, quæ sibi vendicat author Deus, præuenitque in illis omnes auxiliores, & cooperatores suos; Prædestinationem, creationem, & inspirationem. Quorum prædestinatio, non dico ab exortu Ecclesiæ, sed nec à mundi principio quidem principium habuit, non denique à tempore illo, vel illo, sed antè tempora est. Porro creatio cum tempore, inspiratio iam in tempore fit, ubi, & quando vult Deus. Sanè secundum prædestinationem numquam Ecclesia electorum penes Deum non fuit.

S. Bernar-
dus.

30. Confirm. ex Act. Apost. c. 13. 48. vbi habetur, quòd Antiochiæ Pisidiæ prædicante Paulo, crediderunt quotquot erant præordinati ad vitam æternam. Omnes autem interpretes intelligunt de æterna præordinatione, seu prædestinatione.

Ex Act. A-
post.

31. Præterea ex perfectione cognitionis diuinæ, nam ex psal. 138. habetur. Ecce tu Domine cognouisti omnia nouissima, & antiqua, inter nouissima sunt electi, & prædestinati, qui Deo fruuntur, ideo

Argum. ex
perfectio-
ne Dei,

ait

ait Apostolus, *novit Dominus, qui sunt eius*. At non posset eos ab æterno noscere tales, nisi ex tunc tales destinasset.

Argum. ex
generali
doctrina
decretorū
Dei ex Au-
gust.

32. Prob. insuper ex generali doctrina decretorum omnium Dei de faciendis circa creaturas, quæ, ut ex tract. de Voluntate Dei suppono, ab æterno omnia facta sunt. Vnde Augustinus in Ioan. tract. 105. ait, *Qui certis, & immutabilibus causis omnia futura prædestinavit, quod factururus est fecit*. Et explicans illud Christi dictum, *Clarifica nunc me Pater Claritate, quam habui priusquam mundus fieret*, dicit; *ad quid hoc valet, quod ait, & nunc clarifica me, sicut tunc, ita & nunc; sicut tunc prædestinatione, ita & nunc perfectione, & in mundo, quod idem apud te fuerat antè mundum, fac in tuo tempore, quod ante omnia tempora statuisti*. Alia loca ommitto. Concors enim est Patrū, ac Theologorum sententia; quod omnia, quæ facit, ac faciet Deus in tempore, ab æterno decrevit ea facere, sed pro tali tempore.

Communis
est hæc do-
ctrina.

Nec putonecessarium alios adducere D. D. pro hoc puncto, quod prædestinatio aliquorum ad gloriam ab æterno sit facta: Omnes enim Scholastici, ut S. Thomas, S. Bonau. Alensis, Scotus; & postea moderni omnes eam docuerunt duce S. Augustino; neque de hoc est difficultas, sed de alijs mox discutiendis: ideo sit

C A P V T III.

An etiam ab æterno facta sit prædestinatio aliquorum ad gratiam.

33. **A** Du. 1. quod licet ex duobus præcedentibus capitibus colligi possit affirmati-
ua

ua solutio huius quæſiti ex generali principio , quòd omnia decreta Dei de rebus faciendis in tempore, facta fuerint ab æterno, ſed exequenda in tali tempore: nihilominus pro clariori noticia harum prædeſtinationum de rebus humanam, vel Angelicam libertatem concernentibus , opere prætium exiſtimaui, diſtinctè, ac ſpecialiter de eis loqui .

34. Adu.2. quòd licet nomine gratiæ intelligatur quodcumque bonum , ſeu beneficium, ſiue naturale , ſiue ſupernaturale gratis , & ſine intuitu meriti conſeſſum homini, vel Angelo à benignitate, ac liberalitate Dei ; tamen hic non loquor de gratia ſic generaliter ſumpta, ſed de gratia, & gratijs ſupernaturalibus , quas Deus conferre dignatur hominibus , quæ vel ſunt media ad vitam æternam, vel ſunt ipſam vitam æternam, quæ, vt poſtea dicam, dicitur *gratia pro gratia* .

35. Adu.3. quòd vocabulum hoc *gratia*, vt eſt commune ad omnia dona ſupernaturalia, ſiue habitualia, ſiue actualia, quæ à Deo creaturæ rationali conferuntur, ſic poſſet definiri, eſt *Donum Dei gratis datum creaturæ rationali diſponens eam ad æternam beatitudinem, & adeptio ipſiusmet beatitudinis* . Et ſic ſub iſto vocabulo *Gratia* , continentur habitus Theologici, Fides, Spes, & Charitas , ipſaque habitualis Gratia ſanctificans, ſi ponatur diſtincta à Charitate : ſub eodem continentur ſeptem dona Spiritus Sancti ; nouem gratiæ gratis datæ ; octo beatitudines, continentur quoque lumen gloriæ, ipſaque Dei viſio , ac fructio : itèm quatuor corporis beatitudines , impaſſibilitas, ſplendor, ſubtilitas, & agilitas . Sub eo continentur virtutes morales, ſi ponantur inſuſæ; itèm donum contemplationis inſuſæ , immò & acquiſitæ ,

Ratio cu
ſpecialite
de hac re
loquitur
Authos .

Gratiæ no
men Vni
uerſale,
quid ſign
ficat.

De qua gra
tia eſt hic
ſermo .

Definitio
Gratiæ, vt
communis
ad omnia
dona ſuper
naturalia .

Omnia ſu
pernatura
lia collata
creaturæ
ſunt gra
tiæ .

fitæ, ac etiam meditationis, cæterarumque deuotionum, ac vnionum cum Deo species; & tandem sub eo vocabulo tamquàm præcipuum analogatum, de quo tanta fuit cum Pelagianis, ac Cælestianis, Augustini disputatio, continentur omnia diuina auxilia, quæ necessaria sunt homini ad benè, aut meritoriè operandum in ordine ad salutem; quæ ratione effectuum diuersis nominibus appellantur; nempe illuminationes respectu intellectus, & inspirationes respectu voluntatis; vocationes, excitationes; auxilia, adiuuantia; sufficientia; & efficacia ad meritoriè operandum, ac vsque in finem perseuerandum. De quibus singillatim erit sermo in proprijs locis. De his ergo omnibus gratiarum generibus, quæ à Deo hominibus conferuntur, nunc est sermo, an scilicet de his omnibus respectinè dandis factæ iam fuerint prædestinationes ab æterno.

36. Adu. quòd tam circa prædestinationes ad gloriam, quàm circa prædestinationes ad præfatas gratias occurrunt multæ graues, ac inextricabiles difficultates, nempe an factæ sint cum, vel sine præuisione meritorum: et si sine, quomodo non detur acceptio personarum, quæ cum fide Catholica in Deo non est admittenda. Si autem cum præuisione meritorum, quomodo saluatur ratio gratiæ, quæ si datur ex meritis, vt ait Apostolus, non est gratia. Secunda difficultas, quomodo saluatur libertas, cum prædestinationes istæ factæ sint ab æterno, & Dei decreta non possint frustrari; & propterea, quomodo voluntas remaneat libera, si nequeat resistere Dei voluntati, & facere contrarium eius, quod prædestinauit Deus. Tertia difficultas, circa gratias actuales, & opera meritoria. etiam si diceretur, quòd ex præuisione

ne

Omnia auxilia actua-
lia.

Diuerſa auxiliorum nomina,

Difficultates multe, quæ occurrunt in his prædestinationibus ad gratias,

ne condicionata consensus hominis ad auxilium offerendum tempore congruo, Deus decreuerit, seu prædestinauerit dare efficax auxilium, quomodò saluatur libertas hominis, qui in tempore, hic, & nunc vult operari; si decretum illud iam ab æterno factum nequit mutari, aut frustrari. Hæ, ac similes difficultates, quæ omnium Theologorum, ipsiusque Augustini torserunt ingenia, in proprijs capitibus distinctè, & pro viribus, S. Augustino Duce, discutientur; & si non ad sufficientiam, tamen ad sobrietatem captiuando intellectum ad obsequium fidei.

37. Dico ergo, omnium præfatarum, & aliarum similium gratiarum prædestinationes pro creaturis, quibus conferuntur, ab æterno factæ sunt.

38. Prob. generali ratione, vt in præcedenti capite; omnia agibilia à Deo siue à se solo, ac immediatè, siue cum creaturæ cooperatione ab æterno destinata, decreta, & definita sunt; ergo, cum collationes harum gratiarum sint potiora, imò potissima Dei agibilia, non in tempore, sed ab æterno decreta, & destinata sunt. Anteced. pluribus medijs probatur à S. August. *1. ex lib. 10. de Cinit. c. 12. quæ futura sunt tempora, iam in conspectu Dei facta sunt. In lib. 11. c. 21. de diuina rerum scientia multa dicit, præsertim hæc. Dum Deus vidit, quia bonum est; quod nisi vidisset antequàm fieret, non vtiqùe fieret: docet bonum esse, non discit. Hoc dicit contra Platonem; & infra ait. Non more nostro Deus quod futurum est prospicit, vel quod præsens est aspicit, vel quod præteritum est respicit, sed alio modo à nostrarum cogitationum consuetudine longè, altèque diuerso. Ille quippè non ex hoc in illud cogitatione mutata; sed omninò immutabiliter*

D

videt,

Omnes in proprijs locis discutientur.

Omnium gratiarum prædestinationes ab æterno factæ.

Ex S. August.



Multa S.
August. lo-
ca ad idē.

videt; ita ut in illa quidem, quæ temporaliter sunt, & futura non sunt, & præsentia iam sunt, & præterita iam non sunt: ipse verò hæc omnia stabili, ac sempiterna præsentia comprehendit; nec aliter nunc, aliter antea, aliter postea; quoniam non sicut nostra, ita quoque eius scientia trium temporum, præsentis, præteriti, vel futuri varietate mutatur. Nequē enim eius intentio de cogitatione in cogitationem transit: in cuius incorporeo intuitu simul adsunt cuncta, quæ novit. Si igitur ab æterno Deus cognoscit quæ futura sunt in tempore; cum hæc scientia futurorum sit visionis, & futura ista ab ipsomet Deo facienda sint, ab ipsomet habent determinationem, cum à numero possibilium secernuntur, & in numero futurorum ponuntur; & proinde si ab æterno prævisa; ab æterno quoque, immò in aliquo antecedenti rationis signo (ut in suo loco dicam) decreta, ac definita, & sic antè tempus decreta, ac prædestinata sunt.

39. Prob. 2. etiā de ijs gratuitis, ac supernaturalibus, quæ à Deo, concurrente creatura, fiunt (de quibus fortasse est difficultas) v. g. consensus in vocatione alicuius ad fidem; quælibet operatio meritoria, siue præcepti, siue consilij, siue supererogationis; perseverantia finalis in statu gratiæ; dico; quòd cum hæc omnia fieri non possint sine Dei gratia, & adiutorio (ut postea probabo) dico inquam, quòd de his omnibus gratijs, & adiutorijs, iam ab æterno factæ sunt prædestinationes. Nam siue dicatur, quòd decreto absoluto, & sequente scientiam simplicis intelligentiæ Deus statuit gloriam, & media ad eam, nempe merita ex donis gratiæ elicienda dare aliquibus, & per consequens perseverantiam usque in finem; vel ut alij volunt, Deus ex scientia

In omni
sententia
prædestina-
tiones ad
omnes gra-
tias factæ
sunt ab æ-
terno.

con-

conditionata meritorum elegerit aliquos ad gloriam, & ex eadem scientia consensus ad illuminationes, & inspirationes dandas eisdem in temporibus congruis statuit, ac decreuit dare gratiā ad talem cōsensum; semper sequitur, quod decreta illa, ac prædefinitiones diuinæ voluntatis alterutro modo factę, ab æterno factę sint. Et consequenter prædestinata, prædecretæ, ac prædefinitæ sint omnes istæ gratiarum collectiones: quæ autem scientia præcedente factæ sint istæ prædestinationes gratiarum, dicam postea.

40. Prob. vltcrius ex S. August. lib. de bono Persener. cap. 19. *Quæ dantur à Deo, & ea se daturum præsciuit, profectò prædestinavit.* Sed non solum gloria, verum etiam gratia, & omne genus gratiæ à Deo datur; quia dicitur, *gratiam, & gloriam dabit Dominus psal. 83.* Et Paulus plusquam centies docet, à Deo conferri creaturis rationalibus omnia gratiarum genera: Igitur præsciuit, se daturum; at non poterat præscire, nisi prædecreuisset, seu prædestinasset facere. Et in cap. 23. eiusdem libri, inquit. *Hæc igitur, quæ poscit à Domino, & semper ex quo esse capit Ecclesia, ista Deus vocatis suis daturum se esse præsciuit, & in ipsa prædestinatione iam dederat.* Et post, ille itaque dicat, *Ecclesiam aliquandò in fide sua non habuisse veritatem prædestinationis huius, & gratiæ, qui dicere audet aliquandò non orasse, vel non veraciter orasse, siue, vt crederent infideles, siue vt persenerarent fideles.* Et tract. 104. in Ioan. inquit, *Quicumque ergo in Dei prouidentissima dispositione præsciti, prædestinati, vocati, iustificati, & glorificati sunt, non dico etiam nondum renati, sed etiam nondum nati, iam filij Dei sunt, &c.* Et S. Fulgentius in lib. 3. ad Monimum, dicit, *Hæc autem omnia, idest, &*

Ex S. Aug.
aliud argu-
m.

Alia S. Aug.
guft. arg.

vocationis nostræ initia, & iustificationis argumen-
ta, & glorificationis præmia in prædestinatione sem-
per Deus habuit: quia & in vocatione, & iustificatio-
ne, & glorificatione Sanctorum gratiæ suæ opera
futura præsciuit. Clariùs autem in lib. de Verit.
predest. & grat., sic loquitur. Omnes prædestinati
sic vocantur, ut iustificentur: sic iustificantur, ut
glorificentur. Ac per hoc prædestinavit quos voluit,
& ad opera bona, & ad præmia sempiterna; prædes-
tinavit ad vitam bonam, prædestinavit ad vitam eter-
nam; prædestinavit ad fidem; prædestinavit ad spem;
prædestinavit adoptando in sæculo; prædestinavit glo-
rificando in regno, &c.

41. Et tandem in eodem lib. 3. docet nullum
Christianum posse dubitare, quòd Deus ad om-
nia beneficiorum, seu gratiarum genera, quos
voluit ab eterno prædestinavit, apertis hisce ver-
bis. Quos filios Dei secundum veræ fidei regulam
sanctarum scripturarum autoritate firmatam, non
solum ad præmium glorificationis, sed etiam ad gra-
tiam iustificationis, nec solum ad eternam beatitudi-
nem, quæ non mutatur, verum etiam ad fidem, quæ
per Charitatem operatur; neque ad æterna tantum
præmia, sed etiam ad bona merita gratuita bonitate
Dei antè mundi constitutionem in Christo prædestina-
tos, & huius prædestinationis beneficio secundum
propositum vocatos, & iustificatos, nullus ambigere
debet Christianus.

42. Concludendum ergo, quòd omnia be-
neficia spiritualia, ac supernaturalia, quæ nomi-
ne gratiarum veniunt, & creaturis rationalibus
à Deo in tempore conferuntur, & conferuntur in
æternum, iam sunt à Deo prædecreta, & præde-
terminata, seu prædestinata, ponenda tamen in-
executione pro determinato tempore. At quid di-

Clariùs se
pè id do-
cet S. Aug.

Evidenti-
mè constat

Generalis
conclusio,
quòd om-
nia dona
gratiæ ab
eterno sūt
prædestina-
ta.

co beneficia spiritalia, ac supernaturalia tantum; dicendum generaliter, omnia naturalia quoque, atque corporalia, quæ Deus omni creaturæ largitur, vt animarum, & corporum productiones, Cælorum motus, elementorum, ac mixtorum generationes, & alterationes; vnico finiam verbo concursus diuinæ potentiæ ad omnia creaturarum opera. Hæc inquam omnia Deus præscit certò futura, quia ipse prædecreuit, & prædestinavit facere: et sic prædestinata iam ab æterno fuisse confiteri debemus.

43. Duo in hac materia occurrunt difficultatum genera. Vnum respectu creaturæ liberæ, an, & quomodo ei non præiudicent istæ ab æterno factæ prædestinationes. 2. An, & quomodo Deus non possit aliquod nouum decretum facere, & mutare quod decreuit. A secunda incipiam, quia dignior est: Ideò sit

C A P. I V.

An prædestinationes istæ præiudicent diuinæ libertatis & potentiæ.

44. **A** Du. rationem dubitandi, hanc esse; quia si ab æterno Deus prædefiniuit, seu prædestinavit omnia, quæ facturum est; duo præiudicia videntur consequi; vnum respectu Omnipotentię, quia non posset alia facere ultra ea, quæ facere decreuit. Secundum præiudicium est respectu libertatis diuinę; quia si iam decreuit facere omnia, quæ facit, ac facturum est; non posset circa ea variare; & sic non haberet liberum dominium suorum actuum, neque creaturarum. Hoc ergo videndum quomodo suppositis hisce præ-

Ratio dubitandi, quæ.

Saluanda. Dei omnipotentia, & libertas.

prædestinationibus rerum omnium in quolibet ordine futurarum, saluetur Dei omnipotentia, ac libertas in operando, si nec alia, nec aliter facere potest.

45. Adu. 2. ex tract. de immutabilitate Dei, quod de fide est, Deum esse immutabilem quoad esse, & quoad operari. Nam Malach. 1.6. dicitur, *ego Deus, & non mutor*; & Iacobi 1.17. *Apud quem non est transmutatio, nec necessitudinis obumbratio*; & psal. 32. *Consilium Domini in æternum manet. Cogitationes cordis eius in generationem, & generationem*. Et Rom. 9. 11. de Iacob, & Esau dicitur, *cum enim nondum nati fuissent, aut aliquid boni egissent, aut mali (ut secundum electionem Dei propositum maneret, &c.) idest non mutaretur*. Et alia similia, suppetunt S. Scripturæ loca, in quibus de immutabilitate Dei, ac decretorum, & dictorum eius fit mentio. Et tamen aliqua sunt loca, in quibus videtur, Deum mutasse sententiam, v. g. Gen. 6. *cum videret Deus, quod cuncta cogitatio hominis prona esset ad malum, & quod omnis caro corruperat viam suam super terram, dixit, pœnitet me fecisse hominem*; & Ione 3. ubi Deus per hunc Prophetam prædicit, *adhuc quadraginta dies, & Ninive subuertetur*; & tamen ijs transactis, Ninive non fuit subuersa, sed ei pepercit Deus, quoniam totus populus egit pœnitentiam. Et Saluator dicit Matt. 11. 23. *Si in Sodomis factæ fuissent virtutes, quæ in te, (Capharnaum) fortè mansissent usque in hanc diem*. Idem dicit de Tyro, & Sydone; & sic, quasi si potuerit Deus mutare decretum, sequitur, quod prædestinationes non sint immutabiles: et proindè non esse admittendum factas ab æterno. Hęc ergo soluenda est difficultas.

46. Adu. 3. ex tract. de voluntate Dei, quod
Deus

Deus immutabilis omnino.

Quædam loca, quæ mutationem sonant declaranda.

Deus est summè liber; nam in psal. 134. habetur, *Deus omnia quaecumque voluit, fecit in Cælo, & in Terra, in mari, & in omnibus abyssis.* Et Paulus ad Rom. 8 *Cuius vult miseretur, & quem vult indurat.* Et ex epist. Iacobi 1. *Voluntariè genuit, non verbo veritatis.* Et tandem Exodi, 33. 19. *Miserebor cui voluero, & clemens ero, in quem mihi placebit.* Immò Dei libertas in operando ad extra est origo, radix, & prototypus omnis libertatis humane, vnde Macarius in homil. 15. in hoc potissimè asserit consistere imaginem Dei in homine, inquit, *Hominem eo ipso ad imaginem Dei esse factum, quòd sit liber, ac sui iuris: quoniam vt Deus liberi est arbitrij, & quod vult facit; sic & tu liber es arbitrij, &c.* Nequè vllus Catholicus, aliusue mentis compos, qui sacras litteras libauerit, hanc summam libertatis perfectionem à Deo auferre somniauit. Hoc autè stante; si prædestinationes æternæ sunt, cum immutabiles defendantur, libertas diuinæ voluntatis non saluatur, quia Deus non videretur remanere liber ad faciendum oppositum eius, quod prædestinauit; Hęc difficultas soluenda est, si prædestinationes defenduntur, sicut defendi debent.

47. Adu. 4. ex tract. de omnipotentia Dei, quòd inter primarias Dei perfectiones respicientes terminum ad extra, est *Omnipotentia*. Ipsemet Deus de seipso eam sepè testificatur, prima vice Gen. 17. 1. dicens Abrahæ, *ego Deus Omnipotens*. Idem replicat Gen. 33. 11. & in sacro textu per 74. vices *Omnipotens* prædicatur. Ideò in symbolo Apost. primo loco ponitur huius diuinæ proprietatis articulus. *Credo in vnum Deum Patrem Omnipotentem.* Et S. Augustinus serm. 139. de Temp. c. 2. ait, *non dico da mihi Christianum, da mihi Iudæum;*
sed

Alia difficultas de libertate Dei.

Imago Dei in homine valde per libertatem exprimitur.

Dei omnipotentia magna eius perfectio.

sed da mihi paganum, idolorum cultorem, demonum seruum, qui non dicat Deum esse omnipotentem: negare Christum potest, negare Deum omnipotentem non potest. Hoc autem stante, videndum quomodo suppositis prædestinationibus æternis omnium à Deo agendorum, saluetur omnipotentia, cum nequeat ea non facere, vel alia noua, aut eis contraria facere. Ideò

48. Dico 1. Prædestinationes rerum futurarum à Deo ab æterno factæ, immutabilitati Dei in operando non præiudicant.

49. Prob. ex supra cit. loco psal. 32. *Consilium autem Domini in æternum manet; cogitationes cordis eius in generationem, & generationem.* Incerl. quæ est Hieronymi, Ver. *Consilium in æternum*, dicit, nullo tempore dissoluitur, & Ver. *cogitationes*, dicit, *cogitationes sapientiæ eius non sunt mutabiles.* Glo. ord. *cogitationes*, dicit, idest prædestinatio, in qua omnia reposita sunt, quæ sic permanent, sicut præuisa sunt.

50. S. August. in secunda explicatione psal. 32. dicit, *Vnde igitur consilium Domini manet in æternum, nisi de nobis antè præsciuit, & prædestinauit? Quis tollit prædestinationem Dei antè mundi constitutionem? Vidit nos, fecit nos, emendauit nos, misit ad nos, redemit nos: hoc eius consilium manet in æternum. Hæc cogitatio manet in sæcula sæculorum.*

51. Idem S. Doctor sæpè de immutabilitate consiliorum, seu decretorum Dei loquitur, præsertim in lib. 93. qq. quæst. 53. & in lib. 2. ad Simplic. q. 2. ubi docet, quòd in præsciente omnia, ut est Deus, mutatio decretorum per poenitentiam eorum esse non potest; & declarat, quid sit Deum poenitere de aliquo suo facto, estque responsio ad dubium secundi notabilis. Sic autem ait.

Cum

Ab omni-
bus credi-
tur.

Prædesti-
nationes
non præiu-
dicant im-
mutabilita-
ti Dei in
operando.

Ex S. Scri-
ptura.

Ex S. Aug.

Quid sit
Deum po-
nitere de
aliqua re.

Cum legimus etiam Dominum dicentem, *Pœnitete me, consideremus, quid esse soleat. In hominibus opus pœnitendi est, protuldubio, cum reperitur voluntas mutandi, &c. auferamus hæc à Deo, & videamus, qua regula intelligatur pœnitere Deum. Cum enim pœnitere dicitur, vult non esse aliquid, sicut fecerat, vt esset. Sed tamen, & cum ita esset, ita debebat; & cum ita esse iam non finitur, iam non debebat ita esse, perpetuo quodam, & tranquillo æquitatis iudicio, quo Deus cuncta mutabilia incommutabili voluntate disponit. Sunt ergo stabiles, & immutabiles Dei prædestinationes circa creatura, quia Deus ab æterno decreuit aliqua pro tali tempore mansura, & pro alio desitura; & istæ sunt illæ prædestinationes, quas S. August. in lib. de Prædest. Dei cap. 1. vocat prædestinationes conditionis, ac iustitiæ; sed de hoc argumento in calce huius capituli iterum loquar.*

52. Dico 2. Prædestinationes rerum factæ à Deo ab æterno non præiudicant Omnipotentie Dei.

53. Prob. multa Deus facere non potest, quæ tamen impotentiam in eo non arguunt; ergo licet facere non possit contraria eorum, quæ iam ab æterno prædestinata sunt, non propterea impotens absolutè dicendus est. Antec. prob. Deus non potest se destruere, aut mori: non potest mentiri, non potest facere, vt quæ facta sunt, aut præterierunt, facta non sint, aut non præterierint. Vnde Hugo de S. Viç. par. 1. de Sacramentis; de Sac. Fidei c. 22. ait summè potens est, qui potest omne, quod possibile est; nec idè minus potens est, si impossibilia non facit, quia impossibilia posse, non est posse, sed non posse. Itaque omnia potest Deus, quæ posse potentia est. Consequ. prima prob. quia im-

Prædestinationes non præiudicant omnipotentie Dei.

Multa non potest facere Deus, & tamen omnipotens est.

Hugo de S. Viç.

possibile est Deum mutari; quod quidem eueniret, si posset post decretum iam factum contrarium ponere.

S. Ambros.

Multa impossibilia genera.

54. S. Ambrosius in lib. 4. de fide c. 3. inquit, multa sunt impossibilitatum genera. Est aliquid natura impossibile, & est aliquid possibile per naturam, sed impossibile per infirmitatem. Est etiam tertium, quod est possibile per corporis, & animi firmitatem, impossibile per imperitiam, aut impotentiam. Est etiam, quod per definitionem, immutabilis propositi, & constantis perseuerantiæ voluntatis, atque amicitie fidem sit impossibile mutari.

cap. 6. I.

Cur aliqua sunt Deo impossibilia.

55. Hoc quartum impossibile Deo in hac materia conuenit, ratione constantis, & immutabilis propositi. De quo loquitur expressè Apostolus Rom. 4. 5. *Secundum propositum gratiæ Dei*, & cap. 8. 28. *diligentibus Deum omnia cooperantur in bonum, his, qui secundum propositum vocati sunt sancti*. Et cap. 9. 11. loquens de Iacob, & Elau, inquit, *ut secundum electionem propositum Dei maneret*, &c. omnes enim S. Scripturæ interpretes Dei electiones firmas manere ex Dei immutabili proposito docent, quia *Dei consilium in æternum manet*, & *cogitationes cordis eius in generationem*, & *generationem psal. 32.* esset autem repugnans prudentissimo, & constantissimo Dei proposito, seu consilio illud mutare; & propterea impossibile, sicut impossibile est Deo promittere, & non exequi. Istæ autem impossibilitates non præiudicant omnipotentie, quæ tendit ad possibilia, & condecencia sanctitatem, ac dignitatem Dei.

Argum. 2
paritate
impeccabi-
litis.

56. Conf. Ex hoc, quod Deus peccare non potest; nullum infertur præiudicium omnipotentie Dei, ergo neque ex hoc, quod nequeat præde-
fini-

finitiones, seu prædestinationes futurorum mutare. Vnde S. August. *serm. 109. de tempore*, inquit, *Iam ego dico quanta Deus non possit. Non potest mori, non potest peccare, non potest mentiri, non potest falli. Tanta non potest, quæ si posset, non esset omnipotens.*

Ex S. Aug.

57. S. Ambros. *in lib. num. ad Cromat. de ijs*, quæ sunt impossibilia Deo ratione dignitatis ait. *Numquid nam mentitur Deus? sed non mentitur, quia est impossibile mentiri Deum. Impossibile autem istud numquid infirmitatis est? non utique. Nam quomodo omnia potest, si aliquid efficere non potest? Quid ergo ei impossibile? illud utique, quod eius naturæ contrarium est, non quod virtuti arduum. Impossibile est ei mentiri, & impossibile istud non infirmitatis est, sed virtutis, & maiestatis, quia veritas non recipit mendacium, nec Dei virtus leuitatis errorem.*

Ex S. Ambros.

58. Probari potest quoque ex communi Theologorum dicto, quod Dei omnipotentie non sit præiudicium, si non possit mutare ea, quæ prædestinavit, ex hoc, quod ipsemet se ad hoc obligauit, cum potuisset se non obligare; & sic in sensu composito, ut ipsi dicunt, non potest, at in sensu diuiso potest; & hoc modo, ut in suo loco dicam, subtilis Doctor dicit, quod Deus potest prædestinatum damnare; quia, inquit, potuit non prædestinare: at in sensu composito, seu ex suppositione, quod prædestinavit, non posset reprobare.

Argumentum ex eo quod Deus se ad hoc determinauit.

59. At placet quamdam Petri Damiani speculationem (ab Augustino, ut video, pro hac materia desumptam) adducere, in *Opusculo 36. c. 15.* existentem: eius verba postea referam, quæ summarie ita sonant. Deus potest facere contraria his, quæ iam decreuit facere; quia in Dei æterni-

Petri Damiani speculationis.

tate non adest prius, & posterius; & ita se habet eternitas, ac Deus in ea, sicut, si modò inciperent; & sic Deus in prædestinando, ac prædefiniendo ita se habet, ac si modò ea decreta faceret, & propterea potens est facere, & non facere; & sic saluatur omnipotentia, ac libertas Dei, de qua infra. Verba Damiani sunt hæc. *Quantum enim ad eternitatem suam, quidquid potuit Deus, hoc etiam & potest, quia præsens eius in præteritum nunquam vertitur. Eius hodie non in cras, vel in aliud temporis vicissitudine mutatur; sed sicut ipse semper est, quod est, ita quidquid illi adest, semper adest. Quapropter, sicut rectè possumus dicere, potuit Deus, ut antequam Roma facta fuisset, facta non esset; ita congruè possumus dicere, potest Deus, ut Roma etiam postquam facta est, facta non fuerit. Illud enim posse, quod habebat Deus antequam Roma fieret, immutabile semper apud eternitatem Dei, & intransibile perseverat. Et cum de quacunque re possumus dicere, quòd potuit eam Deus, valeamus etiam dicere potest eam Deus; quia posse eius, quod sibi utique coeternum est, fixum semper, atque immobile est. Potuisse enim Dei, apud nos est tantummodò apud ipsum autem, non potuisse, sed immotum constans, atque immutabile posse semper est. Quodcunque enim potuit Deus, indubitanter & potest; apud quem nimirum, sicut non est esse, & fuisse, sed sempiternum esse, ita consequenter non est potuisse, & posse, sed immobile semper, & perpetuum posse. Hæc Petrus Damianus; quod quidem argumētum brevius, & ideo obscurius affert S. August. De Civit. lib. 12. c. 12. Deus quiescens agere, & agens quiescere potest ad opus novum, non novum, sed sempiternum adhibere consilium; nec pœnitendo quod prius cessauerat cœpit facere, quod non fecerat. Sed & si prius*

Notanda
aliqua Da-
miani do-
&rina.

Potuisse. &
posse in
Deo idem
sunt, & ni-
hil transiit
in præteri-
tum.

prius cessauit, & posterius operatus est (quod nescio quemadmodum ab homine possit intelligi) hoc proculdubio, quod dicitur prius, & posterius in rebus prius non existentibus, & postea existentibus fuit. In illo autem non alteram præcedentem altera subsequens mutauit, aut abstrulit voluntatem; sed una, eademque sempiterna, & immutabili voluntate res, quas condidit, & ut prius non essent egit, quamdiu non fuerunt, & posterius essent cum esse ceperunt, hinc eis, qui talia videre possunt mirabiliter fortassis ostendens, quod eis non indiguerit, &c.

60. Dico 3. Prædestinationes rerum factæ à Deo ab æterno, non præiudicant summæ Dei libertati.

61. Prob. & supponitur ex tract. de Voluntate Dei ipsum summè liberum esse, quod ex S. Scriptura patet; nam in psal. 134. habetur, ut ex not. 3. Omnia quæcunque voluit fecit, & ex 1. Corint. 12. Spiritus ubi vult spirat. diuisiones gratiarum sunt, omnia autem operatur vnus, atque idem spiritus diuidens singulis, prout vult; & cætera plura. Immo, & Scotus docet, quod ex libertate Dei dependet libertas creata, ut ex not. 3. patuit.

62. Dicimus autem non lædi hanc libertatem, ex eo quod Deus nequit retractare ea, quæ prædestinauit. Primò, quia voluntas Dei in operando, ut nuper cum Augustino, & Damiano diximus, non transit in præteritum; & sic, licet quoad nos valeat dici, prædestinauit; quoad Deum, tamen, non valet; sed dici debet prædestinat; & liber est ad non prædestinandum. 2. quia necessitas ex suppositione, nec etiam in nobis lædit libertatem; ergo, nec in Deo. Anteced. notissimum est: cum quis decernit aliquid facere; etsi antequam decernat, vel faciat, possit non decernere, vel

Idem docuerat S. Aug.

Prædestinationes non præiudicant Dei libertati.

Summa Dei libertas.

Necessitas
ex suppositi-
one non
lædit liber-
tatem.

vel non facere, quod decreuit; si tamen facit, necessariò quidem facit; at ex præcedenti libertate sibi necessitatem inferente, facit. Sic prorsus de Deo prædestinante omnia, quæ facturum est, dicendum, quòd liberè decreuit, & sibi necessitatem imponit; nec propterea aliquid de sua libertate amittit; & hoc impossibile, ut ex Ambrosio diximus, diuinę perfectioni maximè congruit.

Argum. ex
immutabili-
tate Dei.

63. Prob. 2. ex perfectione immutabilitatis diuinæ, quę præcellentissima est in Deo, de qua maximè gloriatur Malachiæ 3. 6. ubi comminatus multa mala inferenda Populo, subdit, *ego enim Dominus, & non mutor*: igitur nec mutari potest in ijs, quæ absolutè decreuit, neque per hoc summa eius libertas minuitur; sed optimè hæc duo coniunguntur. Firmum enim, ac stabile est Dei propositum: ideò num. 23. 19. Balaam ait ad Regem Balac, *non est Deus, quasi homo, ut mentiat, nec ut filius hominis, ut mutetur. Dixit Deus, & non faciet? locutus est, & non implebit?* quasi dicat, hoc est impossibile.

Solutio cu
iusdam ar-
gumenti
de mutatio-
ne diuinę
sententię.

64. Neque obstant argumenta, quę adduci possunt ut supra de multis rebus, quas Deus se dixit facturum, & postea non fecit, ut de subuersione Ninive, de conuersione Tiri, & Sidonis, ac de permanentia Sodomæ, Gomorre, & aliarum trium Cinitatum Seboim, Adama, & Segor, si pœnitentiam egissent, & de alijs multis, ut in Prophetis legitur; quia ut dicemus in cap. 18. illæ comminationes, & promissiones erant conditionatę; sciebat autem Deus, quòd erant; vel non erant adimplendę conditiones, & propterea decreta non erant absoluta.

CAPVT V.

An Prædestinatio ad gloriam præiudicet libertati humane.

65. **A**Du. 1. quòd hæc est vna ex difficilibus controuersijs in hac materia. Cùm enim Dei decreta ab æterno iam facta immutabilia sint, *quia consilium Domini in æternum manet*, psal. 32. & impedibilia sint à creatura, *quia nemo est, qui possit resistere voluntati Rom. 9.* si decretum est de danda aliquibus gloria, isti non poterunt facere opera mala, per quæ repellantur à gloria, & sic non remanent liberi ad actus malos finales: id ergo videndum est, quomodò, scilicet cum æterna Prædestinatione, saluetur humana libertas, quæ quidem quæstio coincidit cum illa, an prædestinati possint damnari, vt in proprio loco in cap. 18.

66. Adu. 2. quòd communiter cum S. Augustino triplex datur genus libertatis, nempe 1. à seruitute; & hoc est morale; 2. à coactione; 3. à necessitate. De duobus primis hic non est quæstio, sed de postremo; an scilicet Dei Prædestinatio ad gloriam imponat prædestinato necessitatem, an relinquat eum liberum.

67. Ad. 3. quòd penes omnes Theologos, ipsumque S. Augustinum necessitas multiplex quidem est; sed vt ad operandum applicatur duplex tantum est; quædam antecedens, quædam consequens, seu conditionis, vel suppositionis. Prima aufert à potentia omnem indifferentiam, & determinat ad vnum tantum exequendum, absque vlla sua determinatione. Secunda verò sequitur ali-

Præcipu-
huius mat-
riæ diffi-
cultas.

Ratio diffi-
cultatis.

Triplex li-
bertatis ge-
nus.

Necessitas
multiplex;
sed duplex
nunc consi-
deratur.

Antece-
dens abso-
luta.

quam

Consequens
ex suppo-
sitione.

quam determinationem operantis, etiamsi cum alio cooperante se determinet: vt cum quis v. g. decernit aliquid facere, dum facit, necessariò facit: liberè tamen statuit faceresitem, vt in suo loco dicemus, homo in operatione, tam naturali, quam supernaturali, & meritoria, simul cum Deo cooperante operatur, & tamen liberè operatur, licet ex conditione, seu suppositione vtriusque determinationis necessariò dici possit operari, necessitate consequenti, idest ex suppositione, quòd faciat.

De subsiste-
ntia liberi
arbitrii
prius lo-
quendum,
ex S. Scri-
ptura.

68. Ad. 4. quòd cum in hoc, & in seqq. Opusculis sæpius de libertate humana agendum sit; operè præteritum erit prius de consistentia liberi arbitrii humani ex S. Scriptura, Concilijs, & Patribus dogma firmare: deindè disputare de concordia illius cum diuina prædestinatione, præscientia, & gratia efficaci; vt si fortè nequeant homines distinctè, ac perfectè scire concordias istas (de quibus ego non curarem, cum sciam Deum esse Dominum iustum, & sine iniquitate) sciant saltim, & firma fide credant, se esse liberos; & de sua hac perfectione gaudeant: ab hac ergo incipiendo

Hæretica
est scientia
quòd om-
nia homi-
nis opera
sint necessa-
ria antece-
denti neces-
sitate, vel
fatalia.

69. Dico 1. Phanaticam, hæreticamque esse Stoicorum, & Phariseorum, aliorumque sententiam, omnia, quæ ab hominibus fiunt, vel eis accidunt, antecedenti necessitate, & sine libertate vlla fieri, vel accidere, sed fato, seu fatali necessitate.

70. Prob. 1. ex Concilio Bracar. c. 9. dicente, *hominem operari ex fato, hæreticum est.*

Quatuor,
sed vana
fatorum ge-
nera secun-
dum Stoi-
cos.

71. Prob. 2. Nullum genus fatorum concurrat ad opera voluntatis humanæ liberè essentialiter, ergo. Consequentia est euidens, quia fatum quod-

quodcumque inuentum à Stoicis, vel Poetis, aut Mathematicis tollit libertatem, & inducit necessitatem, quæ intrinsecè repugnat libertati; nam ex Augustino mox adducendo, *aut voluntas non est, aut libera dicenda est.* Anteced. prob. Quatuor factorum genera à Stoicis, & Poetis assignantur: Primum dicunt *Mathematicum*, estque illa influentia, quæ colligat operationes humanas, cum virtute, seu potestate syderum; & hoc attendunt Astrologi Genethliaci; quod *ex Constit.* 17. *Celi*, à Sixto V. est prohibitum in ordine ad liberas actiones. Secundum fati genus dicunt, *Naturale*; estque per eos ordo causarum naturalium, quæ nisi impediuntur, vi, & natura sua certum, determinatumque producant effectum. 3. dicunt *Violentum*, & hoc propriè est stoicum, ac poeticum, quod Stoicus Seneca definit, esse necessitatem rerum omnium, & actionum, tam diuinarum, quàm humanarum, quam nulla vis rumpere potest. 4. tandem dicunt aliqui, *verum*, estque colligatio necessaria omnium actionum omnis creaturæ, etiam liberæ, cum diuina voluntate, præscientia, ac prouidentia; his enim suppositis de futuris rebus, & actionibus, hæ omnes necessariò dicunt euenire.

72. Hoc ergo de fati, seu veriùs fatui nomine, & conceptu, supposito; cum fide catholica dicimus, actiones hominis rationalis, idest, à voluntate, præuia intellectus cognitione, & deliberatione à nullo ex fatis prædictis regulari, aut procedere, vt præclare, & euidenter probat S. August. *in lib.* 5. c. 9. *de Ciuit.* & nos in sequenti conclusione probabimus, in qua de libertate voluntatis in operando loquemur.

73. Et quamuis quartum genus fati, quod se-

Mathematicam.

Naturale.

Violentum.

Verum.

Fatum
abijcit si-
des Catho-
lica.

Quantum
genus, qui-
usdam a-
liis, pos-
set admit-
ti, et reijci
ur.

quitur Cicero, & impugnat S. August. loco cita-
to, si necessitatem operandi abijceret, ut est coordi-
natio illa causarum liberarum ex Dei prædestina-
tione, præscientia, ac providentia, posset admit-
ti: tamen ait ibi Augustinus à nomine fati esset
abstinendum; hoc enim semper malè sonat, & à
catholico sermone debet esse alienum. Quòd ve-
rò diuina prædestinatio, præscientia, ac provi-
dentia libertatem humanæ voluntati non adimat,
elegantè contra Ciceronem probat ibi Augusti-
nus, & nos cum eo probabimus inferius,

Validum
August ar-
gum. con-
tra fatum.

74. Prob. 2. valido S. Augustini argumento
*in lib. 21. sententiarum, sent. 3. si liber sit illius: si fa-
tum, & fortuna essent causa humanorum actuum,*
nullus homo posset puniri, aut redargui; quilibet
enim ex necessitate ageret. Et tamen in sacro tex-
tu utriusque Testamenti legimus innumeras re-
dargutiones, plures punitiones in effectu positas,
& plurimas comminatas. Legimus omnium pri-
mò, Adamum gratia Dei, iustitia originali, &
immortalitate priuatum, & è Paradiso terrestri
exulem; Cainum reprobatum; mundum totum
diluvio submersum, &c. redargutiones, & com-
minationes in toto Pentatheuco, in lib. Regum, &
Prophetalibus insertas, nec non in toto Euange-
lio. Si autem fato, & cum inevitabili necessita-
te homines operarentur, ad quid eos arguere, vel
consulere, ut aliter facerent, si non possent, &
quo iustitiæ titulo puniri possent, si errant? Fa-
tum ergo est dicere, quòd hominum voluntates
regulentur à fato.

Nulla dari
posset pu-
nitio.

Dari non
posset præ-
ceptum aut
consilium.

Homines
etiam post
lapsum A-
dæ liberum
habent ar-
bitrium, li-
cet attenua-
tum.

75. Dico 2. homines etiam post lapsum Adæ
liberum habent arbitrium, quamvis aliquantulum
attenuatum; ideòque liberè operari possunt,
etiam posita æterna prædestinatione, præscientia
ac

ac prouidentia diuina: est de fide.

76. Prob. prima pars totidem verbis Concilij Arauf. 2. c. 13. & Concilij Trident. sess. 6. cap. 1. dicentis, *liberum hominis arbitrium minimè extinctum esse, viribus licet attenuatum, & inclinatum, & in can. 5. Si quis liberum hominis arbitrium post Adæ peccatum amissum, & extinctum esse dixerit, aut rem esse de solo titulo, aut titulum sinere, & c. anath. sit.* Et in can. 6. *Si quis dixerit non esse in potestate hominis vias suas malas facere, & c. anath. sit.*

Ex Concilio Arauf. & Trident.

77. Prob. 2. ex S. Script. Gen. 4. vbi dicit Deus ad Cain, *non ne si benè egeris recipies; sin autem malè, statim peccatum in foribus aderit.* Et illicò admonet eum de sua libertate, ac dominio ad bonum, & malum, inquit, *sed sub te erit appetitus eius, & tu dominaberis illius.* Hæc libertas est post Adæ lapsum.

Ex S. Script.

Ex Gen.

78. Conf. ex Ecclesiastici 15. 14. *Deus constituit hominem ab initio, & reliquit illum in manu consilij sui, adiecit mandata, & præcepta sua, & ne quis dicat, quòd intelligitur de Adamo, qui liberè poterat operari; non verò de posteris; statim subiungitur. Si volueris mandata seruare, conseruabunt te, & in perpetuum fidem placitam facere. Apposuit tibi aquam, & ignem, ad quod volueris porrige manum tuam; ante hominem vita, & mors, bonum, & malum; quod placuerit dabitur illi.* Hæc dicta non diriguntur ad Adamum, sed ad omnem hominem. Et quoniam insurgere poterat hoc prorsus dubium, quod hîc discutimus, quomodo scilicet subsistat hæc libertas ad bonum, & malum, ad vitam, & mortem, si decretum prædestinationis, & præscientia Dei de futuris sunt immutabiles, & infallibiles actus, subdit textus, *Quoniam multa sapientia Dei, & fortis in potentia, videns*

Ex Eccles.

De quolibet homine scriptura loquitur.

videns omnes sine intermissione. Sed de hac concordia infra.

79. Prob. 3. omnibus ferè locis Sacra Scripturæ, quibus vtitur S. August. in *lib. de Gratia, & lib. arb. c. 2.* ad probandum libertatem hominis operantis cum gratia, de qua postea loquar in proprio Opusculo. Sic autem discurret August. Deus reuelauit in homine adesse liberum arbitrium: ex eo quòd multa in vtraque lege præcepit hominibus, quæ facere non possent meritoriè, vt ad æternam vitam peruenirent. Nam (inquit Augustinus) *Deus in multis locis mandata sua omnia custodiri, & fieri iubet. Quomodò iubet, si non est liberum arbitrium? Quid beatus ille, de quo psalmus 1. dicit, quod in lege Domini fuit voluntas eius. Nonne satis indicat, voluntate sua hominem in lege Dei consistere?* Et postea adducit loca indicantia libertatem, ac dominium voluntatis humanæ in suos actus, *psal. 31. Nolite fieri sicut equus, & mulus, quibus non est intellectus.* Prou. 1. *Noli repellere consilia matris tuæ cap. 5. Noli esse sapiens apud te metipsum, & noli deficere à disciplina Domini: Noli negligere legem; noli abstinere benefacere egenti. Noli fabricare in amicum tuum mala. Noli intendere fallaci mulieri: noluit intelligere.* Et si libros 45. Veteris Testamenti, & præsertim quinque Pentatheuchi reuoluas, innumera inuenies mandata à Deo facta nationi Hebraicæ; & multa cum oblatione præmij, multa alia cum comminatione supplicij. Quomodo ergo fierent præcepta, si homines libertatem non haberent obseruandi, & non obseruandi?

80. Ex nouo Testamento, ex omnibus ferè illis 27. libris canonicis innumera mandata, & consilia colliguntur; quæ quidem dare non oportebat

multis scri-
turæ lo-
is vtitur
August.

ara arg.
dicantia
bertatem

mandata
numera
ei com-
probat,

Ex nouo
testamēto
dem infer-
ur.

tebat si homo libero careret arbitrio, vt in eorum obseruatione mereretur, aut in obseruatione demereretur.

81. Siquidem in Euangelio legitur, *Nolite thesaurizare vobis thesauros in terra. Nolite time-
re eos, qui occidunt corpus. Qui vult venire post me
abneget semetipsum; in terra pax hominibus bonæ
voluntatis.* Hęc, & alia ex Euangelicis libris, quæ
liberam demonstrant hominis voluntatem. Alia
pariter multa habemus in epistolis Pauli, Ioannis
&c. Rom. 12. *Noli vinci à malo; sed vince in bono
malum.* 1. Corin. 7. *Quod vult faciat, non peccat si
nubat. Qui autem statuit in corde suo non habens ne-
cessitatem, potestatem autem habens suæ voluntatis,
& hoc statuit in corde suo seruare virginem suam
benè facit.* Et in cap. 9. ait. *Si autem volens hoc
facio, mercedem habeo.* In cap. 15. *Sobrij estote in ſili,
& nolite peccare.* 2. Corint. 8. *Quemadmodum prom-
ptus est animus voluntatis, ita sit & perficiendi.* 1.
Timot. 5. *Cum enim in delicijs egerint, in Christo
nubere volunt.* 2. Timot. 5. *Omnes, qui volunt piè
vivere in Christo Iesu, persecutionem patientur. Ipsi
autem Timotheo dicit. Noli negligere gratiam,
quæ in te est.* Ad Philemonem dicit. *Ne bonum
tuum velut ex necessitate esset, sed ex voluntate. Ser-
ui Domini suis seruiant ex animo cum bona volun-
tate.* Item ex epistola Iacobi c. 1. *Nolite itaque
errare fratres mei, & nolite in personarum acceptione
habere fidem Domini nostri Iesu Christi.* Evidenter
ergo patet, in homine liberam esse voluntatem
ad operandum, & non operandum, ad benè, vel
malè agendum; & vt optimè alibi dicit August.
Aut voluntas non est, aut libera dicenda est.

82. Videndum modò est, an prædestinatio,
& præscientia hominum, antequam essent, siue
sit

Ex Euange-
lio.

Ex episto-
lis Pauli.

Multa Io-
ca ex Pau-
li Epistolis

Ex epist. Ia-
cobi.

Declara-
tur concor-
dia liberi
arbitrij cū
prædestina-
tione.

fit ex præiudicis meritis, siue ante præiudicia merita (de quo postea) præiudicet libertati prædestinatorum, seu eam impediatur; quandoquidem non possunt resistere voluntati Dei prædestinantis, & intellectui infallibiliter præscienti eorum salutem perseverando finaliter: Hoc enim opus, hic labor est.

83. S. Augustinus, & cum eo alij omnes cuiuscumque scholæ, docent, & sic tenentur docere; quod scilicet non præiudicet libertati humanæ, quamvis in modo concordie prædestinationis ad gloriam, ac præscientiæ cum libertate discordent. Tenentur inquam omnes docere, quod prædestinatio non præiudicet libertati; quia ex Concil. Trid. *sess. 6. can. 6.* dicitur anath. ei, qui asserit, *hominem non posse vias suas malas facere.* Quod autem prædestinatus libertate sua gaudeat, pluries docet S. August. nam *lib. 5. de Cinit. c. 9.* impugnans in Cicrone Stoicorum fatum ex eo, quod dicebant, causarum omnium ordinem certissimum, esse, & à Deo præsciri, ideòque omnes effectus non liberè, sed fato euenire; S. Doctor multis rationibus confutat hanc consequentiam; præcipua autem est hæc. *Non est autem consequens, ut si Deo certus est omnium ordo causarum, ideò nihil sit in nostræ voluntatis arbitrio. Etenim ipsæ quippe nostræ voluntates in causarum ordine sunt, qui certus est Deo, in eiusque præscientia continetur; quoniam, & humanæ voluntates humanorum operum causæ sunt, atque ita, qui omnium rerum causas præsciuit, profectò in eis causis nostras etiam voluntates ignorare non potuit, quas nostrorum operum causas esse præsciuit. Et infra inquit, Si Deus non est præsciens omnium futurorum, non est utique Deus. Quapropter voluntates nostræ tantum valent, quantum Deus eas valere voluit, atque præsciuit; & ideò quidquid*

va-

Omnes eū
fide teneun-
tur docere
prædestina-
tos liberè
operari: in
modo est
discordia
authorum.

S. Augusti-
ni discursus
pro-
bens con-
cordiam li-
bertatis cū
prædesti-
natione.

valent certissimè valent, & quòd facturæ sunt, ipsæ omninò facturæ sunt, quia valituras, atque facturæ ipse præsciuit; cuius præscientia falli non potest. Igitur, dum quis fuit à Deo electus, cum sua voluntate libera fuit electus, & sic à Deo præscitus, seu præcognitus, liber fuit præcognitus: sic ergo manet vsque ad mortem. Cur autem sic, mox dicam.

84. In cap. 10. eiusdem libri pluribus contra Stoicos, voluntatem humanam liberam adstruit à necessitate, etiam cum Dei præscientia de omnibus, quæ factura est voluntas. *Absit à nobis Dei negare præscientiam, vt liberi esse velimus, quo adiuvante sumus liberi, vel erimus. Proinde non frustra sunt leges, obiurgationes, exhortationes, laudes, & vituperationes; quia & ipsas futuras esse præsciuit, & valent plurimum, quantum valituras ipse præsciuit, & preces valent ad ea impetranda, qui se precantibus concessurum esse præsciuit, & iusta premia bonis factis, & peccatis supplicia constituta sunt.*

85. In lib. 3. de lib. arb. c. 4. ait. *Cùm Deus sit præsciens voluntatis nostræ, ipsa erit. Voluntas ergo erit, quia voluntatis est præsciens. Nec voluntas esse poterit, si in potestate non erit (id est ad utrumque) ergo & potestatis est præsciens. Non igitur per eius præscientiam mihi potestas adimitur: quæ propterea mihi certior aderit, quia ille cuius præscientia non fallitur, adfuturam mihi esse præsciuit. Et infra, vt necessitatem, & coactionem voluntatis expellat, inquit. Sicut tu memoria tua non cogis facta esse, quæ præterierunt, sic Deus facienda esse non cogit, quæ futura sunt. Et paulò ante dixerat. Sicut non sibi aduersantur hæc duo, vt tu præscientia, tua noveris; quòd aliis sua voluntate facturum est; ità Deus neminem ad peccatum cogens, prævidet eos qui*

Alter s.
August. di-
scursus de
eadem con-
cordia.

Non fru-
stra, sunt
correption-
es, exhor-
tationes
&c.

Tertius
Augustini
discursus.

qui propria voluntate peccabunt.

Conclusio
omnis di-
scursus.
Deus libe-
ros homi-
nes præde-
stinat; idè
liberi re-
manent.

86. Hinc ex S. Doctore concluditur, quòd Prædestinati, sicut cum libero arbitrio, quod eis essentiale futurum erat, prædestinati, & præuisi à Deo fuerunt; sic erunt, & perseuerabunt; quia prædestinatio, & præscientia, eorum non mutant naturam, & essentiam, sed perficiunt, & faciunt, vt benè, ac iustè, sicut prædestinati, ac præsciti, seu præuisi sunt, finaliter viuunt; nam vt postea dicam, prædestinati ad gloriam, sunt etiam prædestinati ad gratiam, & opera meritoria, ac perseuerantiam in eis finalem.

Augu scini
aliud argu-
mentum.

87. Et confirmatur ex eodem in libro de spiritu, & lit. c. 35. dicente, *Vult Deus omnes homines saluos fieri, & in agnitionem veritatis venire: non, sic tamen, vt eis adimat liberum arbitrium, quo benè, vel malè vtentes, iustissimè iudicentur &c.* ergo sunt liberi.

Ex Concil.
Constant.
Prædestina-
ti liberè
operantur.

88. Confirm. ex Concilio Constantiensi, quod contra art. 21. Ioannis Hus decernit sic; *Prædestinati non sunt insolubiliter vniti cum Christo, & Ecclesia; quia possunt cadere, & recedere; igitur liberi sunt ad bonum, & malum.*

Ex text.
Canon.

89. Conf. 2. ex Can. obtinui 23. q. 4. Prædestinati saluantur, quatenus postulando merentur accipere, quod Deus ante sæcula disposuit eis donare; igitur, cum ad meritum requiratur libertas, liberi sunt.

Argum. va-
lidum ex
natura me-
riti.

90. Prædestinati adulti saluari non possunt sine meritis, saltem sine obseruantia præceptorum legis naturæ, ac Euangelicæ, sicut fides docet, quia reddet Deus unicuique iuxta opera sua, & opera eorum sequuntur illos; idè Saluator in die iudicii dicet prædestinatis, *Esuriui, & dedistis mihi manducare; sitiui, & dedistis mihi bibere, &c.*

re-

venite benedicti, percipite regnum vobis paratum à constitutione mundi. Sed ad merendum, ac demerendum requiritur libertas indifferentiæ, seu à necessitate, nec sufficit libertas à coactione, vt de fide definitum fuit ab Innoc.X. in Constit. *Cum occasione die vltima Maij 1653.* & ab Alexandro 7. in Constit. *Ad sanctam* sub die 16. Octobris 1656. contra tertiam propositionem Iansenij Iprensis Episcopi.

91. Quilibet ergo Catholicus tenetur docere, si magister est, & credere, quòd omnes homines, siue prædestinati, siue non, exercere non possunt opera aliqua meritoria, nisi liberè, & cum indifferentia absque vlla prorsus coactione, aut necessitate operentur; & hoc erat nostrum intentum, scilicet, quòd prædestinatio non præiudicat libertati Prædestinatorum.

92. Quomodo verò saluetur hæc libertas in finalibus actibus, cum prædestinati infallibiliter saluandi sint, & ideò infallibiliter perseueraturi sint in bonis actibus; & præsertim in sententia S. Augustini (quam ego sequor) quòd nempe prædestinatio facta fuit ante præuisa merita, nedum absoluta, sed conditionata; & quòd numerus Prædestinatorum minui non possit per lapsum alicuius in peccato, dicetur in sequentibus, & in cap. 18. Nunc autem sufficit scire dogma, quòd prædestinatus sit liber in operando, & suæ libertati non præiudicat prædestinatio. Hoc autem principium in tota hac materia supponendum est, cum S. Augustino, quòd posse peccare absolute, & vniuersaliter secundum conceptum genericum libertatis non est libertas, nec pars libertatis; alioquin conueniret Deo summè libero, omnique libertatis creatæ origini, & causæ.

Ad salutem
adulterum
necessaria
sunt merita
ta. meriti
sine libe
tate indif
ferentiæ
dari ne
quit.

Concludi
tur, quòd
sit de fide
prædesti
natos ope
rari liberè

CAPVT VI.

*An Prædestinatio ad gloriam facta sit præuiso
Adæ peccato, & ex massa damnata
per originale.*

93. **A**Du. 1. Nos hîc loqui de prædestinatione hominum, non Angelorum, aut Christi; de his enim agetur postea. Quæstio ergo est, an Deus in signo aliquo antecedente præuisionem peccati Adæ prædestinauerit aliquos; an verò præuiso peccato Adæ in eo, & in tota humana natura, & in omnibus, qui naturali propagatione ex Adamo, & successoribus erant generandi.

94. Adu. 2. hanc quæstionem à S. Augustino omnium primò fuisse excitatam; ipse verò existimans fuisse ab Apostolo affirmatiuè decisam in cap. 9. ad Rom. protestatur, eam sequi velle; ideò in lib. 1. ad Simplicianum, q. 2. inquit; & primò intentionem Apostoli, quæ per totam epistolam viget, tenebo, quam consulam.

95. Adu. 3. pro clariori S. Augustini sententiæ intelligentia, quòd Apostolus ad Rom. 9. de electione hominum ad gloriam, & gratiam, nec non de vocatione ad fidem, & de reprobatione complura dicit difficilia; in primis de Iacob, & Esau, ait; Cum enim nondum nati fuissent, aut aliquid boni egissent, aut mali, vt secundum electionem propositum Dei maneret; non ex operibus, sed ex vocante dictum est ei, quia maior seruiet minori, sicut scriptum est, Iacob dilexi, Esau autem odio habui. Quid ergo dicemus, numquid iniquitas apud Deum? absit. Moisi enim dicit, miserebor, cui misereor, & misericor-

Sensus quæ
stionis clarus.

Hæc quæ-
stio à S. Au-
gust. mota
fuit.

Origo quæ-
stionis ex 4
dicto Apo-
stoli.

ricordiam præstabo, cuius miserebor. Igitur non, est volentis, neque currentis, sed Dei miserentis. Dicit enim scriptura Pharaoni, quia in hoc ipso excitavi te, ut ostendam in te virtutem meam, & ut annuncietur nomen meum in vniuersa terra. Ergo cuius vult miseretur, & quem vult indurat. Et quia hæc difficilia videri possent; & bonitati, ac misericordiæ Dei parum congrua, Apostolus sibi obijcit sic. Dicis itaque mihi, Quid adhuc queritur? Voluntati eius quis resistit? Ad hoc argumentum, quasi volens adæquatè respondere Paulus ait. O homo, tu quis es, qui respondeas Deo? Numquid dicit figmentum ei, qui se finxit, quid me fecisti sic? An non potestatem habet figulus luti ex eadem massa facere aliud quidem vas in honorem, aliud verò in contumeliam? Quòd si Deus volens ostendere iram, & notam facere potentiam suam, sustinuit in multa patientia vasa iræ apta in interitum, ut ostenderet diuitias gloriæ suæ in vasa misericordiæ, quæ præparauit in gloriam; quos, & vocauit nos non solum ex Iudeis, sed etiam ex Gentibus; & cetera plura.

96. Ex toto hoc contextu, S. Augustinus duo infert; & quòd ex tota massa damnata per originale peccatum in Adæ peccato, Deus ex misericordia aliquos elegit ad gloriam, alios ex iustitia reliquit in statu damnationis. Secundò, quòd non ex præiudiciis meritis, sed ex sua libertate, ac misericordia illos ad gloriam elegerit, & consequenter ad gratiam vocationis, &c. & persententiæ finalis. Id ergo ex S. Augustino nunc perpendimus, an scilicet prædestinatio electorum facta fuerit post præuisionem peccati Adæ inficientis totum genus, seu massam humanam, & de hac massa facta fuerit electio; nam de reprobatione, tam negatiua, quàm positiua loquar postea. His præmissis

Apostolus dicit a difficilia.

Ipsæmet Augustinus non solum difficultates.

S. Augustinus ex Pauli doctrina infert suam sententiam affirmatiuam.

Prædestina-
tio ad glo-
riam facta
est poſt præ-
uiſionem
peccati A-
dæ, & ex
maſſa dam-
nat a.

97. Dico iuxta S. Auguſtini doctrinam (quam ego ſequor) Prædeſtinatio electorum ad gloriam facta eſt poſt præuiſionem peccati Adæ diffundendi in omne genus humanum; & ex maſſa illa perditionis ex Dei miſericordia aliqui electi ſunt ad gloriam.

Mulea Au-
guſtini lo-
ca.

Ex lib. de
Corrept. &
gratia.

98. Prob. ex pluribus S. Auguſtini locis. Primo ex lib. de corrept. & gratia cap. 7. Quicumque ergo ab illa originali damnatione, iſta diuina gratiæ largitate diſcreti ſunt, non eſt dubium, quod & procuratur eis audiendum Euangelium, & cùm audiunt credunt, & in fide, quæ per dilectionem operatur, uſque in finem perſeuerant; & ſi quando exorbitant, correpti emendantur, &c. Hæc enim omnia operatur in eis, qui vaſa miſericordiæ operatus eſt eos, qui & elegit eos in filio ſuo ante conſtitutionem mundi per electionem gratiæ. Qui verò perſeueraturi non ſunt, &c. in iſto numero computandi non ſunt. Non enim ſunt à maſſa illa perditionis, præſcientia Dei, & prædeſtinatione diſcreti, & idcò nec ſecundum propoſitum vocati, ac per hoc, nec electi. Et in cap. 9. ait, ſcit Deus talem corripiendum, facturo Deo, aut miſericordiam, aut iudicium, miſericordiam quidem, ſi à maſſa perditionis ille, qui corripitur gratiæ largitate diſcretus eſt.

Ex Enchiri-
dio.

99. Secundò ex Enchiridio cap. 65. ubi de futura vita ſic loquitur. Tunc non latebit, quod nunc latet, cum de duobus paruulis vnus eſſet aſſumendus per Dei miſericordiam; alius per iudicium, relinquendus, in quo is, qui aſſumeretur agnoſceret quid ſibi per iudicium deberetur, niſi miſericordiæ ſubueniret.

Ex epiſt.
105. in qua
plura diſcit
ad rem
hanc.

Tertiò ex epiſt. 105. quæ eſt ad Sixtum, contra eos qui dicunt gratis, & ſine cauſa aliquos reprobari, ſeu non prædeſtinari, murmurat; ubi plura di-
cit;

cit; 1. Parum attendunt, quòd debita reddatur pœna damnato; indebita gratia liberato; vt nec ille se indignum queratur, nec dignum se iste gloriatur; atque ita potiùs nullam fieri acceptionem personarum, vbi vna, eademque massa damnationis, & offensionis inuoluitur; vt liberatus de non liberato discat, quòd etiam sibi supplicium conueniret, nisi gratia subueniret. Si autem gratia, vtique nullis meritis debita, sed gratuita bonitate donata; Et postea. Vbi quia vniuersa ista massa damnata est, contumeliam debitam reddit iustitia, honorem donat indebitum gratia, non meriti prerogatiua. 2. querenti causam, huius respondet. Cur autem illum potiùs, quàm illum liberet, vel non liberet, scrutetur, qui potest, iudiciorum eius tam magnum profundum. 3. de Iacob, & Esau dicit. Vt intelligeretur hoc apertum, postea per Prophetam, quòd antequam nasceretur erat Iacob in Dei prædestinatione per gratiam. Quid enim diligebat in Iacob antequam natus fecisset aliquid boni, nisi gratuitum misericordie sue donum? Et quid oderat in Esau antequam fecisset aliquid mali, nisi originale peccatum? 4. dicit. Vt cum ex eodem Patre, eadem matre, vno concubitu antequam aliquid egissent boni, vel mali, alterum Deus diligit, odit alterum, intelligat Iacob ex illa massa originalis iniquitatis, vbi fratrem suum, cum quo habuit communem causam videt per iustitiam meruisse damnari, non nisi per gratiam potuisse discerni.

100. Idem S. Doctor in epist. 106. quæ est ad Paulinum adducit argumentum, quod aduersarij eius conficiebant, hodieque contra hanc suam conficiunt sententiam. Sed quomodo inquirunt non est iniquitas apud Deum, si diligendo discernit, quos merita nulla discernunt? &c. &c ad hoc respondet, Quid nos hic docuit, nisi ex illa massa primi hominis, cui

Clarissima
Augustini
documenta

Ex epist.
106.

cui meritò mors debetur, non ad merita hominum, sed ad Dei misericordiam pertinere, quòd liberatur; atque ita non esse iniquitatem apud Deum; quia neque remittendo, neque exigendo, quod debetur, iniustus est: ibi enim gratia est indulgentia, ubi iusta posset esse vindicta. Et hinc euidenter apparet à pena debitæ liberato, & gratis iustificato quantum beneficij conferatur, quod alter aequaliter reus sine punientis iniquitate punitur. Idem in lib. I. cont. Iul. ait, Cum dicuntur omnes ex vno in condemnationem, ipsa massa significatur, ex qua fiunt à figulo alia vasa in honorem, idest ea quæ assumuntur in gratiam; alia in contumeliam, idest ea, quæ ad supplicium relinquuntur.

101. Ex illo ergo modo loquendi Pauli cum similitudine figuli facientis aliqua vasa in honorem, alia in contumeliam ex eadem massa luti ex suo beneplacito, S. Augustinus suam eruit sententiam, quòd Deus ex eadem hominum massa perditam in Adamo aliquos ex sua misericordia eligere voluit ad gloriam, & dare eis media ad eam merendam; alios verò reliquit in eadem massa perditam, de quibus diuersimodè disposuit, vt postea dicetur: Propterea S. August. sæpissimè replicat hunc Dei agendi modum in prædestinatione sanctorum, nempe eruit à massa perditionis, vel disceruit à massa, vt ostendat post præuisionem peccati Adæ, & naufragij totius humani generis cum eo, factam fuisse talem discretionem, vt simul, & semel ostenderet, Deum non esse personarum acceptorem, sed misericordem cum aliquibus, & iustum cum alijs, quod difficilè saluare potuisset in sua sententia, qui sine præuisione meritorum tenet, vt videbimus, fieri prædestinationem; Ideò pluries hac phrasi liberationis, vel discretionis à mas-

Ex lib. r.
contra Iul.

Exemplo
figuli vasa
diuersa fa-
cientis ar-
gum. vali-
dum Pauli.
& Augusti-
ni.

massa perdita, seu damnata vtitur. Et in epist. 1. ad Valentinum ait, *Apostolus inquit, quis te discernit? ideo dicit, quia ex massa illius perditionis, quæ facta est ex Adam non discernit hominem, ut eum faciat in honorem, non in contumeliam, nisi Deus.* In epist. 2. ad Bonifacium c. 7. dicit, *Quis enim te discernit? utique ab iræ vasis, à massa perditionis, quæ per vnum omnes misit in damnationem.* In lib. 14. de Ciuit. c. 26. ait, *Vniuersa massa, tamquam in radice damnata est: & alibi inquit, Pelagium nolle credere, quod in vno homine tota est massa vitata, & tota damnata; à quo vitio, & damnatione sola sanat, & liberat gratia.* In lib. de nat. & grat. c. 5. ait, *Vniuersa igitur massa pœnas debet; & si omnibus debitum damnationis supplicium redderetur, non iniuste proculdubio redderetur; & alibi sæpè.*

102. S. Augustinum secuti sunt Sancti Prosper, ac Hilarius Arelat. & omnes alij S. Augustini discipuli, quos in proemio huius opusculi diffusè retuli, & præ alijs Petrus Damianus, qui in lib. de Incarn. & Gratia Christi irridens multos, qui tunc docebant prædestinationem fieri ex præuisione liberi arbitrij volentis saluari, & reprobationem, ex præuisione liberi arbitrij nolentis saluari, vtrumque refellit, & de liberatione à massa perditionis mentionem facit, sic. *Hæc si ita sunt, ut illi iactitant, comprehensa sunt ab ipsis inscrutabilia, & incomprehensibilia Dei iudicia. Si enim, sicut ipsi volunt, nolentes damnat, saluat autem volentes, nihil est omnino, quod vltèrius quæeratur, & c.* Nos autem incomprehensibilia credentes iudicia Dei; ex vna massa perditionis, alios saluari dicimus bonitate, & gratia Dei; alios in isto, & occulto Dei iudicio derelinqui.

Vtetur Augustinus exemplo, vt saluet in hoc sado Dei misericordiam, & iustitiam

Alia plura loca de discretionem à massa damnata

Petrus Damianus, irridet aduersarios, quasi fuerint Paulo doctiores.

103. Cùm verò sapiissimè docuerit Augustinus discretionem hanc hominum à Deo misericorditer factam, & derelictionem aliorum in eadem damnata massa per iustitiam, & ideò aliquos fieri vasa honoris, alios verò contumeliæ; in Epist. 105. dicit. *Cur autem illum potiùs, quàm illum liberet, aut non liberet; scrutetur qui potest, iudiciorum eius tam magnum profundum; verùm tamen caueat præcipitium;* & subnectit verba Apostoli Rom. 9. *inscrutabilia enim sunt iudicia eius, & inuestigabiles viæ eius;* idemque replicat in lib. 1. de Prædest. S.S. cap. 9. in lib. de Bono Persæuer. cap. 8. & alibi sæpè.

CAPVT VII.

An Prædestinatio ad gloriam facta sit ex præuisione meritum.

104. **A** Du. 1. vt certa ab incertis secernamus, quòd circa hanc quæstionem, quæ est vna ex difficilioribus in hac materia, plures fuerunt sententiæ, quædam hereticæ, quædam verò probabiles inter Catholicos, Sanctosque Patres.

105. Prima hæretica fuit Basilidis, Valentini, & Manichei docentium, quòd sicut per eos dabantur duo principia, vnum bonum, alterum malum; ita duo hominum genera, vnum naturaliter bonum, alterum malum, & sic duo animarum genera, vnum naturaliter prædestinatarum; alterum naturaliter reprobatarum. Sic de eis refert Orig. in lib. 3. Periar. c. 1. aiunt non esse in nostra potestate, vt saluemur, sed naturas esse animarum tales, quæ in omni genere, vel pereunt, vel saluantur; nec vllò modo possit anima, quæ mala facta est, bona fieri, aut
que

August. mo-
net, nè
quærat, quare
Deus hunc non
illum ele-
gerit, quia
inueniri
potest præ-
cipitium.

Plures sen-
tentia re-
feruntur.

Manichei
quid doce-
bant ab
origine re-
fertur, & a
Clem. Ale-
xandrino.

quæ bona facta est, mala fieri. Quòd verò præfati heretici id docuerint, refert etiam Clemens Alexandrinus lib. 5. Strom.

106. Secunda sententia fuit quorundam, qui dicti sunt Prædestinatiani, qui S. Augustini, & ipsius Apostoli ad Rom. 9. doctrinam malè intelligentes, & asserentes Prædestinationem sine meritis factam, aliqua ardua, & diuinæ bonitati iniuriosa docuerunt. Isti autem in duplici, ac diuerso fuerunt tempore. Primi extiterunt in quinto sæculo, de quibus loquitur Sigibertus in Chron. ad annum 415. & Baron. ad ann. 448. Antesignanus fuit *Faustus Reiensis*, quem secutus est Lucidius, & alij: Isti præ alijs docebant, quòd si vocati non sunt de numero prædestinatorum, Deus subtrahit eis vires benè agendi, ne perseuerent in bono: et alios etiam inuitos post multa mala opera attrahat ad salutem: alios post multa bona opera reiiciat, & compellat ad malum. Baron. ibi alia eorum dicta dura sic refert. *Quòd nec piè uiuentibus profit bonorum operum labor, si à Deo ad damnationem præsciti sunt; nec improbis obesse, etiam si improbè uiuerent, si à Deo prædestinati fuissent ad vitam.* Sigibertus lococit. alijs, sed iisdem in substantia verbis refert eorum dicta, nempe, *quòd nec piè uiuentibus profit bonorum operum labor, si à Deo ad mortem prædestinati sunt, nec impijs obsit, quòd improbè uiuant, si à Deo prædestinati sunt ad vitam;* addens, *quæ hæresis ex libris Augustini malè intellectis initium sumpsisse videtur.* Qua de re ait Baron. ubi supra *Faustus, ac Lucidius hanc sententiã in Concilio Arelatensi damnarunt.* Posteriores Prædestinatiani, qui ex Baron. ann. 480. in eadem Gallia extabant, eandem sententiã, & duriorẽ renouarunt. Au-

Prædestinatiani quid docebant

Duc Prædestinatianorum Classis.

Prima in quinto sæculo. Faustus Reiensis caput.

Multa dicebant iniuriosa Deo.

Baron. eorum dicta refert, & Sigibertus.

Eam damnarunt eisdem Auctoribus.

thor, & caput eorum fuit *Gothescalcus* Monachus de Orbe Diœcesis Rhemensis, de quibus Hinchmarus Episcopus Rhem. ad Hinchmarum Episcopum Laudunensem sic scribit. *Docent, quod sicut Deus prædestinavit aliquos ad vitam æternam, sic alios etiam ad mortem æternam prædestinavit; & quod Deus non vult omnes homines saluos fieri: nam si vult, & non omnes saluantur, non omne fecit, quod voluit: quod si vellet id quod non potest facere, non esset omnipotens, sed infirmus, & impotens, & quod Christus non esset pro omnibus mortuus. Et alia huius generis dura; & quoniam noluit umquam Gothescalcus reuocare fuit in carcerem trusus, & punitus.*

107. Post decem sæcula prodiit impius Ioannes Calvinus, qui prædestinationem absque præuisione meritorum, cum S. Augustino quidem docuit, sed hæreses plures contra Augustini sensum illius sententiæ adiunxit; cuius blasphemias adducere nunc non curo, sed in Opusculo de Reprobatione, Deo dante, aliqua de illius impietate referam.

108. Adu. 2. Sanctum Augustinum, sicut ex præcedenti etiam capite patuit, firmiter tenere, quod prædestinatio electorum ad gloriam sit pura, & mera Dei gratia, ac misericordia independens à cuiusvis merito, ita tamen, vt assecutionem ipsius gloriæ concedere velit per merita eorumdem electorum, quibus quoque in tempore daturus est gratiam ad merendum.

109. Augustinum secuti sunt omnes, quos retuli in proemio huius opusculi, & præ cæteris Sancti Prosper, Hilarius Arelatensis, Fulgentius &c. deinde Magister sententiarum Petrus Lombardus, & omnes Sententiarij; Alexander de Ales

Do-

Posterior
lassis Præ
destinatio-
nem. Go
thescalcus
eorum ca-
puit.

Calvinus
pessimè de
hæc mate-
ria locutus
est.

Ex S. Aug.
Prædestina-
tio ad glo-
riam ex
mera Dei
gratia, non
merces.

Doct̃or irrefragabilis, S. Thomas Doct̃or Angelicus, S. Bonau. Doct̃or Seraphicus, Ioannes Duns Scotus Doct̃or subtilis, Franciscus de Maironis Scoti discipulus, Doct̃or illuminatus, Academię plures, Thomistę omnes, ac Scotistę, & magna pars PP. Societ. Iesu, qui vnanimiter sequuntur in hac materia Sanctum Augustinum, vt initio demonstraui.

110. Adu. 3. plures, & ante, & post Augustinum secutos esse, hodieque sequi oppositam sententiam, de quibus loquar infra. Vtraque tamen sententia doceri in Ecclesia permittitur; quia neutra damnata est; & August. ipse ait suam non esse de fide; immò vtriusque authores suam intentionem in sacra Scriptura fundare conantur; ideòque alterutri modeste se in alterutra impugnanda gerere debent, vt antiqui, & prudentes viri se gesserunt, sequentes Cælestini primi in epistola ad Galliæ Episcopos sententiam. Is enim post damnationem hæresum Pelagij, de alijs controuersijs inter Catholicos sic loquitur. *Profundiores verò, difficilioreſque partes quæſtionum, quas latius pertractarunt, qui hæreticis resistunt; sicut non audemus contemnere; ita non necesse habemus adstruere; quæ ad confitendum gratiam Dei, cuius operi, ac dignationi nihil penitus subtrahendum est, satis sufficere credimus quidquid secundum prædictas regulas Apostolicæ Sedis nos scripta docuerunt, vt prorsus non opinemur Catholicum, quod apparuit præfixis sententijs esse contrarium.* Hæc Cælestinus. Inter profundas autem, ac difficilioreſ quæſtiones, ista computanda omninò est, quæ maxima Dei gratia est, à qua omnes alię gratiæ in electis toto vitę tempore promanant; ideòque sub disputatione relicta. At nihilominus aduertendum phro, quòd Cælestinus eam epistolam scripsit ad sug-

Alij Authores ante, & post Augustinum tenuerunt oppositam sententiam.

Modestia seruanda in alterutro impugnatione.

Cælestini primi elogium pro Augustino.

Nota, quòd Cælestinus commendat eius doctrinam.

stionem Prosperi, & Hilarij conquerentium, quòd post Sancti Augustini obitum, doctrina eius de Gratia à nonnullis sugillaretur; hæc autem de Prædestinatione pars est illius: & Cēlestinus corripit Episcopos Gallos, quòd Augustinum non defendant, & eius aduersarios retundant, vt in proemio huius opusculi dictum est. His præmissis

III. Dico I. Secundum S. Augustinum (quem ego sequor) Prædestinatio hominum ad gloriam facta est ex mera Dei gratia, & misericordia, sine præuisione meritorum eorumdem.

II. Prob. hæc historia, & sententia ex multis S. Augustini dictis. Nota quòd adduco dicta explicita Augustini, non solum, vt ostendam eum sic tenere; sed quia in eis adest ratio, cur ita teneat, quæ docilem quemque suadet. I. ex lib. I. de Prædestinat. Sanctorum c. 18. & 19. quæ ad idem sunt, perpendit locum ad Ephes. 1. *elegit nos ante mundi constitutionem, & c. Præsciebat eos, ait Pelagius, qui futuri essent sancti, & immaculati per liberæ voluntatis arbitrium, & idè eos ante, mundi constitutionem, in ipsa sua præscientia, quæ tales futuros esse præsciuit, elegit. Elegit ergo antequam essent prædestinans filios, quos futuros sanctos, immaculatosque præsciuit, utique ipse non fecit, nec se facturum, sed illos futuros esse præsciuit. Hæc Pelagius: ac nota, quòd hæreticus in hoc, per hoc tantum; quia dicebat per opera præuisa facienda viribus arbitrij sine adiutorio gratiæ: Et August. vtrumque impugnat sic. Elegit nos ante mundi constitutionem, vt essemus sancti; non ergo, quia eramus futuri, sed vt essemus, nempe certum, & manifestum est. Idè quippe tales eramus futuri, quia elegit ipse prædestinans, vt tales per gratiam eius essemus. Idem replicat in sequenti capite; non quia*

Prædestinatio hominum ante præuisionem meritorum facta est, ex Dei mera, & pura gratia.

Augustini plura loca ex Sacra Script.

Quare August. dicit hæreticam sententiam Pelagij, qui ex meritis dicebat fieri.

quia futuros tales nos esse præsciuit ; sed ut essemus tales per ipsam electionem gratiæ suæ , qua gratificauit nos in dilecto filio suo . Cùm ergo nos prædestinavit , opus suum præsciuit , quo nos sanctos , & immaculatos facit .

113. Secundò probat suam sententiam Augustinus argumento paruulorum , quorum multi saluantur , multi damnantur , & primi sine præiudiciis , aut exhibitis meritis : in epist. 105. sic ait . *Quam quæso allaturi sunt causam , quod alius sic gubernetur , ut baptizatus sic exeat ; alius infidelium manibus traditus , vel etiam fidelium , priusquam ab eis baptizandus offeratur , expiret ? Et infra . Cur providentia Dei , cui nostri Capilli numerati sunt , sine cuius voluntate non cadit passer in terram , quæ nec fato premitur , nec fortuitis casibus impeditur , nec vlla iniquitate corrumpitur , ut renascantur ad beatitudinem cælestem , non consulit omnibus paruulis filiorum suorum , & nonnullis consulit paruulis etiam impiorum ? Quod quidem argumentum validissimum mihi videtur contra asserentes prædestinationem ex meritorum præiudicio .*

Tertiò in lib. de Correp. & gratia cap. 13. præ alijs dicit . *Non enim sicut sunt vocati , ut non essent electi ; sed quoniam secundum propositum vocati sunt , profectò electi sunt per electionem , ut dictum est , gratiæ non præcedentium meritorum suorum ; quia gratia est in illis omne meritum . Et de prædestinatione per gratiam non per merita sæpius loquitur .*

114. In eodem capite inquit . *Hi verò , qui non pertinent ad hunc prædestinatorum numerum , quos Dei gratia , siue nondum habentes vllum suæ voluntatis arbitrium , siue cum arbitrio voluntatis , idè verè libero , quia per ipsam gratiam liberato , perducit ad regnum . Hi ergo , qui non pertinent ad illum*

S. Augustini validum argum. ex casu paruulorum .

Ex lib. de Corr. & gratia .

Multa ibi notanda .

lum certissimum, & felicissimum numerum pro merito iustissime iudicantur. Igitur aliqui, ut paruuli, si-
ne ullo actu voluntatis præuiso prædestinati sunt
ex gratia, & beneficio Dei; & alij ex eadem gra-
tia, & prædestinati sunt ad gloriam, & ad arbi-
trij libertatem à seruitute peccati, ac diaboli.
Deindè assignat, quomodo damnantur, qui ex
gratia prædestinati non sunt, inquit. *Aut ia-
cent sub peccato, quod originaliter de generatione
traxerunt, & cum illo hereditario debito hinc exeun-
tes, quod non est regeneratione dimissum; aut per li-
berum arbitrium alia addiderunt, arbitrium inquam,
sed non liberatum, liberum iustitiæ, peccati autem
seruum, quo voluntur per diuersas impias cupidita-
tes, &c. Aut gratiam Dei suscipiunt, sed tempora-
les sunt, nec perseuerant; deserunt, & deseruntur. Di-
missi enim sunt libero arbitrio, non accepto perseue-
rantiae dono, iudicio Dei iusto, & occulto. Et sic ex
August. patet, quod non prædestinati, vel ex deli-
cto, vel originali tantum, ut paruuli, vel ex eo
cum alijs actualibus, ut Pagani, Iudæi, &c. vel si
regenerati sunt, sed dimissi propriæ voluntati non
perseuerantes in bono, reprobati sunt; & ita ex
demeritorum præuisione; & sic iuste.*

115. In cap. autem 7. de corr. & gratia dixe-
rat. *Ac per hoc, & qui Euangelium non audierunt;
& qui eo audito, & in melius commutati perseueran-
tiam non acceperunt; & qui Euangelio audito venire
ad Christum, hoc est in eum credere noluerunt, & qui
per aetatem paruulam nec credere potuerunt, sed ab
originali noxa solo possent lauacro regenerationis ab-
solui, quo tamen non accepto mortui perierunt, non
sunt ab illa conspersione discreti, quam constat esse
damnatam. Igitur prædestinatio sanctorum ex
Dei gratia, & misericordia, non ex meritis eo-
rum*

Discursus
August. con-
uincens.

Quomodo
reprobi di-
mittuntur
proprio ar-
bitrio, &
iuste dam-
nantur.

Alia loca
S. August.

rum pręuifis facta est; immò merita ex prędeterminationis gratia procedunt, vt in suo loco dicitur. Deus enim, qui prędestinat ad gloriam, prędestinat ad merita, quibus vult eam à prędestinatis consequendam. Nam in eodem cap. 7. ait, *sed quoniam secundum propositum vocati sunt, profectò electi sunt per electionem, vt dictum est gratiæ, non præcedentium meritorum suorum, quia gratia est illis omne meritum.*

116. In Enchiridio c. 98. expendens illud Rom. 9. *Non ex operibus, inquit, qua in re si futura opera, vel bona huius, vel mala illius, quæ Deus utique præsciebat, vellet intelligi; nequaquam diceret; non ex operibus, sed diceret ex futuris operibus, eoque modo solueret istam quæstionem; immò nullam, quam solui opus esset, faceret quæstionem; sed qui dixit, miserebor, cui misertus ero; & misericordiam præstabo, cui misericors fuero, Iacob dilexit per misericordiam gratuitam; Esau autem odio habuit per iudicium debitum. Quod cum deberetur ambobus: in altero alter agnouit, non de suis distantibus meritis sibi esse gloriandum, quod in eadem causa idem supplicium non incurrit, sed de diuinæ gratiæ largitate, quia non volentis, neque currentis, sed miserentis est Dei.*

117. In cap. 99. inquit. *Sola gratia redemptos discernit à perditis, quos in vnā perditionis concreuerat massam, ab origine ducta causa communis; & assignat rationem, cur ita factum sit, inquit, sic oportuisse liberari, vt ex pluribus non liberatis, atque in damnatione iustissima derelictis, ostenderetur quid meruisset vniuersa conspersio, & quod etiam istos debitum Dei iudicium duceret, nisi eis in debita misericordia subueniret.*

118. In cap. 10. de Corr. & grat. in fine habetur, *Quot quot ex hac stirpe gratia Dei liberantur, à dam-*

Merita ex
Prędetermina-
tionis gra-
tia proce-
dunt.

Ex Enchiri-
dio à Scrip-
ta ducit arg.

Ex eodem
Enchir. ite-
rum.

Ex lib. de
Corr. & gr.

Pauci Præ
destinati.

natione utique liberantur, qua iam tenentur obstricti. Unde etiam si nullus liberaretur, iustum Dei iudicium nemo iuste reprehenderet. Quod ergo pauci in comparatione pereuntium, in suo autem numero liberantur multi, gratia fit, gratis fit; gratiæ sunt agende quia fit, ne quis velut de suis meritis extollatur.

Argum.
August. de
Perseuer.
quæ est do-
num Dei,
validissimū
est, & non
ex meritis.

119. Item magni ponderis existimo S. August. argumentum de Perseuerantia finali, pro quo integrum librum scribit prætitulatum *de bono Perseuerantiæ*, quo respondet ad Prosperum, & Hilarium scribentes tumultum eorum, qui prædestinationem sine meritis ab eo traditam insimulabant: in omnibus 24. capitibus illius libri, varijs modis hoc argumentō perseuerantiæ utitur ad probandum, quod electio ad gloriam, quæ ex perseuerantia finali confertur, quæ est donum Dei, non ex meritis, sed ex gratia fiat: adducam vnum ex cap. 8. ubi expendens locum quemdam Io: 8. quærit August. *cur ex duobus p̃ys viris, huic donetur perseuerantia vsque in finem, illi non donetur.* Et respondet cum Ioanne, *si fuissent ex nobis mansissent nobiscum.* Et subdit. *Nonne utrique vocati fuerant, & vocantem secuti; utrique ex impijs iustificati, & per lauacrum regenerationis utrique renouati: & respondet. Vera sunt hæc, & secundum hæc omnia nobiscum erant; verumtamen secundum aliam quamdam discretionem non erant ex nobis; nam si fuissent ex nobis, mansissent utique nobiscum; & post aliqua inquit; Quenam sit tandem ista discretio? Patent libri Dei, non auertamus aspectum. Clamat scriptura diuina, adhibeamus auditum. Non erant ex eis, qui non erant secundum propositum vocati: non erant in Christo electo ante constitutionem mundi: non erant in eo sortem consecuti; non erant prædestinati secundum propositum eius, qui vniuersa operatur.*

Idem librū
confecit de
bono Per-
seuer.

Dicit, quod
ex libris
Dei infer-
tur sua sen-
tentia.

Qui

Qui ergo non est prædestinatus, non perseuerat in bono ad obtinendum finem, ac terminum prædestinationis; igitur non potest dici, quòd ex meritis (inter quæ deberet primum locum tenere perseuerantia) facta est electio ad gloriam: vel si ex præuisione perseuerantiæ, cum hæc sit ex gratia, vt de fide est, iam electio ex gratia originem haberet: satius autem est dicere, quòd ipsa electio ex numero perditorum in originali, sit ex gratia, & ex ea dependeat vocatio &c. ac perseuerantia finalis. Quod quidem argumentum validissimum esse conspicitur, quia de fide est, perseuerantiam esse donum Dei.

120. Augustinum secutus est eius discipulus S. Prosper, qui pluries de hac re loquitur, præcipuè in epist. ad Rufinum, in qua agit de libero arbitrio, & corripit eos, qui negabant, *ex omni genere hominum per cuncta sæcula natorum, certum apud Deum, definitumque esse numerum prædestinati in vitam æternam populi, & secundum propositum Dei vocantis electi*, & ait, in illis non præcedens eligitur, nec secutura deuotio; non obedientia, nec discretio, non voluntas. Et soluens illud Pauli ad Timot. dictum, *Deus vult omnes homines saluos fieri*, quòd hoc non intelligatur de singulis hominibus, inquit. Numquid non sunt de omnibus hominibus, qui à præteritis generationibus vsq; ad hoc tempus sine Dei cognitione perierunt? & si maioribus natu (quod non rectè dicitur) mala opera, quæ libero arbitrio commiserunt, obsuerunt, quasi boni non mali gratia liberentur, inter saluatos paruulos, & non saluatos paruulos, quæ meritum potuit esse discretio? Quid istos introduxit in regnum Dei, quid istos exclusit à regno Dei? equidem si merita consideres, non vna pars saluari meruit, sed vtraque damuari; quia omnibus

Perseuerantiæ debetur gloria, sed hæc non ex meritis.

S. Prosper in omnibus his sequitur Agut.

Discursus S. Prosperi profundus & clarus.

in *Adæ præuicatione prostratis*, nisi quosdam as-
sumeret misericors gratia, maneret super vniuersos in-
culpata iustitia. Quæ autem sit discretionis istius in
secreto Dei consilio causa, vel ratio, & supra facul-
tatem humane cognitionis inquiritur; & sine fidei
diminutione nescitur, modò confiteamur, neminem
immeritò perdi, neminem meritò liberari, & omni-
potentissimam Domini bonitatem omnes saluare, &
omnes ad agnitionem veritatis imbuere, quos vult
omnes fieri saluos, & ad agnitionem veritatis venire.
Nisi enim ipso vocante, docente, saluante, nemo ve-
nit, nemo eruditur, nemo saluatur.

121. S. Fulgentius in lib. de Remiss. peccat.
cap. 4. discutiens historiam Iacob, & Esau, ait,
Quo circa ex duobus istis fratribus, quos vno concu-
bitu Isaac Patris nostri, vnus in semine conceptus
accepit, vnus in lucem partus effudit, sola quem vo-
luit à massa damnationis misericordia diuina discre-
uit, cui patrocinata est gratuitorum prædestinatio mu-
nerum, non futurorum præscientia meritorum. Sic
enim secundum electionem propositum mansit, vt ex
proposito Dei gratuita foret electio. Voluntas enim
causa est electionis, non electio voluntatis.

122. Idem in lib. de Prædestinationis Veritate,
plura de hac sententia dicit, præsertim hoc: ait
Apostolus dum nondum nati fuissent, aut aliquid
egissent horum, vel malum, vt secundum electionem
propositum Dei maneret. Quod Apostolus idèd di-
xit, vt non secundum hominis, sed secundum electio-
nem vocantis propositum mansisse monstraret, neque
ex nascituri quolibet merito, sed ex voluntate Dei
cognosceretur electio.

123. Petrus Damianus eandem sequitur sen-
tentiam in epist. ad Fulgentium, vbi contra Semipe-
lagianos loquens, & discutiens illud Pauli super
hac

S. Fulgen-
tius eandẽ
sen. entiam
sequitur.

Pluries Ful-
gentius id
repetit.

Petrus Da-
mianus idẽ
docet.

hac materia, d quam incompræhensibilia sunt iudicia eius, ait. Hæc si ita sunt, vt hæretici iactant, compræhensa sunt ab ipsis incompræhensibilia, & inscrutabilia Dei iudicia. Si enim, vt ipsi volunt nolentes damnat, volentes saluat; quod quæratur vltius? Nos autem incompræhensibilia credentes, & demonstrantes iudicia Dei, ex vna massa perditionis, alios saluari dicimus bonitate, & gratia Dei; alios iusto, & occulto iudicio derelinqui.

124. S. Gregorius in lib. 1. Dial. c. 8. ait. Obtineri nequaquam possunt, quæ prædestinata non fuerunt: sed ea quæ sancti viri orando efficiunt, ita prædestinata sunt, vt precibus obtineantur. Nam ipsa quoque perennis regni prædestinatio, ita est ab omnipotenti Deo disposita, vt ad hoc electi, pro labore perueniant, quatenus postulando mercantur accipere, quod eis omnipotens Deus ante sæcula disposuit donare. Et vt cæteros omittam, de quibus dixi in proemio huius Opusculi, post multa sæcula prodierunt Scholastici, quorū antesignanus fuit Petrus Lombardus dictus *Magister sententiarum*, eo quod plerasque sententias ex lib. S. Augustini collectas in quatuor libros redegit; qui floruit in sæculo 13. Hic sententiam S. Augustini de prædestinatione ad gloriam sine meritis factam tenuit; hunc secuti sunt Alexander de Ales dictus *Doct̃or irrefragabilis*, S. Thomas *Doct̃or Angelicus*, S. Bonaventura *Doct̃or Seraphicus*, Ioannes Duns Scotus, *Doct̃or subtilis*, & Academię multæ, vt initio retuli: ideòq; eam quasi irrefragabilem censeo.

125. Aliquæ fateor adsunt contra eam difficultates, quas infra ex S. August. soluere conabor; & si non satisfaciam, dicat lector, d *altitudo diuinarum sapientiæ*, & *scientiæ Dei*: plures enim, & inextricabiles sunt in opposita sententia, vt patebit.

S. Greg. Magnus.

CAPVT VIII.

*Quid alij Patres senserint de prædestinatione, cum,
vel sine intuitu meritorum.*

126. **A**Du. quòd quæstio hæc de prædestinatione ex meritis, vel sine eis non est moderna; neque alterutra sententia declarata est de fide, sed vtraque permixta; quia vtraque Sanctos Patres habet patronos. Quamuis enim ante S. Augustinum non fuerit formiter hæc quæstio disputata; sed vtraque sententia ab aliquibus prælibata tantum: tamen post S. Augustinum, qui methodicè Theologiam docuit, fuit semper acriter disputata. Fateor quidem, quòd primi vtriusque sententiæ authores zelo pietatis erga Dei misericordiam, bonitatem, ac iustitiam, solis rationibus Sacræ Scripturæ innixis, absque iniurijs, scommatibus, aut falsitatibus disputarunt. At sequaces eorum non omnes eandem viam tenuerunt, sed plerique in scommata, & acerbitates, quæ Catholicum non decent, prolabantur. Hic ergo historicè referam, quid SS. Patres Græci, ac Latini ante, & post S. Augustinum de prædestinatione ad gloriam sine præuisione meritorum dixerunt.

127. Dico I. Plures Patres Græci prædestinationem sanctorum à Deo ab æterno factam ex præuisione meritorum asseruerunt.

128. Prob. hæc historia ex aliquibus Patribus Græcis Origene, Chrysostomo, Oecumenio, ac Theodoro.

129. Orig. licet in hac materia aliquando claudicare videatur; tamen in Epist. ad Rom.

cap. 8.

Hæc quæstio antiqua est.

Neutra sententia declarata de fide.

Cum modè scia sine iniurijs disputanda.

Historicè refertur sententia de Prædest. ex meritis.

Græci aliqui docuerunt.

cap. 8. quos præsciuit, & prædestinavit &c. ait, & idè etiam in præsentì loco constat, Apostolum secundùm Scripturæ Sacræ consuetudinem posuisse sermonem cognoscendi, vt illos ostenderet præcognitos à Deo in quibus sciens quales essent, amorem suum Deus, affectumque posuisset. Et postea explicans illud eiùdem Apostoli, qui secundum propositum vocati sunt sancti, dupliciter explicat propositum, & vt propositum Dei vocantis, ac eligentis, & vt propositum eorum, qui eliguntur à Deo, præuifum, sic. Omnes quidem vocati sunt, sed non omnes secundum propositum bonum, & bonam voluntatem, quam circa cultum Dei gerunt, vocantur. Illi enim, qui non habent bonum, fixumque propositum circa diuinum cultum, vel circa opus bonum; vocantur quidem & ipsi, ne eis excusatio relinquantur. Quòd si secundum propositum ad Deum referatur, hoc est, qui secundum Dei propositum, qui sciens in eis religiosam mentem, & salutis inesse desiderium vocati dicantur; non videbitur his, quæ exposuimus hoc esse contrarium. Hoc ergo pacto, neque in præscientia Dei, vel salutis, vel perditionis nostre causa consistit, neque iustificatio ex sola vocatione pendeat; neque gloriari de nostra penitus potestate sublatum est. Ex quibus patet, quòd Deus (ex Origene) ex præuisione operum humanorum, & vocat, & reprobatur; ea tamen opera cum auxilio gratiæ facienda præuideri in suo loco dicemus cum eodem authore; nec aliter cum fide. intelligi posset.

130. S. Io: Chrysostomus pluries de prædeterminatione, & reprobatione ex præscientia operum loqui videtur: in epist. ad Rom. 9. homil. 16. priùs dicit, Qui enim mentis occulta cognoscit, ipse manifestè scit, quinam coronis digni sint, quinam sup-

Origenes
eam docuit

S. Io: Chrysostom. idè
docuit.

pli-

plicio, atque pœna. Et explicans quomodo aliqua sint vasa irę, & contumelię, alia honoris, & misericordię, inquit, *Vt igitur Pharaos vas irę factus est propria iniquitate, sic & isti vasa misericordię sua probitate fiunt. Nam etsi maiori ex parte id à Deo geritur; tamen à nobis exiguum confertur aliquid. Idcirco non dixit vasa præclarorum facinorum; neque vasa fiducię; sed vasa misericordię, ut ostendat totum illud Deo tribuendum. Quod clariùs infra confirmat, inquit, vnde ergo alij vasa sunt irę, alij misericordię? respondet. Ex arbitrio proprio. Nam Deus, cum sit optimus, in vtrisque eandem benignitatem exhibet. Non enim eos, qui saluantur solum miseratus est; sed etiam Pharaonem quantum in ipso fuit, eandem quippè in se tolerando patientiam experti sunt. Quod autem non est saluatus, totum id illius voluntati tribuendum est; quia quod ad Deum pertinet, nihil minus quàm, qui saluati sunt, est adeptus.*

131. Quod autem opera illa præuisa non essent faciendæ ex solis naturę viribus, sed ex adiutorio gratiæ per Christum, docuit idem Chrysost. in homil. prima in epist. ad Ephes. versu, qui prædestinavit nos in adoptionem filiorum, ad quæ dicit. *Non enim ex nostris laboribus rectè factis hoc suppetit, sed ex Charitate, neque ex Charitate solum, sed ex virtute nostra. Nam si id ex sola Charitate penderet, saluari omnes oporteret. Sin autem sola ex virtute nostra supervacaneus fuisset aduētus illius, & quæcumque ab eo sunt administrata. Verum neque ex sola Charitate, neque sola ex virtute nostra illud accidit, sed ex utraque. Hæc S. Doctor. Ex quibus patet, sententiam suam esse, quod prædestinatio ad vitam æternam facta sit ex præuisione operum ex Charitate, & in Charitate fiendorum. Quomodo autem*

Multa digna Chrysost.

Sed merita illa ex auxilio gratiæ faciendæ præuisa sunt.

autem hæc eius dicta explicentur à Doctoribus contrariæ sententiæ (nam Chrysostomo multum deferendum est) videbimus in suo loco .

132. Theodoretus in epist. ad Rom. c. 8. explicans illud , *Omnia cooperantur in bonum, ijs, qui secundum propositum vocati sunt sancti*, intelligit non de proposito Dei, sed de proposito vocatorum, inquit, *Quorum propositum præsciuit, eos ab initio prædestinavit. Prædestinatos, ac prædefinitos etiam vocauit: Deinde vocatos per baptismum iustificauit; iustificatos verò glorificauit: & post. Ceterum nemo horum causam, præscientiam esse dicat; non enim præscientia eos tales effecit, sed Deus, ut Deus, quæ futura erant procul prospexit. Et in cap. 9. ad Rom. ait. Non est enim iniusta electio, sed quæ hominum proposito conuenit. Et explicans illud etiam Pauli; numquid dicit figmentum ei, qui se finxit, &c. ait, Recta ergo est, & iusta Dei vniuersorum sententia; iure ergo punit peccatores, ut qui hoc sua sponte facere audeant. Iure etiam lenitate, ac benignitate utitur; à nobis enim accepta occasione præbet misericordiam.*

132. Oecumenius in idem c. 8. ad Rom. eodem modo explicat illud dictum; *ijs, qui secundum propositum vocati sunt sancti*, inquit. Deinde nè quasi certis hominibus indulgens Deus, eos præ alijs vocare videatur, adit eis, *qui secundum propositum vocati sunt, hoc est secundum arbitrium suum dignati sunt vocatione: ostendens, omnes nos quidem esse vocatos, illos autem auscultasse, idcirco opitulatur eis Deus, qui secundum propositum facti sunt vocati. Quos autem prædestinavit, hos & vocauit, quos autem vocauit, hos & iustificauit; nè absurdum videatur, Deum quibusdam benefacere, non alijs. Quod autem additur secundum propositum, effecit,*

ut

Theodore.
tus eandẽ
sententiam
docuit .

Locum A-
postol. de
proposito
explicat de
proposito
hominum .

Oecume-
nius eodẽ
modo te-
net, ac ex-
plicat .

vt in factis illius adscribatur laus, quia suapte voluntate crediderunt; & à personarum acceptione reddit immunem Deum.

133. Addi potest ex Græcis Theofil. qui in idem caput 8. ad Rom. quos præsciuit, & prædestinavit. inquit. Præcognoscit, vel præscit Deus eos, qui vocatione digni sunt, deinde sic prædestinat. Prior itaque est præscientia, postea sequitur prædestinatio. Prædestinationem autem intelliges impermutabilem Dei bonam voluntatem. Prænotat itaq; Paulum Evangelij vocatione dignum esse, sicque præfinivit, seu prædestinavit, hoc est, impermutabiliter decrevit, ideòque statuit vocare ipsum. Et in cap. 9. discutiens illud de Iacob, & Esau, cum enim nondum nati fuissent, idem ferè dicit.

134. Dico 2. Aliqui Patres Latini priores Sancto Augustino docuerunt; prædestinationem ad gloriam factam esse ex præiis meritis.

Prob. hæc historia. S. Ambrosius in lib. 5. de Fide, c. 5. expendens illud Christi dictum ad Iacobum, & Ioannem, sedere ad dexteram, & sinistram meam non est meum dare vobis. Matth. 20. ait. Non est meum, qui iustitiam servo, non gratiam. Denique ad Patrem referens addidit, sed quibus paratum est, vt ostenderet Patrem quoque non petitionibus deferre solere, sed meritis; quia Deus personarum acceptor non est: Vnde Apostolus ait, quos præsciuit, & prædestinavit. Non enim ante prædestinavit, quàm præsciret; sed quorum merita præsciuit, eorum præmia prædestinavit. Immo (si commentaria in epist. ad Rom. essent S. Ambrosij (quod non creditur) in cap. 8. & 9. multo plura de hac sententia habentur.

135. S. Hieronymus in cap. 1. Isaie. Si volueritis, & audieritis me, bona terræ comedetis, ait, liberum

Theophila-
tus eandẽ
docuit sen-
tentiam.

Ex latinis
aliqui Pa-
tres docue-
runt factã
ex præiis
merito-
rum.

S. Ambros.

liberum seruat arbitrium, vt in vtramque partem, non ex præiudicio Dei, sed ex meritis singulorum, vel pœna, vel præmium sit: Et in cap. 1. Malachia inquit, Dilectio Dei, & odium, vel ex prescientia nascitur futurorum, vel ex operibus: Et in epist. ad Hedibiam de multis propositionibus 9. cap. epist. ad Roman. mentionem faciens, in decima questione, sic loquitur. Quid ergo dicemus, iniquus est Deus? absit. Exodi 33. ait, miserebor, cui misertus fuero, & non est volentis, neque currentis, sed Dei misipientis: his suppositis, mouet questionem cum Paulo, quid ergo conquæritur Deus, quod bona non facimus, vel fecimus mala, cum in potestate illius sit, & voluntas absque bonis, & malis operibus; vel eligere aliquem, vel abijcere. Et respondet, cum Paulo. O homo tu quis es, qui respondeas Deo. Et est sensus. Ex eo quod respondeas Deo, & calumniâ facis, & de scripturis tanta perquiris, vt loquaris contra Deum, & iustitiam voluntatis eius incusas, ostendens te esse liberi arbitrij, & facere quod vis, vel tacere, vel loqui. Et postea ait. Deus non saluat irrationabiliter, & absque iudicij veritate, sed causis præcedentibus; quia alij non susceperunt filium Dei; alij autem recipere sua sponte voluerunt, &c. ex quo sequitur non gentes eligi, sed hominum voluntates. Hæc Hieron.

136. Post S. Augustinum immediatè, alij reuenerunt electionem ad gloriam factam fuisse ex præuisione meritorum, vt Faustus, & Massilienses, qui contra S. Augustinum oblatrabant, & habetur ex epist. S. S. Prosperi, & Hilarij ad Augustinum, in qua referunt difficultates contra eius sententiam motas (quas in cap. sequenti referemus) quare de re S. Doctor pro responsione scripsit duos illos præclaros libros, vnum de Prædest. S. S. alium de bono Persen.

Hieronymus idem docuit.

Pluribus ostendit motuum prædestinandi fuisse opera humana præuisa.

Post S. August. aliqui eam impugnauerunt, & docuerunt fieri per merita.

Concil. Va-
lentinum,
eam tenuit

137. Concilium Valentinum ex 14. Episcopis in cap. 3. hanc sententiam tenuit dicens. *In electio-
ne saluandorum, misericordiam Dei præcedere meri-
tum bonum: in damnatione autem perditorum, præce-
dere meritum malum, iustum Dei iudicium.* Et in cap. 2. dixerat. *Malos non ideo perire, quia boni esse non potuerunt, sed quia boni esse noluerunt, suoque vitio in massa damnationis, vel merito originali, vel etiam actuali permanserunt.*

Honorius
Augustod.

138. Honorius Augustodunensis in Dialogo de Prædestinatione, eam sic definit. *Est pro me-
ritis cuiusque, vel ad gloriam, vel ad pœnam æterna
Dei preparatio.* Porro qui præuisi sunt in bono per-
mansuri sunt ad vitam prædestinati; qui verò præsci-
ti in malo vitam finituri, ad pœnam sunt utique præ-
destinati, ergo quos Deus præscivit in filium suum
credituros, & voluntariè mandata eius seruatu-
ros, hos ante sæcula prædestinavit: hos suo tempore ad fidem
vocavit; hos per baptismum iustificavit; hos virtutibus
magnificavit; hos vasa misericordiæ glorificavit. Quos
autem minimè facturos præsciuit, hos à regno gloriæ
reprobavit, & vasa iræ, & contumeliæ apta ad pœ-
nam prædestinavit. Et hoc etiam, ait, notificatum
in Iacob, & Esau, quia eorum merita, ac demerita
fuerunt à Deo ab æterno præuisa.

Exemplum
figuli di-
uersa vasa
facientis
ex eodem
luto, Autho-
res contra-
rij aliter
explicant.

139. Et quoniam S. Augustinus, eiusque di-
scipuli, & sequaces illius ad probandam electio-
nem ad gloriam, vtuntur præ alijs loco Pauli
Rom. 9. de figulo ex eadem massa faciente vasa
duo, vnum in honorem, aliud in contumeliam;
Authores contrariæ sententiæ adducunt alias Pa-
trum huius loci declarationes Augustini sensui
oppositas, quibus ostenditur vasa illa honorata,
vel inhonorata fieri quidem talia, sed propria vo-
luntate, & sic à Deo existimari.

140. Damascenus enim in lib. 4. fidei cap. 20. ait . *Vasa illa fidei à Deo , qui est solus omnium artifex ; sed non qua honorata , vel inhonorata sunt . Id enim vniuscuiusque liberum arbitrium facit . Et vtens Pauli doctrina 2. ad Timot. 2. In magna domo , non solum sunt vasa aurea , & argentea ; sed & lignea , & fictilia , & quedam quidem in honorem , quedam autem in contumeliam . Si quis ergo emundauerit se ab istis , erit vas in honorem sanctificatum , & utile Domino ad omne opus bonum paratum . Quasi dicat homines à Deo creati , suis operibus se constituunt vasa , siue honoris , siue contumeliæ : Deus autem pro eorum bona , vel mala conditione eis vititur in honorem , vel contumeliam .*

141. Et confirmant ex Origene , qui homilia 14. in lib. Num. discutiens præfatum Pauli locum ; *In magna domo &c. ait ; Verum vasa hæc , quæ dicimus , rationabilia intelligenda sunt , & liberi arbitrij , non casu , neque fortuito vnusquisque vas honoris efficitur , aut vas contumeliæ , sed qui se talem præbuerit , vt electus esse mereatur , vas electum , & vas honoris efficitur . Qui verò indignis , & deterrimis sensibus viuit , iste formatur vas contumeliæ , non à conditore , sed à semetipso , causis contumeliæ suæ datis .*

Vtuntur præterea alio argumento Pauli , 1. Timot. 2. 4. *Deus vult omnes homines saluos fieri , & ad agnitionem veritatis venire . Quem locum , dicunt , à Patribus sic intelligi , quòd Deus voluntate antecedente , & quantum est in se omnes omninò homines volebat saluare , sed ab ipsorum hominum præiudiciis operibus , malis , aut bonis faciendis , cum gratiæ auxilio , sufficienti omnibus dando , ortum est , vt aliquos voluerit efficaciter , & voluntate beneplaciti , alios non ; & ad-*

Damascenus dicit quòd homines ex se fiunt vasa bona , vel mala .

Ex Origene confirmant multi .

Vtuntur di-
cto Pauli ,
Deus vult
omnes ho-
mines sal-
uos fieri .

Et ipsi ho-
mines im-
pediunt
suis pecca-
tis .

ducunt Sanctorum dicta .

142. S.Io: Chrift. hom. 2. in epist. ad Hebreos ait, *Deus quantum est in se omnes ad salutem perducere cupit: & hom. 44. de longitudine præmiorum, inquit. Quod enim sæpius dixi necessitate; ac vi neminem attrahit vnquam Deus, sicut Paulus ait, qui vult omnes homines saluos fieri, & ad agnitionem veritatis venire. Cur igitur non omnes salui fiunt, si vult omnes saluos esse? quoniam non omnium voluntas illius voluntatem sequitur: porro ipse neminem cogit, dixit enim Ierusalem, quoties volui congregare filios tuos quemadmodum Gallina congregat pullos suos sub alas, & noluiisti.*

143. S. Paulinus in epist. 2. inquit. *Omnem enim hominem quantum in ipso est saluum fieri vult, qui fecit omnes.*

144. S. Hieronymus in cap. 63. Isaia sic discurret. *Si prudens lector tacita cogitatione responderit, quare multi non sunt saluati, si ipse saluauit eos, & dilexit, & pepercit filijs suis, & redemit eos sanguine suo, suscepit, & exaltauit assumptos? Et responderet. Inferitur causa perspicua; ipsi autem non crediderunt: & exacerbauerunt Spiritum Sancti eius, &c. Voluit itaque Deus saluari cupientes, & prouocauit ad salutem, vt voluntas haberet præmium; sed illi credere noluerunt. Et post aliqua. Nec statim in culpa est, si plures credere noluerunt, sed venientes; voluntas fuit, vt omnes crederent, & saluarentur.*

145. Idem S. Hieron. in cap. 1. ad Ephes. inquit. *Vult saluari omnes, & in agnitionem veritatis venire: sed quia nullus absque propria voluntate saluatur (liberi enim arbitrij sumus) vult nos bonum velle, vt cum voluerimus, velit ipse in nobis suum implere consilium.*

146. S. Am-

S. Io: Chri-
fost. id te-
net.

S. Hieron.
eodem mo-
do decla-
rat.

Iterum
Hieron.

146. S. Ambros. ante Hieron. idem docuerat in psal. 72. super illud, *Quàm bonus Israel Deus*, &c. dicens, *nonne omnibus bonus est Deus? ille qui- dem omnibus bonus est, quia saluator est omnium, maximè fidelium. Et idèd venit Dominus Iesus, ut saluum faceret, quod perierat; venit ut peccatum mundi tolleret, ut vulnera nostra curaret. Sed quia non omnes medicinam expetunt, sed pleriq; resugunt, nè medicamentis compungatur vis vlceris; idèd volentes curat, non adstringit inuitos. Et post multa. Pulchrè autem Apostolus, ut præmisimus, explanauit, quia & omnibus bonus est Deus, qui vult omnes homines saluos fieri; & maximè fidelibus diuinæ pietatis prerogatiua seruatur, quibus voluntas Dei opitulatur, & gratia.*

147. Idem S. Ambros. in lib. de Paradiso c. 8. ubi de Iuda ait, *Venerat Dominus Iesus omnes saluos facere peccatores: etiam circa tempus suam debuit ostendere voluntatem. Et idèd nec proditurum debuit præterire, ut aduerterent omnes, quòd in electione etiam proditoris sui seruandorum omnium insigne prætendit; & post aliqua. Et quòd in Deo fuit, ostendit omnibus, quòd omnes voluit liberare.*

Et in lib. 2. de Abel, & Cain c. 3. dicit. *Omnibus opem sanitatis detulit; ut quicumque perierit, mortis suæ causas sibi adscribat, qui curari noluit, cum remedium haberet, cum posset euadere; Christi autem manifestè in omnes prædicetur misericordia; & quòd qui pereunt, sua pereant negligentia: & qui saluantur, secundum Christi sententiam liberentur, qui vult omnes homines saluos fieri, & in agnitionem veritatis venire. Ex quibus authores huius sententiæ inferunt, quòd iuxta eorundem S. S. Patrum, sententiam ex meritis, ac demeritis præuisis facta sit electorum, ac damnatorum prædestinatio, cum Deus*

S. Ambros.
idem do-
cuit.

Iterum S.
Ambros.

Tertiò S.
Ambros.

Deus quantum de se erat, vellet omnes saluare, & nihilominus omnibus liberi arbitrij vsum liberum permittere, & ex eo benè, vel malè in praxim redigendo ab ipsis hominibus, bonorum à malis discretionem ab æterno decreuisse.

148. Mirum ergo non est, si recentiores postea hanc sententiam sibi plausibilem visam, & à Deo acceptionem personarum omninò remouentem, amplexi sunt. At de maiori, aut minori alterutrius probabilitate, in sequenti loquar.

CAPVT IX.

De qualitate meritorum, quorum intuitu à quibusdam asseritur facta prædestinatio.

149. **A**Du. pro indemnitate eorum, qui tenent prædestinationem factam ex præiudiciis meritis; quòd tripliciter hoc posset intelligi. Primò de meritis ex naturæ viribus eliciendis absque auxilio gratiæ, quod Pelagianum est, & ab Ecclesia damnatum, vt probabitur in Opusculo de Gratia. 2. De meritis sic eliciendis ab adultis, vt supposita vocatione ad fidem, assensus primus ad eam sit ex puris naturæ viribus, cæteri autem sequentes actus tam credendi, quam sperandi, diligendi, ac pœnitendi, &c. sint faciendi cum auxilijs diuinæ gratiæ. Et hoc est semipelagianum, vt in eodem opusculo dicitur. Semipelagiani enim tenebant, quòd ad omnia opera bona, & meritoria, est necessarium actualis gratiæ auxilium, & per hoc recedebant à Pelagio, qui omne auxilij adiutorium negabat, saltem ad simpliciter operandum; nam aliquando concessit eius necessitatem ad faciliùs operandum. At semipela-

Cum recentiores amplexi sunt sententiam istam.

Authoris intentio.

Quæ merita asseruntur fecisse.

Motus prædestinationis. Sensus Pelagianorum. Sensus semipelagianorum.

pelagiani cum Pelagio in hoc præ ceteris conueniebant, quòd initium fidei dicebant esse ab homine solis naturæ viribus operante. Quæ sententia pariter hæretica est. 3. intelligitur de meritis præiis eliciendis, cum auxilio diuinæ gratiæ, & hæc sententia improbata non est ab Ecclesia, sed in scholis controuertitur; & hæc tantum ab Authoribus Prædestinationis ex meritis tenetur, ex eo quòd doceatur à Patribus.

150. Adu.2. quòd alia adhuc, & grauior superest difficultas de qualitate auxiliorum, quæ præiis sunt ad merita necessaria, & consequenter à Deo danda, seu offerenda. An scilicet sint generis auxilij *sine quo*, vel auxilij *quo* (de quibus in suo loco dicemus) id est, an sint auxilia ex natura sua intrinsecè efficacia, quæ cum à Deo dantur faciunt facere infallibiliter, & ineluctabiliter: an sint, seu debeant esse eius generis, vt oblata, seu offerenda hominibus sint ita indifferentia, vt homines, si velint consentiant, & sic euadant efficacia; si autem non consentiant, sine effectu maneant, & sic inefficacia. Certum quidem est, quòd hæc difficultas spectat ad Opusculum de auxilijs diuinæ gratiæ: at res istæ sic sunt concatenate, vt vnà sine alia percipi nequeat. Qui enim tenent prædestinationem factam ex meritis, tenentur defendere, quòd ex meritis cum Dei auxilio eliciendis. Et si interrogentur, vel vrgeantur de qualitate auxilij, tenentur respondere, an de auxilio *quo*, seu ab intrinseco efficaci; an de auxilio *sine quo*, seu, vt ipsi dicunt, indifferente; & à voluntate humana imperante, determinando.

151. Adu.3. Quòd multi Authores moderni, qui prædestinationem ex meritis præiis factam tenent, sic eam explicant. Deus ab æterno volun-

Sensus quorumdam Catholicorum, sed controuersus.

Alia difficultas de genere auxilij.

An efficax ex sua natura, an indifferens.

Auxilium, quo id est efficax ex se. Auxilij sine quo ex consensu efficax.

Quomodo
Authores
modū hunc
prædestinā
di expli-
cant.

luntate antecedenti voluit saluare omnes, ideò decreuit dare omnibus media sua auxilia necessaria ad salutem toto eorum vitæ tempore (de adultis loquor:) vidit autē, quòd aliqui eis essent consensuri, eisq; vsuri; alij verò non, ideò decreuit priores adiuuare, vt opera illa ad quæ daturus est auxilia, perficiant; illos verò, qui non consensuri sunt, relinquere. Hæc, aliaque plura de his auxilijs indifferentibus, & de operibus ex illis faciendis à Deo per scientiam, quam dicunt mediani, præuisis, docent, vt in suo loco dicitur. At pro re nostra, de qua nunc agimus hæc prælibasse sufficiat.

Merita,
quorum in
tuitu facta
est prædesti-
natio, ne-
queunt dici
elicienda
ex viribus
naturæ, sed
ex auxilio
gratiæ.

152. Dico 1. merita, ex quorum præuisione Authores dicunt factam prædestinationem, nequeunt dici elicienda ex viribus naturæ; sed cum auxilio gratiæ.

153. Prob. Illa prorsus debent asseri, quæ in tempore sunt à prædestinatis elicienda; & pro quibus vita æterna, seu gloria est eis reddenda, sed hæc non eliciuntur ex viribus naturæ, sed cum auxilio gratiæ, ergo. Maior prob. ex Rom. 2. 6. *reddet unicuique secundum opera eius.* & 2. Cor. 5. 10. nec non *Apocal. 22. 12.* ista igitur, quæ præmianda sunt, præuisa mouerunt ad prædestinandum: neque de hoc est dubium. Prob. min. pro nunc (quia in proprio loco de ea loquemur) Nullum opus bonum ad salutem conferens fieri potest absque auxilio gratiæ, quia ex *Io. 15. sine me nihil potestis facere.* Et sub eisdem verbis hæc propositio fuit definita in pluribus Concilijs *Mileuit. can. 5. Arians. 2. c. 7. & ult. Trid. cap. 10. & can. 2. ab Innocentio 1. in epist. 24. 25. & 26. à Cœlestino 1. epist. 1. cap. 10. & hæc fuit tota concertatio S. August. cum Pelagio.*

154. Dico 2. Aliqui Historici Authores, qui
tenent

tenent prædestinationem factam ex præiustione meritorum eliciendorum cum auxilijs gratiæ, vt consequenter loquantur, docent ea auxilia non fore ex sui natura intrinsecè efficacia, siue phisicè, siue moraliter prædeterminantia; sed fore indifferentia, & à voluntate humana dererminanda.

155. Prob. hæc eorum sententia. Eatenus negant prædestinationem factam sine antecedenti præscientia meritorum, quia præiudicaretur libertati humanæ; cum enim voluntati illi diuinæ antecedenti, volenti efficaciter aliquem ad gloriam, & statuenti media efficacia pro eius consecutione, non posset prædestinatus resistere; in nullo signo, neque naturæ, voluntas illius remaneret libera ad operandum oppositum. At idem argumentum vrget, si dicatur, quòd meritum præiustum est eliciendum cum auxilio gratiæ ex intrinseca sui natura efficaci; quia ei nequibit resistere voluntas humana: pluries enim in Sacro Textu hoc insinuat. *Gen. vlt. 19.* Ioseph loquens fratribus de sui venditione, quasi eos excusans, inquit, *Nolite timere; numquid Dei possumus resistere voluntati?* *Psal. 75. 8.* *Tu terribilis es, & quis resistet tibi?* *Rom. 9. 19.* *Voluntati eius quis resistit?* Et si talia erunt auxilia danda, & ex meritis cum eis eliciendis, Deus, saltem de congruo, motus est ad prædestinandum, duplici modo præiudicium (inquiunt) fieret libertati, scilicet ob auxilia illa non permissura aliter facere, & ob Dei efficacem voluntatem prædestinantem; & sic duplici vinculo remaneret ligata voluntas: ideò auxilia ex se efficacia rejiciunt. 2. dicunt, si ex meritis, cum talibus auxilijs ab homine eliciendis; vel ea forent omnibus hominibus conferenda, vel non: Si primum; igitur omnes homines essent prædestinati;

Consequenter loquentes auctores docent auxilia esse indifferentia.

Ratio eorum est libertatis immunitas.

Quia voluntati efficaci Dei, & gratiæ intrinsecè efficaci resisti nequit.

Aliud argumentum pro hac sententia.

nati ; quod & falsum, & hæreticum est : Si secundum , recurrunt omnia argumenta (infra adducenda) quæ fiunt, & olim facta fuere contra S. Augustinum de prædestinatione sine meritis ; nempe, quòd non omnes habituri sint necessaria ad merendum, & ideò repræhendi , aut damnari non possent , si viderentur non merituri , cùm non viderentur habituri necessaria ad merendum : quod videretur maxime derogare bonitati diuinæ , & suæ iustitiæ , dum exigeret ab homine suis viribus impossibilia ; & sic à primo ad vltimum , authores isti dicere tenentur , sicut de facto dicunt , auxilia cum quibus elicienda sunt merita , quæ Deum mouerunt, saltem de congruo, ad prædestinandum, non fore illius generis ex sui intrinseca natura efficacium : sed alterius generis , nempe ex sua natura indifferentium, quæ possit homo acceptare , vel eis resistere : de quibus *Act. 7. 51.* ait Sanctus Stephanus ad Iudæos : *Vos semper Spiritui Sancto resistitis, sicut Patres vestri , ita & vos, & Prou. 1. 24.* Deus Prou. 14. inquit , *quia vocaui , & renuistis : extendi manum meam, & non fuit , qui aspiceret : despexistis omne consilium meum , & increpationes neglexistis . Ego quoque in interitu vestro ridebo, &c.* Et Saluator Matth. 23. 38. ait ad Iudæam , *Quoties volui congregare filios tuos , quemadmodum gallina congregat pullos suos sub alas , & noluisti ?* Et alia multa sunt huiusmodi dicta in Sacro Textu, quibus innotescit (inquiunt) natura auxiliorum , quæ Deus offert hominibus , vt sanctè operentur , relinquens eos in sua libertate, vt acceptent, vel non acceptent : & Paulus Apostolus *Act. 13. 46.* hoc improbat Iudæis : *Vobis oportebat primum loqui verbum Dei ; sed quoniam repel- litis illud , & indignos vos indicatis æternæ vitæ ,*
ecce

Durens ad
inconueniens .

Spiritui s.
& Iudei
resistebant

Aliqua ex
pla scriptu
ra de hac
resistentia .

ecce conuertimur ad Gentes, sic enim præcepit Dominus, &c.

156. Huius generis dicunt esse auxilia, quæ danda erant hominibus ad exequenda merita, ex quorum præuisione facta est prædestinatio; & hoc modo putant occurri posse ad omnia inconuenientia, quæ ex æterna prædestinatione oriri possent. Sic enim (inquiunt) obstruitur os iniqua loquentium, quòd Deus sit acceptor personarum: saluatur benignitas Dei, quòd velit omnes saluos fieri, dans omnibus necessaria media: saluatur eius iustitia, quòd renuentibus correspondere diuinis auxilijs, decreuerit supplicium, & sic ex *homine perditio eius*, & ex acceptantibus decreuerit conferre maiora, perseuerantiam finalem, & vitam æternam.

157. Hæc sunt præcipua dicta eorum, qui tenent prædestinationem factam ex meritorum præuisione. Quantum verò subsistant, ex Opusculo de Gratia patebit. Ego eam sententiam non sequor, quia cum S. Augustino sentio; sed eam non iudico.

C A P V T. X.

Quenam ex his sententijs de præuisione, vel non præuisione meritorum in prædestinando, sit probabilior.

158. **A** Du. quòd in ijs controuersijs Theologicis, quæ adhuc definitæ non sunt per Concilia Generalia, vel Prouincialia à Sancta Sede approbata; vel per ipsam Sanctam Sedem immediatè declaratæ, sed Doctorum disputationi relictæ; licitum est sequi alterutram partem;

Ob merita cum his auxilijs eligenda dicunt factam prædestinationem.

Hoc modo saluant inconuenientia, quæ torquent etiam doctos.

Alterutra sententia teneri potest, & quædo.

dummodo eam sequens sincerè , & non zelo contradicendi , sed rationibus , & autoritatibus grauium , & Sanctorum Doctorum iudicet , & conuincat se innixum ; & nouitates vitare velit .

159. Adu. 2. quòd quamuis de reuelatis dari non possint rationes euidentés , quia creduntur fide , quæ ex Hebr. 11. est *argumentum non apparentium* : positis tamen , & creditis rebus reuelatis , possunt ex eis deduci rationes , & conclusiones , vel euidentés , vel probabilissimæ , & in huiusmodi illationibus consistit tota , quanta est Theologia , tùm speculatiua , tùm practica ; quia tota ex principijs fidei reuelatis dependet ; at , quia Ecclesia non existimauit ad salutem necessarium definire omnia , quæ disputantur inter Theologos , probabilitates eorum disputari permittit : Sed vtinam omnes modestè , ac religiosè pro veritate inuenienda id agerent : Qui enim contra faciunt , caueant diuinam iustitiam , quia , & otiosè nimis , ac scandalosè procedunt : et quod peius est , scandalum in cartis impressum perpetuò permanet .

160. Adu. 3. quòd probabilitas triplex est ; quædam intrinseca , quædam extrinseca , & quædam mixta . Prima est illa , quæ oritur ex rationibus deductis , vel ex substantia , vel ex causis , vel ex effectibus , vel ex proprietatibus , vel ex accidentibus alicuius rei , non tamen euidentibus ; alioquin non esset probabilitas , sed esset scientia certa , & euidens , non admittens vllum gradum formidinis . Econtra verò probabilitas semper admittit gradum aliquem formidinis : quotiescumque enim intellectus rem non cognoscit euidenter , naturaliter formidat de eius veritate ; aliquando autem magis , aliquando minus , iuxta rationum pondera , vt diffusè de hac re locutus sum

Cur Ecclesia non definiat omnes Theologicas controuersias .

Probabilitatis species tres in intrinseca , extrinseca , & alia mixta ex vtraque .

Intrinseca quæ

Probabilitas semper gradum aliquem formidinis admittit .

sum in tomo 2 *super tertium sent. disp. 11. per totam.*

161. Probabilitas extrinseca est illa, quæ oritur ab authoritate Doctorum, quæ maximi ponderis est, si Authores sunt insignes, & præsertim, si sint SS. Patres, aut Ecclesiæ Doctores; nam *Ecclesiastici 8. 11. habetur. Non te prætereant narratio seniorum; ipsi enim didicerunt à Patribus suis: quoniam ab ipsis discas intellectum, & in tempore necessitatis dare responsum.* Et Patres Concilij Vienn. vt habetur in *Clem. de summa Trinit. & c. §. ad hoc*, decreuerunt se tenere, tamquam probabiliorem sententiam illam, quod etiam paruulis in Baptismo infundantur virtutes habituales, & gratia; & dicunt, *tenere hanc sententiam, tamquam probabiliorem, & dictis sanctorum, ac doctorum magis consonam, & concordem.* Immo, quod maximè notandum est, in Concilijs Generalibus antequam ad definitionem de fide deueniretur, semper adducta sunt prius dicta Sanctorum Patrum de re illa, quæ tractabatur; deindè Patres Concilij Spiritu Sancto afflati decreuerunt de fide id, quod ex solis Patrum dictis antea erat probabile. Legatur præ cæteris Ephesinum, & si libet quodcumque ex 18. Concilijs Generalibus.

162. Dixi, probabilitatem extrinsecam magnificiendam, si oritur ex concordia Doctorum insignium, & maximè Sanctorum Patrum, & Ecclesiæ Doctorum ad excludendam præxim, quamdam, quam, nedum in scholasticis, & moralibus, sed in canonicis, & ciuilibus doctrinis teneri ab aliquibus cum stomacho cerno; qui ad conclusionem aliquam probandam, nulla textus habita ratione, farragine Doctorum, vel incognitorum, vel parue entitatis, vel paulò ante defunctorum vtuntur, qui cum viuerent in nullo pretio ha-

Extrinseca probabilitas ex Authoritate Doctorum pendet.

Praxis Conciliorum est, vt videatur quid Sancti Patres dixerint de re, quæ discutitur.

Qui nam Doctores faciunt probabilitatem extrinsecam.

habebantur. Hi quidem nullam se solis, quoad me, faciunt probabilitatem: maximè si nouum, aliquod ex proprio cerebro contrarium senioribus, & antiquis Patribus, *in quibus est sapientia*, ex Ecclesiastico, in medium proferunt, ac tenaciter defendunt.

163. Probabilitas tandem mixta, illa est, quæ ex rationibus Patrum, Sanctorum, & Doctorum insignium, ac seniorum, & in tali Ecclesiæ conceptu existentium autoritatibus coalescit: nec sufficere arbitror ad maximam probabilitatem ex parte Doctorum, si Doctores sint vnus tantum nationis, vel scholæ, aut instituti; quia tales sæpè numero, vel iurant in verbo magistri, vel propriæ seruiunt passioni: sed quoad me puto, quod debent esse Doctores diuersarum nationum, diuersorum institutorum, & scholarum; hi certè magnam, ac sufficientem faciunt probabilitatem; tum quia, vt ait Philosophus, *communitas difficilè fallitur*; tum etiam, quia vnus ex octo locis Theologicis, quibus independentè à fide, probatur veritas nostræ fidei *est concordia diuersorum Doctorum diuersimodè dispositorum, & multum inter se distantium*. Quod autem hæc mixta ex rationibus, & ex præfatis insignium Doctorum autoribus sit digna, maxima, & sequenda probabilitas, ex praxi Ecclesiæ, quæ decipi non potest, probatur.

164. In omnibus Concilijs id practicum videtur, quod ad inueniendas, & firmandas veritates rerum, de quibus erat controuersia, Conciliorum Patres, vel se solis, vel adhibitis etiam Theologis diuersarum regionum primò diligenter inuestigarunt, si veritates illæ in Sacra Scriptura explicite continebantur, vel saltem ex explicitis inferri

Probabilitas mixta.

Doctores vnus instituti, vel scholæ tantum non faciunt maximam probabilitatem.

Ex diuersarum nationum Doctoribus desumenda.

inferri possent; deindè Sanctorum Patrum, & insignium, ac veterum Doctorum euoluerunt libros, si in eis reperirentur; & facta tam Scripturarum, quàm Patrum, & veterum Doctorum collatione, Deo ad sic, vel sic dicendum inspirante, facta sunt decreta. Et hæc est in huiusmodi agendis regula ex Can. *De libellis dist. 20.* estque Leonis 4. dicentis, quòd dum veritas alicuius doctrinæ inquiritur, *si in Sacra Scriptura non inuenitur, ad canones Conciliorum, & decreta Romanorum Pontificum est recurrendum; & si in eis non inueniatur, ad dicta Sanctorum Doctorum Hieronymi, Augustini, Isidori, & ceterorum Doctorum habeatur recursus.*

165. Idem præceperat ante illum Innoc. primus, & habetur in Can. *De quibus eadem dist. 20.* & ut huic argumento valdè necessario pro omnis materiæ resolutione in eligendis opinionibus finem aliquando imponam, si aliorum acta Conciliorum pigeat reuoluere, libeat Concilij Trident. acta semel inspicere in Historicis ea referentibus. Omnium enim primò Theologi, & Canonistæ respectiue, priuatim pro materijs studentes, ex Sacra Scriptura, & alijs Concilijs, ex Sanctis Patribus, alijsque præclaris Doctoribus rationes decernendorum eruerunt; deinde in Congregationibus adunati eas discusserunt: postea conclusiones ab ipsis firmatas, Patribus Concilij præsentauerunt. Isti verò prævio semper solemni sacrificio, ad suffragandum coeuntes, Deo inspirante, quod eis placuit decreuerunt. Doctorum ergo illorum regulæ, rationes, & Patrum dicta fuere. His positis

156. Dico igitur resolutè. Sententia docens prædestinationem sanctorum ad gloriam, factam fuisse,

Ordo in
rendi veri
tatem in
Concilijs

Hæc est Leo
nis 4. regu
la, ut ad Pa
trum dicta
recurrat

Idem do
cuerat In
noc. primus

Hæc praxis
Conciliorū

Ex Conci
lij Trid. a
ctis proba
tur.

Sententia docens prædestinationem absque præuisione meritorum est longè probabilior, quàm opposita.

Est ianixa probabilis mixta.

Primò, intrinsecè.

Rationes ex S. Scriptura desūptæ sunt.

Locus Pauli ad Rom. 9.

fuisse, absque præuisione meritorum, sed ex sola gratia, & misericordia Dei discernentis illos à massa damnata ex Adæ peccato, est longè probabilior ea, quæ asserit factam ex meritorum præuisione.

167. Prob. Sententia illa fundata est in probabilitate mixta ex rationibus ex Sacra Scriptura erutis; & in dictis, seu autoritatibus sanctorum Patrum, & Doctorum veterum diuersarum nationum, Academicarum, seu hominum diuersimodè dispositorum, & multum inter se loco, & tempore distantium, & de ea non simplici modo, & quasi obiter loquentium, sed acriter pro ea certantium; qualis non est sententia opposita, vt mox patebit: ergo.

168. Probantur singula. Primum scilicet, quod fundetur in rationibus ex Sacra Scriptura erutis iam patuit in cap. 6. & 7. vbi cum S. Augustino loca scripturæ adducta sunt. Primus est ex Rom. 9. 10. vbi Apostolus docens, quod ex eodem concubitu Rebeckæ cum Isaac geniti sunt Esau, & Iacob; & tamen dictum est; *Cum enim nondum nati fuissent, aut aliquid boni egissent, aut mali, vt secundum electionem propositum Dei maneret, & non ex operibus, sed ex vocante dictum est, quia maior seruiet minori, sicut scriptum est, Iacob dilexi, Esau autem odio habui.* Et quia hoc videbatur Apostolo arduum, ac difficile, inquit. *Quid ergo dicemus, numquid iniquitas apud Deum? Absit. Et quasi augens difficultatem subdit. Moysi enim dixit, miserebor, cui misereor, & misericordiam præstabo, cuius miserebor. Igitur non est volentis, neque currentis, sed miserentis est Dei. Dicit enim Scriptura Pharaoni. Quia in hoc ipsum excitauit te, vt ostendam in te virtutem meam, & vt annuncietur nomen*

nomen meum in vniversa terra. Ergo cuius vult miseretur, & quem vult indurat. Postea mouet contra se difficultatem, quæ fieri poterat, hodieque fit. Dicis itaque mihi. Quid adhuc queritur; nam voluntati eius quis resistit? Et respondet. O homo tu quis es; qui respondeas Deo? Numquid dicit figmentum ei qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem, aliud verò in contumeliam? Quod si Deus volens ostendere iram, & notam facere potentiam suam, sustinuit in multa patientia vasa iræ apta in interitum; vt ostenderet diuitias gloriæ suæ in vasa misericordiæ, quæ præparauit in gloriam, &c. ostendens, & ex Iudæis, & ex Gentibus electos esse ad gloriam. Hic autem locus nimis clarus est; & quod de massa perditionis Deus ex misericordia multos elegit ad gloriam; & quod non ex præiudiciis operibus; & quod non sit iniquitas apud Deum, qui Dominus est misericors, sed etiam iustus. Mirabilis quidem locus iste est, sed Pauli, organi Spiritus Sancti est, & ipsemet profunditatem similis mysterij considerans in c. 11. 35. exclamat dicens. *O altitudo diuitiarum sapientiæ, & scientiæ Dei, quàm incompræhensibilia sunt iudicia eius, & inuestigabiles viæ eius!*

169. Secundus Sacræ Scripturæ locus, ex quo desumitur secunda ratio de Prædestinatione sine præiudiciis meritis, est ille Ephes. 1. 4. *elegit nos in ipso (Christo) ante mundi constitutionem, vt essemus Sancti, & immaculati in conspectu eius in Charitate. Qui prædestinauit nos in adoptionem filiorum per Iesum Christum;* vbi notat S. Augustinus, quod non dicit elegit nos sanctos, sed *vt essemus sancti;* id est, vt faceret nos sanctos, quod consequitur ad electionem.

Paulus agnoscit difficultatem suæ sententiæ, sed hæc tenet.

Locus valde clarus.

Paulus recurrit ad secretum Dei iudicium in hac re.

[Secundus Scripturæ locus pro hac sententia.]

Tertius
Scripturę
locus pro
eadem.

170. Tertius S. Scripturę locus, ex quo desumitur tertia ratio pro eadem sententia, habetur in 1. Cor. 4. 7. *Quis enim te discernit? Quid autem habes, quod non accepisti? Si autem accepisti, quid gloriaris, quasi non acceperis?* Si igitur ex meritis, poterit prædestinatus gloriari, quod non fuerit sibi decreta prædestinatio ex dono, & gratia Dei; sed erat sibi ex iustitia debita ob præuisa merita.

Quartus
Scripturę
locus pro
eadem.

171. Quartus locus pro hac sententia sumitur ex Marc. 10. 14. *Saluator ait, sinite paruulos venire ad me, talium enim est regnum Cælorum.* Paruuli enim regenerati per baptismum, si moriuntur, saluantur; & tamen sine meritis; igitur sine eorum præuisione erant prædestinati. Quod autem pueri baptizati decedentes ante usum rationis, seu annos discretionis, gloriam statim in Cælo obtineant, definitum est in Concilio Tridentino sess. 5. de pecc. orig. s. 5. ubi dicitur, quod *baptizati veterem hominem exuentes, & nouum qui secundum Deum creatus est, induentes, innocentes, immaculati, puri, innoxij, & Deo dilecti effecti sunt, hæredes quidem Dei, cohæredes autem Christi, ita ut nihil prorsus eos ab ingressu Cæli remoretur.*

Paruuli
baptizati
saluantur
si moriun-
tur.

Quintus Sa-
crę Scrip-
turę lo-
cus pro ea
sententia.

172. Quintus locus S. Scripturę est ex Rom. 11. 6. *Si autem gratia, iam non ex operibus, alioquin, gratia non esset gratia. Quid ergo quod quærebat Israel, non est consecutus, electio autem consecuta est; ceteri verò excæcati sunt.* Quod confirmatur ex Ephes. 2. 8. *Gratia estis saluati per fidem. Et hoc non ex nobis; sed donum Dei est, non ex operibus, ne quis glorietur.* At maxima, & omnium potissima in homines Dei gratia est, quod electi sint ad gloriam, & ex ista maxima pendent omnes alię, quę pertinent ad seriem salutis; nam ait
idem

Maxima
gratia est
prædestina-
tio; igitur
sine meri-
tis.

idem Apostolus Rom. 8. 30. *Quos autem prædestinavit, hos & vocavit: & quos vocavit, hos & iustificavit: quos autem iustificavit, illos & glorificavit*; igitur omnia hæc pendent à gratia prædestinationis; quia volens efficaciter finem, vult media ad illum: & sic non ex operum præiussione; alioquin non esset gratia.

173. Quo verò ad probabilitatem extrinsecam huius sententiæ de Prædestinatione ad gloriam, sine præiussione meritorum, notandum est prius documentum S. Vincentij Lirinensis, qui in *Commonitorio p. 1. c. 3.* inquit, *quòd in illis rebus, quæ in Sacra Scriptura non sunt clarè expressæ, sed remanent dubiæ, antiquitatem, & consensionem sequi debemus; antiquitatem quidem, si ab ijs sensibus nullatenus recedamus, quos sanctos, maiores, ac Patres nostros celebrasse manifestum est. Consensionem quoque itidem, si in ipsa vetustate omnium, vel penè omnium sacerdotum pariter, & magistrorum definitiones, sententiasque sequelemur; quod quidem documentum valde convenit cum eo, quod tradit Spiritus Sanctus, à nobis in 2. notabili allato, Narrationem Patrum tuorum ne prætereas, &c.*

174. Quot autem, & qualibus vallata sit authorum dictis hæc Sancti Augustini sententia, in huius Opusculi vestibulo aperuimus: Omnes siquidem doctrinam Augustini de Gratia, & libero arbitrio mirificè exaltant: inter omnes autem, gratias, de quibus Deus dignatur homines honorare, & exaltare, hæc prædestinationis ad vitam æternam, summa omnium est; tum quia est de obtinenda perpetua Dei visione, & fruitione; tum etiam quia omnes aliæ, quæ in via obtinentur, vt filiationis Dei, hæredis eiusdem, & cohæredis Christi, ad eam consequuntur; & pro hac

Probabilitas extrinseca pro hac sententia.

Extrinseca etiam maxima est, & ostenditur.

Prædestina-
tio ad glo-
riam, sum-
ma gratia
est.

Pro hac la-
boravit
multum S.
August.

Pro hac
defenden-
da Cælesti-
nus scripsit
ad Episco-
pos Galliæ

Tacite o-
bjectioni
respondet
Author.

docenda multum laboravit Augustinus, *ut in li-
bro de Prædestinatione Sanctorum, in libro de bono
Perseuerantie, & in libro de Corrept. & Gratia*
videre est; hunc enim postremum scripsit, *ut pri-
mos defenderet, contra quos Faustus, & Massi-
lienses obloquebantur; quia prædestinationem,*
ab æterno factam absque meritorum præscientia
docuerat, sed à Dei voluntate, ex misericordia
secernente quosdam à massa perditionis, ceteros
autem in ea relinquente. Maximam siquidem,
*sicut reuera est, gratiam eam existimabat S. Au-
gustinus. Imò pro hac Massiliensium contra*
*Augustinum murmuratione, quam à Sanctis Pro-
spero, & Hilario audierat Cælestinus Papa, scri-
psit ad Episcopos Galliæ grauem illam episto-
lam, & admiratione plenam (cuius particulam*
*in proemio retulimus) quòd non retunderent eo-
rum audaciam, qui doctrinam carpebant Augu-
stini à se, suisque prædecessoribus commendatam,*
*&c. Hæc obiter volui dicere, ut tacite alicuius re-
spondeam obiectioni, si diceret; quòd Pontifi-
ces, & Authores graues, & sancti commendarunt*
*Augustini doctrinam de Gratia, & non descen-
derunt ad particulam de prædestinatione; hic enim*
*deciperetur; quia hæc est prima, & maxima gra-
tia; & de hac locutus est Cælestinus. Hanc in-*
*indiudivo secuti sunt Illustres Scholastici, & San-
cti Ecclesiæ Doctores.*

275. Cum ergo viri præclari, ac doctissimi
omnis status, & conditionis, & in Ecclesia, tam
dignitate, quam scientia sublimes, in proemio
relati, eam sententiam approbent; eamque secu-
ti sint, ac sequantur, ut Summi Pontifices, Sancti
plures, Ecclesiæ Doctores, Thomas, ac Bonauen-
tura; Episcopi multi, Concilia Prouincialia ap-
pro-

probata, Religiones plures, Academiae celebres in toto orbe, cæterique magni nominis, non moderni (quos non retuli) sed quatuor, aut quinque sæculorum Theologi, Magister sententiarum, Alexander Alensis, Albertus Magnus, Scotus, alijque eorum temporum famigerati magistri; non video quis alius extrinsecè probabilitatis gradus possit sententiæ huic accedere, quin dicatur omnibus numeris absolutè probabilissima, vnoque tantum gradu distans ab euidencia, si de secretis Dei consilijs dari posset in via.

176. Scio aliquas contra eam; ab aliter dispositis, renouari difficultates, ante duodecim sæcula à Fausto, cæterisque Massiliensibus euulgatas, testibus Prospero, & Hilario in Epistolis ad Augustinum: & ab eo, quantum sibi datum est, solutas. Ingenuè tamen fassus est sanctus, pius, humilisque Doctor, quòd in aliqua earum cum Paulo clamandum est, *O altitudo diuitiarum sapientiae, & scientiae Dei, quàm incomprehensibilia sunt iudicia eius, & inuestigabiles viæ eius.* Et monet legentem, vt caueat præcipitium; & si non, acquiescit ad ea, quæ ipse docet, *querat doctiorem, sed caueat, nè inueniat præsumptiorem.*


177. Ego verò in his, alijsque Philosophiæ, ac Theologiæ (quibus operam, licet inutiliter, dedi) difficultatibus, memor fui semper cuiusdam Aristotelis documenti, quòd *imbecillitas ingenij est, propter apparentem rationem, sensatam, ac fundatam relinquere probationem.* Hic est pro me præsens calus; & quoniam oppositam sententiam non sperno, sequens Caput adiicio.

Quinam
eam se-
quuntur

Omni gra-
du proba-
bilitatis
fulcita est.

Augustini
humilitas.

Arist. sa-
piens di-
di de sequen-
dis senten-
tijs doctri-
nalibus.



CAPVT XI.

Quanta sit probabilitas sententiæ docentis prædestinationem factam esse ex meritis præuisis.

178. **A**ut. quodd hæc sententiæ suos habet Patronos, qui gloriantur etiam de probabilitate mixta rationibus. ex Sacra Scriptura deductis, & autoritatibus Sanctorum, ac Doctorum veterum, & modernorum, immò, & ipsius S. Augustini, & aliquorum ipsiusmet discipulorum: Placuit autem mihi vtriusque sententiæ fundamenta sincerè, ac fideliter referre. Cum enim hæc etiam publicè in Academijs, & priuatiss scholis doceatur, vt quilibet suæ studiosè satisfaciat curiositati, possitque eam, ad quam se videt ex ratione inclinatum, sequi, & habeat fundamentum, cui innitatur; etiamsi Theologicæ professionis non sit, vt valeat rationum pondera discutere,

179. Dico ergo 1. Probabilitas intrinseca, idest, rationibus ex Sacra Scriptura deductis, in quibus fundatur sententiæ, quodd Prædestinatio facta sit ex præuisione meritorum, in sequentibus scripturæ locis per eos consistit.

Primus locus est, quodd in vtroque Testamento habetur, Deum redditurum præmium, aut supplicium vnicuique iuxta opera eorum. *Psal. 16. 12. semel locutus est Deus, duo hæc audiui; quia potestas Dei est, & tibi Domine misericordia, quia tu reddes vnicuique secundum opera sua. Iob. 34. 11. opus hominis reddet ei, & iuxta vias singulorum restituet eis. Rom. 2. 6. Reddet vnicuique secundum opera eius. Et Gal. Quæ seminauerit homo, hæc & metet.*

Authoris
sincera in-
tentio ape-
ritur.

Probabili-
tas intrin-
seca, quodd
prædest. fa-
cta sit ex
præuisis me-
ritis.

Primus lo-
cus ex S.
Scriptura,
quodd red-
des Deus
cuique iux-
ta opera
sua.

tet. Tim. 4. 6. Bonum certamen certavi, &c. In reliquo reposita est mihi corona iustitiæ, quam reddet mihi Dominus in illa die iustus Index: non solum autem mihi, sed & ijs, qui diligunt aduentum eius. Si ergo pro meritis Deus daturus est præmia, & supplicia, sic decreuit facere. At hoc decretum est prædestinatio ab æterno facta; & sic ex præiudiciis cuiusque meritis, ac demeritis.

180. Secundus locus ex S. Scriptura desumptus est de Dei voluntate, ac benignitate volente omnes saluos facere; at non faciente, quia non omnes seruant eius præcepta; & proinde, quia aliqui præiudiciati sunt obseruaturi, alij non, illos, non istos prædestinauit ad gloriam. Illa autem generalis voluntas probatur ex utroque Testamento. Isaïæ 5. 1. dicit Deus. *Nunc ergo habitatores Ierusalem, & viri Iuda indicate inter me, & vineam meam, quid est, quod ultra debui facere vineæ meæ, & non feci ei?* Item Ezechielis 18. 23. *Numquid voluntatis meæ est mors impij dicit Deus, & non ut conuertatur à vijs suis, & viuatur?* Et infra. *Nolo mortem peccatoris dicit Dominus Deus: conuertimini, & uiuite.*

181. Ex nouo Testamento Matth. 18. 14. Saluator ait. *Non est voluntas ante Patrem vestrum, qui in Cælis est, ut pereat vnus de pusillis istis.* Et in cap. 23. dixerat. *Ierusalem, Ierusalem, quæ occidis Prophetas, & lapidas eos, qui missi sunt ad te. Quoties volui congregare filios tuos, quemadmodum gallina congregat pullos suos sub alas, & noluisti?* Celeberrimus autem, & clarior omnibus est Pauli locus Tim. 5. *Hoc enim bonum est, & acceptum coram saluatore nostro Deo, qui omnes homines vult saluos fieri, & ad agnitionem veritatis venire.* Ex quibus concluditur, quod Deus, quantum est ex se, non vult

Secundus
Script. lo-
cus, quod
Deus vult
omnes sal-
uare, sed
multi im-
pediunt.

Ex utroque
Testamento

vult istos tantum, & non illos, saluos, sed omnes. At quia vidit aliquos tantum, & non omnes seruatu-
ros legem, ideò decreuit illos saluare, non
istos. Alia Scripturę loca pro hac sententia non
valui inuenire.

182. Dico 2. Hęc sententia de Prædestinatio-
ne ex meritorum præuisione, innixa est etiam
probabilitati extrinsecę, scilicet autoritatibus
Sanctorum Patrum, & aliorum, & sic mixta gau-
det probabilitate.

183. Prob. Sancti Patres, quorum authorita-
tes adduximus in capite octauo hanc sententiam
sequuntur; & sunt, S. Ioannes Chrisostomus, Ori-
genes, Theodoretus, Oecumenius, ac Theosila-
tus ex Gręcis: ex Latinis verò, Sancti Ambro-
sius, & Hieronymus: ex Gallis multi, qui alio mo-
do sentientes contra Augustinum circa hoc insur-
rexerunt; & Concilium Valentinum, vt ibi.

184. Immo Authores huius sententię asse-
runt S. Augustinum idem aliquando tenuisse.
Nam in lib. *de Gratia, & libero arbit.* c. 6. contra
Pelagium, & sequaces loquens, discutiens illud
Apostoli, *bonum certamen certavi, &c. ideò reposita*
est mihi corona iustitię &c. ait, *cui redderet coronam*
iustus index, si non donasset gratiam misericors Pa-
ter? & quomodo esset ista corona iustitię nisi præces-
sisset gratia, quę iustificat impium? Quomodo ista
debita redderetur, nisi prius illa gratuita donaretur?
Et postea ad rem nostram de Pelagianis loquens,
qui docebant ex meritorum præuisione factam
prædestinationem, S. August. subdit. *Si merita*
nostra sic intelligerent, vt etiam ipsa dona Dei effe-
cognoscerent, non esset reprobanda ista sententia.
Quoniam verò merita humana sic prædicant, vt ea ex
femetipso habere hominem dicant, prorsus rectissime
respon-

Extrinsecas
probabili-
tas senten-
tię, quod
fuit ex me-
ritis præui-
sis.

Authores
Sancti, qui
eam sequun-
tur.

Et, dicunt
S. August.
idem do-
cuisse ali-
quando.

S. August.
dictum pro
hac senten-
tia.

respondet Apostolus. quis te discernit? 2. idem S. Augustinus in lib. 1. ad Simplic. q. 2. hæc habet de Iacob, & Esau, electionem ex proposito, non propositum ex electione manere, idest non quia Deus inuenit bona opera in hominibus, quæ eligat, idem manere propositum iustificandi: sed quia illud manet, & iustificet credentes; idem inuenire opera, quæ iam eligat ad regnum Cælorum: Et post aliqua. Nemo enim eligitur, nisi iam distans ab illo qui reijcitur, unde quod dictum est, quia elegit nos Deus ante mundi constitutionem, non video quomodo sit dictum, nisi præscientia.

185. 3. Idem S. August. in lib. de Gratia, & libero arb. c. 8. mouet hanc quæstionem. Si vita æterna bonis operibus redditur sicut dicit scriptura, quoniam Deus reddet unicuique secundum opera eius: quomodo gratia est vita æterna cum gratia non operibus reddatur, sed gratis detur? & sibi met respondet. Ista quæstio nullo modo mihi videtur posse dissolui, nisi intelligamus, & ipsa bona opera nostra, quibus redditur æterna vita ad Dei gratiam pertinere. Itaque si vita bona nostra nihil aliud est, quam Dei gratia; sine dubio & vita æterna, quæ bona vite redditur, Dei gratia est. Et ipsa enim gratis datur, quia gratis data est illa cui datur. Sed illa cui datur tantummodo gratia est; hæc autem quæ illi datur, quoniam præmium eius est, gratia est pro gratia, tamquam merces pro iustitia, ut verum sit, quoniam reddet unicuique iuxta opera eius. Idem S. August. in lib. 83. qq. quæst. 68. post medium, ait, Cuius vult miseretur, & quem vult indurat. Sed hæc Dei voluntas, iniusta esse non potest, venit enim de occultissimis meritis eorum.

186. Præter hæc S. August. loca, Authores huius sententiæ alia discipulorum Augustino coe-

Alia S. Augustini dicta pro eadem.

Sibi obijcit S. August. & soluit pro hac sententia.

Videtur difficilis locus hic.

taneorum adducunt. S. Prosper in lib. respons. ad Gallorum capitula in cap. 3. habet. *Quòd ergo in hæc prolapsi mala sine correptione penitentiae defecerunt; non ex eo necessitatem pereundi habuerunt, quia prædestinati non sunt: sed ideò prædestinati non sunt, quia tales futuri ex voluntaria præuacuatione præsciti sunt: et sic ex demeritis præuisis non fuerunt prædestinati. Idem dicit in cap. 7. & 12. & proinde electio quoque ad gloriam ex meritis facta dicenda est. Et confirmare conantur ex eodem Sancto in lib. de vocatione Gentium c. 35. ubi ait. *Nec per electionis propositum liberi arbitrii deuotio relaxatur, cum implendæ voluntatis Dei ita sit præordinatus effectus, ut per laborem operum, per instantiam supplicationum, per exercitia virtutum fiant incrementa meritorum, & qui bona gesserint, non solum secundum propositum Dei, sed etiam secundum merita coronentur. Ex quibus deducunt, quòd si pro meritis datur corona gloriæ, ex eorum præscientia sit destinata.**

187. Idem S. Prosper lib. 2. de Vocat. Gent. cap. 10. alià s 35. ait, *frustra dicitur quod ratio operandi non sit in electis, cum etiam ad hoc operentur, ut electi sint. At in epistola ad Augustinum propè finem dicit, quòd hæc sententia, quam cœpit oppugnare Augustinus, erat communis omnibus antiquis Patribus, & petit ab eo solutionem argumenti, quod ex eius sententia deducebatur: sic autem scribit, illud etiam argumentum, qualiter diluatur quæsumus patienter insipientiam nostram ferendo, demonstres, quod retractatis priorum opinionibus pene omnium par inuenitur, & una sententia, qua propositum, & prædestinationem Dei secundum præscientiam Dei receperunt, ut ob hoc Deus alios vasa honoris, alios contumeliæ fecerit, quia finem*
vniuf-

S. Prosper
pro ea sen-
tentia.

Pluries S.
Prosper.

Dicit Pro-
sper, quòd
hæc senten-
tia ante Au-
gustinum
erat com-
munis.

vnus cuiusque prauiderit, & sub ipso gratiæ adiutorio, in qua futurus esset voluntate præscierit; & sic antiquorum Patrum doctrinis ante Augustinum vallata videtur manere hæc sententia.

188. S. Fulgentius non obscurè videtur eam tenuisse in libro 1. ad Monimum cap. 24. inquiens, *Dens prædestinavit ad Regnum, quos ad se præsciuit misericordiæ praueniens auxilio reddituros, & in se misericordiæ subsequens auxilio remansuros.*

189. Alios Authores ante vndecimum seculum non video à sequacibus huius sententiæ adduci, sed nonnullos posteriores, nempe Guglielmum de Rubione in primo sententiarum *dist. 40. q. 1. art. 1. & 2. conclus. 3.* Ioannem de Bononia, *Opusc. de Prædest. part. 1. & parte 2. post sextam opinionem.* Catarinum in *Opusc. de Prædestin. lib. 1. cap. ult. & lib. 3. c. 1. & 2.* Turrianum in *dogmatico de electione.* Ex Patribus Societatis, incipiendo à primo, innumeros ferè referunt, à quorum relatione abstineo, tum quia maior ferè eorum pars tenet oppositam, tum etiam quia, & moderni sunt, quamuis docti; & quia argumenta noua, aut validiora ad hanc sententiæ fulciendam adducere non video.

190. Concludunt ergo huius sententiæ Authores, quòd ea gaudere debet titulo probabilis mixtæ probabilitatis, ex rationibus nempe à Sacra Scriptura desumptis, & ex Patrum, ac Doctorum Authoritatibus.

191. Adducunt præterea argumenta ducentia ad impossibile, nempe ad absurda plura. Primò, quòd si hoc modo prædicatur prædestinatio, homines ad ignauiam, & pigritiam alliciuntur; dicent enim, si sumus prædestinati, saluabimur, et si nihil operemur; quia decretum Dei infallibile

S. Fulgentius asseritur pro eadem.

Alios Authores non adducunt pro sententia.

Cur modernos non refert Author.

Conclusio eorum, quòd hæc sententia de præfinitione meritorum omni gaudet probabilitate.

Alia adducunt argumenta, quæ ducunt ad inconueniens.

est, & suum effectum infallibiliter obtinebit. 2. frustranea esset prædicatio, & correptio malorum operum, quæ facerent prædestinati; nam, etiam si eis non prædicaretur, & de pessimis operibus non corriperebuntur, adhuc ex speciali Dei providentia, ut firmum maneret propositum, & infallibile decretum, emendarentur, & finaliter iusti reperirentur, & saluarentur; & sic etiam Christi prædicatio, tam pro prædestinatis, quam pro reprobis frustranea fuisset: priores enim ea non indigni fuissent; posteriores verò fuissent incapaces. In sententia contraria non videtur æquè bene saluari benignitas, & misericordia Dei, qui vult omnes saluos fieri; neque videtur satisfieri curiositati hominum de acceptione personarum; quòd aliqui eligantur; alij despiciantur; Ideò sequens appono caput, ut difficultates istæ ponderentur, & solvantur, si fieri potest.

CAPUT XII.

In quo resolvitur quæstio pro S. Augustino, & solvuntur argumenta contraria.

192. **P**erpenfis ergo rationibus, & auctoritatibus pro utraque sententia hucusque allatis, existimo sententiam S. Augustini, quòd nempe prædestinatio ad gloriam facta sit ex mera Dei misericordia, qua discrevit ab æterno multos à massa damnata per Adæ peccatum, absque prævisione meritorum; sed cum prædestinatione ad gratiam, & merità pro consecutione eiusdem gloriæ tamquam mercedis, & coronæ, seu brauij, ac præmij, esse longè, latèque probabiliorem, quàm sit opposita.

193. Prob.

Multa, sed
antiqua.

Author cen
set August.
sententiam
tenendam.

193. Prob. hac assertio . Rationes ex Sac. Scriptura desumptæ pro hac sententia , vt consideranti patet, sunt magis claræ , & magis expri- mentes rem hanc, quàm illæ , quæ adducuntur ad oppositum , licet non euidentés : si enim tales essent, frustra dixisset Apostolus; *ò homo tñ quis es, vt respondeas Deo ? O altitudo diuinitarum Sapientia, & scientiæ Dei incompræhensibilia sunt iudicia eius, & inuestigabiles viæ eius : quis enim cognouit sensum Domini, aut quis consiliarius eius fuit ?* Rom. 11.

34. quia si rationes essent euidentés, iam iudicia Dei essent compræhensibilia , & viæ vestigabiles in hac materia , & cognosceretur sensus Domini clarissimè , si diceretur, Deus prædestinauit hos, quia præiudicauit hos benè vsuros libero arbitrio, & sanctè operaturos obseruando Dei legem, & abstinendo à peccatis, & perseueraturos immaculatos vsque ad exitum vitæ : alios verò non prædestinauit, quia præiudicauit eos non benè vsuros libero arbitrio, nec sanctè operaturos , & vsque ad vitæ finem non perseueraturos in gratia .

194. Quo verò ad probabilitatem extrinsecam, vt dixi in cap. 10. non video, an dari possit maior , ac validior , tam ratione personarum, & Academiarum , & ipsius primi Authoris de eadem edum simpliciter loquentis , & vt dicitur obiter (sicut alij Patres eo priores aliter sentientes , vt cum eodem Augustino infra dicam) sed disputantis, & tot libros de ea implentis , acriterque illam defendentis ; tam etiam ratione temporis , ex quo sententia hæc cepit doceri , & perseuerauit ; quam primarij Scholastici , etsi diuersarum scholarum institutores , vt S. Thomas, & Scotus amplexati sunt . Si autem huic probabilitati (qua credo , quòd maior dari nequeat) comparetur

pro-

Quia ratio- nes ex S. Scriptura desumptæ clariores sunt.

Et iudicia Dei sunt incompræhensibilia .

Extrinseca probabilitas maxima

Comparata opposita maior est .

probabilitas oppositæ sententiæ , qualiscumque illa sit , quam in suo statu relinquo , exigua , tenuisque mihi videtur .

195. Addendum præterea, quòd magnum, immò maximum affert pondus , totalemque probabilitatem, ita vt nullum ferè gradum formidinis in ea relinquat, commendatio doctrinæ S. Augustini in materia de gratia tories à Sancta Sede Apostolica commendata , vt in proemio huius Opusculi legi potest . Prædestinatio autem etiam in sententiâ opposita negari non potest, quòd pertineat ad gratiam : Authores enim huius, vt à Pelagianis discrepent, docent Prædestinationem factam ex meritis præiis ex gratiæ adiutorio eliciendis , & ex gratia æternæ vitæ premio coronandis : Et sic ad gratiæ materiam pertinet Prædestinatio .

196. Immò quod notatu dignum est , Sancti Prosper, & Hilarius , nedum ad S. Augustinum , sed ad Sanctum Papam Cœlestinum scripserunt, quòd quidam S. Augustinum carcebant de eius doctrina circa prædestinationem sine meritis , quòd esset noua , & dura , ac plurium inconuenientium causa : Et Cœlestinus scripsit ad Episcopos Galliæ (vt in proemio , & in cap. 10. dixi) admirans, quòd tales homines non compescerent; laudans S. Doctorem de vitæ, ac doctrinæ bonitate . Non video, quid ampliùs requiratur ad summum gradum probabilitatis huius sententiæ: Sola Ecclesiæ definitio deficit, ne possit ampliùs villo modò impugnari .

197. Restat modò , vt soluamus argumenta, quæ contra eam militare videntur . Sed priùs aduerto, quòd, cùm neque Apostolo , neque Augustino, alioue doctore maior , aut equalis , vel

pro-

Sentent. S.
August. lau-
data à Pon-
tificibus .

Cœlestinus
defendit in
ea August.

Difficulta-
tes soluun-
tur .

proximus in doctrina ego esse pretendam, non puto adequatè, me posse omnibus argumentis satisfacere, cum nec ipsemet Augustinus eis pro omnium capto satisfecisse se declaret, & protestetur, rem esse difficilem, & cum Paulo clamandum, *O altitudo diuitiarum, &c.* Sed pro viribus ex Augustini, & sequacium dictis, satisfaciam: infra verò in proprio capite aliquas S. Augustini regulas, & documenta adducam, de modis loquendi, ac prædicandi de Prædestinatione.

198. Ad primum ergo argum. ex S. Scriptura desumptum, & in cap. præcedenti adductum, de iustitia Dei reddituri in die iudicii *unicuique iuxta opera sua*; Resp. dicendum sic esse, & de fide hoc esse, quia, cum Deus prædestinavit homines, decrevit etiam, ut ipsi opera meritoria operentur proportionata mensuræ gloriæ, ad quam sunt prædestinati, & sic iuxta merita confert Deus gradus gloriæ. At inde non sequitur, quod merita illa præiusta sint causa prædestinationis, sed e contra, ait Augustinus, Prædestinatio est causa omnis meriti in prædestinatis; & sic etiam respondetur ad illud Pauli, *Bonum certamen certavi, &c. idèd reposita est mihi corona iustitiæ*. Ipse enim in suis meritis Dei misericordiam exultat, inquiens, *Gratia Dei sum id, quod sum, & misericordiam consequutus à Domino, ut sim fidelis. Quis te discernit? Quid habes, quod non accepisti?* & alia plura, quæ adducam in Opusc. de Gratia.

199. Ad secundum locum, quod Deus non vult mortem peccatoris, & quod facit vineæ suæ, quod potest facere; & tamen non convertitur ad penitentiam, &c. ut in cap. præcedenti, Resp. salva pace, non esse ad rem, quia tangit materiam reprobationis, quæ ut in suo loco dicam, fit ex præ-

Authoris
modestia.

Reddendū
cuilibet iuxta opera,
quia opera
etiam sunt
prædestinata.

Prædestinatio est causa
omnis
meriti.

Ad aliud,
quod Deus
non vult
mortem
peccatoris.

Non est ad rem, quia loquitur de reprobatione.

præuisione demeritorum, siue originalis, vt in paruulis cum illo decedentibus, siue cum eo, & actualibus, vt in adultis Paganis, & Iudeis, siue ex solis proprijs actualibus, vt in solutis ab originali; quia reprobatio procedit ex iustitia: nos autem loquimur de prædestinatione, quæ procedit ex misericordia, seu gratia. Ideo omnibus ijs autoritatibus, quæ de prædestinatione non loquuntur, negatur consequentia, quia ab ijs locis legitimè nequit deduci, nisi argumento à pari, quod sicut Deus decreuit supplicium ex præuisione demeritorum, & ideo exprobat impijs, quod non Dei, sed sua voluntate tales sint: ita dicendum de prædestinatione, quod ex meritis facta sit; sed statim assignaretur disparitas, quia, vt dixi, in primo casu procedit iustitia; in secundo misericordia.

Ad alia argumenta de probabilitate extrinseca.

Patres ante August. obiter de hac re locuti sunt, nec de ea disputarunt, ait August.

200. Ad primum argumentum secundæ conclusionis de probabilitate extrinseca, Cum multi Patres, etiam Augustino priores, docuerint fieri ex meritis, vt ipsimet Augustini discipuli Prosper, & Hilarius id rescripserint Augustino (sicut supra retulimus) quod scilicet Massilienses dicebant, Patres docuisse contrariam sententiam, Resp. cum eodem Augustino, quod quidam sancti obiter id dixerunt, & de hac sententia non disputarunt. Hæc sunt Augustini verba in lib. 1. de Prædest. SS. cap. 14. Quid igitur opus est, vt eorum scrutemur opuscula, qui priusquam ista hæresis (Pelagiana scilicet) oriretur, non habuerunt necessitatem de hac difficili ad soluendum questione versari, quod proculdubio facerent, si talibus respondere cogerentur. Vnde factum est, vt de gratia Dei, quid sentirent, breuiter quibusdam scriptorum suorum locis, & transeuntes attingerent: immorarentur vero

verò in eis, quæ aduersus alios inimicos Ecclesiæ disputabant, & in exortationibus ad quascumque virtutes, quibus Deo viuo, & vero pro adipiscenda vita aeterna, & vera felicitate seruitur, frequentationibus autem orationum apparebat simpliciter Dei gratia quid valeret. Sed qui sententijs tractatorum instrui nolunt, oportet, vt illum librum Sapientiæ, vbi legitur, raptus est, nè malitia mutaret intellectum, eius omnibus tractatoribus anteponant, quoniam sibi eum anteposuerunt etiam temporibus proximis Apostolorum egregij tractatores, qui eum testem adhibentes, nihil se adhibere, nisi diuinum testimonium crediderunt. Deindè adducit doctrinam Sancti Cipriani, qui locum istum, raptus est, in solam Dei gratiam refundit. Hic autem est effectus prædestinationis, vt scilicet non permittatur prædestinatus viuere vsque ad tempus, in quo peccare posset finaliter.

Ad illa Ecclesiæ necessaria cōtra eius hostes attendebant antiqui Patres.

Adducit August. locum S. Cipriani.

201. Hęc ergo est Augustini responsio: licet alij Patres aliter senserint de prædestinatione, nempè ex meritis, non multum refert; quia de ea non disputarunt, sed obiter aliquid dixerunt; quia de alijs rebus disputarunt; & de virtutibus, quibus æterna acquiritur vita nauiter egerunt; quòd si de prædestinatione tractassent, debuissent locum illum sapientiæ præ oculis habere, vt fecit S. Ciprianus, & sic agnouissent, quòd non ex meritis præiudicis, sed ex Dei gratia, & misericordia facta est prædestinatio; alioquin Deus non raperet prædestinatum ne caderet finaliter, sed relinqueret eum cadere, & ex demerito illo ipsum damnaret.

202. Ad loca, quæ adducuntur ex Augustino, Resp. ad primum vbi dicit, quòd si Pelagius doceret prædestinationem factam fuisse ex

Ad loca ipsius Augustini.

Ad primū,
quod non
improbat,
non tamen
sequitur,
sed dicit fo-
re minus
malum pro
Pelagio.

meritis præiis cum auxilio gratiæ eliciendis, non esset reprobanda hæc doctrina, concedo, quia, saltem minus malum, seu aliquod bonum docuisset; neque ego reprobo, quia Ecclesia non reprobatur: sed Augustinus eam non sequitur, immò impugnando, contra eam disputat. Igitur non potest ex hoc dicto inferri, quod eam, vel sequatur, vel approbet.

Ad 2. Au-
thor mira-
tur, quia
nihil tale
ex eo loco
deducitur.

203. Ad secundum Augustini ex lib. 1. ad Simplicianum q. 2. deductum fateor meam incertitiam, nescio quomodo ex ea questione sumatur argumentum pro contraria sententia ex paucis, mutilisque verbis; & quomodo cordati etiam viri ita putent, immò aliqui eum excusent, quod in iuventute fuerit eius sententiæ; cum in libris retractationum, nec verbum quidem de hac re faciat, dum alia etiam minuscula retractet: Immo in tota illa proluxa questione secunda neruose sustineat, ac propugnet sententiam, quod prædestinatio facta sit sine præiis meritum; sitque ex mera misericordia Dei. Patienter (oro) legat lector. Questio sibi proposita, ut initio patet, est de diuersitate sortium Iacob, & Esau vno concubitu, ut dicit Apostolus Rom. 9. genitis, & eodem die natis, & dicit Augustinus, *Intentionem Apostoli, quæ per totam illam epistolam viget tenebo, quam consulam*; Et postea multa dicit. 1. eo ipso quod gratia est, operibus non debetur. 2. ex Apostolo Eph. 2. dicit, non ex vobis, Dei enim donum est; non ex operibus, ut ne quis gloriatur, de his, qui nondum nati erant documentum dedit. Nemo enim posset dicere, quod ex operibus promeruerat Deum Iacob. 3. Vocantis est ergo gratia; percipientis verò gratiam, consequenter sunt opera bona, nec quæ gratiam pariant; sed quæ gratia pariantur.

Author ex-
cusat se de
prolixitate,
quæ
iniuria sit
Augustino.

204. Deinde mouet sibi difficultatem; quomodo electio ista Iacob facta sine præscientia meritorum, aut fidei, cum nec aliquid boni egisset, ut electio secundum propositum maneret, Iacob dilexit, c. 14. ait. *Non ergo secundum electionem, Dei propositum manet, sed ex proposito electi. Id est, non quia inuenit Deus opera bona in hominibus, quæ eligat, idem manet propositum iustificationis ipsius: sed quia illud manet, ut iustificet credentes; idem inuenit opera, quæ iam eligat ad regnum Cælorum, nam nisi esset electio, non essent electi.* Et quia subdit verba illa, quæ opponuntur. Vnde, quod dictum est elegit nos Deus ante mundi constitutionem, non video quomodo sit dictum, nisi præscientia, putant, quod teneat ex præscientia meritorum factam esse electionem ad gloriam: & non aduertunt, non esse hunc S. Augustini sensum, tum ex antecedentibus, tum ex sequentibus; quia statim subdit. *Quod ait non ex operibus, sed ex vocante dictum est; non de electione meritorum, quæ post iustificationem gratiæ proueniunt; sed de liberalitate donorum Dei voluit intelligi, nè quis de operibus extollatur. Gratia enim salui facti sumus, & hoc non ex operibus, sed donum Dei est; non ex operibus, nè fortè quis extollatur.* Et postquam multum discussit, quomodo Iacob dilexit Deus, & Esau odio habuit, antequam nati essent; aut aliquid boni, vel mali egissent dicit Sanctus, Deus faciet misericordem, ut etià benè operetur. Vnde admonemur, nec ipsis operibus misericordiæ quemquam oportere gloriari, & extolli, quod eis quasi suis Deum promeruerit, quandoquidem, ut haberet misericordiam ipse præstitit, qui misericordiam præstabit, cui misericors fuerit. Et post multa ait, *Cur non & Iacob præscientia Dei approbatus est future bonæ*

Multa consideranda pro loco cit. S. Aug.

Ex quibus patet, quod docet oppositum.

Clarè loquitur S. Aug.

Pro absur-
do videtur
habere Au-
gust. quod
prædestina-
tio fiat ex
meritis.

Quod aper-
tè pluri-
bus probat.

Multis mo-
dis confir-
mat suum
dictum.

voluntatis eius? quòd si semel concesseris potuisse quemquam, vel approbari, vel improbari ex eo quòd nondum in illo erat, sed quia Deus futurum esse præsciebat; conficitur, eum potuisse etiam ex operibus approbari, quæ in illo Deus futura esse præsciebat: videtur ei absurdum id dicere; quia ait ex Apostolo, *Non est volentis, neque currentis, sed misentis Dei.* Et infra post alia multa causam diuersitatis dilectionis, & odij reducit ad illud principium, quòd in multis suis operibus statuit, nempe ad peccatum originale, ex quo aliquos, non omnes voluit Deus discernere, sic: *In Adam omnes moriuntur, à quo in vniversum genus humanum origo ducitur offensionis Dei, vna quidem massa peccati, supplicium debens diuinæ, summeque iustitiæ, à quo siue exigatur, siue donetur, nulla est iniquitas.* A quibus autem exigendum sit, & quibus donandum, superbiæ indicant debitores. Et post aliqua. Itaque huius impudentiam quæstionis ita retundit Apostolus. *Homo tu quis es, qui respondeas Deo? Numquid dicit figmentum ei, qui se finxit, quare me sic fecisti? an non habet potestatem, figulus lutum ex eadem conspersione facere aliud quidem vas in honorem, aliud in contumeliam?* Ecce quòd August. non recurrit ad merita vasis honoris, & electionis, sed ad occultum, sed iustum Dei iudicium. Et infra. *Illud tantummodo inconcussa fide teneatur, quòd non est iniquitas apud Deum, qui siue donet, siue exigat debitum, nec ille à quo exigat, rectè potest de iniquitate eius conqueri; nec ille, cui donat debet de suis meritis gloriari.* Et statim mouet contra se aliam quæstionem, quomodo verificetur, quòd Sapientie II. dicitur, *nihil odisti eorum, quæ fecisti, si nondum natum, nec aliquid facientem Esau, illum odio habuit?* Et soluit, quòd intel-

intelligitur de naturis hominum, non de peccatis eorum; hæc enim odit, eas verò diligit: & post multa, ait, *Deus fecit vasa perditionis ex conspersione impiorum; non odit, quod facit, idest opus ordinationis suæ in pæna debita pereuntibus, in qua occasionem salutis illi, quorum miseretur, inueniant. Si autem volens Deus ostendere iram (vt ait Apostolus Rom. 9.) & demonstrare potentiam suam, attulit in multa patientia vasa iræ, quæ perfecta sunt in perditionem, tū quis es, qui respondeas Deo? & vt notas faceret diuitias gloriæ suæ in vasa misericordiæ? Et cum diffusè Sacræ Scripturæ testimonijs ostendisset, quòd ex omni natione, tam ex Iudeis, quàm ex Gentibus Deus fecit vasa misericordiæ, & vasa iræ, honoris, & contumeliæ, ad ostensionem misericordiæ, & iustitiæ; concludit, illos non debere ex meritis gloriari, quia totum illud gratia est; si autem gratia, non ex operibus; alioquin gratia non esset gratia, ait, Apostolus, sed merces. Et postquam alia multa, & præclara, suo digna ingenio, dixit S. Doctor, etiam quæstionem de electione ad gloriam, & gratiam, & de modis vocationum, & desertionum, & de Sauli persecutoris Ecclesiæ vocatione, & electione in Doctorem Ecclesiæ, ac Gentium, sic concludit. Et tamen, quid dicemus? numquid iniquitas est apud Deum exigentem à quo placet, donantem, cui placet, qui nequaquam exigit indebitum, nequaquam donat alienum? numquid iniquitas est apud Deum? absit. Quare tamen huic ita, & huic non ita? Homo tu quis es? debetum si non reddes, habes, quod gratularis, si reddes, non habes quid quæraris. Credamus tantum, & si capere non valemus, quoniam, qui vniuersam creaturam, & spiritualementem, & corporealem fecit, & condidit, omnia in numero pondere,*

Deus non odit naturas hominum, sed peccata eorum.

Sauli vocatione ratio.

Ex tota ista August. doctrina nequit deduci, quod prædestinatio fiat ex meritis, sed oppositum.

& mensura disponit; sed inscrutabilia sunt iudicia eius, & inuestigabiles viæ eius. Ecce quanta dicit Augustinus, ut ostendat electionem ad gloriam, & gratiam ex misericordia factam, non verò ex operibus: Vnde nescio quomodo ex proluxa illa quæstione super hac re deduci possit contraria pro August. sententia.

205. Et nihilominus ad paucula illa Augustini verba, *elegit nos ante mundi constitutionem non video quomodo sit dictum, nisi præscientia;* Respondeo cum eodem Augustino intelligi de præscientia eius, quod ipsemet Deus facturus erat. Ecce verba Augustini in lib. de Prædest. Sancto. cap. 10. *Prædestinatio sine præscientia esse non potest. Potest autem esse sine prædestinatione præscientia. Prædestinatione quippe Deus ea præsciuit, quæ erat ipse facturus.* Et infra. *Hæc se Deus facturum, esse præsciuit. Ipsa igitur est prædestinatio sanctorum.* Et in cap. 15. ac 19. inquit. *Cum ergo nos prædestinavit, opus suum præsciuit, quos sanctos, & immaculatos facit.* Non ergo prædestinavit ex præscientia meritorum, sed præscientia sui operis.

206. Ad 3. Quod desumitur ex August. lib. de Gratia, & lib. arb. c. 8. dico, nihil ex eo concludi, immò oppositum; quærit enim, quomodo vita æterna redditur, ut merces, & ex iustitia, ut loquitur Scriptura; & dicit, esse quidem mercedem, & præmium, quia pro operibus meritorijs datur; quia Deus reddet unicuique secundum opera sua. At inquit, quia opera meritoria sunt talia ex gratia, & vita æterna datur ob eam gratiam, ideo hæc etiam est gratia; & quid inde concluditur? nihil planè ad rem, sed potius oppositum; quia ut alibi idem S. Doctor dicit, *Deus vult esse nostra merita, quæ sua sunt dona; & quod dat gratiam*

pro

Ex præscientia eius, quod erat facturum, ipsemet Deus prædestinavit.

Ex 3. loco August. deducitur oppositum.

pro gratia, vt dicit Ioannes, idest vitam æternam pro meritis ex gratiæ adiutorio elicitis.

207. Ad illud desumptum ex lib. 83. quæst. 9. 68. dico, quod si opponens legisset totam illam quæstionem non opposuisset paucula illa verba, *de occultissimis meritis*, quæ non respiciunt prædestinationem, sed glorificationem. Thema ergo illius quæstionis est, quomodo intelligitur, *quod non sint condignæ passiones huius temporis ad futuram gloriam, quæ reuelabitur in nobis*, ex Rom. 8. & primò multa dicit de humanis miserijs, de dominio passionum carnalium pignantium cum spiritu: deinde loquitur de libertate spiritus, quæ acquiritur per gratiam, & de gloria æterna. Et quia heretici legentes illud Pauli, *cuius vult miseretur, & quem vult obdurat*; quid adhuc quæritur, nam voluntati eius, quis resistit? contemnant præcepta, quæ ad gloriam perducunt; & dicunt Paulum nesciuisse, quid responderet, idè dixisse, *ò homo tu quis es, qui respondeas Deo?* vel hoc non dixisse Paulum: S. Doctor sæpè inculcat, hæc esse Pauli verba, & sic respondendum curiosis inquirantibus de voluntate Dei in operibus gratiæ, & iudicij. Et post multa ait. *Cum ergo meritum peccando amiserimus, & misericordia Dei remota, nihil aliud peccantibus, nisi æterna damnatio debeatur, quid sibi vult homo de hac massa, vt Deo respondeat, & dicat, quare me sic fecisti? Si vis cognoscere, noli esse lutum, sed efficere filium Dei per illius misericordiam, qui dedit potestatem filius Dei fieri credentibus in nomine eius.* Et post multa de hoc argumento tandem dicit, *ò homo tu quis es qui respondeas Deo? numquid dicit figmentum ei, qui se finxit, quare me sic fecisti? An non habet potestatem, figulus luti ex eadem conspersione facere aliud quidem*

Ad locum
ex lib. 83.
quæst. dicit
Author,
quod oppo-
nens non
videtur le-
gisse illam
quæst. 62.

S. Augustinus
defendit A-
postolum.

Curiosus in
hac mate-
ria, cum ver-
bis Pauli
responden-
dum.

dem vas in honorem, aliud in contumeliam? Expurga
 vetus fermentum, vt sis noua conspersio, & in ea
 ipsa, non vt paruulus in Christo, vt lacte potandus
 sis, sed perueni ad virum perfectum, vt sis inter illos,
 de quibus dicitur, Sapientiam loquimur inter perfe-
 ctos. Tum demum rectè, & non præposterè audies,
 si qua sunt de animarum occultissimis meritis, & de
 gratia, vel iustitia secreta omnipotentis Dei. Postea
 loquitur de operibus iustitiæ in Pharaone, inde
 de operibus gratiæ in vocatis, & credentibus,
 iustificatis, ac prædestinatis, referens factum Ia-
 cob, & Esau, antequam nascerentur. Et subdit;
 nec comprehendere potest, nisi fortè ab eis, qui dili-
 gunt Deum ex toto corde, virtute &c. & proximum
 sicut seipsos. Tanta enim Charitate induti possent
 fortasse cum Sanctis comprehendere longitudinem,
 latitudinem, & profundum; illud autem tenendum
 constantissima fide, nihil Deum iniuste facere. Ni-
 hil ergo ad rem pro aduersarijs colligitur; im-
 mò totum oppositum.

Argum. ex
 S. Prospero
 soluitur,
 quòd non
 sit ad rem.

Loquitur
 de reprobatione.

208. Ad argumentum ex S. Prospero desumptum in resp. Gall. c. 3. dico ad rem non esse; quia loquitur de non prædestinatis, seu reprobis. Et isti, vt dicemus in suo loco, ex demeritorum præuisione, incipiendo ab originali, & proseguendo per actualia, si adulti morituri sunt, siue vocati ad fidem, & non perseueraturi, siue non vocati, & ultra originale contrahendum, alia etiam actualia patraturi, siue tandem in originali tantum decessuri. Id cum Augustino, & cum omni Catholico concedemus, quia de modo operandi Dei ex iustitia, agitur. At, cum de prædestinatione fit sermo, agitur de modo operandi ex pura misericordia; ideò nihil ad rem.

209. Ad aliud desumptum ex lib. de Vocat.

Gra-

Gentium c. 35. dico, quòd vt distinctè legere est, S. Prosper docet quod nos *in cap. 5.* diximus, nempe, propositum firmum Dei in prædestinando non lædere propositum liberi arbitrij humani in operando opera, quæ perducunt ad finem, seu terminum prædestinationis, nempe vitam æternam, quia illa liberè facit.

210. Ad aliud, quod dixerat *in cap. 10.* quòd *electi idèò operantur, vt electi sint*, dico non posse intelligi de prima electione, quia hæc non fit in tempore, cum ab æterno facta fuerit; sed intelligi debet de consecutione electionis, idest de eius termino, nempe vita æterna, cum vt supra vidimus sequatur Augustinum.

211. Ad dictum Fulgentij respondetur, hunc Sanctum Augustini discipulum intelligendum, & declarandum esse consequenter ad ea, quæ vt in *cap. 7.* retulimus, idem Sanctus docuit, quòd nempe Deus præsciebat ea, quæ ipse facturus erat in prædestinatis, supposita prædestinatione; & consequenter, quia gratia præuenturus erat prædestinatos, & cum sequentibus auxilijs eos adiuturus vsque in finem præsciuit eos in suamet voluntate, quæ hæc omnia erat factura.

212. Ad aliorum Doctorum authoritates, quæ in eodem capite adducuntur, vnica responsione videtur respondendum. Vel enim considerantur argumenta eorum, quæ ex Sacra Scriptura desumpta sunt; & cum hæc sint eadem, quæ supra soluta sunt, non est necessaria alia responsio; vel considerantur personæ authorum; & his opponuntur authores *in cap. 7. & 10.* & in proëmio huius opusculi, numero, qualitate, ac antiquitate multò maiores.

213. Ad argumenta ex absurdis, resp. quòd
P sunt

Aliud arg.
ex Prospe-
ro soluitur

Tert. arg.
ex Prospe-
ro.

Ad argum.
ex S. Fulgē-
tio S. Augu-
stini sequa-
ci, respon-
detur, sicut
ad illa Au-
gust.

Ad argu-
menta alio-
rum quo-
modo re-
spondetur.

Ad argu-
menta ex
absurdis,
quæ anti-
qua sunt.

Ad primū
resp. quod
prædestina-
tio non ad-
ducit igna-
uiam.

Prædestina-
ti adulti
per diuer-
sa media
obtiuent ef-
fectum eius

b.
la. 63. 30. 2
64. 31. 2
65. 32. 3

Correctio
est facien-
da prædesti-
natis.

sunt eadem, quæ tamquam facta à quibusdam misit S. Prosper ad Augustinum, ut habentur in suis epistolis, poscens ab eo solutionem, ut aduersantium ora obstruerentur: et nihil penitus mouerunt Augustinum, ut à sententia recederet: sed scribit præclaros illos tres libros, nempe *de Prædestinatione Sanctorum* primum; *de Bono Perseuerantiæ* alterum; tertium *de Correp. & Gratia*, in quibus ea, & alia soluit argumenta; & docet insuper, quomodo minus doctis, vel penitus indoctis prædicandum sit de Prædestinatione. Nihilominus ex eodem Augustino breuiter respondeo pro nunc (quia postea de effectibus prædestinationis, & de operibus ad effectum illius obtinendum loquar). Ad primum ergo de ignauia, dico cum Augustino, quod Deus prædestinauit sanctos ad gloriam proprijs meritis obtinendam, si adulti sunt, si verò paruuli per sola merita Christi; ideòque adulti omnes laborare debent in obseruantia legis, & exercitio virtutum, aut consiliorum iuxta formam, & mensuram prædestinationis. Quidam enim sunt prædestinati ad gloriam consequendam per martirium, & in hoc consistit eorum labor; quidam per statum, seu ordinem Ecclesiasticum, siue sæcularem, siue regularem, siue eremiticum, vel anacoreticum: quidam per conjugalem; quidam per virginalem; & sic discurrendo per omnes hominum status honestos. Ijs enim Deus dat auxilia congrua pro quocumque statu; & cum in peccata labuntur, dat auxilia ad resurgendum; omnes autem sunt operarij inuicem Dei.

214. Ad 2. de prædicatione, & correctione, respondetur per idem; cum eaim non omnes prædestinati sint confirmati in gratia, immò rarissimi;

mi; ideòque labi possint, & labuntur in peccata, erit ei necessaria prædicatio, & correptio, vt resipiscant; & ideò Saluator præcepit faciendam correptionem fraternam, vt fratres lapsos laceremus. Cum his ergo modis, & circumstantijs sunt prædestinati omnes sancti: et hæc debent agere, ac pati, vt gloriam, ad quam prædestinati sunt, consequantur.

215. Ad 3. de acceptione personarum, dico primò hoc argumentum, etsi difficillimum videatur, tale non esse, nec nouum, neque in quinto Ecclesiæ sæculo Augustini tempore prodijisse, sed in primo sæculo tempore Pauli; at quid dico tempore Pauli? immò tempore Moïsis potuisse fieri, scilicet in sæculo mundi circa 30. immò in primo, vel saltem in secundo, tempore Cain, & Abel. At isti, prudentiores nostris, certi de iustitia, ac misericordia, & dominio Dei, & quòd non possit in eo esse iniquitas, hoc argumento vsi non sunt, sed caput flectentes, benè de Deo sentientes humiliter incompræhensibilibus Dei iudicijs se submittentes, ori manum imponentes, siluerunt.

Cain non
fuit conque-
stus de
Deo, quòd
dilexit ma-
gis Abel.

216. Declaremus singula. In primo, vel secundo sæculo Gen. 4. *Respexit Dominus ad Abel, & ad munera eius* (idest mittens de Cælo ignem consumentem eius sacrificia) *ad Cain autem, & munera eius non respexit, iratusque est Cain vehementer, & concidit vultus eius. Dixitque ei Dominus, quare iratus es, & cur concidit vultus tuus? Nonne si benè egeris recipies, &c.* At Cain, etsi zelo, ac inuidia commotus, non respondit (sicut nostri) quia acceptas Personam, & munera fratris mei, & me, ac munera mea despicias? non ita dixit, sed tacuit, quasi dicens, Dominus est.

217. Circa 30. mundi sæculum ex Saliario, cum Moises in deserto, Domino loquente, scriberet librum Exodi, cap. 33. petijt videre Deum, aiens, *ostende mihi gloriam tuam*. Respondit Dominus. *Ostendam omne bonum tibi. Miserebor cui voluero, & clemens ero in quem mihi placebit*. Tacuit Moises; poterat, tamquam Deo familiaris, dicere; Domine nonnè es Deus, omnium Pater, & creator omnium; nonnè misericordia, & Charitas tuæ infinita est? cur aliquorum tantum, & non omnium misereberis; cur in aliquos tantum, & non in omnes clemens eris? et tamen audiuit clarè, quòd pro libito hæc facturus erat. Existimo, quòd Moises, de Dei natura, ac proprietatibus optimè conscius, id non interrogauerit; quasi intra se dicens, donorum suorum Dominus est; nemini debet; si alicui dat, & alteri non dat, non facit huic iniuriam, sicut de Domino vineæ dante denarium æquale omnibus, qui diuersis horis in sua vinea laborauerant, murmurantibus primis, dixit, *an non mihi licet facere, quod volo? tolle, quod tuum est, & vade*.

218. De Paulo manifesta sunt dicta; loquens enim, vt sæpè patuit, de Dei dominio in genus humanum, de misericordia, & iustitia, quæ in illud exercet; adducit casum Iacob, & Esau, quorum primum dilexit, Esau autem odio habuit, antequam nati essent, aut aliquid boni, vel mali egissent. 2. adducit, quod nuper relatum fuit dictum Moisi à Deo, *miserebor cui voluero*; & concludit, igitur non volentis, neque currentis, sed misereantis est Dei. Deindè facit argumentum; quod nostri faciunt curiosi. *Dicis mihi quid adhuc queritur, nam voluntati eius quis resistit?* Et respondet. *O homo tu quis es, qui respondeas Deo? numquid dicit figmentum*

Moyses prudentia, & humilitas.

Paulus manifestè id docet.

tum ei, qui se finxit, quid me fecisti sic? An non habet potestatem figulus lati ex eadem massa facere aliud quidem vas in honorem, aliud in contumeliam? Quod si Deus volens ostendere iram, & notam facere potentiam suam sustinuit in multa patientia vasa, iræ apta in interitum: vt ostenderet diuitias gloriæ suæ in vasa misericordiæ, quæ præparauit in gloriam. Quid voluit per hoc dicere Paulus, nisi quia Deus, cum sit Dominus gloriæ, misericors, & iustus, videns genus humanum in massa perditionis demersum, voluit cum aliquibus exercere misericordiam, & facere eos vasa honoris, & cum alijs exercere iustitiam relinquendo eos in massa damnata, & facta iam vasa contumeliæ. Hac responsione ait Augustinus contentus esse debet omnis Christianus, nec profundius inuestigare, ne inueniat præcipitium.

219. Ad illud de acceptione personarum, dicendum, quod est indignum Christiano argumentum; fides enim contrarium docet. 2. Paralip. 19. habetur; *Non est enim apud Dominum Deum nostrum iniquitas, nec Personarum acceptio, nec cupido munerum* Rom. 2. 11. *Non enim est acceptio personarum apud Deum*: idem repetit ad Ephes. 6. 9. & ad Coloss. 3. 23. Ratio verò à priori est, quia Deus nemini debet; ideò nemo potest conqueri, quod non habet à Deo illa quæ alijs concedi cernit, nec aliam causam debet querere; sed vel dicere, *Dominus est*, vel cum Apostolo Rom. 11. exclamare. *O altitudo diuitiarum sapientiæ, & scientiæ Dei, quàm incomprehensibilia sunt iudicia eius, & inuestigabiles viæ eius.*

220. Ad illud tandem, *Deus vult omnes homines saluos fieri*, cum argumentum hoc famosum sit, & per ora omnium, etiam vulgarium personarum ver-

Paulus conuincit curiosos querentes, cur hunc non illum prædestinavit: eo quod Dominus est, misericors, & iustus.

Responsio Pauli sufficit.

Fides docet non esse in Deo acceptionem personarum.

Ad famosū
argumentū
quòd Deus
vult omnes
homines
saluos fieri

versetur, decreui vnum integrum caput, quod erit vigesimum, conficere pro intelligentia huius Apostolici dicti, pro quo nonnulli etiam scelesti sibi blandiuntur. Nunc cum eodem Augustino, & cum instantia duplici ad arguentem respondeo. Primò. *Si vult, quare non saluat? Deus enim quęcumque voluit, fecit; & voluntati eius nemo potest resistere*, ait Psalmista: & cur dicit, *Iacob dilexi, Esau autem odio habui*, si vult omnes saluare? 2. instantia, cur paruuli non omnes saluantur, cum multi sine baptismo, & in ventre matris moriantur? ad rem ergo nunc non est; infra verò explicabitur.

CAP V T XIII.

An ex parte Prædestinatorum assignari possit aliqua causa saltem congruentiæ suę prædestinationis.

Intentio
Authoris.

221. **A**Du. quòd præter errores hereticorum Pelagij, Origenis, & Manicheorum de causa prædestinationis, quā dicebant fuisse merita ex naturæ viribus faciendæ: & præter Catholicorū quorundam sententiam, quòd causa prædestinationis fuerit præuisio meritorum ex auxilio gratiæ eliciendorum, vt in præcedentibus patuit; insurrexerunt alij, qui nequeuntēs comprehendere, quomodo æqualium hominum æqualiter dispositorum, siue ante, siue post præuisionem Adæ peccati, à Deo iusto, & benignissimo, omnium suorum operum, & maximè animarum amantissimo, facta sit inæqualis illa discretio, vt alij eligerentur ad gloriam, gratiam, & merita, quibus gloria acquirenda est: alij verò derelicti, vel ex præ-

præuisione demeritorū, in quæ cadere necesse erat moraliter destitutis Dei gratia; ex pietatis, vt credo, in Deū zelo aliqui dixerunt, quòd merita, eliciēda ex gratia, & demerita futura præuisa, vel absoluta, vel saltim conditionata, etsi non sint causa inducentia Deum absolutè ad prædestinandum, aut reprobandum; saltim merita illa alterutro modo præuisa sint velut quædam congruentiæ non autem motiua cur Deus prædestinauerit illos, & non istos: hoc ergo discutiendum, an sustineri possit.

222. Dico I. Ex parte prædestinati nequit assignari aliqua causa, neque per modum congruentiæ, neque per modum motiui influens in sui prædestinationem.

223. Prob. I. omnibus argumentis adductis cum Augustino ex Sacra Scriptura desumptis ad excludendum merita, nam ad idem sunt. Et Apostolus respondens ad obiectum, cur vnus sic, alius non sic, non recurrit ad aliquam causam, motiuum, vel congruentiam; facile enim fuisset ei ab hac difficillima quæstione se liberare, dicens, quòd Deus ab æterno præuidit in vno bonam, aliquam qualitatem, vel bonum vsum liberi arbitrij, vel saltem assensum præbendum primæ vocationi ad fidem; vel aliquid simile. At non sic respondit, sed repræhendens interrogantem, ait, *o homo tu quis es, qui respondeas Deo? numquid dicit figmentum ei, qui se finxit, quid me fecisti sic?* Et adducit exemplum de figulo, qui vnum vas facit in honorem, aliud in contumeliam, & tamen ex eodem luto. Sicut ergo non ex aliquo motiuo, vel congruentia reperta in luto, sed ex voluntate figuli nascitur vasorum diuersitas, sic ex Dei voluntate volente misericordiam exercere, non

Dubium
cur aliqui
electi, ali
derelicti,
cum Deus
diligere

Sensus qua
siti.

Nequit assi
gnari cau
sa congruē
tiæ ex par
te prædesti.

Omnia ar
gumenta fa
cta pro me
ritis sunt
propria
pro hac
Conclusio
ne.

Responsio
Pauli sol
uit omnem
quæstionem

ex aliquo motiuo, vel congruentia visa in luto humano, scilicet in massa damnata hominum ob Adæ peccatum, aliquos elegit, & prædestinauit ad gloriam, & gratiam.

A sufficien-
ti enumera-
tione arg.

224. Prob. 2. ratione à sufficienti partium enumeratione. Res illa præuisa, quæ asseri posset, non meritum, sed simplex motiuum inducens congruentiam mouentem Deum ad eligendum hunc potius, quàm illum, vel esset natura alicuius, vel aliqua eius bona qualitas, vel bonus vsus liberi arbitrij consentientis vocationi diuinæ saltem primæ; vel aliquid aliud, vel tandem humana miseria hominum per lapsum Adæ lapsorum. Nullum horum dici potest; ergo absque vlllo motiuo in eligendis præuiso, facta est à Deo electio, & Prædestinatio; Prob. min. de primo. Non natura quouis modo considerata; hic enim fuit error Basilidis, & Valentini, vt supra patuit. Præterea natura humana quoad essentialia, est eiusdem rationis in omnibus; nullum ergo motiuum, nullaque congruentia apparere, & præuideri potuerunt in vno humano indiuiduo, quæ non apparuissent, & præuideri potuissent in alio.

Non natu-
ra, quia hic
fuit error
Basilidis, &
Valentini.

Non bona
qualitas.

Argum. de
paruulis vr-
get.

226. Neque potest asseri secundum de bona qualitate. Nam hæc, vel esset naturalis, vel supernaturalis: neutrum dici potest. Sic prob. primò quid dicendum de paruulis regenerandis, & sine vlla tali qualitate prædestinatis, & ante rationis vsus decessuris? 2. Si qualitas esset naturalis, recurrit argumentum contra Valentinum, & Basilidem. Si supernaturalis deberet esse donum Dei; & gratis datum: & sic non ex motiuo in prædestinando reperto, ac præuiso; sed ex suo beneficio ei conferendo, Deus moueretur: Et si sic, recurrit argumentum, quòd contra prædesti-
natio-

nationem gratuitam fit: Cur huic bonam illam qualitatem supernaturalem Deus confert, & non alteri? Quod ergo responderetur ad hanc quæstionem; quia nempe Dominus est, responderi debet ad quæstionem, quare sine vlllo motiuo ex parte electi, elegit hunc, non illum, nempe, quia Dominus suæ gloriæ est.

226. Neque potest asseri bonus vsus liberi arbitrij. Primò, quia vrget argumentum paruulorum valdè molestum, vt sæpè replicat Augustinus; decedunt enim sine vlllo vsu liberi arbitrij statim post baptismum, & in Cælum euolant. 2. quia hic vsus liberi arbitrij præuisus, vel esset purè naturalis, vel eliciendus cum auxilio diuinæ gratiæ; neutrum dici potest. Non primum, quia Pelagianum est, posse aliquem sine auxilio gratiæ vti libero arbitrio, vel in consentiendo, vel in assentiendo vocationi ad fidem, vel in obseruando, vt oportet, aliquod legis præceptum. Hinc etiam Semipelagiani damnati sunt, qui asseriebant, quòd assensus, & consensus ad primam vocationem ad fidem, naturæ viribus haberi possunt; cæteri autem actus Religionis, ac pietatis nequaquam, sed ad eos necessaria sunt diuinæ gratiæ auxilia. Neque potest dici secundum; quia recurrit idem argumentum, quod fieri solet ab aduersarijs Augustini contra prædestinationem sine meritis. Nam gratia illa, vel aliquibus tantum danda esset, vel omnibus. Si primum, vrget difficultas, cur potius vni, quam alteri: præterea ita præualeret misericordia in hoc casu, sicut in casu, quòd dicatur prædestinationem factam esse absque cuiusvis meriti præuisione: & si secundum non admittitur neque primum; eadem enim esset ratio quærelarum, & acceptionis per-

Nec vsus
liberi arbitrij ob argumentum paruulorum

A sufficiēti arguitur non posse asseri.

Discursus
necessariò
consideran-
dus.

sonarum, quod timent aliqui. Si verò dicatur secundum, quòd scilicet gratia illa omnibus danda, prædestinata, decreta, & præuisa fuerit ad bonum vsum liberi arbitrij; iam in omnibus hominibus esset vnum, & idem motiuum, eademque congruentia mouens Deum ad prædestinandum; & sic omnes fuissent prædestinati: gratia enim illa fuisset futura efficax; alioquin, frustranea esset futura.

Solutio va-
lidi argu-
menti.

227. Quòd si dicas, vt aliqui ex modernis dicunt, gratiam illam futuram indifferentem, seu (vt nunc dicitur) sufficientem, talis nempè naturæ, vt si liberum arbitrium consentiat habeat effectum; sin minus, nequaquam; & sic quia Deus ab æterno decreuit homines omnes creare, & omnibus dare gratiam sufficientem ad benè operandum, & vidit aliquos ea benè vsuros, & consensuros; alios non; illos, non istos prædestinauit: Fateor, quòd si hæc sententia fundamentum haberet in Sacra Scriptura, vel in Concilijs, aut Patribus, mihi apprimè placeret, & liberaret nos, & Sanctum Augustinum, immò & Sanctum Paulum à difficultate respondendi, cur illum, non istum prædestinauit. At quia fundamentum hoc ego non inuenio, ideò

Si haberet
fundamen-
tum in scri-
ptura con-
cluderet.

228. Dico 2. Motiuum prædestinandi in Deo, non fuit præuisio boni vsum liberi arbitrij consensuri gratiæ indifferenti, vel sufficienti, siue absolute, siue conditionatè ei offerendæ. Declaratur. Quidam enim olim dicebant, quòd Deus decreuit dare omnibus absolute gratiam sufficientem, seu indifferentem; & vidit quòd aliqui essent consensuri, alij non, ideò illos, non istos prædestinauit. Quidam verò dicunt, quòd Deus præiudic, quòd si daret gratiam sufficientem, aliqui con-

Motiuum
prædesti-
nandi non
fuit vsum li-
beri arbi-
trij consen-
surus gra-
tiæ suffici-
ti.

sen-

sentirent, alij non; ideò illos prædestinavit, non istos, & ista præscientia est illa, quam dicunt mediam, quia non est simplicis intelligentiæ, puta, possibilem, nec visionis, puta futurorum absolutorum; sed conditi onatorum, esto nunc nullus Catholicus his nullis modis loquatur. Quòd cumq; horum dicatur, existimo non posse sustineri cum Augustino: ideò

229. Prob. 1. argumento paruulorum, qui baptizati, ante vsum rationis decedunt. In his nullus penitus est consensus futurus ad assertum, indifferens, seu sufficiens auxilium: nullum; etenim habent, neque habituri erant. Et hoc in tota hac materia argumentum S. Augustino visum semper fuit, sicut est, insolubile.

330. Quòd si diceretur, vt quidam tempore Augustini dicebant, Deum præuidisse, quòd si paruuli ad ætatem perfectam peruenturi essent, benè fuissent operaturi, & Dei auxilijs consensuri, & cooperaturi, & sic saluaretur casus paruulorum, quia ex ijs conditionatis, etsi numquam futuris consensibus prædestinentur, contra hos acriter inuehitur S. Augustinus in lib. 10. Gen. ad lit. c. 16. inquit. Cum ergo sic respondent, quid eis contradici potest, nisi incertos nos eorum salutis fieri, qui hac vita benè gesta in Ecclesiæ pace defuncti sunt, si non solum secundum id quod quisque vixit, verùm etiam secundum id, quòd victurus esset, si amplius viuere potuisset, quisque indicandus est; quandoquidem valent apud Deum merita mala, non tantum præteritorum, sed futurorum etiam delictorum, à quorum reatu, nec mors liberat, si antequam fuerint commissæ prouenerit, nec aliquid ei præmium, qui raptus est, nè malitia mutaret intellectum eius. Deus enim præsciens illius malitiæ futu-

Argum. ex paruulis.

Argumentum, quod sit de bono vsu futuro in paruulis si vixissent eliditur.

ra, cur si eum secundum ipsam potius indicaturus est, si moritura anima infanti, ne obesset ei ex corpore peccati participata colluies, idem subueniendum indicauit per baptismum, quia præsciuit eam si uiueret pie, fideliterque fuisse victuram. His, & alijs pluribus concludit S. Doctor, quod nullus indicatur ex præuisione eorum, quæ facturus esset, bona, vel mala, si longiorem vitam duceret; & ita dici nequit, quod paruuli aliqui fuerint prædestinati, vel reprobati ex præuisione operum, quæ facturi essent, si uiuerent: alioquin etiam de adultis id esset dicendum, & sic de ijs, qui sanctè vixerunt, dubitandum esset de eorum salute, si non pro præteritis tantum, sed pro futuris, si vixissent, indicandi essent: & hoc est primum absurdum, quod initio adducit Augustinus. Igitur effugium illud de præuisione futurorum, si vixissent, non soluit Augustini argumentum, quod vrget contra defendentes prædestinationem ex præuisione conditionati consensus ad indifferens auxiliū, ratione paruulorum.

231. Prob. 2. Si tam facile mysterium hoc compræhendi potest, inquit Petrus Damianus, iam non esset adeo difficile, vt Paulus exclamasset, *O altitudo diuitiarum sapientiæ, & scientiæ Dei, quàm incompræhensibilia sunt iudicia eius, & inuestigabiles viæ eius.* Neque diceret. *O homo tu quis es, qui respondeas Deo? Nunquid dicit figmentum ei, qui se finxit, quid me fecisti sic? An non potest figulus luti ex eadem massa facere aliud quidem vas in honorem, aliud in contumeliam? Quod & Deus volens ostendere iram, & notam facere potentiam suam sustinuit in multa patientia vasa iræ, &c.* Ecce quid respondet Paulus interroganti, cur Deus queritur, quod homo nō saluetur, seu salutis opera non

Acriter in illud inuehitur S. August.

Petri Damiani dignum argumentum contra sic defendentes.

Non essent inuestigabilia Dei iudicia, si tam facile solueretur hæc questio.

non faciat; cū ipse, cuius vult miseretur, & quem vult indurat? Si sententia de operibus bonis conditionatè visis subsisteret, Paulum Ecclesiæ, & totius mundi Doctorem, ac Magistrum non la-
tuisset: & docuisset, & totum mundum lætificas-
set, cum hac doctrina adeò clara, & aliquibus
plausibili, & non reliquisset rem hanc inexplica-
ram, & tamquam profundum mysterium. Quis
enim Paulo doctior, magisque ad docendam Ec-
clesiam illuminatus?

232. Quòd si dicatur, hoc mirum non esse,
quia non omnes veritates, maximè, quæ non sunt
de necessitate salutis ab initio Ecclesiæ fuerunt
scriptæ, vel alio modo manifestatæ, sed successu
temporis creuerunt, vt notorium est, & Patres,
Ecclesiæque ipsa experitur, sic dici potest de sen-
tentia ista, licet tempore Pauli nota non fuerit.
Immò hoc punctum de prædestinatione, sine vilo
præiusto merito, siue absolutè, siue conditionatè
futuro, dici potest esse vnum illorum, de quibus
loquitur S. Petrus episcopus. 2. cap. 3. 16. *Frater noster
Paulus secundum datam sibi sapientiam scripsit no-
bis, &c. in eius epistolis sunt quædam difficilia intel-
lectu, quæ indocti, & instabiles deprauant.* Fieri
ergo potuit, vt inexplicata eius doctrina pro
tunc, tractu temporis sit explicata.

233. Resp. Verum quidem esse, quòd succes-
su temporis multæ veritates in Ecclesia clarè in-
notuerunt, quæ ab initio, vel obscuræ erant, vel
penitus ignotæ. Istæ autem sunt in duplici diffe-
rentia, quædam enim pertinent ad fidem, vel mo-
res, quæ vel traditione Apostolica per manus ad
nos vsque peruenerunt, vel à Sacris Concilijs Ge-
neralibus, ex Sacra Scriptura, vel ex traditioni-
bus erutæ sunt, & de his non loquimur. Quæ-
dam

Nō latuif-
set Paulum
Doctorem
omnium à
Deo edo-
ctum.

Instantia
de nouiter
Ecclesiæ
notis.

Eliditur.

Veritates
nouæ, quo-
modò notæ
fuerunt.

dam verò sunt veritates, seu propositiones inter Catholicos Doctores controuersę, & in Ecclesia existentes atque disputari permisę; cuiusmodi est ista. Et in his tenendis, vel introducendis duę regulę obseruandę sunt ab earum sequacibus. Prima, nè nouę sint; nouitas enim sæpè scandalum, & turbationem parit. Secunda, considerandum est quis sit primus talis nouę sententię author; si in magna existimatione Ecclesię, si rationi validę innitatur, si magni nominis viri eam approbent, & tandem si Sancta Sedes eam tantummodo toleret, ac permittat, vel potius in eam inclinet. Consideret lector, si hæc faueant huic sententię. Ego quidem, vt ingenuè fateor, non puto, sed eam permittere existimo, vt disputabilē.

234. Prob. vltteriùs. Si ex consensu illo conditionato ad auxilium illud sufficiens facta sit prædestinatio, quero primò, an omnes homines fuerint præiussi, & constituti in eodem tempore, & cum eisdem circumstantijs; & simul omnibus dandum illud auxilium; & aliqui præiussi consensuri, alij non; & sic priores prædestinati, non posteriores. Vel præiussi sunt constituti in diuersis temporibus, & in diuersis circumstantijs. Neutro modo saluatur intentum pro hac sententiā, ergo. Prob. min. de primo. Nam decreta diuina de animarum creatione supponi debent in aliquo rationis signo præcedere decreta prædestinationis; nam priora respiciunt subiectum; posteriora respiciunt accidentia. At decreta de creatione facta sunt de animabus creandis pro diuersis temporibus, sicut de facto creatę sunt ab initio mundi vsque nunc, & creantur, atque creabuntur vsque ad finem mundi; igitur asseri non potest decretum illud de constituendis omnibus

Nonę do-
ctrinę, quā
de introdu-
cendā.

Aliud ar-
gumentum
a diuisione
contra eę
sententiam

nibus animabus in eodem tempore, & in eisdem circumstantijs, ac dispositionibus; quia cum tale decretum habiturum non esset vnquam illum effectum, esset frustratorium. Et sic præiudici non potuerunt omnes animæ simul pro eodem tempore futuræ, & in eisdem circumstantijs constitutæ cum auxilio illo, cui possent assentire, & dissentire; quia Deus nihil videre potest futurum, siue absolutum, siue conditionatum, nisi discernat se illud facturum, seu cum creatura ad illud concursurum.

235. Neque dici potest secundum, de animabus scilicet in diuersis temporibus, & circumstantijs constitutis: tum propter præcedens argumentum de frustraneitate talis conditionati decreti: tum etiam, quia recurrit eadem difficultas, quam auctores huius sententiæ declinare vel-
lent, nempe inæqualis electionis circa æqualiter dispositos, in qua diceretur esse apparentia acceptionis personarum. Nam in hac sententia omnes animæ illæ quantum est ex se, essent æqualiter dispositæ, & non à se haberent, quod ponerentur in diuersis circumstantijs loci, temporis, & dispositionis corporum, quibus erant coniungendæ. Ex his autem omnibus pender, quod aliquis operetur sic, vel sic; consentiat, vel dissentiat alicui vocationi, cū in eius libertate sit assentire, vel dissentire, vt esset in casu talis auxilij sibi exhibiti ex se non efficacis; & sic eodem modo, quò æqualiter dispositæ, & non electæ possent conqueri, *quid me fecisti sic?* idest posuisti in tali incongrua circumstantia, vt assentire facillè non potuissem, sicut in alia circumstantia fecissem. Sicut si res ita se haberet, dicere possent pro alio casu conuersionis Tyrus, & Sydon, si factæ fuissent in nobis

vir-

Homines
non fuerunt
præiudici om-
nes futuri
pro eodem
tempore,
& circum-
stantijs.

Si dicatur
animas
præiudicas
pro diuer-
sis tempori-
bus futu-
ras, non se-
quitur in-
tentum.

Idem ab-
surdum ac
ceptioni-
nis perso-
narum sem-
per sequi-
tur, quòd
effugere
vellent.

virtutes, quæ factæ sunt in Corozaim, & Bethsaida, pœnitentiam egissemus; Nam Matth. 11. 21. sic ait Christus; *Vae tibi Corozaim, vae tibi Bethsaida, quia si in Tyro, & Sydone factæ fuissent virtutes, quæ in vobis factæ sunt olim, in cilicio, & cinere pœnitentiam egissent.* Idem subdit contra Capharnaum, quæ vsque ad Cælum exaltata vsque ad infernum descensura erat, quia, ait, *si in Sodomis factæ fuissent virtutes, quæ in te factæ sunt fortè mansissent vsque in hanc diem.* Sic, inquam, dicere potuissent animæ illæ in circumstantijs diuersis præuisæ constituendę. Non ergo meo videri, saluari potest modus iste dicendi.

236. Confirmari potest Conclusio principalis alio argumento fusiùs discutiendo in *Opusculo de Gratia*, quod tale est. Auxilium illud, cui visus est à Deo aliquis consensurus, est illud, quod offert Deus de facto ei, qui ex ea præuisione prædestinatus est. Sed auxilium, quod de facto isti confert Deus non est talis naturæ, vt sine speciali Dei concursu voluntas ei consentiat; sed Deus ipse (vt ibi dicam) *qui ex Philip. 2. 13. dat velle, & perficere*, facit, vt homo faciat, quia diuinæ gratiæ auxilium ex S. Augustino non solum dirigit liberum arbitrium ad benè operandum, sed se habet ad illud, sicut sessor ad equum, ita in Hippognosticon lib. 3. m. & ideò est auxilium quo, nempè faciens facere, non verò tantum sine quo, quod non facit facere. Et sic efficacia illius asserti consensus præuisi, esset (sicut nunc est) à Deo: Ideòque non adesset ex parte hominis sic consensuri motiuum aliquod prædestinandi; sed esse Dei donum, quòd vnus consentiret, non alius. Fateor meam imbecillitatem: hoc argumentum me conuincit, sicut & alia; & vnum auxiliatur alteri.

Alio argumento valido ille modus dicendi impugnari posset.

Gratia se habet ad liberum arbitrium, sicut sessor ad equum.

alteri. Si non placet mea, seu Augustini sententia, teneatur quæ placet, si habet modum satisfaciendi hisce argumentis, & deponendi formidinem de opposita; & maximè, quia Sancti Augustini menti consona non videtur.

CAPVT XIV.

An Christi Domini Prædestinatio fuerit causa Prædestinationis nostræ.

237. **A**Du. 1. rationem dubitandi esse duplicem. Prima est quia Christus Dominus est Princeps Regum terræ, Apocal. 1. 5. Est primogenitus omnis creature, Colos. 1. 18. Est prædestinatorum caput, & Prædestinatus in virtute Rom. 1. 4. & omnes homines, qui prædestinati sunt, ad imaginem ipsius prædestinati fuerunt. Rom. 8. 29. Secunda ratio est; quia Christus est causa meritoria mediorum, per quæ prædestinati obtinent finem, seu terminum prædestinationis. Ipse enim reconciliavit humanum genus Deo; aperuit Cælum; instituit sacramenta, quibus ex inimicis Dei euadimus amici, & ex filijs iræ, filij, & hæredes Dei. Obtinuit etiam nobis auxilium, & habitum gratiæ, & habitus virtutum Theologicarum, & dona Spiritus Sancti: quibus medijs operamur meritoria opera, per quæ acquirimus vitam æternam, quæ est prædestinationis finis. Ideò meritò querimus, an idem Christus Dominus aliquam influentiam, vel causalitatem saltem meritoriam, aut exemplarem in hominum prædestinationem habuerit.

238. Adu. 2. ex dictis in primo tomo in 3. sent. disp. 18. per totam, quòd Christus, vt homo,

R

fuit

Authoris
mens.

Duplex hu-
ius quæstio-
nis causa.

Beneficia
priora,
quæ nobis
meruit.
Christus.

fuit ex *Rom. 1. 4.* ab æterno prædestinatus ad filiationem Dei per vnionem hypostaticam, ad summam gloriam, summam gratiam, & alia dona supernaturalia (vt in toto illo tomo) & ad gradum mediatoris inter Deum, & humanum genus, ad effectum reconciliandi istud cum Deo; & insuper, quòd eius prædestinatio facta fuit antecedenter ad prædestinationem hominum, & Angelorum; immò antecedenter ad præuisionem lapsus Adæ, vt ex eodem tomo *disp. 11.* per articulos quinque; & inferiùs eadem explicabimus. Hinc oritur quæstio, an prædestinatio Christi influxerit in prædestinationem hominum.

239. Adu. 3. ad vitandam æquiuocationem, quòd non loquimur de actu illo, quo Deus prædestinavit, quasi quæramus, an Christus, eiusue prædestinatio in actum illum influxerit; quia hic est actus diuinæ voluntatis tantum: sed quærimus de passiuæ prædestinatione, quod est quærare, an ad hominum passiuam prædestinationem, Christi prædestinatio aliquo modo influxerit, siue efficienter, siue meritoriè, siue saltim exemplariter; sicut de causa exemplari dicimus in phisicis cum *Arist.* quòd *domus extra sit à domo intra*, vt omnes architecti, omnesque artifices experiuntur; & Deus ipse præcipiens Moisi formationem tabernaculi, *Exodi 25. 40.* ait, *inspice, & fac secundum exemplar, quod tibi in monte monstratum est*; & cap. 26. *Eriges tabernaculum iuxta exemplar*; Quæri ergo potest, an prædestinatio Christi fuerit saltim ipsi Deo exemplar in prædestinatione hominum.

240. Dico 1. Christus, vt homo, eiusue prædestinatio non fuit causa efficiens nostræ prædestinationis ab æterno factæ.

Christus
prædesti-
natus, &
quomodo.

Sensus quæ-
stiei clarus
quis.

Christus,
aut eius
prædestin.
nō fuit cau-
sa efficiens
nostræ præ-
destinat.

241. Prob. de primo. Causa efficiens realiter debet existere; nam ex phisicis effectus in actu exigit causam in actu. Christus autem, vt homo, ab æterno, cùm facta fuit hominum prædestinatio, non existeret; ergo non potuit esse efficiens causæ nostræ prædestinationis.

242. Prob. de secundo. Nequit percipi, quomodo Christi prædestinatio, siue actiue, scilicet vt actus diuinæ voluntatis, siue passiuè concepta, vt importat prædestinatum esse, possit esse causa efficiens nostræ prædestinationis; nam, vt est actus voluntatis Dei, efficit id tantum, ad quod tendit, nempe eligit, ac prædestinat Christum: vt verò passiuè sumitur, nihil efficit, sed ipsamet est quid effectum, seu volitum; igitur in nullo statu accepta potest dici causa efficiens nostræ prædestinationis.

243. Dico 2. Christi prædestinatio dici potest, ac debet causa exemplaris nostræ prædestinationis ad gloriam, gratiam, & filiationem Dei, hæreditatis Dei, & cohæreditatis Christi.

244. Prob. 1. ex Rom. 8. 29. *Nam quos præsciuit, & prædestinavit conformes fieri imaginis filij sui, vt sit ipse primogenitus in multis fratribus. Quos autem prædestinavit, hos & vocavit, &c.* 2. ex Ephes. 1. 5. *Qui prædestinavit nos in adoptionem filiorum per Iesum Christum in ipsum, secundum propositum voluntatis suæ in laudem gloriæ gratiæ suæ, in qua gratificavit nos in dilecto filio suo.* Prius autem dixerat, *sicut elegit nos in ipso (Iesu) ante mundi constitutionem, vt essemus sancti, & immaculati in conspectu eius in charitate.* Igitur Christi Domini prædestinatio se habuit, vt exemplar, idea, ac prototypus aliarum prædestinationum.

Christi prædestinatio fuit causa exemplaris nostræ.

ex Apost.

245. Prob. 2. ex S. August. in lib. 1. de Prædest. Sanct. c. 15. Est etiam præclarissimum lumen prædestinationis, & gratiæ, ipse Saluator, ipse mediator Dei, & hominum homo Christus Iesus: & infra. Apparcat itaque in nostro capite ipse fons gratiæ; vnde secundum vniuscuiusque mensuram se per vnita eius membra diffundit: & postea. Ipsa est igitur prædestinatio Sanctorum, quæ in Sancto Sanctorum maximè claruit, quam negare quis potest rectè intelligentium eloquia veritatis? & infra. Sicut ergo prædestinatus est ille vnus, vt esset caput nostrum; ita multi prædestinati sumus, vt membra eius essemus.

ex August.

246. Lyranus in epist. ad Rom. 8. in illud conformes fieri imagines filij sui, ait, Quia filiatio adoptiua est quædam similitudo filiationis naturalis diuinæ. Sicut ergo Deus hominem Christum præordinauit ad filiationem diuinam naturalem ponendam in eo per vnionem hypostaticam Verbi; ita præordinauit electos ad aliam filiationem, non quidem naturalem, sed adoptiuam cum iure hereditatis ad regnum: hæc Lyranus.

ex Lyrano.

247. Dico 3. Prædestinatio Christi, siue actiue, siue passiue sumatur, non fuit causa meritoria nostræ prædestinationis.

Prædestinatio Christi non fuit meritoria prædestin. nostræ.

248. Prob. prima pars facile. Actiua prædestinatio Christi aliud non est, nisi actus diuinæ voluntatis, quo Christum hominem ab æterno elegit ad vnionem hypostaticam, vel filiationem Dei naturalem, ad summum lumen gloriæ, summam gratiam, summam gloriam; & ad omnes alias Christi perfectiones, ad statum mediatoris, ad septem dona Spiritus Sancti, ad gratias omnes gratis datas, &c. Hic autem actus eligendi ad hæc

hec omnia, non est meritum; quia est actus Dei, seu Sanctissimæ Trinitatis, cui repugnat mereri: tum etiam, quia est actus liberalitatis, & beneficentiæ, atque Charitatis Supremi Principis in Christi humanitatem. Alioquin actiua nostri prædestinatio, immò quælibet cuiuslibet doni elargitio diuina erga creaturas esset Dei meritum, & causa meritoria; quæ in terminis repugnant.

249. Prob. de 2. scilicet de passiuæ prædestinatione Christi, sic. Hæc passiuæ prædestinatio Christi, siue ad vñionem hypostaticam, ac filiationem Dei, siue ad summam gratiam, ac gloriam, cæteraque bona, quæ supra dicta sunt, aliud non est, nec aliud importat, quàm Christi humanitatem tunc non existentem, fuisse à Deo ad ea electam, ac prædefinitam, & præordinatam. Id autem nullam habet conditionem meriti, sed potius passio quædam grammaticalis est, & denominatio extrinseca Logicalis, vt est esse visum, esse volitum, esse amatum, esse electum, & cætera similia.

250. Dico 4. Si prædestinatio nostra sumatur pro fine, seu termino ipsius, nempe pro gloria, & gratia, alijsque bonis, ad quæ prædestinati sumus, dici potest, Christi prædestinationem fuisse causam exemplarem, ac etiam meritoriam nostræ prædestinationis: hoc modo scilicet; quatenus Deus statuit per merita Christi aperire Cælum, liberare animas de potestate diaboli, facere eas hæredes regni, filiasque adoptiuas, & conferre eis gloriam.

251. Prob. prima pars ex dictis pro secunda Conclusionem. Sicut enim Christus prædestinatus filius Dei, licet ex meritis non meruerit incarnationem, & filiationem Dei, & prædesti-

A. priori
ratio de
actiua
Christi
prædesti-
natione.

De passiuæ
Christi
prædesti-
natione
ratio.

Quomodo
Christi
prædesti-
natio in-
fluit in
nostram.

Christus
quid me-
ruit pro se,
& pro no-
bis.

nationem ad gloriam, vt docet S. August. *lib. 1. de Prædest. Sanct. c. 15.* tamen plenitudinem gloriæ consecutus est per sua merita: Sic etiam nos, qui ad gloriam prædestinati sumus sine meritis; tamen eam non assequimur (loquendo de adultis) nisi per merita; ergo quoad consecutionem, Christi prædestinatio fuit causa exemplaris prædestinationis nostræ. Maioris prima pars pro nunc ex August. loco cit. prob. dicente. *Est etiam præclarissimum lumen prædestinationis, & gratiæ ipse Saluator, ipse mediator Dei, & hominum, homo Christus Iesus; qui, vt hoc esset, quibus tandem suis, vel operum, vel fidei meritis præcedentibus, natura humana, quæ in illo est, comparauit? Respondeatur quæso, ille homo, vt Verbo, Patri coeterno in vnitatem personæ assumptus filius Dei vnigenitus esset, vnde hoc meruit? vnde quaecumque eius bonum præcessit? Quid egit antè, quid credidit, quid petiuit? vt ad hanc ineffabilem excellentiam perueniret? & subdit. Ipsa est prædestinatio Sanctorum, idest facta sine meritis, &c.*

Christus
sine prauis
meritis
prædestina-
tus.

252. Prob. modò secunda pars maioris, quòd plenitudinem gloriæ Christus consecutus est per merita, ex oraculo ipsius Christi, qui Lucæ 24. iungens se discipulis euntibus Emmaus, dixit, *Nonne hæc oportuit pati Christum, & ita intrare in gloriam suam?* Nota tamen, quòd dico plenitudinem gloriæ, non gloriam absolutè, quia vt in tom. in 3. sent. cum comuni Ecclesiæ sententia docui, ac tenui, quòd à primo instanti suæ conceptionis Christus obtinuit gloriam, fuitque beatus, gratis, & sine præcedentibus meritis, at, quia erat simul viator, & passibilis vsque ad sepulturam, immò vsque ad resurrectionem, non habuit pro illo tempore plenitudinem gloriæ, sed

exple-

Sed pleni-
tudine glo-
riæ per me-
rita assecu-
tus est.

expleta passione, in reunionem animę ad corpus, cum resurrexit, cessauit ratio vię, & collata sunt ei dona corporis beati, nempe impassibilitas, splendor, subtilitas, & agilitas; tunc plenę beatus effectus est; hanc ergo beatitudinem per merita passionis acquisiuit. Hoc ergo modo nos Deus ad gloriam prædestinauit; sed per merita consequendam; vnde ait Paulus, *Bonum certamen certavi, cursum consummaui, fidem seruaui; in reliquo reposita est mihi corona iustitię, quam reddet mihi Dominus in illa die iustus Iudex; non solum autem mihi, sed his, qui diligunt aduentum eius.*

253. Prob modò secunda pars Conclusionis, quòd scilicet prædestinatio Christi, seu vt legitimè, & propriè loquar, Christus prædestinatus filius Dei fuerit causa meritoria nostrę prædestinationis quoad effectum, idest glorię consecutionem; ex 1. Corin. 15. 22. *Sicut in Adam omnes moriuntur, ita in Christo omnes viuificabuntur.* Ephes. 5. 23. *Christus caput Ecclesię, ipse est Saluator corporis eius. Vnus est mediator Dei, & hominum Christus Iesus.* 1. Tim. 2. 5. ex Io. 2. 2. *Ipse est propitiatio pro peccatis nostris, non pro nostris autem tantum, sed pro totius mundi.* Act. 4. 12. *Non est in aliquo alio salus; non enim aliud nomen est sub Cælo datum, in quo oporteat nos saluos fieri.*

254. Confirmatur. Christus redemit nos à potestate Diaboli, instituit Sacramenta, per quę reconciliamur Deo; obtinuit nobis per sua merita gratiam sanctificantem, & auxilia actualia, per quę meremur gloriam, aperuit Cælum, quod ob Adę peccatum obseratum erat, &c. quę omnia de fide sunt. Sine his autem gloriam non consequeremur, igitur dici potest, & debet, quòd prædestinatio Christi, seu (quod idem est) Christi

Quenā fuerit hec plenitudo.

Christus fuit causa meritoria termini nostre prædestinationis, quoad consecutionē.

Beneficia nobis per Christum collata.

stus prædestinatus fuit causa meritoria prædestinationis nostræ quoad effectum, seu terminum; & hanc existimo fuisse D. Thomæ mentem, in 3. p. q. 24. ar. 4. in corpore, ubi dicit; *Si consideretur prædestinatio Christi secundum prædestinationis actum, non est causa nostræ prædestinationis. Si autem consideretur secundum terminum; prædestinatio Christi est causa prædestinationis nostræ. Sic enim Deus præordinauit nostram salutem ab æterno prædestinando, ut per Iesum Christum compleretur.*

Obijcies contra 1. & 3. Christus est caput Ecclesiæ, & omnium prædestinatorum, ergo ut prædestinatus, cum sit caput, in hoc genere influit in omnia membra.

255. Resp. dist. consequ. influit modo sibi competente iuxta Dei prouidentiam, concedo, alio modo, nego. Stando enim in similitudine capitis ad cætera membra corporis, euidens est, quod argumentum nihil concludit, nam caput Phisicum influit quidem in alia membra corporis, at non facit, seu generat illa membra; sed idem agens naturale, quod gignit caput, gignit alia membra cum facultate influendi in ea. Sic ergo Christus influit in membra prædestinata; at ipse nec membra facit, nec prædestinat, sed Deus, qui ab æterno statuit Christum efficere, & ex tunc eum prædestinauit; alios homines facere statuit membra eius, & prædestinauit ad imaginem, & conformitatem Christi. Totum hoc præclare explicauit Paulus Rom. 8. ut in probatione secundæ Conclusionis patuit. Ratio ergo capitis in Christo circa Ecclesiam consistit in hoc, quod Christus fundauit Ecclesiam visibilem constantem ex ministris diuersi ordinis, & ex alijs fidelibus in unum coadunatis per unitatem fidei, baptismi,

S. Thom.
mens.

Arg. cont.
1. & 3.

Quando
Christus
influit in
nos, ut ca-
put ad mē-
bra.

Similitudo
capitis ad
membra in
Christo, &
in nobis.

tisini , ac cæterorum Sacramentorum , quæ respiciuè communia sunt . Ipse autem suis meritis hæc omnia facere meruit , & per eum , eiusque merita omnia spiritualia beneficia , & consecutionem æternæ gloriæ obtinemus . At ratio capitis non videtur vllō modo importare influentiam , nec phisicam , nec moralem in actiuam , vel passiuam hominum prædestinationem , vt supra patuit .

CAPVT XV.

An saltem ex præuisione meritorum Christi facta fuerit hominum prædestinatio.

256. **A**Du.1. quæsitum hoc non coincidere cum præcedentibus . Querimus ergo an Deus prædestinando Christum , vt hominem ad filiationem naturalem diuinam per vnionem hypostaticam , & ideò etiam ad summam gratiam , summumque lumen gloriæ , ac summum meritum , ex præuisione istius summi meriti prædestinauerit aliquos homines ad gloriam ; itaut omnes prædestinati , sicut omnia bona , quæ habent à Deo per Christi meritum recognoscunt , sic destinationem ad illa , & ad gloriam debeant per Christi meritum à Deo recognoscere .

257. Adu.2. solutionem huius quæsti pendere à solutione alterius famosæ controuersię , an si Adam non peccasset , Verbum incarnatum fuisset , seu venisset Christus in carne impassibili , vt cum sua Schola Scotus docet in 3. Sent. dist. 7. q. 3. & nos cum illo tom. 1. in 3. Sent. disp. 2. art. 2. At præscindendo ab hoc quæsito pro nunc satis molesto ; inquiram quid in vtraque , vel alterutra

Christus
fundauit
Ecclesiam .

Sensus quæ-
sti diuer-
sus à præ-
cedentibus .

Solutio hu-
ius quæsti
pendet à so-
lutione al-
terius .

sententia, S. Thomæ, scilicet, vel Scoti, dicendum sit ad præsens dubium.

258. Adu. 3. quòd sicut dixi de merito Christi in eodem *tomo disp. 19. ab art. 4.* & deinceps, Christus de facto meruit non solum per actiones, & passiones potentiarum sensitivarum, per effusionem sanguinis, ac per mortem, &c. sed etiam per actus potentiarum spiritualium, præsertim, per charitatem, seu dilectionem erga Deum, & homines, & per actus pietatis, & adorationis Dei, & obedientiæ erga Patrem, &c. ita quòd in Scoti, eiusque Scholæ, ac mea in hac re sententia, si Adamo non peccante Verbum fuisset incarnatum, quia non in carne passibili; licet non potuisset mereri agendo, & patiundo sensibiliter; adhuc mereri potuisset operando intellectualiter.

259. Adu. 4. quòd pro defensione huius Scoti sententiæ, & stabilienda illa, quam inquirimus de merito Christi pro nostra prædestinatione, hic ordo secundum nostrum intelligendi modum statuendus est inter decreta diuina circa futura facienda, vt docet Scotus in 3. *Senten. dist. 7. q. 3.* ab æterno suppositis productionibus ad intra; in primo signo sequente, Deus intellexit omnes creaturas possibiles: in secundo signo, decreuit summè communicare creaturæ rationali; & in hoc signo decreuit vnire hypostaticè Verbum cum humana indiuiduali natura, & in hoc prædestinavit Christum ad summam gloriam, summamque gratiam, ad summam charitatem, ac pietatem in Deum, atque charitatem in proximum: in tertio signo decreuit creare Adamum, & alios homines: in quarto signo vidit Adamum cum tota posteritate casurum: in quinto signo decreuit modum vnionis, nempe in carne passibili,

Quibus actibus meruit Christus.

Ordo Dei in prædestinando iuxta Scoti sententiam.

Decretum de incarnatione in quo signo factum.

bili , & per actiones , tam intellectuales , quam per corporales Christi passiones reconciliare sibi genus humanum : & quoniam cum S. Augustino prædestinatio hominum facta fuit post præuisionem peccati Adæ , dici consequenter cum eo debet , quòd in hoc signo facta sit hominum prædestinatio , & in hac sententia non est difficile saluare , quòd prædestinatio hominum facta sit ex præuisione meritorum Christi . Item si teneatur sententia contraria de decreto Incarnationis post præuisionem Adæ peccatum , adhuc distinguendum est : vel enim tenetur , quòd Adæ , & aliorum prædestinatio facta fuerit ante præuisionem peccati Adæ ; & hoc præuiso decreta fuerit incarnatio ad reparandum genus humanum , & tunc fuisse prædestinatum Christum ; non apparet via saluandi , quòd ex merito prædestinati Christi præuiso , facta sit prædestinatio Adæ , & aliorum , quia hæc supponeretur facta ante illum . Si verò teneatur , quòd , & Adamo non peccante facta non fuisset incarnatio , & quòd ante præuisionem peccati Adæ nullius facta fuerit prædestinatio , sed supposita Adæ peccati præuisione , decreta fuerit incarnatio , & consequenter prædestinatus fuerit Christus , & postea prædestinati sint homines , & discreti à massa damnata , vt docet S. Augustinus , & nos supra cum eo docuimus , facilis , & conueniens est via saluandi , quòd ex præuiso Christi merito facta sit hominum prædestinatio ; si enim hæc via teneatur , vt amicis meis consulo tenendam , in magnam redundat Redemptoris gloriam . Parcat Lector si prolixa sit adnotatio ; cedit enim ad Christi Domini nostri laudem , de quo omnia summè bona prædicare debemus , quæ Sacra Scripturæ non repugnant , in-

Saluatur in hac sententia, quòd ex meritis Christi fieri potuit nostra prædestinatio.

In alia sententia non videtur posse saluari .

Alia via saluandi facilis, & tenenda consilium.

pugnant, inquit cum alijs Scotus.

260. Adu. vltimò cum Scoto in 4. *Sent. dist. 2. quæst. 1. ad 3.* & est valdè notandum dictum illud, quòd gratia non cadit sub merito, sicut docet Apostolus Rom. 9. *Si gratia ex meritis, iam non est gratia, sed merces*, quòd intelligi potest, vel de merito de congruo, vel de merito de condigno. De primo non est tanta difficultas; sed de secundo; pro quo etiam aduertit Scotus, quòd vel est sermo de causa intrinseca, idest de ipsomet merente, qui per sua opera non potest mereri gratiam de condigno, & de hoc intelligitur Pauli dictum; *Si gratia ex meritis, idest proprijs, iam non est gratia*: vel est sermo de causa meritoria extrinseca illi, cui confertur gratia, & sic gratia cadere potest sub merito: talis autem est Christus respectu omnium gratiarum, quas nobis meruit: his notatis

261. Dico 1. In ea sententia Scoti, quòd Verbum fuisset incarnatum, etiamsi Adam non peccasset, sustineri potest probabilissimè, quòd ex præuisione meritorum Christi per potentias intellectuales eliciendorum facta fuerit hominum prædestinatio ad gloriam, & gratiam.

262. Prob. In hac suppositione maximè commendatur Christi meritum, & non asseritur aliquid Sacræ Scripturæ, traditioni, aut communi Ecclesiæ opinioni repugnans: ergo. Consequ. prob. ex famoso illo Scoti axioma, *in commendando Christum malo excedere, quàm deficere, si in alterutrum ex ignorantia incidere oporteret*. Hinc est, quòd Ecclesia in hymno illo Angelico, *Gloria in Excelsis*, sic eum collaudat. *Tu solus Sanctus. Tu solus Dominus. Tu solus Altissimus Iesu Christe*. Anteced. quoad primam partem prob. quia

An, & quomodo gratia cadit, vel non cadit sub merito.

Christus meruit nobis omnes gratias.

In sent. Scoti probabilissimè fusi netur, quòd ex præuisione meritorum Christi facta sit nostra prædestinatio.

Commendari maximè debet Christus.

quã hoc modo omnis ratio capitis mystici, ac moralis in omnia bona supernaturalia suorum membrorum influentis, dignè, & abundè saluaretur; maximum enim hominis cuiusque spirituale, ac supernaturale bonum est ad gloriam, & consequenter etiam ad gratiam prædestinari. Anteced. quoad secundam partem probatur: nullus Scripturæ locus, nullaque traditio huic dicto refragatur; immò aliqua Scriptura ei opitulatur. Paulus enim Rom. 8. 29. inquit. *Quos præsciuit, & prædestinavit cõformes fieri imaginis filij sui, &c.* Tunc sic: si ex merito præuiso in carne passibili, & intellectuali operatione Christi Deus ab æterno decreuit nos sibi reconciliare, filios suos adoptiuos efficere, heredes ipsius Dei, & cohæredes Christi ad imaginem ipsius filij naturalis: cur ex merito, in illa suppositione præuiso non potuit Deus prædestinare homines etiam ad gloriam, & gratiam?

263. Quòd si dicas prædestinatio passiuæ hominum est maxima gratia, quæ possit ijs à Deo conferri; igitur cadere non potest sub merito; responsio facilis est ex notabili ultimo. Non potest cadere sub merito hominum: concedo; sub merito Christi, quem Deus voluit, ac statuit esse caput hominum, & in eos meritoriè influere, nego. Ratio euidens est: de facto redemptio à seruitute diaboli; collocatio in ordine filiorum Dei; aperitio ianue cœli pro hominibus, omnia dona supernaturalia, gratia tam habitualis, quàm omnes actuales, Sacramentorū institutio, & cetera omnia nobis, & Ecclesiæ conferuntur ex meritis Christi; item & consecutio gloriæ; & proinde Ecclesia omnes collectas, quibus beneficia spiritualia, immò & omnia alia à Deo petit, sic

con-

Sub merito nostro non potuit cadere gratia; sed bene sub merito Christi.

concludit, *Per Christum Dominum nostrum*. Hæc autem omnia ab æterno Deus statuit, & præsciuit, se nobis daturum per merita Christi; igitur idem dici potest de prædestinatione, quòd nempe ex merito Christi in ea suppositione præuiso, eam decreuerit circa homines. Neque in hoc video ullam esse difficultatem, si principium illud Scoti teneatur.

264. Dico 2. in alia sententia, quòd non fuisset facta incarnatio, non existente Adæ peccato; si tenetur, quòd omnes prædestinationes, tam Christi, quàm hominum factæ fuerint ante præuisionem peccati Adæ; adhuc probabiliter sustineri posset, quòd prædestinationes hominum factæ fuerint ex præuisione meritorum Christi.

265. Prob. sicut præcedens; quia nulla est implicantia, quin in aliquo signo præcedente facta sit Christi prædestinatio ad filiationem Dei, per vnionem hypostaticam, ad summam gloriam summam gratiam, & summa merita: & ita saluaretur in eo omnimoda ratio capitis, & causæ meritoria, respectu omnium bonorum, quæ hominibus à Deo à mundi initio hucusque concessa sunt, & concedentur: & ita, sicut est causa meritoria consecutionis gloriæ, respectu nostri, & mediorum ad talem consecutionem obtinendam; ita esset causa meritoria destinationis ad eam; ita quòd Deus in gratiam dilectissimi filij sui prædestinati voluerit alios prædestinare, & in gratiam eiusdem, ac per merita eius decreuerit possessionem termini prædestinationis, idest gloriam eisdem conferre.

266. Prob. 2. si quid obstarer huic sententiæ, esset, quia in signo illo antecedenti non essent

In alia sententia idē teneri potest, si omnis prædestinatio facta sit præuiso Adæ peccato.

Saluatur maxima Christi laus in hac sententia.

essent pręuisa merita, ac genera, & qualitates meritorum per passionem, ac sanguinis effusionem, quia adhuc non esset decreta permissio peccati Adę, nec damnatio eius cum tota posteritate; & sic nec decreta passio, & mors Christi, quę sunt merita Christi; & ideò, cum in eo signo merita Christi adhuc non existerent in mente Dei, non potuit intuitu eorum prędestinare homines. Sed posset (in hac sententia) responderi, quòd licet pro illo signo non essent prędefinita merita per afflictiones, mortificationes, ieiunia, labores, itinera, passionem, & mortem, elicienda: dici possent prędefinita merita per intellectuales actus, pręcipuè dilectionis Dei, atque hominum, & Angelorum exhibenda; vel quòd ipsamet dignitas; magnitudo, ac sublimitas Christi pro illo signo ad ea iam prędestinati, se haberent, vt meritum, vel saltem, vt motuum prędestinandi homines; immò & Angelos ad dignificandum, magisque exaltandum dilectum suum filium, constituendo illum omnium prędestinatorum caput, vt ei omnes etiam in hoc pręclarissimo fauore, se in æternum cognoscerent obnoxios.

267. Dico 3. si teneatur, quòd decretum, incarnationis factum fuerit post pręuisum Adę peccatum, & sic Christus prędestinatus tunc ad filiationem Dei, & ad summam gloriam; summamque gratiam, & ad statum mediatoris inter Deum, & hominem; & postea facta fuerit hominum prędestinatio discernendo eos à massa perditionis; facilius videtur sustinendum, quòd ex Christi meritis pręuisis facta fuerit hominum prędestinatio.

268. Prob. facile. Eatenus in omni sententia

Refellitur
obstaculū

Melius sustineatur influxus Christi in prędestinationem nostrā in alia sententia.

Ratio clara pro hac sententia.

Argum. à pari de alijs bonis dandis ex merito Christi.

tia, & cum fidei principijs defenditur, quòd ex pręiudicijs Christi meritis decreuit Deus ab æterno reconciliare sibi genus humanum, liberare illud à potestate diaboli, aperire Cœlum, & conferre generi humano media necessaria ad salutem, vt Sacramenta, virtutes, auxilia, dona, &c. ipsamque gloriam; quatenus videns genus humanum lapsurum, & perditionis massam ex eo constituendam, voluit eius misereri, & per viam iustitię illi reconciliari; disposuit hoc facere mediante filio suo incarnando, & per eius merita in actionibus, & passionibus consistentia, & sic intuitu istorum omnia præfata spiritualia bona humano generi conferre. Quid autem impedit, quin dicamus, quòd pariter Deus videns gentis humanum sic cum Adamo lapsurum, & massam damnatam futuram; ex eodem Christi præiudicio merito motus fuerit ad prædestinandum aliquos, discernendo, seu secernendo eos à massa perditionis, sicut ex præiudicio eiusdem merito decreuit præfata alia bona conferre? Immo existimo, quòd in hac sententia Augustini de prædestinatione post præiudicium Adę peccatum, loquendo consequenter, negari non possit, prædestinationem quoque factam fuisse ex merito Christi. Ratio enim euidentis est, quia vt cum Augustino mox dicemus, omnia bona supernaturalia, quę prædestinatis conferuntur, sunt prædestinationis effectus. At omnia illa conferuntur ex merito Christi, & sic ab æterno decreta sunt conferenda, ergo multo magis bonum prædestinationis, quod est eorum causa: nam vt inquit Philosophus, & omnes amplectimur, *Propter quod vnumquodque tale, & illud magis.*

269. Confirmatur: hanc viam sequendo, magis

magis quàm in alijs relucet Christi Domini dignitas, ratio capitis influentis in omnium prædestinatorum præcipuè spiritualia, ac supernaturalia bona, & sic sublimitas Principatus; immò, & quòd per ipsum facta sint omnia; & nihil impedit, quin sic dicamus.

Relucet
Christi di-
gnitas.

270. Confirmatur 2. Per Christi meritum, efficimur filij Dei, & hæredes, atque Christi coheredes, inquit Apostolus; & hæc omnia ab æterno sic prædefinita sunt. At filiatio, & hereditas Dei sunt essentialiter cum prædestinatione connexa, & ita, cum Deus prædefiniuit vnum, prædefiniuit simul & alterum: & sic ex merito Christi vtrumque. Cur enim Deus præcisionem fecisset, vt ex merito Christi prædefinisset vnum, & non alterum; cum in vtroque æqualiter reluceat benignitas, ac misericordia Dei in homines, & beneuolentia in Christum, cuius præuisione meriti voluerit illum exaltare, & constituere caput prædestinatorum influens in eos quoad omnia; & dare illi nomen, quod est super omne nomen, vt in nomine eius omne genu flectatur Cælestium, &c. & omnis lingua confiteatur, quia Dominus noster Iesus Christus in gloria est Dei Patris?

271. Confirmatur 3. Non videtur saluari perfecta ratio mediatoris in Christo, nisi dicatur, quòd ex intuitu sui meriti facta sit hominum prædestinatio ad gratiam, & gloriam; ergo ita dicendum. Quòd autem sit mediator Dei, & hominum de fide est, ex 1. Tim. 3. 5. Prob. maior. Mediatio in genere sumpta consistit in hoc, quòd existente inter duos, siue æquales, siue superiorem, & inferiorem inimicitia, ratione alicuius offensæ, aliqua tertia persona grata offenso se interponit pro reconciliatione offendentis cum

Ex perfecta
ratione me-
diatoris ar-
gum.

In quo con-
sistat me-
diatio.

offenso; quod perfici potest per satisfactionem procurandam ab offendente; vel si hic sit impotens, aut inhabilis, aut minus idoneus, ipsamet mediatrix persona, id acceptante, aut disponente offenso, aliquo modo huic benè viso, satisfaciat pro offensa. Hoc tanquam certissimo posito, ad rem nostram accedens, sic discorro. Per Adæ peccatum omnes homines (excepta B. Virgine iuxta nostram sententiam) cum eo peccarunt, & inimici Dei constituti sunt. Placuit benignissimo Domino Deo homines sibi reconciliare, & per viam iustitiæ, ac satisfactionis pro grauissima (intensiue, & extensiue) offensa id perficere: non inueniebatur inter homines puros, qui condignè satisfaceret: statuit filium suum, sanctissimum incarnandum, ad hoc peragendum in terram mittere: Hic ergo cum esset nos reconciliaturus, ut adæquatè suo muneri mediandi satisfaceret, erat effecturus, ut Deus in suam gratiam nos reciperet filios; & heredes æternæ vitæ eos, qui sibi placerent, efficeret. Totum autem hoc per prædestinationem ad gratiam, & gloriam efficitur. Igitur, ut plenipotentiam mediatoris Deus Christo conferret, in gratiam eius, ac suorum meritorum, hanc gratiam prædestinationis, iustificationis, &c. consequentium, debuit ex sua liberali benignitate concedere, discernendo ex tunc quos voluit à massa perditionis, efficiens suos filios, regni que cœlestis heredes, & Christi coheredes.

Quomodo
Deus sta-
tuit satisfa-
ctionem ac-
cipere pro
offensa hu-
mani gene-
ris.

Paulus for-
tè id do-
cuit.

272. Tandem existimo Paulum id docere voluisse Ephes. 1. 3. inquiens de Deo; *Qui elegit nos in ipso (Christo) ante mundi constitutionem, ut essemus sancti, & immaculati in conspectu eius in charitate. Qui prædestinavit nos in*

ado-

adoptionem filiorum per Iesum Christum in ipsum, secundum propositum voluntatis suæ, in laudem gloriæ, & gratiæ suæ, in qua gratificauit nos in dilecto filio suo, in quo habemus redemptionem per sanguinem eius, &c. Interl. Hier. *Elegit nos in ipso ait per Christum: infra, gratificauit nos in dilecto filio suo, dicit, per Christum; modus ergo iste loquendi toties à Paulo replicatus, Deus elegit nos in Christo; qui prædestinauit nos per Iesum Christum. Qui gratificauit nos in dilecto filio suo; & hæc ante mundi constitutionem, aliud significare nequeunt nisi prædestinationem nostram per Iesu Christi mediatoris nostri merita factam esse.*

CAPVT XVI.

De præcipuis Prædestinationis effectibus.

273. **A**Du. quòd licet multa bona, tam supernaturalia, quàm naturalia sint communia prædestinatis, & non prædestinatis, seu reprobis; quædam tamen solis primis competunt, & de his loquimur. Certum quidem est, quòd multa supernaturalia bona obtinent reprobi, quæ tamen temporalia, idest ad tempus tantum durant, & non perseuerant vsque ad finem vitæ. *Multi enim, ait, Saluator sunt vocati, pauci verò electi.* Veniunt enim ad fidem innumeri, baptismum suscipiunt, gratiam sanctificantem, cum Theologicis virtutibus, & Spiritus Sancti dona, aliaque Sacramenta recipiunt, & actualibus auxilijs diuinis ad sanctè operandum adiuuantur; & tamen, quia donum perseuerantiæ non obtinent, sed in peccato decedunt, damnantur: iminò plures præter hæc dona, gratias gra-

Multa supernaturalia bona obtinent etiã reprobi, sed sunt temporalia.

tis datas obtinuerunt, vt sapientiam, prophetiam, gratiam virtutum, seu miraculorum, & curatio-
num, genera linguarum, &c. & tamen damnati
sunt: De quibus dicit Saluator, Matth. 7. 22.
*Multi dicent mihi in illa die Domine, Domine, nonne
in nomine tuo prophetauimus, & in nomine tuo De-
monia eiecimus, & in nomine tuo virtutes multas
fecimus. Et tunc confitebor illis, quia numquam
noui vos, discedite à me, qui operamini iniquitatem.*
Patet ergo, quòd hæc etiam supernaturalia do-
na, non in omnibus sunt effectus, ac signa præ-
destinationis: Iudas enim fuit à Christo cum
alijs missus ad prædicandum cum virtute mira-
culorum; alij plures per aliquod tempus sanctè
vinunt, prædicant, alios ad fidem conuertunt,
Sacramenta frequentant; & nihilominus, vel quia
in pessima aliqua consuetudine inueterati sunt,
vel quia à fide decidunt, in fine pereunt: aliquos
ergo proprios, & præcisos prædestinatorum effectus
ex Sacro Textu, & ex Sanctis Patribus referemus.

274. Dico 1. Primi, & præcipui effectus
prædestinationis, ad quos alij consequuntur, sunt
illi, quos refert Apostolus Rom. 8. 30. *Quos autem
prædestinauit, hos & vocauit; quos autem voca-
uit, hos & iustificauit; quos autem iustificauit, il-
los & glorificauit.* At primi duo effectus declara-
tione indigent.

275. Prob. & declarantur singula. Primus
effectus prædestinationis est efficax vocatio ad
Catholicam fidem, ac proinde hæreticorum fides
cum baptismo recepta (exceptis paruulis in ea
decedentibus) non est prædestinationis effectus,
quia *extra Catholicam Ecclesiam non est salus, ex
Concil. Later. 4. c. 1. de summa Trin. & fide Cath. c. 1.*
At quia multipliciter fit vocatio, dicendum, quòd

paru-

Gratias e-
tiam gratis
datas.

Præcipui
effectus præ-
destinatio-
nis, qui sunt

1. Efficax
vocatio ad
fidem.

paruuli, quibus confertur baptifmus, per huius collationem vocantur, & per fidem habitualement credunt, & vocationi respondent, & fides actualis offerentium, vel miniſtri, ſeu Eccleſiæ eis ſufficit; *de Conſec. diſt. 4. cap. In Eccleſia, cap. Paruuli fideles, & cap. Mater Eccleſia*; immò dicuntur fideles; non quia actualiter credunt, ſed quia fidei Sacramentum recipiunt, id eſt, baptiſmum, per quem eis infunditur fides, *ead. diſt. c. Nihil eſt aliud*. Alij vocantur, & recipiunt fidem per baptiſmum ſanguinis, cum Catecumeni, ſiue valde inſtructi, ſiue incipientes tantum pro fide Catholica martyrium patiuntur. Alij vocantur, ſed per baptiſmum flaminis; id eſt, per votum, ſeu deſiderium baptiſmi nequeunt illum in effectu recipere, è vita decedunt. Alij tandem adulti vocantur ad fidem ex Paganismo, Mahometismo, vel Iudaismo, & bene inſtructi baptizantur. Verum, vt in Not. dixi, hæc vocatio, & reſponſio per baptiſmi, ac fidei etiam Catholicę receptionem in adultis, non eſt præciſum ſignum, nec certus prædeſtinationis effectus; alioquin omnes Catholici eſſent prædeſtinati, & tamen Chriſtus, *Matth. 20. 10. ait, multi ſunt vocati, pauci verò electi*. Vocatio ergo eſt quidem in aliquibus, at non præciſus, & proprius prædeſtinationis effectus.

276. De iuſtificatione pariter idem dicendum; quia innumeri vocati ſunt, & nedum per baptiſmum iuſtificati; ſed & alijs vicibus per Sacramentum pœnitentiæ; & tamen pereunt. Et proinde iuſtificatione etiam eſt prædeſtinationis ſignum, & effectus in aliquibus, at non proprius, ac præciſus; ſed alia (vt infra) debent eſſe ipſi adiuncta; nempe finalis iuſtificatione, & perſeuerantia

Paruulidicuntur vocati per habitum fidei & per eum dicuntur fideles.

Alij per martyrium.

Alij per votum baptiſmi ſi nequeunt eum habere.

3. Eſt iuſtificatione in aliquibus, non in omnibus, niſi ſit finalis.

rancia in illa . Hæc est verus prædestinationis effectus .

277. De glorificatione tandem nulli dubium est , quòd sit vltimatus effectus , ac terminus prædestinationis ; ad hanc enim Deus prædestinavit : idè ait Saluator Matth. 25. 46. *Ibunt iusti in vitam æternam .* Vndè Magist. sent. in lib. 2. dist. 49. ait, *Sicut enim prædestinationis effectus illa gratia est , qua in præsentì iustificamur , atque ad rectè vivendum , & in bono perseverandum adiuvamur , & illa qua in futura beatificamur .*

278. Dico 2. effectus prædestinationis , qui solis prædestinatis competunt sunt sequentes ex Augustino .

S. Doctor in lib. de Correp. & gratia cap. 7. inquit . *Quicumque ergo ab illa originali damnatione ista diuinæ gratiæ largitate discreti sunt ; non est dubium , quod , & procuratur eis audiendum Euangelium , & cum audiunt , credunt , & in fide , quæ dilectionem operatur , vsque in finem perseverant , & si aliquando exorbitant , correpti emendantur ; & quidam eorum ; etsi ab hominibus non corripiantur , in viam , quam reliquerant , redeunt ; & nonnulli accepta gratia in qualibet atate periculis huius vitæ , mortis celeritate subtrahuntur .* Hæc enim omnia operatur in eis , qui vasa misericordiæ operatus est eos , qui elegit eos in filio suo ante mundi constitutionem per electionem gratiæ : & in fine capitis ait , aut si qui deficiant , reparentur antequam vita ista finiatur , & deleta , quæ intercurrerat iniquitate , vsque in finem perseverantia deputatur : & in cap. præced. discutiens illud Act. 13. 48. *Crediderunt quotquot erant præordinati ad vitam æternam ,* ait ; *Quis in æternam vitam potuit præordinari , nisi perseverantiæ dono ? Quandoquidem , qui perse-*
vaverit

3. Glorifi-
catio .

Alij esse-
tus proprij
prædesti-
nationis ex
S. August.

Quomodo
prædestina-
ti corripi-
tur , & resi-
piscunt .

rauerit vsque in finem, hic saluus erit: qua salute, nisi aeterna?

279. Et in cap. 2. distinguens adiutorium gratiae datum Adamo ab illo, quod datur hominibus post lapsum, ut bene operentur (de quibus nos in suo loco) loquens de adiutorio dato praedestinati ad perseuerandum, inquit non sufficere adiutorium *sine quo non perseueraret*, sed datur eis adiutorium *quo*, idest quo Deus facit perseuerare, idest, efficax, *nunc verò sanctis in regnum Dei per gratiam praedestinati*; non tamen tale adiutorium (idest sine quo) *perseuerantia datur*; sed tale, *ut eis perseuerantia ipsa donetur*: non solum, *ut sine illo dono perseuerantes esse non possint*, verum etiam, *ut per hoc donum, non nisi perseuerantes sint*: efficacia ergo ad perseuerandum finaliter in sanctitate, est verus, & proprius praedestinationis ad gloriam effectus.

280. Ijs autem, qui curiosè inuestigarent, cur donum perseuerantiæ finalis uni detur, alteri non detur, æqualiter utroque disposito, ad rem nostram respondet S. August. in lib. de Bono Perseuerantiæ cap. 9. sicut responder de Praedestinatione vnius, & non alterius; his verbis; *ex duobus itaque paruulis originali peccato pariter obstrictis, cur iste assumatur, ille relinquatur; & ex duobus ætate grandibus impijs, cur iste vocetur, ut vocantem sequatur, ille autem aut non vocetur, aut non ita vocetur, inscrutabilia sunt iudicia Dei. Ex duobus autem pijs, cur huic detur perseuerantia vsque in finem, illi autem non donetur, inscrutabiliora sunt iudicia Dei. Et pro nostra, ac sua conclusione statim subdit. Illud tamen fidelibus debet esse certissimum, hunc esse ex praedestinati, illum non esse. En ergo praedestinationis indissolubilis effectus;*
fina-

Adiutorium datum praedestinati, est quo perseuerent finaliter.

Cur ijs detur, nō alijs responderi nequit.

Nisi quia, inscrutabilia sunt iudicia Dei.

finalis nempè perseuerantia .

281. In lib. 1. Retract. cap. 18. de eiusmodi Prædestinationis effectibus ait . *Sed parum de ipsa vocatione differui , quæ sit secundum propositum Dei. Non enim omnium , qui vocantur talis est , sed tantum electorum .* Et verum hoc esse probatur ex illo Act. 13. 48. cùm prædicante Paulo cum Barnabâ in Perge Pamphiliæ coram multitudine Iudæorû , & Gentium , Gentes crediderunt , Iudæi verò eos eiecerunt . Dicit autem textus , *Crediderunt , quotquot erant præordinati ad vitam æternam ;* igitur effectus prædestinationis est aliquem ita vocari , vt vocantem sequatur .

282. Alij præclari effectus prædestinationis sunt , quos vno verbo enunciat Apostolus Rom. 8. 28. *Scimus quoniam diligentibus Deum omnia cooperantur in bonum ijs , qui secundum propositum vocati sunt sancti.* Interl. *bonum ,* dicit , *non recedentibus , sed vsque in finem manentibus .* Glos. ord. *Scimus ,* ait , *non solum hoc facit Spiritus Sanctus , sed etiam facit omnia diligentibus se prouenire in bonum , prospera , vel aduersa .* Tales enim Deus consolatur prosperis , exercet aduersis . *Prosunt enim mala , quæ fideles piè perferunt , vel ad emendanda , siue demenda peccata , vel ad exercendam , probandamque iustitiam , vel ad demonstrandam huius vitæ miseriam ;* Quamuis enim mors carnis de peccato primi hominis originaliter venit ; tamen bonus eius vsus gloriosos martires fecit , &c. & infra , secundum propositum , ait , inde est , *quod omnia cooperantur in bonum , non ex merito .*

Et S. August. lib. de Grat. & lib. arbitr. cap. 17. hunc Apostoli locum valdè exaggerat pro electis , dicens primò , cum eodem Apostolo ad Philip. 2 , *Certus sum quoniam , qui operatur in vobis bonum*

opus

Vocatio
eorû sit se-
cundû pro-
positû Dei.

Prædestina-
tis omnia
cooperan-
tur in bo-
num .

Prospera ,
& aduersa
eis prosunt
ex Deigra-
tia .

opus perficiet usque in diem Christi Iesu. Vt ergo velimus sine nobis operatur; Cum autem volumus, & sic volumus, vt faciamus, nobiscum cooperatur: tamen sine illo, vel operante, vt velimus, vel cooperante cum volumus, ad bona pietatis opera nihil valeamus; De operante illo, vt velimus dictum est, Deus est, qui operatur in nobis, & velle. De cooperante illo, cum iam volumus, & volendo facimus; Scimus, inquit, quoniam diligentibus Deum omnia cooperantur in bonum. Quid est omnia? nisi, & ipsas terribiles, senasque passiones? Sarcina quippe illa, quæ infirmitati gravis est, levis efficitur Charitati.

S. Augusti-
ni quomodo omnia
cooperan-
tur in bo-
num præde-
stinatis.

283. Et in can. 27. Talibus, de Penitentia, dist. 2. habetur. Talibus diligentibus Deum, omnia cooperantur in bonum, usque adeo prorsus omnia, vt etiam si qui eorum deuiant, & exorbitant, etiam hoc ipsum eis faciat proficere in bonum. Glossa ibi, ait, dupliciter accidere potest, quod electis, seu sanctis deuiatio, seu exorbitatio possit in bonum proficere; primò per penitentiam fortiores resurgunt; & citat pro hoc dicto multos Canones: secundò ait, potest intelligi proficere ad bonum, pœnas, quibus à Deo affliguntur, quia se recognoscentes, humiliores fiunt; pro quo firmando canones plures citat, Quoquo ergo modo intelligatur, in bonum prædestinatorum est.

CAPVT XVII.

De diuersis Prædestinatorum gradibus.

284. **A** Du. quod prædestinati considerari possunt dupliciter; vel respectu finis, vel respectu mediorum, per quæ perueniunt ad finem;

Sensus ques-
iti.

V

idest,

idest, gloriam. De vtriusque gradus differentijs in præsentī loquimur.

285. Dico I. Respectu glorię, ad quam Sancti sunt prædestinati, diuersi sunt gradus eorum, iuxta diuersitatem meritorum.

Respectu
termini di-
uersi sunt
prædestina-
torum gra-
dus.

286. Prob. I. ex I. Cor. 15. 41. *Stella enim differt à Stella in claritate, sic & resurrectio mortuorum.* Gloss. ord. ait, *Vna est beatitudo, quam iusti percipiunt, & dispar retributionis qualitas.* Omnes enim beati recipiunt denarium iuxta parabolam Christi, Matth. 20. idest visionem, & fruitionem Dei, in quo consistit beatitudo essentialis, sed inæqualiter, tam intensiue, quam extensiue; idest aliqui intensiori modo, & vident alia plura obiecta secundaria in Deo, quam videant alij, qui, & minus intensè; quia ad talem, ac tantam fuerunt à Deo prædestinati.

287. S. Augustinus hunc Pauli locum pluribus in locis, sed eodem modo de Beatitudine Sanctorum declarat: in lib. de Spir. & lit. ad Marcellinum c. 28. ait, *Verumtamen sicut in Regno Dei velut Stella à Stella in gloria differunt Sancti; sic & in damnatione pænæ sempiternæ tolerabilius erit Sodomæ, quam alteri Ciuitati; & erunt quidam duplo amplius quibusdam filij gehennæ.* In lib. de Sancta Virginitate c. 26. loquens de beatitudine essentiali, & accidentali, iuxta Christi, & Pauli dicta, inquit, *quos prædestinauit, vocauit, iustificauit, & glorificauit. Hic est ille denarius merces omnium. Stella tamen differt à Stella in claritate: sic & resurrectio mortuorum; hæc sunt merita Sanctorum. Si enim cælum significaretur illo denario; nonne in Cælo esse est commune omnibus fidelibus? & tamen alia est gloria Solis, alia Lunæ, alia Stellarum.*

Locus Pauli iuxta Augustinisen-
sum declaratus.

288. At in lib. de cognitione verę vitæ, si sit

Augu-

Augustini cap. 46. nedum reperit idem; sed soluit argumentum, quod fieri posset contra dictum Pauli de claritate beatorum, stellis comparata, nam Saluator comparat beatos soli, non stellis, dicens Matth. 13. *Fulgebunt iusti sicut Sol in regno Cælorum*, inquit, videtur Apostolus Domino contrarium sentire, quia hic velut solem fulgere asserat, ille quosdam velut diuersas stellas, alios velut Lunā, alios velut Solē fulgere astruat. Sed sciendum est, quod Dominus gloriam Sanctorum generaliter expressit: Apostolus autem singulorum gloriam pro meritis distinxit. Ultimus ergo in regno Cælorum, vt Sol fulgebit, qui tunc septies clarior, quā nunc erit; & in hac claritate tantum quisque ab alio pro meritis differt, quantum stella à stella in claritate; Alij autem hos in tantum diuersæ claritatis gloria ita præcellunt sicut Lucifer Pleiades, Luna Luciferum, Sol Lunam, in claritate excellunt. Nos autem omnes, tantum corpus Christi in claritate excedit, quantum Creator creaturas transcendit. Vndè & in dextera Patris sedere scribitur; quia in gloria diuinæ maiestatis fulgere creditur, &c. vbi S. Doctor, nedum de diuersitate gloriæ animarum, sed etiam corporum; cum post resurrectionem erunt in Cælo, loquitur; & consequenter ad dictum Pauli dicentis, sic & resurrectio mortuorum; inuò principalis de hac loqui videtur Apostolus, quia de resurrectione corporum loquitur.

Idem prædixerat Daniel c. 12. *Qui docti fuerint fulgebunt, quasi splendor firmamenti, & qui ad iustitiam erudiunt multos, quasi stellæ in perpetuas æternitates.*

289. Prob. 2. ex Io. 14. 2. vbi ait Saluator, in domo Patris mei mansiones multe sunt. Interl. dicit, diuersa præmia meritorum. Glos. ord. inquit,

Cur Christus sanctorum gloriam soli tantum comparat. Paulus vero stellis.

Diuersitas gloriæ in beatis.

Ex Christi
oraculo di-
uerſi ſunt
gradus glo-
rie.

Denarium,
quid ſigni-
ficat, quid
manſiones
diuerſe.

beati, eſſe differentes, nullus tamen alienabitur à domo, in qua quiſque habet manſionem pro merito. Per denarium quidem omnibus ſignificatur vna, & non diuerſa viuendi in æternitate meſſura. Per manſiones ſignificantur diuerſe dignitates in eadem æterna vita; quia alia claritas ſolis, alia claritas lunæ, alia claritas ſtellarum. In domo Dei id eſt in templo Dei, in regno Dei, hominibus iuſtis multe ſunt differentiæ inter ſe, & hæ ſunt manſiones ipſius domus Dei. Hæ autem ſunt paratæ in prædeſtinatione, ſicut ait Apoſtolus, qui elegit nos ante mundi conſtitutionem in prædeſtinando, &c.

290. Prob. 3. ex alijs Sac. Scripturæ locis, Pſal. 61. Reddet unicuique iuxta opera ſua. Matth. 16. dicit. Chriſtus filius hominis venturus eſt in gloria Patris ſui, cum Angelis ſuis, & tunc reddet unicuique ſecundum opera ſua. 2. Cor. 9. Qui parce ſeminat, parce & metet, & tandem Concil. Florent. in decr. Vnionis Græcorum, quod eſt in Conſt. 17. Eugen. 4. §. 6. ait Innocentium, ac deſcendentium in gratia, &c. animas in Cælum mox recipi, & clarè intueri ipſum Deum Trinum, & vnum, ſicuti eſt; pro meritum tamen diuerſitate, aliam alia perfectius.

Prædeſtina-
torum gra-
dus quoad
media, ſunt
diuerſa.

291. Dico 2. Prædeſtinatorum gradus etiam quoad media, & in via ſunt diuerſi.

Prob. facile. In Eccleſia ſunt diuerſi ordines, ac ſtatus Perſonarum, ex quibus omnibus complures per opera ſuo ſtatui conuenientia ſaluantur; igitur media diuerſa ſunt, & idcirco gradus diuerſi. Anteced. præter quam quòd manifeſtum eſt; aſſeritur ab Apoſtolo in 1. Cor. 12. 28. Vos autem eſtis corpus Chriſti, & membra de membro, & quosdam quidem poſuit Deus in Eccleſia. Primum Apoſtolos, ſecundò Prophetas, tertio Doctores,

res, deinde virtutes, exinde gratias curationum, opitulationes, gubernationes, genera linguarum, interpretationes sermonum. Numquid omnes Apostoli, numquid omnes Prophetæ? &c. & ad Ephes. 4. 11. Christus ascendens super omnes Cælos, dedit quosdam quidem Apostolos, quosdam autem Prophetas, alios Euangelistas; alios autem Pastores, & Doctores ad consummationem sanctorum in opus ministerij, in edificationem corporis Christi, donec occurramus omnes in unitatem fidei, & agnitionis filij Dei. Ex his hominum gradibus plures saluati sunt, & saluabuntur: ac ad hæc ministeria peragenda fuerunt à Deo prædestinati.

293. Prob. 2. ex mirabili illa Saluatoris parabola Matth. 13. 47. ubi de Ecclesia loquens, ait, *Simile est regnum Cælorum sagonæ missæ in mari, & ex omni genere piscium congreganti, quàm cum impleta esset, &c.* in hac similitudine plura completi voluit, & quòd in Ecclesia adsint boni, & mali Christiani, & quòd inter utrosque adsint diversi status, & conditionis Christiani, quilibet in suo ministerio applicatus.

294. Et Sacræ Scripturæ interpretes, in illum Pauli locum ingeniosè formant corpus Christi, quod est Ecclesia visibilis, dicentes, primum posuit *Apostolos*, secundò *Prophetas*, ut oculos, tertio *Doctores*, ut linguam. Et sic successores Apostolorum primi omnium; & Papa prior, quia Petri successor, & super omnes. Deinde *Virtutes*, idest miraculorum insignium operatores; hi sunt *manus* Ecclesiæ: exinde *gratias curationum*, idest curatores morborum: postea *opitulationes*, idest, qui alijs opitulantur, ut ægris, pauperibus, miseris, peregrinis, hospitibus. Postea *gubernationes*, idest qui alios regunt, & gubernant, & corri-

Diversi status
fidelium.

Diversa
munera.

Ecclesia velut
sagonæ
est congregans
diversa
piscium
idest, fide-
lium, genera

Corpus Ec-
clesiæ quo-
modo for-
matum.

Membra
Ecclesię,
quę.

corrigunt, vt Parochi, &c. Ponunt postea, genera linguarum, & interpretationes sermonum, eos scilicet, qui hæc dona à Deo habent ad docendum, & illuminandum cæteros, qui in Ecclesia sunt fideles, ac populi, & plebes; hi autem omnes à Deo sunt ad hæc omnia prædefiniti, in quibus, si iuxta Dei, & Ecclesię leges operentur, æternæ gloriæ mercedem obtinebunt, quamquam per media diuersa.

Diuerfi spi-
ritualium
ordines, &
dona Spi-
ritus S.

295. Prob. præterea ex prolixo discursu Apostoli 1. Cor. 12. vbi omnia numerat munia, quæ à spiritualibus ad bonum, & vtilitatem proximi in Ecclesia Dei exercentur, per quæ ad æternam vitam perueniri potest, quæ à Deo illis sunt ab æterno prædestinata, dicens. *Nemo potest dicere Dominus Iesus, nisi in Spiritu Sancto, diuisiones verò gratiarum sunt, idem autem spiritus, & diuisiones ministracionum sunt, idem autem Dominus, & diuisiones operationum sunt, idem autem Deus, qui operatur omnia in omnibus. Vnicuique autem datur manifestatio spiritus ad vtilitatem. Alij quidem datur per spiritum sermo sapientiæ: alij autem sermo scientiæ secundum eundem spiritum: alteri fides in eodem spiritu: alij gratia sanitatum in vno spiritu, alij operatio virtutum; alij prophetia, alij discretio spirituum: alij genera linguarum: alij interpretatio sermonum. Hæc autem omnia operatur vnus, atque idem Spiritus diuidens singulis prout vult. Sicut enim corpus vnum est, & membra habet multa; omnia autem membra cum sint multa, vnum tantum corpus sunt: ita & Christus. Etenim in vno spiritu omnes nos in vnum corpus baptizati sumus, siue Iudæi, siue Gentiles, siue serui, siue liberi; & omnes in vno spiritu parati sumus; nam & corpus non est vnum membrum, sed multa. Et discurret postea*
per

Omnes sunt
Ecclesię
membra.

per singula membra, cor, os, pedes, manus, oculos, aures, &c. quæ quidem ex Dei dispositione non eundem, sed diuersum actum habent in eodem tamen corpore naturali. Sic & omnes fideles membra quidem diuersa sunt, & ministerium diuersum ex Dei dispositione habent in Ecclesia, quæ est corpus mysticum Christi. Hæc autem ministeria fidelibus conceduntur, vt rectè; ac sanctè, cum Dei adiutorio se gerentes ad diuersorum graduum præmia possint peruenire.

296. Hæc autem non sunt ita intelligenda, quasi munia, & gratiæ hic, & supra à Paulo enarrata in singulis fidelibus sint media præcisa, ad principalem effectum prædestinationis (scilicet gloriam) acquirendum; tum quia sunt gratiæ gratis datæ, quæ non sanctificant, sed dantur, vt dicit Paulus, *ad vtilitatem aliorum*; tum etiam, quia non adducunt perseuerantiam in sanctitate. Sed in ijs tantùm sunt media ad salutem, *qui secundum propositum vocati sunt*; ijs enim omnia cooperantur in bonum; ideoque illæ ex fine, obiecto, alijsque circumstantijs rectis exercent. Ab opposito enim complures ijs munèribus, & donis decorati in omni ordine perierunt. Incipiamus ab ordine Apostolico, ex quo præuaricatus est Iudas: ex ordine Diaconorum ab Apostolis instituto, Nicolaus: ex ordine Episcoporum, Paulus Samosatenus, Macedonius, Nestorius, &c. & sic ex omni alio ordine si historias legamus, de quibus omnibus paucis verbis dixit Saluator Matth. 7. 22. *Non omnis, qui dicit mihi Domine, Domine intrabit in regnum Cælorum; sed qui facit voluntatem Patris mei, qui in Cælis est, ipse intrabit in regnum Cælorum. Multi dicent mihi in illa die Domine, Domine nonne in nomine tuo propheta-*
nimus,

Et diuersum
actum ha-
bent.

Quomodo
intelligitur
quod isti
gradus per-
ducunt ad
gloriam.

Multi cum
illis perie-
runt.

Ex omni
ordine.

Nisi sint se-
cundū pro-
positū per-
seuerantiz
vocati, non
saluantur.

Cur vni de-
tur, alteri
non, respō-
detur cum
Paulo.

In omni le-
ge fuerunt
prædesti-
nati.

In lege na-
turæ.

In Mosaica

minus, & in nomine tuo Dæmonia eiecimus; & in nomine tuo virtutes multas fecimus; & tunc confitebor illis, quia non noui vos, &c. Et si ergo multi sint ad fidem vocati, & ad Sacramentorum susceptionem, ac ministracionem, & alia suprema Ecclesiæ Charismata, & sint temporalia Christi membra, & alia cum prædestinatis habeant communia; quia tamen non sunt secundum propositum vocati, non perseverant vsque in finem, & proinde non saluantur. Cur autem non his, sed illis donetur à Deo perseverare, idem prorsus est quesitum cum eo, cur de massa perditionis à Deo ab eterno præuisa, aliqui ex tunc fuerant à Deo discreti, & prædestinati, alij non, cum neutri adhuc essent præuisi, an benè, vel malè essent operaturi; & ad vtrumque cum S. Augustino, & S. Paulo respondendum est, *incomprehensibilia, sunt iudicia Dei, & inuestigabiles viæ eius;* & apud Deum non est iniquitas, nec acceptio personarum, sed misericordia, & iustitia, vnde David Psalm. 100. *Misericordiam, & iudicium cantabo tibi Domine.*

297. Concludamus ergo, quòd prædestinatorum, dum viatores sunt, multi sunt gradus, diuersi status, diuersæ conditiones, diuersarum legū, naturæ, scriptæ, & Euangelicæ. De fide enim est, quòd in lege naturæ multi fuerūt prædestinati incipiendo ab Adamo, proseguendo per Abel, Enoch, Noe, Abrahamum, Isaacum, Iacobum, Iosephum, Iobum, quamuis alios nesciamus. In lege scripta, seu Mosaica ex eadem Scriptura legimus Sanctos, ac prædestinatos innumeros, quamuis diuersarum conditionum homines, vt Aaronem, Moysen; Prophetas, aliosque multos, de quibus mentionem facit Apostolus ad *Hebr. II.*

Hebr. 11. & alios, quos in Sacro Textu legimus vsque ad Ioannem Baptistam, quem Tertullianus ait, *fuisse clausulam Veteris Testamenti*. In lege gratiæ scimus tot hominum vtriusque sexus, & omnis ordinis, omnisque status, tam Ecclesiastici, quam Sæcularis, omnisque conditionis millia multa, sanctos, ac in bono perseverantes vsque in finem decessisse: inter quos Mater Iesu Maria, Apostoli, & Christi discipuli, Martires, tam mares, quam fœminæ: Pontifices Magni, & Maximi, simplices Sacerdotes, Virgines, Viduæ, Monachi, alijque diuersorum Institutuum Religiosi, Diaconi, Subdiaconi, Acoliti, Exorcistæ, Lectores, Hostiarij, Laici celibes, & vxorati, mulieres simplices omnis generis; Domini, famuli, & in qualibet professione, aut arte constituti. Ex omni, inquam, istorum genere legimus in Martirologio multos in Dei gratia perseverantes defunctos; ideòque ab Ecclesia, vt Sanctos venerari: hi ergo secundum propositum vocati, ac iustificati, & in bono perseverantes, postea defuncti diuersis donorum, ac Charismatum, & ministeriorum generibus à Deo constituti ea gesserunt (& alij nunc gerunt) opera, quæ gloriæ, ad quam prædestinati sunt, proportionata erant.

In lege Evangelica

Omnis generis, status, ac officij homines saluati

CAPVT XVIII.

An Prædestinatorum numerus augeri possit, vel minui.

298. **A**Du. I. Sensum quæsitum clarum esse; an scilicet dentur aliqui homines, qui adhuc prædestinati non sunt, & possint prædestinari;

Sensus quæ-
siti clarus.

nari; quo casu cresceret numerus prædestinatorum; qui iam ab æterno supponuntur prædestinati. Item ab opposito; an aliquis ex prædestinatis possit damnari; quo casu, minueretur numerus prædestinatorum.

Ratio dubi-
tandi pro
utraque
parte quæ-
siti grauis.

299. Adu.2. rationem dubitandi pro prima quæsitæ parte, esse, quia si populi sciunt, prædestinatorum numerum augeri non posse, cum in peccata consuetudinaria continuò labuntur, præscitos se putantes, ac damnatos, non curarent pro suo posse ad bonam frugem redire; quia in prædestinatorum numerum ingredi non possent. Ratio autem pro secunda parte est; quia si dicatur prædestinatorum numerum minui non posse, & prædestinatos damnari non posse; videtur primò lædi eorum libertas; quia non essent indifferentes ad benè, vel malè operandum; secundò, magna concederetur socordia prædestinatis in benè operando. Quilibet enim sic discurreret. Vel sum prædestinatus, vel non. Si sic, vel operer, vel non; vel benè, vel malè, non possum à prædestinatorum numero excidere. Si non sum prædestinatus, quidquid boni agam, non poterit me ad prædestinatorum numerum perducere: igitur edamus, & bibamus, & voluptatibus indulgeamus; quæ absurda sunt.

Ex his ho-
mi num,
ignorantiū
discursibus
S. Augusti-
nus motus
est ad scri-
bendum
duos li-
bros.

300. Adu.3. ex his præcisè motiuis inductū fuisse S. Augustinum ad scribendum præclaros illos libros *de Correctione, & gratia, & de Bono perseuerantiæ*. Eo igitur duce hæc quæsitæ soluemus: in omni siquidem schola, licet diuersis loquendi formulis, vtraque pars quæsitæ negatiuè defenditur.

301. Dico.1. Prædestinatorum numerus ab æterno iā prædefinitus augeri nequit, nec minui.

302. Prob.

302. Prob. ex pluribus Sancti Augustini locis. Primus est ex lib. de Correp. & Gratia c. 13. initio. *Hac de his loquor, qui prædestinati sunt in regnum Dei; quorum ita certus est numerus, ut nec addatur eis quisquam, nec minuatur ex eis. Non de his, qui cum annunciaffet, & locutus esset eis, multiplicati sunt super numerum, Psal. 59. Ipsi enim vocati dici possunt, non autem electi, quia non secundum propositum vocati. Certum vero esse numerum electorum, neque augendum, neque minuendum, quamuis, & Ioannes Baptista significet, ubi dicit facite ergo fructum dignum pœnitentiæ, & nolite dicere apud vos metipsos, Potens est Deus de lapidibus istis suscitare filios Abrahamæ, ut ostendat sic istos esse amputandos, si non fecerint fructum, ut non desit numerus, qui promissus est Abrahamæ; tamen aptius in Apocalipsi dicitur, Tene quod habes, ne alius accipiat coronam tuam. Si enim alius non est accepturus, nisi iste perdiderit, certus est numerus: & pluries ibidem replicat, certissimum, & immutabilem esse fœlicium illorum numerum.*

303. Secundus locus est ex epist. 106. *Certus est ergo Dei præscientiæ definitus numerus, & multitudo Sanctorum, quibus diligentibus Deum omnia cooperantur in bonum.*

304. Tertius ex lib. de Bono perseu. cap. 8. *Deus autem melius esse iudicauit miscere quosdam non perseueraturos certo numero Sanctorum suorum.*

305. Quartus locus est ex tract. 122. in Evangel. Ioann. ubi docet non futurum aliquem prædestinatum supra numerum iam præfinitum ante mundi constitutionem. *Non est, inquit, aliquis supra numerum, sed certus est numerus: & in ser. 154. de tempore 1. ait; In Congregatione Christiana, quantum pertinet ad communionem, & participatio-*

Numerus
prædestin
torum non
potest au
geri, ne
minui.

Plura S.
Augustini.

De certitu
dine infal
libili nu
meri præ
destinato
rum.

nem Sacramentorum multiplicati sunt super numerum ex psal. 59. Alius est ergo numerus, alij super numerum. Numerus est de quibus dicit Apostolus, novit Dominus, qui sunt eius. Super numerum autem, quoniam in magna domo sunt non solum vasa aurea, & argentea, sed & lignea, & fictilia, &c. Numerus ergo vasa in honorem, supernumerum, vasa in contumeliam.

306. Immo hoc fuit vnum ex ijs, quæ in Augustino sugillabant Massilienses, quod scilicet docuisset numerum Prædestinatorum sic fuisse à Deo præfinitum, ut nec augeri posset, nec minui: ita scripserunt ad Augustinum Prosper, & Hilarius. Primus sic. Nec acquiescunt prædestinatum electorum numerum, nec augeri posse, nec minui, ne locum apud infideles, ac negligentes cohortantium incitamenta habeant, ac superflua sit industria, & laboris inditio, cuius Studium cessante electione frustrandum sit. Hæc Prosper. Idem quoque insinuat Augustino Hilarius. Si prædestinati sunt, inquirunt, ad utramque partem, ut de alijs ad alios nullus possit accedere, quod pertinet tanta extrinsecus correctionis instantia? & post multa, Inde est, quod & illud pariter non accipiunt, ut eligendorum, reijciendorumque esse definitum numerum velint,

307. Id autem impugnabant Massilienses; non quia ipsi negarent prædestinatorum numerum certum, & prædefinitum esse; sed negabant insensu Augustini defendi posse; qui ante prævisionem meritorum docuerat factam prædestinationem: ipsi verò qui docebant factam esse ex meritorum prævisione, cum in eo casu liberi arbitrii usus concurreret, non agnoscebant eam repugnantiam, quam in sententia Augustini agnoscere dicebant.

At

De hoc etiam Massilienses carpebant Augustinum.

S. Prosper sic scribit ad August.

Idem scribit Hilarius.

Cut impugnabant Augustini Massilienses

308. At si fuisset ab eis quaesitum, an ad ea merita fuisset necessaria gratia efficax, idest faciens facere, nec ne, si secundum igitur ex naturæ viribus essent merituri, & sic, vt Pelagiani loquerentur; vel si gratiam aliquam vertibilem, admitterent, quam homines merituri possent efficacem, vel inefficacem reddere, in alium inciderent scopulum meo videri non minus incommodum præfato, quia ipsi se discernere, contra Apostoli dogma, *Quis te discernit? Quid habes, quod non accepisti?* dicere enim quis potest, *ego me dignum reddidi, vt prædestinarer.* Si verò asseratur, vt deberet, primum, de gratia per se efficaci requisita ad illa merita, occurrent eadem, ab eis asserta inconuenientia, quæ de prædestinatione ante merita, & de definito, ac certo prædestinatorum numero: nam Deus ex se solo prædestinasset ad eam gratiam ex se efficacem, & ad numerum certum talium prædestinatorum.

309. Prob. vltteriùs conclusio ex dictis in 2, & 3. capite, omnia quæ Deus factururus est in creaturis vsque ad mundi finem, immò per totam æternitatem à parte post (quoad nos) decreuit ab æterno ex parte ante (quoad nos) quia Deus non habet ante, & post: decreta autem Dei absoluta sunt immutabilia, immò etiam conditionata; quia hæc etiam adimplentur in statu conditionato. Ergo si iam ab æterno prædestinauit certum hominum numerum, hic non poterit alterari per augmentum, vel per diminutionē. Maior, & consequentia probatur ex S. August. in epist. 106. *Novit quippè Deus quid agat, & quantus numerus esse debeat, primitus omnium hominum, deinde Sanctorum, sicut siderum, sicut Angelorum; neque, vt de terrenis loquamur, sicut pecorum, piscium,*

Discurfus
contra Mac-
filienfes.

Alia ratio
remissiva.

De immu-
tabilitate
Dei.

volatilium : sicut arborum , & herbarum , sicut denique foliorum , & capillorum nostrorum . Ratio autem (supposita fide infinitæ sapientiæ , & potentiæ Dei) videtur evidens ; nam Deus sua infinita sapientia ab æterno prævidit omnia , & infinita possibilia (immò *vt ex tractatu de Scientia Dei* ipsemet per cognitionem suæ essentiæ infinitis modis participabilis producit ea possibilia in esse possibili , seu, vt dicitur, obiectino , ac ideali,) Visis autem eis , decreuit facere pro tempore suo in omni possibilium genere ea , quæ sibi placuit facere . At quoniam nihil nouum , aut inconsideratum potest ei accidere, quod inducat ad mutandum decretum , quia , & omnes res , omnia tempora, & temporum momenta , omnesque etiam, minimas circumstantias ex tunc habuit præsentem, ac si tunc extarent , sicut modò ; ideò nunquam poterit habere morium , seu occasionem mutandi consilium ; & propterea immobilia permanent diuina decreta, ne dum quoad prædestinationem, & reprobationem , sed quoad omnia fienda per totam æternitatem .

310. Neque valet obijcere factum circa Niniuitas à Iona relatum, in quo putatur, quòd Deus mutauerit decretum ; præcepit enim Ionæ , vt prædicaret Niniuitis, *adhuc quadraginta dies, & Ninive subuertetur .* Et tamen eo tempore elapso , non solum subuersa non fuit Ninive, sed conquærente de hoc Iona , quasi esset propheta falsus , Deus ei dixit, *quomodo non parcam Ninive Civitati magnæ, in qua sunt plusquam 120. millia , qui nesciunt inter dextrum, & sinistrum ,*

311. Non, inquam, valet hoc, vel aliud simile ex Sacris litteris obijcere , quasi Deus mutauerit , vel potuerit mutare sententiam ; nam facilis est

Possibilia
in suo esse
à scientia
Dei quomodo
produ-
cuntur .

Cur in suis
decretis nõ
mutetur
Deus .

Obiectum
de mutatio-
ne circa
Niniuitas
soluitur .

est solutio : primò cum D. Hieronymo in cap. 3. Iona dici potest ex Glos. ord. *Niniue illa euersa est, quæ mala erat, & bona adificata, quæ non erat; stantibus manibus, & domibus euersa est Ciuitas in perditis moribus; & quamuis non sit factum, quod illi homines timuerunt, Iona prædicante, futurum; factum est tamen, quod fuerat Deo præcipiente prædictum.* Et sic moralis Niniue per Hieronymum, idest mores, & peccata Niniuitarum per penitentiam, quam egerunt, euersa, seu deleta fuit.

166. Et puto, quòd Glosa malè citat Hieronymum pro hac sententia, vel Hieronymus ad verbū accepit ab Augustino, qui in lib. 21. de Cinit. cap. 24. multò post medium, vbi de euerfione Niniue malè intelligi, ait, & Ionas intelligebat de materiali Niniue sic. *Euertuntur enim peccatores duobus modis, aut sicut Sodoma, vt pro peccatis suis ipsi homines puniantur: aut sicut Niniuite, vt ipsa hominum peccata penitendo destruantur. Factum est ergo, quod prædixit Deus, euersa est Niniue, quæ mala erat; & bona adificata est, quæ non erat. Stantibus enim manibus, atque domibus euersa est Ciuitas in perditis moribus: ac sic, quamuis propheta fuerit contristatus, quia non est factum, quod illi homines timuerunt, illo prophetante, factum est tamen, quod fuerat Deo præsciente prædictum, quoniam nouerat, qui prædixit, quomodo in melius esset implendum.* Et in lib. 18. cap. 44. dixerat, quod si per illam Ciuitatem rectè accipitur Ecclesia Gentium prophetice figurata euersa scilicet per penitentiam, vt qualis fuerat iam non esset.

Itaque secundum hos Ecclesiæ Doctores, non fuit mutatum Dei decretum, sed impletum.

312. Responderi potest secundò, quòd si literaliter, & de materiali Niniue intelligatur, com-

Moraliter subuersa, est Niniue, de mala in bonam, cōuersa per penitentia.

Ex August. multiplex est subuersio.

De Niniue moraliter sumpta declarat Augustinus.

Alia respō. foliitara' is

minatio euersionis fuit conditionata ex parte Dei, quòd scilicet, si non penitebat, subuertenda erat; at quia per Regis edictum tota Ciuitas cum dolore peccatorum, & ieiunio egit penitentiam, subuersionem effugit. Multæ similes comminationes Dei de malis inferendis Populo Hebraico leguntur in sacro textu, quæ caruerunt effectu, eo quòd Populus penituit, & ad Dominum est reuersus.

313. Dico secundò consequenter ad dicta, licet in aliquo sensu dici posset, quod prædestinatus, potest damnari; tamen nunquam damnabitur.

314. Prob. prima pars. A compluribus defenditur, quòd si accipiatur prædestinatus in sensu composito, seu reduplicatiuè, vt prædestinatus, damnari non potest; si verò in sensu diuiso, idest, præcisa prædestinatione, damnari potest, & hoc euidentius est. Exempla clara sunt de impeditis ad aliquod opus faciendum, cum tali impedimento illud efficere nequeunt; eo verò sublato possunt. Scotus dicit hoc modo tantum esse veram propositionem illam, quòd prædestinatus potest damnari, quatenus poterat non prædestinari. Ego dicerem (& redit in idem) quòd quantum est de se potest damnari, quia capax est damnationis; sed ab æterna, Dei efficaci voluntate, cui nemo potest resistere, impeditur, ne talia faciat, per quæ possit damnari, ac damnetur.

315. Prob. 2. ex Augustino lib. 13. de Trin. cap. 16. *Horum prædestinatorum nemo cum diabolo peribit. Nemo vsque ad mortem sub diaboli potestate remanebit.*

316. Confirmatur ex Rom. 11. 29. *Secundum electionem autem Charissimi propter Patres. Sine*
peni-

Comminatio erat conditionata, si non penitaret.

In aliquo sensu dici potest, quòd prædestinatus potest damnari.

Quid de sensu composito. & diuiso.

Nunquam damnabitur prædestinatus.

pœnitentia enim sunt dona, & vocatio Dei .

Prædestinati autem habent hoc Dei donum , & vocati sunt secundum propositum , vt sæpè dictum est . Igitur nefas est putare , quòd Deum pœniteat de illo dono , & vocatione , & donum amoveat prædestinationis , & sic aliquis pereat . Sic enim dicit Glos. ord. *Electio ab æterno sine pœnitentia est , scilicet sine immutatione consilij Dei . Nam, vt dicit Iacobus , apud Deum non est transmutatio, nec vicissitudinis obumbratio .*

Idem S. Augustinus de Ciuit. lib. 18. cap. 51. circa finem, ait . *Quoniam cogitantur immutabilia diuina promissa , ait Apostolus , nouit Dominus , qui sunt eius . Quos enim præsciuit , & prædestinavit conformes fieri imaginis filij sui , ex eis perire nullus potest .*

C A P V T XIX.

An Prædestinatorum numerus sit maior numero Reproborum .

317. **A** Du. quòd licet de reprobatione, & reprobis adhuc locutus non sim , & comparatio fieri nequeat , nisi vtroque extremo cognito ; quia tamen sub hac disputatione de prædestinatione omnes de hoc puncto loquuntur, & res soluta sit facilis , sub eadem nos etiam loquemur .

318. Adu. 2. quòd comparatio hæc fieri potest tripliciter . Primò inter fideles , ac infideles . 2. inter ipsosmet fideles ; an inter hos sint plures electi , quàm reprobi . 3. inter homines, & Angelos , cum infidelibus solis, vel cum his , & demonibus . Fugienda verò Origenis hæresis , quòd

Y

demo-

Cur hic agitur de hære .

Comparatio triplex.

demonēs aliquando acturi sint penitentiam, & saluandi sint, cū Saluator *Matth. 25.* dicat, *ignem æternum paratum esse Diabolo, & Angelis eius.*

319. Dico 1. Si comparatio fiat inter fideles, seu Christianos tantū, pauciores sunt prædestinati, quā reprobi.

320. Prob. ex clarissima Christi attestazione *Matth. 20. 16. & cap. 22. 14 multi sunt vocati, pauci verò electi.* Interl. utrobique *vocati*, dicit, *ad fidem, & electi*, dicit, *ad regnum*, vel gloriam. At nota, quod in primo loco Saluator præmittit parabolam de Patre familias mittente operarios ad laborandum in sua vinea, quorum aliqui missi fuerunt primo mane; alij circa tertiam, & sextam horam; alij circa nonam, & vndecimam; & quod facta solutione denarij, &c. Saluator dicit, multi sunt vocati pauci verò electi. Inquit Lyr. *Moraliter hanc parabolam significare, quod à principio mundi vocati fuerunt homines ad fidem, ut Adam, filij eius &c. Sic in prosecutione Enos Enoch, &c. postea Noe cum filijs, &c. Et sic prosequente de Abraham, & alijs in lege Moysi, & tandem omnes Christiani in lege Christi, & ex his omnibus in omni lege vocatis in vinea Domini, idest in Ecclesia, ac ceteri fidelium, pauci sunt electi. Et vti- nam ita non esset. Nam ut omittamus status illos legis naturæ, ac mosaicæ, si statum nostrum legis gratiæ, consideremus, multas Christianorum miriades numerare possemus; omnes quidem ad Christi fidem vocatos, ac in Christo baptizatos; maiorem tamen partem damnationi addictos dicemus; si Hæreticos, Schismaticos, & malos Catholicos sine penitentia decedentes numeremus. Nam extra Catholicam Ecclesiam non est salus ex *Can. loquitur Dominus; & can. Alienus est**

Ex fidelibus pauciores sunt prædestinati.

Operarij missi in vineam diuersis horis, sunt homines nati in mundo diuersis temporibus.

Pauci autem prædestinati. Considerat Auctor omnes status Christianorum.

est 24. qu. 1. & ex Concil. Later. 4. can. 1. De summa Trin. & fide Cathol. cap. 1. & ex Concil. Constan. in Conflit. Martini V. In secundo autem loco Matth. multi sunt vocati, Interl. ait ad regnum, & Lyran. inquit. Multi sunt vocati ad fidem Catholicam, pauci verò electi ad gloriam, quia pauci sunt, scilicet comparatiuè, respectu illorum, qui vocati sunt ad fidem. At notandum, quòd Hæretici quoque vocati sunt ad fidem Catholicam, quia paruuli in baptismo habitum catholicæ fidei recipiunt, & cùm adolescunt, esto perdant habitum illum per hæresim, tamen continuis illuminationibus à Deo vocantur, licet nolint eis assentiri; quia tamen, characterem baptismi, qui dicitur character, fidei adhuc retinent, dicuntur ad fidem vocati. Et sic verum est, quòd inter fideles, idest, baptizatos, plures sunt, qui damnantur, quàm qui saluantur.

321. Dico 2. Si tota hominum multitudo consideretur, maior putatur numerus reproborum, quàm prædestinatorum.

322. Prob. ex pluribus Sancti Augustini locis: primò ex epist. 157. ad Optatum, in qua dicit. Tàm multos autem creando nasci voluit, quos ad suam gratiam non pertinere præsciuit; vt in multitudine incomputabili plures sint illis, quos in sui regni gloriam filios promissionis prædestinare dignatus est: & assignat rationem, vt etiam ipsa reiectorum multitudine ostenderetur, quàm nullius momenti sit apud Deum iustum quantalibet numerositas iniustissimè damnatorum; atque vt hinc quoque intelligant, qui ex ipsa damnatione redimuntur, hoc fuisse debitum massæ illi vniuersæ, quòd tam magnæ parti eius redditum cerneretur, non solum in eis, qui originali peccato multa addunt malæ voluntatis arbitrio, verùm,

Hæretici
quoque vo-
cati sunt
ad fidem.

Ex tota
multitudi-
ne hominū
maior est
numerus
reprob-
orum.

Ex S. Au-
gustino.

etiam in tam multis paruulis , qui tantummodo vinculo peccati originalis obstricti sine gratia mediatoris ex hac luce rapiuntur .

323. Secundus Augustini locus desumitur ex lib. 21. de Ciuit. c. 22. vbi prius demonstrat in peccato Adæ vniuersam humani generis massam fuisse damnatam, deinde , quòd Deus , vt misericordiam ostenderet , aliquos ex ea massa discreuisset prædestinando, alios in ea damnatione , vt iustitiam ostenderet, reliquisset ; & postea subdit. *In qua propterea (idest massa damnata) multò plures, quam in illa , (idest saluatorum) sunt, vt sic ostendatur , quòd omnibus deberetur; quòd si omnibus redderetur, iustitiam iudicantis nemo iuste reprehenderet .*

324. Probari potest ex facto historico; incipiendo enim ferè à mundi initio plures semper fuerunt mali , quàm boni , igitur plures fuerunt damnatione digni , quàm saluatione . Assumptum in antecedenti clarum est : Nam in toto illo tempore ante diluuium , idest , per sæcula decem, & septem cum dimidio iuxta Saliui Epocham, non solùm non legimus , multos sanctos , seu iustos , sed è contra legimus ferè omnes malos, nam Gen. 6. 5. legitur, *videns Deus, quòd multa malitia hominis esset in terra , & cuncta cogitatio cordis intenta esset ad malum omni tempore , pœnituit eum , quòd hominem fecisset in terra , & tactus dolore cordis intrinsecus, delebo, inquit , hominem , quem creavi à facie terræ, &c. pœnitet enim me fecisse eos . De Noe tantùm dicitur, quòd inuenit gratiam coram Domino : & Nu. 11. dicitur ; corrupta est autem terra coram Deo, & repleta est iniquitate . Cumque vidisset Deus terram esse corruptam, omnis quippè caro corruperat viam suam super terram, præcepit*

Plura S. Au-
gust. loca.

Ex facto hi-
storico .

Ante dilu-
uium pauci
leguntur iu-
sti .

Deus dicit
cunctum ge-
nus huma-
num malè
agere .

Noe dicitur
inuenisse
se gratiam
apud Deum .

cepit Noe, vt formaret arcam, &c. Venit diluuium, & perdidit omnes exceptis octo illis animabus in arca reclusis, Noe scilicet cum vxore, ac tribus filijs Sem, Cam, & Iaphet, cum suis vxoribus. Certè diceremus omnes tunc diluuiο ex iusto Dei iudicio damnatos, nisi in *epistola prima Petri c. 3. 20.* legeremus, quòd Christus ad inferos descendens, *ijs qui in carcere erant spiritibus prędicauit, qui increduli fuerant aliquando, quando expectabant Dei patientiam in diebus Noe, cum fabricaretur arca.* Ex quibus colligimus, quòd aliqui saltem ex illis in Limbo essent.

325. A diebus Noe vsque ad quartam generationem, nempè ad Phalegh, cūm homines illius temporis vellent ante diuisionem formare turrim pertingentem vsque ad Cælum, & confuse sunt linguę eorum, idest per annos 132. à diluuiο iuxta eiusdem Saliani Epocham, non legimus fieri mentionem de sanctis, seu iustis, licet aliquos credam fuisse.

326. A diuisione illorum hominum vsque ad aliam quartam generationem, nempè Thare Patrem Abraham, non solum non fit mentio sanctorum, seu iustorum; sed cepit idolatria ingredi in mundum, vt quidam volunt tempore Enos filij Seth, ac nepotis Adę, idest anno mundi 300. quia de Enos dicitur, quòd cepit inuocare nomen Domini, quasi se opponens ijs, qui falsos colebant Deos: ita putat Torniellus cum alijs. Nonnulli, vt Malderus cum alijs in *tract. de iustitia, & Relig. tract. 10. cap. 7. dub. 3.* docent idolatriam incepisse in malis Angelis, qui adorarunt Luciferum. Sed loquentes de idolatria hominum, quidam putant ex *Sap. 4.* ante diluuium, non fuisse idola; sed initium eorum non vniformiter

Tempore diluuij a
qui saluati
leguntur.

Post diluuium non
legimus multos iustos vsque
ad confusionem linguarum.

Ab eo tempore legitur innatuisse idolatri generaliter.

miter assignant. Tertull. *in lib. de Idolis c. 3.* dicit ex artificibus statuas formantibus cepisse, & sic varia eis imposuisse nomina, vt Saturni, Iouis, Martis, &c. S. Epiphanius loquens de idolorum origine idem dicit, quod Tertullianus, inquit, quod post diuisionem Gentium id acciderit tempore Ragau filij Phalegh, tunc enim fieri ceperunt statuae, ac picturae hominum elegantes, & venerari ceperunt sub diuersis nominibus, quod ex Epochâ Saliani, idest hebraica, accidit anno mundi 1850. Inualuit autem Idolatria tempore Nini filij Nembrod, aliàs Beli: Is enim in Patris memoriam, vt ex Hieronymo, & alijs refert Salianus anno mundi 2000. quia primam ciuitatem Babel ædificauerat, statuam elegantem, illum representantem formari curauit, quam postea, cum posterius venerati sunt, tamquam Deum, quem Græci Belum, Latini Saturnum, dixerunt ex Hieronymo *in cap. 45. Isaie*, eique sacrificia offerebant; & in Caldeâ numquam cessauit idolatria. Vnde ex Vr Caldeorum Deus eduxit Thare cum Abraham, Nachor, & Aram filiis; quod accidit anno mundi 1208. ex Epochâ Saliani. Dilatata autem fuit per totum mundum idolatria. In Græciam inuexit Cecrops primus Atheniensium Rex, ex Saliano anno mundi 2498., & in alias partes alij; ita quod non solum statuas hominum, quos Deos putabant, adorarunt infani homines, sed animalium, ipsaque animalia, vt ex Sacra Scriptura habetur, & ex S. August. de multitudine Dearum, ac Deorum, quos Romani colebant. Totus ergo mundus idola, falsosque colebat Deos tempore Abrahæ; & post eum hæc sola Natio hebraica Deum verum colebat; huic enim populo tantum credita sunt eloquia Dei, Rom. 3. 2. Omnes ergo

in-

Quandoque
pic idolatriam,
diuersas
sententias.

Tertull.

Epiphani.

Nino tribuitur origo
idolatriæ,
& quart.

Cecrops in
uexit eam
in Græciâ.

infideles erant excepta hæbraica Natione. Et pro magno miraculo legimus, quòd inter Gentes aliquis sanctus, seu iustus fuerit, vt legimus de Melchisedech, & Iacob, & fortè alij fuerunt, quos nescimus. At quid dicam de Populo hæbraico infideli? In ipsum quoque intrauit Idolatria. Mortuo enim Iosue, sub Iudicibus Populus sapiùs idolatrauit, ideò sèpè fuit à Deo punitus, & redactus in seruitutem plurium Regum Gentilium, & postremò sub Philisteorum iugo. Tempore Regum sub Salomone, tertio Rege; rursus in idolatriam incidit, & persecutus est sub Roboam, sub quo decem tribus ab eo rebellauit ad Ieroboam, & cum isto omnes idolatrarunt, & à Salmanasar postea Assiriorum Rege omnes transmigratæ sunt, & dispersæ. Sub regibus Iuda duæ tribus, Iuda, & Benjamin, quæ remanserant cum suis regibus exceptis Afa, Iosaphat, Ezzechia, & Iosia: immò ob Idolatriam permisit Deus, vt Nabuchonosor, cum potenti exercitu Ierusalem inuaderet, ac funditis templum, ac Ciuitatem totam demoliretur; & captiuos duceret Iudæos in Babiloniam; ex qua post annos 70. redeuntes quinquaginta millia, non legitur, quòd populus vniuersus ampliùs idolatrauerit, nisi Maccabeorum tempore sub Antiocho rege Siritæ, cum innumeri Iudæi transierunt ad ritum Gentilium; at non omnes: Et tandem veniens Christus in mundum paucorum fidem inuenit.

327. Ad rem ergo nostram redeuntes, clare colligitur, quòd ante Christi aduentum paucissimi fuerint fideles; & inter eos non est verisimile, quòd non adfuerint immuni, immò ferè omnes, reprobi, ideòq, facta omnium nationum comparatione ab effectu infertur, quòd paucissimi fuerunt

præ-

Etiam in
hæbreos in-
trauit ido-
latria.

Ex Idola-
tria, potius
Hæbrei.

Ierusalem
demolita,
& direpta
ob idola-
triam, & ci-
nes captiui
ducti in Ba-
biloniam.

dicit Moysi. *Miserebor cui voluero, & clemens ero in quem mihi placebit.* Et hoc est quod exaggerat Paulus Rom. 9. 14. *Quid ergo dicemus, numquid iniquitas apud Deum? absit. Moysi enim dicit: miserebor cui misereor, & misericordiam præstabo, cuius miserebor, igitur non volentis, neque currentis, sed miserentis est Dei.* Dicit Scriptura Pharaoni. *Quia in hoc ipsum excitavi te, ut ostendam virtutem meam in terra.* Ergo cuius vult miseretur, & quem vult indurat: dicis itaque mihi, quid adhuc quaritur, voluntati enim eius quis resistit? d. homo tu quis es, qui respondeas Deo? Numquid dicit figmentum ei, qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem, aliud verò in contumeliam? Quod si Deus volens ostendere iram, & notam facere potentiam suam sustinuit in multa patientia vasa iræ apta in interitum, ut ostenderet diuitias gloriæ suæ in vasa misericordiæ, quæ præparauit in gloriam. Quos & vocauit non solū ex Iudæis, sed etiam ex Gentibus, & cetera plura. Si ergo iuxta Pauli doctrinam, ex Veteri etiam Testamēto desumpta, Deus cuius vult tantum miseretur, & quem vult indurat; si quosdam homines fecit vasa honoris in gloriam, quosdam contumeliæ in interitum; si per ipsum Paulum, motuum Dei ad sic faciendum, fuit ostensio iustitiæ in interitum vasorum contumeliæ; & misericordiæ in gloriam vasorum honoris: quomodo potest locus ille epist. ad Timot. *Deus vult omnes homines saluos fieri* intelligi nisi in sensu Augustini, scilicet, omnis generis homines; non omnes, & singulos omnium generum? alioquin sibi manifestè contradiceret; cū in epist. ad Rom. dicat *non omnes*, sed quosdam; in epist. verò ad Timot. dicat *omnes*, cū tamen *non omnes* salui fiant.

doctrina.
 Ex Pauli

Incomprehensibilia
 sunt Dei
 iudicia.

Sensus Pauli
ab Augustino fu-
it declaratus.

343. Quòd autem sensus Pauli fuerit ille, quem docet Augustinus, inde colligitur, quia in nuper relato loco ad Rom. dicit, quòd Deus vocauit *ex Iudæis, & ex Gentibus*: notandum, quòd non dicit *omnes Iudæos, nec omnes Gentes*, sed ex omni natione, ac religione aliquos, & hos voluit saluos fieri; quia hos, & non omnes prædestinavit. Idem colligitur, vt Augustinus notauit, ex loco ad Timot. ibi enim Apostolus præcipit, *vt fiant orationes pro omnibus hominibus, pro Regibus, & omnibus, qui in sublimitate sunt*; hoc enim bonum, & acceptum est coram Salvatore nostro Deo, qui omnes homines vult saluos fieri, & ad agnitionem veritatis venire. Cur dicit hoc? quia tunc totus mundus erat infidelis, ipsique Reges, & cæteri sublimes Domini; & quia poterant fortasse Timotheus, alijque putare frustraneum esse pro infidelibus, ac idolatris orare, Paulus tollit dubium, addens, quia de his omnibus saluos facit; de omni siquidem natione aliquos prædestinavit, & mediantibus sanctorum orationibus, ac miraculis interdum ex illis vocat ad fidem.

Clara Augustini
applicatio.

Argum. in
oppositum

Dices: saluari potest apparens contradictio Pauli, si dicatur, quòd in loco ad Rom. Deus vellet saluos facere omnes, & facere omnes vasa honoris; at quia præuidit aliquos benè vsuros libero arbitrio cum gratia; alios verò non, ideò illorum fuit misertus, eosque fecit vasa honoris: aliorum verò non fuit misertus, & fecit eos vasa contumeliæ.

343. Resp. S. August. iam respondit ad eiusmodi obiectionem, cum semper docuerit, quòd post præuisionem lapsus Adami, ac totius posteritatis cum eo, sine vlla meritorum præuisione ex massa illa perditâ aliquos discreuit tantum ex mi-
feri-

fericordia, relinquens cæteros in eadem, ex mo-
 rino iustitiæ. Si verò, vt dicit argumentum, discre-
 tio illa electorum fieret ex præuisione illorum,
 consensuum, qui ab aliquibus præstandi essent vo-
 cationi diuinæ, quos alij non essent præstaturi;
 iam priores dici non possent, neque essent vasa
 honoris ex misericordia, vt docet Apostolus, sed
 vasa gloriæ, & retributiue iustitiæ; & electi illi à
 semetipsis se discreuissent; seu præuisi fuissent se-
 metipsos discreturos à massa damnata, contra
 Apostoli dogma 1. Corinth. 4. 7. *Quis enim te di-*
scernit? Quid autem habes, quod non accepisti? Si
autem accepisti, quid gloriaris, quasi non acceperis?
 Quomodo autem saluari posset in sententia præfa-
 ti argumenti, quòd electi in eo casu non se discer-
 nerent, & non ex semetipsis facerent se vasa ho-
 noris, & gloriæ, non video: Quod pro senten-
 tia S. Augustini clariùs explicare operæ pretium
 censeo. Supponamus vnum ex duobus impossi-
 bilibus pro possibili, quorum vnum non censetur
 ab aliquibus impossibile, maxime ab Aristotile;
 & est hoc. Si plures homines fuissent creati ab
 æterno, & Deus omnibus dedisset equalia auxilia
 illuminationum, & inspirationum dependentia
 tamen ab eorum arbitrijs (sicut dicemus factum
 cum Adamo) vt eis vterentur, si vellent; & ijs qui
 vterentur vellent dare gloriam; si aliqui vterentur,
 & alij non; certè primi ex semetipsis se discreuif-
 sent à secundis, & dicere hi possent: licet Deus
 dederit nobis, sicut & vobis, media, vt eligi pos-
 semus ad gloriam, si vellemus; nos quia volui-
 mus, & vsi sumus medijs illis, discreuimus nos à
 vobis, & ideò electi sumus: hanc discretionem
 ab hominibus factam, & non à Deo impugnât
 Paulus vbi supra, & ideò hic modus dicendi non

Ex de & d
 na Aug. st.
 clarè solui-
 tur argu-
 mentum.

Apostolo
 contradi-
 ceretur.

Duo casus
 rem hanc
 declaran-
 tes.

subsistit. Secundus casus, licet impossibilis, est hic. Supponamus, quòd non ab æterno, sed in tempore vitæ cuiuscunque hominis Deus prædestinet, & reprobet: ac det, sicut dicit argumentum, omnibus æquales illuminationes, ac inspirationes dependenter à liberis eorum arbitrijs, & decernat eligere consentientes, & reprobare dissentientes; & aliqui consentirent, & eligerentur; alij non consentirent, & reprobarentur; Consentientes, iure optimo dicere possent, nostra voluntate in pari conditione secrevimus, seu discrevimus nos ab illis. Hoc non placet Paulo dicenti ubi supra, *Quis te discernit? Quid habes, quod non accepisti?* & ad Philipp. 3. *Deus dat velle, & perficere pro bona voluntate.* Ideò modus hic sustineri nequit.

344. Ita prorsus dicendum de casu, seu hypothesi argumenti; si Deus hoc modo elegisset, ac reprobasset, ac fecisset vasa honoris, & contumeliæ: vidisset enim homines, cum æqualibus auxilijs à se dandis, eorum aliquos consensuros, & alios non; & priores elegisset, posteriores verò reprobasset. Et sic vidisset, quòd illi ex semet ipsis discreturi se essent à posterioribus, & sic in tempore suæ vitæ actualiter, & in futuro se discernent: hos redarguit Paulos.

345. Igitur duo illa loca Pauli per dicti argumenti sententiam nequeunt conciliari, præsertim, quia *Deus quæcumque voluit fecit.* Hæc pro Augustino, & meo sensu. At unusquisque in suo sensu abundet.

Casus impossibilis, sed rem explicans.

Explicatio ad dicta.

CAPVT XXI.

*Animaduersiones quædam circa doctrinam de
Prædestinatione.*

346. **A**Du. quòd, cùm doctrina de Prædesti-
natione in sententia præsertim S. Au-
gustini graues videatur pati difficultates, sicut in
suo loco diximus, iam excitatas à Fausto, alijsque
Massiliensibus, vt ex epistolis Sanctorum Prospe-
ri, & Hilarij ad Augustinum patuit; idem Sanctus
Doctor Pauli sententiam secutus, *quia debitores su-
mus sapientibus, & insipientibus*, in lib. de bono Per-
seu. quamuis Massiliensium, Fausti que argumen-
ta soluisset; quia tamen adhuc sibimet quoque
mysterium hoc obscurum videbatur fore Christia-
nis; sapienter, ac piè, de more, studuit pusillis suc-
currere, nè desidia in bene operando, vel despe-
ratione in resipiscendo obruerentur, certi quòd,
quidquid fecerint, nequeant eorum mutari decre-
ta, iam ab æterno, & ab immutabili Deo præde-
finita; quædam tradidit documenta pro modo lo-
quendi de hac materia, vt in eius intelligentia
tranquillitatem inueniat conscientia.

347. Dico ergo I. Secundùm Augustinum,
docentes materiam de Prædestinatione ab æterno
facta, adhuc debent populos instruere, ac mone-
re, vt diuinam legem obseruent, & in virtutibus
se exerceant, ita S. August. in lib. de bono Perseu.
cap. 21. in fine: eius verba sunt sequentia.

348. Prob. ex August. ibidem. Postquam
enim docuit perseuerantiam finalem in bono, esse
donum Dei prædestinatis collatum, inquit. *Ni-
mia contentionis est prædestinationi contradicere, vel
de*

S. Augusi.
difficulta-
tibus oc-
currit;

Ipsi quoque
mysterium
hoc obscu-
rum vide-
batur.

Monendi
sunt popu-
li de obser-
uantia le-
gis, & de
virtutum
exercitio.

de prædestinatione dubitare. Quæ tamen ita populis prædicanda est, ut apud imperitam, vel tardioris intelligentiæ multitudinem redargui quodammodo ipsa sua prædestinatione videatur, sicut redargui videtur ipsa præscientia Dei, quæ certè negare non possunt, si dicatur hominibus, siuè curratis, siuè dormiatis, quod vos præscivit, qui falli non potest, hoc eritis. Dolosi autem, vel imperiti medici est etiam vtile medicamentum sic alligare, ut aut non prosit, aut obsit. Sed dicendum est, sic currite, ut comprehendatis, atque in ipso cursu vestro ita vos esse præcognitos noueritis, ut legitimè curratis, & si quo alio modo Dei præscientia prædicari potest, ut hominis segnitia repellatur.

349. Documentum consistit in hoc, quod prædestinatus debet benè operari, & Dei, atque Ecclesiæ leges seruare; quia per harum obseruantiam consecuturus est gloriam, & dum Deus eum prædestinauit ad gloriam, prædestinauit etiam ad gratiam, & ad merita; ideò ait Paulus, sic currite, ut comprehendatis. Quod autem Deus præsciat opera illa à prædestinato facienda, non impedit, quin faciat, nec prohibet, aut dispensat ne faciat. Propterea segnis esse nec debet, nec potest in benè operando.

350. Hinc est, quod sapientes à Deo illuminati in sacro textu relati, ut in Veteri Testamento Moyses, Dauid, Salomon, Prophetæ, ipseque Ioannes Baptista (clausula, ut ait Tertull. Veteris Testamenti) quamuis optimè callerent, Deum ab æterno omnia præsciuisse futura, item electos, & reprobos; indifferenter tamen omnes ad benè agendum inuitasse; omnibus pænitentiam, Dei cultum in fide, spe, & charitate consuluisse. Sciebat Moyses, ut Exodi 33. quod dixerat Deus, *Misererebor cui voluero, & clemens ero in quem mihi placebit,*

Declaratur
Angu-
stini docu-
mentum.

In sacra-
scriptura
semper om-
nes indif-
ferenter
monentur
ad bona o-
pera faciē-
da.

cebit: sciebat, quòd Deus omnes electos agnoscebat, *noscebat enim Deus*, vt dicit Apostolus, *qui sunt eius*; & tamen hortatus est populum ad legis obseruantiam, quam etiam in fine vitæ seriò inculcauit populo: Deuter. cap. 32. Sciebat Dauid ex Psal. 138. quòd *Deus cognoscebat omnia nouissima, & antiqua*, & consequèter eos, qui saluandi erant; & tamen in toto psalterio sæpissimè hortatur omnes indifferenter ad laudandum, & amandum Deum, & ad seruiendum ei. *Seruite Domino in timore, & exultate ei cum tremore. psal. 2. Beatus vir, qui timet Dominum in mandatis eius volet nimis. psal. 111.* & alia penè innumera sunt loca, in quibus hortatur homines ad omnium virtutum opera.

Dauid ad
ea monet.

351. Salomon optimè callebat, Deum cognoscere omnia futura, & maximè omnium, quæ Deus ipse facturus erat, quos iam discreuerat ab æterno; & consequenter, quos iam elegerat ad gloriam; & tamen tot libros scripsit ad opera virtutum exhortatorios, vt librum Prouerbiorum, Ecclesiastem, Sapientiæ librum, si suus est, & Ecclesiasticum, in quibus omnes Sanctos, seu iustos etiam ad ea hortatur.

Salomon
idem facit.

352. Ioannes Baptista sciebat non latere Deum eos, qui electi ià erant ad gloriam: & tamè ex Matth. 3. hortatur omnes ad penitentiam, ad opera misericordiæ, ac iustitiæ. Dixit enim discipulis suis; *Veniet vir, qui prior me erat, & ante me factus est, cuius non sum dignus corrigiam calceamenti soluere; Cuius ventilabrum in manu sua, & purgabit aream suam; congregabit triticum suum in horreum suum; paleas autem comburet igni inextinguibili.* Et tamen hortabatur omnes ad penitentiam, inquit, *Penitentiam agite, appropinqua-*
nit

Ioan. Baptista quoque

uit regnum Dei, nè cæperitis dicere Patrem habentis Abraham. Potens est Deus de lapidibus suscitare filios Abraham. Et sciscitantibus illis, quid faciemus? dixit, qui habet duas tunicas, det non habenti; & qui habet escas similiter faciat. Et Publicanis interrogantibus, quid faciemus nos? dixit, nihil amplius, quàm quod constitutum est vobis, facietis. Id est servate leges pro vestris negotijs statutas. Militibus autem dicentibus, quid faciemus & nos? respondit, neminem concutiat, neque calumniam faciat, & contenti estote stipendijs vestris: & sæpè hortabatur Herodem ad benè operandum, & hic eo audito multa faciebat, & arguebat illum de adulterio incestuoso cum Herodiade.

353. Hi ergo, & alij Prophetæ non discurrebant sicut alij, qui nolunt acquiescere in Scripturis, & Sanctis, dicentes, si Deus ab æterno prædestinavit me, siue operer benè, siue malè, saluabor. Si reprobavit me, quidquid fecero mali, aut boni, damnabor: Sed omnes ad bonum hortabantur, vt patuit: rationem autem mox afferam, cùm Euangelicam legem percurrerim.

354. Apostoli omnes missi sunt ad prædicandum Euangelium, & docendum Iudæos, & Gentiles viam salutis, exercitium verarum virtutum, & vsum Sacramentorum. Cur autem hoc, si Christus sciebat, quinam erant prædestinati, & qui reprobari, & tamen ea facienda, & prædicanda præcepit? Paulus Apostolus, vt cæteros taceam, benè callebat, quòd aliqui in mundo sunt *vasa honoris*, alij *vasa contumeliæ*, nempè illi electi, isti reprobi, vt ex *Rom. 9.* & quòd *antequam aliquid boni, aut mali egerint facta sit ista discretio*, quod plus est; & tamen in omnibus quatuordecim epistolis, & in actibus Apostolorum, quorum maior

par s

Ignari quo
modo dis-
currunt de
prædesti-
natione.

Apostoli
indifferen-
ter omni-
bus prædi-
cabant ex-
ercitium
virtutum.

Paulus sic
faciebat.

pars Paulum tangit, & tamen ad penitentiam, ad baptismum, ad obseruantiam Euangelij, ad actus virtutum omnes hortatur .

355. Sed cur de Sanctis istis loquor? Sufficiebat exemplar, seu doctrinam Sancti Sanctorum Christi Domini Saluatoris, Doctoris, ac Magistri nostri, tantum in medium asferre . Dominus namque noster, scientia beata, & etiam infusa, clarè, & euidenter sciebat non solum prædestinationem, & reprobationem ab æterno factas, & numerum vtriusque ordinis; sed etiam personas electas, & reprobatas, & quòd *Multi sunt vocati, pauci verò electi*: & nihilominus omnes, indifferenter, hortabatur; eisque præcipiebat fugam vitiatorum, & exercitia virtutum, vt ex tota Euangelij historia habetur: & quod maximè notandum est, quòd non solum Apostolis, cæterisque, quos prædestinatos esse certò sciebat, sed omnibus Iudæis, inter quos etiam quosdam prædestinatos, quosdam reprobatos nouerat, indifferenter virtutum actus præcipiebat, quos nempe ad salutem necessarios iudicabat, vel consulebat, quos supererogatorios existimabat .

356. Constat ergo, quòd Sancti Veteris, & Noui Testamenti, ipseque Dominus Noui Author Testamenti, quamuis existimarent in hominum, multitudine, aliquos esse prædestinatos, & alios reprobatos, & quòd vtrique labi possent, & laberentur in peccata; adhuc tamen vtrosque ad penitentiam hortandos putarunt; item & corrigendos, & ad virtutum exercitia inuitandos .

357. Ratio autem, cur corrigendi, & ad penitentiam, aliasque virtutes hortandi, & trahendi sunt, pro prædestinatis, est, vt sæpè cum S. Augustino diximus; quia licet gratis, & sine meritis

Christus ipse qui sciebat electos, & reprobos, omnes tamen hortabatur ad opera virtutum .

Vniuersalis conclusio .

Ratio cur omnes moneandi .

tis sint electi ad gloriam; tamen ad eam per merita consequendam; & propterea per talia, & talia merita, quæ præuia etiam suasionem, vel correptionem erunt in executione ponenda. Pro reprobis verò, ut opera bona etiam temporaliter exercendo, minus in inferno ardeant; & quia omnes incerti sunt, an prædestinati, vel reprobis.

358. Dico 2. Secundum Augustinum, licet verum sit, quod prædestinati etiam si quandoque, vel sæpè cadant, tamen in fine vitæ erunt in gratia, & saluabuntur; & reprobis licet vocati ad fidem, & aliquoties iustificati, in fine vitæ erunt in peccato: hæc tamen doctrina non est populis prædicanda; sed prædicandum eis, ut spem habeant in Deo, quod sint de prædestinatorum numero, & eis consulantur opera pietatis, orationis, &c.

359. Prob. 1. pars ex S. Augustino totidem, ferè verbis id docente in *lib. de Bono Persæ. cap. 22.* ubi postquam multa dixit de certitudine salutis prædestinatorum, & de certitudine damnationis reproborum, quæcumque temporaliter faciant, siue illi mala, siue isti bona; quia diuina præscientia falli non potest; inquit tamen non esse hoc modo populis prædicandum. Eius verba sunt. *Prædicari non potest, ut dicatur, & si qui obeditis si præsciti estis reijciendi, obedire cessabitis. Nempe hoc verissimum est, ita sanè: sed improbissimum, importunissimum, incongruissimum, non falso eloquio, sed non salubriter valetudini infirmitatis humanæ appposito.* Id enim induceret segnitiam, & in aliquibus malè habituatis, fortè desperationem.

360. Prob. Secunda pars ex eodem Augustino ibidem, ubi modum prædicandi de prædestinatione sic insinuat. *Illum etiam modum, quo uten-*
dum

Hæc doctrina de prædestinatione, non est populis promulganda; sed prædicandum est eis, ut sperent in Deo,

Documentum salubre Augustini.

dum esse in prædestinationis prædicatione nos diximus loquenti ad populum (idest factam gratis , & sine meritis) non existimo debere sufficere , nisi hoc , vel huiusmodi aliquid addat , vt dicat . Vos etiam ipsam obediendi perseverantiam , à Patre luminum , à quo descendit omne datum optimum , & omne donum perfectum , sperare debetis , & quotidianis orationibus poscere ; atque faciendo confidere , non vos esse à prædestinatione populi eius alienos ; quia etiam hoc vt faciatis ipse largitur . Absit autem à vobis , idèd desperare de vobis , quoniam spem vestram in ipso habere iubemini , non in vobis . Maledictus enim omnis homo , qui spem habet in homine ; & bonum est confidere in Domino , quam confidere in homine , quia beati omnes , qui confidunt in eum . Et hanc spem tenentes servite Domino in timore , & exultate ei cum tremore ; quoniam de vita æterna , quam filijs promissionis promisit non mendax Deus ante tempora æterna , nemo potest esse securus , nisi cum consummata fuerit illa vita , quæ tentatio est super terram , sed faciet nos perseverare in se vsque in eius vitæ finem , cui dicimus quotidie , nè nos inferas in tentationem . Hæc atque huiusmodi , cum dicuntur , siue paucis Christianis ; siue multitudini Ecclesiæ , cur metuius Sanctorum prædestinationem , & veram Dei gratiam , idest , quæ non secundum merita nostra datur , sicut eam sancta scriptura prædicat , prædicare ? An verò timendum est , nè de se homo desperet , quando spes eius ponenda demonstratur in Deo ; non autem desperaret , si eam in seipso superbissimus , ac infelicitissimus poneret ? Et postea aliud subdit non minus utile documentum ; nempe , considerandum esse , quòd Ecclesiæ ex sacris scripturis hanc eruit praxim , vt semper ab initio orationes faciat pro vitæ æternæ acquisitione , quia secuta non est , quinam sal-

Modus prædicandi de prædestinatione ex August.

Valdè considerandū documentum .

uandi sint , & qui non , sed omnes eius filij salutem sperant; dicens . *Atque vtinam tardi corde, & infirmi, qui non possunt, vel nondum possunt scripturas, vel earum expositiones intelligere, sic audirent, vel non audirent in hac quæstione disputationes nostras, vt magis intuerentur orationes suas, quas semper habuit, & habebit Ecclesia ab exordijs suis donec finiatur hoc sæculum.* Hæc S. Doctor ad consolationem fidelium incapacium, vel etiam capacium huius mysterij .

361. Dico 3. Secundum eundem Sanctum Augustinum , nullum fidelem deterrere debet , quod prædestinatio , facta sit gratis , & sine nostris meritis, sed ex Dei misericordia, quoad electionem; sicut si ex meritis fieret, non deterreret, quod Deus præsciat quales futuri sunt homines , siue boni , siue mali : ita S. August. *in lib. de Bono Persen. cap. 15.*

362. Prob. & declaratur . S. Doctor audiens quod quidam in Monasterio murmurabant de eius doctrina de prædestinatione sine meritis iam ab æterno facta, dicentes , si prædestinati sumus , etiamsi legi diuinæ non obedimus, dabitur nobis gratia, vt à peccato surgamus , & obediamus , atque in ea obedientia vsque in finem perseueremus. Si verò non sumus prædestinati, etiamsi nunc habemus gratiam obediendi legi , & seruandi eam , auferetur à nobis talis gratia , vt ab obedientia, & obseruantia legis cessemus : Et hic discursus eos terrebat . Inquit Augustinus. Dato, quod prædestinatio facta esset ex meritis , & reprobatio ex demeritis (sicut facta est) Deus certò, & infallibiliter scit an boni, vel mali futuri estis , an saluandi , vel damnandi , & vos de alterutro incerti estis, nec vos deterret hæc certitudo

præ-

Ecclesia
orat pro
omnibus,
quia nescit
qui sint,
vel non
sint præde-
stinati.

Cur deter-
tere non
debet fide-
les, quod
prædesti-
natio facta
sit, siue ex
meritis, si-
ue absque
illis.

præscientiæ Dei, & incertitudo scientiæ vestræ; cur deterrebit vos scire, quòd Deus prædestinauit ex gratia, & sine meritis, cùm sitis incerti, an de illis sitis, vel non sitis? Hic est Augustini subtilis, & conuincens discursus; quia tamen verba eius neruosiore sunt, ea adducam: inquit. *Ista cum dicunt, ita nos à confitenda Dei gratia, id est, quæ non secundum merita nostra datur, & à confitenda secundum eam prædestinatione Sanctorum detertere non debet; sicut non deterreret à confitenda præscientiæ Dei, si quis de illa Populo sic loquatur, vt dicat. Si uè nunc rectè uiuatis, si uè non rectè; tales vos eritis postea, quales vos Deus futuros esse præsciuit, vel boni, si bonos, vel mali, si malos. Numquid enim, si hoc audito aliqui in torporem, segnitieque vertantur, & à labore proclines ad libidinem post concupiscentias suas eant; propterea de præscientia Dei falsum putandū est, quod dictū est; Nonnè si bonos Deus illos futuros esse præsciuit, boni erunt in quantalibet nunc malignitate versentur: si autem malos, mali erunt, in quantalibet nunc bonitate cernantur. Et narrat postea exemplum de quodam Monacho, qui corripiebatur, vt facienda faceret, & non facienda non faceret, & respondebat, qualiscumque nunc sim, talis erò, qualem me Deus futurum esse præsciuit; qui non proficiebat in bonum, sed vsque adeò profecit in malum, vt deserta Monasterij Societate, fieret canis reuersus ad uomitum; & tamen adhuc qualis sit futurus incertum est: & concludit illud caput sic. Numquam ergo propter huiusmodi causas, ea quæ de præscientia Dei vera dicuntur, vel neganda sunt, vel tacenda; tunc scilicet, quando si non dicuntur, in alios itur errores.*

363. Ex his igitur Sancti Augustini documentis patet primò, quòd etiam si teneatur, quòd prædesti-

Corollaria
notatu di-
gna.

destinatio facta sit ante praeuisionem meritorum , nullus Catholicus praeiudicium , vel turbationem ex hac sententia pati potest; quia cum nesciat, an sit vnus de illis , nec ne, & audiat, multos per aliquod tempus malos, deinde conuersos, sancte vitam finisse; sperare debet, quod ex Dei misericordia sit vnus de illis, & maiori cum spe, si eiusdem gratiae diuinæ ope experiatur, se in Dei , ac proximi Charitate , virtutibus alijs , ac pietatis actibus exercere , quamuis certò non sciat, quid de se decreuerit Deus . Sicut , si ipsemet Catholicus teneat , quod ex praeiudicis meritis Deus praeuiderit Sanctos, & ipse nesciat , an sit vnus ex illis hoc modo praeuideris , credit tamen , sicut debet, quod Deus praeuiderit, an sit vnus ex illis , vel non ; nullum ex hoc patitur praeiudicium, vel turbationem , sed sperat in Dei misericordia , quod vnus ex illis sit .

364. Pater 2. quod siue teneatur , praeuisionem factam esse ante , siue post praeuisionem meritorum, in utroque casu fugienda est desidia , socordia , & vacatio à bonis operibus . Nam si facta ex meritis praeiudicis ; ista sunt in actu secundo ponenda : si autem praeiudicis merita , adhuc ista sunt ponenda ; quia facta quidem est electio ad gloriam sine meritis , sed dandam per merita ; nam gloriae consecutio est corona, merces, & premium, quod non datur sine labore , certamine, ac merito, & ideo Apostoli, Prophetæ, Christus Dominus, & ante eius aduentum , Deus in scripturis omnibus, bonis , & malis indifferenter præcepit obseruantiam legis naturæ , decalogum , & Iudæis alia supra quingenta ; & tamen sciebat, quoniam essent electi , quoniam reprobis , & neminem exclusit ab eorum obseruantia .

Siue teneatur
prædestinatio ante
merita,
siue post,
nemo turbari
debet
& quare.

Socordia
fugienda
in utraque
sententia .

365. Pater 3. neminem Catholicum, neminemque Hæreticum posse se subtrahere à correptione, si malè operatur, eo nixus fundamento, si sum prædestinatus, Deus ipse, vt sit firmum eius propositum, inueniet viam reducendi me ad bonam frugem, & ad statum gratiæ. Non inquam potest sic dicere homo Christianus; quia licet sit verum, quòd Deus saluabit prædestinatum lapsum in quoduis peccatum, etiam hæresis, vt accidit aliquibus martiribus; qui in prima quæstione negarunt, & postea resipuerunt; & martyrium subierunt; tamen Deus modo suauis, supernaturali quidem, sed non miraculoso, semper hoc facit, nempe per concionatores, aliosque probos viros corripientes lapsos, sicut fecit Deus per Prophetas, & per dilectissimum filium: *ipsum audite*, inquit, & postea per Apostolos, eorumque successores Pontifices, & Episcopos, & concionatores, sicut modò facit; & per eos conuertuntur homines, etiam prædestinati, ad pœnitentiam, & ad bonam frugem, & ad multa virtutum opera.

366. Pater 4. quòd licet verum sit, vt ait Augustinus, & fides docet, id certò futurum, quòd Deus ab æterno decreuit se facturum, vel se solo, vel cum consensu, & cooperatione creaturæ, & omnia hæc à Deo præsciri, nec posse aliter evenire; non proindè potest quis desidiosè viuere, dicens, iam decretum est, quod futurum est: immò nec putat, se posse hoc facere; nisi quia sic se facturum Deus præuidit; quilibet ergo in timore, & tremore, prout sibi à Deo datum fuerit, humiliter pro sua salute operetur, cum sibi incertum sit, *an odio, vel amore finali dignus sit.*

Nullus Christianus potest, & debet à bono desistere ex eo discursu, si sum prædestinatus saluabor, si reprobus damnabor & quare.

Ex incertitudine decreti diuini quisque cum timore semper bene debet operari.

CAPVT XXII.

An possint assignari aliqua prædestinationis signa .

367. **A** Du. quòd , sicut prædestinationis decretum est mysterium quodam , idest secretum Deo soli notum , & in genere tantum Ecclesiæ reuelatum , quòd nempe Deus aliquos prædestinauerit , seu elegerit ad gloriam , dicente pluries Salvatore, quòd dantur inter homines electi, & propter eos breuiabuntur tribulationes futuræ ante finale iudicium ; ita secretum , immò secretius mysterium est, nullique, neque particulari creaturæ, neque ipsi Ecclesiæ reuelatum, qui sunt homines prædestinati, si infantes cum baptismo decedentes excipias (vt mox dicetur :) nihilominus ex sacra Scriptura in consolationem, fidelium filiorum Dei , vt cum spe , & timore uiuant , aliqua eruuntur signa , ex quibus possunt homines probabiliter colligere , se esse de prædestinatorum numero . Verùm neque illa sunt adeò certa , vt ex eis possit quis infallibiliter tenere , se esse prædestinatum . Hoc autem ex diuina prouidentia factum putamus, vt omnes *cum timore , ac tremore*, vt ait Apostolus , *suam salutem operentur* . Vt autem alacrius id fiat , aliqua ex his signis , vt plurimum certis , pro adultis fidelibus adducemus .

368. Dico I. Nullus viatorum potest certitudine infallibili scire , se esse prædestinatum , sine diuina reuelatione .

369. Prob. totidem ferè Concilij Tridentini verbis in sess. 6. cap. 12. dicentis . *Nemo quoque,*
quam-

Prædestinatio est in agnum secretum Dei .

Secretius est quinam sint prædestinati .

Nemo sine diuina reuelatione scire potest infallibiliter se esse prædestinatum .

quamdiu in hac mortalitate viuitur, de arcano diuinæ prædestinationis mysterio vsque aduò præsumere debet, ut certè statuatur, se omninò esse in numero Prædestinatorum, &c. Nam nisi ex speciali reuelatione sciri non potest, quos Deus sibi elegerit. Et in can. 15. Si quis dixerit, hominem renatum, & iustificatum tene-ri ex fide ad credendum se certò esse in numero prædestinatorum, anathema sit.

370. Conf. ex can. Corripiantur, estque S. Augustini, 24. qu. 3. vbi habetur. Corripiantur itaque fratres subditi à Præpositis suis correptionibus, de Charitate venientibus pro culparum diuersitate diuersis, vel minoribus, vel amplioribus, &c. concludens pro ratione ad rem nostram: Nescientes enim, quis pertineat ad prædestinatorum numerum, quis non pertineat, sic affici debemus Charitatis affectu, ut omnes velimus saluos fieri. Signa ergo certa, & infallibilia non dantur ad cognoscendum, sine deceptionis periculo, quòd aliquis sit prædestinatus, vel non, quantumuis enim aliquis sanctè viuatur, nec ipsemet de se, nec alij de illo certò, & sine deceptionis periculo iudicare potest esse prædestinatum: non ipse de se, quia etsi sanctè pro aliquo tempore viuatur exercendo se in operibus virtutum, in obseruantia præceptorum, & consiliorum; nescit tamen, an sit perseueraturus, aut casurus; ideò Apostolus 1. Cor. 10. 12. ait. Qui se existimat stare, videatur, nè cadat: & in cap. 4. 4. inquit, nihil enim mihi conscius sum, sed non in hoc iustificatus sum, nam Ecclesiastes 9. 2. dicitur, nemo scit, an odio, vel amore dignus sit. Et ipsemet Paulus de se in eadem epist. cap. 9. in fine, inquit, Ego igitur sic curro, non quasi in incertum; sic pugno, non quasi aerem verberans: sed castigo corpus meum, & in seruitutem redigo, nè fortè cùm alijs prædicauero,

Non datur signum infallibile in aliquo, per quod sciat se prædestinatum esse.

Paulus de se dubitabat.

ipse reprobus efficiar. Timet Paulus, qui à Christo apud Ananiam laudatus erat, *Act. 9.* quòd erat *effectus vas electionis*, ut *prædicaret eum apud omnes gentes*; quis ergo, cuiuscumque probitatis vir non timebit casum? Et multi in Chronicis referuntur magnæ probitatis viri, qui non perseverarunt usque in finem vitæ. Nullus ergo est certus de perseverantia finali, & consequenter neque de prædestinatione, quæ fert secum perseverantiam finalem.

371. Neque cognoscentes aliquem magnæ probitatis virum possunt certò scire, eum esse prædestinatum; externa enim vident, nec possunt interna penetrare; crebrò enim sub ouina pelle latent lupi, & cu eiusmodi Hipocritis fuit continua concertatio Christi Domini, quos vocat modò *lupos sub specie ovium*, modò *Sepulcra dealbata foris speciosa, intus autem omni spurcitia plena*, Pharisæos Hipocritas appellabat: igitur ex sanctitate externa cognosci, aut iudicari nequit, aliquem esse prædestinatum. At dato, quòd quis Hipocrita non sit, sed & externè, & internè Sanctus, nemo potest iudicare, quòd sit usque in finem perseveraturus, nisi fuerit sibi à Deo revelatum, nam Isaia 41. 22. dicitur, *Annunciate, quæ ventura sunt in futurum, & scimus, quia Dñ estis vos*. Undè meritò Concil. Trid. ut supra diximus, declaravit, non posse sine speciali Dei revelatione sciri aliquem prædestinatum esse.

372. Dico 2. Pro Paruulis ante usum rationis decedentibus signum certum prædestinationis est, si cum baptismo decedunt.

373. Prob. 1. *Ex cap. Maiores de Baptismo*, &c. in quo definitur, quòd paruuli baptizati, si ante usum rationis moriuntur, salvantur.

Prob. 2.

Multi apparent Sãti, sed non sunt.

De paruulis cum baptismo mortis morientibus certa est prædestinatio.

Prob. 2. ex Concil. Trid. sess. 5. in decr. de pecc. orig. §. 2. ubi habetur. *In renatis nihil odit Deus. quia nihil est damnationis ijs, qui verè consepul- ti cum Christo per baptisma in mortem, qui non secundum carnem ambulant, sed veterem hominem exuer- tes, & nouum, qui secundum Deum creatus est, induen- tes, innocentes, immaculati, puri, innoxij, ac Deo dilecti effecti sunt, hæredes quia Dei, cohæredes autè Christi, ita ut nihil prorsus eos ab ingressu Cæli remoretur.* Pa- ruuli autè ante vsum rationis iam baptizati, renati sunt, & si moriantur, quia secundum carnem non am- bularunt; innoxij, puri, & innocentes, hæredes Dei, & cohæredes Christi ex hoc mundo disce- dunt, & nihil eos ab ingressu Cælorum remora- tur. Ergo est certum signum, quòd sunt de præ- destinatorum numero.

374. Dico 3. Pro Adultis iam mortuis, bea- tificatio, seu canonizatio eorum; seu martirium eorum ab Ecclesia declaratum, siue cultus publi- cus ab Vniuersali Ecclesia eis tributus, vel per- missus; sunt signa certa prædestinationis, & sal- uationis secutæ.

375. Prob. de qualibet ex præfatis functio- nibus. Quælibet enim illarum declarat, eos esse in Cælo cum Deo regnantes; & ob quamlibet earum, fideles venerantur eos, vt Sanctos; & ad eos suas dirigunt preces, vt pro ipsis apud Deum intercedant, vt praxis Ecclesiæ docet. Nullum autem certius signum dari potest de gloria ali- cuius, quàm aliquod ex præfatis (si diuinam ex- plicitam reuelationem excipias) quia Ecclesia in Sanctorum declaratione, & cultu infallibilis est. Patet autem, quòd ab initio Ecclesiæ vsque ad no- stra tempora, sic semper processum est. Nam præter Sanctos de quibus S. Scriptura Veteris Te-

Ex Tridæe.

Pro Adul- tis mor- tuis, quæ sint præde- stinationis signa cer- ta.

stamenti loquitur, quosque Apostolus ad *Hebr.* II. commemorat; omnes alij, quos post Christi aduentum colimus, aliquo ex præfatis modis declarati sunt Sancti; illosque, ut tales colimus, ac veneramur; & eorum passionibus, ac festa celebranda statuit *Concil. Cartag. 3. can. 47.* deinde alia posteriora Concilia; illosque cum Deo regnare definit *Concil. Trident. sess. 25. in decreto de inuocat. Sanctorum*, & propterea colendos, & orandos esse ex eodem Concilio, ibidem. Illæ ergo declarationes, seu venerationes illorum, quæ ab Ecclesia Vniuersali fiunt, aut fieri conceduntur, sunt signa certa prædestinationis. Dixi, *si ab Ecclesia Vniuersali fiunt, vel fieri conceduntur*; quia alia particulares, in eiusmodi cultu aliquorum, possunt decipi, & de facto aliquando deceptæ sunt: nam sæpè id accidisse legimus. Immò hanc ob causam Alexander 3. ut habetur in *cap. 1. de reliquijs, & Vener. Sanctorum* decreuit, neminem de cætero posse pro Sancto venerari, etiamsi per eum miracula fierent absque Romanæ Ecclesiæ autoritate. Quod postea confirmauit Urban. VIII. per prolixam Constitutionem 137. *Cælestis*, quia peculiare Ecclesiæ, & populi in his iudicijs decipiebantur; quando autem à Romana Ecclesia, interueniente Summi Pontificis infallibili decreto aliquis declaratur Sanctus, seu permittitur venerari pro Sancto, nullum adest deceptionis periculum, & propterea (à posteriori) est prædestinationis, & consecutionis termini illius, nempe gloriæ, certissimum signum.

376. Dico 4. pro Viuentibus, dantur quidem prædestinationis signa, sed fallibilia, nisi usque in finem vitæ perdurauerint.

377. Prob. I. pars ex Sacra Scriptura Veteris

Cur alios
quos, ut
Sanctos co-
limus.

Proviuen-
tibus dan-
tur præde-
stinationis
signa, sed
fallibilia.

ris Testamenti in *psalm.* 14. Dauid sic interrogat Dēum . *Domine quis habitabit in tabernaculo tuo , aut quis requiescet in monte Sancto tuo ?* S. Hieronymus multicè analogicè locum istum intelligit: sic . *Tabernaculum* , hic pro eternitate accipimus . S. Augustinus eodem modo intelligit, ait fortasse, iam ipsam eternam habitationem significat, vt montem intelligamus supereminentem Charitatem Christi in vita eterna . Eundem sensum secuti sunt alij, & postea Lyranus in eundem psalmum . Interrogat ergo Dauid Dominum , quis nam destinatus sit habitare cum eo in Cœloꝝ & Spiritu Dei afflatus, sibi ipsi , quasi respondens , ait . *Qui ingreditur sine macula , & operatur iustitiam . Qui loquitur veritatem in corde suo , qui non egit dolum in lingua sua ; non fecit proximo suo malum , & opprobrium non accepit aduersus proximum suum . Ad nihilum deductus est in conspectu eius malignus ; timentes autem Dominum glorificat . Qui iurat proximo suo , & non decipit ; qui pecuniam suam non dedit ad vsuram , & munera super innocentem non accepit . Et concludit . Qui facit hæc non commovebitur in æternum .* Hæc ergo ex Dauidis sententia sunt signa in sæculo præsentium viuentium , qui destinati sunt à Deo habitare cum eo in sæculo futuro . Declaremus ergo signa ista , vt si in nobis ea experiamur , gaudeamus, confidentes, ac sperantes , cum securitate de eorum esse numero . Primum ergo est ingredi, alij legunt , progredi sine macula . Hic est cardo perfectæ vitæ, carere culpa, & ideò, vt mox dicetur, Saluator dixit, *Beati mundo corde; quoniam ipsi Deum videbunt* . In hoc continetur obseruantia legis naturæ, diuinæ, ac positivæ ; qui enim contra aliquod legis præceptum delinqueret, sine macula non esset, neque,

cum

Ex Veteri
Testamen-
to signa
prædesti-
nationis .

Ex psalmo
Dauid .

Fundamē-
tum perfe-
ctionis est
mundicia
cordis .

cum corde mundo . Et hoc suffecisset, dicere ; at quia munditia interna , & carentia maculæ non videtur exterius, adiicit quasdam notas visibiles, inquit, *& operatur iustitiam*, idest circa Deum, per Religionis actus , & circa homines per commutativam, & distributivam: sequitur; *Qui loquitur veritatem in corde suo, qui non egit dolum in lingua sua* . S. Augustinus , & Hieronymus in eum psalmum clarè explicant omnes præfatas conditiones, quæ in probo, & sancto homine Dei adoptivo filio, & ad æternam vitam destinato, debent requiri ; & super illud ; *qui facit hæc non commovebitur in æternum* , S. August. dicit , *idest perveniet ad illa maiora, in quibus est magna , & inconcussa stabilitas* .

S. Hieron.
explicatio.

378. S. Hieronymus 14. conditiones ipsius , tamquam omnem perfectionem continentes , explicat . *Qui ingreditur sine macula*, ait, *sine peccatis mortalibus* , quia sine minimis esse non possumus, *& non dixit* , qui pervenit ad finem sine macula, sed qui in itinere adhuc est , *& maculam non habet* ; *& non sufficit non facere malum , nisi fecerimus & bonum* . Et *operatur iustitiam* . Multa de hoc dicit Hieronymus , sed concludit, *quia iustitia prodest ceteris miseris, vel aliter , qui operatur iustitiam* , idest custodit mandata . *Qui loquitur veritatem in corde suo* , ait , multi loquuntur veritatem in labijs , sed non in corde , qui videntur vera dicere , sed cor cum labijs non consonat ; vel aliter , qui credit in Christum &c.

Declaratio
totius psal.
mi docet
signa præ-
destinatio-
nis.

Qui non egit dolum, inquit ille dolosè agit, qui aliud cogitat, & aliud dicit, sicut Propheta, ait, *Prohibe linguam tuam à malo , & labia tua nè loquantur dolum* . Sequitur, *nec fecit proximo suo malum*, ait Hieronymus, *Proximus noster* , omnis Christia-

nus est. Quod tibi non vis fieri, alij ne facias, & alibi dicit, diliges proximum tuum, sicut te ipsum. Et post multa, ait, omnes ergo homines proximi nostri sunt, & nulli debemus malum facere. Et opprobriū &c. dicit, Numquam à suis vicinis, quasi noxius accusatur. Timentes autem Dominum glorificat. Non diuites, non potentes, sed qui Dominum timent. Opprobrium detractiōis de fratre tunc non accepit, si prius non credit illa, antequam probet; ac si dicat. Qui ista custodit, quæ superius dixit, ille est sine macula, & operatur iustitiam, & iste habitabit in tabernaculo, & requiescet in monte sancto suo, hoc est in vita æterna.

379. Prosequitur Hieronymus: Ad nihilum deductus est in conspectu eius malignus, inquit, Quicumque malus est, in conspectu sancti pro nihilo reputatur. Ad nihilum deductus est; quia apud talem sanctum pro nihilo habetur. Timentes autem Dominum magnificat; scit enim in his habitare Deum, sicut ait Dominus, qui vos diligit, me diligit.

380. Qui iurat proximo suo, & non decipit. De hoc dicit, quod iurans minor est in perfectione, quia Dominus dicit non iurare omnino &c. sed sit sermo vester, est, est, non, non. Sententia perfectorum est non iurare, quia anima, quando promittit, Dei præcepta custodit, & proximum decipit, si hoc quod promittit non obseruat. Sequitur. Qui pecuniam suam non dedit ad usuram, inquit, & si non peccet quis, eo quod quantum dat, tantum recipit, tamen perfectio non est, quia dictum est, frange esurienti panem tuum. Et beatius est magis dare, quam accipere. Usquequò ad ista peruenit, minor est à perfectione.

381. Et munera super innocentem non accepit, inquit; Ut non conturbent iudicium veritatis munera offerentes; nè similis Iuda efficiatur, qui accepto argen-

Perfecti
non iurant

Perfectio
est donare
egenti;
non verò
mutuare
sine usura.

Munera
faciunt
peruaria
iudices.

*argenti pondere vendidit innocentem. Sicut Prophe-
ta Isaias cap. 33. dicit. Qui excutit manus suas ab
omni munere, hic in excelsis habitabit.*

Qui hæc cu-
rodit præ-
destinatus
est.

382. Concludit. *Qui facit hæc non movebitur in
æternum, ait, quæ si quis irreprehensibiliter custodie-
rit; non solum à commotione æterni Iudicis securus
erit; verum etiam ipsum montem, tabernaculumque
cæleste possidere merebitur in Christo Iesu Domino no-
stro. Hæc Hieronymus.*

Hæc eadē
Signa ex
Nouo Te-
stamento
habentur.

383. Hæc eadem prædestinatorum, seu sal-
uandorum signa, ex Nouo Testamento ex Christi
Domini oraculo confirmantur. Nam interroga-
tus à quodam Matth. 19. 17. *Magister bone, quid
boni faciam, ut habeam vitam æternam, Saluator
autem respondit dicens, si vis ad vitam ingredi ser-
ua mandata, & eodem, qui supra, iterum interro-
gante, Quæ? Dominus refert præcepta decalogi
respicientia proximum, & concludit; Diliges pro-
ximum tuum, sicut teipsum: iterum ex cap. 22. 38.
interrogatus à quodam legis doctore, Magister,
quod est mandatum magnum in lege? Respondit. Di-
liges Dominum Deum tuum &c. & alterum simile
huic, diliges proximum tuum, sicut teipsum. In his
duobus mandatis vniuersa lex pendet, & Propheta.
Et ita in factum est, quia in primo includuntur præ-
cepta primæ tabulæ. In secundo autem præcepta
secundæ tabulæ; & vulgatum est legis naturæ præ-
ceptum ab ipso met inculcatum, quod tibi fieri non
vis, alteri ne feceris. Obseruantia ergo præcepto-
rum ex Veteris, & Noui Testamenti doctrina, du-
cit ad æternam vitam; & consequenter, in ijs, qui
ea obseruant, est signum prædestinationis. At
aliquid aliud requiritur; ideo*

374. Prob. secunda pars conclusionis, quod
scilicet signa hæc fallibilia sunt, nisi in habente,
per-

perseuerent vsq; ad mortem: nam Saluator Matt. 10. 27. de patientia exercenda in *perseuerationibus*, ait, *Qui perseuerauerit vsque in finem, hic saluus erit*. Et in cap. 24. 13. prædicens tribulationes futuras in fine mundi ob Antichristi persecutionem, & deficientiam multorum, atque Charitatis frigescentiam, concludit, *qui autem perseuerauerit vsque in finem, hic saluus erit*: & ex epist. Iacobi cap. 2. 10. habetur. *Quicumque totam legem seruauerit, delinquat autem in vno, factus est omnium reus*. Et ideò Ecclesiastici 18. 22. Spiritus Sanctus sic monet quemcunque fidelem; *Non impediari orare semper; neque vereari vsque ad mortem iustificari; quoniam merces Dei manet in æternum*. Et Apocal. 2. 10. *Esto fidelis vsque ad mortem, & dabo tibi coronam vitæ; & qui vicerit, & custodierit vsque in finem opera mea, dabo ei potestatem, &c.*

Et propterea homines quantumuis boni, virtutibus multis ornati, Dei seruitio consecrati, in præceptorum, immò & consiliorum Euangelicorum obseruantia exercitati, qui vsque in finem non perseuerarunt, damnati sunt, de quibus Apostolus Iudas Thaddeus in *epist. Canonica num. 8.* exemplificat hoc in Angelis desertoribus, sic, *Angelos, qui non seruauerunt suum principatum, sed dereliquerunt suum Domicilium in iudicium magni Dei vinculis æternis sub caligine reseruauit*.

385. Conclusio ergo huius capituli est, quòd licet ex Sacra Scriptura aliqua colligamus prædestinationis signa; quia tamen de perseuerantia in bono, sine diuina reuelatione, nemo certus est, neque de prædestinatione certus est. Neque sibi blandiatur fidelis, cum simplici intelligentia doctrinæ Pauli ad Rom. 9. *Quos prædestinauit, hos &*

Obseruantia totius legis dura re debet, vsque ad finem vitæ ut sit prædestinatio. nis signum certum.

Plura Sacra Scripturæ loca.

Exemplum de malis Angelis. qui non perseuerauerunt.

Capituli huius generalis conclusio.

vocavit; quos autem vocavit, hos & iustificavit; quos autem iustificavit, illos & glorificavit, quasi hæc sint necessariò connexa in omnibus vocatis, & ex vocatione, & iustificatione concludatur prædestinatio; quia Paulus loquitur de vocatione, secundum propositum, ut ait Augustinus, & est illa, quæ habet annexam perseverantiam, quæ nõ omnibus vocatis, & iustificatis per baptismum, ac etiam per penitentiam conceditur. Vnde Saluator dixit, *Multi sunt vocati, pauci verò electi*,

386. Neque sibi quisquam blandiri potest de prædestinatione ex observantia mandatorum Dei quia securus nõ est de perseverantia in illa: plures enim fideles in pueritia observantissimi sunt mandatorum, & deficiunt in adolescentia; plures deficiunt in iuventute; plures in virili ætate; & plurimi in senectute, ut docet experientia.

Neque quis sibi blandiatur de prædestinatione ob consiliorum observantiam, vel gradum Ecclesiasticum, Monasticum, Eremiticum, vel Mysticum; quia nullus istorum securus est de perseverantia: & ut in Chronicis legitur ex quolibet horum ordine multi lapsi, ac damnati sunt.

387. Neque tandem aliquis sibi de prædestinatione blandiatur ob virtutem miraculorum, aut prophetiam, vel aliam similem gratiam gratis datam tantum, quia de his Saluator *Matth. 7. 22. inquit, Multi dicent mihi in illa die, Domine, Domine, nonne in nomine tuo prophetauimus, nonne in nomine tuo demonia eiecimus, & in nomine tuo multas virtutes fecimus? Et ego confitebor illis; quia numquam novi vos; discedite à me, qui operamini iniquitatem.*

388. Omnis ergo fidelis cuiuscumque status, gradus, conditionis, professionis, ac virtutis sit,

ti-

Ex vocatione ad fidem non concluditur prædestinatio necessaria.

Neque ex sola observantia mandatorum Dei, &c.

Neque ex consiliorum quoque observantia.

Neque ex gratis datis.

timeat cum vase electionis Paulo, ne cadat; & indeò cum eodem *in timore, ac tremore suam salutem operetur, ne reprobus efficiatur*, idest ne cadat in fine. At nihilominus, si fidelis videt, se pro posse, obseruare Dei, & Ecclesiæ mandata, & si quando ex fragilitate labitur, per Sacramentum poenitentiae curat surgere; viderque se inclinatum ad opera pietatis in Deum, & ad opera misericordiae in proximum; & quantum potest in eis se exerceat; timeat quidem, ne in fine cadat, sed confidat, & speret in Deo, *qui non permittet tentari supra posse, sed faciet cum tentatione pronentum*, ex 1. Corinth. 16. 13.

Qui autem præter mandatorum Dei, & Ecclesiæ custodiam, amplectitur Euangelica consilia, aut mysticam exercitationem, timeat quidem cum Paulo, ne cadat in fine; at maiori cum fiducia confidat, ac speret in Deo, quòd ex sua misericordia id non permittet, sed quòd *Deus omnis gratiae, qui capit, perficiet, confirmabit, solidabitque*, ex 1. Petri 5. 10. & cum eodem

finem huic Capiti, & Opusculo

imponam dicens, *ipsi gloria,*

& imperium in secula

seculorum.

Amen.



Quisque quantumvis bonus timere debet, ne cadat.

Timere quidem debet fidelis; sed considerare etiā, & sperare in Domino.



OPVSCVLVM SECVNDVM.

DE REPROBATIONE MALORVM.

CAPVT PRIMVM.

De nomine, & significato Reprobationis, eiusque definitione.

I.



Du. quòd, tam apud prophanos, quàm apud Ecclesiasticos authores, ipsosque Sacre Scripturę interpretes hoc verbum *reprobo* significat abiectionem, seu abhominacionem, vel exclusionem, ac reiectionem alicuius rei,

quam quis non vult: ita Cicero 4. *Acad. & lib. I de Fin.* In Sacro Textu pluries reperitur vsurpata hæc significatio. Nam psalm. 119. prædicitur Christi Domini abiectio, & oppressio à Iudæis facienda his verbis, *Lapidem, quem reprobauerunt edificantes, hic factus est in caput Anguli.* Quem Textum de se loquentem adducit Saluator, *Matt. 8. & Luca 10.* dicens, se à Senioribus reprobandum; quod quidem accidit, vt notum est, & Petrus epist. 1. cap. 2. 3. de eo inquit, *ab hominibus quidem reprobatum.* Item cuiuscunque malæ rei confuta-

Reproba-
re generali-
ter signifi-
cat, abij-
cere.

futatio, seu condemnatio dicitur reprobatio. Psalm. 12. de Deo dicitur, *reprobat cogitationes populorum, & reprobat consilia Principum*: Et 1. Corinth. 1. 19. *Prudentiam prudentum reprobo*, & psalm. 117. *Nationem filiorum tuorum reprobaui*. Videndum modò est, an verbum istud videatur vsurpatum in Scriptura pro actu illo voluntatis diuinæ, quo ab æterno Deus ratione alicuius mali præiudici in aliquibus creaturis rationalibus, siue Angelis, siue hominibus eas odio habens ob malum illud, eas destinauerit ad æternum supplicium, & hæc destinatio in Sacro Textu dicatur *reprobatio*: his præmissis.

2. Dico 1. Quamuis in Sacro Textu non habeamus verbum, *reprobo*, significans exclusionem aliquorum hominum à Regno Cœlorum, & destinationem, seu deputationem eorundem ad pœnam æternam, à Deo ab æterno factam; habemus tamen æquiualentia verba hoc totum significantia; quæ Sancti Patres, Ecclesiæ Doctores, omnesque Theologi vertunt, dicentes, *reprobationem*. Singulæ partes probandæ sunt.

3. Prob. prima pars. Nullus adduci potest Textus Canonicus, in quo de verbo hoc *reprobo* sit mentio, vt significante exclusionem à Regno Cœlorum, & damnationem ad æternas pœnas à Deo ab æterno factam. Omnia enim loca, quæ supra adduxi, si de Deo loquuntur, significant exclusionem, seu eiectionem à re aliqua in tempore factam; non verò eiectionem, seu exclusionem creaturarum rationalium à vita æterna, cum destinatione ad mortem æternam, vt cuilibet legenti patet. Cum enim, inquit, David, *reprobat cogitationes populorum, et reprobat consilia Principum*, non facit ad rem nostram; quia non loquitur de

In Sacra-
Scriptura
idem signi-
ficat.

Licet hoc
verbum,
pro condē-
natione v-
surpatum,
non habeat
in Scri-
ptura, ta-
men æqui-
ualens ha-
betur.

Pars pri-
ma proba-
tur, quia
in Sacra-
Scriptura
non reperi-
tur.

repro-

reprobatione hominum ab æterna gloria; neque cùm dicitur ex 1. Corinth. 1. *Prudentiam prudentum reprobo*. Neque cùm Ecclesiasti 9. 12. dicitur, *Speciem mulieris alienæ multi admirantes, reprobi facti sunt*. Neque cùm Rom. 2. 28. aut, 2. Corinth. 13. 5. 6. ac 7. aut 2. ad Timot. 3. 16. aut Hebr. 6. 9. fit mentio de reprobatione, ac reprobis vniquam sumitur pro actu illo, quo ab æterno Deus aliquos exclusit à gloria, & ob præiusta demerita destinauit ad pœnam eternam. Nec aliud assignari potest locus in Sacra Scriptura, in quo sub hoc nomine, actus ille Dei, quo excludit à gloria, & destinat ab æterno ad pœnas dicatur reprobatio.

4. Neque facit ad rem locus 1. Corinth. 9. 22. vbi ait Apostolus, *Castigo corpus meum, & in seruitutem redigo, nè fortè cùm alijs predicauerim, ipse reprobus efficiar*. Quia intelligitur de temporali exclusionem à gloria, & à gratia per peccati commissionem.

5. Prob. Secunda pars, quòd æquiualentibus verbis in Sacra Scriptura reperiat *reprobatio* malorum hominum cum destinatione eorum ad pœnam, sic. Deus odit malos, seu peccatores non ratione naturæ, quia de eo dicitur Sap. 11. 15. *nihil odisti eorum, quæ fecisti*, sed ratione peccati Psalm. 1. *odisti omnes, qui operantur iniquitatem, perdes omnes, qui loquuntur mendacium*. Ecclesiastici 15. 13. *Omne execrumentum erroris odit Dominus*. Psalm. 44. *Dilexisti iustitiam, & odisti iniquitatem*. Ecclesiastici 12. 7. *Altissimus odio habet peccatores, & impijs reddet vindictam*. Malachia 1. 3. dicit Dominus, *Nonne Esau frater erat Iacob, & dilexi Iacob, Esau autem odio habui*, quo loco utitur Paulus Rom. 9. 13. loquens de homi-

num

Omnia loca Sacre Scripturæ afferuntur, quæ hoc nō significant

2. pars. quòd æquiualentia verba habentur in Sacra Scriptura.

num electione, & aliorum reprobatione, antequam nati sint, *cum enim nondum nati fuissent, aut aliquid boni egissent, aut mali, ut secundum electionem propositum Dei maneret, non ex operibus, sed ex vocante dictum est, quia maior seruiet minori, sicut scriptum est, Iacob dilexi, Esau autem odio habui: &c.*

6. Igitur, cum Deus ab æterno odio habuerit peccatores, & ab æterno antequam nascerentur, aut operarentur malum; ex tunc præiudicatos eos malum finaliter operaturos, ex tunc eos pœna æterna dignos iudicauit, & ad eam ipsos destinauit: omnia enim Dei decreta circa creaturas, siue ad bonum, siue ad malum pœnæ, tam temporalis, quam perpetuæ ab æterno sunt facta; ut latè diximus cum S. Augustino in *Opusc. de Prædest. cap. 2. 3. 18. 19.* Sequitur ergo, quòd quamuis non reperiatur in Sacra Scriptura exclusio aliquorum hominum à gloria, cum destinatione ad pœnam sub vocabulo *reprobationis*; habetur tamen sub alijs vocabulis, quæ rem significant eandem.

7. Prob. tertia pars ex solo intuitu inscriptionum omnium Ecclesiæ Sanctorum, ac Doctorum, qui de hac materia loquuntur; omnes enim appellant *reprobationem* actum illum, quo Deus ab æterno peccatores aliquos præiudicatos in peccato decessuros, ad æternam pœnam destinauit, quorum historia patebit ex dicendis in toto hoc opusculo. *Et Concil. Valent. 2. cap. 3.* statuit per demeritorum præscientiam Deum reprobasse peccatores.

8. Dico 2. reprobatio Theologica, seu diuina sic potest definiri, *Reprobatio est æternum decretum, seu iudicium diuinum, quo Deus ob demeri-*

Loca Scripturæ significantia reprobationem malorum.

Omnes SS. & Doctores hoc vocabulo vtuntur.

Ex Concil. Valent. 2.

Definitio reprobationis.

merita indicat creaturam rationalem indignam vita æterna, & dignam pœna æterna, siue damni tantum, siue damni, & sensus ob peccatum finaliter in ea permanens.

9. Prob. & declaratur: dicitur decretum, seu iudicium diuinum, quia Deus iudicat aliquos dignos præmio, vel pœna, & nemo præter eum habet potestatem dandi æternum præmium, aut supplicium: dicitur æternum iudicium, quia ab æterno facta est reprobatio, sicut ab æterno facta est prædestinatio, vt de secunda dictum est in præced. Opusc. & de prima dicitur in cap. seq. Dicitur, *quo indicat creaturam rationalem*; quia sola ista, siue Angelica, siue humana capax est præmij, ac supplicij, cum sola ista sit capax meriti, ac demeriti illorum. Dicitur *indignam vita æterna*; quia per reprobationis iudicium ab ea excluditur. Dicitur, *& dignam pœna æterna*, quia ad eam destinatur, *ibunt iniusti in ignem æternum*. Dicitur, *siue damni tantum*, propter paruulos decedentes sine remedio contra originale, quod erat in duplici Veteri lege, cui successit baptisumus in noua lege, hi enim ad pœnam damni tantum damnantur, vt communiter docetur, licet S. Augustin. aliquam etiam sensus, licet mitissimam, in eis agnoscat. Dicitur, *siue damni; siue sensus*, propter adultos, qui ob peccata propria etiam damnantur, siue habeant originale, siue careant illo. Dicitur *ob peccatum*, quia iustus est Dominus, & non damnat, vt postea dicam sine demerito: Dicitur, *finaliter permanens*, quia Eccles. II. 3. *ubi ceciderit lignum, ibi erit*. Siue sit solum originale, siue hoc cum personalibus, siue sint peccata personalia siue originali, & remissa non sint, sed adsunt in decedenti, propter hæc præuisa re-

pro-

Est decre-
tum, seu iu-
dicium Dei

Æternum,
quia ab æ-
terno fa-
ctum.

De indi-
cniis vita
æterna.

Ad pœnam
damni, vel
etiam sen-
sus.

Ob finale
peccatum.

probatus fuit . Dicitur ob demerita , quia, vt infra dicitur , sic Deus reprobauit .

CAPVT II.

An malorum reprobatio ab æterno sit facta .

10. **A**Du. quòd vt clarè , & distinctè in materia (quamuis omnibus exosa) procedamus , priùs de facto discurrendum est , postea de modo , ac de motiuo faciendi ; idest priùs , an Deus reprobauerit aliquos , & quando ; postea , an , & ex quo demerito ; deinde consequenter de causa finali , cur scilicet aliquos voluit reprobare ; & tandem de effectibus reprobationis , & alijs quibusdam accessorijs .

11. Dico ergo. Malorum, qui damnantur, reprobatio, seu exclusio ab æterna vita, & destinatio ad æternam pœnam , facta est à Deo ab æterno .

12. Prob. 1. Executio huius exclusionis à vita æterna , & immissio ad æternam pœnam quoad animam fit in tempore mortis , quo verò ad corpus , & animam simul fiet in finali , ac vniuersali iudicio, cùm dicet Saluator , *Ite maledicti in ignem æternum, qui paratus est Diabolo, & Angelis eius.* ; ergo decretum huius facti exequendi , factum fuit ab æterno . Consequ. prob. ex D. Augustino , cui in hoc nullus Theologorum contradicit ; id enim de omni decreto Dei de agendis in tempore dicit ; in epistola enim 106. ait, *No- uit quippe Deus quid agat , & quantus numerus esse debeat , primitus omnium hominum , deindè Sancto- rum , sicut syderum , Angelorum , atque vt de terre- nis loquamur, sicut pecorum, piscium, & volatiliu;*

Ordo pro-
cedendi .

Ab æterno
facta est ma-
lorum re-
probatio.

Omnia
Deus ab æ-
terno de-
creuit .

E c

sicut

sicut arborum, & herbarum; sicut denique foliorum, & capillorum nostrorum: & in psalm. 138. dicitur, *Ecce tu Domine cognouisti omnia nouissima, & antiqua, & cogitationibus tuis non est, qui similis sit tibi.* Omnes autem interpretes huius psalmi, docent Deum omnia futura ab eterno decreuisse, ac pręuidisse; scientia enim Dei cōgna, & cōterna est Deo, & nihil noui temporaliter potest ei accidere. S. August. ad *Simplicianum lib. 2. qu. 2.* & de *Ciuit. lib. 11. cap. 21.* inquit, quod Deus eodem modo semper cognoscit omnia, tam pręsentia, quàm pręterita, & futura; *Neque aliter nouit facta, quàm fienda,* Ideoque, cum cognoscat aliquos eterna pœna fore plectendos, cognoscatque ab eterno, neque illi ea pœna essent plectendi, nisi ad eam Deus ipse illos addixisset, & condemnasset; sequitur euidenter, quod ex tunc iudicium illud condemnationis fecerit.

13. Prob. 2. paritate Prædestinationis. Hęc enim vt in antecedenti Opusc. visum est ab eterno facta fuit, cum scilicet post pręuisionem peccati Adę, & totius humani generis cum eo lapsi; *quia in eo omnes peccauerunt*, Deus ex tota illa massa perditionis ex sua misericordia, aliquos discreuit ordinando ad gloriam, alios verò ex iustitia reliquit in massa illa perditā, quorum aliquos ex suo inscrutabili iudicio decreuit permittere, vt in originali, & infantili vita decederent, & ad eternam damni pœnam damnauit: alios verò permittere, vt in adulta, alios in adultiore; alios vsque ad senectam viuere, & permittere, vt suo libero arbitrio cum gratia tamen sufficienti, (vt dicam postea) viuerent; & vidit peccaturos fore magis, vel minus, & in peccato decessuros; & hos ad eternam pœnam damni, & sen-

Ex paritate
re prædesti-
nationis.
quæ ab eter-
no facta
est.

fus aliquibus maiorem, alijs minorem pro criminum gravitate, ex tunc damnauit. Et hic est (vt infra dicemus) secundum Augustinam reprobationis ordo.

14. Prob. ex S. Prospero in resp. ad 15. Galorum capitulum. *Dubium non est sine vlla temporali differentia Deum, & prescisse simul, & prae destinasse, quae ipso erant authore facienda, vel quae malis meritis iusto erant iudicio retribuenda. Ergo vtrumque ab aeterno factum est.*

Ex S. Prospero.

15. Prob. ex S. Fulgentio in lib. de Veritate, Praedestinationis, & Gratiae, dicente, Deus, sicut numquam futurarum rerum fuit inscius, ita nec misericordiae, aut iudicii sui fuit ignarus, sed sicut semper omnia futura bona, & mala praesciuit; sic omnia opera gratiae, & iustitiae suae incommutabili praedestinatione disposuit. Et infra. Non solum ea disposuit, quae ipse gratis, quibus vellet, donaret, vt bonus; verum etiam illa, quae & bonis, & malis redditurus esset, vt iustus: ab aeterno ergo facta est electio bonorum, & reprobatio malorum. Neque de hoc vllus dubitauit; sed de modo, ac ordine, & motibus vtriusque diuini decreti.

Ex S. Fulg.

C A P V T III.

Quanam sit efficiens causa reprobationis malorum.

16. **A** Du. quod quaesitum hoc multa comprehendit distinctè discutienda. Primum est, an intellectus, vel voluntas Dei, vel vtraque potentia sit causa efficiens reprobationis. Secundum est, an Deus absoluta sua voluntate, nullo habito ad demeritum respectu, efficienter repro-

Multa comprehendit
hoc quaesitum, & quae

bauerit; an verò supposita demeriti præsciëntia: et de hoc discurremus in sequenti capite cōtra Calvinum. Tertium est, an equaliter Deus omnes malos reprobet, vel aliquem ordinem seruet. Quartum, an ante, vel post præuisionem lapsus Adæ inficientis totum humanum genus, reprobauerit malos ab æterno. Quintum, an ante, vel post præuisionem vltimi peccati Adultorum. Hęc, & alia his affinia essent discutienda pro adęquata huius quęstiti solutione: quia tamen prolixa, & confusa nimis euaderet solutio; aliqua hęc, aliqua infra erunt explicanda.

17. Dico ergo primò. Licet intellectus diuinus præsuppositiuè per scientiam malorum reprobatorum concurrat ad eorum reprobationem; tamen causa efficiens illius est Dei voluntas, qua aliquos excludit à vita æterna, & destinat ad penam æternam.

18. Prob. prima pars. Ex ordine, quem in operando inter se genericè sumptę seruant istę potentię, *nihil enim volitum, quin præcognitum*. Et sicut prædestinatio prærequirit præsciëntiam eorum, qui prædestinandi sunt, ita & reprobatio: immò vtręque actio ab Augustino appellari sæpè solet præsciëntia, & eò magis, quia potentię istę in Deo sunt realiter idem; ideòque, sicut omnis Dei actio ad extra requirit intellectum, ac voluntatem, sic & reprobatio.

19. Prob. secunda pars, primò. Omnia, quę à Deo fiunt, aut fient ad extra, cū sint cōtingentia, ab eius voluntate pendent; *omnia enim quęcumq; voluit fecit in Cælo, & in terra, in mari, & in omnibus abyssis. Psal. 134.* Secundò ad casum nostrum, prob. ex Rom. 9. vbi Paulus ex Malachię 1. electionem Iacob, & reprobationem

Esau

Voluntas
diuina est
causa efficiens
reprobationis.

Omnia
creata à
Dei voluntate
pendent.

Eſau ſic refert à Deo reuelatam illi Prophetæ .
*Cum enim nondum nati fuiſſent , aut aliquid boni e-
 giſſent , aut mali (vt ſecundum electionem Dei pro-
 poſitum maneret) non ex operibus , ſed ex vocante
 dictum eſt , Iacob dilexi , Eſau autem odio habui .*
 Eligere autem, & odio habere ſunt actus voluntatis ; ergo . Terriò idem Apoſtolus ibidem ad idẽ
 probandum refert dictum Dei reuelatum Moïſi
 Exodi 33. 20. *Miſerebor cui voluero, & clemens e-
 ro in quem mihi placuerit ; & ipſe Paulus ſubdit ,
 igitur non volentis , neque currentis , ſed miſerentis
 eſt Dei . Dicit enim Scriptura Pharaoni, quia in hoc
 ipſum excitavi te, vt oſtendam in te virtutem meam,
 & vt annuncietur nomen meum in vniuerſa terra .*
 Ecce quòd omnia bona , vel mala pœnẽ in crea-
 turis rationabilibus à Dei voluntate pendent ; i-
 deò concludit, ergo cuius vult miſeretur, & quem
 vult indurat . Poſtea facit contra ſe argumentum.
*Dicis mihi , quid adhuc queritur ? Voluntati enim
 eius quis reſiſtit ? Reſpondet, ò homo tu quis es, qui
 reſpondeas Deo ? Numquid dicit figmentum ei , qui
 ſe finxit quid me feciſti ſic ? An non habet poteſtatem
 figulus lutì ex eadem maſſa facere aliud quidem vas
 in honorem, aliud verò in contumeliam ? quod ſi Deus
 volens oſtendere iram , & notam facere potentiam
 ſuam ſuſtinuit in multa patientia vaſa iræ apta in-
 teritum , vt oſtenderet diuitias gloriæ ſuæ in vaſa
 miſericordiæ, &c. Ecce quomodo clarè docet Pau-
 lus, quòd electio aliquorum , & reprobatio alio-
 rum à Dei voluntate ſunt . An verò ex aliquo de-
 merito fiat reprobatio , an verò ex nullo demeri-
 to , ſed ex mera Dei voluntate volente homines
 perdere (vt impiè docuit Caluinus , malè intel-
 ligens S. Auguſtinum) in ſequenti capite videbi-
 mus .*

Alia Scri-
 turæ loca
 ad idem .

Clarè Pau-
 lus docet
 à Dei vo-
 luntate
 pendere
 prædèſtina-
 tionem, &
 reprobationem .

ex August.

Calvinus
malè intel-
ligit Au-
gustinum.

20. Prob. 2. Conclusio ex diuersis S. Augustini dictis. 1. *In epistola 105. Cur autem istum, potius liberet, quàm illum, scrutetur, qui potest iudiciorum eius tam magnum profundum; verumtamen caueat præcipitium.* At nota contra Calvinum, quòd Augustinus loquitur de tota hominum massa cum Adamo (*in quem omnes peccauerunt*) lapsa, non verò de hominibus in sua pura natura consideratis, quasi aliquos ex eis sine vlla penitus culpa voluerit perdere. Nam in *lib. 1. ad Bonif. cap. 20.* inquit, *iam quomodo ista dispenset faciens alios secundum meritum vasa iræ, alios secundum gratiam vasa misericordiæ; quis cognouit sensum Domini, aut quis consiliarius eius fuit?* Sed de hoc argumento diffusè loquemur in cap. sequenti; sufficit nunc scire, quòd non ex fato, neque ex naturali necessitate homines sint reprobi; sed ex Dei voluntate efficienter ex aliqua tamen culpa saltim originaliter, saltim radicaliter, vt postea dicetur.

21. Confirmatur ex eodem in *lib. de Prædest. Sanct. cap. 8.* vbi supponens, quòd Deus ex hominibus lapsis ob Adæ peccatum, aliquos liberet, non alios, dicit, *Cur autem istum potius, quàm illum liberet, incomprehensibilia sunt iudicia eius, & inuestigabiles viæ eius. Melius enim, et sic audiuius, et sic dicimus, ò homo tu quis es, vt respõdeas Deo? quã dicere audeamus, quasi nouerimus, quòd occultum esse voluit, qui tamen aliquid iniustum velle non potuit.* Igitur voluntas Dei (supposita præuisione lapsus omnium hominum cum Adamo) est causa efficiens, tam prædestinationis ex misericordia, quàm reprobationis ex iustitia. Cur verò, cum illis vtatur misericordia, & cum istis iustitia, nulli hominum reuelatum est; neque Apostolus nobis causam manifestauit, sed clamauit,
homo

homo tñ quis es, vt respondeas Deo? vt supra dictum est. Voluntas tamen Dei reprobauit, & ex motiuo iustitiæ id fecit; cur autem in hos, non in illos iustitiam voluit exercere, hoc est ignotum, & incompræhensibile; quòd verò ex iustitia fecerit, iam reuelatum est, vt Paulus innuit Rom. 9. vt patuit.

22. Confirmatur 2. ex eodem lib. 2. de pecc. mor. &c. cap. 18. vbi inquit, *Quare autem illos velit conuertere, illos pro auersione punire; quamquam, & in beneficio tribuendo, nemo iustè reprehendat misericordem, & in vindicta exercenda nemo iustè reprehendat veracem, nempè iustum; consilium tamen occultioris iustitiæ penes ipsum est. Ad voluntatem ergo Dei iustè operantis refert sententiam reprobationis.*

23. Confirmatur 3. ex eodem Augustino, qui sæpè tam electionem ad gloriam, quàm destinationem malorum ad pœnam appellat prædestinationem à Dei voluntate procedentem. Tract. 100. in Ioann. ait, *Deus amat suum in vitiosis salvationis beneficium, vel damnationis iudicium. In lib. 1. de anima cap. 11. dicit. Benè vtens & malis tamquam summè bonus, ad eorum damnationem, quos iustè prædestinauit ad pœnam: in tractat. 107. ait, filius perditionis dictus est traditor Christi, perditioni prædestinatus: in tract. 110. inquit. Nec cum hoc mundo damnemur. Pro isto mundo non rogat, neque qui sit prædestinatus ignorat. In lib. Iudicum, quæst. 40. ait, Inimici omnino penis gehennæ prædestinati, vbi erit fletus, & stridor dentium. Patet ergo, quòd sicut electio aliquorum ad gloriam, quæ dicitur prædestinatio ad vitam, est à voluntate diuina misericordiam exercente; ita reprobatio aliorum, quæ est prædestinatio ad mortem,*

Alia plura
August. lo.
ca ad pro-
bantia.

Interdum
reprobationem
August. appel-
lat præde-
stinationē
ad pœnam.

tem, ac supplicium æternum ab eadem diuina est voluntate. An verò ex delicto hominum, vel ex absoluta Dei voluntate volente homines perdere, in sequenti capite dicitur.

CAPVT IV.

An Deus ex mera sua voluntate, sine motiuo culpæ, homines reprobauerit, vel peccata reproborum efficaciter voluerit.

24. **A**Du. Ioannem Caluinum Hæresiarcam, huius sententiæ impię fuisse Authorem, quòd nempe Deus absoluto suo decreto absque ullius culpæ præuisione homines reprobauerit, & ad æternam pœnam destinauerit; immò, & decreto pariter absoluto, omnia hominum peccata etiam quoad culpam decreuerit; & tandem quòd homines, & absoluta necessitate reprobi nascantur, & absoluta necessitate peccent. Id docuit in suis institutionibus lib. 3. cap. 12. per totum, & in §. 5. ait, *Prædestinationem, qua Deus alios in spem vitæ adoptat, alios adiudicat æternæ morti, esse decretum æternum, quo apud se constitutum habuit, quod de vnoquoque homine fieri vellet:* in §. 6. inquit, *Deum nutu, consilioque suo ordinasse, ut inter homines nascantur ab vtero certę morti deuoti, qui suo exitio ipsius nomen glorificent, nec alia ratione, ea quæ futura sunt, præuidet, nisi quia ita ut fierent, decreuit:* in §. 7. dicit, *Decretum fuisse à Deo, ut sua defectione periret Adam, & eorum frigidum esse commentum, qui dicunt liberi arbitrij fuisse, ut fortunam ipse sibi fingeret, Deum verò nihil destinasse, nisi, ut pro merito eum tractaret.* Postea dicit, quòd eodẽ Dei absoluto decreto factũ est, ut

om-

Impiẽ Caluinus docet Deum, sua mera voluntate homines reprobasse & peccata eorum decreuisse.

Blasphemiz multę Caluini.

omnes homines inimici illius nascerentur, & insultat Theologos Catholicos, qui pro omnibus hominibus concedunt hoc absolutum decretum, & non pro Adamo, his verbis. *Quid eos prohibet fateri de vno homine (idest Adamo) quod inuiri de toto humano genere concedunt? Cunctos mortales in vnus persona morti aeternae mancipatos fuisse Scriptura clamat. Vnde factum est, vt tot gentes vna cum liberis suis infantibus aeternae morti inuolueret lapsus Adæ absque remedio?* subdit postea, *Decretum horribile, fateor, inficiari tamen nemo poterit, quin præsciuerit Deus, quem exitum habiturus esset homo antequam ipsum conderet; & idèd præsciuerit; quia, decreto suo sic ordinarat.* Tandem inquit, *lapsus est primus homo, quia Dominus ita expedire censuerat. Cur censuerit, nos latet.* Hæc est summa huius capitis de errore Caluini, qui docet, Adamum non peccasse suo libero arbitrio, & cum eo omnes homines, vt Paulus docet, Deo permittente; sed dicit, quòd Deus voluit efficaciter, vt ipse peccaret, & cum eo omnes illius peccato voluit esse inuolutos, nullo habito respectu ad voluntariam, & liberam transgressionem Adæ; & sic voluisse absolutè reprobationem multorum: Quam sententiam Calvinistæ veri mordicè defendunt, & gloriuntur, quòd in hoc sequantur S. Augustinum: Idèd Anglus quidam, non multis ab hinc annis, de hac materia pro Caluino librum sic prætitulauit, *Doctrinæ Ioannis Caluini de absoluto reprobationis decreto, defensio.* Et alijsin locis impiè etiam docet, Deum velle efficaciter omnia reprobatorum peccata, & facere, vt ea faciant, & excæcare eos, ne lumen veritatis videant; hoc autem facere per Sathanam, tamquam ministrum, ipsum verò Deum esse causam efficientem erro-

Calvinus
Catholicos
deridet
Theologos

Calvinus
docet Deū
efficaciter
voluisse,
quòd Adā
peccaret.

ris, sicut in bonis est causa efficiens actuum bonorum; & Charitatis. Hoc posito

25. Dico. Deus non reprobauit homines absoluto decreto nullo habito respectu ad culpam, aliquam, quasi ex suo libito voluerit homines ad æternam pœnam damnare. Est de fide.

26. Prob. 1. De fide est, Deum esse iustum, iudicem in præmiando, & puniendo; sed si modo Caluiniano reprobarer, non esset iustus iudex, ergo. Maior ex pluribus Scripturæ locis probatur psal. 10. *Iustus Dominus, & iustitias dilexit, æquitatem vidit vultus eius*: psal. 111. *Misericors Dominus, & iustus*: psal. 118. *Iustus es Domine, & rectum iudicium tuum*: psal. 144. *Iustus Dominus in omnibus vijs suis*; & alibi sæpè in omnibus libris canonicis Veteris Testamenti. Ex Nouo quoque multa desumi possunt loca; Ioan. 5. 10. *Iudicium meum iustum est*; & in ca. 7. 25. Christus hoc digno encomio Deum inuocat. *Pater iuste*, & c. 2. Timot. 4. loquens de premio sibi, & alijs Sanctis à Deo reddendo, inquit Apostolus, *reposita est mihi corona iustitiæ, quam reddet mihi Dominus in illa die iustus iudex*; non solum autem mihi, sed & ijs, qui diligunt aduentum eius. Ex epist. 1. Ioan. *fidelis, & iustus est Deus*. Apocal. cap. 15. *Iustæ, & veræ sunt viæ tuæ*. Idem replicatur in cap. 16. 5. & 7. & in cap. 19. 2. & quoniam Iob in suis tribulationibus in cap. 9. 23. dixerat, *Deus flagellat me sine causa*, acriter à Deo repræhenditur his verbis, *Condemnas me, vt tu iustificeris*. Hereticum ergo est iniustitiam in Deo admittere.

Min. primi argumenti prob. Si Deus reproba-
uit, & decreuit inferre pœnam æternam homini-
bus, absque præiusto demerito, & aliquibus ma-
iorem, alijs minorem, non esset iustus; quia iusti-

tia

Deus non
reprobauit
ex sua me-
ra volunta-
te, nullam
præiusta cul-
pa.

lura Scri-
pturæ loca
de iustitia
Dei.

tia est virtus ius suum vnicuique tribuens pro dignitate sua; & ideo de fide est, quod Deus reddet vnicuique secundum opera eius, psal. 61. etsi ergo Deus, vt absolutus Dominus posset omnes homines ad pœnas æternas damnare, vel annihilare, tamen, nec ita facit, nec ex Sacra Scriptura reuelatum habemus, quòd velit sic facere; sed habemus oppositum; & quòd non odit nos, nihil odisti eorum, quæ fecisti, Sap. 12. 23. & quòd non vult mortem peccatoris, sed vt conuertatur, & viuat; & quòd apud Deum non sit iniquitas, seu crudelitas, sed misericordia cum iustitia: misericordiam, & iudicium cantabo tibi Domine. Misericors Dominus, & iustus, & miserationes eius super omnia opera eius; & innumerabilia dicta his similia leguntur in sacro textu: si autem Deus, vt impiè dicit Calvinus, absoluto decreto, sine respectu ad culpam, homines reproballet, damnando ad æternam pœnam, & ad peccandum, vt eis pœnam infligeret, nulla in eo appareret misericordia, neque commutatiua, seu distributiua iustitia.

27. Prob. 2. Si Deus decreto absoluto voluit ab æterno aliquos perdere destinando, & ad æternam pœnam, & ad peccandum, tolleretur omnis humana libertas in eis; necessitate enim antecedenti compellerentur ad peccandum; sed hoc contra fidem est; quia Deus creauit hominem, & reliquit eum in manu consilij sui, &c. vt dictum est in Opusc. precedenti cap. 5. vbi egimus de libertate Prædestinatorum, de quibus maior est difficultas ob efficaciam auxiliorum, quæ illis ad rectè operandum conferuntur.

28. Prob. 3. ex S. Augustino in lib. 1. operis imperfecti cont. Iul. cap. 34. neque enim sub Deo iusto miser esse quispiam, nisi mereatur, potest. In

Ex Caluini doctrina. Deus non esset iustus.

Argum. ad impossibile ducens, quia homines necessitate compulsi peccarent.

Homo non esset liber.

lib.2.cont.Iul. cap. 7. inquit, *Iam tu responde, utrum Deus iustus nulli obnoxiam peccato imaginem suam priuare vita possit æterna? Et in lib.3.c.18.ait, Bonus est Deus, iustus est Deus. Potest aliquos sine bonis meritis liberare, quia bonus est; at non potest quemquam sine meritis damnare, quia iustus est. In lib. de vnitæte Trinitatis cap. 7. dicit. Non enim iustitia est apud Deum, vt damnet eos, qui omnino nihil peccauerunt. In lib.4.cont.Iul. cap.3. inquit, Deus namque ipse, quod absit, esset iniustus, si ad eius regnum verus non admittitur iustus, cum & ipsum eius regnum iustitia sit. Quomodo ergo excogitari poterit, quod sine vilo delicto, aliquos ad æternam pœnam irremissibiliter damnare voluerit?*

29. Dico 2. Falsum, & impium est dicere, quod Deus, vt aliquos ad pœnam æternam damnet, sua efficaci, & antecedente voluntate velit, vt mortaliter peccent, & quasi compellat eos ad peccandum, & in finali peccato decedant: est contra Caluinum, qui in lib.2.Instit. cap.4. ait, *Sathanam non nisi Dei imperio agere. Indurandi Verbum, cum Deo in scripturis tribuatur, non solum permissionem (vt volunt diluti quidam moderatores) sed diuinæ quoque iræ actionem significat, nam res omnes externæ, quæ ad excacationem reproborum faciunt, illius iræ sunt instrumenta; Sathan autem ipse, qui intus efficaciter agit, ita est eius minister, vt non nisi eius imperio agat; & in cap. 17. inquit, reprobos peccare, vt Dei iussa exequantur, eique obsequi præsent: Et sic facit Deum authorem peccatorum in reprobis. Contrarium huius blasphemie teneo.*

20. Prob. ex Concil. Trid. sess.6. can. 6. qui contra Caluini Dogma fuit formatus. *Si quis dixerit*

Ex Augusti
no pluri-
bus in locis

Impium est
dicere,
quod Deus
efficaciter
faciat ho-
mines pec-
care.

Contra Cal-
uinum.

xerit non esse in potestate hominis vias suas malas facere; sed mala opera, ita ut bona Deum operari, non permissiue solum, sed etiam proprie, & per se, ad eum sit proprium eius opus, non minus proditio Iudæ, quam vocatio Pauli, anath. sit. Hoc idem fuerat decretum in Concil. Araus. 2. circa finem. Idem, Concil. Trid. sess. 6. can. 17. Anathema pariter dicit, eum, qui dixerit Deum prædestinasse homines ad malum.

Ex Concil.
Trid Deus
non facit
peccata, sed
permittit
tantum.

21. S. August. sæpè eiusmodi blasphemiam impugnaverat. Nam in lib. 13. de Trinit. cap. 12. dixit. Modus iste, quo traditus est homo in Diaboli potestatem, non ita debet intelligi, tamquam hoc Deus fecerit, aut fieri iusserit; sed quia tantum permiserit, iuste tamen. In lib. 5. cont. Iul. cap. 4. habet. Nos certè si eos; in quos, nobis potestas est, ante oculos nostros perpetrare scelera permittamus, rei cum ipsis erimus. Quam verò innumerabilia ille (idest Deus) permittit fieri ante oculos suos; quæ utique si noluiſſet, nulla ratione permetteret; & tamen iustus; & bonus est, & quod præbendo patientiam, dat locum pœnitentiæ, nolens aliquem periire: & infra explicans illud Rom. 14. tradidit eos in passionem ignominie, dicit, hoc, facere permittendo, miris, & ineffabilibus modis. Qui non facit voluntates malas; sed utitur eis, ut voluerit, cum aliquid iniquè velle non possit.

Ex Auguſt.
sæpè.

22. In Epist. 89. ait, Dictum est, ne nos inducas in tentationem, quod intelligitur, ne nos inferri deferendo permittas. In lib. 2. de peccat. mort. & remiss. cap. 19. inquit, extolli quippe in superbiam propriæ voluntatis est hominum, non operis Dei. Neque enim ad hoc eos compellit, aut adiuvat Deus.

Deus non
facit homi-
nes pecca-
re, sed per-
mittit eos
ut libero
arbitrio.

23. Præterea idem S. Doctor in responsione ad articulos sibi falso impositos, ad 10. qui continebat,

S. August.
acriter im-
pugnat
hoc falsum
dogma.

tinebat, quod adulteria, & corruptiones virginum sacrarum idè contingant, quia illas Deus ad hoc prædestinavit, vt caderent, sic responder. *Detestanda, & abominanda opinio est, quæ Deum cuiusquam malæ voluntatis, aut malæ actionis credit authorem, cuius prædestinatio numquam extra iustitiam est. Non ergo casus ruentium, neque malignitatem iniquorum, neque cupiditates peccantium prædestinatio Dei, aut excitavit, aut suavit, aut impulit.*

24. Item in lib. de Gen. ad lit. vnico imperfecto cap. 5. docet, *Deum non esse Authorem vitiorum nostrorum, sed ordinatorem, cum eo loco peccatores constituit, & ea perpeti cogit, quæ merentur. Quædam ergo, & facit Deus, & ordinat; peccatores autem, vt peccatores sunt, non facit, sed ordinat tantum. Idem S. August. lib. 83. qu. 71. & in lib. de Prædestinatione Dei cap. 4. inquit. Deus nullius mali est author, sed totius boni author est.*

Argumen-
contr.

Objici potest contra hanc secundam Conclusionem primò, ex Thessal. 2. cap. 2. *mittet illis (idest reprobis) Deus operationem erroris, vt credant mendacio; igitur est in aliquibus author peccati.*

25. Resp. ex S. August. de Ciuit. lib. 20. cap. 19. *Nec dubitavit Apostolus addere, & docere, mittet illis Deus operationem erroris, vt credant mendacio; Deus enim mittet, quia Diabolum facere ista permittit, iusto ipse iudicio, quamuis faciat ille iniquo, malignoque consilio. Permittit ergo Deus, vt Diabolum, caro, mundus, & mali homines etiam bonos tentent, & permittit interdum, vt vtrique suo libero arbitrio ad malum etiam vtantur, vt ex Psalm. 80. 13. Deus ostendens, quod non deferit hominem, nisi deferatur, & idè permittit homines peccare, ait, Et non audiuit populus meus vo-*
cem

Ex S. Aug.
Deus per-
mittit, vt
homo utatur
libero
arbitrio in
malum.

cem meam , & Israel non intendit mihi , & dimisi eos secundum desideria cordis eorum , ibunt in adinventionibus suis . At non propterea Deus ipse in illis peccatum facit, aut præcipit, vt faciant, aut cum eis operatur ad faciendum, licet ex natura suæ omnipotentiae , qua cum omni creatura ad earum actiones concurrat , etiam cum peccatoribus ad materiale peccati concurrat , non ad formale .

Obijci potest 2. illud Rom.9. vbi, cùm adduxisset similitudinem figuli , quòd Deus quosdam homines facit vasa honoris in misericordiam, quosdam verò vasa contumeliæ in iustitiam, & iram , exemplificans de secundis, inquit. *Dicit enim Scriptura Pharaoni . Quia in hoc ipsum excitavi te, vt ostendam in te virtutem meam , & vt annuncietur nomen meum in vniuersa terra .* Notorium autem est in Sacro Textu , quomodo Deus excitauit Pharaonem in crudelitate contra populum Israeliticum deferendo eum, indurando cor eius, cùm videret tot mirabilia; in libro enim Exodus à capite 4. vsque ad 14. per quindecim vices refertur, quòd Deus dixerit , *indurabo cor Pharaonis , & quòd induratum fuerit cor Pharaonis* (qui Cencres vocabatur:) ergo Deus videtur fuisse principalis author peccatorum Pharaonis . Et sic dici potest de alijs , qui à Deo deferuntur , & obdurantur, ac obcecantur .

26. Resp. primò , quòd argumentum esset soluendum *in tract. de concursu Dei cum creaturis , & in tract. de auxilijs*, vt faciam in Opusc. 3. Aliqua etiam dicam infra in *cap. 6. de effectibus reprobationis* , vbi loquar de hac permissione ad peccandum . Pro nunc verò cum vno tantum , sed Angelico Doctore ad hoc argumentum de de-

Ex Apost.
argum.

Deus indu-
rat, vt pa-
ret de Pha-
raone .

fer-

Responſio
x S. Tho-
ma .

fertione, induratione, ac permiſſione Dei, vt quis peccet, reſpondebo . S. Thom. in Comment. Epiſt. ad Rom. leſt. 3. declarans præfata verba, *Quia in hoc ipſum excitauit te*, vt oſtenderem in te virtutem meam, dicit, *Quod quidem non eſt intelligendum hoc modo, quòd Deus in homine cauſet malitiam; ſed eſt intelligendum permiſſiue; quia ſcilicet ex inſto ſuo iudicio permittit aliquos ruere in peccatum propter præcedentes iniquitates, ſicut ſupra primò dictum eſt, Tradidit eos Deus in reprobum ſenſum: ſed aliquid aliud videtur mihi in hoc ipſo intelligendum, quia inſtinctu quodam interiori mouentur homines à Deo ad bonum, & ad malum; Vndè Auguſtinus dicit in lib. de Gratia, & libero arbitrio cap. 20. quod Deus operatur in cordibus hominum ad inclinandum eorum voluntates quòcumque voluerit, ſiue ad bonum pro ſua miſericordia, ſiue ad malum pro meritis eorum. Vndè Deus dicitur ſapius ſuſcitare aliquos ad bonum; dicitur etiam ſuſcitare aliquos ad malum. Nam ad bona inclinatur hominum voluntates directè, & per ſe, tamquam author bonorum, ad malum autem dicitur inclinare, aut ſuſcitare homines occasionaliter in quantum ſcilicet Deus homini aliquid proponit, vel interius, vel exterius, quod quantum eſt de ſe eſt inductiuum ad bonum, ſed homo propter ſuam malitiã peruerſè vtitur ad malum, &c. & ſimiliter Deus quantum eſt de ſe inſtigat hominem ad bonum, puta Regem ad defendendum iura regni ſui, vel ad puniendum rebelles; ſed hoc inſtinctu bono malus homo abvtitur ſecundum malitiã cordis ſui; & hoc modo circa Pharaonem accidit, qui cum à Deo exaltaretur ad Regni ſui tutelam abuſus eſt hac excitatione in crudelitatem.*

Optima quidem in hoc, & ſimilibus caſibus Sancti Thomæ ſpeculatio, quando nempe materia,

Quomodo
ex S. Tho-
ma Deus
permittit
peccata.

ria, ad quam excitatur homo, est capax boni, & mali, tunc enim dici potest, quòd Deus excitet ad illum ob finem bonum; at si materia non est capax boni v. g. furtum, adulterium, blasphemia, &c. quæ non sunt boni capacia, dici nequit, quòd ad ea excitet Deus, sicut inquit Iacobus Apostolus, *Nemo cum tentatur, dicat, quòd à Deo tentatur, Deus enim intentator malorum est. Sed vnusquisque tentatur à concupiscentia sua abstractus, & illeſtus.* In his ergo peccatis Deus permissiue tantum concurrat, vt inquit Augustinus, omnesque Doctores tenent, & ad materiale peccati influit, quia est omnipotens, & causa prima, sine qua nihil fieri potest. At de hoc argumento latius loquar in capitibus octauo, & nono.

CAPVT V.

An ex motino peccati, & cuius, Deus aliquos homines reprobauerit.

27. **A**Du. 1. & suppono ex tract. de Voluntate, ac Providentia Dei, quòd Deus ab æterno decernens creare homines, & caput omnium Adamum, decreuit creare eos liberos. 2. decreuit conferre Adamo præter alia (de quibus loqui non est necessarium) iustitiam originalem, & auxilium gratiæ, sine quo bene operari non posset. 3. decreuit in voluntate Adami complicare voluntates omnium hominum pro obseruantia primi præcepti Adamo imponendi, ita quòd si illud obseruaret, tam Adamo, quam omnibus hominibus prodesset pro perseuerantia status innocentiae; si vero Adam transgrederetur præceptum illud; illa transgressio noceret, tam Adamo, quam alijs omnibus in ammissione diuinæ gratiæ, seu filiationis Dei adoptiue, iustitiæ originalis, ac sta-

In quibus casibus applicatur doctrina S. Thome.

In cap. 8. & 9. fusius de hoc agitur

Ordo decretorum Dei ab æterno circa creationem hominum, prædestinationem, & reprobationem.

tus innocentia. 4. decreuit præcipere Adamo, ne de ligno scientia boni, & mali comederet, cum comminatione mortis si comederet. 5. decreuit permittere, vt Adam suo libero arbitrio vteretur, & auxilio illi offerendo, si vti vellet. 6. præuidit, quod Adam non esset vsurus diuino auxilio in obseruando præceptum hoc, sed esset vsurus suo libero arbitrio, & transgressurus præceptum, comedendo de ligno vetito; & sic tam pro se, quam pro alijs omnibus ammissurus esset gratiam, seu amicitiam, ac filiationem Dei adoptiuam, statum innocentia, & habitationem Paradisi terrestris. His autem decretis factis, & lapsu Adæ, cum tota posteritate, præuiso, deuenit ad decreta prædestinationis aliquorum, & reprobationis aliorum. Hæc omnia supponenda sunt iuxta S. Augustini doctrinam.

28. Adu. 2. quod præter alia decreta, quæ Deus condidit, tam circa prædestinatos, quam circa alios non prædestinatos, hoc fuit vnum de concurrento cum eis ad omnes eorum actus; ad bonos quidem positiuè, tam ad materiale eorum, quam ad formale, idest ad bonitatem quoque eorum: ad malos verò non eodem modo, vt postea dicam, sed permissiuè tantum; & hoc modo per omnes saluatur, quomodo Deus non sit author peccati, nec ad illud concurrat per se, vt ait Concil. Trid: sed permissiuè tantum.

29. Adu. 3. quod vt suppono ex *tract. de scientia Dei*, Deus ab æterno nouit omnes actiones, siue bonas, siue malas, quæ à quouis homine toto vitæ tempore eliciendæ sunt, ex *Psal. 138. Tu Domine cognouisti omnia nouissima, & antiqua*: neque de hoc est controuersia in scholis. Omnes enim fatentur, Deum præuidisse omnia hominum

Decretum
Dei de
concurrē-
do ad om-
nes homi-
num actus.

Permissiuè
Deus con-
currit ad
peccatum.

Ab æterno
Deus nouit
omnia fu-
tura.

minum peccata , toto eorum vitæ tempore patrandæ ; & multos in eis decessuros , & ex horum præuisione illos reprobasse . Immo, vt in *Opusc. preced.* patuit, Theologi multi, prædestinationem quoque ex bonorum operum in gratia , & cum auxilio diuinæ gratiæ faciendorum præscientiæ faciendam esse docent .

30. Adu. 4. quòd cùm inter reprobatos adsint diuersi, ætatis, sexus, conditionis, & graduū pœnarum ad quas destinati sunt, ordines ; prius de generali motiui reprobationis agemus; deinde de particularibus , sed sub generali contentis. His suppositis

31. Dico 1. Secundùm S. Augustinum, & veritatem, Deus neminem reprobauit, nisi post præuisionem peccati Adæ influentis in omnes posteros , & post præuisa istorum peccata, respectiue .

32. Prob. ex S. August. in *lib. 1. operis imperfecti contra Iulianum cap. 65.* vbi discutiens illud Apostoli , *Per vnum hominem peccatum intravit in mundum, & per peccatum mors, & ita in omnes homines pertransiit*, inquit, *quia iustum non erat, sine crimine transire supplicium: & in cap. 130. ait, Vasa iræ dicit, quæ sunt perfecta in perditionem; quod iniustum esset, nisi omnibus ex vno in condemnationem venientibus, iam damnata massa esset.*

33. Confirmatur ex eodem in epist. 106. *Pide namque, & veraciter creditur, Deum nocentes, atque impios iustificando à pœnis liberare; quemquam verò immeritum, & nulli obnoxium peccato, si Deus damnare creditur, alienus ab iniquitate nō creditur; & infra. Quæ cum ita sint, audeant disputare, & quibus possunt persuadere contendat, Deum iustum, apud quem non est iniquitas, paruulos à peccatis proprijs innocentes, si nec illo ex Adam obligati, &*

Ex præuisione peccati Adæ, & aliorum facta fuit reprobatio .

Multa S. Augustini dicta .

obstricti sunt, morte perpetua damnaturum, quod absurdissimum est, & à iustitia Dei alienum. Igitur ob peccati prauisionem, saltem originalis pro paruulis, facta est reprobatio. 3. S. August. alijs in locis de hoc argumento plura dicit; in lib. de vnitae Trinitatis cap. 7. ait. *Non enim iniustitia est apud Deum, vt damnet eos, qui nihil omnino peccauerunt.* In lib. 1. cont. Iul. cap. 7. ait. *Iam tu responde, vtrum Deus iustus, nulli obnoxium peccato imaginem suam priuare vita possit aeterna?*

34. Sanctus Fulgentius lib. 1. ad Monimum, circa finem, inquit, *Tales ad interitum prædestinauit, quia talibus iustæ punitionis supplicium præparauit. Quod utique manifesto Dominus ipse sermone perdocuit in eo, quod à se ostendit paratum non solum regnum, vbi latentur boni, sed & ignem æternum, vbi crucientur mali. Bonis etenim dicturus est, venite benedicti Patris mei, percipite Regnum vobis paratum à constitutione mundi. Malis autem dicturus est, ite maledicti in ignem æternum, qui paratus est Diabolo, & Angelis eius. Ecce ad quid Dominus iniquos, & impios prædestinauit, id est, ad supplicium iustum, non ad aliquod opus iniustum, ad penam, non ad culpam.*

35. Prob. tandem ex Matth. 25. vbi Saluator prædicit, quid dicturus, & factururus sit cum reprobis in die iudicii; *Tunc dicet his, qui à sinistris eius erunt, ite maledicti in ignem æternum, qui paratus est Diabolo, & Angelis eius. Et assignat rationem huius sententiæ; esuriui enim, & non dedistis mihi manducare, sitiui, & non dedistis mihi bibere. &c. Si igitur propter peccata damnat, propter hæc damnare decreuerat; vt enim in cap. 2. dixi, reprobatio, immò, & omnia alia decreta Dei, vt ex Opusc. 1. cap. 2. ab æterno facta sunt.*

36. Di-

Paruuli ob
originale
tantum re-
probati.

S. Fulgen-
tius idem
docet, ob
peccata
præuisa
factam re-
probatio-
nem.

Ex S. Scri-
ptura.

36. Dico 2. ad particularia descendendo, Paruuli, qui damnantur sine baptismo nunc, aut olim sine circumcisione in lege veteri, aut alio remedio in lege naturæ, ob hoc solum originale peccatum (in quo decessuri præuisi sunt) reprobati fuere.

37. Prob. & de fide supponitur; primò, quòd omnes paruuli sine remedio contra originale, respectiue pro omni tempore damnentur ad pœnam damni, idest negationem perpetuam visionis, ac fruitionis, Dei, & S. Augustinus addit aliquam etiam sensus, licet (ait) mitissimam. 2. Quòd paruuli omnis status, ac legis incurrerint in peccatum originale, non enim fuerunt melioris conditionis paruuli Gentilium, & Iudæorum, quàm Christianorum. 3. Quòd omnes indiguerint remedio aliquo à Deo destinato ad eius dilectionem. Nunc sic arguo. Deus iustè ob aliquam culpam paruulos istos damnare statuit ab æterno: Sed aliam in eis non præuidit, nisi originalem: Ergo ob istam tantùm reprobauit; quæ conclusio ex principijs fidei est euidentis.

38. Prob. ex S. Augustino lib. 5. contra Iul. cap. 11. *Quis dubitauerit paruulos non baptizatos, qui solum habent originale peccatum, nec ullis proprijs aggrauantur in damnatione leuissima futuros, quæ qualis, & quanta erit, quamuis definire non possim; non tamen audeo dicere, quod eis, ut nulli essent, quàm ut ibi essent potius expediret. Quamuis antea dixisset. Ego autem non dico paruulos sine Christi baptismo morientes, tanta pœna esse plectendos, ut eis non nasci potius expediret, cum hoc Dominus, non de quibuslibet peccatoribus, sed de sceleratissimis, & impijssimis dixerit.*

39. Secundò ex eodem in lib. de Corrept. & Gra-

Paruuli ob
solum origi-
nale re-
probati.

In omni le-
ge paruuli
incurrerūt
originale,
& egerunt
remedio.

Ex S. Aug.

Gratia cap. 7. vbi de diuersitate reprobatorum, sic de paruulis loquitur. *Qui per etatem paruulam, nec credere potuerunt, sed ab originali noxa solo possent lauacro regenerationis absolui, quo tamen non accepto mortui perierunt, non sunt ab illa conspersione discreti, quam constat esse damnatam.*

S. Fulgentius sequitur Augustinum.

40. S. Fulgentius sequens Sancti Augustini sententiam, tam de causa damnationis, ac reprobationis, quam de poena etiã paruulorum, sic loquitur, in lib. de Fide ad Petrum cap. 3. *Qualitas malæ vitæ ab infidelitate incipit, quæ ab originalis peccati reatu initium sumit, in quo quisquis viuere ita incipit, vt ante finiat vitam, quàm ab eius obligatione solvatur; si vnius diei, vel vnius horæ spatio anima illa vixit in corpore, necesse est eam cum eodem corpore interminabilia gehennæ sustinere supplicia, vbi Diabolus cum Angelis suis in æternum arsurus est, qui & primus peccauit, & peccatum primis hominibus persuasit.*

Idem S. alibi paruulos ob originale reprobatos docet.

41. Idem in cap. 17. inquit, firmissimè tunc, & nullatenus dubites, non solum homines iam ratione vtentes, verum etiam paruulos, qui siue in vtero matrum viuere incipiunt, & ibi moriuntur; siue cum de matribus nati sint sine Sacramento Baptismatis ab hoc sæculo transeunt, ignis æterni sempiterno supplicio puniendos; quia etsi propriæ actionis peccatum nullum habuerunt, originalis tamen peccati damnationem carnali conceptione, & natiuitate traxerunt.

S. Greg. Magnus secutus S. Augustinum de paruulis dixit.

42. Eandem S. Augustini sententiam secutus est S. Gregorius Magnus lib. 9. moral. cap. 12. sic de paruulis loquens. *Quos, quia à culpa originis sacramenta salutis non liberant, & hic ex proprio nihil egerunt, illuc ad tormenta perueniunt, &c.*

43. Tandè præter ea, quæ in tom. de Nouissimis disp. de

de statu paruulorum diffusè dixi, Concilij Florentini definitionem adducam, quod in decreto Vnionis legitur. *Illorum animas, quæ in actuali peccato, vel in solo originali decedunt, mox in infernum descendere pænis tamen disparibus puniendas.* Igitur cùm paruuli ob originale damnentur, ob hoc præuisum reprobati sunt.

44. Dico 3. Alij omnes, qui in adulta ætate erant præuisi morituri in peccatis, siue cum proprijs, & actualibus tantùm, siue cum his, & originali etiam; ob ea peccata fuerunt reprobati, sed originatinè ob peccatum originale.

45. Prob. 1. pars ex S. Augustino *lib. de Corept. & gratia cap. 13.* explicite id docente. *Hi verò, qui non pertinent ad prædestinatorum numerum, quos Dei gratia, siue nondum habentes vllum liberum, suæ voluntatis arbitrium, siue cum arbitrio voluntatis, idè verè libero, quia per ipsam gratiam liberato, perducit ad regnum: hi ergo, qui non pertinent ad hunc certissimum, ac felicissimum numerum, pro meritis iustissimè iudicantur.* Et assignat statim motiua. *Alij enim iacent sub peccato, quod originaliter de generatione traxerunt, & cum illo hereditario debito hinc exeuntes, quod non est regeneratione dimissum: aut per liberum arbitrium alia addiderunt (arbitrium inquam liberum, sed non liberatum, liberum iustitiæ, peccati autem seruum) quo voluntur per diuersas impias cupiditates, &c. aut gratiam Dei suscipiunt sed temporales sunt, nec perseuerant, deserunt, & deseruntur, dimissi enim sunt libero arbitrio, non accepto perseuerantiæ dono, iusto Dei iudicio, & occulto.* Ista ergo peccata præuisa in his futura, fuerunt motiuum, vt Deus reprobaret illos, qui præuisi sunt in eis decessuri.

46. Quòd verò diuersi sint reprobatorum ordines

Adulti ob
quæ pecca-
ta reproba-
ti.

Ob alia
peccata et-
iam facta
fuit repro-
batio.

Diuerſi re-
proborum
ordines.

dines, ſcilicet, paruulorum, ac adultorum; item & eorundem adultorum, inde patet ex fidei principijs; quia omnes paruuli ſine baptiſmo decedentes ad vitam æternam non perueniunt, ſed ad pœnam, ad minus damni, deſtinantur; inter adultos verò, qui damnantur, alij ſunt infideles, & inter hos Pagani, Mahometani, Iudæi, ac Hæretici: alij fideles, qui Catholicam fidem ſequuntur, & tamen in peccatis moriuntur: & omnes damnantur ad æternas pœnas quidem; ſed tamen diuerſorum graduum, ac intentionum; immò, & generum pœnarũ, vt latè diſſerui in *tomo de Nouiſſimis in diſp. de inferno*. Nam Apocal. 18. 7. de tormentis inferendis damnatis dicitur, *Reddite illi, ſicut ipſe reddidit vobis, & duplicate duplicia ſecundum opera eius; in poculo, quo miſcuit, miſce- te illi duplum. Quantum glorificauit ſe, & in delicijs fuit; tantum date illi tormentum, & luctum*. Si ergo ad diuerſas pœnas, acriores, & duriores pro culparum diuerſitate addicentur mali; ad eas, & propter eas culpas à Deo fuerunt ab æterno deſtinati.

47. Prob. ſecunda pars, quòd ſcilicet originariè ab originali peccato dependeat omnium reprobatio in Sancti Auguſtini, ac vera, meo videri, ſententia. Nam ſicut in præcedenti Opuſculo probauimus, quòd poſt præuiſionem lapſus Adæ cum toto humano genere, Deus ex miſericordia elegit aliquos ad gloriam relinquens alios in maſſa perditionis; ex quibus aliquos ſtatuit efficaciter vocare ad fidem, alios non, ex ſuo iuſto, ſed occulto iudicio; aliquos decreuit permittere, vt in vna ſecta naſcerentur; alios in alia; omnibus ſtatuit terminum vitæ; omnibus decreuit dare concurſum ad opera propria, & permittere

Secunda
pars.

Ex peccato
communi
in Adamo
prouenit
originariè
reprobatio

tere ut suo libero arbitrio; omnibus decreuit gratiam sufficientem concedere: omnes tamen illos non electos pręiudicavit diuersis peccatis se maculatu-
 10 ros, & in eis, vel illorum aliquibus, vel aliquo decessuros, & propter illa ipsos reprobauit. In hac rerum serie, patet euidenter, quod et si adulti propter hæc repro-
 20 bati sint immediatè, etiã si aliqui fuerint ab originali liberati; prima tamen origo, radix, & fons eorũ damnationis fuit originale, in quod lapsi sunt cum Adamo, & ex massa illa damnata non fuerunt discreti.

48. Prob. 2. ex S. August. in *Enchir. cap. 99.* ubi docet causam efficientem reprobationis esse diuinam voluntatem, supposita pręscientia lapsus
 30 humani generis, cum Adamo, sic. *Vides enim si capis, vniuersum genus humanum iam iusto iudicio diuino in apostatica radice damnatum, ut etiam si nullus inde liberaretur, nemo rectè posset Dei vituperare iustitiam; & qui liberantur, sic oportuisse liberari, ut ex pluribus non liberatis, atque in damnatione iustissima derelictis, ostenderetur quid meruisset vniuersa conspersio, & quod etiam iustos debitum Dei iudicium duceret, nisi eius indebita misericordia subueniret.* Igitur etiam si ob omnia
 40 actualia peccata non remissa homines damnentur de facto, & ob ea à Deo ab æterno prænisi fuerint repro-
 50 bati; origo tamen tam permissionis eorum, quàm negationis auxiliorum efficacium, ac indurationis aliquorum (ut postea dicam) fuit lapsus originalis pręiudicatus in illis.

49. Immo idem S. Augustinus in *lib. de Bono Persseuer. cap. 11.* sicut omnia bona opera electo-
 60 rum refundit in prędestinationem, tamquàm illorum originem, ita omnia mala non electis in-
 70 cessuris secundum desideria cordis eorum, & ne-

Ex S. Aug.
 clarè habetur, quod
 radix reprobationis fuit originale peccatum.

August. si-
cut omnia
bona ope-
ra electo-
rum refun-
dit in præ-
destinatio-
nem: ita
omnia ina-
la reprobo-
rū in pec-
catam ori-
ginale.

gationem efficacium auxiliorum, & impeniten-
tiam finalem refundit in reprobationem secutam
ex peccati originalis præscientia, his verbis.
*Proinde sicut Apostolus ait, non volentis, neque cur-
rentis, sed miserentis est Dei, qui & paruulis, quibus
vult etiam non volentibus, neque currentibus subven-
nere, quos elegit ante constitutionem mundi in Christo
&c. & maioribus etiam his, quos prævidit, si apud
eos facta essent suis miraculis credentes, quibus non
vult subuenire, non subuenit, de quibus in sua præ-
destinatione, occultè quidem, sed insè aliud iudi-
cavit.*

Alia plura
S. August.
loca ad i-
dem.

50. Idem confirmatur ex lib. 1. ad Bonif. cap.
1. Cum secundum propositum Dei vnus vocatur, alius
non vocatur. Vocato datur gratuitum bonum, cuius
boni est vocatio ipsa principium: non vocato reddi-
tur malum; quia omnes rei sunt ex eo, quod per vnum
hominem peccatum intrauit in mundum. Et paulò
post, inquit, *Vbi dicitur, cuius vult miseretur; &
quem vult obdurat, qui facit aliud vas in honorem,
aliud in contumeliam, bonum quidem immeritò, &
gratis datur, quia ex eadem massa est, is cui datur;
malum verò meritò, & debitum redditur, quia in
massa perditionis malo non malè redditur, & infra.
Quis enim te discernit utique ab iræ vasis, à massa
perditionis, quæ per vnum omnes misit in damna-
tionem.*

Ab origi-
nali tam-
quam à s5.
te procedit repro-
batio.

51. Et in lib. de Corr. & Gratia cap. 7. de re-
probis, inquit, *Non esse ab illa conspersione discre-
tos, quam constat esse damnatam, euntibus omnibus
ex vno in condemnationem.*

52. In lib. de Bono Persen. cap. 14. ait. *Ceteri
autem (præter prædestinatos) vbi, nisi in massa
perditionis insito Dei iudicio relinquuntur; vbi Ti-
rj relictī sunt, & Sidonj, qui etiam credere pote-
rant*

vant, si mira illa Christi signa vidissent, & tamen, si altiore Dei iudicio à massa perditionis non sunt gratis prædestinatione discreti, nec ipsa eis adhibentur, vel dicta diuina, vel facta, per quæ possent credere. Et post. In eadem perditionis massa relictæ sunt Iudæi etiam, qui non potuerunt credere factis in conspectu suo tam magnis, clarisque virtutibus.

53. Ex quibus omnibus, alijsque ferè innumeris, quæ pro hoc argumento adduci possent Augustini dictis, clarè euincitur, quòd omnes etiam adulti, qui ex multis præiis eorum finalibus peccatis, siue non fuerint ab originali liberati, siue etiam liberati, ob alia peccata damnantur, & reprobati ab æterno fuere; & originem suæ reprobationis originariè, & radicaliter, lapsum originale in Adamo, & cum Adamo debet confiteri.

54. Neque obstat id, quòd Concilium Tridentinum decernit in sess. 5. in §. penultimo, ubi definit, quòd in baptismo peccatum originale non raditur, sed omnino deletur, & idè in renatis per baptismum, nihil odit Deus, nihilque damnationis in eis remanet. Non inquam nostræ conclusioni obstat: primò, quia Concilium loquitur de iustificatis per baptismum, inquiens, quòd ex parte originalis peccati nihil prorsus remanet in baptizatis, quòd eos remoretur ab ingressu Cælorum. 2. quia nos loquimur de reprobis etiam baptizatis; & non dicimus, quòd ob peccatum originale iam deletum per baptismum, damnentur, quia illud non reuiuiscit, & sine pænitentia sunt dona Dei, ait Apostolus. Sed dicimus, quòd lapsus omnium hominum cum Adamo præiis à Deo ab æterno, fuit in eis occasio decernendi exercitium suæ misericordiæ in aliquos, & efficiendi eos vasa honoris

Conclusio
generalis
huius ar-
gumenti.

Ad tacitæ
obiectionē
responde-
tur.

Originalē
deletum,
in baptis-
mo non
reuiuiscit
in repro-
bis.

Quomodo
ab origina-
li peudeat
reproba-
tio.

Baptizati,
si in pecca-
to moriun-
tur non dā-
nantur ob
originale.

eligendo ad gloriam, atque gratiam; & decer-
nendi exercitium iustitiæ in alios, relinquendo
quosdam in solo originali, non impediendo cau-
sas naturales, ne mortem eis inferrent, vel in vte-
ris matrum, vel paulò post egressis ex illis; quos-
dam autem etiam liberatos ab originali, immò,
& pluries tēporaliter iustificatos permittendo, vt
ambulent *secundum desideria cordis eorum in ad in-
ventionibus suis*, & in peccatis vitam finiant; quos-
dam tandem relinquendo in originali, ac permit-
tendo, vt *secundum desideria cordis eorum viuant*, &
in peccatis hi quoque vitam finiant, vt sunt om-
nes Gentiles, Mahometani, ac Iudæi, qui non
veniunt ad fidem, & ob hæc peccata præiusta eos
reprobauit, & æternas, licet dispares pro di-
uersitate demeritorum, pœnas destinauit; & hoc
ordine, ac serie de facto in infernum morientes
descendunt. Itaque obiectio ex Concilio ad rem
non est, nec etiam pro reprobis ab originali libe-
ratis, quia pro eo non damnantur, sed pro alijs,
si adulti sunt. Adde tamen, quòd licet in his ori-
ginale deletum sit, & pro eo non damnentur ab
eo liberati; quia tamen sequela remanens ex ori-
ginali in baptizatis, licet non sit peccatum, ta-
men ad peccatum inclinatur, nempe concupiscen-
tia, vt ibi Concilium docet, & sic effectus peccati
originalis, qui ad peccata diuersi generis incli-
nat, cui vt Paulus *Rom. 8. ait*, cum difficultate re-
sistitur, vt idem docet, multum conducit ad
damnationem. Adde 2. Quòd ob originale cō-
mune peccatum, genus humanum incurrit, non
solum mortalitatem animæ moralem per culpam,
& corporis physicam, ac naturalem; sed concu-
piscenciam, ac ignorantiam, passionum immo-
derationem, quæ inducunt ad iram, intemperan-
tiam,

tiam, ad homicidia, furta, blasphemias, &c. item morbos diuersi generis, qui pariter ad peccandum incitant. Et ita originale, in reprobis baptizatis, per se non est causa damnationis; sed effectus eius ad eam conducunt, quia ad peccata inclinant, quæ sunt immediatæ damnationis causæ. Et hæc ad abundantiorē doctrinam dicta sunt; quia pro soluenda obiectione superflua sunt.

CAPVT VI.

De effectibus reprobationis.

55. **A**Du. quòd reprobos multa consequuntur mala, tam naturalia, quàm moralia; nempe seclusio à Regno Cælorum, damnatio ad æternam pœnam, priuatio finalis diuinorum auxiliorum, obcæcatio, & obduratio, permissio peccandi; tentationes validissimæ, negatio doni perseuerantiæ finalis in bono. Præterea aliquibus accidunt multa mala naturalia, vt defectus corporei monstruosi, obtusitas ingenij, dementia, morbi molestissimi, vel insanabiles, odia, persecutiones, famæ, & bonorum, vel utrorumque ammissio, & alia mala naturalia his similia: queritur ergo, an omnia hæc, vel aliqua horum mala sint effectus reprobationis.

Mala, quæ consequuntur reprobos.

56. Dico mala naturalia, siue in bonis vitæ, siue famæ, siue fortunæ, quamuis aliquando etiã reprobis aliquibus accidunt, tamen non sunt effectus proprij, aut signa propria reprobationis.

Mala naturalia nō sunt proprij effectus reprobationis.

57. Prob. Hæc omnia mala sunt reprobis, ac prædestinatis communia, ergo. Anteced. ex factis Sacræ Scripturæ probatur: Abel Sanctus ex inuidia

dia

dia Cain, quòd Deus respiceret ad munera illius, & non ad sua, occisus fuit. *Gen. 4.* Abrahamo Deo caro, bis Sara Vxor rapta fuit à Pharaone in Ægipto, *Gen. 12.* & ab Abimelech in Geraris. *Gen. 20.* Isaac Sanctus, cæcitate per annos plusquã 40. laborauit, in qua & mortuus est. Ioseph castissimus spiritu prophetiæ à pueritia à Deo donatus, ob inuidiam à fratribus venditus; mancipiumque Pntifaris effectus, ob castimoniam, calumniam ab eius Vxore passus, & in vincula coniectus, annis ferè octo in eis permansit. Dauid à Deo electus, & *secundum cor eius à Deo dictus*, persecutionem sæuissimam à Saule ob inuidiam; deindè à filio proprio Absalone cum publica decem Vxorum deturpatione, passus est. Tobias Sanctus cum ceteris à Salmanasar captiuus in Assiriam ductus fuit. Sanctus Iob bonis omnibus, ac filijs spoliatus, & lepra respersus, in Sterquilinio per plures annos testa saniem radens, à tribus consolatoribus impius putabatur.

38. Sancti Prophetæ, Isaias, Ieremias, Daniel, & cæteri, in bonis fortuna, famæ, ipsiusque vitæ calamitates perpeffi sunt. Primus ab impio Manasse per medium sectus; secundus à Iudæis in Ægipto lapidatus; tertius ex Aulicorum inuidia, quia præpotens in aula priùs Nabuch, deindè Darij Medi, bis in lacum leonum coniectus fuit; & sic de alijs (quos refert Apostolus *Hebr. II.*) Veteris Testamenti Sanctis. Alia innumera extant in Nouo Testamento exempla Sanctorum, incipiendo à Ioanne Baptista, & prosequendo per Apostolos, omnesque Martires, qui complura mala bonorum, famæ, ac demum vitæ tolerantes prædestinationis præmium sunt assecuti. At ubi relinquimus Sanctum Sanctorum, Prædestinato-

Exempla
Sernorum
Dei, qui
mala natu-
ralia, &
fortunæ
passi sunt.

Prophetæ
ferè omnes
mala multa
passi.

natorum caput, Dei filium Christum Deum, & hominem, qui tot mala, insidiasque in fama, ac vita, ipsamque ignominiosam, ac opprobriosam mortem pati pro nobis dignatus est.

59. Perpetua inuidia ipsum Iudæi persecuti sunt: penè natum, Herodes illum tentauit interficere, vnde oportuit tenellum infantulum in Ægyptum transferre: in perpetua voluntaria egestate, & in labore continuo vixit: cùm prædicare cæpit, continuus calumnijs fuit subiectus, modò impolltoris, modò seductoris, modò, oh Deus! etiam infani. Bis lapidationem effugit; passionem denique immanem, seuamque, & opprobrijs ignominiosis referram, Sanctissimus Dominus perpessus est.

60. Concludendum ergo, quòd mala ista, famæ, fortunæ, ac vitæ non sunt effectus, aut signa reprobationis, cùm etiam Sanctis, ac prædestinatis, & sæpè, ista accidunt, sintque in eis ordinata ad meritum, & præmium; & probantur etiam à Deo: nam Prou. 17. 3. dicitur, *sicut igne probatur argentum, & aurum in camino, ita probat Dominus. Flagellat enim interdum, quem diligit Dominus; vnde Tobias cap. 12. 2. sui libri, ait ad Deum; Quoniam tu flagellas, & sanas; deducis ad inferos, & reducis.*

61. Dico 2. Proprij, præcipuique reprobationis effectus sunt exclusio ab æterna vita, & destinatio ad æternam mortem, à Deo inflictæ ex præuisione peccatorum.

62. Prob. Hos effectus de facto patiuntur reprobi, & vt supra diximus, & ex Matth. 25. hos Christus dicit, se inflicturum illis: *ite maledicti in ignem æternum, qui paratus est Diabolo, & Angelis eius.* Et ex his præcipuè (à posteriori) sunt, & dicun-

Idem de
Sanctis No.
ui Testa-
menti ha-
betur.

Christi Do-
mini ex-
emplum, qui
tot mala
pati digna-
tus est.

Effectus
proprij
reprobatio-
nis qui
sunt.

Exclusio
Cælo, &
destinatio
ad infernũ.

dicuntur reprobati, seu reprobi; si enim hæc duo ab eis auferantur, reprobi non sunt, sed vel prædestinati, vel in statu neutro positi; qui secundum præsentem prouidentiam non datur, quia vt docet S. August. de Ciu. lib. 15. cap. 1. *Dua sunt Societates hominum, quarum vna est, quæ prædestinata est in æternum regnare cum Deo; altera, æternum supplicium subire cum Diabolo.*

Excæcacio,
& obdura-
tio, an effe-
ctus, vel
causa.

63. Dico 3. Obduratio, excæcacio, seu auxiliorum diuinorum priuatio in reprobis accedentes, licet in aliquo sensu dici possint reprobationis effectus, tamen veriùs dici deberent peccatorum præcedentium à Deo præuisorum, ac pro eis reprobante, effectus; in eis tamen sunt.

64. Prob. prima pars: *Ex Rom. 9. Deus cuius vult miseretur, & quem vult indurat*: Et, sicut supra vidimus, Deus prædixit Moysi, se induraturum cor Pharaonis, sicut de facto indurauit, cum ex parte Dei iussus dimittere Populum, vidensq; tot mirabilia, noluit dimittere; immò, quod plus est, ab initio tria prima signa virgæ in colubrum versæ, & deinde ex colubro iterum in virgam, & ranarum, ac aquæ Nili in sanguinem conuersæ, putauit esse demoniaca, & per suos Magos Iamnem, & Mambrem (vt ait Apostolus) curauit similia facere; & quando Magi illi non potuerunt ad instar Moysis producere Cinifes, & dixerunt, *digitus Dei est hic*, adhuc obstinatus, & induratus permansit, quamuis alia sex signa mirabilia videret. Et ita de multis alijs, qui plura signa per Martires, eorumque merita à Deo patrata, proprijs oculis conspexerunt, & tamen in infidelitate perseuerarunt, immò crudeliùs in eos exarserunt; & de Iudæis, Mahometanis, Paganis, & Hæreticis obstinatis communiter dicitur, quòd

Deus

Pharaonis
exemplum
circa po-
pulum Hæ-
braicum

Deus dereliquit eos , excæcavit , & induravit ; & sic effectus sint reprobationis , quia in omni conditione auxiliorum sufficientium præiussi sunt repugnaturi .

55. Prob. secundò. Probatum iam fuit, quòd reprobatio fiat ex præiussione peccatorum . At quoniam præiudit Deus, quòd aliquorum voluntates adeò peruersæ, & ad malum inclinatę erant futurę, quòd nullam admissurę erant correptionem, ideò decreuit eas deferere ; seu obeçcare, & indurare, quod idem est, ac suis efficacibus auxilijs priuare ; & ideò ex hoc capite dici potest , quòd reprobatio completè accepta comprehendat, nedum exclusionem à gloria , & damnationem ad pœnam ; sed etiam excæcationem , & indurationem , seu derelictionem , & permissionem peccatorum .

66. Prob. secunda pars . Motiuum vnde mouetur Deus ad excæcandum, deferendum , & indurandum aliquem de facto , vt nuper dixi , est habituata peruicacia in malo, respuens omnem correptionem , omnemque vocationem , tam internam , quàm externam, vt inquit Dauid, *Psal. 80. Et non audiuit Populus meus vocem meam , & Israel non intendit mihi , & dimisi eos secundum desideria cordis eorum ; ibunt in adinventionibus suis.* Procedit ergo ex malitia peccatoris peruersi , quòd Deus eum deferat, exceçet , & induret , ac permittat aliquem inuolui pluribus grauioribusque peccatis , vsque in finem , & pereat ; & hoc est , quod dicitur de Iudæis *Io. 12. 40. cum tot signa fecisset coram eis, non credebant in eum , vt sermo Isaie impleteretur , quia excæcavit oculos eorum , & induravit cor eorum , vt non videant oculis , & non intelligant corde , & conuertantur , & saluem*

Ex præiussione peruersę voluntatis , Deus statuit obeçcare :

Ratio cur induratio, & obeçcacio dici possint causę reprobationis :

eos. De hac excæcationis causa loquitur Paulus Rom. 11. 8. de illis, qui in Christum post tot signa non crediderunt; *Ceteri verò excæcati sunt, sicut scriptum est, dedit illis Deus spiritum compunctionis, oculos, ut non videant, & aures, ut non audiant usque ad hodiernum diem.* Si ergo mouetur Deus ad excæcandum, & ad obdurandum peccatorem peruiacem habituatum, & obstinatum; quia talem futurum prauidit, decreuit sic facere. Et nulla est in Deo iniquitas, nulla iniustitia, sed tota motiua causa in peccatorem est refundenda; ita ut ipse sit pręuisus suæ miserię futurus faber, & prouocaturus Deum ad iustitiam exercendam.

Ex pręuisione peccati, oritur decretum obsecrationis.

Augustini sententia.

67. Prob. ex S. August. lib. de peccat. mort. & remiss. cap. 17. ubi de hominum peccatorum derelictione, sic habet: *Quia gratia non adiunentur, in ipsis illa causa est, non in Deo; damnandi prædestinati sunt propter iniquitatem superbię. In epist. 105. quæ est ad Sixtum, ait, Cuius vult miseretur, non iniustitie, sed misericordię gratia; & quem vult indurat; non iniquitate, sed veritate vindictę.* Et infra. *Querimus meritum obdurationis, & inuenimus. Merito enim peccati vniuersa massa damnata est: nec obdurat Deus impertiendo malitiā, sed non impertiendo misericordiam; quibus enim non impertitur, nec digni sunt, nec merentur, ac potius, ut non impertiatur, hoc digni sunt, hoc merentur.*

68. Idem S. Doctor in lib. de Gratia, & lib. arb. c. 5. dicit, quando auditis, quod dicit Apostolus, cuius vult miseretur, & quem vult indurat, in eo quem seduci permittit, aut indurari, eius mala credite. Et in cap. 21. ait, Per hoc, quando legitis in libris veritatis a Deo seduci homines, aut obtundi, vel obdurari corda eorum, nolite dubitare præcessisse mala merita eorum, ut insit ista paterentur: quia malitiā

litiam non ipse fecit, sed aut originaliter tracta sit ab ipso Adam, aut creuit per propriam voluntatem.

69. Idem Sanctus ad Simplicianum *lib. 1. qu. 2. ait. Vbi hic dicitur obdurare peccantes quosdam quia non eorum miseretur, quibus misericordiam non esse præbendam, æquitate occultissima, & ab humanis sensibus remotissima indicat.*

70. Ex his ergo omnibus patet, quòd excecatio, & obduratio, præsertim finalis, quæ important carentiam auxiliorum in peccatore peruiuari, licet reperiantur in reprobis ex Deo non conferente efficacia auxilia ad conuertenda, & commutanda mala eorum corda in bona; ad eas tamen infligendas mouetur Deus ex eorum peccatis in actu positis; at quia ab æterno præuidit eos sic peccaturos, & ea auxilia demerituros, decreuit iustè ea non dare; & sic, licet ab eo denegentur, ipseque sit causa denegationis; quia tamen non includuntur primariò in decreto reprobationis, dici nequeunt immediati effectus reprobationis, sicut exclusio à Regno Cælorum: ex alia verò parte, licet peccator ipse sit causa suæ excecationis, & obdurationis, mouens nempe Deum ad excecandum, & obdurandum, adhuc status ille, in quo Deum mouet, originem habet à permissione vsus liberi arbitrij ad quodcumque malum; hæc autè permissio oritur à reprobatione, saltè negatiua, si datur: & sic dici posset quòd est effectus reprobationis, siue immediatus, & primarius, siue mediatus, & secundarius. Dicatur quod placet, dumodò Deo non tribuatur iniquitas, quasi malitiam velit in reprobis, vt impudenter docuit Calvinus; neque iniustitia, quasi puniat, seu penam miseris hominibus sine demerito inferat.

71. Dico 4. Permissio quælibet peccati non

Conclusio
de causa
obsecratio-
nis, & in-
durationis

Quæ per-
missio pec-
cati sit ef-
fectus re-
probatio-
nis.

Etiã præ-
destinati;
aliquando
peccant.

Diuerſor
dines pec-
cantium,
& in pecca-
tis moriën-
tium.

Alij ordi-
nes peccā-
tium inter
Chriſtia-
nos,

est effectus reprobationis, sed sola permissio toto vitæ tempore; vel saltem peccati finalis, in quo decedit reprobus.

72. Prob. & declaratur prima pars. Multos iustos, ac prædestinatos permittit Deus peccare, vt in sacris litteris, & Ecclesiasticis Historijs legimus, etiam de Martiribus quibusdam, qui prima vice negarunt; deindè spontè se obtulerunt Tyrannis, & fidè confessi, martiriū passi sunt: ergo.

73. Prob. & declaratur secunda pars. Quidam enim homines ab vtero matris cum peccato egressi, numquam ab eo mundantur, sed toto vitæ tempore in eo permanentes, alia propria, nedum infidelitatis, sed contra legem naturæ addunt, & eis obruti decedunt, vt omnes Iudæi, Mahometani, & Pagani, seu Idolatræ. Hæc permissio in eis est reprobationis effectus, & supposita nostra fide, maius reprobationis signum apud nos assignari nequit; quia *sine fide impossibile est placere Deo*, Hebr. 11. & Io: 3. *nisi quis renatus fuerit ex aqua, & Spiritu Sancto non potest introire in Regnum Dei*; & Marci ultimo, *qui non crediderit condemnabitur*.

74. Probatur tertia pars. Innumeri ab originali mundantur, & tamen cum adoleſcunt, in hæresibus instruuntur, & in eis moriuntur: in his permissio peccati est reprobationis effectus. Multi pariter baptizati, catholicè viuentes, sæpè per Sacramentum pœnitentiæ iustificati, tamen in peccatis moriuntur, vel quia recedunt à fide in hæresim, aut Mahometismum, aut Iudaismum; vel quia Catholici quidem moriuntur; sed vel adulteri, vel fornicarij, vel Sodomitæ, vel Vſurarij, vel Simoniaci, vel alijs similibus onusti, ex improviso, aut sine Sacramento pœnitentiæ,
aut

aut sine valido Sacramento decedunt: in his certè permissio sic peccandi est effectus reprobationis, ni velis dicere, vt in præcedenti conclusio-
 ne, quòd illa peccata præuisa sint motiuum, & causa reprobationis. Quodcumque dicatur, in miseris reprobatis reperitur eiusmodi miseria.

75. Ex his autem multa scitu digna colliguntur. Primò, quòd dictum illud Dei per Dauid, *dimisi eos secundum desideria cordis eorum, ibunt in adinventionibus suis*, non conuenit electis, sed est effectus reprobationis; miseri, enim reprobi, sic ex sua mala inclinatione, & renitentia correptionis, ac orationis, vt à praua consuetudine liberentur, dimittuntur à Deo, vt faciant, quod volunt, & sic in peccatis moriantur: ita docet S. Augustinus lib. de Gestis Pelagij cap. 3. *Absit autè vt ij, qui secundum propositum vocati sunt, quos præsciuit, & prædestinauit conformes imagini filij sui, vt pereant, desiderijs dimittantur. Hoc enim patiuntur vasa iræ, quæ perfecta sunt ad perditionem. Illis ergo fit, quod scriptum est; tradidit illos Deus in desiderijs cordis eorum; non autem prædestinatis, quos regit spiritus Dei.*

76. Secundò colligitur, & est valdè notandum, quòd permissio primi peccati Adæ, & incursus totius humani generis in illud, nullo modo dici potest effectus reprobationis. Tum quia, vt cum S. Augustino docuimus, decreta, tam prædestinationis, quàm reprobationis facta sunt, ab æterno quidem, sed post præuisionem lapsus Adæ, cum tota posteritate, & ex tunc massa generis humani facta est damnata, idest, Deo inimica; & ex ea, vt in primo Opusculo diximus, Deus discreuit aliquos ex misericordia; alios in ea reliquit ex iustitia; & in sequenti signo reprobauit,

cum

Reprobi
dimittun-
tur in desi-
derijs suis

Permissio
primi pec-
cati Adæ
& incursus
aliorum,
non fuit ef-
fectus re-
probatio-
nis.

cum eo respectu, & ordine, nempe infantes morituros cum originali solo, addicens ad pœnam damni: adultos verò ex præuisione peccatorum propriorum, ad pœnam damni, & sensus, iuxta proportionem grauitatis eorum; & sic permissio primi peccati Adæ, cum iacursu omnium, non potest dici effectus reprobationis; sed potius causa, & origo respectu illorum.

Tum etiam, quia si primum peccatum Adæ cum iacursu aliorum esset effectus reprobationis, tam Adam, quam ceteri omnes, etiam Sancti vtriusque Testamenti, essent reprobat: Quod nedum falsum, & hereticum, sed fatuum est; effectus siquidem supponit causam; ideò si peccatum omnium est effectus reprobationis, si omnes cum Adam, & in Adam peccarunt, omnes erunt reprobat, quod absurdum est.

CAPVT VII.

An, & quinam assignari possit finis Dei in reprobatione hominum, & creatione eorum.

77. **A**Du. 1. quòd licet, vt ait Apostolus, *nemo nouit sensum Dei, neque consiliarius eius fuit*; nihilominus ex ijs, quæ Deus ipse dignatus est per Prophetas, Sanctosque alios viros reuelare, multa alia inferre potuerunt Sancti Ecclesiæ Doctores. Ideò quærimus, an ex Sacris literis inferri possit, ob quem finem voluerit Deus homines permultos sinere peccare, & ob peccata illa reprobare, excludendo eos ab æterna vita, & damnando ad æternam mortem; eosque creare, & cum prædestinatis miscere.

78. Adu. 2. & suppono ex tractatu de Volun-
tate

Ex duplici
ratione.

Ex his, quæ
reuelata
sunt potest
aliquis fi-
nis Dei
colligi.

tate Dei, quòd, vt ex Prou. cap. 16. 4. habetur, *Vniuersa propter semetipsum operatus est Deus; impium quoque in diem malum.* Quoniam verò Deus non frustra, sed prudentissimè, ac sapientissimè, & iustissimè operatur omnia; sicut in psalmis canitur, *Omnia in sapientia fecisti;* quærimus finem, ob quem homines reprobauerit; immò, cur eos creauerit, quos sciebat fore peccaturos, & se illis non esse parciturum; decreueritque eos cum electis permiscere.

79. Dico 1. Quamuis incognita, & inscrutabilia sint iudicia, & fines particulares Dei; dici tamen potest, quòd supposita peccatorum præscientia vnus Dei finis in creatione, & reprobatione malorum fuerit suæ iustitiæ vindictiæ exercitium.

Probari potest 1. ex Rom. 9. vbi Apostolus cùm præmisisset verba Malachiæ 1.2. *Iacob dilexi, Esau autem odio habui,* & verba Exodi 33. *Miserebor cuius misereor, & misericordiam præstabo, cuius miserebor, & quod non est iniquitas apud Deum,* subdit, *Scriptura dicit Pharaoni: In hoc ipsum excitani te, vt ostendam in te virtutem meam, & vt annuncietur nomen meum in vniuersa terra.* Et infra. *Quod si Deus volens ostendere iram, & notam facere potentiam suam sustinuit in multa patientia vasa iræ apta in interitum, vt ostenderet diuitias gloriæ suæ in vasa misericordiæ, quæ preparauit in gloriam, &c.* Igitur sicut finis Dei in prædestinando fuit exercitium suæ misericordiæ, ita finis in reprobando ob demerita, fuit exercitium iustitiæ. Glos. ord. *Quid ergo, ait, per misericordiam eligit, per iustitiam reprobat.*

80. Confirmatur ex supra allato Prou. capite, *Vniuersa propter semetipsum operatus est Deus;*
im-

Finis quæ-
ritur, ob
quem Deus
reprobauit

Vnus finis
Dei in re-
probando
fuit iusti-
tiæ exerci-
tium.

Ex S. Scri-
ptura.

impium quoque in diem malum . Lyran. ait , idest extremi iudicij, vt in reprobis reluceat iustitia, sicut misericordia in electis , vt deducit Apostolus diffuse in epistola ad Rom. cap. 9.

81. Prob. 2. euidenti ratione . *Dens iustus est, & misericors, & talis in Sacro textu sapissimè cennunciatur, & à Paulo dicitur, iustus Index reddens unicuique iuxta opera sua . Tunc sic . Potuisset Deus ab æterno decernere, & in tempore postea creare omnes homines Sanctos, & non permittere, vt libero arbitrio vterentur ad malum, sed denegare eis concursum ad malum; vel eos confirmare in gratia: At non sic fecit, sed cum facultate operandi bonum, & malum eos creauit. Cur hoc? tutius responderetur, incomprehensibilia sunt iudicia eius: nihilominus pro nostro captu, ex principijs Sacræ Scripturæ, dicimus id fecisse ad ostensionem potentiæ suæ, & liberalitatis in homines, faciens eos liberos ad quæcumque velint, vt postea ostendam. Item poterat Deus ab æterno decernere, & postea facere in tempore, sicut fecit homines liberos, ac omnium primum Adamū, & permittere, vt peccaret, ad probationem suæ libertatis; & potuit decernere, & postea exequi, de dando omnibus veniam in Adamo; & sicut decreuit facere aliquos tantum vasa misericordiæ, eligendo eos ad gloriam, & ad gratiam necessariam pro consecutione gloriæ; ita potuisset omnes facere vasa honoris, & misericordiæ; & tamen omnes tales non decreuit facere; sed aliquos eorum ob solum originale damnare; alios verò ob originale, & alia actualia, seu personalia, quæ ab eis patranda præuidit, reprobare; alios præterea decreuit ab originali, immò, & ab actualibus, ac proprijs sæpè liberare, sed postea permittere,*

Prob. ratione,

Ex liberalitate sua Deus fecit homines liberos ad bonum, & malum.

Discursus euidentis ad Conclusio. nem

tere, quòd vsque in finem non perseverarent; & sic preiustos damnare. Ex quo discursu sequitur, quòd sicut finis Dei in liberando aliquos ex massa damnata, fuit exercitium suę misericordię; sic in relinquendo alios in ea, & damnando ad pœnam eternam, modo predicto, scilicet, ex peccatorum preiustione, finis eius fuit exercitium iustitię.

84. Confirmatur. Si dicatur predestinationem quoque quoad electionem factam ex preiustis meritis, sicut communiter tenetur de reprobatione; adhuc in utroque casu Deus ad iustitiam exercendam utrumque fecisset. Igitur per hoc, quòd dicitur electionem ad gloriam factam esse ex fine misericordię; non impedit, quin dicatur, reprobationem factam esse ex fine iustitię.

85. S. Augustinus inter alios fines (de quibus infra) ob quos Deus malos creavit, eosque reprobavit; vnum dicit, ostensionem iustitię. In *lib. 2. de peccat. mort. cap. 18.* sicut alibi sepè, docet, Deum in predestinando, & reprobando exercere misericordiam, & iustitiam. At quare circa illos misericordiam, & circa hos iustitiam, cum posset erga omnes exercere misericordiam; inquit, hoc non esse inquirendum, sic. *Quare autem illos velit convertere, illos pro averseione punire; quamquã, & in beneficio tribuendo nemo iuste reprehendat misericordem, & in vindicta exercenda, nemo iuste reprehendat veracem, (idest iustum) Consilium tamen occultioris iustitię penes ipsum est.* Igitur, sicut in predestinatione Deus habet pro fine semetipsum misericordem; ita in reprobatione habet pro fine semetipsum iustum: & in *lib. 1. ad Bonifac. cap. 20.* ait, *Iam quomodo ista disponet, faciens alios secundum meritum vasa irę, alios*

A paritate
predesti-
nationis.

Ex August.
finis repro-
bationis in
Deo est sua
iustitia.

Cur non
circa om-
nes Deus
exercet mi-
sericordiã
predesti-
nando, oc-
cultum est.

*secundum gratiam vasa misericordiae; quis cognouit sensum Domini, aut quis consiliarius eius fuit? At in lib. de bono Perseu. cap. 8. dicit. Cur in eadem causa, me potius, quàm illum puniet, aut potius illum, quàm me liberabit, hoc non dico si queras, quare? quia in hac re, sicut iustè est iræ eius, & sicut magnæ misericordiae eius; sic inscrutabilia iudicia eius; & infra ait, in hac re cantandam esse misericordiam, & iudicium. Igitur supposita præscientia peccatorum, finis Dei in reprobando, seu puniendo, est iustitiæ exercitium, sicut in prædestinando est exercitium misericordiæ. Cur autem in illos, & non in istos in pari causa iustitiam exer-
ceat, inscrutabile Dei iudicium est.*

84. Dico 2. Secundùm Augustinum, alij plures fines, seu motiua assignari possunt in Deo in creatione, & reprobatione hominum, supposita præscientia peccatorum eorundem.

85. Prob. vnus finis, seu vnum motiuum, dici potest, quòd sit exercitium, & experimentum electorum in virtutibus ob malorum infestationem: ita ex lib. 18. de Ciuit. cap. 15. *Inimici omnes Ecclesiæ quolibet errore cæcentur, vel malitia deprauentur, si accipiunt potestatem corporaliter affligendi, exercent eius patientiam; si tantummodò malè sentiendo aduersantur, exercent eius sapientiam; vt autem etiam inimici diligantur, exercent eius beneuolentiam, aut etiam beneficentiam, siue suasibili doctrina, siue terribili disciplina.*

86. Idem S. Doctor in Psalm. 106. assignās causam, cur Deus permittat Hæreticos externè etiam prorumpere in hereses, ait, *Potius illos pati intus semper; sed nos de illis non proficeremus. Cum autem separati sint, & quæstiones malignas inquietant nos, propositum est vobis ex illis, & in-*
sitio-

Plura Au-
gust. loca.

Alij fines
creationis
& reprobationis.

Vnus finis
extrinsecus
Dei est
experimen-
tum electo-
rum in vir-
tutibus.

sitionis studium, & timoris exemplum. Vnusquisque tremat, cum alterum videt exisse, tamquam ex illius exitu dicatur illi, qua propter, qui se putat stare, videat, ne cadat. Profunt ergo, qui exeunt. Nam si intus essent, & tam mali essent, nihil de illis prodesset: & in epist. 106. ait, Hæreticos à Deo permitti, vt emineant, qui probati sunt in eloquio Dei; quam sententiam Paulus expressit. Oportet hereses esse, vt qui probati sunt, manifesti fiant in nobis. Et de Ciuit. lib. 11. cap. 18. clariùs ait, Neque enim Deus vllum, non dico Angelorum, sed hominum crearet, quem malum futurum esse præscisset, nisi pariter nosset, quibus eos bonorum vsibus commodaret; neque ita ordinem seculorum, tamquam pulcherrimum carmen, etiam ex quibusdam quasi antithesis honestaret. Et in psalm. 54. dicit, Ne putetis gratis esse malos in hoc mundo, & nihil boni de illis agere Deum: omnis malus, aut ided viuit, vt corrigatur, aut ided viuit, vt per illum bonus exerceatur.

87. Secundus finis, seu morium Dei in creando malos, & reprobando illos post peccatorum eorumdem præscientiam, dici potest secundum Augustinum, quòd fuerit, vt prædestinati agnoscant Dei misericordiam, qua cum eis vsus est, & Deum ex hoc continuò laudent.

Prob. ex eodem pluribus in locis. Primò ex epist. 106. ait, malos creatos, & reprobatos, vt ex eorum iniustis pœnis, ac debitis vasa misericordiæ, quæ non suorum operum meritis, sed gratuita Dei gratia sunt ab illa concretionē discreta, quid sibi collatū esset addiscerēt, vt omne os obstruatur, et qui gloriatur, in Domino gloriatur. Ibidem iterum dicit, Ibi gratia est indulgentia, vbi iusta posset esse vindicta. Et hoc euidentius apparet à pœna debita liberato, & gratis iustificato, quantum beneficii conferatur; quod alter æ-

Ob bonu
electorum
permittū-
tur repro-
bi.

Et ob pul-
chritudinē
vniuersi.

Secundus
finis extri.
secus Dei
in repro-
bando, qui.

qualiter reus, sine punientis iniquitate punitur. Et in lib. de bono Perseu. cap. 8. inquit, Dens index est; ac per hoc ab eo gratis datur gratia, & iusto eius in alijs iudicio demonstratur, quod eis, quibus datur, confertur gratia.

88. Et in psalm. 87. assignat motiuum, cur Dens creat reprobos, dicens, *occurrerebat autem quæstio, quis sit vsus istorum mortuorum, quid ex his agat Dens ad vtilitatem corporis Christi, quod est Ecclesia? Et respondet. Vt in eis demonstraretur gratia, quæ est in prædestinatis, qui secundum propositum vocati sunt. Vnde ipsum corpus in alio psalmo dicit, Dens meus misericordia eius præueniet me. Dens meus demonstrauit mihi in inimicis meis; & in psalmo 58. dixerat, Dens meus demonstrauit mihi in inimicis meis quantam circa me habuit misericordiam, in illis mihi demonstrauit, circa quos non habuit; nisi enim debitor suspendatur, minus agit gratias, cui debitum relaxatur.*

89. Idem Sanctus lib. 1. ad Simpl. quæst. 2. plura dicit ad rem, & præcipuè sequentia. *Quod ergo volens Deus ostendere iram attulit vasa iræ ad vtilem alijs præstandum timorem, & vt notas faceret diuitias gloriæ suæ in vasa misericordiæ, quæ præparauit in gloriam. Etenim obduratio illa impiorum, vtrumque demonstrat, & quod timendum sit, vt quisque pietate conuertatur ad Deum, & quante agendæ sint gratiæ misericordiæ Dei, qui in aliorum pœna, quod alijs donet ostendit. Si autem illa, quam de alijs exigit, non est iusta pœna, nihil donat alijs, à quibus eam non exigit; quia verò illa iusta est, & nulla est iniquitas apud Deum iudicantem, quis sufficiat agere gratias ei, qui hoc remittit; quod si vellet exigere; nemo se rectè diceret non debere.*

90. Alius finis, ac motiuum Dei in creandis,
& re-

Vt ele&i
agnoscant
Dei mise-
ricordiã.

Multa S.
August. lo-
ca de hoc
fine Dei
in creatio-
ne, & re-
probatio-
ne malorũ

Bonum ele-
ctorum in-
surgit ex
creatione,
& reprob-
atione ma-
lorum.

& reprobandis malis post pręuisionem peccatorum eorundem, & permittendi, vt permixtim, cum prædestinatis cominorentur, secundum Augustinum fuit, vt omnes homines humiliter, & cum timore sue damnationis viuerent, nescientes de quorum sunt numero.

91. Prob. ex multis Augustini locis. Primum ex lib. de Sancta Virginitate cap. 40. An verò propter aliud credendum est, permittere Deum, vt misceantur numero professionis vestre multi, & multæ casuri, & casuræ, nisi vt his cadentibus timor vester augeatur, quo superbia vestra comprimatur, quam sic odit Deus, vt contra hanc vnā se tantum humiliaret Altissimus.

92. In lib. autem de Bono Perseu. cap. 8. inquit, hominibus autem videtur, omnes, qui boni apparent fideles, perseverantiam usque in finem accipere debuisse: Deus autem melius esse indicauit, miscere quosdam non perseveraturos certo numero Sancto-
rum suorum, vt quibus non expedit in huius vitæ tentatione securitas, non possint esse securi; multos enim à perniciosa elatione reprimat, quod ait Apostolus, quia propter, qui videtur stare, videat, ne cadat.

93. Idem S. Doctor in eodem lib. de Bono Perseu. cap. 13. inquit. Ided quippè, vt supra diximus, non perseveraturi perseveraturis prouidentissima Dei voluntate miscentur, vt esse discamus non alta sapientes, sed humilibus consentientes, & cum timore, ac tremore nostram ipsorum salutem operemur.

94. Et in epist. 107. quæ est ad Vitalem, idem prorsus dicit, Propter huius timoris utilitatem, ne regenerati, & piè viuere incipientes, tamquam securi alta sapimus, quidam non perseveraturi perseueraturis Dei permissione, vel prouisione, ac dispositio-
ne

Tertius finis creationis, & reprobationis maioris, fuit omnium humilitas.

Omnes humiliter viuere debent ne labantur.

Vt omnes timeant de casu.

trium rueret, nisi ei per Domium nostrum Iesum Christum Dei gratia subueniret?

98. Hæc ergo bona prædestinatis ex reprobatione malorum, ex creatione eorum, & mixtione cum eis, proueniunt, & sic *Vniuersa propter semetipsum operatur Deus, etiam impium; ut eius iustitia, & misericordia in vtrisque exaltetur, & glorificetur. Amen.*

C A P V T V I I I.

An Deus ex supposito decreto reprobationis, aliquo modo concurrat ad peccata reproborum.

99. **A** Du. I. quòd licet quæstio hæc pertineat propriè ad tractatum *de concursu Dei cum causis secundis*, abs re tamen non est hic aliqua discutere de Dei concursu, seu influentia ad actum peccaminosam cuiuscûque peccantis, num sit verus, & physicus influxus, an mera permissio, qua nempe Deus finit homines uti suo libero arbitrio, etiam circa obiecta mala, seu prohibita. Difficultas autem in eo consistit, quia cum Deus sit causa prima, & vniuersalis, debet ad omnem actum secundum creaturæ cuiuslibet concurrere: idèò videndum, an, vel quomodò ad actiones peccaminosas concurrat. Id autem censui in hoc Opusculo discutiendum, ut Deus optimus maximus ab iniuria authoris peccati, atque crudelis vindicetur: & mali homines excusatione indigni appareant, dum de Deo conqueruntur. Et quamuis in capite quarto huius Opusculi multa, & meritò dicta sint contra Calvinum, eiusq; gregales, dicentes quòd Deus sua absoluta voluntate voluerit homines perdere, & quòd malis

Cur hic
tractatur
de hoc pû
do.

Iustinus in *Dialogo cum Tripbone* circa finem. Ire-
neus, qui integrum librum scripsit contra Flori-
num tenentem hunc errorem, ex Eusebio Cæsar.
lib. 5. Histor. cap. 19. Clemens Alexandrinus *lib. 1. Stromat.* Origenes *lib. 4. contra Celsum.* Eusebius
Cæsariensis *lib. 6. de præparatione Euangelica c. 5.*
S. Athanasius in *orat. contra Idola.* S. Basilius
homil. 2. de opere sex dierum. S. Gregorius Nisse-
nus in *lib. 7. Philosophiæ cap. 1.* S. Gregorius Na-
zianzenus *orat. 1. in Iulianum.* S. Ioannes Chry-
sostomus *Homil. 23. in Acta Apostolorum.* Epi-
phanius in *hæresim 66. Manichæi.* Theodoretus in
Epitome diuinorum decretorum cap. de Antichristo.
S. Cyrillus Alexand. *lib. 3. in Iulianum.* Et S. Io-
annes Damascenus *de fide orth. lib. 4. cap. 20.* Hi
omnes Græci Patres, vt blasphemum, & impium
dogma censuerunt, & impugnarunt, quòd
Deus sit causa efficiens, seu author peccato-
rum, quæ sunt ab hominibus, aut istis illa præci-
piat.

IIIO. Ex Latinis verò omnes nemine prorsus
excepto (si Caluinistas cum suo impio magistro
excipias) idem docuerunt, quod Græci. Tertul-
lianus in *lib. aduersus Hermogenem.* S. Ambrosius
in *lib. de Paradiso cap. 15. & in lib. 1. Exameron.*
cap. 8. S. Hieronymus in *cap. 1. ad Ephes. & in cap.*
7. Eccles. S. Prosper in *responsione ad capitula Gal-*
lorum cap. 12. S. Fulgentius in *lib. 1. ad Monimum.*
S. Gregorius Magn. *lib. 29. Moral. cap. 21.* Leo 9.
in *epist. ad Petrum Antiochenum.* Hugo de S. Vi-
ctore *lib. 1. de Sacrament. part. 5. cap. 27.* & omnes
Scholarum authores, S. Thom. S. Bonau. Scotus,
Alexander de Ales, & S. Augustinus, cui pro sua
doctrina de electione aliquorum ex massa dam-
nata, ad gloriam, & efficacem gratiam, ac de-
sertione aliorum in eadem massa, ac reprobatio-

Omnes P.
P. Græci
dicunt im-
pium esse
asserere,
quòd Deus
sit A author
peccati.

Patres La-
tini.

S. Aug. cui
incumbe-
bat hoc
probare,
dogma
Manichæo-
rum impu-
gnat.

ne (licet ex præiudiciis demeritis) incumbere hoc dogma probare, ut obstrueret ora, nedum Manichæorum, ac Massiliensium, sed & multorum Catholicorum nolentium pacato animo, & non præoccupato doctrinam eius in his materijs discutere, pluries impium Manichæorum (quod Deus sit Author peccatorum nostrorum) dogma refellit. Primò in lib. de natura, & Gratia contra Pelag. cap. 48. & 49. ubi docet, quod peccare nostrum est, at non posse peccare non est nostrum. 2. in lib. de Prædest. Sanctorum cap. 10. idem docet. 3. in lib. de natura, & Gratia cap. 54. docet, quod peccata non diuino operi, sed humane voluntati, illiusque iustæ vindictæ tribuimus. 4. in disp. 2. contra Fortunatum, inquit, Peccata nostra, nisi à libera voluntate nostra essent, non essent peccata. 5. in lib. de vera Relig. cap. 14. ait, Peccatum vsque aded voluntarium malum est, ut nullo modo sit peccatum nisi sit voluntarium. 6. in lib. 3. cont. Iulianum Pelag. c. 3. dicit, peccati origo est voluntas mala, & peruersa. 7. in lib. 7. Confess. cap. 3. ait, peccati causa est liberum arbitrium. Idem habet, in lib. 22. con. Faustum cap. 22. 8. de Gen. ad lit. lib. 11. cap. 9. dicit, peccatores à se habent voluntatem malam; à Deo autem naturam bonam, & iustam pœnam. 9. In quaest. super Exodum qu. 29. dicit, peccatorum origo in voluntate hominis est. 10. in lib. 83. qq. qu. 19. peccatum nulli imputatur, nisi in propria fuerit voluntate. 11. in lib. 2. de peccat. mor. & remis. cap. 16. inquit, peccatum nullum Deus habere iubet, cum scientia tamen, nullum hominem hoc esse facturum. 12. in lib. de vera, & falsa pœnit. c. 16. docet, peccatū nullū ordinauit, qui nullū relinquit impunitum; ordinauit autē pœnam amantibus culpam. 13. in lib. 1. de lib. arb. c. 2. & in lib. imperfecto de Gen. ad lit. c. 5. inquit, peccatorū nostrorū Deus author non est, ordinator tamen est, cū pec-

cato-

Pluribus
in locis id
præstat S.
Doctor.

catores in eo loco constituit, & ea perpeti cogit, quæ merentur. 14. In articulis sibi falsò à Semipelagianis impositis, art. 5. ait, peccati author Deus non est, & in lib. 2. de pecc. orig. cap. 27. in fine, & in lib. 2. cap. 3. de Symbolo ad Cathecumenos, inquit, peccati author est Diaboli decipientis calliditas; & hominis consentientis voluntas; naturæ verò author Deus. Ecce quòd S. Augustinus acriter defendit, Deum non esse causam peccati, nec præcipere peccatum; sed illud odio habere, & punire. Immo ait, misereri peccantium; & ideò remedium eis contrulisse, vt reconcilietur, & vt in suam redeant gratiam, nempè pœnitentiam: ita in qq. Vet. & Novi Testam. qu. 102. & tract. 49. in Euang. Ioannis, inquit, Si peccatores Deus non amaret, de Cælo ad terram non descendisset, & in lib. de peccat. mor. & remis. cap. 26. & 27. dicit, peccatores querere, saluare, & illuminare venit Christus in hunc mundum, iuxta illud, venit filius hominis querere, & saluum facere, quod perierat.

III. Absit ergo ab humano corde peruersum, impiumque illud Caluini, & gregalium damnatum dogma, quòd Deus per se, & positinè concurrat ad peccatum, vel præcipiat illud, aut cogat homines ad illud perpetrandum; cùm peccantes puniat, iramque suam in eos effundat, ac in æternas pœnas eos condemnet. An verò, cur, & quomodò permittat homines peccare, nunc videndum est.

112. Dico 2. Deus non concurrat ad peccata hominum alio modo, nisi permittendo, vt homines vtantur libero suo arbitrio, vt sibi placet, tam scilicet circa obiecta, seu materias bonas, ac præceptas, quàm malas, seu prohibitas: ita communis Theologorum sensus.

Constant
S. August.
sen entia,
quòd Deus
non sit au-
thor pec-
cati alieni
ius homi-
nis.

Sed odie
peccata, &
miseretur
peccanti sibi.

Deus per-
missinè eam
cum se ha-
bet ad ho-
minū pec-
cata.

113. Prob. 1. euidenti ratione, supposito fidei principio, quòd Deus concurrat ad omnes effectus causarum secundarum, quæ est omnipotentia diuinæ proprietatis: *in ipso enim*, inquit Apostolus Act. 17. 28. *uiuimus, & mouemur, & sumus.* Tunc sic. Deus ad omnes actus liberi arbitrij, ex generali lege concurrat; quia omnes sunt creaturæ; ideòque essentialiter à Deo dependentes in fieri, & esse. Sed non concurrat effectiue, vel præceptiue, vt probatum est ad malitiam peccatorum; ergo concurrat permissiue, idest, permittendo, vt homo faciat, quod vult. Cur autem permittat, & permiserit in Adamo, dicetur postea. Consequ. prob. Alius modus concurrendi excogitari non potest, decens diuinæ bonitati, & omnipotentia, vt nempe nihil fieri possit à creatura, nisi volente Deo; & nulla sit iniquitas in Sanctissimo Deo. Modus autem permissionis, sic declaratur. Deceuit Deus creare homines, cum libero arbitrio ad faciendum, quod vellent; & deceuit præbere illis concursum ad omnes eorum operationes; præuidit autem, quòd pro sua libertate, opera mala, idest circa obiecta prohibita essent operaturi; & potuisset, si voluisset eos impedire non præbendo eis concursum ad operationes: at deceuit non impedire, & non negare concursum, sed sinere operari, vt vellent; & hoc est permittere. Neque video, quomodo possit aliter explicari hæc Dei permissio in peccatoribus: ergo.

114. Prob. 2. Conclusio ex Gen. 4. 7. dicit Deus ad Cain, *Nonne si benè egeris recipies; sin autem malè, statim in foribus peccatum aderit. Sed sub te erit appetitus eius, & tu dominaberis illius.* Et quia Deus non impediuit Cain ne occideret

Permittendi modus.

Ex factò
Cain.

Sacram Scripturam, ipsique Philosophi sequentes dictamen naturæ, vt mox patebit. Prius ergo videbimus, an positiuè, an verò permissiuè tantum Deus concurret ad peccata hominum; deinde *in cap. 10.* videbimus, cur ea permittat. Et loquimur de actualibus peccatis.

101. Adu. 3. quòd vt suppono *ex tract. de vitijs, & peccatis*, in quolibet peccato, siue commissionis, siue omissionis adsunt duo, vnum pro substrato, seu subiecto, alterum pro formali, seu forma peccaminosa; v.g. in furto, vel fornicatione, adest materialis ille actus capiendi bona alterius, vel coeundi carnaliter; qui sunt actus merè naturales; & adest in eis negatio rectitudinis debitæ in esse illis actibus, idest negatio conformitatis ad legem; lex enim præcipit, non furandum, non mæcandum; qui hæc non facit, habet conformitatem ad legem; hæc est bonitas: qui facit habet negationem huius cõformitatis, seu bonitatis. Hęc certa, & sine difficultate sunt. Sed difficultas est, quomodo, qui concurret ad actum illum materiale capiendi bona alterius, vel coeundi cum non sua vxore, cui necessariò connexa est deformitas, seu bonitatis carentia, non concurret ad illam deformitatem, seu bonitatis carentiam. Hoc opus, hic labor. Deus enim, vt causa prima, de necessitate causalitatis vniuersalis concurret ad omnem actum positium humanum: quomodo ergo saluabitur, quòd non concurret etiam ad deformitatem, quæ necessariò coniuncta est cum actibus illis posituiis. Hoc etiam videndũ.

102. Dico 1. Deus nullatenus concurret positiuè ad formale peccati, vt dici possit author peccati alicuius hominis.

Prob. 1. ex ipsismet Ethnicis Philosophis.

L1

Mer-

Duo consideranda in actu peccaminoso.

Difficultas hæc in quo consistat.

Deus non concurret ad formale peccati.

Ex Ethnicis prob.

Mercurius Trimegistus in *Pimandro* cap. vlt. ait,
à Deo factore nihil turpe, nihil malum prodijt.

103. Plato de *Republica* dialogo 2. inquit; Bonorum quidem solus Deus causa est dicendus: malorum autem quamlibet aliam causam querere decet. Et postea damnat docentes oppositum, inquitens, malorum alicui causam esse Deum, cum bonus sit, resellendum est omnino; nec permittendum hoc quemquam dicere in sua Ciuitate, si bonis instrui legibus ciuitas debet. Et velut fidei inquisitor Christianus Catholicus, nec audiendam permittit hanc blasphemiam, subdens, Nec quemquam permittendum audire, siue sit ille iunior, siue senior; siue carminibus hæc inferantur, siue soluta oratione narrentur, tamquam quæ neque dicta sancta sint, neque alijs vtilia, neque inter se consona. Quomodo sanctius loqui potuit quiuis Catholicus Doctor? & tamen effrons Calvinus ausus est delirare.

104. Prob. ex S. Scriptura, Psalm. 5. non Deus volens iniquitatem tu es. Deuter. 32. 4. Deus fidelis, & absque vlla iniquitate. Sapientie 14. odio est Deo impius, & impietas eius: Habacuh 1. Mundi sunt oculi tui, ne videant malum, & respicere ad iniquitatem non poteris. Ezechiel. 18. Nunquid voluntatis mea mors impij, dicit Dominus? & cetera plura loca Veter. Test. improbant Calvinistarum impietatem.

105. Prob. 3. ex Nouo Test. Ex 2. Petri. cap. 3. Deus neminem vult perire: ex Rom. 3. Nunquid iniquus est Deus? absit, alioqui quomodo iudicabit Deus hunc mundum? & cap. 9. nunquid iniquitas apud Deum? absit. Ex epist. 1. Ioan. cap. 3. peccatum in eo non est.

106. Neque dici potest, quod præceperit hominibus, vt peccarent. Nam Ecclesiast. 15. Ne-

mini

Trimegi-
stus.

Plato neq;
dici per-
mittit.

Ex S. Scri-
ptura Ve-
ter. Test.

Ex Nouo
Testam.

mini mandauit impiè agere . Non dicas per Deum , abest ; quæ enim odit , ne feceris , non dicas ille me implanauit . Non enim necessarij sunt ei homines impij . Vnde Iacobus in epist. Canonica docet , quòd Deus non solum non peccat cum homine , aut iubet ei peccata , sed neque tentat eum ad peccatum . Neque cum tentatur dicat , quòd à Deo tentatur , Deus enim intentator malorum est ; ipse autem neminem tentat , sed vnusquisque tentatur à concupiscentia sua abstractus , & illectus .

Et per Ieremiam cap. 19. protestatur Deus , quòd peccata non precepit , sic . *Ædificauerunt excelsa Baalim , quæ non precepi , nec locutus sum , nec ascenderunt in cor meum .*

107. Prob. 4. Deus in toto Sacro Textu prohibet peccata , & comminatur penas peccantibus , ergo , nec ipse concurrit efficienter ad peccata ; neque ea imperat : euidentia est consequentia ; iniuste enim ageret , si puniret opera sua , vel quæ ipse precepit , vt fierent . Anteced. ex lectione Sacri Textus patet ; de prohibitione sufficiat vnus locus Isaïæ cap. 1. *Væ genti peccatrici , populo graui iniquitate , semini nequam , filijs sceleratis , dereliquerunt Dominum , blasphemauerunt Sanctum Israel , ab alienati sunt retrorsum . Super quo percutiam vos vltra addentes præuocationem ? Omne caput languidum , & omne cor mærens , &c. & post multa . Terra vestra deserta , ciuitates vestre succensæ igni ; regionem vestram coram vobis alieni denorant , & desolabitur , sicut in vastitate hostili , &c.*

108. De panis autem illatis à Deo ob peccata , quis fidelis Scripturam Sacram legens , diffiteri potest ? incipiat ab Adamo , & consideret in quas pœnas incurrerit , & in nobis easdem induxerit ob transgressionem diuini precepti ; quàm

Deus non
præcipit
hominibus
ut peccent

Deus pro-
hibet pec-
cata .

deret fratrem suum, sicut poterat varijs modis impedire, sed permisit, vt suo arbitrio vteretur ad malum, & sic occidit fratrem suum.

115. Prob. 3. ex Ecclesiast. 15. 14. *Ab initio Deus constituit hominem, & reliquit illum in manu consilij sui. Adiecit mandata, & precepta sua. Si volueris mandata seruare, conseruabunt te. Apposuit tibi aquam, & ignem; ad quod volueris porrigere manum tuam. Ante hominem vita, & mors; bonum, & malum, quod placuerit ei, dabitur illi. Ecce quod Deus ab initio sic fecit hominem, vt permetteret ei facere, quod vellet, etiam cum sciret operaturum fore malum, sicut accidit in Adamo, Caino, & omnibus peccatoribus.*

116. Prob. 4. ex psalm. 80. 12. vbi Deus dicit. *Non audiuit populus vocem meam, & Israel non intendit mihi. Et dimisi eos secundum desideria cordis eorum, ibunt in adinventionibus suis. Dimittit ergo, seu permittit, vt homines sua iniqua desideria exequantur.*

117. Prob. 5. ex Rom. 1. 24. vbi de iniquis peccatoribus Apostolus ait. *Propter quod tradidit illos Deus in desiderijs cordis eorum in immunditiam, vt contumelijs afficiant corpora sua in semetipsis, &c. & post. Tradidit eos Deus in passiones ignominie. Nam femina eorum mutauerunt naturalem usum, in eum usum qui est contra naturam. Similiter autem masculi relicto naturali usu feminae, exarserunt in desiderijs suis in inuicem, masculi in masculos turpitudinem operantes. Et post aliqua. Tradidit eos Deus in reprobum sensum, vt faciant, ea quae non conueniunt, repletos omni iniquitate, malitia, fornicatione, auaritia, nequitia; plenos inuidia, homicidio, contentione, dolo, malignitate; susurriones, detractores, Deo odibiles, contumeliosos, superbos, elatos, inuen-*

Homin
liberum
arbitrium
in peccan
do ex Sac.
Textu.

Alia Sac.
script. lo-
ca.

Ex Apost.
Paulo.

tores malorum, parentibus non obediētes, insipientes, incompósitos, & sine affectione, absque federe, & sine misericordia, &c. Ecce quæ mala facere possunt homines ex suo arbitrio, Deo permittente; id enim significat illa dimissio Dei secundum desideria cordis humani, ac traditio in reprobum sensum, ut faciant homines quod volunt.

118. Theodoretus in cit. loco ad Rom. Tradidit eos, inquit, illud tradidit posuit pro permisit, & infra. Illos sua providentia priuavit, & tamquam cimbam absque rectore ferri permisit, &c. Idem prorsus dicit in psalm. 80. & dimisi eos, &c.

S. Augustinus lib. 5. cont. Iulianum Pelagianum cap. 3. probat, quod sæpè aliquod peccatum est pœna alterius peccati, quod probat ex dictis locis Psalmi, & Pauli, nempe, quod Deus tradidit peccatores in reprobum sensum, non quidem, ait, per potentiam, quasi immittat in eis mala desideria, aut mala opera, sed ait per patientiam, quia eos deserit, & permittit, ut suo arbitrio vtentes, ea committant. Et multa Scripturæ huius permissionis enumerat facta.

119. In lib. 13. de Trinît. cap. 12. ait, Modus iste, quo traditus est homo in Diaboli potestate; non ita debet intelligi, tamquam hoc Deus fecerit, aut fieri iusserit, sed quod tantum permiserit, inultè tamen.

In lib. 5. cont. Iulian. cap. 4. inquit. Quàm verè innumerabilia Deus permittit fieri ante oculos suos, quæ utique, si noluiſſet, nulla ratione permetteret; & tamen iustus, & bonus est, & quod præbendo patientiam dat locum penitentiæ, nolens aliquem perire; nouit Dominus, qui sunt eius, & infra explicans illud Rom. 1. tradidit illos (idest reprobos) in passionēs ignominie, dicit, hoc Deum facere miris, & ineffabilibus modis; sed semper iustè.

Theodoretus
expli-
catio.

S. Augustinus
de permis-
sione sen-
tentia.

Plura Au-
gustinus loca
de permis-
sione.

120. In epist. 89. ait. Dictum est, ne nos inducas in tentationem, quod intelligitur, ne nos inferri deferendo permittas.

In lib. 10. cont. Faustum cap. 9. ut Deum vindicet à calumnia scelestorum hominum, qui in Deum suas iniquitates refundunt, inquit. *Hi perturbati homines non intelligunt, in vno eodemque opera mala, non postea consequente alia, quæ manifestata erit, sed quadam comitante vindicta, aliud venire de astutia suadentis, aliud de nequitia nolentis, aliud de iustitia punientis: cum Diabolus suggerit, homo consentit, Deus deserit.*

121. In lib. 20. de Ciuit. cap. 19. dicit. *Nec dubitauit Apostolus addere, & dicere: idem mittet illis Deus operationem erroris, ut credant mendacia. Deus enim mittet, quia Diabolum ista facere permittet, iusto ipse iudicio, quamuis faciat ille iniquo, malignoque consilio.*

S. Hieronym. in cap. præfatum Epistolæ ad Rom. ibi, *Propter quod tradidit illos Deus in desiderijs cordis eorum, ait, in hoc, quod Deus tradidisse dicitur proprijs desiderijs peccatores, ostendit, non quod ipse sit causa, sed quod per longanimitatem, & patientiam, non inducendo vindictam, patitur eos secundum cordis sui agere voluntatem. Hoc facit volens eos ad penitentiam conuerti. Idem dicitur tradere in scripturis Deus, cum non retinet delinquentes propter arbitrij libertatem, sicut in psalmo dicit dimisi eos secundum desideria cordis eorum; ergo.*

122. Pro coronide harum probationum, quod Deus non per se concurrat ad peccata hominum, sed permissiue tantum, ponamus decretum Concilij Trid. sess. 6. can. 6. *Si quis dixerit non esse in potestate hominis vias suas malas facere; sed mala opera, ita ut bona Deum operari, non permissiue so-*

Varijs argumentis S. August. probat Deum peccata hominum non patrare, sed per mittere tantum.

S. Hieron. idem docet de diuina permissione.

Conc. Trident. decretum hoc totum confirmat.

lum, sed propriè, & per se, adeò sit proprium eius opus, non minùs proditio Iudæ, quàm vocatio Pauli, Anathema sit. Idem docuerat Concil. Arau- sic. secundum: ergo de fide est, quòd Deus permissiue tantum se habeat in peccatis hominum.

CAPVT IX.

In quo solvuntur potiora argumenta de Dei concursu ad hominum peccata.

123. **A**Du. quòd, licet in præcedentibus suffi-
cienter demonstratum sit, quòd Deus
nec effectiue, nec præceptiue concurrat ad pec-
cata hominum, immò ea odit, ac prohibet, &
punit; sed permissiue tantum, quatenus finit, vt
homines suo libero vtantur arbitrio, etiam circa
prohibita, & potens impedire, vel subtrahendo
vires hominibus, ne operentur mala, vel alijs mo-
dis impediendo, hoc non facit: tamen, quia
nunc Calvinistæ, & olim Marcionistæ, ac Valen-
tiniani, & Manichæi multa afferunt argumenta,
ex Sacra Scriptura, & alia ex ratione deducta,
quibus probare nituntur Deum effectiue, vel præ-
ceptiue ad omnia hominum peccata concurrere:
decreui aliqua ex eis in medium afferre, ac solue-
re, ne Tyrones incauti decipiantur.

124. Adu. 2. quòd quamuis omnis peccans
suo vtens libero arbitrio Deum deferat, ideòque
à Deo deferatur, vt ex S. Augustino docet Con-
cil. Trid. sess. 6. cap. 11. & hoc accadat in omni
peccato, & sic omnis peccans à sua concupiscen-
tiâ vehementi obfuscatus, & obæcatus peccet:
hæc ramen obæcatio non semper est illa magna,
quæ dicitur etiam induratio, de qua loquitur Isa-

ias

Mens au-
thoris, quæ
in hoc ca-
pite.

ias *cap. 53.* & refert Saluator *Ioan. 12.* quam Deus immittit in aliquos, in pœnam aliquorum grauium peccatorum, vt mox patebit; quam ob causam præfati blasphemæ effutierunt, Deum in ijs casibus peccare. Prius ergo adducam loca ista de obcecatione, & induratione, quæ à Deo immissa, seu tradita legitur pessimis, ac reprobis hominibus; quæ, permissio quidem est, sed considerabilior; deinde de alijs simplicibus permissionibus, siue ex Sacra Scriptura, siue ex ratione causæ vniuersalis deducta argumenta asseram, & Deo adiunante soluam.

125. Primum argumentum ex Veteri Testamento desumptum est euulgatissimum factum de Cencres Pharaone *Exodi 4. 21.* & *cap. 7. 3.* Deus dicit Moysi, *ego indurabo cor Pharaonis*. In *cap. 8. 12.* dicitur, *indurauit Dominus cor Pharaonis*. In *cap. 10. 1.* *ego enim induraui cor eius*. Idem replicatur in pluribus alijs capitibus libri illius. Ergo (inquiunt Hæretici illi) Deus fuit causa, cur Pharaon ad primum Moysi nuncium crudeliter tractaret Iudæos; deinde etiam visis tot Moysis miraculis, eos non dimitteret, si enim Deus eum non indurasset, paruisset.

126. Resp. consequentiam esse voluntariam, & malè ex præmissis deductam; quia in pœnam scelerum à Pharaone patratorum, ac patratorum, quæ Deus præsciebat, statuerat deserere, & obcecare, seu indurare Pharaonem, ne pareret. Nā præter peccatum Idolatriæ circa Apim, & alia, quæ nescimus; iniuste, ac tyrannicè addixerat crudeli seruituti populum Hæbraicum, qui per annos 400. erat liber incola in Ægipto; & crudeliter eum tractabat, vtendo illo in ædificijs maximarum Pyramidum, vnde Deus *Exodi. 4.* dicit Mo-

Obeccatio duplex: vna in omni peccato; alia in pœnam peccati.

Factum contra Pharaonem ex libro *Exodi.*

Ratio cur Deus indurauit Pharaonem.

278 DE REPROBAT. MALORVM.

Moisi, se iratum cum Ægyptijs *propter duritiam eorum, qui præerant operibus* : & perueniente ad Pharaonem Moise, ac explicante Dei mandatum, vt populum dimitteret; non solum non paruit, sed iussit duplicari labores diurnos Iudæorum, & vapulare eos, qui laborem non perficiebant. Ventum est ad tria miracula Virgæ conuersæ in serpentem, & rursus ex serpente in Virgam: conuersionis aquæ totius Nili in sanguinem per dies septem; ebullitionis ranarum in maxima copia per totam Ægyptum; & non credidit; immò putans esse præstigia demoniaca, curauit per maleficos Iamnem, & Mambrem (vt ait Apostolus) fieri apperentia similia per Dæmonum artem: at Virga Moisis deuorauit virgam maleficam, idest, fecit eam enascere: at Pharaon non credidit. Moises edidit miraculum Ciniphum in tota Ægypto. Tentarunt malefici facere similia, & non potuerunt; immò dixerunt, *digitus Dei est hic*: neque credidit Pharaon. Quid ergo mirum, si Deus in pœnam tot scelerum, tantæque incredulitatis, eum dereliquit, obcæcauit, & indurauit, vt neque post alia sex horribilia signa vellet populum dimittere; & postquam dimisit, de hoc facto pœnitens, illum cum exercitu magno persecutus est; donec in mari rubro, cum toto exercitu suffocatus simul cum illo, temporalem vitam amisit, & mortem æternam est consecutus. Pœna ergo priorum peccatorum fuit induratio.

127. Secundus locus, ex quo desumitur argumentum, est in Iosue II. vbi dicitur, *Domini sententia fuerat, vt indurarentur corda eorum, & pugnarent contra Israel*. Ergo Deus indurauit, & fuit causa, vt non se traderent Iosue in Seruos, sed

Ordo deli-
torum, &
pharaonis

Vnde ob-
secratio, &
obduratio
Pharaonis

Aliud ar-
gum. Cal-
uini ex Io.
sue.

sed obstinati necarentur .

228. Resp. ex eodem capite, & ex alijs præcedentibus haberi solutionem: Deus enim præceperat Moysi, & per hunc Iosue successori, & toti populo, vt omnes Cananæi, vtpotè Idolatræ, &c. ad vnum necarentur completa enim erat eorū malitia, propterea eos deferere statuerat, vt neque humiliare se possent Hēbreis, ab eisque veniam petere, & eisdem Ciuitatum clauēs tradere: ideo subdit Textus, *Et pugnarent contra Israel, & caderent, & non mererentur vllam clementiā, ac perirent, sicut præceperat Dominus Moysi*. Regula ergo vniuersalis, ex Augustino, est, vt quoties in Sacro Textu legitur obduratio, vel excæcatio alicuius à Deo ex hominū obstinata malitiā proueniēs; intelligatur desertio, qua Deus aliquem obstinatum peccatorem priuat suo auxilio ad respiscendum, & permittit eum vti suo libero arbitrio in malum, vt cadat, & totum hoc in pœnam priorum peccatorum: pluries autem id docet S. August. primò in epist. ad Sixtum, quæ est 105. *Non obdurat Deus impartiendo malitiam; sed non impartiendo misericordiam*. 2. in lib. 1. ad Simplicianum qu. 2. ait, *obdurare Deum est nolle misereri; nec ab illo irrogatur aliquid, quo sit homo deterior, sed tantum, quo sit melior non erogatur*. 4. in lib. 5. cont. Iul. cap. 3. ait, *cæcitas mentis, quam solus Deus illuminator remouere potest, & est peccatum, quo in Deum non creditur, & est pœna peccati, quæ cor superbum digna animaduersione punitur, & est causa peccati, cum aliquid mali cæci cordis errore committitur*. Hæc, & alia plura Augustinus. Itaque non Deus est author peccati, sed ipsemet peccans, qui non curans, sed spernens Dei illuminationes; & inspirationes, à Deo deseritur in pœnam futurorum peccatorum.

Cur Cananæos Deus deseruerit, & indurauerit.

S. August. doctrina, quare, & quando Deus obcecat, & indurat.

Factum Ioseph in Ægypto venditi.

129. Tercius locus, quo Phanatici vtuntur, habetur, *Gen. 45. & 50.* In primo, cum Ioseph venditus Ismaelitis à fratribus, & ab Ismaelitis Putiphari Magistro militum Pharaonis, deinde ex Dei providentia factus à Pharaone Ægypti Primus Minister, & se, vt ibi, fratribus manifestasset, hique stupidi, ac trementes de vindicta iusta timerent, veniamque implorarent, Ioseph consolans eos dixit, ne timerent, & adducens huius causam excusantem illos, dixit, *Non vestro consilio, sed Dei voluntate huc missus sum.* Et in *cap. 50.* cum ab officio pietatis sepulturæ Patris sui Iacob de Hebron reuerteretur in Ægyptū, magis timentes fratres de vindicta, & iterum, veniam de in eum patrato delicto petentes, se humiliter benignitati Ioseph commendarent; Ioseph ait; *Nolite timere; num Dei possumus resistere voluntati?* ex quo duplici dicto, Phanatici inferunt, quòd fratres Ioseph ex Dei consilio, ac voluntate fratrem persecuti sunt, eumque venderunt.

Duo consideranda sunt in Ioseph casu. Vnū malum, quod fuit à fratribus, alterū bonum, quod fuit à Deo.

130. Resp. ad primum, *Non vestro consilio*, &c. quòd duo consideranda sunt in Ioseph casu. Primum est venditio facta ex inuidia Fratrum. Secundum est exaltatio eius in Ægypto. Primum fuit peccatum fratrum, ad quod Deus permissiue se habuit; sicut cum cæteris peccatoribus: Secundum verò non processit ex consilio, seu intentione fratrum, qui volebant eum perdere: sed fuit intentio Dei, qui peccatum illud fratrum ordinavit ad exaltationem Ioseph; & hoc tantum, dixit fuisse Dei voluntatem, non primum; inquit enim, *Non vestro consilio, sed Dei voluntate huc missus sum, qui fecit me, quasi Patrem Pharaonis, & Dominum vniuersæ domus eius, & Principem in omni*

omni terra Ægypti . Et sic nihil ad rem .

131. Ad 2. ex cap. 50. *Dei non possumus resistere voluntati* . Resp. non fuisse voluntatem Dei, vt fratres Ioseph, ei inuidentes, ipsum venderent; sed voluntas Dei fuit, vt mala cogitatio, & actio eorum de perdendo illum inter mancipia Ægypti, quò, venditus, erat asportandus, verteretur in bonum suum; ideò addidit. *Vos cogitastis de me malum; sed Deus vertit illud in bonum, vt exaltaret me, sicut in presentiarum cernitis, & saluos faceret multos populos* . Voluntas ergo Dei erat exaltandi Ioseph in Principem; ideò iam ante 43. annos, eo nesciente quòd significarent, immisit duo somnia, quæ fratribus narrauit, Gen. 1. 27. Vnum in quo viderat, se in campo cum fratribus ligare manipulos spicarum; ac manipulum suum stare, & manipulos fratrum genuflexos adorare manipulum suum; quod audientes fratres dixerunt; *Numquid Rex noster eris, aut subiiciemur ditioni tuæ?* Alterum quod narrauit iisdem, & Patri, *Vidi per somnium, quasi Solem, & Lunam, ac undecim Stellæ adorare me* . Cui Pater dixit. *Quid sibi vult somnium hoc? numquid ego, & mater tua, & fratres tui adorabimus te super terram?* Volebat ergo Deus exaltare eum efficaciter, cui nemo poterat resistere; & vsus est facto peccaminoso fratrum, per quod in Ægyptum, locum exaltationis, induxit .

132. Quartus locus, quo Phanatici vtuntur in Dei iniuriam, & scelestorum excusationem, sumitur ex Iob. 12. vbi de Deo dicitur, *commutans labium veracium, & doctrinam senum aufert, qui immutat cor principum, & decipit eos, vt frustra incedant per inuium; palpabunt, quasi in tenebris, & non in luce, & errare eos faciet, quasi ebrios, &c.*

Dei voluntas non fuit de v. ditione, nisi permissua, de exaltatione postiu

Didum.
Iob, quod
Deus facit
errare.

ex quo concludunt, quòd Deus est causa peccatorum eorundem, & non permissiue tantum, sed effectiue.

133. Resp. satis superque Scripturæ interpretes omnia similia loca de permissione, vel de vindicta in pœnam alicuius peccati declarasse. Ad hunc autem Iob, *Commotans labium*, Glos. ord. ait, *quia sapè bi qui caelestia prædicando veraces erant, dum temporalia diligunt, ad terrena dicenda corruunt, labium veracium commutatur*. Lyr. ibi inquit. *Aliquando propter elationem subtrahitur lumen cognitionis veræ, & sic falsa loquuntur, vt dicitur Rom. 1. dicentes se esse sapientes, stulti facti sunt*. Verbo, doctrina. Glos. ord. ait, *quia Iudæi nequaquam ea credendo secuti sunt, quæ Patres suos dixisse meminerunt*. Lyr. ibi ait, eos insatuando prædicto modo; non quod aliquando falsum à Deo immittatur intellectibus eorum; sed quia ex demeritis eorum subtrahit illustrationem suam; & sic cadunt à veritate propter proprium defectum. Versu, *Qui immutat cor principum, &c.* Glos. ord. dicit, *cor principum terræ immutatum est, cum summi Sacerdotes, & Seniores populi illi conabantur obsistere, quem prius prædicabant; & decepti sua malitia, incedere per inuium frustra conabantur; quia crudelitati eorum quærentium extinguere nomen suum, patere via non poterat, contra authorem omnium*. Palpabunt, &c. Lyr. pluribus, sed sicut supra, id explicat, quòd nempe Deus non immittit malum, in cordibus principum; sed quòd ex demeritis subtrahit illustrationem, ne cognoscant veritatem, & sic cadunt in deceptionem per proprium defectum, & sic permittit eos errare, quasi ebrios.

134. Quintus locus, seu quintum argumentum, quo Phanatici vtuntur, desumitur ex Isaie cap.

Glosæ declaratio a-
perta, &
clara de
permissione, vel in
dicta, ac
pœna.

Argum. ex
Isaia de-
sumptum.

cap. 63. *Tu Domine Pater noster, & Redemptor noster, quare errare nos fecisti Domine de vñs tuis, indurasti cor nostrum, ne timeremus te?*

135. Resp. Interl. *errore fecisti, ait, permisisti. Erroris, & induritiæ causa videtur, dum non corripit delinquentes. Ver. indurasti, eadem Interl. ait, indurari permisisti suspendendo flagella. Lyr. inquit, indurasti cor meum subtrahendo gratiam cor mollicantem, tamen iustè pro nostra incredulitate.*

136. Sextus locus, seu argumentum Phannicorum desumitur ex Ieremiæ 20. ubi ait Propheta; *Seduxisti me Domine, & seductus sum, fortior me fuisti, & inualuisti; factus sum in derisum tota die; omnes subsannant me. Sed Glos. ord. sic explicat, dicit Propheta à Domino se deceptum, cui supradictum est Prophetam in gentibus dedite, & constitui te hodiè super Gentes, & regna, &c. Quibus verbis arbitratur nihil se contra Iudæos dicturum; sed contra Gentes: & idè prophetiam libenter assumpsit. Nunc autem res in contrarium recidit, ut captiuitatem Ierusalem prædicaret, & persecutiones, ac angustias sustineat. Ita S. Hieronymus; sed Theodor. & Vatabl. dicunt, Propheta dicere volebat, Domine detrectavi munus Prophetæ dicens, Puer ego sum, & tu me induxisti, promittens me futurum columnam ferream, & murum æneum; & ecce omnes obruunt me, & succumbo carceri, ærumnis, odijs, & irrisiõibus Iudæorum. Videtur ergo mihi tacitè, & callidè in hosce compedes, & ærumnas inductus, & seductus. Ex hoc autem non potest colligi, quòd Deus Ieremiam decepterit, vel quòd in aliquod peccatum eius influxerit; sed quòd ipsemet Ieremias à semetipso deceptus sit, intelligens Dei verba materialiter, ac literaliter; non spiritualiter, ac mysticè; quia re vera*

Argum. ex
Ieremia.

Hieron. re
sponso.

Alia Theo
dor. & Va
tabl.

Ieremias à
semetipso
deceptus
est.

ad baratrum sequantur .

147. Quia tamen omnes eiusmodi errores , ac deceptiones hominum reproborum , quæ alijs vocabulis dicuntur excæcationes , & obdurations in malo , à Deo deferente permittuntur in penam præcedentium peccatorum , libet adducere vnā generalem, sed magistralem Augustini doctrinam : Is enim in lib. 5. cont. Iul. cap. 3. ait. *An non est peccatum, & pœna peccati, vbi legitur, Deus misit illis spiritum erroris, & seduxerunt Ægyptum in omnibus vijs suis, sicut seducitur ebrius? Nonne peccatum, & pœna peccati, vbi Deo dicit Propheta, quia errare fecisti nos Domine à via tua, obtudisti eorda nostra, vt non timeremus te? Ecce tu iratus es, & nos peccauimus, propterea errauimus, & facti sumus immundi omnes? Nonne est peccatum, & pœna peccati, vbi legitur de Gentibus, quas debellauit Iosue, quia per Dominum factum est confortari cor eorum, vt obuiam irent ad bellum contra Israel, & exterminarentur? Nonne est peccatum, & pœna peccati, quod non audiuit Roboam Rex plebem benè monentem, quoniam, sicut Scriptura loquitur, erat conuersio à Domino, vt statueret verbum suum, quod de illo locutus est in manu Prophetæ? Nonne est peccatum, & pœna peccati in eo, quod scriptum est, Amasiam noluisse audire Ioas Regem Israel benè monentem, at procederet ad bellandum? Et infra sequitur. Vndè est illud Apostoli, quod ad Thessalonicenses scribit. Pro eo quod dilectionem veritatis non receperunt, vt salui fierent, ideò mittet illis Deus operationem erroris, vt credant mendacio. Vt seduceretur Acab, & in prælio periret: & adducit Historiam supra allatam de Diabolo ex Dei permissione decipiente Prophetas Acab, ipsumque Acab per eos .*

Generalis
August. re-
gula circa
permissionem Dei,
vt reprobi
peccent .

In penam
semper sūt
permissiones,
quas
narrat .

148. Alia plura adduci possent Scripturę loca eiusdem tenoris : at quia omnia eandem patiuntur responsionem , ea omitto ; & ad finem Opusculi accedo .

C A P V T X.

Cur Deus sciens , malos casuros , permittit eos tentari, & cadere ?

149. **A**Du. 1. quod licet prima facie quæsitum hoc videatur exoticum, ne dicam importunum ; cū inuestigare intendat secreta Dei consilia , deterrente Paulo ad Rom. 11. 34. dum ait, *ò altitudo diuitiarum sapientiæ, & scientiæ Dei, quam incomprehensibilia sunt iudicia eius, & inuestigabiles viæ eius : Quis nouit sensum Domini , aut quis consiliarius eius fuit ?* nihilominus , quia Deus per Prophetas , & Apostolos in Sacra Scriptura , & per traditiones Apostolicas , & Conciliorum declarationes , ac per communem inter- dum Doctorum , ac Sanctorum sensum , multa arcana reuelauit Ecclesiæ , quæ nemo poterat penetrare , multa inquam dura , multaque obscura , ex quibus alia ijs connexa deduci possunt, vt sunt omnes conclusiones Theologicæ , quæ ex principiis reuelatis deducuntur , quærimus , an solutio propositi dubij in Sacra Scriptura iam reuelata reperiatur ; vel ex ea ab aliquo Concilio, vel Sancto Doctore deducta sit, aut deduci possit , vel ex traditione Apostolica habeatur .

150. Adu. 2. Motiuum inquirendi hoc dubium , inde oritur ; cū tota Scriptura prædicet, Deum esse Patrem nostrum amantissimum, benignissimum , misericordiosissimum : & mise-
tio-

Authoris
protestatio.

Ex aliqui-
bus reue-
laris alia
inferuntur

rationes eius super omnia opera eius, immò essentia-
liter esse Charitatem, cur permiserit, primum
hominem peccare, cum præsiceret, eum casurum,
& cum eo totum genus humanum; & quare per-
miserit alios post eum, & nunc permittat nos pec-
care; cum præviderit casuros, eumque offensu-
ros, & mortem eternam incursum; maximè,
quia dicit Apostolus, *Deus vult omnes saluos fieri,*
& Propheta dicat, *Deus non vult mortem peccato-*
ris: dum autem sciens homines peccaturos, eos
non impedit, sed permittit peccare, arguitur,
quòd nolit saluare, sed perdere?

151. Adu. 3. Quòd de duplici permissione
tentationis, & peccati loqui debemus; primò de
permissione tentationis, & peccati Adæ. Secun-
dò de permissione tentationum, ac peccatorum
omnium hominum in omni statu, ac tempore;
immò & ipsius Adami post primū lapsū, & que-
rere debemus quodnam potuerit esse motiū
Dei; primò in permissione peccati Adæ, cum
quo tota lapsa fuit humana natura. 2. quodnam
fuerit, & modò etiam sit motiū Dei in per-
mittendo, quòd homines; siue electi, siue reprobi ca-
dāt in peccata, cum possent miris, ac varijs modis
à Deo impediri: & nota, quòd non loquor de pec-
catis execratorum, ac induratorum (quia de
hac permissione in præcedenti locuti sumus) sed
loquor de permissione cæterorum simplicium
peccantium, antequam ad statum execrationis,
& indurationis deveniant.

152. Dico 1. Non est adhuc explicitè reue-
latum, cur Deus permiserit Adamum per Vxo-
rem allici ad comestionem pomi vetiti, cum trans-
gressione diuini præcepti, & de facto transgre-
diendo peccare.

Ratio du-
bii, quæ sit

De permis-
sione primi
peccati A-
dæ, totius
humani ge-
neris pri-
mò.
Deinde de
alijs per-
missioni-
bus loquen-
dum.

Non est re-
uelatū ex-
plicitè, cur
Deus per-
miserit A-
dam pec-
care.

153. Prob. Nuspiam in Sacra Scriptura reperitur huius rei reuelatio : neque Concilium aliquod ex loco aliquo Sacrae Scripturae intulit, ac definiuit motium huius permissionis . Ergo nequit dici reuelatum , quomodocumque illud ab aliquo auctore asseratur .

154. Prob. 2. ex S. Augustino, qui licet (vt postea dicam) aliquod motium assignare videatur ; tamen nullum asserit , tamquam reuelatum : nam in *lib. 11. de Gen. ad lit. cap. 4.* ait, *si ergo quaeratur, cur Deus permiserit hominem tentari, quem tentationi consensurum esse praesciebat ; altitudinem quidem consilij eius penetrare non possum ; & longe supra vires meas esse confiteor .* Idem prorsus respondere videtur ad simile quaesitum in *epist. 106.* quae est ad Paulinum respondens ad quaesitum , cur Deus creet illos, quos peccaturos praevидit, & ad aeternam poenam damnandos, iam ab aeterno decrevit ? ait, *Deus sic facit, quia sic vult ; cur autem velit*, respondet, *tu qui es, qui respondeas Deo ? an non habet potestatem figulus faciendi vasa, alia in honorem, alia in contumeliam*, quae est ; responsio Pauli *Rom. 9.* ad eos, qui inquirerent, cur Deus aliquos praedestinavit, alios reprobavit ; salvo tamen, quod *apud Deum non est iniquitas*, & quod *omnia, quae facit, in iusto iudicio facit* . Idem Sanctus Doctor in *lib. 11. de Gen. ad lit. cap. 10.* ait, *posset Deus peccantium voluntates in bonum convertere, quoniam omnipotens est ; posset planè . Cur ergo non fecit ? Quia noluit . Cur noluerit, penes ipsum est . Debemus enim non plus sapere, quam oportet sapere .* Sed postea, vt mox dicam, assignat probabilia quaedam motiva, cur permiserit homines peccare, & cur eos praesciens peccaturos, adhuc creaverit . Igitur explicitè reuelatum non est,

cur

Negative
probat
ex Augst.

semel, ac
terum Au.
gust. dicit
e causam
nescire .

cur Deus permiserit primum hominem, & omnes alios cum eo peccare; deinde omnes pariter permiserit proprijs actualibus peccatis peccare, & multos sic preiustos, ac damnandos creare.

155. Dico 2. Probabilissimè teneri potest, quòd motiuum Dei primum, cur permiserit primum hominem, & totum genus humanum, cum eo, deinde singulos actualibus etiam peccatis peccare, fuerit ostensio suæ misericordiæ, ac iustitiæ circa liberos homines exercendarum. Alia autem plura secundaria, diuinam sapientiam, & liberalitatem demonstrantia assignari possunt.

156. Probata remanet hæc Conclusio ex ijs, quæ diximus in cap. 7. huius Opusculi, in quo quæsitum fuit, *quem finem habuerit Deus in reprobatione malorum*: eadem autem de utroque quæsito est ratio.

157. Prob. nihilominus hæc conclusio. Deus in operando nequit habere pro fine primario aliud, quàm semetipsum in diuersis suis perfectionibus se manifestantem, vt habetur ex Prou. 16. 4. *Vniuersa propter semetipsum operatus est Dominus, impium quoque ad diem malum*. Sed in facto huiusmodi permissionis peccandi non videtur assignari posse aliud motiuum, nisi hoc, vt scilicet Deus ostenderet se misericordem cum aliquibus in parcendo, & iustum vindicem cum alijs in puniendo; & hæc fuit S. Augustini mens, qui, licet vbi supra, dixerit se nescire cur sic fecerit, (existimo, quòd de scientia euidenti, vel reuelata loqui voluerit) hoc tamen motiuum misericordiæ, & iustitiæ à se exercendarum putat fuisse. Nam, in lib. 11. de Gen. ad lit. cap. 8. ait, *Cur ergo non crearet Deus etiam quos malos futuros esse præsciebat,*
(& uti-

Probabil
est, quòd
Dei primi
permissio-
nis motiū
fuerit ostē-
sio miseri-
cordiæ, &
iustitiæ,
Et alia se-
cundaria,
plura.

Alias pro-
bata fuit
Conclusio.

Rursus pro-
batur.

(& vtitur verbis Rom. 9.) volens ostendere iram , & demonstrare potentiam suam , & ob hoc sustinens in multa patientia vasa iræ , quæ perfecta sunt in perditionem , vt notas faceret diuitias gloriæ suæ in vasa misericordiæ , quæ præparauit in gloriam ? sic enim , qui gloriatur , non nisi in Domino gloriatur , cùm cognoscat non suum esse , sed illius esse , non solum vt sit , verùm etiam non nisi ab illo benè sit , à quo habet vt sit . Nimis itaque importunè dicitur : Non essent , quibus Deus tantam beneficentiam misericordiæ suæ tribueret ; si aliter esse non possent , nisi essent & hi , in quibus vindictæ iustitiam demonstraret .

158. Clariùs id docet S. Augustinus in lib. de Correptione, & Gratia cap. 10. inquit, Deus igitur permisit hominem tentari, quem sciebat esse casurum; quia simul videbat, eo casu se vti posse ad misericordiam, & iustitiam declarandam, dum ex damnata massa alios iustè punit, alios misericorditer liberabit . Item ibidem, ait, Qui creauit omnia bona valdè, & mala ex bonis exoritura esse præsciuit, sciuit, magis ad suam omnipotentissimam bonitatem pertinere, etiam de malis benè facere, quàm mala nulla esse permittere .

Alia alibi, & plura S. August. & alij Ecclesiæ Doctores assignare solent motiua cur Deus permiserit primum hominem, deinde cæteros peccare; & cum hac præscientia eos, etsi casuros, ac etiam damnandos, creare: sed omnia reduci possunt ad præcitatum motiuum misericordiæ, ac iustitiæ . Nam in dicto libro de Gen. ad lit. cap. 9. inquit, Cur enim non vtrique potius essent, quando in vtrisque, & bonitas Dei, & æquitas iure prædicatur? At enim, si Deus vellet, etiam isti boni essent. Quantò melius hoc Deus voluit, vt quod vellent, essent: Sed boni

Aug. ratio
Conclusio-
nis .

Replicat i-
dem S. Au-
gust.

boni infructuosè, mali autem impunè non essent, & in eo ipso alijs vtilis nō essent; sed præsciebat quid eorum factura esset voluntas mala. Præsciebat sanè, & quia falli non potest eius præscientia: idè non ipsius, sed eorum est voluntas mala. Cur ergo eos creauit, quos tales futuros esse præsciebat? Quia sicut præuidit, quid mali essent facturi; sic etiam præuidit de malis factis eorum, quid boni esset ipse factururus. Sic enim eos fecit, vt eis relinqueret, vnde & ipsi possent aliquid facere; quo quidquid etiam culpabiliter eligerent, illum de se laudabiliter operantem, à se quippè habent voluntatem malam, ab illo autem, & naturam bonam, & iustam pœnam, sibi debitum locum; alijs exercitationis adminiculum, & timoris exemplum.

159. In sequenti cap. 10. hæc dicta confirmat, & ad rem nostram concludit: Postquam enim dixit ea, quæ supra de hoc capite adduxi, inquit. Puto autem paulò ante, satis nos ostendisse, non parui boni esse rationalem creaturam, etiam istam, quæ malorum comparatione cauet malum, quod genus bonæ creaturæ non esset, si omnes malas voluntates in bonum Deus conuertisset, & nulli iniquitati pœnam debitam infligeret, ac si non esset, nisi solum illud genus, quod nulla, vel peccati, vel supplicij malorum comparatione proficeret, ita velut aucta numerositate excellentioris generis ipsorum generum bonorum numerus minueretur. Itaque ad exercendam iustitiam Deus permittit homines suo vti libero arbitrio, & peccare.

160. Idem S. Doctor alibi docet, id Deum permisisse, vt experiretur homo, se liberum esse, & suorum actuum tam ad bonum, quam ad malum esse dominum. Nam in lib. de Carrept. & Gratia cap. 12. ait, Ille Adam, & terrente nullo, &

S. August.
discursus
cur Deus
creauit,
quos malos
esse præscie
bat.

Alia Aug.
loca.

Permittit
Deus pec
care, vt ho.
mo se libe
rum esse
cognoscat.

insuper contra Dei terrentis imperium, libero vsus arbitrio, non stetit in tanta felicitate, in tanta non peccandi facilitate. Tales vires habebat eius voluntas, quæ sine vlllo fuerat instituta peccato, & nihil illi ex seipsa concupiscentialiter resistebat, vt dignè tantæ bonitati, & benè viuendi felicitati perseuerandi committeretur arbitrium: & post aliqua. Fortissimo (idest Adamo) dimisit, atque permisit facere quid vellet: infirmis seruauit, vt ipso donante, inuictissimè, quod bonum est vellent, & hoc deficiente, inuictissimè nollent. Et de Ciuit. lib. 7. cap. 10. de libertate hominis, & permissione illa vtendi, sic loquitur. Deus sic administrat omnia, quæ creauit, vt etiam ipsa proprios exercere, & agere motus sinat. Quid enim nobilius in homine, quàm libertas ad agendum quod vult. Cùm ergo inter alias præclaras homini collatas dotes, hæc in naturalibus summa sit, quia per eam à cæteris differt animantibus, si sibi impediretur, ne ea posset vti, frustra collata fuisset. Ideò per necessariam consequentiam, supposito hoc beneficio sibi à Deo collato; permissio operandi, quod vellet, bonum, ac malum, fuit ei concedenda: Et in hoc relucet Dei benignitas, ac liberalitas.

Cætera motiua Dei in permissione peccandi ex capite septimo huius

Opusc. desumi possunt:

*Nam ad idem
sunt.*



Alibi confirmat.

Alia permissionis peccandi motiua ex c. 7. huius Opusc. desumenda.

CAPVT XI.

*An Christus etiam pro reprobis mortuus sit , &
in quo eis profuit .*

161. **A**Du. 1. Huius quæsitæ solutionem maximi momenti esse, nedum pro Catholicis contra Hereticos, sed etiã pro Catholicis inter se ipsos . Duo siquidem quæsitum continet . Primum , an Christus mortuus sit etiam pro reprobis , & hoc contra Hæreticos , nedum antiquos, sed & modernos aliquos , qui se iactant Catholicos , facilè ex Sacra Scriptura, Concilijs, Apostolicæ Sedis definitione , & vnanimi Sanctorum Patrum , ac Theologorum sententia soluitur . Secundum est ; supposito cum fide, quòd pro reprobis etiam mortuus sit ; cùm fides etiam doceat eos non esse electos , nec à Christo fuisse reconciliatos Deo finaliter , ideòque perituros; videndum est , quale beneficium eis contulit Christi mors ; id enim importat Christum esse passum , & mortuum pro humano genere, vt mox dicetur: Si autem Christus non attulit reprobis salutem , & innumeris neque fidem , quia cum numquam acceperunt; & consequenter , nec vllam attulit iustificationem , neque primam , quia sine baptismo in lege Euangelica , & sine remedio contra originale in lege naturæ , ac scripta decesserunt; quale bonum his collatum, aut illis conferendum attulit Christus: Et hic reuera est cardo difficultatis in hoc quæsito .

162. Adu. 2. Quòd, sicut fides docet, Christus est Saluator , ac Redemptor , & Mediator humani generis indefinitè , & vniuersaliter , non verò

Magni ponderis est quæsitum hoc .

Duo continet.

Primum facile: secundum difficile .

huius, vel illius generis, aut nationis; & sic tam hominum, qui in lege naturæ, aut lege scripta, quàm eorum, qui fuerint, sunt, & erunt pro tempore legis Euangelicæ; & sic omnium omnis temporis hominum: Vnde insurgit curiosum, sed nobile quæsitum, quid scilicet Christi passio, ac mors contulerit etiam hominibus, tam prædestinatis, quàm reprobis, qui ante Christum mortui erant.

Christus
est omnium
Saluator.

163. Adu. 3. quòd Remigius Lugdunensis in libro de tribus epistolis contra Epistolam Hincmari ad Amulum cap. 8. §. 2. quatuor classes hominum distinguit per comparationem ad Christum, inquit. *Primus ordo est electorum, ac prædestinatorum ad vitam æternam, de quibus perire nullus potest, & qui omnino omnes saluantur. Secundus ordo est eorum, qui recta fide, & pietate accedunt ad gratiam baptismi, & per eam accipiunt indulgentiam peccatorum. Tertius est eorum, qui adhuc in infidelitate positi, vocandi tamen sunt per misericordiam Dei, & hoc sine dubio in Ecclesia consecuturi, quod consecuti sunt illi duo ordines, siue perseverantium, siue non perseverantium. Quartus est infidelium, qui numquam credituri sunt. De tribus primis dicit pertinere ad gratiam Christi, & pro illis esse mortuum, & beneficium aliquod eis contulisse; at pro his quarti ordinis mortuum non esse, nullumque eis beneficium contulisse.*

Remigij
Lugdun.
sententia.

164. Adu. 4. quòd distinctio Theologorum de Christi passione, & morte pro omnibus applicata efficaciter, vel sufficienter necessario admitenda est; alioquin non apparet via, nec modus defendendi, quòd Christus sit Saluator omnium, vt canit Ecclesia, docuerunt Apostoli, ipseque Christus, vt patebit; declaratione tamen indigeat

Distinctio
efficaciæ, &
sufficientiæ
mortis
Christi tenenda.

hæc

hec distinctio efficacię, ac sufficientię; alioquin inuoluta adhuc remaneret distinctio, & fuga potius, quàm solutio difficultatis appareret: his premissis

165. Dico 1. Christus pro omnibus omnino hominibus, tam prædestinatis, quàm reprobis passus, ac mortuus est.

166. Prob. facile omnibus argumentis, quæ pro hoc dogmate adduxi in tom. 1. in 3. sent. disp. 20. art. 4. & 5. desumptis ex Sacra Scriptura, Patribus Græcis, ac Latinis, & ex Concilijs.

167. Primò ex 2. Cor. 5. 14. *Charitas vrget nos, æstimantes hoc; quoniam si vnus pro omnibus mortuus est, ergo omnes mortui sunt, & pro omnibus mortuus est Christus.* Secūdò ex Rom. 5. 6. *Christus pro impijs mortuus est.* Alia loca adducam sub titulo Redemptoris.

168. Prob. ex Patribus Græcis: ex Gregor. Nazian. orat. 25. *Per Christi perpeffiones omnes reformati sumus, nullo penitus excepto, qui eidem Adamo participauimus, & à serpente decepti, & per peccatum morte affecti, &c.*

169. Et quod magis vrget in orat. 3. quæ est inuectiua contra Iulianum Apostatam iam mortuum, inquit. *Tu manum mouere aduersus eam ausus es, quæ, & pro te, & propter te clauis affixa est.* Et in orat. 38. loquens de reprobis Hæreticis, ait, *Pro quibus etiam gratis mortuus est Christus.*

170. Cirillus Alexand. in epist. ad Monachos, ait, *Vnus ex omnibus resurgens, qui pro omnibus mortuus erat, vt proprio sanguine redimeret quidquid sub Calo est, & acquireret Deo, ac Patri omnes, qui in vniuersa terra consistunt.*

171. S. Basilius in psalm. 48. inquit, *Christum sanguinem suum pro nobis omnibus effudisse.*

Pro omnibus omnino hominibus Christus mortuus est.

Ex S. Scriptura.

Ex Patribus Græcis S. Gregor. Nazian.

S. Cirill. A. lexand.

S. Basili.

Euseb. Cæs-
sar.

172. Eusebius Cæsar. 10. de Demon. Euang. ingeniosè notat Sanctum Ioannem Baptistam, omnium primum id dogma prædicasse, dum Io: 1. 17. de Christo dixit, *Ecce Agnus Dei, ecce qui tollit peccata mundi*. Eusebius, inquit, *Pro toto grege hominum agnum illum sacrificatum esse, dicit.*

S. Epiph.

173. S. Epiphanius Hæresi 69. ait, *ipse Christus Sacerdos, ipse hostia semetipsum obtulit pro omni creatura Pontificatus officio fungens, &c.*

Alia Patrum Græcorum, immò & Latino-
rum dicta sub titulo Saluatoris, Redemptoris, &
Mediatoris adducam.

Ex PP. La-
tinis.

S. Cyprian.

174. Prob. ex Patribus Latinis. S. Cypria-
nus in *lib. de Opera, et Eleemos.* circa finem, introdu-
cit Diabolum loquentem cum Christo, præsentem
reprobatorum turba, & sic dicentem. *Ego pro istis,*
quos mecum vides, nec alapas accepi, nec flagella su-
stinui, nec crucem pertuli, nec sanguinem fudi; nec
familiam meam pretio passionis, & crucis redemi; nec
Regnum Cæleste eis promitto: Ergo pro eis etiam
tenet Christum passum.

S. Ambr.

175. S. Ambrosius in *lib. 3. de offic. cap. 3.*
ait, *Christus quoque Dominus, qui pro omnibus mor-*
tuus est, mercedem suam euacuatam delebit. Et in
lib. de Ioseph cap. 7. dicit, *Christus omnibus vitam*
dedit. Ipse pro omnibus mortem suam obtulit. In
psalmo verò 118. sæpè formula hac loquendi v-
titur.

S. Hieron.

176. Hieron. in 2. *epist. ad Cor. cap. 5.* super
illud, *Christus pro omnibus mortuus est,* inquit, *so-*
lus inuentus est, qui ut immaculata Hostia pro om-
nibus, qui erant in peccatis mortui offerretur.

177. August. *tract. 12.* in Ioann. super illis
verbis Ioan. *Non enim misit Deus filium suum in*
mundum, ut iudicet mundum, sed ut saluetur mun-
du

duſ per ipſum; inquit. Ergo quantum in medico eſt, ſaluare venit egrotum; ipſe ſe interimmit, qui precepta medici ſeruare non vult. Venit Saluator in mundum; quare Saluator dictus eſt mundi, niſi, vt ſaluet mundum, non vt indicet mundum. Saluari non vis ab ipſo, ex te indicaberis.

S. Auguſt.

178. Clariuſ cont. Iulianum lib.6. cap.1. ait. Attende, cum validis argumentis vrgearis. Tu dicis etiam pro peccatoribus mortuum, ego dico, non niſi pro peccatoribus mortuum; ita vt reſpondere cogaris, ſi nullo peccato paruuli obſtricti ſunt, non eſſe pro paruulis mortuum. Dicit enim ad Corinthios, quoniam vnus pro omnibus mortuus eſt. Ergo omnes mortui ſunt, & pro omnibus mortuus eſt. Et longo, ſed digno diſcurſu argumentum iſtud proſequitur, concludens, Chriſtũ pro omnibus mortuũ eſſe, nemo dubitet, qui ſe nõ negat, aut dubitat eſſe Chriſtianũ.

Clare Auguſt. id probat.

179. S. Proſper Auguſtini fidelis diſcipulus, ad 9. argumentum Gallorum, quo dicebatur, ex Auguſtini doctrina ſequi, quòd non ſit crucifixus, & mortuus pro omnibus hominibus, multa dixit, inter quæ hoc. Nullum omninò eſſe ex omnibus hominibus, cuius natura in Chriſto Domino ſuſcepta non fuerit: ſed non ſufficere hominum redemptioni crucifixum eſſe Dominum Ieſum Chriſtum, niſi comoriantur ei, & conſepeliantur in baptiſmo, &c.

S. Proſper.

180. Idem dicit idem Sanctus in reſpons. ad primam obiectionem Vincentianam, ſuper hac re, docens pro ſe, & Magiſtro ſuo Auguſtino, Cum itaque propter vnã omnium naturam, & propter vnã omnium cauſam à Domino Noſtro in veritate ſuſceptam, rectè omnes dicuntur redempti; & tamen non omnes à captiuitate ſunt eruti, redemptionis proprietat, haud dubiè penes illos eſt, de quibus Princeps mundi miſſus eſt foras &c. Poculum quippè immortali-

Iterum S. Proſper.

talitatis, quod confectum est de infirmitate nostra, & virtute diuina, habet quidem in se, vt omnibus proficit; sed si non bibitur, non medetur.

181. S. Leo I. Sermon. I. de Natiuitate Domini, ait, vna cunctis letitiæ communis est ratio; quia Dominus noster peccati, mortisque destructor, sicut nullum à reatu liberum reperit, ita pro liberandis omnibus venit. Et in sermone I. de Passione Domini, sic ad Iudeos alloquitur. Merito soli non habetis, quod omnibus perire voluistis: & tamen tanta est bonitas nostri Redemptoris, vt etiam vos possitis consequi veniam, si Christum Dei filium confitentes, illam paricidalem malitiam relinquatis. Non enim Dominus in Cruce frustra orauit, Pater dimitte illis, quia nesciunt, quid faciunt. Quod remedium nec te Iuda transisset, si ad penitentiam confugisses, quæ te reuocasset ad Christum, non quæ te reuocasset ad laqueum.

Alios Patres, atque Scholasticos omnes breuitatis gratia omitto, & stabiliora, Conciliorum, & S. Sedis Apostolicæ prosequor argumenta.

182. Concilium Prouinciale Arelatense celebratum anno 475. contra Prædestinarianos, anathema dixit illi, qui dixerit, quod Christus non pro omnibus mortuus sit, nec omnes homines saluos esse velit, Immo Lucidus Gothescalchi discipulus, tunc suam retractauit sententiam oppositam, his verbis. Nunc verò Sacrorum Testimoniorum auctoritate, quæ abundè per spatia diuinarum Scripturarum inueniuntur, ex Seniorum doctrina ratione patefacta, libens fateor, Christum, etiam pro perditis aduenisse, quia eodem nolente perierunt. Neque enim fas est circa eos solum, qui videntur esse saluati, immensæ diuitias bonitatis, ac beneficia diuina concludi. Nam si Christum his tantum remedia attulisse dicimus, qui redempti sunt; videbimur absoluere non redemptos, quos

S. Leo Mag.

Conc. Arelat.

Retractatio Lucidi.

quos pro redemptione contempta, constat esse puniendos. Idem docuit Concilium Valentinum Provinciae in can. 4.

Concil. Valentin.

Concilium Trident. Generale in sess. 6. cap. 3. expressè id docet hisce grauibus verbis, *Christum promissum in lege Veteri venisse in mundum, ut & Iudæos, qui sub lege erant redimeret, & Gentes, quæ non sectabantur iustitiam, iustitiâ apprehenderent, atque omnes adoptionem filiorum reciperent. Hunc proposuit Deus propitiatorem in sanguine ipsius pro peccatis nostris; non solum autem pro nostris, sed etiam pro totius mundi. Verum, & si ille pro omnibus mortuus est, non omnes tamen beneficium mortis eius recipiunt, sed ij dumtaxat, quibus meritum passionis eius communicatur: Ergo pro omnibus mortuus est.*

Concil. Trid.

183. Tandem à Summis Pontificibus Innocentio Decimo primùm, postea à successore Alexandro Septimo damnantibus, ut hæreticas quinque propositiones Iansenij, ea, quæ dicebat Christum non esse mortuum pro omnibus, in ordine quinta, hæretica declarata, & damnata est.

Ex definitione S. Sedis.

184. Dico 2. Quamuis reprobi per Christi passionem, & mortem, à iugo, ac seruitute Diaboli in effectu liberati, ac soluti non fuerint in effectu; fuerunt tamen soluti, ac liberati sufficienter quantum ad solutionem prætij superabundantis, ac infiniti.

Reprobi quomodo à Christo redempti.

185. Prob. 1. Omnes Theologi, ac Patres S. Scripturæ interpretes hoc modo, ut nuper patuit declarant Christum pro omnibus, & singulis hominibus mortuum; & omnes redemisse; quia, nempe pretium pro omnibus sufficiens Deo Patri soluit in effectu.

186. Confirmatur. Non possunt aliter intelligi verba Conciliorum, & Patrum dicentium Christum

Christum

Non potest
aliter in-
telligi, vel
declarari,
quòd Chri-
stus sit om-
nium Re-
demptor .

Clemens
Alexand.

stum esse omnium omninò hominum Saluatorem, Redemptorem, ac Mediatorem; & non posset Ecclesia canere, *Christe Redemptor omnium* . Vnde Clemens Alexandrinus *lib. 7. Strom.* inter cætera, de Christo omnium Saluatore, ait; *est enim Saluator, non horum dumtaxat, illorum verò minimè . Si quidem pro cuiusque captu beneficentiam suam impertijt . Græcis perindè, ac Barbaris, & qui ex illis, prædestinati suo tempore vocati sunt fidelibus, & electis . Non igitur restrictus in aliquos erit, qui ex æquo vocauit omnes . Et infra . Quinam ergo Saluator, & Dominus, nisi omnium sit Saluator, & Dominus .*

187. Prob. 2. ex ijs, quæ diffusè in *tom. 1. in 3. sent. disp. 20. art. 4.* per totum, sed præcipuè *S. 2.* diximus. Non alio modo Patres saluant, quòd Christus sit Redemptor omnium, tam electorum, quàm reproborum; nisi, quia passione, ac morte sua meruit media, quibus applicatis homines liberari possint à seruitute Demonis, & qui non adhibent illa, non liberantur. Ergo magnum hoc beneficium attulit etiam reprobis. Anteced. prob. ex plurium SS. Patrum dictis. S. August. in *Serm. 114.* qui nunc est in appendice, ait. *Saluator noster in statera Crucis pretium nostræ salutis appendit, & vna morte vniuersum mundum sicut omnium conditor, ita omnium reparator absoluit. Indubitanter enim credamus, quod totum mundum redemit, qui plus dedit, quàm totus mundus valeret.*

S. August.

188. S. Basilii supra etiam relatus in *psalmo 48.* Super illud, & pretium redemptionis animæ sue, dicit, *Inuentum est vnum par omnibus simul liberandis hominibus, quod in redemptionem animarum pretium est impensum, Sanctus videlicet, ac pretiosus sanguis Domini Nostri Iesu Christi, quem nobis om-
nibus*

S. Basil.

nibus effudit . Vnde , & pretio redempti sumus .

189. S. Prosper , vt supra patuit , docet , hoc modo omnes homines bonos , & malos fuisse redemptos , quòd nempe Christus pretium sanguinis , idest meritum , in eius effusione soluerit , vt scilicet ijs tantum profit , quibus communicatur , & appropriatur per Sacramenta Baptismi , & Penitentiae post peccatum . Ij verò , quibus non communicatur eius meritum per applicationem talium Sacramentorum in actu , seu effectu , non liberantur à Diaboli seruitute : inquit enim , *Non sufficere hominum redemptioni Crucifixum esse Dominum Christum , nisi commoriantur ei , & consepeliantur in baptismo , &c.* Item , *Sanguinem Christi redemptionem esse totius mundi : sed qui hoc saeculum sine fide Christi , & sine regenerationis Sacramento pertranseunt , redemptionis alienos esse .* Et post aliqua , vt supra , dicit , *Cuius mors non ita est impen- sa humano generi , vt ad redemptionem eius etiam , qui regenerandi non erant , pertineret ; sed ita ut , quod per vnicum exemplum gestum est pro vniuersis , per singulare Sacramentum celebraretur in singulis .* Potculum quippe immortalitatis , quod consecutum est de infirmitate nostra , & virtute diuina , habet quidem in se , vt omnibus profit ; sed si non bibitur , non medetur . Ergo , sicut Sacramenta Baptismi , & Penitentiae post peccatum liberant à seruitute Diaboli eos , qui ijs vtuntur , seu quibus applicantur ; ita liberarent , & in effectu redimerent etiam alios omnes , ac reprobos , si eodem modo his applicarentur : Et hoc voluit docere Concil. Trid. supra relatum , dicens ; *Verum licet Christus pro omnibus mortuus sit , non omnes tamen beneficium mortis eius recipiunt , sed ij dumtaxat , quibus beneficium passionis eius communicatur .* Communicatio au-

S. Prosper.

Quomodo
in effectu
Christus li-
berat , per
Sacramen-
torum ap-
plicationē.

Ideo in ef-
fectu non
redimuntur
reprobi ,
quia Sacra-
menta non
recipiunt ,
quando , &
vt oportet.

tem passionis, ac meritorum Christi, per quam quis à seruitute Diaboli liberatur, & ad salutem æternam disponitur, sit per præfata Sacramenta, eam efficaciam ex meritis Christi habentia: Ista autem pro omnibus omninò hominibus Christus meruit, & pro omnibus instituta, & parata sunt. Isto igitur modo, omnes etiam reprobos redemisse dici potest Christus, siue sint ex reprobis, qui numquam talia Sacramenta receperunt, siue ex ijs, qui receperunt quidem, sed non perseverarunt in bono. Alia plura argumenta studiosus lector in nostro citato tomo 1. in 3. sent. disp. 20. art. 4. ad satietatem inueniet.

190. Cur autem ijs actu non communicetur meritum passionis Christi, eisque non applicentur Sacramenta; & cur, si aliquibus applicentur, temporaliter tantum profunt, & ad perseverantiam non conducunt; alia nequit assignari ratio, nisi illa fundamentalis, quia non fuerunt à Deo discreti à massa perditionis. Cur autem à massa perditionis discreti non fuerint, inquit Augustinus cum Apostolo Rom. 9. respondendum est, sicut alias sæpè diximus; *ò homo tu quis es, qui respondeas Deo? Numquid dicit figmentum ei, qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem, aliud in contumeliam?* At statim adducit rationem sæpè à nobis in præced. capite adductam, sic nempe, sapientissimum Deum fecisse in ostensionem gloriæ, potentix, ac magnitudinis suæ in exercitio misericordiæ, & iustitiæ: ideoque Psalmista crebrò in hac duplici virtute, seu perfectione Deum glorificat, *misericors Dominus, & iustus*: & in Psalmo 80. *Misericordiam, & iudicium cantabo tibi Domine.*

Cur aliquibus non communicetur Christi meritum.

Cur reprobi à massa perditionis non fuerint discreti.

191. Cur tandem eos à massa peditationis nō discretos reprobauerit damnans eos ad æternam pœnam damni, & sensus, iam in toto hoc Opusculo diximus, quòd ex præscentia peccatorum adultos damnauerit; paruulos autem in originali decedentes, ad pœnam tantum damni; neque vllam aliquis hominum assignare potuit causam: Sed inquit Augustinus, in hoc puncto ad occultū, sed iustissimum Dei iudicium est recurrendum, apud quem, vt inquit Apostolus, *nec iniquitas est, nec personarum acceptio*: & quòd nos *non debemus plus sapere, quam oportet sapere, sed sapere ad sobrietatem*, & gratias continuò agere debemus Deo, qui nos eripuit de potestate Diaboli, & trātulit in Regnum dilectissimi filij sui Iesu Christi per eius passionem, ac mortem, cui gloria in sæcula.

Cur non discreti fuerint reprobati.

192. Dico 3. Christus Dominus, nēdum pro reprobis post eius aduentum natis, ac nascituris vsque ad mundi finem mortuus est, eisque beneficium attulit sufficienter per institutionem mediorum ad salutem; sed etiam pro reprobis, qui à mundi initio, vsque ad ipsum extiterunt, mortuus est, beneficium eis afferens per media ad salutem à Deo tunc pro toto humano genere instituta ex præuisione meritorum, ac mortis Christi in tempore futurę.

Etiam pro reprobis. qui fuerūt ante ipsum Christus mortuus est.

193. Prob. ac declaratur hęc curiosa conclusio, clariùs postea in sequenti Opusculo (de Auxilijs) declaranda. Sic ergo prob. Christus mortuus est pro omnibus, sic decernente Deo; quia omnes in Adamo erant mortui, vt sæpè testatur Apostolus, & docet fides; sed nedum prædestinati, ac reprobi, qui Christi aduentum sequuntur, in Adamo mortui sunt; sed etiam omnes, qui

eum præceſſerunt, incipiendo ab Adamo uſque ad mortem eiufdem Domini: ergo pro ijs etiam mortuus eſt. 2. quia Chriſtus, per mortem fuit Mediator omnium hominum præſentium, futuro- rum, ac præcedentium; immò quaſi (vt ita di- cam) magis propter illos mortuus eſt; ait enim Apoſtolus, *Rom. 3. 25. Per redemptionem, quæ eſt in Chriſto Ieſu, quem propoſuit Deus propitiationem per fidem in ſanguine ipſius ad oſtenſionem iuſtitie ſuæ propter remiſſionem præcedentium delictorum.* Pro omnibus ergo hominibus, etiam, qui Chri- ſtum præceſſerunt, mortuus eſt Chriſtus; & de prædeſtinatis inter eos, eſt adeò certum, vt ipſi omnium primi beneficium mortis ſenſerint, quia à Lybo liberati, & in Cælum introducti; pro antecedentibus ergo etiam mortuus eſt Chri- ſtus.

194. Prob. modò ſecunda pars, quoad be- neficium, quod etiam reprobi præceſſores mor- tis Chriſti, per eum obtinuerunt, euidenti ratio- ne. Omnibus, qui Chriſtum præceſſerunt (lo- quendo de adultis) Deus dedit media neceſſaria ad ſalutem, ob merita paſſionis, & mortis Chri- ſti præuiſa, quæ illis tantum profuerunt, quibus applicata fuerunt: ſicut modò ob merita paſſio- nis, ac mortis exhibita, ijs tantum profunt me- dia ſalutis, quibus applicantur. Ergo ſicut Chri- ſtus ideò profuit reprobis poſt eius mortem natis, ac naſcituris, quia pro ijs per exhibita merita, inſtituta ſunt media ad ſalutem; ita profuit illis ab initio mundi uſque ad ſuum aduentum; quia Deus ob præuiſa Chriſti merita inſtituit media ad ſalutem neceſſaria ad delendum originale, & ad delendum actualia patrata poſt deletionem originalis: nec poteſt aliter declarari beneficium, quod

Euidens
ratio ſup-
poſita fide.

Quale be-
neficium
attulit re-
probis an-
tecedenti-
bus Chri-
ſti mors.

quod reprobis illorum temporum attulit Christus. Quod verò ijs non profuerunt, neque saluati sint; hoc accidit, quia media illa non fuerunt eis applicata; sicut modò reprobi damnantur, quia media salutis, vel eis non applicantur, vel quia non, vt oportet, applicantur.

195. Prob. 2. & redit in idem. Electi, & prædestinati pro lege naturæ, & gratiæ Christum Mediatorem habuerunt pro liberatione à seruitute Diaboli, tam in statu originalis, quàm in statu personalis peccati; quia Deus ob præuisa merita passionis, & mortis Christi instituit pro omni lege remedium contra originale, & personale, seu actuale; & efficaciter voluit, vt eis applicarentur illa remedia; ergo pro reprobis etiam erant parata; alioquin non habuissent gratiam sufficientem ad salutem, & fuissent excusatione digni, si pro eis media illa, nec applicata, neque parata fuissent. Anteced. prob. ex S. Hieronymo in cap. 3. epist. ad Gal. vbi ait Apostolus. *Conclufit scriptura omnia sub peccato, vt promiffio ex fide Iesu Christi daretur credentibus.* Hieron. inquit. *Scribit ad Timotheum, Vnus est Mediator Dei, & hominum homo Christus Iesus postquam ob nostram salutem de Virginis utero dignatus est nasci, Dei & hominum homo Christus Iesus, sequefter est dictus. Antequam verò humanum corpus assumeret, & esset apud Patrem in principio Deus Verbum, ad omnes Sanctos, ad quos factus est sermo Dei, Enoch videlicet, Noe, Abraam, Isac, & Iacob, & postea Moysen, & cunctos Prophetas, quos Scriptura commemorat, sine additamento hominis, quem nec dum assumpserat, Mediator tantummodò nuncupatur. Hæc autem mediatio, illum præstabat effectum, vt electos illos, in originali nascentes, & postea in*

Media salutis Deus instituit pro antiquo tempore, ob præuisa merita Christi.

Ex Hieron.

mor-

mortali proprio cadentes, per aliqua media, peccata illa delentia, Deo reconciliaret; sicut factum est: nam pro toto tempore legis naturę aderat remedium contra originale, quod, vt alibi dixi, erat oblatio quędam facta Deo, cum fide venturi, implicitę saltem crediti; & pro mortali proprio, aderat remedium contritionis de peccato, cum proposito non peccandi de cętero, & cum fide venturi eodem modo crediti. Pro Iudęis verò incipiendo ab Abraham, cui pręcepta fuit circūcisio vsq; ad promulgationem Euangelij, remediū contra originale pro maribus fuit circūcisio; pro alijs verò extra Iudęos durauit idem remedium, quod prius. At pro mortali proprio in vtraque lege durauit vsque ad promulgationem Euangelij idem remedium, licet pro Iudęis in lege scripta aliqua legalia fuerint addita. Hęc autem remedia dependentes à meritis Ghristi fuerunt à Deo instituta, vt ipse esset omnium Mediator; quia ait Apostolus ad Coloss. 1. 18. *Ipse est caput corporis Ecclesię, qui est principium, primogenitus ex mortuis, vt sit in omnibus ipse primatum tenens, quia in ipso complacuit omnem plenitudinem inhabitare, & per eum reconciliare omnia in ipsum pacificans per sanguinem crucis eius, siue quę in terris, siue quę in Cælis sunt.*

196. Et S. Augustinus lib. 2. de pecc. orig. contra Pelag. & Cælest. cap. 24. docet, omnes Sanctos Patres in fide Ghristi venturi, ac merituri, Dei gratiam, & peccatorum remissionem obtinuisse: ait enim, *ex fide, qua nos viuimus vna eademque vixerunt antiqui iusti; & ipse Moyses Testamenti Minister Veteris, hæres Noui, incarnationem, passionem, & resurrectionem Ghristi credentes futuram, quam nos credimus factam: quod prius docuerat in lib. 3.*

Remedia
contra ori-
ginale. &
actuale pro
lege natu-
rę.
Et pro le-
ge scripta.

Christus
caput om-
nium.

Ex S. Aug.
fuit semper
necessaria
Christi fi-
des ad sa-
lutem.

lib. 3. cap. 4. contra duas Epistolas Pelagij, & contra Iulianum Pelag. lib. 1. cap. 2. eisdem verbis. Quoniam ex Ephes. 1. 10. Deus proposuit instaurare omnia in Christo, quæ in Cælis, & quæ in terra sunt.

197. Tunc sic. Ista media ad salutem pro deletione originalis, & actualium peccatorum instituta, non fuerunt à Deo determinata pro his tantum, aut illis, sed communia omnibus hominibus, bonis, & malis, ut eis pro necessitate vterentur; quia, ut inquit S. Augustinus, *numquam Deus reliquit mundum sine remedio, nec unquam præcepit impossibilia*; omnes ergo etiam reprobi in prioribus legibus habuerunt remedia contra vtrumque peccatum, & gratiam sufficientem per vnicum Mediatorem Christum. Noe enim ante diluuium electis, & reprobis, ut resipiscerent prædicabat; nam ex 1. Epist. Petri 3. 20. habemus, quod Christus ad inferos descendens, *his, qui in carcere erant, spiritibus veniens prædicauit: qui incredulifuerant aliquando, quando expectabant Dei patientiam in diebus Noe, cum fabricaretur Arca, &c.* Aliquos enim ex ijs in Lymbo fuisse oportet, quos Christus arguit, quia non crediderunt Noe prædicanti diluuium futurum, licet per centum annos, ut ait Glos. ord. in citato loco Petri, durauerit fabricatio Aræ à Noe elaborata. Lyr. Iudæus olim, ibidem ait, *Noe ex parte Dei peccatores ad penitentiam hortabatur*. Omnibus ergo bonis, & malis prædicabat penitentiam Noe: & sic oportuit eos auxilia habuisse supernaturalia, ad posse credere, pœnitere, ac Deum diligere; quia erat eis impossibile eos actus naturalibus viribus exequi. Hæc autem auxilia eis Deus concedebat intuitu meritorum præuisorum Christi, omnium Mediatoris.

Aliud

Noe prædicauit bonis & malis.

198. Aliud Scripturæ exemplum est illud Ionæ, quo prædicante in magna Ciuitate Ninive; Regeque terrefacto, ac indicente ieiunium rigorosum pro hominibus, & bestiis, & mandante resipiscentiam à pessimis vijs suis, penitentiam egerunt, & Deus placatus est, & Ciuitas subuersa non fuit: igitur auxilium diuinum habuerunt, vt pæniterent, ac Deum placarent: illud autem, auxilium Deus concessit ex præuisione mortis, ac meritorum Mediatoris Christi.

199 Alia innumera suppetunt Scripturæ exempla, & præsertim omnium Prophetarum maiorum, ac minorum, quos misit Deus ad prædicandum Idolatris Regibus, tam Samariæ, quam Iudeæ, eorumque populis, quamuis nihil profecerint: oportuit ergo, vt populi illi, quibus prædicabant, quosque à peccatis, præsertim Idolatriæ retrahere satagebant, auxilia gratiæ, nempe illuminationes, ac inspirationes ad cognoscendam veritatem, & adorandum Deum pro eius cognitione, & assecutione, habuerint; alioquin impossibilia eis fuissent, quæ sibi prædicabantur; neque potuissent de inobedientia puniri: Hæc enim duo Dei bonitati, ac iustitiæ non conueniunt. Si igitur media illa ad salutem necessaria, & ad resipiscendum, ac sanctè operandum habuerunt (quamuis eis ex sua culpa vsi non fuerint) ex præuisis meritis passionis, ac mortis Christi hominum omnium Mediatoris, ac Redemptoris. Ipsum enim constituit Deus caput totius Ecclesiæ pro omni statu; & in ipso decreuit omnia instaurare; ideò sine ipso factum est nihil: & sicut sine eo, nihil boni supernaturalis nunc fieri potest: neque potuit ante eius aduentum fieri, & sicut nunc Deus illuminat omnem hominem venientem in hunc

Ionas prædicauit bonis, & malis

Prophetæ omnes simul literæ prædicarunt.

Iis, quibus prædicabāt auxilia sufficientia habuerūt.

hunc mundum ob merita Christi exhibita : ita tunc ob eadem præuisa . Omnibus ergo , etiam reprobis , qui existunt , & existent , ac extiterunt ab initio mundi vsque ad Christum , ex morte eius præuisa, aut exhibita beneficium aliquod salutare obtinuerunt , quo uti potuerint , ac possint : quòd verò non vtantur , aliundè , vt sæpè diximus , prouenit .

200. Concludamus ergo Caput istud, simulque Opusculum cum S. Augustino *lib. de salut. doctum. cap. 46. Christus non pro Sanctis tantum passus est; sed pro peccatoribus , & impijs , ac sceleratis ascendit in Crucem , & passione sua nos omnes reuocauit ad vitam : non Sanctis tantum dedit Deus Solem, & Lunam , & pluuiam , & omnia nascentia terre, &c.* Non enim iniustus est Deus, aut personarum acceptor : sed iustus, benignus, ac misericors ; cui gloria in sæcula. Amen.



Sine de-
pendia ad
Christi me-
rita nullu
opus bonu
fierimquã
potuit.



OPVSCVLVM TERTIVM.

DE GRATIIS ACTVALIBVS, SEV DE DIVINIS AVXILIIS.

CAPVT PRIMVM.

*Quid intelligatur nomine Gratix actualis, seu
Divini Auxilij.*

I.



DV. I. quòd Theologus, omnes suas Conclusiones eruere debet ex Sacra Scriptura, siue literaliter accepta, siue declarata à Romano Pontifice, vel à Concilijs Generalibus, siue Prouincialibus à Sãcta Apostolica Sede ap-

probatis; siue à traditionibus; siue à Patribus, vel Sanctis, aut præclaris Ecclesiæ, laudatisque Doctoribus: Nam Ecclesiast. 8. dicitur. *Non te prætereant narratio Seniorum; ipsi enim didicerunt à Patribus suis, vt scias in tempore opportuno dare responsum.* Hoc idem docuit Innocent. I. vt habetur in can. vlt. dist. 20. de quibus causis. *Si nulla soluendi, ligandique authoritas in libris Veteris Testamenti, quatuor Euangeliorum cum totis scriptis Apostolorum appareat, ad diuina recurre scripta.*

Græ-

Theologus
quibus me.
dijs debet
suas probare
conclusiones.

Græca . Si neque in illis , Canones Apostolica Sedis intueri . Si neque in illis ad Catholica Ecclesiæ Historias Catholicas, à Catholicis Doctoribus scriptas manum mitte . Si nec in illis, Sanctorum exempla perspicaciter recordare . Quod si omnibus his inspectis huius quæstionis qualitas non lucidè inuestigatur Seniores Provinciæ congrega, & eos interroga . Facilius namque inuenitur , quod à pluribus Senioribus queritur . Verus enim repromissor Dominus ait , Si duo, vel tres conueniunt super terram in nomine meo, de omni re, quamcumque petierint , fiet eis à Patre meo . Hæc ergo sunt Ecclesiastica , ac diuina Promptuaria, è quibus canonica, theologica, ac morales resolutiones excerpèdæ sunt: & propterea in primi Opusc. initio me declarauim, quòd, quando pro difficilibus hisce materijs claras resolutiones non inuenero in Sacra Scriptura, in decretis Romanorum Pontificum , vel in approbatis Concilijs; ad Sanctorum antiquorum Patrum , atque Ecclesiæ Doctorum , qui Apostolorum temporum proximiores fuerint , Doctrinas, recurram, inter quos vnum Augustinum , vt potè omniscium elegi ; & sicut in duobus Opusculis feci , sic prosequar in hoc de Auxilijs diuinis, pro quibus tuendis , ac declarandis contra Pelagianos , ac Manichæos , vsque ad vitæ finem laborauit : cuius Doctrinam Vniuersalis Ecclesia complexa est. Ex Scriptura ergo primum huius quæsti resolutione petenda est ; idcò

2. Adu. 2. quòd hæc vocabula *Gratia, Auxilium*, seu *Adiutorium* diuinum, in Sacra Scriptura, cum suis significatis sæpè in vtroque Testamento reperiuntur .

3. De vocabulo enim *Gratia* diuinæ collatæ, vel conferendæ à Deo hominibus, vel ab eo petendæ ,

S. Scriptur.
admonitio

Innoc. r.
documentum .

Authoris
intentio .

Gratia, au.
xilium di.
uinum, &
adiutoriu
in S. Scrip.
commemo
rantur .

de, & si penè innumera Scripturę sint loca, vt faciliè quisque in Concordantijs Bibliorum, Verbo, *Gratia*, videre potest; tamen ad laborem subleuandum aliqua referam Exodi 11.3. *Dabit autem Dominus Gratiā populo*: idem repetit in cap. 12. 18. & in cap. 13. 12. de ipsomet Moise inueniente gratiam apud Deum, tot beneficia ei largientem; Iudith. 10. 8. *Deus Patrum nostrorum det tibi gratiam*. Psalm. 83. *Gratiam, & gloriam dabit Dominus*. Prou. 3. 14. *Mansuetis dabit gratiam*. Sap. 4. 15. *Gratia Dei, & misericordia est in sanctos eius*; & alia plura possunt loca Veteris Testamenti adduci. At quia Nouum Testamentum ex gratiarum abundantia appellatur *Lex Gratię*, quia Ioan. 1. 17. *Gratia, & veritas per Iesum Christum facta est*, ex eo accipiamus exempla. Act. 6. 8. *Stephanus plenus gratia, & fortitudine*: cap. 7. 10. *Deus dedit ei gratiam, & sapientiam*: cap. 15. 11. *per gratiam Domini Iesu*. Rom. 1. 5. *Per quem accepimus gratiam, & in tota epistola per 24. vices mentio fit de Gratia Dei*. In epistol. ad Corinth. 25. vicibus, in alijs supra 50. Item in vtraque epistola Petri: in secunda, & tertia Ioannis, & in epist. Iacobi. In his ergo, & in omnibus canonicis Libris mentio fit de gratia, quam Deus hominibus confert.

4. De vocabulo *Auxiliij diuini*, quod Deus hominibus impertitur pro suis actionibus exercendis, 2. Paralip. 20. 17. *Videbitis auxilium Domini*. Iudit. 6. 21. *petentes auxilium à Deo Israel*. Psalm. 19. 3. *Mittit tibi auxilium de Sancto*, &c. Psalm. 39. 13. *Da nobis auxilium de tribulatione*. Psalm. 61. 8. *Deus auxiliij mei*. Psalm. 70. 12. *Deus meus in auxilium meum respice*. Psalm. 120. *Auxilium meum à Domino*, & alia plura suppetunt

Sacre

De Gratia
frequens
mentio in
S. Script.

In Nouo
Testam.
sepius,
quia est lex
gratię.

Sacræ Scripturæ loca . Isaïæ 41. 10. & 14. Deus improperat Populo , ego *auxiliatus sum tibi* , cap. 49. 8. *In die salutis auxiliatus sum tibi* . cap. 50. 7. *Dominus Deus adiutor* : idem replicat infra. Sub titulo Adiutorij diuini habemus alia Sacri Textus loca . Psalm. 34. 2. *exurge in adiutorium mihi* ; Psalm. 67. *Deus in adiutorium meum intende, Domine ad adiuuandum me festina* . Psalm. 125. *Adiutorium nostrum in nomine Domini* . &c.

5. Habemus ergo in Sacra Scriptura hæc vocabula significantia beneficium aliquod , seu opē aliquam, quam Deus hominibus confert, quæ aliquando appellatur *Gratia* , aliquando *Auxilium* , aliquando *Adiutorium* actuale ; sed idem significant , ideò significatum horum vocabulorum, nunc inquirō .

6. Adu. 3. quòd nomen *Gratia* etiam inter prophanos Scriptores commune est ad significandum omne bonum , omneque beneficium , quod aliquis alteri confert gratis ex sua beneuolentia, sine merito recipientis ; nam si ex merito confert, non est gratia, sed præmium, & merces . Inter Theologos autem de diuinis erga homines beneficijs, & gratijs differentes , *Gratia* diuina in genere sumpta significat omne bonum , omneque donum, quod Deus hominibus largitur, sine sit naturale, idest, spectans ad naturam hominum , vt est anima, corpus, vita, sanitas, bona fortunæ, honores , &c. siue sit bonum spirituale , & supernaturale disponens, & conducens ad spiritualem vitam , & æternam salutem . De primo gratiarum genere hîc non loquimur, sed de secundo, nempe spirituali , ac supernaturali ad salutem conducente. At quia Gratia spiritualis, ac supernaturalis multiplex est, quædã enim dicitur habitua-

De auxilio diuino pluries fit mentio .

Item de adiutorio

Apud prophanos gratia quid significat .

Gratiæ genus multiplex .

Habitualis .

lis ,

lis, & sanctificans, seu gratum, & sanctum faciens, quæ ex Scoto, quem sequor, est eadem, ac Charitas; quædam est gratis data, quæ non sanctificat, sed est in bonum aliorum, ut latè dixi in tom. 3. in 3. sent. ut Prophetia, Gratia miraculorum, & aliæ septem; quædam dicitur gratia actualis, seu auxilium illud, quo Deus concurret cum homine ad aliquod opus bonum, conducens ad salutem: in hoc loco non loquimur de primis Gratiarum generibus, sed de postremo, de gratia nempe actuali.

7. Adu. 4. quòd nomen *Auxilium diuinum* est commune ad omne adiutorium, quo Deus adiuuat homines cooperando cum illis in suis operationibus, tam naturalibus, quàm supernaturalibus: Omnis enim homo, omnisque creatura, tam in sui primo esse, & conseruari, quàm in omni sua operatione indiget ope, ac auxilio Dei, ut docet Apostolus Act. 17. 28. *In eo enim viuimus, mouemur, & sumus.* Hic autem nō loquimur de auxilio diuino in tanta latitudine accepto; sed de auxilio, quo indiget homo in motibus, seu operationibus, tam internis, quàm externis conducen-
tibus ad salutem, ut sunt v.g. obseruantia præceptorum, *sicut oportet*, obseruantia consiliorum; omniaque supererogationis opera, pietatis, Religionis, &c. De gratijs, seu auxilijs ad hæc opera requisitis hic loquimur; ideò

8. Dico 1. nomine *Gratiæ*, seu *Auxilij diuini*, actualis, intelliguntur omnes illæ cooperationes, & adiutoria, quibus Deus cooperatur cum hominibus, dum exercent, *sicut oportet*, opera præceptorum, vel consiliorum, vel supererogationis ad salutem pertinentia.

9. Prob. ex suppositione, quòd homo effice-

gratis da.
.

Actualis
uz.

Auxilij
genus mul-
tiplex.

Quid in-
telligitur
nomine
gratiæ.

re non possit aliquod opus meritorium, siue de condigno, vt in homine iusto, siue de congruo, vt in homine disponente se ad iustitiam, (per baptismum, seu per pœnitentiam obtinendam,) vt de fide esse dicemus in suo loco, sine gratia, seu auxilio ad opera ista faciendâ à Deo obtinendis; ergo Gratia actualis, seu Auxilium diuinum hanc opem, hunc concursum, seu adiutorium significant, quod ad præfata opera faciendâ est necessarium, & sine quo non fierent, vel non fierent, vt oportet, idest à Deo exigita, eique placentia. Anteced. prob. ex S. Scripturæ locis: Hanc opem Sancti à Deo petebant. Tren. 5. 21. *Conuerte nos Domine ad te, & conuertemur.* Ierem. 31. 18. *Conuerte me, & conuertar, quia tu es Dominus Deus meus.* Psalm. 79. 8. *Deus virtutum conuerte nos; ostende faciem tuam, & salui erimus.* Et vt in notabili diximus sæpè sic Dauid Dei opem ad benè, & sanctè operandum implorabat, *Deus in adiutorium meum intende. Adiutor meus esto, ne derelinquas me, neque despicias me Deus salutaris meus. Ad te leuaui oculos meos, qui habitas in Cœlis. Ad Dominum cum tribulârer clamaui, & exaudiuit me. Leuaui oculos meos in montes, vnde veniet auxilium mihi, auxilium meum à Domino, &c. Deus Deus meus respice in me, quare me dereliquisti, & cetera multa. Quis cõsurgat mihi aduersus malignâtes, aut quis stabit mecum aduersus operantes iniquitatem. Nisi quia Dominus adiuuit me, paulò minus habitasset in inferno anima mea. Si dicebam, motus est pes meus, misericordia tua Domine adiuuabat me.* Psalmo 93.

10. Hieremię 31. 19. *Postquam conuertisti me, egi pœnitentiam; & postquam ostendisti mihi, percussisti femur meum.* Ezechielis 36. & 37. Deus promittit

Hanc à
Deo homi-
nes petūt.

Ex Veter.
Testam.

mittit hoc auxilium, hancque gratiam conuertendi, ac trahendi ad penitentiam, & ad sanctè operandum. *Dabo tibi cor nouum, & spiritum nouum ponam in medio vestri: auferam cor lapideum de carne vestra, & dabo vobis cor carneum, & spiritum meum ponam in medio vestri; & faciam, vt in præceptis meis ambuletis, & iudicia mea custodiat, & operemini.* Alia similia Veteris Testamenti loca, quæ Dei opem, seu adiutorium, & gratiam ad benè operandum in via salutis, indicant, in decursu huius Opusculi adducentur.

Ex Nouo
Test. noti-
tia gratiæ.

II. Ex Nouo Testamento plura pariter sumi possunt loca, quæ diuinam gratiam, seu auxilium indicant, quo Deus omnes infirmos homines adiuvat ad benè, sanctèque operandum: aliqua igitur ex his proferam. Apocal. 3. *Ego sto ad ostium, & pulso; si quis audierit vocem meam, & aperuerit mihi ianuam, intrabo ad illum, & cænabo cum eo, & ipse mecum.*

Ex 2. Timot. 1. 9. *Qui liberauit nos, & vocauit vocatione sua sancta, non secundum opera nostra, sed secundum propositum suum, & gratiam, quæ data est nobis in Christo Iesu ante tempora secularia.*

Ex Pauli
Epistolis.

Ex Rom. 8. 26. *Spiritus adiuvat infirmitatem nostram, nam quod oremus, sicut oportet, nescimus: sed ipse spiritus postulat pro nobis gemitibus inenarrabilibus.*

Ex Philipp. 3. 13. *Deus est, qui operatur in nobis velle, & proficere pro bona voluntate.*

Ex 1. Corinth. 4. 8. *Quid habes, quod non accepisti? Si autem accepisti, quid gloriaris, quasi non acceperis? Et in cap. 12. 3. Nemo potest dicere Dominus Iesus, nisi in Spiritu Sancto.*

Ex 2. Corinth. 3. 5. *Non quod sufficientes simus*

mus cogitare aliquid à nobis, quasi ex nobis, sed omnis sufficientia nostra ex Deo est.

Ex Euangelio pariter, ipsiusque Saluatoris ore audiuius gratias, seu auxilia, quæ nobis ad benè operandum necessaria sunt, quæque Deus ob eius merita nobis elargitur. Ioan. 6. 44. *Nemo potest venire ad me, nisi Pater, qui misit me traxerit eum.* cap. 1. 6. *Erat lux vera, quæ illuminat omnem hominem venientem in hunc mundum, & de plenitudine eius omnes accepimus, & gratiam pro gratia: & cap. 14. Christus ait, sine me nihil potestis facere.* Matth. 23. 27. *Quoties volui congregare filios tuos, quemadmodum gallina congregat pullos suos sub alis, & noluisti; & Matth. 6. 9. docet, Sic orabitur. Pater noster, &c. & ne nos inducas in tentationem, sed libera nos à malo.* Ioann. 17. 11. ipsemet Saluator orat pro Apostolis, ut adiuuentur. *Pater sancte serua eos in nomine tuo, quos dedisti mihi, ut sint vnum, sicut & nos. Non rogo, ut tollas eos de mundo, sed ut serues eos à malo.* Et specialiter pro Petro Lucæ 22. 31. inquit. *Simon, ecce Sathanas expetiuit nos, ut cribraret, sicut triticum. Ego autem rogaui pro te Petre, ut non deficiat fides tua, & tu aliquando conuersus confirma fratres tuos.*

12. Tota ergo Sacra Scriptura vtriusque Testamenti scatet eiusmodi locis, quæ indicant adiutoria diuina, ac supernaturalia, quæ confert Deus hominibus, ut possint opera salutis operari. Dicuntur autem adiutoria, seu auxilia, quæ dant virtutem, seu vires ad talia opera, sine quibus fieri non possunt: dicuntur, *gratia*, quia gratis, & sine meritis à Deo donantur: dicuntur *æterna* adiutoria, seu gratiæ ad differentiam habitum supernaturalium, vel etiam moralium, qui à Deo conceduntur, permanentque in homi-

Ex Euang.

Tota Scriptura plena est his diuinis significantibus diuina adiutoria.

Cur dicuntur gratiæ

Cur dicū-
tur actua-
les.

ne, siue operetur, siue non, ante actum, & post actum; at gratiæ istæ actuales, siue actualia auxilia cum actibus incipiunt, & desinunt, duranteque, durante actu. At quid sint, an aliqua qualitas animæ, vel eius potentijs inherens, vel ipsamet Dei cooperatio; & quotuplicis generis sint, an necessaria, &c. dicetur postea. Pro nunc sufficit scire, quòd dentur istæ gratiæ actuales, seu auxilia; & significant opem, quam Deus confert hominibus ad benè, sanctèque operandum.

CAPVT II.

De varijs nominibus, ac speciebus gratiarum, seu auxiliorum.

13. **A**Du. 1. quòd antequam deueniamus ad discussionem necessitatis, naturæ, ac effectuum diuinarum gratiarum, seu auxiliorum, operæ prærium est diuersas eorum species, ac nomina explicare, vt tyrones faciliùs eorum naturam intelligant. Gratiarum autem, seu auxiliorum nomina, quæ in Sacra Scriptura, vel in Concilijs, vel in Sanctorum Patrum, & præsertim Augustini codicibus reperiuntur; ista sunt. *Præueniens, excitans, adiuuans, cooperans, subsequens, medicinalis, sanans, efficax, sufficiens, qua, & sine qua.* Omnium etymologias, naturas, & effectus, crasso, (vt ita dicam) pro nunc modo per plures paragraphos, & capita prælibabimus, latius postea, ac distinctius de eisdem acturi.

14. Adu. 2. quòd nedum hic, sed in toto hoc Opusculo hæc duo *gratia actualis*, & *auxilium*, promiscuè sumuntur, & idem significant, nempe fauorem illum, seu opem, quam Deus elargitur homi-

Gratiarū,
seu auxi-
liorum,
nomina.

hominibus ad operandum, *vt oportet*, opera salutis, quæ non posset homo cum solis naturalibus viribus facere : dicitur autem *auxilium*, quia per illud Deus auxiliatur, vt homo facere possit, & faciat opera, quæ de se sine illo auxilio non posset : dicitur verò *gratia*, eo quòd à Deo, qui nulli debet, gratis, idest, sine meritis datur; vnde Apostolus Rom. II. 6. *si autem gratia ex operibus*, (idest meritis) *iam gratia non est gratia* : quia tunc esset *merces*; seu prēmium.

Idem auxilium, ac gratia actualis.

§. I.

An detur; quæ, qualisue sit Gratia præueniens.

15. **D**ico. Gratia, seu auxilium *præueniens*, consistenda de fide est. & est illa, qua Deus præuenit intellectum, & voluntatem humanam, in ordine ad actus bonos, & sanctos, *illuminando intellectum* ad cogitandum hic, & nunc de illis, & *inspirando* voluntati, vt consentiat, & exequatur.

Datur gratia præueniens, & quæ est.

16. Declaratur Conclusio, & postea probabitur. Quilibet homo, vel scit legem Evangelicam, vel non. Si non, vt Pagani, Mahometani, Iudæi, & suo modo etiam Hæretici, dixi, *suo modo*, idest circa ea, quæ non credunt; si istis prædicatur veritas Evangelica, & à Deo illuminantur ad cognoscendam veritatem, & inspirantur ad consentiendum illi, quod fit per voluntatē imperantem intellectui, vt assentiatur; illuminatio illa respectu intellectus, & inspiratio respectu voluntatis sunt gratiæ *præuenientes* : quia reuera præueniunt actus talium potentiarum : & si sunt

Explicatio conclus.

efficaces sequitur consensus voluntatis, & assensus fidei in intellectu, neque enim aliter creditur, quia vt docet S. Augustinus; *cetera potest homo nolens; credere verò non nisi volens*. Si autem gratia ista præueniens non sit efficax, intellectus illuminatur quidem, & voluntas inspiratur; sed effectus credendi non sequitur; vt accidit Iudæis (Christo, & Apostolis prædicantibus) multi enim auditorum crediderunt; ceteri verò non. Vnde autem oriatur, quòd gratia efficax sit in illis, & non in istis; discutietur postea.

17. Quòd verò hoc modo fiat conuersio infidelium venientium ad fidem Deo præueniente eorum potentias, easque ad consensum, & assensum disponente, docere videtur Concilium Trident. sess. 6. cap. 5. loquens de alicuius infidelis conuersione, sic. *Declarat (S. Synodus) iustificationis exordium in adultis à Dei per Iesum Christum præueniente gratia, sumendum esse, hoc est; ab eius vocatione, qua nullis eorum existentibus meritis, vocantur, vt qui per peccata à Deo auersi erant, per eius excitantem, atque adiuuantem gratiam ad conuertendum se, ad suam ipsorum iustificationem, liberè gratiæ assentiendo, & cooperando, disponuntur; ita ut tangente Deo cor hominis per Spiritus Sancti illuminationem, neque homo ipse nihil omninò agat, inspirationem illam recipiens; & in fine ait; cum dicit Scriptura conuerte nos Domine ad te, & conuertemur, Dei nos gratia præueniri confitemur: Et in capite sequenti declarans, quomodo ex Dei gratia præparatur, ac disponitur homo ad primam iustificationem, idest, cum quis primò conuertitur ad fidem, eandem præuenientem gratiam confitetur, ac declarat sic. Disponuntur autem ad ipsam iusti-*

Quid sit
gratia præ-
ueniens, &
cur sic di-
ctæ.

Quomodo
per præue-
nientem
disponitur
homo ad
credendū.

iustitiam, dum excitati diuina gratia, & adiuti fide ex auditu concipientes, mouentur in Deum, credentes vera esse, quæ diuinitus reuelata, & promissa sunt; &c. Hoc ergo est exemplum de gratia præueniente, seu excitante infidelem ad conuersionem; quia sopitus in sua Religione, à Deo præuenitur, & excitatur ad cognoscendam veritatem, & volendum credere, & diligere Deum, ac in eo sperare: quod pluribus modis facere potest Deus; regulariter tamen id facit per prædicatores Euangelij: speciali modo facit per obseruationem vitæ, ac morum fidelium; specialius per lectionem librorum de fide, & lege Christianorum tractantium; specialissimè tandem, (sed rarò) cum quis nec prædicatorem audit, nec mores Christianorum videt, nec libros sacros legit; sed ex improniso, Deus in mentem ipsius immitit dubium aliquod, ac diffidentiam de sua Religione; & inspirat, vt pergat ad locum aliquem, in quo audire possit, ac intrui de nostra lege. Hęc ergo est gratia *præueniens*, seu *excitans* pro casu conuersionis: Alia exempla pro alijs operibus bonis, ac sanctis, vt sunt obseruantia præceptorum, aut consiliorum, aut supererogationum opera, quæ post conuersionem ab omni fidei fieri possunt, pro quibus quoque præueniens gratia necessaria est, mox adducam.

18. Si ergo homo sit fidelis; quia tenetur ad præceptorum naturalium diuinorum, ac positiuorum, atque Ecclesiæ obseruantiam; & si vult potest etiam Euangelica consilia obseruare, & alia supererogatoria facere, vt eremiticam degere vitam, peregrinationes, ac ieiunia peragere; aliasque mortificationes suscipere, vt dormitionem in terra, vigilias, flagellationes, & alia eiusmodi

subi-

Conc. Trid
explicatio
huius gra-
tiz.

Quibus mo-
dis Deus
præuenit
per gratiã.

Opera su-
pereroga-
toria, quæ
sunt.

subire; ad omnia hæc peragenda, præuenit Deus, vt postea patebit, excitando, illuminando, & inspirando talia opera; quia, vt diximus ex Apostolo, *non sumus sufficientes cogitare aliquid à nobis, quasi ex nobis, sed omnis sufficientia nostra ex Deo est*. Item, dum fidelis cadit in peccatum; vt pæniteat, gratia præueniente, seu excitante indiget; vt scilicet Deus eum illuminet, ac inspiret ad id faciendum, vt Trid. docet in *sess. 6. can. 3*. Sed de necessitate præueniētis; immò, & omnis alterius gratiæ loquemur postea. Nunc de nomine tantum, natura, & qualitate præuenientis gratiæ loquimur. Hac ergo explicatione præuenientis gratiæ supposita, quod debet admitti,

19. Prob. Conclusio, quòd confiteri debemus dari, hanc gratiam præuenientem: ex Psal. 58
11. & misericordia eius præueniet me. S. Augustin. concione 2. in Psal. 58. vt ostendat, quòd omne opus nostrum bonum, ac meritorium, semper à Deo incipit, nunquam à nobis, inquit, *Cogitate, quod dictum est, præueniet me. Si aliquid tui primùm attulisti; & ex tuo aliquo bono primò Dei misericordiam meruisti, non te præuenit. Quando autem vel intelligis, quia præuentus es, nisi intelligas, quod ait Apostolus, quid habes, quod non accepisti. Si autem accepisti, quid gloriaris, quasi non acceperis? Hoc est misericordia eius præueniet me.*

Idem Augustinus lib. 2. ad Bonif. cap. 9. ait: *Auertat Deus hanc amentiam, vt in donis suis nos priores faciamus, posteriorem ipsum. Quoniam misericordia eius præueniet me: & ipse est, cui fideliter, veraciterque cantamus. Præuenisti eum in benedictionibus dulcedinis: & quid hoc aptius intelligitur quam ipsa, de qua loquimur, cupiditas boni? Tunc enim bonum concupisci incipit, quando dulcescere*
cape-

Quòd de
 fide confi-
 tenda sit
 præueniens
 gratia.

Ex S. Scrip.

ceperit. Ergo benedictio dulcedinis est gratia Dei, quæ fit in nobis, & nos delectet, & cupiamus, hoc est amemus, quod præcipit nobis: in quasi nos non præuenit Deus, non solum non perficitur, sed nec inchoatur ex nobis. Si enim sine illo nihil possumus facere; profectò, nec incipere, nec proficere; quia, ut incipiamus dictum est, Misericordia eius subsequetur me. Et in Enchiridio cap. 3. dicit. Nam utrumque legitur in sanctis eloquijs: & misericordia eius præueniet me; & misericordia eius subsequetur me, nolentem præuenit, ut velit. Volentem subsequitur, ne frustra velit. Cur enim admonemur orare pro inimicis nostris, utique nolentibus pie vivere, nisi ut Deus operetur in illis, ut velint: oramus ergo pro inimicis nostris, ut misericordia Dei præueniat eos, sicut præuenit nos.

20. Idem S. Doctor conc. 1. in Psal. 58. Pelagium perstringens, qui docebat bonam hominis volitionem præcedere, eique gratiam postea conferre (quando constebatur gratiæ necessitatem) sic ait ad Deum. Quid in me inuenisti, nisi sola peccata? Tuum nihil aliud, nisi natura, quam creasti: cetera mala mea, quæ deleuisti. Non ergo prior ad te exurrexi; sed tu ad me excitandum venisti. Nam misericordia eius præueniet me. Antequam aliquid boni ego faciam, misericordia eius præueniet me. Quid hic respondebit infelix Pelagius? Alia plura congeri possunt S. Augustini loca de Gratia hac præueniente; sed nunc necessariam non est. Adducentur autem, cum discutiemus, an gratia, maxime prima, detur præcedente aliquo merito ex parte hominis. Pro his enim questionibus, an gratia sit necessaria ad bona opera, & an detur à Deo præcedente aliquo bonæ voluntatis motu, tot annis contra Pelagianos, ma-

gno

Ex August.

Itorum ter
tiod. & plu-
ries Aug.

Pro hac
gratiatue-
da contra
Pelagium
laborauit
August.

gno cum Ecclesiæ fructu S. Doctor laborauit .

21. Probari potest secundò hæc conclusio de existentia præuenientis gratiæ ex Concil. Trid. supracitato , toties præuenientem gratiam commemorante : & in eadem sess. 6. can. 3. sic definitur. *Si quis dixerit , sine præueniente Spiritus Sancti inspiratione , atque eius adiutorio , hominem credere , sperare , diligere , aut penitere posse , sicut oportet , ut ei gratia iustificationis conferatur , anathema sit .*

Trident.
definitio .

22. Confirmatur ex Concilio Arausico can. 18. definiēte , gratiam Dei præcedere omnia bona opera , ut fiant .

Concil. Araus.
raus.

23. Confirmatur ex Cælestino Primo, *epist. 1. cap. 12.* idem cum S. Augustino docente : & tandem ex communi sensu Ecclesiæ , exceptis Semipelagianis , qui ut recedant à Pelagio , docent quidem Gratiā Dei esse necessariam ad omnia opera bona , excepto tamen initio fidei : hunc enim actum dicebant fieri ab homine viribus naturæ , cætera autem bona opera ex auxilijs gratiæ : sed de errore eorum , & de necessitate gratiæ pro quolibet actu bono , loquemur postea .

Cælest. 1.

24. Hinc est , quòd Ecclesia in suis collectis sæpè sic orat . *Tua nos Domine quæsumus gratia , semper præueniat , & sequatur , ac bonis operibus iugiter præstet esse intentos :* ita in Dom. 16. post Penthecostem .

In 2. Dom. Aduentus . *Excita Domine corda nostra ad præparandas vnigeniti tui vias , &c.* Item *Gratiam tuam quæsumus Domine mentibus nostris infunde , &c.*

Ex orationibus
Ecclesiæ probatur
gratia præueniens .

In Dom. 5. post Pascha . *Deus à quo bona cuncta procedunt , largire supplicibus tuis , ut cogitemus , te inspirante , quæ relictæ sunt , & te gubernante eadem faciamus .*

In

In Dom. 8. post Penthec. *Largire nobis quæsumus Domine semper spiritum cogitandi, quæ recta sunt propitius, & agendi, &c.*

In Dom. 24. post Penthec. *Excita quæsumus Domine tuorum fidelium voluntates, vt diuini operis fructum propensius exequentes pietatis tuæ remedia maiora percipiant.*

In orationibus cõmunibus. In secunda ad petēdā serenitatem, dicitur; *præueniat nos quæsumus Domine gratia tua semper, & subsequatur: & has oblationes, quas pro peccatis nostris nomini tuo consecrandas offerimus, &c.*

Ibidem in oratione pro remissione peccatorum, dicitur. *Deus qui, &c. illumina corda nostra, vt tua valeamus implere præcepta.*

Ibidem in oratione 3. ad repellendas malas cogitationes. *Deus, qui illuminas omnem hominem venientem in hunc mundum, illumina quæsumus corda nostra gratiæ tuæ splendore, vt digna, ac placita maiestati tuæ cogitare semper, & te sincerè diligere valeamus.* Aliæ plures similes phrasēs orandi pro gratia præueniente sunt in Ecclesia: Ergo de fide est.

§. I I.

An detur Gratia excitans, quæ, qualisue sit.

25. **A**Du. 1. quòd licet Gratia præueniens eadem sit, ac excitans; quia tamen hoc etiam nomine appellatur, & effectum quemdam notabilem in animæ potentijs efficit; sub hoc nomine de ea, eiusque effectū loquemur: quoniam animam quasi dormientem, & de nullo bono cogitantem, & fortè tunc de malo aliquo, Deus eā

Pluries eodem modo orat Eccl.

CHR de hac loquitur Author

330 DE GRATIIS ACTVALIBVS, &c.
 excitat, facitque euigilare, illuminando intellectum ad cogitationem alicuius boni, & inspirando voluntatem ad eius amorem per primos motus à solo Deo excitatos, ex quibus homo prius nihil cogitans, vel malum cogitans, aut appetens, experitur, se mutatum ad aliam cogitationem, & appetentiam: hæc autem gratia, & fauor diuinus præuenit actus intellectus, & voluntatis: ideòque est *præueniens*, & *excitans* eas potentias.

Notabilis
 cognitio
 pro toto
 hoc tract.

26. Adu. 2. pro clara notitiâ huius gratiæ, immò & omnium dicendorum in hoc Opusculo, quòd cum Deus excitat aliquem ad bonum opus cogitandum, appetendum, seu volendum, ac exequendum, quomodocumque faciat, siue immediatè per seipsum internè, siue per lectionem alicuius Libri spiritualis, vel alterius; siue per concionatorem, aut alium externè loquentem; dum isti externè loquuntur, Deus semper internè loquitur illuminando, & inspirando, ac inflammando ad volendum id, quod externè proponitur, nec sufficeret externa illa vocatio, seu propositio rei bonæ, ac hortatio ad eam (vt Pelagius aliquando docebat) nisi Deus ad intus in corde audientis loqueretur; quod egregiè de more docuit S. Augult. in epistol. 1. S. Ioann. *tract. 3.* super illud *non habetis necessitatem, vt aliquis doceat vos; quia vnctio ipsius* (idest Spiritus Sancti) *docet vos de omnibus*: Multa dicit S. Doctor de internis Auxilijs, seu Gratijs diuinis; sed ad rem nostram hoc dicit peculiare. *Videte magnum Sacramentum fratres. Sonus verborum nostrorum aures percutit; Magister intus est. Si non sit intus, qui doceat; inanis sit strepitus noster. Magisteria forinsecus adiutoria quædam sunt, & admonitiones, Cathedram*

Externa locutio, vel alia notitia non sufficit, nisi Deus internè loquatur.

thedram in Cælo habet, qui corda docet: propterea dicit in Evangelio, *Vnus est Magister vester Christus*. Ipse ergo intus loquitur; quia nemo hominum illic est, *Interius est Magister, qui docet; Christus docet; inspiratio ipsius docet*. Vbi illius inspiratio non est, & *vñctio*, forinsecus inaniter perstrepunt verba. Postea adducit exemplum Agricole fundentis aquam circa arborem; at dare ei non potest virtutem producendi poma. Sic se habet prædicator prædicans doctrinam, qui non potest dare virtutem faciendi opera bona: vnde Apostolus. *Ego plantavi, Apollo rigavit, Deus autem incrementum dedit*. Neque qui plantat est aliquid, neque qui rigat; sed qui incrementum dat Deus: hæc S. Augustinus.

26. Dico ergo: Admittenda est gratia dicta *excitans*, quæ animam quasi sopitam, & de bono non cogitantem, excitat ad cogitandum, & cupiendum tale bonum.

27. Prob. & declaratur. Quamvis in Sacra Scriptura non habeamus hoc vocabulum, *Excitans* ad rem nostram faciens, nec verbum, *Excito*; habemus tamen æquipollentia, *expergefactio*, ac *expergiscor*, *exurrectio*, & *exurgere*; quæ idem significant. Ephes. 5. 14. habetur. *Propter quod dicit, surge qui dormis, & exurge à mortuis, & illuminabit te Christus*. Interl. *Propter quod dicit, ait, Spiritus Sanctus per me*. V. *qui dormis* ait, *oblitus Dei*. V. *exurge à mortuis*, ait, *à dormitione futura*. V. *illuminabit te Christus*, ait, *Hic per fidem, & in futuro per speciem; quia ipse est Sol iustitiæ*.

28. S. Augustinus in psal. 62. locum istum, discutiens, ait. *Apostolus excitabat animam dormientem, quando ad hoc eam excitabat, ut illuminaretur à Christo: ergo secundum ipsius vigilias dicit*

Datur gratia excitans.

iste, Deus Deus meus ad te luce vigilo. Non enim vigilares in te, nisi oriretur lux tua, quæ te de somno excitaret, illuminat enim animas Christus, & facit eas vigilare: & in psal. 87. de semetipso excitato à somno inconsiderantiæ veritatis fidei, inquit, Quomodo crederem, nisi audirem, sed vt audita crederem, ipse me attraxit, quia in occulto à morte cordis, non quilibet medicus, sed ipse excitauit: & infra; At per hoc, nec credere potuisssem, nisi me Dei misericordia præuenisset: & quia mortuos suscitatur; & vocat ea, quæ non sunt, tamquam ea, quæ sunt, me in occultis vocando, & suscitando, & trabendo à tenebris reduxisset, & in lumen fidei perduxisset. Idem S. Doctor in psal. 106. loquens de excitatione, & suscitatione alicuius infidelis, ait; Nihil putantem aliud esse possi hanc vitam, socordem, obrutum cor habentem illecebris mundi, & manifestis delectationibus consopitum, vt excitetur iuste ad quærendam gratiam Dei, & fiat sollicitus, & tamquam è somno euigilet, nonne manus Dei excitat eum?

29. Theodoretus in hunc Pauli locum inquit. *Qui enim socordem, tamquam somnum deponit, Domini lucis radium suscipit.*

30. Aliud simile excitationis verbum habemus in Isaia 26. 19. *Expergiscimini, & laudate, qui habitatis in puluere, quia ros lucis ros tuus: & in Ioelis 1. 5. expergiscimini ebrii, & flete; & plulate omnes, qui bibitis vinum in dulcedine, quoniam perijt ab ore vestro.*

31. Quartum simile nomen, ac verbum habemus in S. Scriptura explicans actionem excitandi hominem ad bonè, ac sanctè operandum, nempe *Illuminationem*. Cum nempe homo mundi huius voluptatibus abstractus, manet quasi obtenebratus, nihil cogitans de spiritualibus rebus

S. August.
plura loca.

Theodore.
tus.

Isaias de
experges-
tione.

bus ad animæ salutem spectantibus ; & Deus ex sua misericordia illuminat illum ad cogitandum de iustis , & ad ea concupiscendum ; quod pluribus modis contingere potest , nempe audiendo concionatorem aliquem , vel alium de diuinis disserentem ; vel librum aliquem legendo ; vel absque ullo ex his extrinsecis medijs, Deus internè cogitationem aliquam in eum immittit species rerum spiritualium mouendo , & ad earum applicationem concurrendo , necnon ad eorum affectum , tunc homo ille à Deo *Illuminatur* , & tenebræ mundanarum rerum tunc ab eo repelluntur : de hac illuminatione sæpè fit mentio in S. Scriptura , præsertim in psalterio . Psal. 26. *Dominus illuminatio mea, & salus mea* : crebrò autem hanc à Deo petebat : psal. 12. *illumina oculos meos*. psalm. 17. *Deus meus illumina tenebras meas*. psal. 66. *Illuminet vultum suum super nos , & misereatur nostri , ut cognoscamus in terra viam tuam*. psal. 73. *Illuminans tu mirabiliter à montibus æternis, & cætera plura* . Ecclesiastici 2. 10. *Illuminabuntur corda vestra*, cap. 24. 43. *Illuminabit omnes operantes in se* . In Novo Testamento multa quoque de illuminatione hac diuina habemus testimonia . Ioan. 1. *Illuminat omnem hominem venientem in hunc mundum* . 1. Corinth. 4. 5. *Illuminabit abscondita tenebrarum* . Ephes. 1. 18. *Illuminatos oculos cordis*, cap. 5. 14. *Illuminabit te Christus* , &c.

32. Quintum simile nomen, & verbum reperitur in Sacra Scriptura explicans excitantem hanc gratiam , nempe inspiratio , qua Deus homini nihil de spiritualibus rebus cogitanti, immittit , aliquo ex nuper dictis modis, cogitationē aliquam obiecti boni , & amorem eius . Iob. 32. 8. *Spiritus est in hominibus, & inspiratio omnipotentis*

Illuminationis explicata in Scriptura.

Aliud simile verbum explicans excitationem est inspiratio.

334 DE GRATIIS ACTUALIBVS,&c.
*tis dat intelligentiam . Act. 17. 23. Deus dat omni-
 bus vitam , inspirationem, & omnia, 2. Petri 1. 11.
 Sancto Spiritu inspirati locuti sunt Sancti Dei homi-
 nes. Timot. 3. 18. Omnis Scriptura diuinitus inspi-
 rata utilis est, &c. & Saluator Ioann.3. 8. inquit ,
 Spiritus ubi vult spirat, & vocem eius audis, sed ne-
 scis vnde veniat, aut quo vadat .*

33. Omnia ergo nomina , & verba hæc su-
 pradiſta ſignificant ex parte Dei actum illum,quo
 hominem , quaſi ſopitum, ac dormientem, obte-
 nebratum à curis ſæculi , & incogitantem de di-
 uinis, ac medijs ad ſalutem conducentibûs, Deus
 vel per extrinſeca media, vel intrinſecus etiã cum
 excitat, illuminat, inſpirat , facit expurgiſci , vt
 de his cogitet , eaque cupiat: ex parte verò ho-
 minis recipientis ſignificat effectum illum excita-
 tionis, expurgationis, inſpirationis, ac illumi-
 nationis circa diuina , ac ſupernaturalia .

Quæ quidem excitatio non datur ſolùm ,
 cùm primò venit homo ad fidem ; ſed quotieſ-
 cumque poſt acceptum baptiſmum , vel in pecca-
 tum labitur , & pœnitet, vel cùm in rebus ad ani-
 mam ſpectantibus ſocors , & negligens eſt , vt in
 ſuo loco dicetur .

S. I I I.

An detur Gratia adiuuans, & quæ, qualiſue ſit .

34. **A**Du. quòd quamuis omnis diuina gratia
 dici poſſit adiuuans ; quia omnis ,
 quæcumque ſit, adiuuat vires naturę , complens
 eius potentiam , vt poſſit operari opera ſuperna-
 turalia,& meritoria, ſiue de condigno, vt in iuſto
 exiſtente in gratia habituali, ſiue de congruo, vt
 de

Significata
 excitatio-
 nis quæ .

Aliquo mo-
 do omnis
 gratia dici
 poteſt adiu-
 uans .

de peccatore disponente se ad iustificationem, tam ad Baptismum, quam ad Sacramentum Pœnitentiæ per actus fidei, spei, dilectionis Dei, & pœnitentiæ; qui quidem actus ex Spiritus Sancti inspiratione, atque adiutorio fiunt, vt docet Tridentinum *sess.6.can.3.* tamen de gratia adiuuante in tanta latitudine, non loquimur; sed de alio genere gratiæ adiuuantis; nempe de illa, quam largitur Deus homini iam excitato, illuminato, præuentum, expergefatum, & cupienti bonum cognitum exequi. De hac ergo adiuuante, vt bonum illud cognitum, ac volitum exequatur, & petat à Deo adiutorium, vt exequi possit, hoc posito,

35. Dico admittenda, & confitenda est gratia *Adiuuans* specialiter dicta, qua Deus hominem illuminatum, præuentum, excitatum, ac expergefatum, adiuuat, vt exequi possit bonum illud iam cognitum, ac inspiratum, & exequatur. Est de fide.

36. Prob. Multa sunt Sacræ Scripturæ loca, quæ adiuuantem Dei gratiam, modò generalem, modò peculiarem indicant. 1. Paralip. 12. 18. *Te enim adiuuat Deus tuus;* & in cap. 18. 8. *adiunxitque eum Dominus;* & vtroque de Salomone est sermo. 2. Paralip. 25. 8. *Dei quippè est adiuuare:* in psalterio sæpissimè de hac adiuuante gratia fit sermo, eamque implorabat Dauid ad benè operandum. Ipse enim fidem firmam habens, ferè continuò à Deo illuminatus ad bona opera facienda, Dei opem pro exequendo precabatur. psal. 39. *Domine ad adiuuandum me respice.* Idem replicat in psal. 69. psal. 78. psal. 108. & psal. 118. Isaia 41. 13. Deus inquit, *Ne timeas, ego adiui te.* Ex Nouo Testam. Rom. 8. 26. *Spiritus adiuuat infirmitatem nostram.*

Admittenda est gratia adiuuans.

By S. Scriptura loca multa.

Deus adiu-
tor noster
dicitur.

37. Prob. 2. ex eadem S. Scriptura; in qua Deus anthonomasticè appellatur *adiutor noster*. Exodi 2. 22. *Deus Patris mei adiutor meus*. Psal. 9. *Adiutor in opportunitatibus*. ps. 17. *Deus meus adiutor meus*. Idem replicat in psalmis 18. 26. 32. &c. & Paulus Hebr. 13. 9. *Dominus mihi adiutor*.

Petitur à
Deo adiu-
torium.

38. Confirmatur ex eisdem S. Scripturæ locis, in quibus exprimitur hoc adiutorium Dei pro exequendis eius mandatis. Psal. 9. *Iustum adiutorium meum à Domino*: psal. 34. *Exurge in adiutorium mihi*: psal. 73. *Intende in adiutorium meum*. Idem replicat in psalm. 89. & in psalm. 123., & alibi sæpè.

Ex 8. Aug.

39. Prob. 3. ex S. Augustino de Gratia *Adiuuante* post excitationem pluries loquente. Nam in lib. 2. ad Bonif. cap. 10. ait. *Hominis autem prepositum bonum adiuuat quidem subsequens gratia; sed nec ipsum esset, nisi præcederet gratia*, & postea inquit, *Studium quoque hominis, quod dicitur bonum, quamuis cum esse cæperit adiuuetur; non tamen incipit sine gratia, sed ab illo inspiratur*. In lib. de Grat. & lib. arb. cap. 10. ait. *Qua gratia voluntas humana non tollitur; sed de mala mutatur in bonam; & cum bona fuerit adiuuatur*: in lib. de Grat. Christi cap. 18. dicit, *facit homo arborem bonam, cum Dei accipit gratiam*: sed etiam, *ut faciat fructum bonum, eadem gratia necesse est adiuuetur; ipse quippè (Deus) in bonis arboribus cooperatur fructum, qui per se dat intrinsecus incrementum*.

Plura S.
August. lo-
q.

40. Idem Sanctus in Epistola ad Hilarium clariùs id confirmat. *Iubet igitur, ut facere iussa conati, & nostra infirmitate sub lege fatigati adiutorium gratiæ poscere nouerimus, & si quid facere potuerimus operis boni, ei, qui adiuuat, non simus ingrati. Neque enim voluntatis arbitrium ideo tollitur,*
quia

quia iuuatur, sed ideo iuuatur, quia non tollitur. Deinde exemplificat de Dauid poscente à Deo adiuuari. *Qui enim dicit adiutor meus esto, confitetur, se velle implere, quod iussit, sed ab eo qui iussit, adiutorium poscere, vt possit. Sic, & iste cum seiret, neminem esse posse continentem, nisi Deus det, adiit Dominum, & deprecatus est, vt quæ volens adiit, volens deprecatus est, nec petiisset, nisi esset voluntas; sed nisi petiisset quantum posset voluntas? Et de hac materia continentix iterum loquitur in fragmento sermonum de præcepto continentix, inquit, Contine teipsum, iussio est, præceptio est, audiendum est, faciendum est, sed nisi Deus adiuuet, remanemus. Conamur quidem facere voluntate, & nititur quidem voluntas; non præsumat potestas, nisi adiuuetur infirmitas.*

41. Tandem, quia Iulianus Pelagianus, & postea Semipelagiani asseriebant initium boni operis esse à voluntate humana, idest propositum benè operandi à nobis esse sine gratia, & eo posito, Deum per gratiam adiuuare, vt propositum illud bonum in executione ponatur, S. Doctor accriter in eos inuehitur, docens, etiam initium bonæ voluntatis, seu propositum benè operandi esse à Deo per gratiam excitantem; executionem autem illius propositi à voluntate quidem esse, Deo cooperante per gratiam adiuuantem; & quoties quis excitatur ad bonum, & proponit exequi, debet orare Deum, vt se adiuuet. Impugnatio autem præfatorum, legi potest in *lib. 1. ad Bonif. cap. 19. in lib. 2. ad eundem cap. 5. & 10. in lib. 4. cap. 11. in lib. 4. cont. Iul. cap. 5. & alibi sæpè, vt patebit, cum de necessitate gratiæ loquemur.*

42. Prob. tandem, quòd gratia adiuuans præter excitantem pro operis executione, sit ad-

Adiuuans
gratia præ-
ter excitā-
tem admit-
tenda est.

Ex Trid.

Gratia a-
diuans
distincta
est ab ex-
citante.

Clarum, &
facile ar-
gum. de in-
fidelibus
nolentibus
credere.

mittenda ex Concil. Trid. sess. 6. cap. 5. ubi de dispositione ad iustificationem sic loquitur. *Iustificationis exordium in adultis à Deo per Christum Iesum præueniente gratia sumendum esse, hoc est, ab eius vocatione, qua, nullis existentibus meritis, vocantur, ut qui per peccata à Deo auersi erant, per eius excitantem, atque adiuuantem gratiam ad conuertendum se ad suam ipsorum iustificationem liberè assentiendo, & cooperando disponantur, &c.* ubi gratiam *Adiuuantem*, ultra excitantem fatetur; & in cap. 6. inquit, *Dum excitati diuina gratia, & adiuti, fidem ex auditu concipientes, liberè mouentur in Deum, &c.*

43. Dico 2. Gratia adiuuans ad opus bonum exequendum distincta est à gratia excitante, seu præueniente; & quandoque sequitur ad eam (Deo dante) quandoque non.

44. Prob. & declaratur. Multi à Deo diuersimodè vocantur, & excitantur, siue ad fidem suscipiendam, si infideles sunt, siue ad legem obseruandam, vel aliud opus bonum consilij, aut supererogationis faciendum, si fideles sunt; & tamen aliqui consentiunt, & opus illud exequuntur; alij non (vndecumque hoc proueniat, non curo pro nunc.) Certè priores per adiuuantem gratiam id faciunt: posteriores verò, cum sola excitante remanserunt; ergo sunt distinctæ: Anteced. facilè prob. ex facto Christi Domini: eo enim prædicante, & illuminante, ac excitante auditores ad suscipiendas à se prædicatas veritates; aliqui credebant, alij, & multò plures, non obstantibus etiam clavis miraculis, non credebant. Prædicante Paulo, Petro, cæterisque Apostolis; aliqui crediderunt, alij in obstinatione perstiterunt, & sic de cæteris missionibus discurren-

rendum . Eodem modo prob. anteced. de fidelibus circa alia bona opera, vt quisque in seipso, & in alijs Socijs potest experiri; vel in priuatis, vel in publicis vocationibus ad opus bonum peragendum . Loquendo enim de publicis; plures, siue viri, siue fēminæ audiunt concionatorem, hortantem ad vitam cælibem, ad ieiunium, ad alias sensuum mortificationes; omnes excitantur; omnes illuminantur: & fortè nullus exequitur, vel aliqui, & non alij . Ecce, quòd datur excitans sine adiuuante; licet numquam detur ista, sine illa . De priuata, seu occulta vocatione, quilibet, si velit veritatem fateri, dicet, quòd interdum, & sæpè cognoscit, se internè à Deo excitari, ac illuminari ad aliquod bonum opus, siue præcepti, siue consilij, siue supererogationis faciendum; & tamen non consentit, nec exequitur . Tunc certè remanet excitatus, ac illuminatus tantum, sed non adiutus . His autem vocatis, & excitatis non consentientibus comminatur Deus, se in iudicio dicturum Prou. 1.24. *Quia vocavi, & renuistis, extendi manum meam, & non fuit, qui aspiceret, ego quoque in interitu vestro ridebo.* De his quoque sæpè locutus est Christus, præsertim Lucæ 22.47. *Seruus, qui cognouit voluntatem Domini sui, & non præparauit se, & non fecit secundum voluntatem eius vapulabit multis.* Cùm enim tanto tempore Saluator prædicasset Indæis, & operibus prædicationem comprobasset, inquit, *Si mihi non vultis credere, operibus credite.* Ioann. 5.40. cum Scripturis eos conuincere dignabatur, dicens; *scrutamini scripturas; quia vos putatis in ipsis vitam eternam habere; & illæ sunt, quæ testimonium perhibent de me, & non vultis venire ad me, vt vitam habeatis.* Certum est autem ex Capite præceden-

Argum. de
fidelibus.

Ex diuina
sententia
concludi-
tur distin-
ctio harum
gratiarū .

Ex factis, &
doctrina
Christi.

ti. & Notabili secundo, quòd Christus excitabat, & illuminabat auditores suos, non verbis extrinsecis tantum, sed vnctione intrinseca, gratia nempe excitante, illuminante, ac inspirante: & tamen conuersio multorum non sequebatur; ideò adiuuans in eis non fuit; quia hæc est cum suo effectu, ad quem ponendum iuuat: vnde autem oriatur defectus, seu carentia istius in excitato externè, & internè, vt non sequatur excitationem, in suo loco dicitur.

Ex factis S.
Stephani.

45. Confirmatur ex ijs, quæ Iudæis exprobrabat S. Stephanus Act. 8. *Dura ceruice, & incircumcisis auribus, & cordibus, vos semper Spiritui Sancto resistitis. Sicut Patres vestri, ita & vos:* Igitur Spiritus Sanctus excitabat, illuminabat, & inspirabat corda eorum, vt veritatem reciperent; at non omnes recipiebant: Igitur sola in eis mansit excitans.

Ex effectibus harum
gratiarum
probatur
distinctio
earum.

46. Prob. tandem ex diuersitate effectuum istarum gratiarum. Gratia excitans ad aliquod opus bonum, etiamsi hoc non sequatur, habet semper effectum suum in anima excitati, quia intellectus supernaturaliter remanet illuminatus de bonitate obiecti, seu operis faciendi, & voluntas inspirata, seu accensa ad illud volendum: & hic sistit in rigore excitatio. At effectus adiuuantis supponit prædictam excitationem, & est executio boni operis, ad quod facta est excitatio. V. G. Deus excitat hominem ad actum fidei, vel spei, vel Charitatis, vel ieiunij, contritionis, vel cuius actus pietatis: si excitatus non exequitur, excitationem passiuam iam habuit, sed non effectum principalem, ad quem ordinabatur: si verò exequitur, habet effectum principalem, qui demonstratiuè tantum excitanti tribuitur; effectiue
verò

verò, & immediatè, adiuuanti, ad quam immediatè sequitur: ergo hæc distincta est ab illa, eamque interdum sequitur, interdum non. Ideò S. Augustinus de peccat. mer. & remis. lib. 2. cap. 18. ait: *Quod verò ad Deum nos conuertimus, nisi ipso excitante, & adiuuante non possumus: vtraque ergo ad effectum in actu ponendum est necessaria. An autem in adiuto, & exequente, eadem, sed cum duplici effectū, sit gratia excitans, & adiuuans, non contendo, nec de hac re disputo, quia nec reuelatum video, neque ab Ecclesia declaratum, nec à Sancto Augustino, alioue Sancto Ecclesiæ Doctore traditum; sed dico solum, quòd non semper cum excitante coniuncta est adiuuans.*

47. Quòd si quis contendat esse eandem cum excitante, fateri deberet, quòd omnis excitatus ad aliquod opus bonum, exequatur; quod falsum esse, docet experientia. Si tandem quis teneat esse eandem, sed cum duplici effectū excitandi, & adiuuandi, & interdum, vel vt plurimum, separari, non contradicerem: At puto esse distinctas, ac separabiles, ex nuper dictis.

Authoris
ingenuitas

S. I V.

An detur, & quæ qualisue sit gratia cooperans, & an distincta ab adiuuante.

48. **A**Du. 1. quòd tam in Sacra Scriptura, quam in Concilijs, & in Sanctis Patribus reperimus gratiam Dei appellari *Operantem*; & aliquando *Cooperantem*, quia cum voluntate cooperatur ad faciendum actum bonum; eo quia per gratiam Deus, vel operatur in nobis sine nobis,

Cooperans
quare sic
dicta.

Exempla
S. Script. de
operante
Gratia.

Exempla
de coope-
rante.

Gratia ope-
rans non
est species
diuersa ab
excitante,
vel adiu-
uante.

bis, vel cooperatur nobiscum: nonnulla enim habemus Sacri eloquij exempla: de operante sic dicitur, Ephes. 1. 19. *Qui credimus secundum operationem potentiae virtutis eius*: in cap. 3. 7. *Euangelij factus sum minister secundum donum gratiae Dei, quae data est mihi secundum operationem virtutis eius*. Colofs. 1. 29. ubi Paulus de praedicatione Euangelij ait. *In quo laboro certando secundum operationem eius, quam operatur in me in virtute*: & 1. Corint. 12. 11. de nouem gratijs gratis datis, inquit, *Diuisiones operationum sunt; alij datur operatio virtutum*. De cooperante pariter multa habemus exempla. Marci 16. 20. de Apostolis post Ascensionem Domini dicitur. *At illi perfecte praedicauerunt vbique, Domino cooperante, &c.* Rom. 8. 28. *omnia cooperantur in bonum ijs, qui secundum propositum vocati sunt Sancti*: & Iacobus in sua Canonica Epistola cap. 2. 22. loquens de Abraham immolaturum filium Isaac, ait, *fides cooperabatur operibus illius, & ex operibus fides consummata est*.

49. Adu. 2. quod ex hac nominum diuersitate, quibus Dei gratia nominatur, oriri potest controuersia, an sint species diuersae gratiarum; an verò sint nomina tantum diuersa ob effectuum diuersitatem, vel ob modos aliquos in effectibus existentes; vel ob aliquam aliam qualitatem, quam eadem gratia *Adiuuans* adducit in voluntate exequente actum, ad quem per praeuientem, ac excitantem gratiam erat iam excitata, seu inspirata: ideo

50. Dico. Gratia dicta *operans* non est species aliqua distincta ab excitante, vel adiuuante; sed est eadem cum aliqua earum, solo nomine differens.

51. Prob. nulla est necessitas ponendi hanc spe-

speciem distinctam à prædictis; neque assignari potest effectus proprius ab illis diuersus, istique correspondens, vt proprius: ergo. Consequentia est euidens: Omnis enim res, præsertim supernaturalis ob aliquam necessitatem, aut finem ponitur; non enim Deus operatur frustra. Anteced. in quo tota vis est, probatur. Gratia actualis, vt postea dicemus, est homini necessaria ad aliquem actum bonum faciendum, siue ordinatum ad iustificationem, siue ad augmentum gratiæ habitualis, ac meritorum, vt accidit in homine iusto, seu existente in gratia. Sed ad hæc peragenda sufficiunt gratia excitans ad cognoscendum, seu illuminandum, ac inspirans ad volendum, quod fit per præuenientem, dictam excitantem; & gratia adiuuans, vt ponatur in opere illud bonum, de quo facta est illuminatio, ac inspiratio: nec aliquid aliud est necessarium, vt opus bonum in executione ponatur; vel assignetur necessitas: ergo diuersum nomen tantum est, non res diuersa.

Argum. 2.
sufficiendi

52. Confirmatur ex Apostolo ad Philipp. 3. vbi de Gratia operante loquitur, *Deus est, qui operatur in nobis velle, & perficere pro bona voluntate*. Gratia autem operans in hoc loco significat, tam præuenientem, ac excitantem, quam adiuuantem; quia habet *connexum velle, & perficere*: & ipsemet S. Augustinus in *lib. de Gratia Christi cap. 25.* eodem modo loquitur de gratia operante, dicens, *Vitium superbiæ nisi operante gratia sanetur, iustitiæ pace nemo perfruitur*. Operans ergo gratia per Augustinum, est illa, quæ habet secum coniunctum effectum sanandi vitia: Hæc autem est eadem, quæ præuenit, excitat, ac inspirat ad actus virtutum vitij oppositos, & adiu-

Ex Secra.
Scriptura.

Ex S. Aug.
est eadem,
ac adiuuans.

344 DE GRATIIS ACTVALIBVS,&c.
adiuuat ad eos exercendos, donec vitia superen-
tur, & extinguantur.

Gratia coo-
perans ea-
dem est cū
adiuante.

53. Dico 2. Gratia dicta *Cooperans*, non est aliqua species distincta ab adiuuante; sed eadem prorsus, sic dicta, quia voluntati iam pręuentę, excitatę, ac inspiratę cooperatur; & nomine tantum ab ea differt.

54. Prob. & declaratur. Non enim multiplicanda sunt entia pręsertim supernaturalia, creata, sine necessitate. Nulla autem adest necessitas asserendi hanc speciem gratię distinctam, ab excitante, & adiuuante; nec assignari potest effectus, aut finis ei competens, distinctus ab excitatione, ac adiuuatione passinis. Ergo. Min. prob. Cū homo à Deo excitatur per illuminationem ad cognoscendum actum bonum, & inspiratur ad eum volendum; & adiuuatur, vt velit, & in executione ponat; nil aliud est necessarium in homine, vt benè operetur: vel assignetur, quid sit amplius necessarium, & ad quid. Hinc est, quòd, vt vidimus in pręcedentibus Capitibus, David olim, & Ecclesia nunc, has tantum petit à Deo gratias, pręuenientem scilicet, atque adiuuantem: & Conciliū Trid. in sess. 6. cap. 5. agens de homine ad iustificationē se disponente, inquit, excitari, & adiuuari; & in can. 3. de his tantum mentionem facit. *Si quis dixerit sine pręueniente Spiritus Sancti inspiratione, atque eius adiutorio, hominem credere, sperare, diligere, aut panitere, sicut oportet, vt ei iustificationis gratia conferatur, anath. sit.* Si ergo in negotio disponendi se ad iustificationem, quod est omnium maximum, alia gratia non requiritur, in nullo alio opere bono videtur alia necessaria.

Concil.
Trid. de-
cretum id
ostendit.

55. Confirmatur. S. Augustinus eximius Gra-
tia

tix Doctor, non videtur aliam gratiarum speciem adstruere, præter istas, nam vt ex eo docet *Trid. sess. 6. cap. 11.* inquit, *Deus non præcipit impossibilia, sed præcipiendo monet, & facere, quod possis, & petere, quod non possis, & adiuvat, vt possis:* & cum idem Sanctus de gratia homini ad benè, vt oportet, operandum, necessaria loquitur, ferè semper appellat adiuantem. En aliqua exempla, in lib. 2. de peccat. mer. & remis. cap. 5. ait: *etiam, vt conuertamur Deus adiuvat:* & in cap. 18. *Quod verò ad Deum nos conuertimus, nisi ipso excitante, & adiuvante non possumus; & hæc est voluntas bona:* in epist. 105. quæ est ad Sixtum ait; *Spiritus aliter adiuvat nondum inhabitans; aliter inhabitans: nondum inhabitans, adiuvat, vt sint fideles: inhabitans adiuvat iam fideles:* in epist. 106. quæ est ad Paulinum, *in his qui salui fiunt, adiutor Deus operatur, & velle, & operari:* in epist. 143. quæ est ad Iulianum dicit. *Liberum arbitrium nisi Dei gratia inuetur, nec ipsa bona voluntas esse in homine potest.*

56. Confirmatur ex formulis orandi Ecclesiæ, quibus orat Deum, vt nos adiuuet, quod idem est, ac petere, vt per suam gratiam coope- retur cum nostra voluntate, quæ infirma, & imbecilla est, egetque adiutorio diuino, sine quo nec potest operari actum bonum, sicut oportet, nec operabitur: ergo. Anteced. prob. In recitandis horis canonicis semper præmittitur, *Deus in adiutorium meum intende, Domine ad adiuuandum me festina:* sæpè dicitur, *adiutorium nostrum in nomine Domini,* In Quadragesima, in omnibus ferijs, 2. 4. & 6. cuiuslibet hebdomadæ, cum omni humilitate, ac genuflexione Ecclesia canit; *Adiua nos Deus salutaris noster,* qui modus orandi ex

S. August.
de adiuuā.
te sæpè lo-
quitur.

Ex formu-
lis orandi
Ecclesiæ
probatur.

Pſalm. 78. ſumptus eſt: et ſi ad vetus Teſtamentum reſpiciamus, vt aliàs diximus, plurima huius formulæ inueniemus exempla. 2. Paralip. 14. 11. *Adiuna nos Deus*: ibidem in cap. 25. 8. *Dei eſt adiunare*. Pſal. 27. *Sperauit cor meum in Domino, & adiutus ſum*. Pſal. 41. *Exurge Domine, adiuna nos*. Pſal. 91. *Miſericordia tua Domine adiunabat me*. Pſal. 118. *Adiuna me, & ſaluus ero*. Et infra, *iudicia tua adiunabunt me*; & alia plurima ſuppetunt eiufmodi loca: petere autem à Deo, vt nos adiuuet, idem eſt, ac petere, vt Deus nobiſcum ad benè operandum cooperetur; ergo adiunans gratia eadem eſt, ac cooperans.

§. V.

An detur; quæ, qualiſue ſit gratia Subſequens, & an diſtincta ab adiunante.

57. **A**Du. quòd in Pſal. 22. 6. legitur: *Miſericordia tua ſubſequetur me omnibus diebus vitæ meæ*. Hinc Theologi anſam arripuerunt admittendi quamdam gratiæ ſpeciem ab alijs diſtinctam, quam appellarunt ſubſequentem, ſeu conſequentem; ſed non video qualem effectum ei tribuant ab effectû adiunantis diſtinctum. Hoc ergo in loco breuiter videndum eſt; an detur hæc conſequens, ſeu ſubſequens gratia, an diſtincta ab adiunante: & quis ſit effectûs illius: at non damno admittentes.

58. Dico ergo. Admittenda eſt gratia dicta *ſubſequens*, ſeu *conſequens*; non tamen diſtincta ab adiunante, niſi in modo, & duratione, vſque ad finem vitæ ad operis.

59. Prob. prima pars, ex præfato Pſalmo.
Hanc

Senſus queſiti.

Admittenda gratia ſubſequens, ſed non diſtincta ab adiunante.

Hanc gratiam agnouit Augustinus, & de ea sepe locutus est: in Enchir. ad Lauren. cap. 22. *Oramus pro inimicis nostris, ut misericordia Dei praeueniat eos, sicut praeuenit nos. Oramus autem pro nobis, ut misericordia eius subsequatur nos.* Ibidem idem, ait. *Nolentem praeuenit, ut velit. Volentem subsequitur, ne frustra velit:* & ad Bonif. lib. 4. cap. 6. inquit, *ut incipiamus dictum est, misericordia eius praeueniet me; ut perficiamus, dictum est, misericordia eius subsequetur me. Hoc bonum propositum adiuuat quidem subsequens gratia; sed nec ipsum esset, nisi praecederet gratia.*

Ex S. Scriptura.

Ex August.

60. S. Fulgentius eodem prorsus modo loquitur, sicut S. Augustinus: ac quia eius doctrina probat etiam secundam partem, pro hac eum adducam. Ideò

61. Prob. Secunda pars, quòd quoad me non sit distincta ab adiuvante nisi in modo, & duratione, realiter autem, & essentialiter sit gratia adiuvans ad exequendum bonum opus, de quo facta est excitatio, ac illuminatio, & inspiratio. Nam Interl. Cassiodori in cit. Psal. locum; & *misericordia eius subsequetur me omnibus diebus vitae meae, & ut inhabitem in domo Domini in longitudine dierum,* inquit, *subsequetur me quandiu sic vivo.* Non autem hoc tantum, sed etiam, *ut inhabitem,* &c. Lyr. Glosa ait, *misericordia eius subsequetur me per augmentum gratiae:* eadem ergo gratia semper adiuvans usque ad finem perseverans, vel etiam aucta est.

Non distincta ab adiuvante.

62. Theodoretus in hunc Psal. inquit. *Misericordia tua subsequetur me,* &c. Horum autem bonorum tua inesplicabilis benignitas est conciliatrix, nostras preces minime expectans; sed nos veluti fugientes persequens, & praeueniens, & salutem im-

Theodore.

pertiens, & consuetudinem diuinis sedibus præbens, tum in præsentî vita, tum etiam in futura: eadem ergo gratia adiuuans semper est.

S. Fulgent.

63. Prob. ex S. Fulgentio Augustini doctrinam optimè callente. Is ergo in lib. 1. ad Monimum sic habet. *Ipsè Dens donat gratis in digno gratiam, qua iustificatur impius, illuminatur munere bonæ voluntatis, & facultate bonæ operationis, ut præueniente misericordia bonum velle incipiat, & subsequente misericordia, bonum, quod vult facere valeat: & infra. Ipsa præueniendo gratia misericorditer incipit, ipsa subsequendo custodit. Ipsa gratia in Scripturis misericordia nominatur, de qua dicit Dauid, Deus meus misericordia eius præueniet me; & in alio loco, misericordia eius subsequetur me per omnes dies vitæ meæ. Præuenit igitur impium, ut fiat iustus; subsequitur iustum, ne fiat impius. Præuenit cæcum, ut lumen, quod non inuenit, donet; subsequitur videntem, ut lumen, quod contulit, seruet. Præuenit elisum, ut surgat, subsequitur elcuiatum, ne cadat. Præuenit donans homini bonam voluntatem; subsequitur benivolentem operando in illo boni operis facultatem. Hoc igitur ista misericordia Dei in homine subsequitur; quod præueniens ipsa largitur: & postea multis interpositis, iterum dicit. Prædestinauit ad gratiam quos ad se præsciuit misericordiæ præuenientis auxilio redituros; & in se misericordiæ subsequenti auxilio esse mansuros.*

Eadem est
adiuans,
& subse-
quens.

64. Idem S. Fulgentius in lib. de Incarn. & Grat. ait. *Cum ergo Paulus esset blasphemus, & persecutor, & contumeliosus, non idè est adiutus Dei gratia, quia credere voluit, sed ut credere vellet donum gratiæ præuenientis accepit: & post multa, iterum inquit. Quia reuera, & ut velimus miseri-*
cordiæ

cordiæ præuenientis illuminamur dono; & vt curramus, misericordiæ subsequenteris fulcitur auxilio.

65. Idem Sanctus in lib. de Veritate Prædestinationis, & Gratiae, ait. *Sicut ergo bonæ voluntatis initium nemo potest habere, nisi fuerit misericordia Dei præueniente illuminatus, quia præparatur voluntas à Domino: & rursus scriptum est, Deus meus misericordia eius præueniet me: ita tandem bonam voluntatem nemo vsque in finem poterit obtinere, nisi fuerit iugiter eadem misericordia subsequente seruatus; dicit enim Deo beatus Dauid, misericordia tua subsequetur me omnibus diebus vitæ meæ. Misericordia igitur, quæ gratis malum hominem præuenit, vt mutet in melius, & ipsa, quem bonum facit subsequendo regit, ne mutetur in peius. Omne igitur bonum voluntatis, & operis, tunc inesse potest homini, si præuenientis gratiæ largitate detur, eiusdemque gratiæ subsequenteris opitulatione seruetur: quæ malum præuenit, vt bonam Deo largiente voluntatem habere incipiat, quam ante, quia per se habere non poterat, non habebat. Subsequitur autem bonum, vt perseueret, ac perficiat in bona voluntate, quam ex se habere non potuit. Præuenit ergo dirigendo cor hominis primum: subsequitur autem custodiendo cor rectum.*

66. Idem Sanctus in toto illo libro multa interpolata profert dicta, quæ mirificè totam materiam de præueniente, ac subsequente (quam semper adiuvantem nominat) gratia explicat: idè ea adducam. Non autem præueniendo illuminaretur liberum arbitrium, si non esset, nec subsequendo adiuvaretur, si illuminatum, ad aliquid sibi bonæ cogitationis, aut operis esse posset idoneum: & post alia. Tunc salubriter discimus quid facere debeamus, quando nos misericordia præueniens illuminat, & sanamur,

Pluries id docet S. Fulg.

Accuratè id consideravit S. Fulg.

namur, ut quod illa præueniente discimus, eadem subsequente, faciamus. Præuenit enim nos, dum propitius fit Dominus omnibus iniquitatibus nostris; subsequitur nos, cum sanat omnes languores nostros. Præuenit misericordia liberum hominis arbitrium; dum in nondum benè volente sola operatur exordium bonæ voluntatis: subsequitur dum benè volenti subministrat auxilium, ut benè operando perueniat ad bonæ voluntatis effectum: misericordia igitur præueniens cooperaturam sibi hominis voluntatem sola preparat; subsequens autem cooperantem sibi voluntatem iuuat: & post alia: nihil bonæ cogitationis oboriri, nisi quod beneficio gratiæ præuenientis infunditur; nihil in melius augeri, nisi quod subsequenter iuuamine roboratur: eadem ergo per S. Fulgentium est gratia adiuuans, & subsequens, idest, sequens præuenientem.

Conclusio
generalis
ex S. Fulg.

S. Gregor.
Magnus.

S. Gregorius Magnus in lib. 22. moral. cap. 5 aliàs 10. de vtraque hac gratia iuxta Augustini, ac Fulgentij mentem sic loquitur. Sancti viri sciunt post primi parentis lapsum de corruptili stirpe se editos; & non virtute propria, sed præueniente superna gratia Dei ad meliora se vota, vel opera commutatos, &c. eique de accepto munere debitores fiunt; qui, & præueniendo dedit eis bonum velle quod noluerunt, & subsequendo dedit eis bonum posse, quod volunt.

Officia gra-
tia.

67. Ex toto ergo hoc discursu concluditur, non solum, quod gratia subsequens sit eadem, ac adiuuans, qua bonum opus iam inspiratum ponitur in esse: sed concluduntur officia vtriusque gratiæ, scilicet præuenientis, ac subsequenter, seu adiuuantis. Nam per primam Deus benignè, & absque hominis merito, hunc ad humana, vel etiam ad mala distractum illuminat ad cognitionem

nem boni, & inspirat ad volitionem eius tamquam primum quemdam motum, seu effectum volendi; deinde adiuuat ad exequendum. Vnde verò proueniat, quòd non semper adiuuat post præuentionem, seu excitationem, illuminationem, & inspirationem, dicitur postea.

CAPVT III.

An detur, qualisue sit Gratia efficax.

68. **A**Du. I. quòd vocabulum hoc, *efficax*, apud omnes, tam sacros, quam prophanos authores significat rem aliquam, siue personam, siue formam, aut virtutem, potestatem, aut qualitatem producentem suum effectum in esse reali; & per hoc distinguitur efficacia affectiua ab effectiua, quia per primam quis vult quantum est in se, & toto conatu facere; at non potest in effectum ponere, quia impeditur ab aliquo interno, vel externo obstaculo: vt quilibet in se experitur; quia vellet dignitatem aliquam, fauorem, diuitias, sanitatem, &c. & adipisci non potest: Effectiua autem est, quæ & potest ponere, & de facto ponit effectum in esse: exempla habemus prophana. Plin. lib. 24. cap. 16. *aduersus serpentes ex aceto pota efficax*. Cælius ad Ciceronem, *Nosti Marcellum, quàm tardus, & parum efficax sit*. Ecclesiastici 9. 4. datur consilium hoc. *Cum saltatrice ne assiduus sis, nec audias illam, ne forè peareas in efficacia illius*: Hebr. 3. 12. *Sermo Dei viuus, & efficax*. Illam ergo gratiam, quæ secum habet

Efficax
quid signi-
cat apud
omnes.

Efficacia
affectiua, &
effectiua.

anne-

Quæ gratia
à Theolo-
gib dicitur
efficax.

annexum effectum principale, qui præcipitur, vel consulitur, Theologi appellant *Gratiam efficacem*; illam verò, quæ effectum coniunctum non habet, vocant *inefficacem*, & alio nomine (nescio quare, ut patebit postea) dicunt sufficientem.

Sensus quæ
fici.

69. Adu. 2. quòd hic quærimus ethimologiam, & proprietatem gratiæ istius, quæ dicitur efficax, an sit eadem cum præueniente, & adiuuante, seu subsequente, vel ab istis differat, & per quid. Vndè verò habeat, quòd sit, vel non sit efficax, an ex natura sua, seu decreto Dei, an verò ex se sit indifferens, & à voluntate humana volente ea uti, euadat efficax, idest, obtineat effectum, ad quem datur, videbimus postea. Hæc enim est celeberrima controuersia in tota hac materia: At, quæ hic nunc discutimus facilia sunt.

Admteci de
bet gratia
efficax.

70. Dico I. Admitti debet gratia dicta *Efficax*; estque illa; quæ opus bonum, siue præcepti, siue consilij à Deo inspiratum, connexum habet.

Experien-
tia docet,
quòd datur
gratia fa-
ciens effe-
ctum, & al-
ia, quæ nō
facit.

71. Prob. facilè: Experientia docet, quòd in vna concione multi sunt vocati, seu inspirati; & tamen non omnes, sed aliqui tantum conuertuntur, siue ad credendum, siue ad aliud opus bonum faciendum; & interdum nullus: experientia patet de prædicatione Christi. Is enim integro triennio, & alijs tribus mensibus continuè prædicauit verbis, & factis viam salutis, eamque miraculis patentibus comprobauit: At non omnes crediderunt, neque conuersi sunt, ut ex Euangelistis patet; sed valdè pauci, respectiue ad magnam hominum, qui eum audierunt, & inspirati fuerunt, multitudinem: Omnium primum vocauit Philippum, *Sequere me*, & secutus est eum:

voca-

vocauit Petrum , & Andream , *Venite post me faciam vos fieri piscatores hominum, & illi continuo relictis retibus secuti sunt eum* . Paulò post vocauit Iacobum , & Ioannem , *resicientes retia cum Patre Zebedeo, ac mercenarijs : & illi statim relictò Patre, mercenarijs , ac retibus secuti sunt eum* : ita de Mattheo, & alijs Apostolis , ac Discipulis . At non sic accidit de alijs : nam Ioan. 2. 23. prædicante Christo ingenti turbæ , dicitur , *multi crediderunt in eum* ; non dicitur omnes : idem dicit Euangelista in cap. 6. & 8. & alibi , *multi crediderunt in eum* . Immò Ioann. 5. 40. inquit Saluator . *Non vultis venire ad me , vt vitam habeatis* . In aliquibus ergo fuit efficax gratia, idest suum habuit effectum; at non in omnibus .

Ex Christi
facto.

72. Confirmatur ex Act. Apost. cap. 27. 34. Prædicante Paulo Athenis in conferta multitudine Areopagi ; *quidam adhærentes ei, crediderunt, in quibus Dyonisius Areopagita , & mulier nomine, Damaris , & alij cum eis* : in his ergo solis , non in omnibus gratia habuit suum effectum principalem , nempe credendi . Item Act. 16. 14. Philippis , prædicante Paulo , *vna tantum mulier Lydia, purpuraria conuersa est ad fidem , & baptizata est cum domo sua* , dicit autem Textus , *cuius Dominus aperuit cor intendere his, quæ dicebantur à Paulo* . In cap. verò 13. 46. prædicantibus Paulo, & Barnaba Antiochiæ Pisidiæ coram innumera multitudine Iudæorum , & Gentilium , cum proluxa illa oratione , qua distinctè narrarunt omnia beneficia à Deo collata Iudæis , ex quo eos eduxit vsque tunc , sic eis exprobarunt ; *Vobis oportebat primum loqui verbum Dei ; At quoniam repellitis illud, & indignos vos indicatis æternæ vitæ, ecce conuertimur ad gentes , &c.* & paulò post . *Audientes*

Ex factis
Pauli .

autem gentes gauise sunt, & glorificabant Verbum Domini; & crediderunt quotquot erant præordinati ad vitam æternam. Ecce quomodo Gratia illa vocationis diuinæ effectum conuersionis habuit in quibusdam gentilibus, qui tunc conuersi sunt; non verò in alijs, nec in turba Iudæorum.

73. Probari tandem potest ex communi sensu omnium Theologorum Scholasticorum, incipiendo à S. Augustino, qui licet hoc vocabulo gratiæ efficacis non utatur (& sit Phrasis modernorum incipiendo fortè à Sētentiærum Magistro, vel alio anteriore) tamen S. Augustinus significatum eius, nempe quòd ponat effectum in esse, in omnibus suis tractatibus frequenter explicat, dum docet aliquem ita vocari, vt respondeat, & exequatur; alium verò non ita vocari, vt respondeat, ac exequatur. In lib. enim de bono Perseu. cap. 9. ait: *Ex duabus ætate grandibus impijs, cur iste vocetur, vt vocantem sequatur; ille autem, aut non vocetur, aut non ita vocetur, inscrutabilia sunt iudicia Dei: ex duobus autem pijs, cur vni detur perseuerantia vsque in finem, illi autem non donetur, inscrutabilia sunt iudicia Dei.*

74. In lib. 1. Retract. cap. 18. inquit. *Sed parum de ipsa vocatione disserui, quæ sit secundum propositum Dei. Non enim omnium, qui vocantur talis est; sed electorum tantum.*

75. In lib. de Corr. & Grat. cap. 7. de prædestinatis dicit. *Non est dubium, quòd, & procuratur eis audiendum Euangelium; & cum audiunt, credunt, & in fide, quæ per dilectionem operatur vsque in finem perseuerant; & si aliquando exorbitant, correpti emendantur; & quidam eorum, & si ab hominibus non corripiantur, in viam redeunt: & post aliqua ad idem, subdit. Aut si qui deficiunt, reparan-*

rantur, antequam vita ista finiatur, &c. & alia plura in suo loco adducenda: ergo per S. Augustinum datur gratia efficax; immò, vt verum fatear, si eum capio, in omnibus suis scriptis ferè semper de hac loquitur.

76. Dico 2. Gratia efficax non est diuersa ab adiuuante.

77. Prob. Ex communi sensu Doctorum dicitur *efficax* gratia, quæ habet secum coniunctum effectum à Deo inspiratum; sed hoc præstat gratia adiuuans, vt fiat, ex nuper dictis; ideò enim est, & dicitur *Adiuuans*, quia iuuat voluntatem ad faciendum opera, quæ ipsa sine illa, nec faceret, nec facere potest: igitur eadem dicitur adiuuans, & *efficiens*, seu *efficax*.

78. Prob. 2. in Sacra Scriptura bis tantum, vt patuit, *efficaciæ* vocabulum inuenimus, sed sepiusque vocabulum adiutorij, ac auxiliij, & hoc petebant Sancti à Deo, & præsertim Dauid, vt hucusque patuit: at petebat virtutem, seu formam illam, qua bona opera facere posset, ac faceret. Hæc autem est gratia efficax: ergo diuersa sunt nomina *efficax*, & *adiuans*, vt fiat; vna autem res.

79. Confirmatur. Concilium Araus. 2. de anno 529. celebratum pro materia de Gratia, & lib. arb. sub Felice 4. in omnibus illis 25. Canonibus gratiam ad opera exercenda, vt oportet, necessariam, numquam vocat nomine *efficacis*, sed in 6. 9. & 10. can. vocat *Adiutorium*: igitur hæc appellatio tunc erat in vsu, idemque significat, ac *efficax*, sic communiter nunc dicta. Nam istud Concilium definit in dictis locis, quòd ad resurgendum à peccato, & ad benè operandum necessarium est diuinum *Adiutorium*: eodem modo lo-

Efficax gratia non est diuersa ab adiuuante.

Ex Concil. Araus.

356 DE GRATIIS ACTUALIBVS, &c.
quitur *Celestinus 1. epist. 1. cap. 4. & Innoc. 1. epist.*
24. & 25. igitur eadem est adiuuans, vt fiat, ac
efficax.

Ex Concil.
Trident.

80. Confirmatur 2. Concil. Trid. *in sess. 6.*
cap. 5. ac 6. & can. 3. quibus in locis de dispositio-
ne ad iustificationem dogmaticè loquitur, de gra-
tia preueniente, seu excitante, atque adiuuante,
per quam dispositio perficitur, verba facit; num-
quam nominans *efficacem*: igitur signum est pro
eadem sumi adiuuantem, atque *efficacem*.

S. August.
raro videtur
vocabulo
efficacis,
sed diuer-
sis vocibus
equipollen-
tibus, quæ
eam signi-
ficant: sed
sepius adiuuantem,
quæ facit
facere.

81. Sanctus Augustinus Doctor, ac Magister
gratiæ in Ecclesia Dei, vtitur quidem æquipollen-
tibus vocabulis, quibus significat gratiam, effe-
ctum in re ponentem, vocans eam victricem, li-
beratricem, cooperantem libero arbitrio, dan-
tem vires efficacissimas, & se habentem ad libe-
rum arbitrium tamquam sessor ad iumentum, fa-
cientem velle, ac perficere (vt de natura effica-
ciæ vnde proueniat in suo loco dicemus) at non
appellat, vt videre potui, hoc puro nomine *effica-
cem*, sed modò *Adiuuantem*, modò *Adiutorium*,
modò *Auxilium*, faciens operari, modò *sine quo*,
modò *quo*, modò gratiam *medicinalem*, modò gra-
tiam *sanantem*, & alijs similibus epithetis iuxta
pluralitatem effectuum, quos causat in anima;
semper tamen vocabula illa significant efficien-
tiam aliquam in suo ordine; immò interdum vo-
cat eam *effectricem bonæ voluntatis*, præsertim in
lib. 1. ad Simplicianum quæst. 2. post medium.
Quapropter omnes Theologi vnanimiter agnos-
cunt gratiam efficacem, & eam talem dicunt, quæ
habet annexum principalem effectum, v.g. si in-
spiratur actus fidei, penitentię, &c. si hic effectus
sequitur, seu ponitur in esse, gratia illa dicitur,
estque efficax: si non sequitur, dicitur, estque
ineffi-

inefficax, & vulgariter dici solet *Sufficiens*: At unde habeat, quòd sit efficax, id est habeat annexum effectum, num ex sua intrinseca natura; num ex voluntate illius, cui datur, quasi de se sit indifferens, & homo, cui datur ex suo consensu illam, reddat efficacem; vel potius ipsa gratia faciat consentire; altioris indaginis est, & in proprio loco discutietur. Sufficiat nunc scire vocabula, & aliquas proprietates diuinæ gratiæ ad opera bona exercenda necessaria.

CAPVT IV.

An detur; & quæ, qualisue sit Gratia non efficax, communiter dicta sufficiens.

82. **A**Du.1. quòd antequam de proprietatibus alicuius rei disseratur, prius firmandum est, quid sub nomine talis rei intelligitur. Cum ergo inter Theologos maxima fuerit, & penes quosdam adhuc adsit, controuersia, an detur gratia quædam dicta *sufficiens*, & quinam sit effectus, ac finis eius; firmandum est prius, quid nomine gratiæ *Sufficientis* intelligatur, quâuis plures Theologi de illa multa scripserint.

83. Adu.2. quòd verbum *Sufficio*, tam apud Grammaticos, quam apud Scriptores prophanos, immò & sacros, significat verbum positum ad ostendendum aliquid idoneum, & aptum ad ponendum effectum aliquem in esse reali; & significat idem, ac *satis est ad faciendum*. Ideoque sæpè cum alijs viris doctis miratus sum, cur Theologi moderni gratiam illam diuinam, qua homo vocatur, excitatur, illuminatur, & inspiratur ad bonum faciendum, & effectum non obtinet

Vnde habet, quòd sit efficax postea dicetur.

Sensus quæ sit.

Sufficio, quid significat.

esse *sine quo* opus fieri non potest, & alio vocabulo dictum *sufficiens*, & à consensu voluntatis fieri *quo*, seu *efficax*. Alij autem Augustini Discipuli docent, dari quidem auxilium *sine quo* multoties separatim ab auxilio *quo*, quod dicitur *sufficiens*, vt in cap. 4. dictum est: & insuper dari auxilium *quo*, dictum *efficax*; verum non fieri tale per hominis voluntatem; sed ex natura sua sit tale à Deo factum, vt ipsum alliciat, delectet, atque suauiter trahat voluntatem, & faciat facere: & istud est *quo*. His positis

128. Dico primò. Admitti debet *gratia sine qua*, seu *auxilium sine quo*, opus bonum fieri non potest.

129. Prob. 1. Huc collimat tota disputatio Augustini cum Pelagio de necessitate gratiæ, sine qua nullum opus bonum fieri potest: & hoc dogma definiuit Ecclesia, vt in cap. 4. dictum est, & ampliùs in suo loco patebit: ideò post Pelagianos, nemo negauit necessitatem gratiæ ad opus bonum; nec vllus affirmauit sine gratia fieri posse opus bonum; sed inter aliquos cepit esse controuersia de virtute, ac potestate gratiæ, seu auxiliij *sine quo non*, an ipsum trahat voluntatem ad faciendum, & faciat facere: an è contra voluntas trahat ipsum, vt secum operetur, & sic euadat *efficax*, quasi à voluntate dependeat efficacia.

130. Prob. 2. ex Saluatoris oraculo Ioannis 15. 5. *Sine me nihil potestis facere*. S. August. tract. 81. in Ioan. ait. *Ne quisquam putaret saltem paruum aliquem fructum posse à semetipso palmitem ferre: cum dixisset. Hic fert fructum multum; non ait, Quia sine me parum potestis facere, sed nihil potestis facere: siue ergo parum, siue multum, sine illo fieri non potest, sine quo nihil fieri potest: & post*

Dux opinionones, vt de habeat auxilium, vt sit *quo*, seu *efficax*.

Admittenda est *gratia sine qua non*.

Ex S. Scriptura.

Ex August.

aliqua ait: *Verum quia ita sine ista gratia non potest viui, vt & mors in potestate sit liberi arbitrij*. Igitur admittenda est gratia, sine qua homo nequit bonum operari, vel ad iustificationem se disponere, vel in bono perseverare, vel à malo recedere: & in hoc sensu omnis gratia ad benè operandum necessaria, siue sit tantum præueniens, siue etiam adiuvans, seu subsequens, & efficax, dici potest *sine qua* homo non potest operari benè, & sanctè; & de hac non est quaestio.

Omnis gratia dici potest sine qua non.

Alia gratia sine qua non debet admitti debet.

131. Dico 2. Si sermo sit de gratia illa *sine qua non*, cui non semper est coniunctus effectus, debet etiam admitti tamquam necessaria saltem in actu primo ad benè operandum.

132. Prob. & declaratur. Diximus in cap. 4. quòd admittenda sit gratia quædam non efficax, dicta vulgò *Sufficiens*, quia non habet coniunctum effectum principalem, v.g. gratia præueniens, seu excitans, illuminans, & inspirans, quam homo non sequitur, vt de innumeris, quibus prædicauerunt Prophetæ, Apostoli, & ipse Christus manifestum est ex Sac. Tex. Gratia illa, gratia est, quia vocatio diuina intus gratis loquitur, illuminat, ac inspirat, & sine ista nemo benè operatur; loquendo enim de vocatione ad fidem, dicit Apostolus Rom. 10. 14. *Quomodo credent ei, quem non audierunt, quomodo audient sine prædicante?* &c. Igitur, sine prædicatione externa, cum excitatione interna, quæ ex diuina misericordia ei coniuncta est (vt in eo capite diximus) non potest homo credere: & sic de alijs bonis operibus dicendum; quia sine præueniente, seu excitante gratia, qua paratur voluntas à Domino, non potest vllum opus bonum fieri.

133. At non sèper istis præuentionibus, ac excitationi-

tionibus sunt coniuncti effectus principales, ad quos eliciendos fiunt excitationes, vt de prædicationibus Prophetarum, Apostolorum, & ipsius Christi patuit: ergo ista gratia, sine qua non potest fieri effectus, licet non semper fiat, & in vim ipsius; admittenda est, vt in citato cap. 4. dictum est abundè.

134. Dico 3. Gratia *sine qua* similis collatæ Adamo, eiusque voluntati commissæ, per quam si voluisset perseverasset in iustitia, & alia bona opera fecisset in sententia S. Augustini pro statu nature lapsæ, non datur sicut illa, sed alterius qualitatris, quæ satis non est, vt homo per eam bona opera faciat, aut perseveret in bonis.

135. Declaratur primò, & postea probabitur. Dicit S. Augustinus, quòd Adam solus habuit talè gratiã, vt si voluisset nõ peccasset, sed in bono perseverasset, & hæc erat *sine qua* Adami: quia sine illa non poterat in bono perseverare, & in arbitrio eius erat ea vti, quia Deus, quasi dependenter ab eius arbitrio eam dare paratus erat, sed post lapsum, nec ille, nec alij aliam similem habuerunt, nec habent, sed aliam sine qua homo non potest operari, idest sufficientem: hoc posito ex mente Augustini

136. Prob. ex eodem, qui in lib. de Correp. & Gratia, cap. 11. & 12. totam hanc materiam declarare videtur, docens soli Adamo hoc genus gratiæ datum; nunc autem non dari vlli homini. In cap. 11. sic habet. *Tale quippè erat adiutorium, quod desereret, cum vellet, & in quo permaneret si vellet; quo non fieret, vt vellet. Hac est prima gratia, quæ data est primo Adam. Sed hæc est potentior in secundo Adam. Prima est enim, qua fit, vt homo habeat iustitiam, si velit. Secunda ergo plus potest,*

Qualis gratia sine qua non admittitur à S. Aug.

Ex August. locis.

Clara Aug. mens.

qua etiam fit, ut velit, & tantum velit, tantoque ardore diligat, ut carnis voluntatem contraria concupiscentem, voluntas spiritus vincat. Tunc ergo dederat Deus homini bonam voluntatem; dederat adiutorium, sine quo non posset in ea permanere, si vellet; ut autem vellet, in eius libero reliquit arbitrio: & post aliqua. Ut in bono permaneret, egebat adiutorio gratiae, sine quo id omnino non posset, & accepit posse si vellet, sed non habuit velle, quod posset. Posset perseverare si vellet, quod ut vellet de libero descendit arbitrio, quod tunc ita liberum erat, ut bene velle posset, & male. At homini post lapsum tantum amplius datur per Christum, quibus Deus dare placuit; ut non solum adsit sine quo permanere non possumus etiam si velimus, verum etiam tale, & tantum, ut velimus: & in cap. 12. dicit. Ut ergo non acciperet hoc donum Dei, id est in bono perseverantiam primus homo; sed perseverare, vel non perseverare in eius relinqueretur arbitrio, tales vires habebat eius voluntas, quae sine ulla fuerat instituta peccato, & nihil ex seipsa concupiscentialiter resistebat, ut digne tantae bonitati, & bene vivendi facilitati perseverandi committeretur arbitrium. Nunc vero posteaquam est illa magna, peccati merito, ammissa libertas, etiam maioribus donis adiuuanda remansit infirmitas. Ac per hoc nec de ipsa perseverantia boni voluit Deus Sanctos suos in viribus suis, sed in ipso gloriari, qui ipsis non solum dat adiutorium, quale primo homini dedit sine quo non possint perseverare si velint; sed in eis etiam operatur & velle; ut quoniam non perseverabunt nisi & possint, & velint; perseverandi eis possibilitas, & voluntas divinae gratiae largitate donatur: & modum assignat. Tantum quippe Spiritu Sancto accenditur voluntas eorum, ut ideo possint, quia sic volunt, ideo sic volunt, quia Deus operatur, ut velint.

Con-

Cur Adam cum solo auxilio sine quo poterat, si vellet in bono perseveraret.

Quale adiutorium nunc est homini necessarium.

137. Confirmatur ex eodem ibidem, vbi rationem assignat, cur Deus non eodem modo, quo in Adamo innocente, cum gratia *sine qua non*, concurrat cum homine ad bene operandum, & in bono perseverandum, relinquens, seu commit- tens libero eius arbitrio, vt ea vtatur, si velit, in- quiens. Nam si in tanta infirmitate *vita huius*, in qua tamen infirmitate propter elationem reprimendam perfici virtutem oportebat ipsis relinqueretur volun- tas sua, vt in adiutorio Dei sine quo perseverare non possent, manerent, si vellent, nec Deus in eis opera- retur, vt vellent, inter tot, ac tantas tentationes in- firmitate sua voluntas ipsa succumberet, & idè per- severare non possent; quia deficientes infirmitate, nec vellent, aut non ita vellent infirmitate voluntatis, vt possent: & misericordiam Dei in naturam lapsam, ac infirmam commendans, ait. Subuentum est igitur infirmitati voluntatis humane, vt à diuina gratia indeclinabiliter, & insuperabiliter ageretur; & idè quamuis infirma, non tamen deficeret, neque aduersitate aliqua vinceretur. Ita factum est, vt vo- luntas hominis inualida, & imbecilla in bono adhuc paruo perseveraret per virtutem Dei, cum & volun- tas primi hominis fortis, & sana in bono amplior non perseverauerit: addens. Fortissimo quippè (A- damo) dimisit, atque permisit facere, quod vellet: in- firmis seruauit, vt ipso donante inuictissimè, quod bo- num est vellent; & hoc deferere inuictissimè nollent: igitur sola gratia *sine qua non*, idest illa Adami dimissa, seu ammissa voluntati humane, vt ea vtatur, si velit, sicut Adam, ex Augustino pro natu- ra lapsa non est admittenda, vt opus fiat, sed a- lia, sine qua non opus fieri non possit, nempe suf- ficiens.

Modus ope-
randi per
gratiam.

Cur Deus
non dat ho-
mini eam-
dem gra-
tiam, quam
dedit Ada-
mo.

CAPVT VII.

An detur, & quæ sit gratia quæ, seu auxilium quo opus bonum fit de facto.

138. **A**Du. hoc esse aliud ex præcipuis huius materię quæsitis à S. Augustino, sicut præcedens excitatum. Ad tollendam autem equiuocationem (eo quòd omnis gratia, seu omne auxilium cum quo opus bonum fit, dici potest auxilium *quo*) sciendum, quòd, vt in præcedenti capite dictum est, in sententia S. Augustini, gratia *quæ*, seu auxilium *quo* dicitur, estque illa gratia, quæ ita allicit, ac delectat, atque trahit voluntatem ad opus bonum faciendum, vt non solum det ei posse facere, sed faciat infallibiliter facere; & respectu voluntatis ex S. Augustino se habet vt fessor ad equum. Hæc est gratia *quæ*, seu auxilium *quo*; quæ est etiam *sine qua* opus bonum non fit; quia ipsa facit, vt voluntas omnino ipsum opus bonum faciat, ad differentiam alterius gratiæ *sine qua*, idest sufficientis, per quam homo potest, sed non facit: & hac gratia ait Augustinus indiget homo, vt opus bonum faciat, & ad iustificationem disponatur; & vt in iustitia accepta perseueret, tentationes graues superet, atque à malo abstineat. De hac ergo loquimur.

139. **D**ico ergo. Iuxta sententiam S. Augustini (Gratiæ Doctoris) admittenda est gratia *quæ*, siue auxilium *quo*, talis naturæ, & qualitatis, vt non solum *sine illa* voluntas nec faciat, nec facere possit in actu opus bonum; sed ipsamet gratia operatur, ac facit, vt voluntas illud faciat, & nisi ista adsit, non faciet.

Prob. I.

Sansus quæ
siti, vt tol-
latur equi-
uocatio.

Gratia quæ
Aug. quæ sit

Gratia quæ
ex August.
admittenda

140. Prob. I. ex dictis in præcedenti Capite, ubi nedum hoc docere Augustinum vidimus; sed & rationem valdè claram adducere, nempe, quia Adam, qui sanctus, & rectus sine concupiscentia, aliæ culpabili passione creatus est, & sola gratia, seu auxilio *sine quo* præditus, in iustitia non permansit; sed ad solam vxoris vocem Dei præceptum transgressus est, eoque auxilio *sine quo* usus non est, sed potiùs abusus; quomodo homo (ipseque Adam post lapsum) tot passionibus, ignorantia præsertim, & concupiscentia, onustus, posset passiones istas validissimas actu vincere, & gratia illa sine qua, seu auxilio sine quo solo uti, vel de illo cogitare, caligine ignorantia hallucinatus, & à calore concupiscentia illectus, ac distractus? Certè, fateor cum Augustino, non video quomodo fieri hoc possit. Audiamus Paulum, ad Gal. 5. 17. *Caro concupiscit aduersus spiritum; spiritus autem aduersus carnem. Hæc enim sibi inuicem aduersantur, ut non quæcumque vultis, illa faciatis.* Audiamus iterum eundem loquentem ad Rom. 7. 18. *Velle adiacet mihi; perficere autem bonum non inuenio. Non enim, quod volo bonum, hoc facio; sed quod nolo malum, hoc ago. Inuenio igitur legem volenti mihi facere bonum, quoniam mihi malum adiacet. Condelector enim legi Dei secundum interiorem hominem. Video autem aliam legem in membris meis, repugnantem legi mentis meæ, & captiuantem me in lege peccati, quæ est in membris meis. Infelix homo, quis me liberabit de corpore mortis huius? & statim responderet sibi, assignans liberatricem, Gratia Dei per Iesum Christum, ad actu faciendum: hæc gratia meo videri alia dici nequit, quam gratia qua actu bonum fit. Sic enim discurre: dicit se intelligere bonum,*

Ratio Aug.
valida.

Ex Pauli
testimonio

Dolet Paulus de infirmitate naturæ.

Authoris
discursus
ex Aposto-
li princi-
pijs .

num, quod agendum erat: ecce excitatio, & illuminatio intellectus: dicit, se velle bonum illud intellectum, ecce inspiratio, & inflammatio voluntatis: at dicit, se non posse bonum illud perficere, idest, actu facere, ob repugnantiam legis membrorum; igitur gratia excitans, seu præueniens, *sine qua* satis sibi non erat ad actu superandam concupiscentiam, vt bonum intellectum, ac volitum perficeretur; & dicit hoc se habiturum à Gratia per Christum; igitur agnoscebat gratiam illam, quæ facit facere, nempe gratiam *qua*, scilicet allicientem, & trahentem voluntatem; & ab hac miseria se liberandum prædicabat; non ab illa *sine qua*, quæ à voluntate sic occupata, & distracta à carnis, seu membrorum concupiscentia erat, vt ita dicam, trahenda. Si autem Paulus vas electionis à Deo singulariter electus, illuminatus, & edoctus, tantam experiebatur difficultatem ad faciendum bonum, iam cognitum, & volitum per gratiam illam *sine qua*, illuminantem, ac inspirantem, & alia gratia cum liberante, se indigere cognoscebat, ac fatebatur; quid dicam de me misero, aliove mei simili, aut peiore illuminato, ac inspirato ad faciendum bonum, tot tamen concupiscentiarum miserijs implicito; quomodo, inquam ego, aut illi ad bonum exequendum deuenimus, nisi gratia potentior faciens facere, nempe quæ nos per passionum concupiscentiæ victoriam liberet, bonum facere, vel à malo abstinere, aut in bono perseverare faciat?

Illatio cui.
dens dari
gratiam,
qua, vt fiat
opus boni.

141. Prob. modò aliquibus S. Scripturæ locis. Saluator Ioann. 6. 44. audiens turbas murmurare de illo, quia dixerat, *de Cælo descendi*, & in eum non credebant; quasi rationem reddens
cur

cur non crederent, ait. *Nolite murmurare in inuicem. Nemo potest venire ad me, nisi Pater meus, qui misit me traxerit eum.* Igitur gratia qua, seu potentior illa sine qua, & qua trahit, est necessaria, vt quis ad Christum per fidem accedat. Glos. ord. ibi ait. *Tractio hac non est violentia, aut necessitatis, nec inuiti, sed voluptatis, & desiderij, vnde dicitur trahit vnumquemque sua voluptas: si ergo in his, in quibus non est vera dilectio trahitur homo amore, & desiderio, quanto magis trahitur aliquis vehementi delectatione, cui reuelat Pater: &c.* Lyr. ibi assignat rationem cur sit necessaria tractio, inquiens, *nihil enim potest ascendere ad id, quod est supra naturam suam, nisi ab alio trabatur; sicut lapis non potest sursum ascendere, nisi per motum alterius; fides autem formata Charitate, est supernaturam; ideo ad eam nemo potest venire, nisi à Deo trabatur.* Hæc Lyr. Non ergo voluntas trahit, vt sic dicam, gratiam; sed è contra gratia trahit voluntatem. Hanc dicimus, qua, & hanc esse necessariam ad bonum actu faciendum; sed cum libertate, & delectatione trahit.

142. S. August. tract. 26. in Ioann. prolixo discursu locum istum ad rem nostram explicat: aliqua tamen breuiter ex illo excipiam. *Nemo venit, &c. nisi Pater traxerit eum.* Magna gratia commendatio. *Nemo venit, nisi tractus; quem trahat, & quem non trahat: quare illum trahat, & illum non trahat; noli velle iudicare, si non vis errare. Semel accipe, & intellige. Non traheris; ora, vt traharis.* Deinde declarat, quod tractio illa non necessitat, nec violentiam facit. *Quid hic dicimus fratres, si trahimur ad Christum, ergo inuiti trahimur, ergo inuiti credimus, ergo violentia adhibetur, non voluntas excitatur. Credere non potest,*

Ex Iccis S.
Scripto.

Trahitur
homo per
gratiam.

Quare tra-
hi debet.

S. August.
discursus
de hac tra-
ctione.

nisi volens, & post multa. Noli cogitare, te inuitum trahi: trahitur animus, & amore. Forsitan in hoc Euangelico verbo reprehendamus, & dicatur nobis, quomodo voluntate credo, si trahor? ego dico, parum est voluntate; etiam voluptate traheris. Quid est trahi voluptate? delectare in Domino, & dabit tibi petitiones cordis tui: est quaedam voluptas cordis, cui panis dulcis est ille celestis. Porro si poeta dicere licuit, trahit sua quemque voluptas; non necessitas, sed voluptas, non obligatio, sed delectatio: quanto fortius nos dicere debemus trahi hominem ad Christum, qui delectatur veritate, delectatur beatitudine, delectatur iustitia, delectatur sempiterna vita, quod totum est Christus: & post alia multa. Ramum viridem ostendis oui, & trahis illam. Noces puero demonstrantur, & trahitur; & quod currit trahitur; amando trahitur, sine lesione corporis trahitur. Si ergo ista, quæ inter delicias, & voluptates terrenas reuelantur amantibus, trahunt, trahit reuelatus Christus à Patre; quid enim fortius desiderat anima, quam veritatem. Ecce qualis est gratia, quæ facit credere, & accedere ad Christum; gratia trahens, non tracta: Gratia talis roboris, qua opus fit, & sine qua non fit, non illa tantum sine qua fieri non potest, at per eam non fit. Sed talis est gratia qua trahens, vt non imponat voluntati violentiam, aut necessitatem, sed suauitatem, dulcedinem, ac delectationem, qua voluntas allicitur ad faciendum opus fidei, charitatis, pœnitentiæ, vel aliud simile præcepti, aut consilij opus. Consideremus Martires: quid nam potuit eos adducere ad suscipiendum martirium, nisi gratia potens, ac trahens? Consideremus infideles, siue Gentiles, siue Turcas, siue Iudæos, siue etiam Hæreticos natos, educatos, & instructos

in

Gratia non
necessitat -
non facit
violentiam
sed delecta
tionem.

Exempla
aliqua.

Ista gratia
trahit mar
tires.

Ista infide
les ad fidē.

in illis Sectis, quas eorum maiores mordicè ad
 vsque vitę finem tenuerunt, & illorū multi pro ea-
 rum defensione sanguinem effuderunt; quid, vel
 quis potest eorum aliquem ab aliqua illarum Se-
 ctā auellere, nisi potentissima, & efficacissima
 Dei gratia *qua* eum trahens, & velut discerpens
 à pestifera illa radice, cum delectatione tamen,
 & plena libertate per gratiam roborata? Consi-
 deremus meretrices tot annis in luto libidinis
 immerfas; quid, vel quis poterit eas è luto illo e-
 uellere, nisi trahens gratia? Et ita de quolibet vi-
 tiorum genere, in quibus multi voluntantur, & in
 eis inueterati sunt; quis, aut quid à luto illo segre-
 gabit, nisi potentissima gratia *qua* suauiter eos
 trahens? Sic est, sic fateor: si enim voluntati ho-
 minis committeretur dispositio gratię, puto, quòd
 nisi quis esset in gratia confirmatus, & dominus
 passionum suarum effectus, numquam ea vtere-
 tur: Passiones etenim concupiscentię, cum po-
 tentissimę sint, sensibusque dominantur, ita prę-
 ualerent, vt numquam sinerent infelicem animam
 de bono spiritali cum applicatione cogitare,
 illudque amare, aut desiderare. Consideremus
 sapientissimum Salomonem. Consideremus in-
 nocentissimum, rectum, sine passionibus vllis, gra-
 tia habituali, iustitia originali, auxilio *sine quo*
non, munitum Adamum; & nihilominus lapsum,
 quia suę voluntati erat commissa gratia, seu au-
 xilij dispositio: & concludamus, quam fiduciam
 posset de se habere homo lapsus, infirmus, arbi-
 trio debilitatus, ignorantia, & concupiscentia
 grauatus, si sibi gratię dispositio committe-
 retur.

143. Prob. 2. ex alio famoso Pauli dicto
 Rom. 8. 14. vbi exaggerans miseriam hominis cir-

Ista trahit
 meretrices
 ad conti-
 nentiam.

Quare non
 potius vo-
 luntas tra-
 hit gratiā

Argum. va-
lidum; ex
Rom. 8.

Per gratiā
homo agi-
tur.

S. August.
discursus
in hunc lo-
cum.

Multa Au-
gust. loca.

ca carnis concupiscentiam, & monens per spiritum esse mortificandam, ait. *Si enim secundum carnem vixeritis, moriemini: si autem spiritu facta carnis mortificaueritis, viuetis.* At quia sciebat, ut sæpè docuit, id fieri non posse, nisi per Dei gratiam; Deumque per eam, & cum ea operantem, innuit, non qualemcumque gratiam ab hominis arbitrio dependentem, & sine qua; sed gratiam trahentem, seu allicientem liberum arbitrium, seu qua hoc efficere, seu carnem mortificare, & eam ad id efficiendum, filijs Dei concedi, quasi diceret, aliter illam non mortificarent, inquiens. *Quicumque enim spiritu Dei aguntur, ij sunt filij Dei.* Glos. ord. aguntur, inquit; Plus est agi, quasi vix aliquid agentem, quàm regi, quasi iam aliquid agentem, qui ideò regitur, ut rectè agat. Sed aguntur: non quod nihil per se; sed quod vix, ut aliquid agant, impetu gratiæ impelluntur.

144. S. August. hunc locum expendens in ser. 13. de Verb. Apost. ait. *Dicet mihi aliquis, ergo agimur, non agimus. Respondeo. Imò agis, & ageris, & tunc benè agis, si à bono ageris: spiritus enim Dei, qui te agit, adiutor est agentibus. Nemo autem agitur, si ab illo nihil agatur. Spiritus enim adiuvat infirmitatem nostram: & in lib. de Corr. & Grat. cap. 2. dicit. Intelligant si filij sunt, se spiritu Dei agi, & quod agendum est, agant; & cum egerint, illi, à quo aguntur, gratias agant. Aguntur enim, ut agant, non quod ipsi nihil agant; & ad hoc eis ostenditur quid agere debeant, ut quando agunt, sicut agendum est, cum dilectione, & delectatione iustitiæ suauitatem, quam dedit Dominus, ut terra eorum daret fructum suum, accepisse se gaudeant. In tractatu de Pugna animæ, ait. Quotquot spiritu Dei aguntur, ij sunt filij Dei. Non sunt filij Dei, si non agun-*

aguntur spiritu Dei; si autem spiritu Dei aguntur; pugnent, quia magnum habent adiutorem. Non enim Deus sic nos expectat pugnantes, sicut populus venatores. Populus venatori favere potest; periclitantem adiuuare non potest. Sic ergo, & hic caro concupiscit aduersus spiritum, spiritus autem aduersus carnem: & quid est, ut non ea, quæ vultis faciatist hic enim periculum est, &c.

145. Prob. 3. alio eiusdem Pauli dicto ad Philipp. 2. 13. Deus est enim, qui operatur in vobis velle, & perficere pro bona voluntate. Interl. operatur, ait, bonum. Glos. ord. Deus operatur, inquit. Nos volumus: sed Deus operatur in nobis, & velle, & operari. Hoc enim nobis, & credere, & dicere expedit; quia pium est, & verum, ut sic sit humilis confessio, & totum Deo detur. Per proprium enim arbitrium, nisi gratia illud adiunget, nec ipsa bona voluntas esse in homine potest.

146. S. August. in lib. de Grat. & lib. arbit. cap. 9. considerans hæc, & præcedentia verba Pauli, cum timore, ac tremore vestram salutem operamini, Deus enim, &c. docet optimè coniungi libertatem arbitrij cum Dei gratia qua, seu efficaci, sic. Quando iubetur, ut operentur; liberum eorum conuenitur arbitrium; sed idèd cum timore, & tremore, ne sibi tribuendo, quod benè operantur, de bonis, tamquam suis extollantur. Tamquam ergo Apostolus interrogaretur, & diceretur ei, quare dixisti, cum timore, & tremore; horum verborum rationem reddit, dicens, Deus est enim, qui operatur in vobis; si enim timetis, tremitis, non extollimini, tamquam de vestris operibus bonis; quia Deus est, qui operatur in vobis.

147. Hunc eundem locum Pauli, Deus operatur in vobis velle, & operari, eodem modo declarat

Alius Apo.
stoli locus
notabilis.

S. August.
considera-
tio super
eum locū.

Alia Aug.
probatio.

clarat Augustinus in sequentibus locis; manifestè docens, quòd gratia est, quæ facit, vt liberum arbitrium faciat bonum, quia Deus per eam allicit, & trahit illud, faciens operari bonum: ita in *lib. de Spirit. & lit. ad Marcellinum cap. 2. initio*, & *cap. 33. initio: in lib. 22. de Cin. cap. 1. De Gratia Christi lib. 1. cap. 4. 5. 10. & 25. In questionibus super Exodum lib. 2. q. 167. Contra duas epistolas Pelagianorum lib. 1. cap. 10. & 19. lib. 2. cap. 8. In Enchir. cap. 32. lib. de Prædest. & Grat. cap. 11. lib. de bono Persæu. cap. 13.* In his ergo, & alijs locis, occasione declarandi præfatum Pauli locum, gratiam qua commendat, quæ ita afficit voluntatem, vt non solum sit *sine qua* opus bonum fieri non potest, sed *qua* fiat.

Alia loca
ex præce-
denti ca-
pite sumē-
da.Modus quo
Deus per
gratiam o-
peratur cū
voluntate.

148. Alia supersunt loca præter allata in præcedenti Capite, omninò legenda, in quibus, & gratiam qua facientem facere commendat, & eam dicit pro statu nature lapsæ esse necessariam, vt opus bonum fiat; sed etiam varijs phrasibus opus illius, & operandi modum simul cum libero arbitrio explicat, & quomodo Deus per eam id faciat. Omnium primò supponit in *lib. de Corr. & Grat. cap. 14. quod Deus magis habeat in sua potestate voluntates hominum, quàm ipsi suas. 2. in epist. 107. quæ est ad Vitalem, ait. Deus gratia præuenit hominis voluntatem; nec eam in cuiusquam inuenit, sed facit: & vocatione alta, atque secreta, sic agit hominis sensum; vt legi, atque doctrinæ accomodet assensum. 3. in lib. 4. ad Bonifac. cap. 6. inquit. Ita ne nondum euigilatis? nondum auditis? faciam, vt ambuletis, faciam, vt obseruetis; postremò faciam, vt faciatis. Quid adhuc vos inflatis. Nos quidem ambulamus, verum est, nos obseruamus, nos facimus; sed ille facit, vt ambulemus,*

vt

vt obseruemus, vt faciamus. 4. in lib. de Grat. & lib. arb. c. 16. dicit. *Certum est, nos velle, cum volumus; sed ille facit, vt velimus bonum. Certum est, nos facere, cum facimus, sed ille facit, vt faciamus, præbendo vires efficacissimas voluntati, qui dicit faciam, vt in iustificationibus meis ambuletis, & iudicia mea obseruetis, & faciatis.* Ibidem cap. 17. ait. *Ipse, vt velimus, operatur incipiens; qui volentibus cooperatur perficiens.* In lib. de Corr. & Gratia cap. 12. inquit. *Tantum quippè Spiritu Sancto accenditur voluntas eorum, vt idèd possint, quia sic volunt; idèd sic velint, quia Deus operatur, vt velint.*

149. Alia plura eiusdem Sancti Doctoris dicta contestantur; quèd gratia Dei qua, facit, vt liberum arbitrium liberè opus bonum faciat; & non è contra, idèst liberum arbitrium trahat, aut determinet gratiam, vt secum operetur. In epist. 107. à Domino gressus hominis dirigentur, & gressus eius volet, vt intelligeremus, ipsam voluntatem bonam, qua incipimus, velle credere (quoniam Dei via, quid est, nisi fides recta) illius esse donum, qui gressus nostros propterea dirigit primum, vt velimus. In lib. de Grat. & lib. arb. cap. 5. ait. *Nisi donum Dei esset etiam ipsa nostra ad Deum conuersio, non ei diceretur Deus virtutum conuerte nos: in cap. verò 4. dixerat ex Apostolo, Contine te ipsum; & tamen non omnes capiunt verbum hoc, sed quibus datum est; quibus enim non est datum, aut nolunt, aut non implent, quod volunt. Quibus autem datum, sic volunt, vt impleant, quod nolunt.* In eodem cap. 4. inquit. *Cum voluntas hominis conuenitur, & ei dicitur, noli vinci à malo, quid ei prodest, nisi gratia succurrente, fiat? Quod ipse Apostolus secutus adiunxit: nam, & cum dixisset, virtus*
pec-

Alia plura
Augustini
dicta ad
idem.

peccati lex: continuò subiecit, gratias autem Deo, qui dat nobis victoriam per Dominum nostrum Iesum Christum: Ergo, & victoria, qua peccatum vincitur, nihil aliud est, quàm Domini Dei in isto certamine adiuvantis liberum arbitrium. In epist. 105. inquit. Vita æterna etiam ipsa gratia nuncupatur, non ob aliud, nisi quia gratis datur; non idè quia meritis non datur: sed quia data sunt ipsa merita, quibus datur. Intelligendum est igitur etiam ipsa hominis bona merita esse Dei munera, quibus cum vita æterna redditur, quid nisi gratia pro gratia redditur: & idè in lib. 13. de Trinit. cap. 10. de hac gratia pro gratia remuneratione loquens, dicit quod in Psalmo habetur, dedit dona hominibus. Dona sunt merita nostra, quibus ad summum bonum immortalitatis, & beatitudinis pervenimus.

150. Nec unquam esset dicendi finis, si omnia Augustini referre vellem dicta, quibus gratia qua, seu auxilium quo confitetur esse illam, qua Deus trahit liberum arbitrium, & facit bonum operari; omnia enim eius volumina, his plena sunt dictis. At pro coronide huius capituli, & omnium Augustini dictorum, vnum eiusdem addam, Augustini ingenio dignum in Hyponosticon contra Pelagianos, quamvis aliqui dicant non esse Augustini; tamen inter eius opera est: In lib. 3. post medium, ait, quòd gratia circa liberum arbitrium se habet, sicut sessor ad iumentum; & ex Sacra Scriptura id probat, & aptè declarat, & exemplis confirmat; quia ex psalm. 72. habetur: Velut iumentum factus sum apud te, & sic lib. 1. arbitrium comparatur iumento; Gratia verò sessori. Quia, inquit, sicut iumentum animal vivacissimum, ut dometur ad opus homini necessarium, de armento vagum apprehenditur, & incipit per curam domantis

Opera, &
clara Aug.
mens de
virtute ef-
ficaci gra-
tie qua.

Postrema
Aug. confi-
deratio de
gratie qua
efficacia.

tis se ad eius perficere voluntatem; ita, & liberum arbitrium, quod vulneratum viuit in homine, gratia Dei apprehenditur de armento luxurie seculi, in quo sub pastore Diabolo vagabatur per incongruas voluntates: (pastorem diabolum dixi secundum Zachariam 11.0 Pastor; & idolum) apprehenditur ergo gratia, vt dixi ad domandum liberum arbitrium; vt & malæ conuersationis deposita feritate, humilietur; & vt ad obediendum in opus Domino necessarium corrigatur; & ita per eius semper curam incipiat in Dei perficere voluntate. Sic enim iumentum illud, dum in viam dirigitur, fessoris manu regitur, vt iter rectum, siue leuiter, siue cursim secundum sedentis in se voluntatem possit incedere, quoad vsque ad lotum perueniat destinatum: ita liberum arbitrium, dum in via, id est in Christo, qui est via, veritas, & vita, cæperit esse; gratiæ regimine regitur, vt in seruitio Domini, siue patientia Charitatis, siue feruente spiritu possit ambulare quoad vsque ad promissum Regnum Cælorum perueniat; idem in Psal. 140. dicitur, spiritus tuus bonus deducet me in terram rectam: & vt illud, cum aliquoties sub fessore pastum largioribus cibarijs incumbens fræno cursu extollitur, fessoris flagello cæditur, vt secundum eius ambulet voluntatem: similiter, & liberum arbitrium, dum homo gratiæ Dei immemor in prosperis efficitur, & tamquam de sui possibilitate gloriatus extollitur; eius flagello corripitur, cum in varijs tribulationibus, & afflictionibus paululū subiugatur; vt humiliatus homo in sua humilitate ad gratiæ recurrat auxilium. Sicut homo sedens in iumento, dum peregerit iter, quod incescit, dicit, feci hodie, vt puta, triginta milliaria, cum, illo sedente, iumentum cucurrerit triginta milliaria; sed non ea cucurrisset, nisi à fessore, tam directum in via, quàm gubernatum fuisset. Rectè ergo ses-

Cooperatio gratiæ ad voluntatem cum fessore ad æquum.

Apertissima comparatio, in qua gratiæ virtus elucet.

Gratię ex-
cellentia,
& vigor su-
pra volun-
tatem.

Et gratia-
cum volun-
tate opera-
tur.

for, quem gratia figurat, dicit, feci triginta milliaria: ipse enim fecit, quod iumentum facere fecit; & tamen vtrisque labor itineris imputatur. Ita & gratia, & liberum arbitrium peragit sine dubio iter fidei liberum, dum Dei Christianus facit præcepta; sed non ut supra dixi sine gratia dirigente, vel gubernante: Propter quod dicitur in psalm. 36. *Dirige in conspectu tuo viam meam; & à Domino gressus hominis diriguntur*, &c. Non poterat aliud exemplum melius exprimere concursum gratiæ, & liberi arbitrij ad opus bonum, & dominium suave gratiæ supra arbitrium facientis illud facere, quàm exemplum sessoris supra equum, dominantis eum, & facientis illum ambulare.

151. Ideò cognoscens Augustinus dominium gratiæ supra liberum arbitrium, & quòd facit, ut arbitrium faciat, orabat sæpè Deum, ex lib. 10. Confessionum cap. 29. *Domine iube, quod vis, sed da quod iubes*; quem orandi modum etiam Angelicus Doctor Sanctus Thomas securus, eo frequenter utebatur. Re siquidem vera nisi Deus per gratiam traheret alliciendo humanam libertatem ad spiritualia opera peragenda; hæc ab ignorantia boni, & qualitatum, seu conditionum, ac vtilitatum eius obfuscata; & à concupiscentijs carnalibus, seu terrenis oppressa, puto quòd namquam ad spiritualia, ac supernaturalia aspiceret; immò quotidie, quolibet nouo concupiscentiæ stimulo, in deterius prolaberetur, nec bonum aliquod *sicut oportet*, operaretur. Hanc ergo gratiam qua facientem operari, quam S. Augustinus declarauit, & docuit, confiteri debemus; & hanc à Deo humiliter poscere satagamus.

CAPVT VIII.

*Quinam secuti sunt Augustini sententiam de gratia
qua, ac auxilio quo, seu efficaci.*

152. **A**Du. non fore inutile quæsitum hoc ijs,
qui veritatem in hac materia inqui-
runt, & S. Augustinum verè Doctorem Gratię se-
qui volunt, quem vniuersa sequitur Ecclesia: li-
cet aliqui profitentes, verbo tenus, eum sequi,
sic tamen explicant, vt in sententiam contrariam
illum trahant. Propterea, quamuis, vt patuit,
clarissimè loquatur, vt eius doctrina sana sit, &
ita per 12. sæcula habita; vt tamen omnibus no-
stris saltem tyronibus pateat, quòd & Sancti, &
Doctores, & Romani Pontifices, & Concilia,
approbata, eam, vt ab Augustino traditam, ap-
probarunt; & si in ea difficultatem aliquam in-
uenerunt, de ea non curarunt, sed cum ipso S.
Doctore, immò cum Apostolo Paulo ad altitu-
dinem sapientiæ, & scientiæ Dei, & incompræ-
hensibilitatem iudiciorum eius recurrerunt; *nee
plus sapere, quam oportet sapere* voluerunt: Sic, &
nos, ac Tyrones nostri nobiscum sentire, tenere,
ac dicere debent.

153. **A**du. 2. quòd in hac materia de Gra-
tia, in qua elucubranda tot lustra consumpsit S.
August. hæc præcipuè docuit. Primò, contra
Pelagium, & sequaces, quòd ad facienda opera
bona, vt oportet, & ad salutem necessaria, vel
utilia, non sufficit homo cum suis viribus natura-
libus, sed indiget auxilio; de quo puncto loque-
mur postea. 2. quod docuit contra Semipelagia-
nos est, quòd Gratia sic necessaria non confertur

Authoris
intentio in
hoc quæsi-
to.

Præcipua
Augustini
dogmata.

Necessitas
gratiz.

Quod de-
tur sine me-
ritis.

Et quod fa-
cit facere
dicta qua.

Gratia
quam do-
cuit Aug.
approbata
à Rom.
Pontif.

Celest.
Hormisda.

à Deo ex meritis hominis, sed gratis datur; de quo etiam puncto dicam postea. 3. quod docuit est, quod Gratia, quæ pro statu naturæ lapsæ est necessaria homini ad bona opera facienda, non est sicut illa, quæ data fuit Adamo in statu innocentie dicta *sine qua* subdita libero arbitrio illius, ut ea vteretur, si vellet, & quando vellet; sed est potentior illa, quæ facit facere opera bona, non trahenda à libero, sed trahens illud alliciendo, & dicitur gratia *qua*. Alioquin, inquit, non satis prouisum esset naturæ lapsæ, ut benè actu operaretur. Si enim Adam sanctus, innocens, sine passionibus, & tot diuinis muneribus vallatus, & gratia *sine qua* vsus non est, quid faceret homo lapsus, debilis, tot defectibus ignorantie, & concupiscentiarum circumdatus? Hanc ergo gratiam docuit Augustinus necessariam ad benè operandum actu.

154. Dico. Sententia Augustini de Gratia qua, nō videri, videtur approbata saltem implicite à quibusdam Romanis Pontificibus.

Prob. & declaratur *ly implicite*. Romani Pontifices, Innocentius, Zosimus, Celestinus, & alij, quos initio primi Opusculi retulimus approbarunt doctrinam S. Augustini de Gratia; immò Hormisda in *epist.* 70. in fine aperte, & claris verbis dicit, quòd *doctrina de Gratia, & libero arbitrio, quam sequitur Romana Ecclesia est illa, quam tradit Sanctus Augustinus in suis libris maxime ad Hilarium, & Prosperum*. Sed Augustinus in omnibus suis libris, & maxime ad Hilarium, & Prosperum, doctrinam tradit de Gratia qua, eiusque necessitate ad actu benè operandum, credendum, &c. eamque defendit scribens ad Hilarium, & Prosperum, qui ei scripserant, quòd quidam, nem-

nempè Massilienses, de ea murmurabant, & impugnabant, tamquam nouam, doctrinam suam de prædestinatione ad gratiam, & gloriam sine meritis, vt in primo Opusculo vidimus: & mortuo Augustino, Cælestinus, vt ibidem diximus, in epistola ad Episcopos Galliæ, non solum commendat S. Augustini doctrinam; sed miratur, quòd ipsi non compescant ora quorundam contra S. Augustini doctrinam mussitantium. Reliquos Pontifices omitto: & sic arguo. Sancti Romani Pontifices, & collaudarunt, & acceptarunt pro tota Ecclesia Augustini doctrinam de Gratia explicite; sed inter præcipua principia Augustini de Gratia, hoc est vnum, scilicet, de *Gratia qua*, seu de auxilio *gratiæ quo*, gratia nempè, quæ facit facere, & satis non est pro natura lapsa illa, quam habuit Adam innocens, idest, *sine qua*; quia cum hac tantum natura lapsa, non operaretur, bona opera: ergo hanc gratiam sub hoc nomine *qua*, seu auxilio *quo* implicite approbarunt Romani Pontifices. Quòd verò hanc docuerit Augustinus necessariam ad actu operandum, in præcedentibus capitibus patuit.

155. Confirmatur ex sequenti conclusione, quæ licet dicatur Concilij, est tamen Sedis Apostolicæ.

Dico 2. Concilium Arausicanum secundum contra Massilienses celebratum ann. Domini 529. cum instructione Sedis Apostolicæ in materijs de Gratia, & libero arbitrio hanc sententiam Sancti Augustini de Gratia *qua*, seu auxilio *quo* liberum arbitrium trahente, & faciente facere, secutum est, eamque sententiam tenendam definiuit; quod Concilium à Bonifacio 4. successore Felicis 4. fuit quoad omnia confirmatum.

Prob.

Eriam post
mortem à
Cælestino
defenditur
August.

Clara Con-
clusio de
approba-
tione Rom.
Pont.

Approbat.
à Concil.
Araus.

156. Prob. prima pars . In primo Capite habetur . *Cum ad dedicationem Basilicæ convenissemus, & de rebus, quæ ad Ecclesiasticam regulam pertinent, & inter nos fuisset spiritualis oborta collatio; peruenit ad nos esse aliquos, qui de gratia, & libero arbitrio minus cautè, & non secundum fidei Catholicæ regulam sentire velint . Vnde, & nobis secundum auctoritatem, & admonitionem Sedis Apostolicæ iustum, & rationabile visum est, ut pauca capitula ab Apostolica nobis Sede transmissa, quæ ab antiquis Patribus ex certis Scripturarum voluminibus in hac præcipuè causa collata sunt, ad docendos eos, qui aliter, quàm oportet sentiunt ab omnibus observantia proferre, & manibus nostris subscribere deberemus . Quibus lectis, qui hucusque non sicut oportebat de Gratia, & libero arbitrio credidit, ad ea quæ fidei Catholica conveniunt, animum inclinare non differat .* Hæc sunt proœmialia Concilij illius Prouincialis verba: ex quibus apertè concluditur, quòd Concilium illud, nedum ex Sedis Apostol. auctoritate, sedente Felice 4. ea decreta ediderit, quæ subsequuntur, sed quòd illamet decreta fuerint directæ illis in Concilio congregatis Episcopis, ut ea subscriberent, ac promulgarent, & observari curarent . Puto fortassè, quòd hoc ab eis exigeret Pontifex, quia eorum aliqui aliter sentiebant . At quomodocumque sit: ea capitula, seu decreta, & canones erant Pape, ut ipsi fatentur . Videndum ergo, quid inter alia ad rem nostram contineant decreta illa, seu canones illi: idè

156. Prob. secunda pars, quòd scilicet Concilium hoc secutum sit sententiam Augustini de *Gratia qua, seu auxilio quo*, (necessario ad actu bene operandum) sibi ab Apostolica Sede insinuatam . In can. enim 3. habetur . *Si quis ad*

Ex instrum.
tione Ro.
Pont. Con-
cil. hoc ea
capita de-
crevit .

Concilium
illud fate-
tur illa de-
creta esse
Pape .

inuocationem humanam gratiæ Dei dicit conferri, non autem gratiam facere, ut inuocetur à nobis, contradicit Isaïæ Prophetæ cap. 63. vel Apostolo Rom. 10. idem dicenti. Inuentus sum à non quærentibus me: palam apparui ijs, qui non interrogabant. In cap. 4. habetur. Si quis, ut à peccato purgemur voluntatem nostram, Deum expectare contendit; non autem, ut etiam purgari velimus, per Spiritus Sancti infusionem, & operationem in nos fieri consitetur, resistit ipsi Spiritui Sancto per Salomonem Prou. 10. (iuxta 70.) dicenti; Preparatur voluntas à Domino, & Apostolo Philipp. 2. salubriter prædicanti. Deus est, qui operatur in nobis velle, & perficere pro bona voluntate. In cap. 6. apertius rem tangit ostendens non voluntati gratiam, sed voluntatem gratiæ obedire, sic. Si quis sine gratia Dei volentibus, credentibus, desiderantibus, conantibus, laborantibus, vigilantibus, studentibus, petentibus, quærentibus, pulsantibus nobis misericordiam dicit conferri; non autem diuinitus, ut credamus, velimus, vel hæc omnia, sicut oportet, agere valeamus per infusionem, & inspirationem Sancti Spiritus in nobis fieri consitetur; & aut humilitati, aut obedientia humana subiungit (potius subigit) gratiæ adiutorium, nec ut obediens, & humillimus ipsius gratiæ donum esse consentit, resistit Apostolo dicenti; Quid habes, quod non acceperisti, & Gratia Dei sum id, quod sum. In cap. 9. habetur. Diuini est muneris, cum & rectè cogitamus, & pedes nostros à falsitate, & iniustitia retinemus. Quoties enim bona agimus, Deus in nobis, atque nobiscum, ut operemur, operatur. In cap. 12. Debetur merces bonis operibus, si fiant: sed gratia, quæ non debetur, præcedit, ut fiant. In cap. 23. habetur. Suam voluntatem homines faciunt, non Dei, quando id agunt, quod Deo displicet. Quando

Referuntur
Conc. illi-
us Cano-
nes.

Canon se-
xtus, & cla-
rior.

Item cap. 9

Item c. 23.

do autem ita faciunt, quod volunt, ut diuinæ seruiant voluntati, quamvis volentes agant, quod agunt; illorum tamen voluntas est illius, à quo præparatur, & obitur, quod volunt: alia plura capita necessitatem gratiæ concernentia in suis locis adducenda ex præscriptione Sanctæ Sedis sunt in eo Concilio statuta; omnia autem sunt 25. quæ vt in S. Augustini operibus versato, patere potuit, omnia ex illis excerpta sunt: ea subscribere vndecim Episcopi, quatuor Præfeti Prætorij Galliarum, & sex Consules. Eam ergo Augustini sententiam de gratia qua, seu auxilio quo, necessario ad actu faciendum opus bonum, & trahente, & alliciente voluntatem, & faciente, vt faciat opus bonum, ipsum Prouinciale Concilium Arausicanum, Papa præscribente, secutum est. Ipsum autem Concilium nullam aliam affert causam necessitatis huius gratiæ facientis facere, vt homo credat, diligat Deum, & alia bona opera faciat, vt oportet, nisi quia per Adæ peccatum humanum liberum arbitrium fuit debilitatum, & attenuatum, ideòque potentiori indigebat gratia, seu auxilio, quam indiguerit liberum arbitrium Adæ forte, ac validum tantis donis, habituali, & originali præsertim gratijs præditum, & à nullo passionum, siue corporalium, siue spiritualium stimulo vexatum.

157. S. Augustinum secuti sunt omnes Patres Sancti, atque Scholastici, quos initio primi Opusculi retulimus; omnium autem primi, Hilarius Arelat. Prosper, Fulgentius, & post plura sæcula ceteri ibidem relati. Tandem Scholastici, Magister sententiarum, Alexander Alensis, S. Thomas, S. Bonau. Scotus, ceterique germani eorum discipuli vsque nunc. Scholæ famosæ, Parisien-

sis,

Omnia hæc
capita ex
S. August.
excerpta
sunt.

Quinam
subscripse-
runt ea ca-
pienla Con-
cilij.

Ceteri, qui
S. August.
secuti sunt.

sis , Louanienſis , & aliæ .

An autem iſta ab Auguſtino prædicata gratia *qua*, ſeu auxilium *quo*, ſit illa, ſeu illud, quod, & quæ pro faciêdo opere bono, vt oportet, fuerit, & ſit neceſſaria, ſeu neceſſarium, aliàs nullatenus fieret , dicam infra .

CAPVT IX.

An Gratia actualis ſit ſemper neceſſaria ad benè operandum .

158. **A**Du. 1. quòd homo in triplici ſtatu conſiderari poteſt . Primò in ſtatu infidelitatis . 2. in ſtatu fidelitatis , & gratiæ habitualis , ideſt ſine peccato . 3. in ſtatu fidelitatis tantùm, ſed in peccato . Ideò quæri poteſt , an homini in omni hoc triplici ſtatu ſit neceſſaria gratia actualis, ſeu ſupernaturale Dei auxilium ad benè operandum .

159. Adu. 2. quòd opera bona , quæ poteſt homo exercere, duplicis generis ſunt ; quædam ſunt merè naturalia , ideſt à ſolo lumine naturæ dictata, & facta abſque vllò fine ſupernaturaliter, ſeu per fidem cognito , quæ ſcilicet faciunt infideles , quibus finis vltimus reuelatus , ac per fidem notus non eſt, vt v. g. ſuccurrere alicui in neceſſitate exiſtenti ; eſſe gratum benefacienti ; iuſtitiam exercere vim patienti , & alia ſimilia , quæ lex naturæ cuilibet homini inſita dictat ; hanc enim quilibet homo in ſe experitur, *quia ſignatum eſt ſuper nos lumen vultus Domini*, ait Dau. *psal. 4.* & ideò Ethnici etiam principes omnis nationis , vel ex ſe immediatè , vel ex conſilio iuriſperdentum multas bonas, rectas, ac iuſtas leges con-

In triplici ſtatu conſideratur homo .

Genera operum , quæ poteſt homo exercere .

diderunt, quibus ignota erat vera fides, ac supernaturalis finis, ad quem legum earum observantia dirigere potuerit. Quædam verò sunt opera supernaturalia, quæ nota sunt per fidem, & propter finem ultimum per fidem notum fiunt, quæque ad finem illum consequendum, & perpetuò possidendum fiunt; & hæc sunt, quæ facienda sunt, *sicut oportet*; dicemus autem infra quid significet hoc, *sicut oportet*; & pro his agendis dicemus gratiam esse necessariam.

160. Adu. 3. quòd hîc quærimus tantum necessitatem gratiæ ad benè operandum, idest opera ad salutem, seu æternam vitam conferentia: & abstinemus à proluxa, & post S. Augustinum, non ampliùs necessaria historia Pelagij negantis gratiæ internæ necessitatem ad opera salutis; sed eam supponimus: & de gratiæ necessitate cum Sacra Scriptura, cum Sancta Sede, cum Concilijs, & cum Sanctis Patribus loquemur. Postea erit sermo de qualitate, seu speciebus operum, ad quæ est necessaria; & de qualitate etiam, seu specie gratiæ ad ea facienda necessaria.

161. Dico ergo. Ad opera bona ad salutem conferentia, non sufficit sola voluntas humana cum suis naturalibus viribus, sed est ei necessaria actualis Dei gratia cum illa ea opera faciens: Est de fide.

162. Prob. 1. ex Sacra Scriptura. Ioann. 15. Saluator ait, *sine me nihil potestis facere*; S. Augustin. *tract.* 81. in Ioann. vt sepè dixi inquit, *nec multum, nec parum, sed nihil*. Concil. Araus. 2. ex præscriptione Sedis Apostolicæ, vt initio se declarat in *cap.* 7. hunc Christi sermonem sic intelligendum decernit. *Qui dixerit nos posse bonum aliquod, quod ad salutem pertineat vitæ æternæ, per*
natu-

Sensus quæ
siti.

Ad bona
opera gra-
tia est ne-
cessaria.

Ex S. Scrip.

naturæ vigorem cogitare, aut eligere, aut Euangelij prædicationi credere absque illuminatione, & inspiratione Spiritus Sancti, qui dat omnibus suauitatem in consentiendo, & credendo veritati; hæretico falsatur spiritu, non intelligens vocem Dei in Euangelio dicentis, sine me nihil potestis facere: & postea in cap. 9. iterum declarat illud dictum, & modum, quo per Christum, & cum Christo opera bona fiunt, inquit. Diuini est muneris cum & rectè cogitamus, & pedes nostros à falsitate, & iniustitia detinemus: quoties enim bona agimus, Deus in nobis, atque nobiscum, ut operemur, operatur.

Ex Concil.
Araus.

163. Prob. 2. ex Cor. 3. 5. *Fiduciam autem talem habemus per Christum; non quod sufficientes simus cogitare aliquid à nobis, quasi ex nobis; sed sufficientia nostra ex Deo est: Glos. ord. ait: Commendat gratiam, quæ non datur secundum merita: sed efficit omnia bona merita: & omnes Sacræ Scripturæ interpretes; omnes Patres, ac Doctores, & omnium maximè S. Augustinus infra referendus, & Concilium Araus. 2. cap. 7. hunc locum de necessitate gratiæ ad benè operandum interpretantur.*

Ex Apolt.

164. Prob. 3. ex Romanorum Pontificum literis, ac decretis, quibus statuunt necessitatem gratiæ, seu diuini adiutorij ad opera bona ad salutem conducentia. Sic decernit Innocentius 1. in epistolis 24. 25. & 26. ita Cælestinus 1. in epistol. 1. cap. 5. 6. & 8. Ita Gelasius in epistol. 1. cap. 6.

Ex Rom.
Pont.

165. Prob. ex Concilio Africano cap. 80. (hoc autem Concilium, ut notorium est, ita dicitur, quia est collectio omnium Conciliorum Prouincialium, quæ per quinquennium sub Cælestino, ac Bonifacio in diuersis Africæ Prouincijs celebrata sunt:) in præfato autem cap. 80. sic statui-

Concil. A-
fric. quale
sit.

tur. Item placuit, ut quicumq; dixerit, ideò nobis gratiam iustificationis dari, ut quod facere per liberū iubemur arbitrium facilius possimus implere per gratiā, tamquam etiam si gratia non daretur, non quidem facile, sed tamen possimus etiam sine implere diuina mandata; anath. sit. De fructibus enim mandatorum loquebatur Dominus, ubi non ait sine me difficilius potestis facere: sed ait, sine me nihil potestis facere.

166. Idem docuit Concilium Diospolitanum cap. 7. idem pariter Concilium Mileniticum, cap. 4.

167. At Concilium Arausicanum secundum, ut in præced. capite dictum est, pluribus capitibus necessitatem, & modum operandi gratiæ cum libero arbitrio statuit, ac decernit ex præscriptione *Felicis* 4. ut initio testatur. At quoniam contra Faustum, & Massilienses, qui necessitatem gratiæ contra Pelagium admittebant (excep̃to initio fidei, ut postea dicam) supponentes Patres illi gratiæ necessitatem, de modo tantum, quo cum libero arbitrio concurrat loquuntur. Ideò in *can. 3.* statuit; gratiam facere, ut inuocetur à nobis Spiritus Sanctus in *c. 4.* statuit gratiam quoque facere, ut nos velimus à peccato purgari: in *cap. 5.* statuit, quòd etiam ad initium fidei est necessaria gratia: in *cap. 6.* statuit gratiam facere; ut velimus credere, credamus, & alia bona opera, ut oportet, faciamus: in *cap. 7.* statuit, sine gratia nullum opus pertinens ad salutem fieri posse: & sic prosequitur vsque ad caput ultimum, in quo statuit, quòd etiam Patres tam legis nature, quàm scriptæ incipiendo ab Abel, & prosequendo per omnes Patriarcas, omnesque alios, quos enumerat Apostolus *Hebr. 11.* omnemque multitudinem, quæ in ijs legibus in Deum

Idem definit.

Idem Conci.
Diospolit.
& Mileuit.

Concil. Araus.

Omnia
Concil. de
creta pro
necessitate
gratiæ.

Deum credidit, eumque dilexit, non potuisse, nec credere, nec diligere, nec alia bona opera, *vt oportet*, facere sine auxilio gratiæ.

168. Tandem, vt alia omittam Concilia Prouincialia, Valentinum Secundum, Santonen-
se, Moguntinum quartum, & alia similia, quæ de necessitate gratiæ sua ediderunt decreta, Concilium generale Tridentinum hanc necessitatem tam in ordine ad iustificationem, quàm in ordine ad alia opera ad salutem pertinentia definiuit. Si-
quidem in sess. 6. cap. 5. statuit *exordium iustificationis à gratia præueniente sumendum esse*: & quod tali gratiæ liberè assentiendo ad eam homo disponitur: & quod illuminationem, & inspirationem illam potest homo abijcere, si velit. *In cap. 6.* docet, quod homines disponuntur ad iustificationem, *dum excitati diuina gratia, & adiuti*, liberè incipiunt credere, quæ reuelata, & promissa sunt, & Deum tamquam omnis misericordiæ fontem diligere incipiunt, &c. *In cap. 10.* agens de iustificationis incremento, docet, per bona opera cum gratiæ adiutorio facta augeri; & ideo S. Mater Ecclesia petit à Deo, *da nobis Domine fidei, spei, & charitatis augmentum*: addenda sunt alia eiusdem collectæ verba, *& vt mereamur assequi, quod promittis, fac nos amare, quod præcipis*, quæ necessitatem gratiæ iudicant. *In cap. 11.* quod est de obseruatione mandatorum Dei ab ipsismet iustificatis, statuit Deum non præcipere impossibilia. *Nam impossibilia non iubet, sed iubendo monet, & facere, quod possis, & petere, quod non possis, & adiuvat, vt possis*: & infra docet, quod Dei mandata cum diuino auxilio obseruari possunt. *In can.* postea primo anathema dicit ei, *qui dixerit hominem suis naturalibus viribus sine diuina gra-*

Alia Conc.
decreuerunt
necessitatē
gratiæ ad
benè ope-
randum.

Tandem,
etiam Con-
cil. Trid.

Docet Con-
cil. ad om-
nia bona
opera ne-
cessitatem
gratiæ.

gratia per Christum iustificari posse. In can. 2. dicit anathema ei, qui dixerit diuinam gratiam per Christum non esse necessariam, & dari, vt homo facilius iuste viuere, ac vitam aeternam promereri possit, quasi per liberum arbitrium sine gratia vtrūque, egrè tamen, & difficulter possit: in 3. dicit anath. ei, qui dixerit, quod sine Spiritus Sancti inspiratione, atque adiutorio homo possit credere, diligere, sperare, aut penitere, sicut oportet, vt ei iustificationis gratia conferatur: in can. 4. dicit anath. ei, qui dixerit, quod gratia excitanti, vt quis ad iustificationem disponatur, non possit dissentire, si velit: ergo de fide est Conclusio.

169. Quamuis autem, quæ hucusque dicta sunt ad gratiæ necessitatem pro benè operando aditruendam, & de fide tenendam, satis superque sint; quia tamen pro ea vnus pro omnibus singulariter, strenuèque laborauit, & contra aduersarios gratiæ, ac necessitatis eius pugnavit S. Augustinus; libet hìc referre aliquos peculiares libros, in quibus de hac materia peculiariter tractauit, licet in omnibus suis libris eam attigerit. Loca autem eorum librorum adducam in sequentibus capitibus, cum de operibus, ad quæ necessaria est gratia agam; & de effectibus illius, de subiectis capacibus; de concordia gratiæ cum libero arbitrio, & alijs eiusmodi punctis loquar. Libri ergo, in quibus ex professo probat necessitatem gratiæ ad benè operandum, & modum operandi gratiæ, & eius effectus tam in infidelibus, quam in fidelibus in ordine ad iustificationem; & in iustis in ordine ad opera iustitiæ, respectiuè, sunt sequentes. *Liber de Gratia Christi*, constans ex capitulis 50. quem scripsit contra Pelagium, & Celestium inimicos gratiæ. *Liber de Perfectione iustitiæ ho-*
mi-

Per multas
rationes id
definit.

Libri in
quibus pe-
culiariter
S. August.
de gratia
ex profes-
so tracta-
uit.

minis, constans ex capitulis 21. quem scripsit contra Celestij ratiocinia contra necessitatem gratiæ. *Liber de Gratia, & libero arbitrio*, constans ex capitulis 24. quem scripsit ad Valentinum, & Monacos Adrumetinos, quia ut ipsemet Sanctus dicit in *lib. 2. Retract. cap. 66.* Monaci illi, sicut ad ipsum scripserant, timebant, quod gratia illa *qua*, seu efficax, faciens facere, læderet liberum arbitrium; ideo in eo ostendit non sic esse, ut postea videbimus. *Liber de Correctione, & Gratia*, constans ex capitulis 16. quem, ut ipse dicit in *lib. 2. Retract. cap. 67.* scripsit ad eosdem Monacos Adrumetinos, eo quia dicebant, quod si gratia talis naturæ esset, non essent corripiendi, qui Dei præcepta non observant, sed solum pro illis orandum esset, ut Deus gratiam illis tribuat *qua* faciat eos illa observare; demonstrans esse corripiendos, & quare. *Liber 1. de Prædestinatione Sanctorum*, constans ex capitulis 21. directus ad Prosperum, & Hilarium, in quo agit de Sanctorum electione æterna ad gloriam, & gratiam, sine meritorum præiustione; qui liber in Massiliensibus fuit causa, cur obloquerentur de S. Augustino, quod nova, & inaudita doceret; qua de re scripsit ad eosdem Hilarium, & Prosperum librum secundum, qui inscribitur *De bono, seu dono perseverantiæ*, constantem ex capitulis 23. in quo de materia gratiæ, & dono perseverandi in ea ad salutem necessarijs tractat. *Liber de Natura, & Gratia* directus ad Timasium, & Iacobum continens capita 70. *Libri sex prolixi* contra Iulianum Pelagianum continentes capita 55. & alij plures tractatus.

170. Item plures epistolæ ad diversos scriptæ super materia gratiæ; nempe una ad *Valentinum*, estque

Licet in
omnibus
serè Operi-
bus de illa
egerit.

Rationes.
& motiui
scribendi
eos libros.

Epist. plu-
res de ea-
dem mate-
ria.

Motiva
scribendi
epistolas.

estque 46. quam præponit libro de *Gratia*, & li-
bero *arbitrio*: altera ad eundem, estque 47. quam
præponit *Libro de Corr. & Gratia*: epist. 105. ad
Sixtum *Præbiterum*, qui fuit postea Rom. Pon-
tifex, eaque prolixa, in qua diffusè de *Gratia*,
eiusque necessitate agit: epist. 107. quæ est ad Vita-
lem Cartaginensem, eaque etiam prolixa. Vir
iste docebat, orandum non esse pro incredulis;
sed ijs solùm legis doctrinam proponendam. Au-
gustinus eum corripit, docens propositionem le-
gis non sufficere ad eorum conuersionem, sed
necessariam etiam esse Dei gratiam, plures in ea
assignans regulas huius materiæ.

Alibi sæpè
de illa a-
git.

171. Præter hos libros, in quibus ex profes-
so agit de necessitate *Gratiæ* ad operandum san-
ctè, seu *sicut oportet*; in alijs ferè omnibus suis o-
peribus sparsim de ea loquitur, aliquando de ne-
cessitate ad omnia opera bona conducentia ad sa-
lutem in genere, aliquando de necessitate eius ad
specifica quædam: aliquando de modo operandi
gratiæ cum libero arbitrio; aliquando, & ferè
semper, de collatione eius sine meritis, & de cæte-
ris eiusmodi gratiam consequentibus; pro qui-
bus in suis locis propria Augustini loca addu-
cemus,

172. Sanctum Augustinum ante definitionem
Conciliorum secuti sunt, in primis, eius coætanei
Sancti Prosper, Hilarius, & Fulgentius, postea
ceteri, quos retuli initio primi Opusculi; postea
omnium Scholasticorum turba, totaque tandem
Ecclesia. Quæ de necessitate diuinæ gratiæ di-
xisse sufficiat. Sancta enim Mater Ecclesia hanc
gratiæ necessitatem pro omni bono opere effici-
do Deum pro suæ diuinæ gratiæ adiutorio in om-
ni collecta Officij diuini, ac Missæ exorat, præ-
fer-

sertim autem in Dominica octava post Penthecostem, clamans, *Largire nobis quesumus Domine semper spiritum cogitandi, quæ recta sunt propitius, & agendi: ut qui sine te esse non possumus, secundum te vivere valeamus. Per Christum, &c.*

*Ecclesia
semper o-
rat Deum,
ut nobis
gratiam
benè ope-
randi lar-
giatur.*

CAPVT X.

Pro quibus operibus, & quibus conditionibus præditis sit necessaria gratia.

173. **A**Du. 1. & recolo, quòd hic semper loquimur de gratia actuali, seu auxilio diuino requisito ad facienda opera bona. Querimus modò, quæ sunt ista opera bona, pro quibus faciendis est necessaria gratia, seu auxilium diuinum. 2. quales conditiones requirantur in ijs operibus bonis, ut Deus ad ea concurrat cum sua gratia.

*Sensus quæ
siti.*

174. Adu. 2. quòd opera bona, seu iustitiæ, quæ idem sunt ex Sacro Textu, generaliter sumpta, sunt omnia opera legis diuinæ, siue naturalis, & in corde scriptæ, siue diuinæ positivæ, siue ecclesiasticæ; siue opera consiliorum, siue opera supererogationis. In specie autem opera bona sunt omnia virtutum, siue Cardinalium, siue Theologicarum, & omnium specierum potestatiarum sub illis contentarum: de quibus ego egi in tomis duobus de virtutibus Cardinalibus, & Theologalibus: omnia ergo præfatarum virtutum, legum, & consiliorum opera ex genere suo, seu ex obiecto sunt bona.

*Quæ sint
opera bo-
na.*

175. Adu. 3. quòd ut opera ista legum, ac virtutum sint adæquatè bona, & ad salutem conferentia, debent esse facta sicut oportet, & ad ea in-

Quid signi-
ficet, sicut
oportet.

Paulus pri-
mò vsus est
ijs verbis.

fuit gratia diuina; quæ doctrina fundamentum habet in cap. octauo versu 16. epistolæ ad Rom. & hac phrasi vsus est postea S. Augustinus, Concil. Araus. 2. & tandem Concil. Trid. sess. 6. can. 3. vt de omnibus patebit. Paulus enim loco citato dicit. *Spiritus adiuvat infirmitatem nostræ operationis. Nam quid oremus sicut oportet, nescimus; sed ipse spiritus postulat pro nobis gemitibus inenarrabilibus. Qui autem scrutatur corda scit, quod desideret spiritus; quia secundum Deum postulat pro sanctis: &c.* Interl. *postulat, ait, facit postulare, & impetrare.* Cum autem Concilia, vt dixi, & probabo, vtantur hac phrasi, statuendo necessariam esse gratiam ad facienda opera bona, seu virtutum, ac legum, *sicut oportet*, videndum est, quid importet, *sicut oportet*.

176. Adu. igitur 4. quòd interpretes loci præfati Apostoli diuersis loquendi formulis locum illum explicant; sed in substantiâ idem dicunt. Nam Interl. *vt oportet* dicit, vt congruit. Glosa Lyr. dicit, *vt ad salutem expediens est.* S. August. in lib. de videndo Deo ad Probam cap. 14. multis, & dignis sententijs docet, quid sit orare *sicut oportet*, & ex hoc opere faciendo, vt oportet, concluditur, quæ sint alia facta, vel facienda, *sicut oportet*. Tunc dicit orari Deum sicut oportet, quando oratur, vt faciat, quæ suæ placent voluntati. Sæpè enim, inquit, aliquis in tribulationibus carnis, aut spiritus positus, orat Deum ab eis liberari: quia tamen, inquit Augustinus, sæpè Deus ad probationem, & meritum alicuius eas immittit, qui petit ab eis liberari, non orat sicut oportet; idè ipsemet Paulus 2. Corint. 12. vexatus à stimulo carnis dicit, *ter Dominum rogaui, vt auferretur à me: & exauditus non fuit; sed*
dixit

Diuersimo
dè locis
Pauli ex-
plicatur;
sed in sub-
stantia eo-
dem modo.

dixit ei Dominus, *sufficit tibi Paule gratia mea, quia virtus in infirmitate perficitur*. Orasset autem sicut oportet, si petens liberari dixisset, Domine aufer à me, sed fiat voluntas tua; vel si hoc cedit in gloriam tuam, sicut, ait Augustinus, fecit Christus *Matth. 26. Pater transeat à me calix iste; verumtamen non mea, sed tua voluntas fiat: & exauditus est pro sua reuerentia*. Orare ergo, *sicut oportet*, est orare cum conformitate ad Dei voluntatem. Hinc concluditur, quòd facere alia opera, siue præcepti, siue consilij, siue supererogationis in quacumque virtute, *sicut oportet*, aliud non significat nisi facere illa cum omnibus circumstantijs honestis, & propter Deum, seu vt placeant Deo, præcipienti, aut consulenti, fiatque eius voluntas, sicut quotidie in oratione Dominica recitamus.

Orandum
est, vt oportet.

Quid sit
hoc.

177. De his autem alijs operibus faciendis *sicut oportet*, loquitur Augustinus in Enchir. cap. 121. inquit: *omnis itaque præcepti finis est charitas, idest ad charitatem refertur omne præceptum*. Quid verò ita sit, vel timore pænæ, vel aliqua intentione carnali, vt non referatur ad illam charitatem, quã diffundit Spiritus Sanctus in cordibus nostris, nondum sit, quemadmodum fieri oportet, quamuis fieri videatur. Quæcumque ergo mandat Deus, ex quibus vnum est, non mæchaberis; & quæcumque non iubentur, sed spiritali consilio moventur, ex quibus vnum est, bonum est homini mulierem non tangere, tunc rectè sunt, cum referuntur ad diligendum Deum. & proximum propter Deum: sic Augustinus.

178. Adu. tandem, quòd vt supra dixi, & iterum infra dicam, bona opera, *sicut oportet*, ad quæ peragenda est necessaria gratia, reperiri possunt in homine in triplici statu constituto. Primò

Tres status
hominum

in homine infideli illuminato, & excitato, vt ad fidem veniat, & per baptismum iustificetur, & in Hæretico illuminato, & excitato, vt ad Catholicam fidem conuertatur, & per pœnitentiam iustificetur. 2. in homine iam iustificato, sed lapso per peccatum, & illuminato, & excitato, vt ad Deum redeat per Sacramentum pœnitentiæ. 3. in homine iustificato, ac permanente in iustitia, sed se exercente in obseruantia præceptorum, vel etiam consiliorum, vel in supererogatorijs: de his omnibus videndum est, an ad hæc opera exercenda *sicut oportet*, sit eis semper necessaria gratia.

179. Dico 1. In homine adulto infideli, vt conuertatur, & se disponat ad iustificationem, est necessaria gratia præueniens, & adiuuans ad facienda *sicut oportet*, illa opera, quæ ad iustificationem disponunt, vt sunt credere, diligere, sperare, ac pœnitere: est de fidē.

180. Prob. ex Concilio Tridentino expressis verbis totum hoc definiente. Nam in sess. 6. cap. 5. sic statuitur. *Declarat præterea ipsius iustificationis exordium in adultis à Dei per Iesum Christum præueniente gratia sumendum esse, hoc est, ab eius vocatione, qua nullis eorum existentibus meritis vocantur, &c. In cap. 6. habetur. Disponuntur ad ipsam iustificationem, dum excitati diuina gratia, & adiuti fidem ex auditu concipientes, liberè mouentur in Deum credentes vera esse, quæ diuinitus reuelata, & promissa sunt, atque illud in primis à Deo iustificari impium per gratiam eius, &c. illumque tamquam omnis misericordiæ fontem diligere incipiunt, & propterea mouentur aduersus peccata; hoc est, per odium aliquod, & detestationem, &c. Et postea in Can. 3. sic definit. Si quis dixerit sine præueniente Spiritus Sancti*

In infideli
adulto est
necessaria
gratia ad
opera
disponētia
ad iustifi-
cationem;
sed sicut
oportet.

Ex Trid. ex
pressè id
definiente.

Sancti in inspiratione, atque eius adiutorio hominem credere, sperare, diligere, aut penitere posse, sicut oportet, ut ei iustificationis gratia conferatur, anathema sit.

181. Aliæ probationes, quæ de omni actu ad salutem necessario concludunt, infra adducentur; & sunt ad idem.

182. Dico 2. In homine adulto baptizato lapsus in peccatum, siue heresis, siue quodcumque aliud, ut resurgat, & se disponat ad iustificationem, est necessaria gratia præueniens, & adiuvans: est de fide.

183. Prob. 1. argumento illo vniuersali, quod ad omnem actum conducentem ad salutem, est necessaria gratia, ut infra patebit; hæc autem dispositio conducentem ad iustificationem, conducit ad salutem, quæ sine illa haberi nequit: ergo.

184. Prob. 2. speciali argumento de se disponente ad Sacramentum penitentiae, ex nuper citato *canone 3. sessionis sextæ* Concilij Tridentini; is enim de omni iustificatione loquitur, & de omni se ad eam disponente: in quo gratia est necessaria; & anathema dicitur asserenti oppositum.

185. Confirmatur. Lapsus post baptismum est necessarium Sacramentum penitentiae, ut resurgant à peccatis, iustificentur, & Deo reconcilientur ex Concil. Trid. *sess. 6. cap. 1. & 2.* & Penitentiae Sacramentum dicitur laboriosus quidam baptismus, & ex *can. 2.* dicitur *secunda tabula post naufragium*, id est peccatum; ideòque dispositiones multò plures ad hoc Sacramentum, & ad iustificationem in eo recipiendam requiruntur; nam requiritur contritio, siue perfecta, siue at-

tritio;

In infideli
peccatore.
ut resurgat
est necessa-
ria gratia.

Expressed.
Conclus.
ratio.

Sacram. pe-
nit. diffici-
le, & natu-
ræ viribus
impossibi-
le.

tritio; confessio, & satisfactio, præter actum aliquem diligendi Deum, credendi, ac sperandi in eum: quæ quidem omnia difficilia sunt, & viribus naturæ improporcionata; ideòque ad actus istos eliciendos gratia Dei præueniens, ac subsequens, seu adiuuans necessaria est. Immodò, quod valdè notandum est, attritionem illam, quæ est dolor peccati ob turpitudinem eius, vel ob metum gehennæ in præfata *sess. 14. cap. 4.* Concilium dicit, *esse Dei donum, & Spiritus Sancti impulsus, non adhuc quidem inhabitantis, sed tantum mouentis, quo penitens adiutus viam sibi ad iustitiam parat*: ergo ad hos omnes actus peragendos, *sicut oportet*, vt per Sacramentum penitentiae aliquis iustificetur, est necessaria gratia.

Iusto ad
obseruan-
da præce-
pta, vt o-
portet, est
necessaria
gratia.

186. Dico 3. Homini Christiano iusto ad obseruanda Dei mandata, *sicut oportet*, & vt conducunt ad salutem, ac augmentum iustificationis, est necessaria gratia pro quolibet actu obseruantiae: est de fide, sed declaratione indiget.

Omnis ho-
mo licet
perfectus
tenetur ad
obseruan-
da Dei præ-
cepta.

187. Declaratur ergo, & supponitur primò, quòd omnis homo, quantumuis sanctus, quamdiu est in via tenetur ad obseruandum diuina præcepta; & prob. ex Concilio Trid. *sess. 6. cap. 11.* dicente. *Quo fit, vt iusti ipsi eò magis se obligatos ad ambulandum in via iustitiæ sentire debent, quòd liberati à peccato, serui autem facti Deo, sobriè, iustè, & piè viuentes proficere possunt per Christum Iesum*: & in fine adducit authoritatè Sancti Petri in epist. 2. cap. 1. *Satagite, vt per bona opera certam vestram vocationem, & electionem faciatis*: & in cap. 11. habetur. *Nemo autem quantumuis iustificatus, liberum se esse ab obseruatione mandatorum putare debet*: Nemo temeraria illa, & à Patribus sub anathema prohibita voce uti; Dei præcepta homi-

ni iustificato esse impossibilia, &c. sed in can. 20. definit hoc de fide. Si quis hominem iustificatū, et quantumlibet perfectum dixerit non teneri ad observantiam mandatorum Dei, & Ecclesiæ; sed tantum ad credendum, quasi verò Euangelium sit nuda, & absoluta promissio vitæ æternæ sine conditione observationis mandatorum, anath. sit.

188. Declaratur secunda particula, sicut oportet; si enim quis mandata Dei observat ex fine vanæ gloriæ, vel alterius terreni, & mundani commodi, ut habeatur pro sancto, seu iusto, vel alio simili motivo, non observat, *ut oportet*: tunc autem observare dicitur, *sicut oportet*, quando propter Deum, vel actualiter, ac explicitè cogitatum; aut saltem virtualiter, vel implicitè cogitatum, vel propter vitam æternam à Deo promissam mandata servantibus, ea servat; nam etiam propter eam potest homo operari, ut definit Concil. Trid. sess. 6. can. 31. Christus enim iis eam, promissit Matth. 19. *si vis ad vitam ingredi, serva mandata*. His ergo explicatis

189. Prob. Conclusio de necessitate gratiæ pro observandis divinis mandatis, ex Concilio Trid. sess. 6. cap. 10. ubi de acceptæ iustificationis incremento dicitur. *Sic ergo iustificati, & amici Dei, ac domestici facti euntes de virtute in virtutem renouantur, ut Apostolus dicit de die in diem, hoc est mortificando membra carnis suæ, exhibendo arma iustitiæ in sanctificationem per observationem mandatorum Dei, et Ecclesiæ in ipsa iustitia per Christi gratiam accepta, cooperante fide bonis operibus, crescunt, atque magis iustificantur, &c. idèd Sancta Ecclesia orat, Domine da nobis fidei, spei, & charitatis augmentum: & sic in illa prosequitur collecta, & ut mereamur assequi quod promittis, fac*

nos

Concil.
Trid.

Quid significet, sicut oportet.

Necessitas gratiæ pro observandis Dei mandatis.

Ex Concil.
Trid.

nos amare. quod præcipis : igitur pro obseruantia mandatorum ad incrementum iustificationis, iusti indigent diuina gratia: quod confirmatur ex capite sequenti eiusdem sessionis in quo definiens, vt supra vidimus, iustos non esse liberos ab obseruantia mandatorum Dei; nec asserendum, quòd iustis impossibilia sunt, subiungit, quod ad nostram rem facit; Qui enim sunt filij Dei, Christum diligunt, qui autem diligunt eum, vt ipsemet testatur, seruant sermones eius, quod vtique cum diuino auxilio præstare possunt. Et infra. Qui liberati à peccato, & serui facti Deo, sobriè, iustè, & piè viucentes proficere possunt per Christum Iesum, per quem accessum habuerunt in gratiam istam: Deus namque sua gratia semel iustificatos non deserit, nisi ab eis deseratur.

190. Confirmatur ex Christi oraculo Ioann. 14. *Sine me nihil potestis facere. Tunc autem, cum Apostolis iustificatis, eumque sequentibus, & sermones illius seruantibus loquebatur.*

191 Prob. 2. Si quid obstarèt, quin iusti in obseruandis diuinis præceptis non indigerent diuina gratia, seu auxilio actuali, esset, quia iusti habent gratiam habituales, seu charitatem, quæ influit in actus illos obseruantia præceptorum Dei, & Ecclesiæ. Sed hoc non obstat: primò, quia, vt patuit, Concilium loquitur de iustificatis; & tamen dicit, eos per diuinæ gratiæ auxilium, & per Iesum Christum ea opera bona facere. 2. quia nullus purus homo iustior Adamo formatus est, qui nedum gratia, & charitate habituali, sed etiam iustitia originali præditus erat, sine vlla prorsus passione concupiscibilis, aut irascibilis, cum omni subiectione membrorum ad rationem, & rationis ad Deum; & tamen gratia ege-

Plura Con-
cil. loca.

Aliud arg.
contra in-
stantiam,
quæ fieri
potest.

egebat ad obseruandum Dei præceptum non comedendi de ligno scientiæ boni, & mali; & quamuis gratiam *sine qua*, seu auxilium *sine quo*, etiam habuerit, quia tamen gratiam *qua*, seu auxilium *quo*, idest faciens facere non habuit, præceptum non seruauit. 3. quia gratia, seu charitas habitualis, quæ est forma iustificans, concurrit quidem cum voluntate ad actus bonos in ratione meritorij; at non sufficit ad faciendum, vt voluntas faciat; quia ipse habitus se habet modo quodam, mortuo; neque ipse præuenit, illuminat, aut inspirat; alioquin id faceret in iusto sine intermissione, quod tamen iustus non experitur: immò redderet iustum perseuerantem, & inpeccabilem; quia continuò operaretur bonum: quæ tamen non facit habitualis gratia. 3. si gratia habitualis sufficeret iusto ad operandum benè, & abstinendum, à malo, iustus semper benè operaretur; immò semel iustificatus haberet donum perseuerantiæ; quia habitus gratiæ semper esset efficax, & permanens in anima, seu voluntate; nec opus haberet iustus orare Deum, & *ne nos inducas in tentationem, sed libera nos à malo*, quia haberet habitum efficaciter vtrumque effectum producentem: cuius contrarium docet Apostolus 1. Corinth. 10. 12. *Qui stat videat, ne cadat*: & de seipso ait. *Vereor, ne cum alijs prædicauero ipse reprobus efficiar*. Idem docet Concilium Trid. sess. 6. cap. 14. & 15. & ideo Christus Dominus instituit Sacramentum Pænitiendi pro reparatione lapsorum post baptismalem iustificationem; & dicitur secunda tabula post naufragium: & ex Cælestino 1. epist. 1. cap. 6. *Gratia Dei, quæ datur in Baptismo, & hominem renouat, non sufficit ad superandas tentationes, & concupiscentias, sed requiritur quotidianum adiutorium Dei.*

Habitualis gratia non sufficit ad benè operandum.

Multa absurda sequuntur.

Ex Cælestino no 1.

Ex 3. Scri-
ptura.

Concil.
Araus. 2.

Ad omnia
opera bo-
na facien-
da, vt opor-
tet, est ne-
cessaria
gratia.

Ex diuersis
Concilijs.

Multa Aug.
loca pro
necessitate
gratię ad
omnia spe-
cifica ope-
ra.

192. Prob. igitur vltteriùs ex plaribus Scri-
pturę locis. *Non sumus sufficientes cogitare aliquid à nobis, quasi ex nobis; sed omnis sufficien-
tia nostra ex Deo est. Item quid habes, quod non
accepisti: &c.* Confirmatur ex Concil. Araus. 2.
cap. 20. *Multa in homine bona sunt, quę non facit
homo: nulla verò facit homo bona, quę non potest
Deus, vt faciat homo.*

193. Tandem prob. rationibus sequentis cō-
clusionis, quę ad idem sunt: Ideò

194. Dico 4. Ad faciendum, sicut oportet, quę-
libet bona opera cuiuscumque virtutis, siue sint
opera consilij, siue supererogationis, est necessa-
ria diuina gratia.

195. Prob. ex Innocent. 1. epist. 25. *Ad san-
ctè operandum etiam iustis est necessaria gratia. Sine
gratia nullum opus pertinens ad salutem fieri potest:*
ex Concil. Araus. 2. cap. 7. & cap. vlt. & ex Trid.
cap. 10. *Sine gratia nec cognoscere, nec appetere po-
test homo quę sunt Dei:* Ex Concil. Mogunt. 4.
cap. 5. *sine gratia, quam nobis meruit Christus supe-
rare non possumus tentationes:* ex Innoc. 1. epist. 24.
25. & 26. & ex Cęlest. 1. epist. 1. & 2. *Gratia Dei
iuuat, ne peccata committantur, & ad eorum remo-
tionem:* ex Concil. Mileuit. cap. 3. ex Cęlestino
epist. 1. cap. 10. *A gratia Dei omnia opera bona
habent originem:* ex eodem Cęlest. epist. 1. cap. 18.
*Gratia Dei est causa, cur homo credat, velit, petat,
& cetera bona faciat:* Ex Concil. Araus. 2. cap. 6.
Gratia Dei est causa, cur homo voneat: & iterum
ex eodem Concil. Araus. 2. cap. 11.

196. Ad has authoritates, quę sufficerent ad
intentum probandum, liber etiam ex Doctore
Gratię Augustino aliquas adducere, cū ferè
omnes præfatę ab eo desumptę sint. Is igitur de
necessi-

necessitate gratiæ ad omnia opera bona, *sicut oportet*, idest propter Deum ex regula fidei facienda, hæc præ ceteris ferè innumeris dicit, quæ in sequenti Capite referuntur.

CAPVT XI.

De quibusdam specialibus Gratia diuinæ effectibus iuxta S. Augustinum.

167. **A**Du. quòd licet in toto hoc Opusculo, & præsertim in Capite præcedenti ostensum sit, quòd ad omnia opera bona conductia ad salutem, siue in impio ad fidem, & iustificationem se disponente, siue in peccatore ad Sacramentum Pénitentia accedente, siue in iusto in legum, vel consiliorum obseruantia se exercente, nihilominus, vt tyrones nostri alios plures in specie gratiæ effectus agnoscant, Deumque earundem gratiarum largitorem, qua decet pietate, veneratione, ac ab eodem in omnibus suis operibus eas humillimè implorent, operæ pretium duxi, diuinæ gratiæ concursum, eiusque mirabiles effectus, duce Doctore Gratiæ S. Augustino, magna ex parte patefacere.

Mens Authoris declaratur.

298. Dico igitur. Diuina gratia, seu veriùs Deus, per suam actualement gratiam in cordibus hominum diffusam ad sequentes effectus producos concurrir.

Effectus à gratia actuali provenientes.

199. Gratia Dei præuenit omnia nostra opera bona: S. August. *tract. 3. 81. 82. & 88. in Euang. Ioann. lib. de vera Innoc. c. 27.*

200. Gratia est necessaria pro iustificatione à peccato; & pro salute assequenda, *de Cinit. lib. 14. cap. 2.*

420 DE GRATIIS ACTUALIBVS,&c.

Gratia dat merita: *lib. de Patientia c. 20.*

Præuenit
bona opera

201. Gratia Dei electi sunt, quotquot de
mundo electi sunt: *lib. de Patientia c. 20.*

Ad iusti-
ficationem
concurrit.

202. Sine gratia Dei agere bonum non pos-
sumus, nec malum vitare: *lib. de Prædest. & Gra-
tia cap. 11. 12. & 13.* Licet aliqui putent librum
esse Sancti Fulgentij Augustini Discipuli.

Dat merita

203. Gratia facit nos custodire diuina præ-
cepta: *De fide ad Petrum Dini. cap. 32.* licet hic e-
tiam liber putetur esse S. Fulgentij.

204. Gratia facit, vt peccatum alicui non
dominetur: *lib. de Continentia c. 3.*

Multi effe-
ctus.

205. Gratia Dei facit, ne peccata commit-
tantur: *lib. de Eccles. dogmatibus c. 28.*

206. Gratia ad Deum nos venire facit: *lib. de
Prædest. SS. cap. 8.*

207. Gratia diuina datur, vt duritia cordis
primitus auferatur: *lib. 1. de Prædest. SS. c. 8.*

208. Sine gratia nemo renascitur, sicut sine
concupiscentia nemo nascitur: *lib. de Præsentia
Dei cap. 15. & 17.*

209. Per gratiam iuuatur nedum posse homi-
nis, sed volitio, & operatio: *lib. 2. contra Pelag. &
Cælest. cap. 5. & 14.*

Varij effe-
ctus.

210. Gratia facit concordiam inter carnem,
& spiritum: *lib. 2. contra Iulianum Pelagianum
cap. 1.*

211. Gratia facit mentem hominis fortem
contra cupiditatem: *lib. 1. ad Simplicianum,
quest. 1.*

212. Per gratiam merita nostra bona red-
duntur: *lib. de Gratia, & lib. arb. c. 6.*

213. Gratia mentem iuuat ad implendam
legem, sicut oculos sanitas ad videndum solem:
lib. 15. cont. Faustum c. 8. in fine.

Gra-

214. Gratia donum est, vt obedientes, & humiles simus : *lib. de Eccles. dogmatibus cap. 43. & 49.* quamuis quidam putent esse Gennadij, sed multas Augustini propositiones continere .

215. Gratia liberante omnes indigent, vt saluentur : *lib. de Nat. & Grat. cap. 4. lib. de gratia Noui Testam. c. 31.*

216. Gratia omnes indigent, vt iustificentur : *lib. de Nat. & Grat. cap. 11.*

217. Gratia Noui Testamenti, quam nobis meruit Christus non est ordinata ad terrena, ac temporalia bona, sed ad spiritualia, & eterna : *lib. de gratia Noui Testam. c. 5. & 7.*

218. Sine gratia non potest homo aliquod opus iustitiæ facere : *lib. de spir. & lit. cap. 2. 10. ac 12.*

219. Gratia instaurat imaginem Dei, in qua naturaliter creati sumus : *lib. de spir. & lit. c. 27.*

220. Gratia facit hominem spiritualem, & per eam implet legem, & sine ea implere non potest : *lib. 1. ad Simplic. q. 1.*

221. Gratia facit, vt homo vincat concupiscentias, & non cadat : *ibidem.*

222. Gratia est necessaria, vt oremus, petamus, & velimus bonum : *lib. 1. ad Simplic. qu. 2. & præcedit opera bona : ibid.*

223. Gratia liberat de iusta pœna ignorantie ad sciendum quod debet facere homo, & adiuvat ad faciendum quod vult : *lib. 22. contra Faustum cap. 58.*

224. Gratia est homini necessaria, vt possit se à potestate diaboli liberare : *lib. 1. quæst. Evangelicarum cap. 5. & lib. de cathetiz. rudibus cap. 18.*

225. Gratia ad rectè viuendum est etiam iustifica-

Sublimes
gratiæ ef-
fectus.

422 DE GRATIIS ACTVALIBVS, &c.
stificatis necessaria, sicut lumen oculo sano ad
videndum: *lib. de Nat. & grat. c. 26.*

225. Gratia non solum ostendit quod faciendum est, sed adiuvat, vt fiat: *lib. 2. de pecc. mer. & c. cap. 6.*

227. Gratia necessaria est ei, qui disputaturus est, vt veritatem discernere possit, ne fallatur; *lib. 1. con. Crescon. cap. 13.*

228. Gratia adiuvat voluntatem, vt innotescat, quod iustum est, & fiat suaue quod non delectabat; *lib. 2. de pecc. mer. & c. c. 17.*

229. Gratia præuenit nos, vt sanctè, & piè viuamus; subsequitur, vt glorificemur, & cum Deo semper viuamus: *lib. de Natura, & Gratia cap. 23.*

230. Cum gratia Dei resisti potest diabolo; & ea poscenda est, cum vrget tentatio; *lib. de Nat. grat. cap. 58.*

231. Quod oremus, & conemur ex dono gratiæ habemus: *lib. 2. de pecc. mer. & c. cap. 19.*

232. Gratia non aufert liberum arbitrium, sed statuit, ac sanat, vt per gratiam liberè diligat; quia vbi spiritus Domini, ibi libertas: *lib. de spir. & lit. cap. 30.*

233. Gratia facit, vt malum non accadat; & si accadat, sanetur: *lib. de Natura, & Gratia cap. 67.*

234. Ad gratiam adiuantem debet homo confugere, vt peniteat: *lib. 21. de Ciuil. c. 16.*

235. Gratia Dei iuuat ad toleranda mala, quæ homines patiuntur in hac vita: *lib. 22. de Ciuil. cap. 22.*

236. Gratia facit, vt faciamus cognita, & credita diligamus: *lib. 1. contra Pelag. & Celest. cap. 12.*

Alij plures
gratiæ esse.
Aus.

Ex S. Aug.
collecti.

Gra-

237. Gratia signum est, dum quis facit quod audiuit à Deo : *ibidem cap. 14.*

238. Gratia non solum adiuuat possibilitatem ; sed voluntatem , & actionem , quia ad eam concurrir : *lib. 1. cont. Pelag. & Calest. cap. 14. 15. & 16.* quod ex Sacra Scriptura probat in *c. 16.*

239. Gratia conuertit cor efficacissime , & non lædit liberum arbitrium : *lib. cont. duas epist. Pelagianorum cap. 20.*

240. Gratia facit , vt homo non sit inuitus , neque repugnans ad faciendum opus bonum : *lib. 2. contra duas epist. Pelag. cap. 8.*

241. Sine Gratia non potest homo nec facere, nec concipere opus bonum, nec habere propositum de illo faciendo: *ibidem cap. 9.*

242. Per gratiam Deus de nolentibus bonum facit volentes bonum ; *contra duas epist. Pelagianorum cap. 9.*

243. Sine gratia Dei diu viui non potest sine peccato : *ibidem cap. 10.*

244. Gratia Dei ad omnem actum veræ virtutis est necessaria : *cont. Iul. lib. 4. c. 3.*

245. Gratia Dei facit , vt faciamus : *ibid.*

246. Gratia præuenit , vt quis oret, pulset, & bonum faciat : *contra Iul. lib. 4. c. 8.*

247. Gratia Dei non est solum necessaria ad remissionem peccatorum, vt Iulianus Pelagianus docebat ; sed etiam ad omnia bona opera : *contr. Iul. lib. 6. cap. 11.*

248. Gratia Dei facit implere præcepta : at non est volentis , neque currentis ; sed miserentis est Dei ; & Deus præparat voluntatem per dona gratiæ : *in Enchir. cap. 32.*

249. Gratia Dei est necessaria ad penitendū , ac tollendum pudorem in penitente : *in Ench. c. 82*

Per-

Reliqui no
tabiles gra
tiæ effectus

424 DE GRATIIS ACTVALIBVS,&c.

Gratia o-
peratur, vt
velimus; &
quomodo.

250. Per gratiam, vt velimus, Deus sine nobis operatur. Cùm autem volumus, & sic volumus, vt faciamus, nobiscum Deus cooperatur: tamen sine illo operante, vt velimus, aut cooperante cùm volumus ad bona iustitiæ opera non valemus: *lib. de Grat. & lib. arb. c. 17.*

251. Per gratiam Deus adiuuat liberum nostrum arbitrium, vt liberetur à malo, & faciat bonum; nam in *psalm. 36.* dicitur, à Domino gressus hominis dirigentur, & viam eius volet: *lib. de Corr. & Gratia cap. 12.*

252. Et sine gratia homo nullum facit iustitiæ bonum, nec cogitando, nec volendo, nec amando, nec agendo: *ibidem, & cap. 2.*

253. Gratiam faciendi bonum Deus aliquando concedit mediante correptione alicuius; aliquando immediatè; quia sic ei placet, neque potest aliquis ei dicere, cur ita facis, quia neque lutum potest sic dicere figulo: *lib. de Corrept. & gratia cap. 5.*

254. Gratiam perseverantiæ non omnes habent; sed aliqui ex misericordia habent; alij non habent ex iustitia; sicut, nec omnes electi, nec prædestinati: *de Corr. & Gratia, cap. 7. & 8.* & cur sic, ad incompræhensibilia iudicia Dei recurrendum est: *ibidem c. 8.*

255. Gratia Adæ, & Angelorum ante peccatū non fuit sicut gratia, quæ est necessaria homini post peccatum, vt benè operetur: *lib. de Correp. & Grat. cap. 11.* quia prima dabat posse non peccare; secunda verò dat non peccare, sed benè operari: *ibidem, cap. 11.*

256. Alia penè innumera loca, quæ in meo manuscripto Augustini compendio colligi, breuitatis causa relinquo; & ad alia propero.

CAP.

CAPVT XII.

*An in Veteribus legibus necessaria fuerit gratia
ad bene operandum.*

257. **A**Du. quæsitum esse conceptum de legibus in plurali, ut comprehendamus triplicem legem, ac statum, nempe Innocentiæ, quæ a principio suo statu duravit; legem Naturæ, quæ post lapsum Adæ, hoc est ab initio mundi, ad Moysen in Monte Sinai expressè per legem digito Dei in duabus tabulis scriptam, continentem Decalogum accepit: & successivè aliàs leges à Deo eidem Moysi dictatas, quæ in libris Exodi, Levitici, Numeri, ac Deuteronomij continentur: omnes autem leges istæ vno vocabulo enunciatae dicuntur lex Scripta, lex Vetus, & lex Mosaica, quia à Deo quidem lata, sed per Moysen publicata, quæ duravit in obligatione Hebræorum vsque ad solemnem publicationem Euangelij in Ierusalem à die Pentecostes; in alijs locis vsque ad publicationem Euangelij in eis locis. Gentes autem (quibus lex Moysis non fuit intimata) ab initio mundi post Adæ peccatum obligari cæperunt ad observandam legem naturæ: sic duravit in eis eadem obligatio vique ad solemnem Euangelij publicationem per Evangelicos prædicatores, & adhuc durat: & si adhuc dentur regiones, in quibus non fuerit publicatum Euangelium, adhuc tenentur legem naturæ servare sicut nos; ideò Apostolus Rom. 2. 14. ait: *Gentes, quæ legem non habent, naturaliter ea, quæ legis sunt, faciunt. Eiusmodi legem non habentes, ipsi sibi sunt lex: quia ostendunt opus*

H h h

legis

Tres antiquæ leges,
ac status.
Innocentiæ
Naturæ, &
Scriptæ.

Quantum
durarunt
istæ leges.

uendum, num gratia efficax primi generis ex sui natura talis; an gratia efficax secundi generis, nempè talis facta ex voluntatis humane consensu.

286. Dico 1. Gratia necessaria ad benè cum effectu operandum, & malum cum effectu cauendum secundùm S. Augustinum, non est sicut illa, quam habuit Adam ante lapsum, dicta à S. Augustino *sine qua non*, & à modernis *sufficiens*, seu quouis nomine nuncupata.

Gratia ad operandi necessaria non est, sicut illa Adami inuentis.

287. Prob. explicitis S. Augustini verbis, quæ retuli in cap. 6. & 7. nam in lib. de Corr. & Gratia cap. 11. de hac gratia Adæ ante peccatum data; & de alia post peccatum eidem, & posteris collata, & conferenda, ut opera faciant salutis, plura dicit necessariò referenda. Primò ait, *istam gratiam non habuit homo primus, qua numquam vellet esse malus; sed sanè habuit, in qua si permanere vellet, numquam malus esset, & sine qua etiam cum libero arbitrio bonus esse non posset: sed eam tamen per liberum arbitrium deserere posset. Nec ipsum ergo Deus esse voluit sine sua gratia, quam reliquit in eius libero arbitrio; quoniam liberum arbitrium ad malum sufficit, ad bonum autem nihil est, nisi adiuvetur ab omnipotenti bono. Quod adiutorium si homo ille per liberum non deseruisset arbitrium, semper esset bonus; sed deseruit, & desertus est. Tale quippè erat adiutorium, quod desereret cum nollet, & in quo permaneret, si vellet, non quo fieret, ut vellet. Hæc est prima gratia, quæ data est primo Adam. Sed hæc potentior est in secundo Adam. Prima est enim, qua fit, ut homo habeat iustitiam, si velit. Secunda ergo plus potest, qua etiam fit, ut velit, & tantum velit, tantoque ardore diligat, ut carnis voluntatem contraria concupiscentem, volunta-*

Ex August.

Qualis fuit
gratia Adg.

luntate spiritus vincat . Nec illa quidem parua erat, qua demonstrata est etiam potentia liberi arbitrij, quoniam sic adiuuabatur, vt sine hoc adiutorio in bono non maneret, sed hoc adiutorium, si vellet, desereret . Hec autem tanto maior est, vt parum sit homini per illam reparare perditam libertatem, parum sit denique non posse sine illa, vel approbare bonum, vel permanere in bono, si velit, nisi etiam efficiatur, vt velit : & post multa cum dixisset simile adiutorium sine quo non, datum fuisse omnibus Angelis cum creati fuere, & aliqui per liberum arbitrium eo vsi sunt, & in bono permanserunt; alij autem illo vsi non sunt, sed per suum liberum arbitrium illud deseruerunt, & lapsi sunt; iterum docet non esse tale id, quod post Adæ peccatum homini datur, sed potentius, subdens . Tantò amplius datur per Christum Dominum nostrum, quibus id dare Deo placuit, vt non solum adsit sine quo permanere non possumus, etiam si velimus, verum etiam tantum, ac tale sit, vt velimus : est quippe in nobis per hanc Dei gratiam in bono recipiendo, & perseueranter tenendo, non solum posse quod volumus, verum etiam velle quod possumus . Quod non fuit in homine primo; vnum enim horum in illo fuit, alterum non fuit . Namque, vt reciperet bonum, gratia non egebat, quia nondum perdiderat; vt autem in eo permaneret, egebat adiutorio gratiæ, sine quo id omnino non posset, & accepit posse, si vellet, sed non habuit velle, quod posset, nam si habuisset perseuerasset, & cetera plura S. Augustini .

Qualis gratia post innocentium statum necessaria .

288. In cap. 12. idem prorsus confirmat. Postquam enim declarauit differentiam inter auxilium gratiæ sine quo, & quo, vt notauimus in cap. 6. docere vnum incipit: primum tantum fuisse collatum Adamo innocenti; secundum verò homi-

hominibus, quibus Deo dare placuit, ac placet, inquit. *Primo itaque homini, qui in eo bono, quo factus fuerat rectus, acceperat posse non peccare, posse non mori, posse illud bonum non deferere; datum est adiutorium perseverantiae, non quo fieret, ut perseveraret, sed sine quo per liberum arbitrium perseverare non posset. Nunc verò sanctis in Regnum Dei praedestinatis, non tale adiutorium perseverantiae datur, sed tale, ut eis perseverantia ipsa donetur: non solum, ut sine ipso dono perseverantes esse non possint; verum etiam, ut per hoc donum non nisi perseverantes sint. Non solum enim dixit Salvator, sine me nihil potestis facere; verum etiam dixit, non vos me elegistis, sed ego elegi vos, & posui vos, ut eatis, & fructum afferatis, & fructus vester maneat. Quibus verbis, eis non solum iustitiam, verum etiam in illa perseverantiam se dedisse monstravit.*

Clara ergo, & evidens est S. Augustini mens, ac sententia, quod adiutorium, seu gratia, qua homo indiget ad faciendum bonum, ac permanendum in iustitia, non est similis gratiae, quae data fuit Adae innocenti, sed alterius naturae, & potentior illa; quae scilicet, non solum dat posse facere iustitiam, & posse in ea permanere; sed quae dat posse, & etiam facere, ac permanere.

289. Cur autem illa similis Adae satis non sit, dans scilicet posse tantum pro statu naturae lapsae, sed sit necessaria alia potentior, quae det posse, & facere; assignat rationem S. Doctor desumptam ex difficultatibus operandi bonum in natura lapsa ob peccatum incursum, quae non aderant in natura innocente. Sic enim ait in eodem cap. 12. de Corr. & Gratia. *Maiores enim libertas est necessaria adversus tot, & tantas tentationes, quae in Paradiso non fuerunt, dono perseverantiae munita, atque firma-*

Iterum, a
tercio Aug

Cur nun
satis non
sit gratia
data Adae

ta, ut cum omnibus amoribus, terroribus, erroribus suis vincatur hic mundus : hoc Sanctorum martiria docuerunt ; & alia plura : Infra tamen ad rem nostram iterum rediens , ait : *Vt ergo non acciperet hoc donum Dei , hoc est , in bono perseverantiam , primus homo ; sed perseverare , vel non perseverare in eius relinqueretur arbitrio , tales vires habebat eius voluntas , quæ sine ullo fuerat instituta peccato , & nihil illi ex seipsa concupiscentialiter resistebat , ut dignè tantæ bonitati , & benè viuendi facilitati perseverandi committeretur arbitrium , &c.* Nunc verò posteaquam est illa magna peccati meritò amissa libertas , etiam maioribus donis adiuvanda remansit infirmitas : & infra post alia multa, sequitur . *Ac per hoc , nec de ipsa perseverantia boni voluit Deus Sanctos suos in viribus suis , sed in ipso gloriari , qui eis non solum dat adiutorium quale primo homini dedit , sine quo non possint perseverare si velint , sed in eis etiam operatur , & velle : at quoniam non perseverabunt , nisi ut & possint , & velint ; perseverandi eis possibilitas , & voluntas diuinæ gratiæ largitate donetur . Tantum quippè Spiritu Sancto accenditur voluntas eorum , ut idèd possint , quia sic volunt : idèd sic velint , quia Deus operatur , ut velint : & rursus rationem huius diuinæ dispositionis circa hominem post peccatum , assignans , cur scilicet pro bono operando , & in eo perseverando , illum de auxilio , seu gràtia simili ei , quam Adamo innocenti dederat , non prouiderit , sed de alia potentiore , quæ nedum daret voluntati posse facere , seu operari bonum ; verum etiam faceret actu operari , subdit . Nam si in tanta infirmitate vitæ huius , in qua tamen infirmitate propter elationem reprimendam perfici virtutem oportebat , ipsis relinqueretur voluntas sua , ut in adiutorio Dei sine quo per-*

Quia debilitatæ sunt arbitrij vires .

A fortiori si Adæ non fuit satis , neque nunc .

seuerare non possent, manerent si vellent, nec Deus in eis operaretur, vt vellent, inter tot, & tantas tentationes, infirmitate sua voluntas ipsa succumberet, & ideo perseuerare non possent, quia deficientes infirmitate, nec vellent, aut non ita vellent infirmitate voluntatis, vt possent. Ad hanc infirmitatem sanandam hoc à Deo inuentum, ait, remedium S. Doctor; Subuentum est igitur infirmitati voluntatis humane, vt diuina gratia indeclinabiliter, & insuperabiliter operetur: & ideo quamuis infirma, non tamen deficeret, neque aduersitate aliqua vinceretur. Ita factum est, vt voluntas hominis inualida, & imbecilla in bono adhuc paruo perseueraret per virtutem Dei, cum voluntas primi hominis, fortis, & sana in bono ampliore non perseuerauerit habens virtutem liberi arbitrij, quamuis non de futuro adiutorio Dei, sine quo non posset perseuerare, si vellet, non tamen tali, quo in illo Deus operaretur, vt vellet. Fortissimo quippe dimisit, atque permisit facere quod vellet; infirmis seruauit, vt ipso donante inuictissime, quod bonum est, vellent, & hoc deferere inuictissime nollent: Hec ibi S. Doctor, & alibi pluries: ergo gratia necessaria homini in statu naturæ lapsæ ad benè operandum, ac perseuerandum in iustitia non est similis gratiæ collatæ Adamo ad operandū bonū; & permanendum in iustitia, sed valdè dissimilis, & illa potentior, alioquin homo cum ea non operaretur bonum, nec in bono obtento perseueraret.

290. Dico 2. Gratia actualis necessaria homini in statu naturæ lapsæ ad actū operandū bonum, sicut oportet, & ad perseuerandum in bono, seu iustitia iam obtenta, est illa, quam docet S. Augustinus, quæ scilicet dat simul posse, ac velle, & operari; & sine qua homo, nec operaretur, nec in bono perseueraret.

Euidens S.
Augustini
discursus.

Gratia necessaria ad operandū cum effectu, est illa, quam docet Sanctus Augustinus, quæ facit operari.

Ex S. Aug.

291. Prob. ex eodem S. Augustino locis præcedenti conclusione citatis: quòd verò admittenda sit, & qualis naturæ sit gratia hæc, latè diximus cum S. Augustino in cap. 7.

Excusatio
Authoris
de prolixitate.

292. Prob. 2. Illa gratia confitenda est necessaria ad bonum actum faciendum, & in ea perseverandum, quam Ecclesia petit à Deo. Sed petit à Deo in multis collectis gratiam, quæ faciat facere, seu operari: ergo hæc est necessaria. Probatur maior. Ecclesia non potest errare docendo quæ sunt ad salutem necessaria, & ea in praxi ponenda. Min. prob. inductione. Parcat lector, si prolixus sum in referendo multas formulas orationum, quibus vritur Ecclesia petens à Deo gratiam, opem, seu auxilium ad benè, ac sanctè operandum, ad seruandum diuina præcepta, atque consilia, cæteraque supererogationis opera: petit enim, vt faciat illa in nobis, vel vt faciat facere: quæ quidem Ecclesiæ praxis maximum est Augustinianæ, hoc est, veræ sententiæ fundamentum. Referam ergo potiores Ecclesiæ in orando formulas.

Hanc à
Deo petit
Ecclesia.

In prima Dom. Adu. sic orat: *vt ab imminetibus peccatorum nostrorum periculis mereamur te protegente eripi, te liberante saluari.* In 2. Dom. Adu. orat. post Comm. *Supplices te rogamus, vt doceas nos terrena despicere, & amare Cælestia:* In Dom. 3. orat. secr. *& sacri peragat instituta mysterij, & salutare tuum in nobis mirabiliter operetur:* & in orat. post commun. *vt hæc diuina subsidia à vitijs expiatis, ad festa ventura nos præparent.* Feria 6. 4. Temp. Adu. orat. post Commun. *Sacramentum libatio sancta restituet, & à vetustate purgatos in mysterij salutaris faciat transire consortium.* In Natiuitate Domini orat. secr. *vt tua gratia largiente*

te per hæc Sacrosancta commercia in illius inueniamur
 forma, in quo tecum est nostra substantia : In 2. Mis-
 sa Natiuit. orat. prima : Da, &c. vt hoc in nostro
 resplendeat opere, quod per fidem fulget in mente :
 In Missa S. Stephani : Da nobis quæsumus Domine
 imitari quod colimus, vt & discamus inimicos di-
 ligere : &c. In Dom. infra oct. Natiu. Omnipotens
 Deus dirige actus nostros in beneplacito tuo : in orat.
 secr. vt munus oblatum, & gratiam nobis piæ deu-
 tionis obtineat : &c. Dom. infra oct. Epiph. orat.
 1. Cælesti pietate prosequere, vt, & quæ agenda sunt
 videant, & adimplenda, quæ viderint conualescant :
 orat. secr. Viuificet nos semper, & muniat. In
 Dom. 3. post Epiph. orat. post Comm. Augeatur
 in nobis, quæsumus Domine, tuæ virtutis operatio,
 vt, &c. In Dom. 3. post Epiph. orat. post Comm.
 Quos tantis, Domine, largiris vt mysterijs : quæsu-
 mus, vt effectibus nos eorum veraciter aptare digne-
 ris. In Dom. 4. prima orat. Deus qui, &c. pro
 humana scis fragilitate non posse subsistere : da nobis
 salutem mentis, & corporis : vt ea, quæ pro peccatis
 nostris patimur, te adiuvante vincamus : post Com-
 mun. Munera tua nos Deus à delectationibus terrenis
 expediant : & celestibus semper instaurent alimentis.
 In Dom. 5. post Epiph. orat. secr. vt, & delicta
 nostra miseratus absolvas, & nutantia corda tu diri-
 gas. In Dom. 6. Præsta &c. vt semper rationabilia
 meditantes, quæ tibi sunt placita, & dictis exequa-
 mur, & factis : orat. secr. mundet quæsumus, reno-
 uet, gubernet, & protegat. Post Comm. quæsumus,
 vt semper eadē, per quæ veraciter viuimus, appetamus.
 In Dom. Septuag. orat. post Comm. Fideles tui,
 Domine, per tua dona firmentur, vt eadem, & perci-
 piendo requirant, & quærendo sine fine percipiant. In
 Dom. Sexag. orat. post Comm. Tibi placitis mo-
 ribus

Plurimæ
 orationes,
 quibus vti-
 tur Eccle-
 sia in per-
 do à Deo
 gratiam.

Semper pe-
 tit, vt faci-
 at nos fa-
 cere.

ribus dignanter deferuire concedas : In benedictione cinerum , orat. penultima : *capitibus seruatorum tuorum*, &c. effunde propitius gratiam tuæ benedictionis ; vt eos & spiritu compunctionis repleas , & quæ iuste postulauerint efficaciter tribuas ; & concessa perpetuò stabilias , & intacta manere decernas . Fer. 6. post cin. orat. secr. *Sacrificium* , &c. mentes nostras tibi reddat acceptas , & continentiae promptioris nobis tribuat facultatem . Feria 5. Dom. 1. Quadrag. orat. postrema . Da , quæsumus Domine , &c. & quæ profitentur agnoscere ; & caeleste munus diligere , quod frequentant . Feria 6. orat. prima . Esio Domine propitius plebi tuæ , & quam tibi facis esse deuotam , benigno resoue miseratus auxilio . In Sabbato 4. Temp. orat. penultima . *Actiões nostras* , quæsumus Domine , aspirando præueni , & adiuvando proseguere : vt cuncta nostra oratio , & operatio à te semper incipiat , & per te capta finiat ur . In orat. ult. *Fideles* , &c. *Benedictio desiderata confirmet* ; quæ eos , & à tua voluntate numquam discrepare , & tuis semper indulgeat beneficijs gratulari . Dom. 2. Quadages. orat. 1. *Deus* , &c. *interiùs , exteriùsque custodi* : vt ab omnibus aduersitatibus muniamur in corpore , & à prauis cogitationibus mundemur in mente . Fer. 4. orat. ult. vt spiritus tui seruire concepto , & in fide inueniantur stabiles , & in opere efficaces . Fer. 5. post Comm. *Gratia nos* , quæsumus Domine , non derelinquat : quæ & sacræ nos deditos faciat seruituti , & tuam nobis opem semper acquirat . Fer. 6. post Comm. *Fac nos* , &c. sic tendere congruenter : vt ad eam (salutem æternam) peruenire possimus . In Sabbato orat. post Comm. *Diuina libatio penetralia nostri cordis infundat* : & sui nos participes potenter efficiat . Feria 3. Dom. 3. Quadages. prima orat. continentiae salutaris propitius

Phrases
multè pe-
tendi , sed
substantia
eadem .

nobis dona concede . Secr. *Quinos* , & ab humanis retrahat semper excessibus ; & ad salutaria dona perducatur . Orat. vlt. *Tuanos* , Domine , &c. protectione defende : & ab omni semper iniquitate custodi : Feria 5. Dom. 3. orat. vlt. *subiectum* , &c. & tuis semper faciat servire mandatis . Sabbato Dom. 3. orat. vlt. *Prætende* , &c. *dexteram celestis auxiliij* : ut te toto corde perquirant , &c. In Dom. 4. Quadrages. orat. post Comm. *Da* , &c. ut sancta tua sinceris tractemus obsequijs , & fideli semper mente sumamus . Feria 2. illius Dom. orat. vlt. *Deprecamur* , &c. Et quibus supplicandi præstas affectum , tribue defensionis auxilium . Fer. 4. eiusdem , orat. vlt. *Pateant* , &c. & ut petentibus desiderata concedas , fac eos quæ tibi sunt placita postulare . Sabbato eiusdem Dom. orat. prima . *Fiat per gratiam tuam fructuosus nostræ deuotionis affectus* , &c. orat. secr. & ad te nostras etiam rebelles compelle propitius voluntates . In orat. vlt. *Deus* , &c. da nobis dignè flere mala , quæ fecimus : ut , &c. Fer. 3. Dom. Patris. orat. post Comm. *Da* , ut quæ diuina sunt , iugiter exequentes , &c. & in orat. vlt. *Da nobis perseverantem in tua voluntate famulatum* , &c. Feria 6. eiusdem Dom. orat. prima . *Cordibus nostris gratiam tuam benignus infunde* : ut peccata nostra castigatione voluntaria cohibētes , &c. Fer. 6. maioris hebdom. in orat. pro ordine Ecclesiastico : exaudi nos , &c. ut gratiæ tuæ munere , ab omnibus tibi gradibus fideliter seruiatur . In Sabbato Sancto orat. post primam prophe. *Da nobis contra oblectamenta peccati , mentis ratione persistere* , &c. In orat. post 3. prophe. *Da populis tuis dignè ad gratiam tuæ vocationis introire* . In orat. post prophet. 10. *Da nobis* , & velle , & posse quæ præcipis , ut , &c. una sit fides mentium , & pietas actionum . In orat.

Semper idem petit Ecclesia .

Ut Deus faciat nos bonū facere .

orat. post 12. *Vt quod nostræ humilitatis gerendum est ministerio, virtutis tuæ impleatur effectus: & hæc in præfatis orationibus ab Aduentu vsque ad Pascha petit à Deo Mater Ecclesia, vt nempe per suam gratiam bona opera nostra faciat, idest, nos facere per gratiam faciat.*

293. Vt autem euidenter appareat, quòd gratia necessaria homini ad benè, *sicut oportet*, operandum, à malo cauendum, & in bono perseuerandum, est illa, quam docet Augustinus, nempe, non quæ subiaceret voluntati, sicut illa, quæ data fuit Adæ innocenti, vt ea vteretur si vellet, & sine qua bonum velle non poterat; sed illa, quæ facit, vt voluntas faciat bonum, trahens illam, alliciendo, & suauitatem, ac delectationem impertiendo; & postea de concordia earum dicam, prosequor libenter ostendere praxim Ecclesiæ in petendo à Deo, quod ipse faciat nobiscum opus bonum, seu faciat per gratiam nos facere, in bono perseuerare, & malum cauere. In die Paschæ orat. prima dicit, *Vota nostra, quæ præueniendo aspiras, etiam adinuando prosequere.* In orat. secr. *vt te operante proficiant.* In orat. vlt. *tu facias pietate concordēs.* In fer. 3. post Pascha orat. 1. *concede famulis tuis: vt Sacramentum viuendo teneant, quod fide perceperunt.* In orat. vlt. *Concede, vt continua in nostris mentibus perseueret.* Fer. 5. orat. 1. *Da vt renatis vna sit fides mentium, & pietas actionum.* Fer. 6. orat. 1. *Da mentibus nostris, vt quod professione celebramus, imitemur effectum.* Dom. in Albis. *Hæc te largiente, moribus, & vita teneamus.* Dom. 3. post Pascha orat. 1. *Da cunctis, qui Christiana professione censentur, & illa respuere, quæ huic inimica sunt nomini, & ea, quæ sunt apta sectari.* Secr. *His nobis mysterijs confertur,*

Quod gratia, quam S. Aug. docet sit necessaria ad benè operandum.

Ex Eccles. orat.

tur , quò terrena desideria mitigantes , discamus amare celestia . Dom. 4. orat. 1. Deus qui fidelium mentes vnius efficis voluntatis ; da populis tuis id amare , quod præcipis , id desiderare , quod promittis . Dom. 5. orat. 1. Largire supplicibus tuis , vt cogitemus , te inspirante , quæ recta sunt , & te gubernante , eadem faciamus . Orat. ult. Tribue , &c. & desiderare , quæ recta sunt , & desiderata percipere . Dom. infra oct. Ascens. orat. 1. Fac nos tibi semper , & deuotam gerere voluntatem , & maiestati tuæ sincero corde seruire . Orat. secr. & mentibus nostris supernæ gratiæ dent vigorem . Orat. ult. Da quæsumus , vt in gratiarum semper actione maneamus . In vigilia Pentec. orat. 1. Concede nobis , & nostræ voluntatis prauitatem frangere ; & tuorum præceptorum reſtitutionem in omnibus adimplere . In orat. 5. Da famulis tuis , vt quæ à te iussa cognouimus , implere celeſti inspiratione valeamus . In orat. ultim. Concede , &c. vt celeſtibus deſiderijs accenſi , fontem vitæ ſitiamus . In Dom. Pentec. Da nobis in eodem ſpiritu recta ſapere , &c. in Sabbato 4. Temp. Pentec. orat. 3. Concede nobis propitius , & mente , & corpore tibi ſemper eſſe deuotos . Dom. 1. poſt Pentec. orat. poſt Comm. Præſta quæſumus ; vt à tua numquam laude ceſſemus . Dom. infra octauam Corporis Chriſti orat. secr. Oblatio , &c. purificet ; & de die in diem ad celeſtis vitæ transferat actionem . Dom. 5. poſt Pentec. orat. 1. Infunde cordibus noſtris tui amoris affectum : vt te in omnibus , & ſuper omnia diligentes , &c. Dom. 6. poſt Pentec. orat. 1. Inſere peſtoribus noſtris amorem tui nominis , & præſta in nobis Religionis augmentum : vt quæ ſunt bona nutrias , ac pietatis ſtudio , quæ ſunt nutrita , custodias . Dom. 8. poſt Pentec. orat. 1. Largire nobis quæſumus Domine , ſemper ſpiritum cogitandi , quæ

Petit, vt faciamus .

Multæ petitiones Ec. cleſiæ hoc probant.

recta sunt, propitius, & agendi: ut qui sine te esse non possumus, secundum te vivere valeamus. Orat. secr. ut gratia tua operante virtute, & presentis vite nos conuersatione sanctificent, &c. Dom. 9. orat. 1. Fac eos, quæ tibi sunt placita postulare. Dom. 12. orat. 1. Deus de cuius munere venit, ut tibi à fidelibus tuis dignè, & laudabiliter seruiatur: tribue quæsumus, ut ad promissiones tuas sine offensione curramus. Dom. 13. orat. 1. Da nobis, fidei, spei, & charitatis augmentum; & ut mereamur assequi, quod promittis, fac nos amare, quod præcipis: Dom. 15 orat. ult. Mentem nostras, & corpora possideat, quæsumus Domine, doni cælestis operatio: ut non noster sensus in nobis, sed iugiter eius præueniat effectus. Dom. 16. orat. 1. Tua nos, quæsumus Domine, gratia semper, & præueniat, & sequatur: ac bonis operibus iugiter præstet esse intentos. Dom. 17. orat. 1. Da populo tuo diabolica vitare contagia; & te solum Deum pura mente sectari. Fer. 4. quatuor Temp. Septembr. orat. 1. Misericordiae tuæ remedijs, quæsumus Domine, fragilitas nostra subsistat: & quæ sua conditione atteritur, tua clementia reparetur. Orat. ult. Deprecamur: ut quæ sedula seruitute donante te gerimus, dignis sensibus tuo munere capiamus. In Sabbato 4. Temp. orat. post 2. proph. Ut salutis æternæ remedia, quæ te inspirante requirimus, te largiente consequamur. Dom. 18. orat. 1. Dirigat corda nostra, tuæ miserationis operatio, quia tibi sine te placere non possumus. Orat. ult. tuam misericordiam deprecantes; ut dignos nos eius participatione perficias. Dom. 19. orat. ult. Tua medicinalis operatio &c. & tuis semper faciat inherere mandatis. Dom. 20. orat. ult. Fac nos quæsumus tuis semper obedire mandatis. Dom. 23. orat. secr. Ut quod immeritis contulisti, propitius exequaris. Dom. 24. orat. secr.

Clarissimè
probant
nos indige
re gratia,
quæ facit
nos facere.

Aliæ plu
rimæ peti
tiones eius
dem gratiæ

Omniū nostrum ad te corda conuerte, vt à terrenis cupiditatibus liberati, ad celestia desideria transeamus. In festo SS. Trinit. orat. secr. & per eam oblationem, nosmetipsos tibi persice munus acceptum. In missa de Spiritu Sancto orat. 1. Da nobis in eodem spiritu recta sapere, &c. In Missa Sanctiss. Corp. Christi orat. 1. tribue quæsumus ita nos corporis, & sanguinis tui sacra mysteria venerari, vt, &c.

v94. Igitur cū Ecclesia precetur Deum, vt tale auxilium, talem opem, talem gratiam nobis concedat, quā faciamus, seu quæ operetur, vt faciamus, seu faciat nos facere ea, quæ Deus præcipit, & quæ sunt nobis necessaria, seu remedia, ad salutem, vel quæ sunt ei placita, iuxta varias formulas supra relatas, concludendum est, hanc gratiam esse nobis necessariam, vt ea opera faciamus; quæ conclusio mihi videtur euidens: & ingenuè fateor, quòd egomet, dum licet indignè pro me, & pro alijs, tam amicis, quàm inimicis (si qui sunt) & pro infidelibus ad conuertendum precor, ab Ecclesiæ praxi, & Augustini documento instructus, sic explicitè precor. *Domine concede mihi, aut illis gratiam, quæ faciat me, & eos facere, quæ præcipisti, & quæ tibi placita sunt.* Sic pariter orabat S. Augustinus, vt ipsemet testatur in lib. 10. Confess. cap. 29. *da Domine quod iubes, & iube, quod nīs: & in Deuteronomio. cap. 53. ait: Deus facit, quod iubet, vt fiat: ergo ista gratia est necessaria, quæ facit exequi, seu facere opus. Quomodo autem moueat liberum arbitrium, vt simul cum ea faciat, dicam postea.*

295. Prob. 3. rationibus adductis in cap. 6. & 7. quæ iterum recolere non erit inutile; agitur enim de toto asse, nempe de medijs ad salutem, necessarijs, vt puta de obseruantia præceptorum,

Conclusio
euidens est

Authoris
modus orandi.

S. Aug. modus orandi

Rationes
alias ab
Authore
allatę :
sed neces-
sarię .

Ex S. Scrip.

& consiliorum, ac de exercitio virtutum, sicut oportet ; Ioann. 6. Saluator ait : *Nemo potest venire ad me, nisi Pater meus, qui misit me traxerit eum.* Accessio ergo ad Christum per fidem, spem, & charitatem, est opus Dei trahentis, idest, facientis, vt homo accedat per eos actus ad Christum. Glos. ord. ait. *Tractio hæc non est violenta, aut necessitatis, nec inuiti; sed voluptatis, & desiderij, vnde dicitur, trahit sua quemque voluptas, &c.* Lyr. inquit. *Nihil potest ascendere ad id, quod est supra naturam suam, nisi ab alio trahatur. Sicut lapis non potest sursum ascendere, nisi per motum alterius: fides autem formata charitate est supranaturam; ideo ad eam nemo potest venire, nisi à Deo trahatur.*

S. August.

Quomodo
voluntas
trahitur à
Deo.

296. S. August. vt retuli in cap. 7. tract. 26. in Ioan. de hac tractatione, seu gratia trahente, mirabilia multa dicit: Aliqua referam. *Nemo venit, nisi Pater traxerit eum. Magna gratia commendatio; nemo venit, nisi tractus; &c.* vt ibi. *Quid hic dicimus fratres, si trahimur ad Christum; ergo inuiti trahimur? Ergo inuiti credimus? ergo violentia adhibetur? non voluntas excitatur? Credere non potest nisi volens. Noli cogitare te inuitum trahi; trahitur animus, & amore. Forsitan in hoc euangelico verbo reprehendamus, & dicatur nobis, quomodo voluntate credo, si trahor? Ego dico, parum est voluntate, etiam voluptate traheris. Quid est trahi voluntate? delectare in Domino, & dabit tibi petitiones cordis tui: & post alia multa, vt in cap. 7. proficitur. *Ramum viridem ostendis oui, & trahis illam. Noces puero demonstrantur, & trahitur: & quod currit, trahitur, amando trahitur, sine lesione corporis trahitur.* Si ergo hæc, quæ inter delicias, & voluptates terrenas reuelantur amantibus, trahunt, trahit reuelatus Christus à Patre. Quid enim fortius desi-*

desiderat anima, quàm veritatem ? ergo ista gratia, quę suauiter animam trahit ad credendum, est homini necessaria, vt & possit operari bona opera, & actu operetur; alioquin à passionibus internis, & externis, curisque mundi, atque concupiscentijs distractus, & illectus, etiam illuminatus, ac inspiratus, numquam operaretur.

297. Prob. 4. ex Rom. 8. 14. *Quicumque spiritu Dei aguntur, ij sunt filij Dei; ergo gratia ista est necessaria, vt simus filij Dei, nempè, quę agat nos, faciatque nos bona opera, sicut oportet, facere. Glos. ord. aguntur, dicit, Plus est agi, quasi vix aliquid agentem, quàm regi, quasi aliquid agentem, qui idè regitur, vt rectè agat. Sed aguntur, non quod per se nihil, sed quod vix, vt aliquid agant, impetu gratiæ impelluntur. Hac ergo gratia indigemus ad actu operandum, vt simus filij Dei. S. August. expendens hunc locum in ser. 13. de Verb. Apost. inquit. Dicit mihi aliquis, ergo agimur, non agimus. Respondeo, immò agis, & ageris: & tunc benè agis, si à bono ageris; spiritus enim adiuvat infirmitatem nostram: & in lib. de Corrept. & Gratia cap. 2. ait. Intelligant filij sunt, se spiritu Dei agi, vt quod agendum est, agant; & cum egerint illi, à quo aguntur gratias agant: aguntur enim, vt agant; non quod ipsi nihil agant; & ad hoc eis ostenditur, quid agere debeant, vt quando agunt, sicut agendum est, cum dilectione, & delectatione iustitię suauitatem, quam dedit Dominus, vt terra eorum, daret fructum suum, accepisse gaudeant, & in tract. de Pugna animę dicit. Quotquot spiritu Dei aguntur, hi sunt filij Dei; non sunt filij Dei, si non aguntur spiritu Dei. Pugnent, quia magnum adiutorem habent, & cetera multa, vt in cap. 7.*

298. Prob. 5. alio Pauli loco, & fortiori pro gra-

Ex epist. ad
Rom.

S. August.

Ex Philip.
epist.

gratiæ potentia , & efficacia erga voluntatem ad opus bonum, sicut oportet , Philipp. 3. *Deus est enim qui operatur in vobis velle , & perficere pro bona voluntate . Magni ponderis locus iste est . Interl. operatur , ait, bonum, Glos. ord. Deus operatur , inquit , nos volumus ; sed Deus operatur in nobis, velle , & operari . Hoc enim nobis , & credere, & dicere expedit , quia pium est , & verum ; ut sic sit humilis confessio , & totum Deo detur . Per proprium enim arbitrium, nisi gratia illud adiuvet, nec ipsa bona in homine voluntas esse potest .*

S. August.

299. S. August. in lib. de Gratia , & lib. arb. cap. 9. considerans hæc , & antecedentia Apostoli verba , *Cum timore , & tremore vestram salutem operamini ; Deus enim est, qui operatur in vobis velle, & operari, dicit . Quando iubetur , operentur, liberum eorum convenitur arbitrium ; sed idem cum timore , & tremore , ne sibi tribuendo , quod bonum operantur, de bonis, tamquam suis extollantur. Tamquam ergo Apostolus interrogaretur, & diceretur ei, quare dixisti cum timore , & tremore ? horum verborum rationem reddit, dicens, Deus est enim, qui operatur in vobis : si enim timetis , tremitis , non extollimini, tamquam de vestris operibus bonis, quia Deus est, qui operatur in vobis . Idem confirmat, lib. de spir. & lit. cap. 2. initio & cap. 33. initio : de Civit. lib. 22. cap. 1. de Gratia Christi cap. 4. 5. 10. & 25. In questionibus super Exodum lib. 2. quæst. 167. Item in lib. cont. duas epist. Pelagianorum lib. 1. cap. 10. & 19. lib. 2. cap. 8. In Enchir. cap. 32. in lib. de Prædest. & Grat. cap. 11. in lib. de Bono Perseu. cap. 13. In his ergo , & in alijs pluribus locis S. Doctor eodem modo declarat dictum Pauli locum , in quibus omnibus exaltat gratiæ efficaciam ; per quam Deus dicitur operari bonum, idest, facit,*

Pluries
August.

cit , vt per eam humana voluntas operetur ; hæc ergo gratia , quæ facit nos facere bonum , est desideranda , & semper à Deo petenda : hæc dicenda est necessaria ad exequendum bonum , non alia , quæ non perducit ad executionem .

Et quia quo ad me de summa rei huius nunc agitur , non grauabor iterum referre , quæ in sepè cit. cap. 7. ex S. August. retuli de gratiæ efficacia circa opus bonum , circa perseuerantiam in eo , fugam peccati , & resistentiam ad tentationes ; Deus enim , ait S. Doctor , facit , vt faciamus , perseueremus , fugiamus , & resistamus , quæ meo videri clarissima sunt in epist. 107. quæ est ad Vitalem , dicit, *Deus gratia prauenit hominis voluntatem , nec eam in cuiusquam voluntate inuenit , sed facit , & vocatione alta , atque secreta , sic agit hominis sensum , vt legi , ac doctrinæ accomodet assensum .* In lib. 4. ad Bonif. cap. 6. ait . *Ita ne nondum enigmati , nondum auditis , faciam , vt ambuletis , faciam , vt obseruetis ; postremò faciam , vt faciatis . Quid adhuc vos inflatis ? nos quidem ambulamus verum est ; nos obseruamus , nos facimus ; sed ille facit , vt ambulemus , vt faciamus .* In lib. de Gratia , & lib. arb. cap. 16. inquit . *Certum est nos velle , cum volumus , sed ille facit , vt velimus bonum . Certum est nos facere , cum facimus ; sed ille facit , vt faciamus , præbendo vires efficacissimas voluntati , qui dicit , faciam , vt in iustificationibus meis ambuletis , & iudicia mea obseruetis , & faciatis .* In cap. 17. dicit , ipse , *vt velimus operatur incipiens , qui volentibus cooperatur perficiens .* In lib. de Corr. & Gratia cap. 12. dicit , *Tantum quippè Spiritu Sancto accenditur voluntas eorum , vt idè possunt , quia sic volunt ; idè sic volunt , quia Deus operatur , vt velint .* In epist. citata 107. expendens locum illum psal. 36

Alia multa
S. August.
loca de gra-
tiæ effica-
cia .

Ex locis S.
Scripte.

Apud Dominum gressus hominis diriguntur, & viam eius vult, dicit, à Domino gressus hominis diriguntur, vt intelligeremus ipsam voluntatem bonam, qua incipimus velle credere (quoniam Dei via quid est, nisi fides recta) illius esse donum, qui gressus nostros propterea dirigit primum, vt velimus: In lib. de Gratia & lib. arb. cap. 5. ait. Nisi donum Dei esset, etiam ipsa nostra ad Deum conuersio, non ei diceretur, Deus virtutum conuertere nos; & in Capite antecedenti dixerat. Contine te ipsum; & tamen non omnes capiunt verbum hoc, sed quibus datum est; quibus enim non est datum, aut nolunt, aut non implent, quod nolunt. Quibus autem datum, sic volunt, vt impleant, quod nolunt. Item in eodem Capite ait: Cum voluntas hominis conuertitur, & ei dicitur, noli vinci à malo, quid ei prodest, nisi gratia succurrente fiat? Quod ipse Apostolus secutus adiunxit. Nam cum dixisset, virtus peccati lex, continuò subiecit; Gratiarum autem Deo, qui dat nobis victoriam per Dominum nostrum Iesum Christum: Ergo, & victoria, qua peccatum vincitur, nihil aliud est, quàm Domini Dei iusto certamine adiuuantis liberum arbitrium: In epist. 105. dicit, Vita eterna, etiam ipsa gratia nuncupatur; non ob aliud, nisi quia gratia datur, non idè, quia meritis non datur; sed quia data sunt ipsa merita, quibus datur: intelligendum est igitur etiam ipsa hominis bona merita esse Dei munera, quibus, cum vita eterna redditur, quid nisi gratia pro gratia redditur? & proindè in lib. 14. de Trin. cap. 10. de hac gratia pro gratia explicans illud Psalmi, Dedit dona hominibus, ait, dona sunt merita nostra, quibus ad summum bonum immortalitatis, & beatitudinis peruenimus: id ergo præstat nobis gratia, seu Deus per gratiam; facit, inquam, vt per eam nos, quibus conceditur, in executione ponamus,

seu

S. August.
doctrina
clara super
ijs scrip-
turis.

Cur vita
eterna di-
citur gra-
tia.

seu faciamus opera bona conducētia ad salutem; quæ quidem, sine gratia numquam, nec faceremus, nec facere possemus. Hac ergo gratia indigemus, ut ea faciamus, alioquin, ait Augustinus, numquam faceremus.

300. Postremum argumentum, quod in *cap. 7.* adduxi ex S. Augustino de virtute, potentia, & efficacia gratiæ liberi arbitrij in ordine ad bona opera, deductum ex similitudine sessoris ad iumentum, quo ipse S. Doctor utitur in *Hippogonisticon. lib. 3.* inquit, quod sicut sessor equi v.g. dirigit, ac regulat equum, quod, quando, & quomodo vult, & equus paret sessori, magni momenti est pro præsentī negotio. Legi potest in dicto Capite septimo; & iterum fortè referam in sequenti Capite: ista ergo gratia, quæ agat, regat, ac dirigat voluntatem, ex se ratione sensuum, inclinatum ad malum, ut ab eo declinet, ac faciat bonum, necessaria nobis est.

Similitudo
sessoris ad
equum.

301. Totum, quod hucusque dictum est, confirmari potest hoc argumento, meo videri, valido. Ad benè operandum, *sicut oportet*, est necessaria gratia: hæc propositio est de fide, ut in suo loco probatum est. Tunc sic: vel gratia hæc necessaria, est similis illi, quam habuit Adam innocens, & velut indifferens, & subdita voluntati, ut si velit ea utatur, & bonum faciat, ac malum fugiat; & si nolit ea uti, bonum non faciat, nec malum fugiat: vel est illa, quæ sic delectat, afficitque voluntatem tali suauitate, ut faciat eam facere bonum per fidem cognitum, & inspiratum. Non videtur dici posse primum: igitur dicendum est secundum. Maior est à sufficienti diuisione; non enim datur medium, nec video medium aliquod à Catholicis Theologis defendi. Min. prob.

Argum. à
sufficienti
diuisione
concludēs.

primò, manifesta S. Augustini Doctrina, vt in prima conclusione . 2. *Ex Concil. Arauf. 2.* subscribente illa 25. decreta de gratia sibi præmissa à Romano Pontifice, vt idem Concilium testatur in cap. 1. Patet autem in cap. 6. hanc sententiam, seu hunc dicendi modum reijcere: sic enim habet. *Si quis sine gratia Dei credentibus, volentibus, desiderantibus, conantibus, laborantibus, vigilantibus, studentibus, petentibus, quærentibus, pulsantibus nobis, misericordiam dicit conferri; non autem diuinitus, vt credamus, velimus, vel hæc omnia, sicut oportet, agere valeamus, per infusionem, & inspirationem Sancti Spiritus in nobis fieri confitetur, aut humilitati, aut obedientiæ humanæ subiungit (aliàs subigit) gratiæ adiutorium; nec vt obediens, & humillimus ipsius gratiæ donum esse consentit; resistit Apostolo dicenti 1. Cor. 4. Quid habes, quod non accepisti? & gratia Dei sum id, quod sum: & sic voluntas subijcitur gratiæ, non gratia voluntati. 3. ex doctrina, ac factis ipsius Apostoli à Deo electi ad docendum vniuersum Mundum; quem quidem a Deo protectum, & diuinæ gratiæ auxilijs sussultum, fuisse, nemo inficiabitur: & tamen confitetur, se imparem, ac impotentem ad resistendum legi membrorum, idest, concupiscentijs, à quibusangebatur, ita quòd non faceret bonum, quod vellet, sed malum, quod nollet: verùm à gratia obtineret liberationem ab eiusmodi miseria, & sic bonum faceret. Verba illius hæc sunt ad Rom. 7. 18. Scio enim, quia non habitat in me, hoc est in carne mea, bonum. Nam velle adiacet mihi, perficere autem bonum non inuenio. Non enim, quod volo bonum, hoc facio, sed quod nolo malum, hoc ago. Si autem quod nolo illud facio; iam non ego operor illud, sed quod habitat in me peccatum. Inuenio igitur legem,*

Ex Concil.
Arauf. 2.

Ex dictis,
& factis
Pauli arg.

gem, volenti mihi facere bonum, quoniam mihi malum adiacet. Condelector enim legi Dei secundum interiorem hominem. Video autem aliam legem in membris meis repugnantem legi mentis meae, & captiuantem me in lege peccati, quae est in membris meis. Infelix ego homo, quis me liberabit de corpore mortis huius? Gratia Dei per Iesum Christum Dominum nostrum. Igitur ego ipse mente seruo legi Dei; carne autem legi peccati. Conficitur ergo, quod bonum legis cognoscebat, & volebat facere. Hec est gratia praeueniens, quae illuminat ad cognoscendum bonum, & inspirat ad volendum. At dicit, quod perficere non habebat propter repugnantiam legis membrorum, id est, concupiscentiae. At non dicit se liberare ab hac difficultate per suam voluntatem videntem illis auxilijs illuminationis, & inspirationis; sed à gratia Dei per Christum, id est, à gratia efficaci superante difficultatem, & operante in voluntate, & cooperante cum illa, ut bonum faceret.

302. Confirmatur ex alijs factis, & confessionibus ipsiusmet Pauli, nam 1. Cor. 15. 9. de se ait. Persecutus sum Ecclesiam Dei. Gratia autem Dei sum id, quod sum. 2. ad Gal. 1. 13. Supra modum persequabar Ecclesiam Dei, & expugnabam illam, &c. Cum autem placuit ei, qui me segregauit ex utero matris meae, & vocauit me per gratiam, ut reuelaret filium suum in me, &c. Interl. vocauit, inquit, de mala via ad bonam: qualis autem fuerit vocatio Pauli, quantaeque efficaciae, iam notum est. De gratia resistendi tentationibus sibi occurrentibus, loquitur in secunda ad Cor. 12. 7. Ne magnitudo reuelationum extollat me, datus est mihi stimulus carnis meae, Angelus Sathanae, qui me colaphizet. Propter quod ter Dominum rogaui, ut

Confessio
Pauli super
hac re.

Repugnā-
tia facien-
di opus bo-
num.

Arg. ex fa-
ctis, & con-
fessionibus
eiusdem
Apostoli.

De gratia
vocationis.

Et de gratia resistenti concupiscentie.

discederet à me; & dixit mihi, sufficit tibi gratia mea; nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi. Sciebat Paulus, Deum dare homini vires ad resistendum tentationibus: cur ergo illis non utebatur, sed petebat maiores vires? Dicendum, quòd petebat gratiam potentiorē, quę daret resistentiam; de qua fuit à Deo redditus certus, & securus, per ea verba, *sufficit tibi gratia mea*, illa scilicet, quę facit te superiorem tentationi: de qua certificatus, amplius non timet, sed ait: *libenter igitur gloriabor in infirmitatibus meis, ut inhabitet in me virtus Christi*, idest gratia illa, quę facit me superare tentationes.

Conclusio evidens.

Cum igitur gratia illa, quę asseritur indifferens, & dimissa voluntati, ut ea utatur, si velit, non facit facere opus bonum; quia nec in Adamo sano, & sancto id fecit; non ista, sed alia potentior, & efficax, illa scilicet S. Augustini, dicenda est ad faciendum opus bonum, *sicut oportet*, necessaria.

C A P V T XIV.

An Gratia ista faciens facere, præiudicet libero arbitrio.

303. **A** Du. 1. & suppono idem esse liberum arbitrium humanum, ac humanam voluntatem liberam: notat autem S. Augustinus in lib. 3. Hippognosticon, dici *arbitrium*, ab *arbitrando* rationali consideratione; vel discernendo quid eligat, quidue recuset; & liberum, quia in sua positum est potestate, ut faciat, quod vult. Quòd verò in homine in statu naturæ lapsę adsit volun-

Libenum arbitrium, unde dictum.

voluntas cum hac libertate, seu liberum arbitrium licet debilitatum, seu attenuatum, mox probabitur.

304. Adu. 2. & suppono cum eodem S. Doctore in *lib. de Corrupt. & Gratia cap. 13.* & alibi sæpè, quòd libertas hominis, quædam est à seruitute peccati; quædam est naturalis: de prima dicit Saluator Ioan. 8. 14. *Qui facit peccatum seruus est peccati*; & ideò, qui sine peccato reperitur, liber est iustitiæ: naturalis verò libertas est illa, qua potest homo facere, quod vult, siue bonum, siue malum, siue hoc, vel illud bonum, vel malum: de qua libertate dixit Deus ad Cain Gen. 4. 7. *Nonne si bene egeris recipies; sin autem malè, statim in foribus peccatum aderit. Sed sub te erit appetitus eius, & tu dominaberis illius*: & de qua Ecclesiastici 15. 14. dicitur. *Deus ab initio constituit hominem, & reliquit eum in manu consilij sui. Adiocit mandata, & præcepta sua. Si volueris mandata seruare, seruabunt te, & in perpetuum fidem placitam facere. Apposuit tibi aquam, & ignem, ad quod volueris porrige manum tuam; ante hominem vita, & mors, bonum, & malum, quod placuerit dabitur illi.* De hac libertate querimus, an legetur per gratiam inducentem liberam voluntatem ad faciendum bonum, ac ad vitandum malum, & facientem eam facere, seu exequi, sicut hucusque cum S. Augustino dictum est.

305. Adu. 3. & suppono cum Fide Catholica contra Lutherum, & Caluinum, liberum hominis arbitrium non esse titulum sine re, nec, quod ipsi phanaticè dicebant, fuisse extinctum in Adamo: sed esse veram, ac realem rem in homine existentem, potestatem scilicet faciendi hoc, vel illud bonum, vel malum: quæ quidem veritas non

Libertas duplex, quædam à seruitute, quædam naturalis.

De secunda est nunc questio,

liberum
arbitrium
operitur
in homine.

In Concil.
Trid. & an-
te decem
secula fuit
definitum,
inimò in
principio
Ecclesię.

non est nouiter tradita, aut in solo Concilio Tri-
dantino (quod sufficeret) declarata, nempe in
sess. 6. can. 5. & 6. in quorum primo damnatur,
vt hæresis, dicere, quòd per Adæ peccatum fuerit
extinctum; & in 2. damnatur pariter, vt hæresis,
dicere, quòd non sit in potestate hominis facere
vias suas bonas, vel malas: sed veritas existen-
tię liberi arbitrij in homine est antiqua, & perpe-
tua in Ecclesia, nec vmquam interrupta eius no-
titia. Nam ante Concilium Tridentinum defi-
niuerat Leo X. *Constit. 40.* Exurge, &c. & Con-
cil. Senonense; in sexto Ecclesię sæculo fuerat
definitum à *Concil. Araus. 2. cap. 13.* iuxta præfina-
tionem *Falicii 4.* qui ad Concilium illud (vt hoc
initio fatetur) Capitula illa viginquinque trans-
miserat subscribenda. In sæculo præcedenti anno
scilicet 415. fuerat decisum in Concilio Diospo-
litano. Ante omnia hæc tempora id definierat
Clemens I. *in epist. 3.* & S. August. liberi arbitrij
existentiam in homine neruose probat; primò in
tribus libris de libero arbitrio continentibus ca-
pita 61. Secundò in *libro de Gratia, & libero ar-
bitrio* continente capita 24. Tertiò in *libro de Na-
tura, & Gratia* continente capita 70. & in multis
alijs libris, vt de *Prædestinatione Sanctorum*, de
Corrupt. & Gratia, & alibi sparsim.

Per Adæ
peccatum
fuit debi-
litarum.

306. Verum est, quòd tam S. Augustinus,
quàm præfata Concilia docuerunt, quòd per A-
dæ peccatum liberum arbitrium humanum circa
malum remanserit quidem vigorosum, sicut
prius: at circa bonum remanserit debilitatum:
& Concil. Araus. 2. dicit *Attenuatum*, quo voca-
bulo Concilium Tridentinum vsum est in *sess. 6.
cap. 1.* dicens remansisse *attenuatum, & inclinatum*.
Proindèque docent indigere gratia, seu diuino
auxi-

auxilio, vt subleuetur, & fortificetur ad superandas passionēs concupiscētiæ, & irascibilis, & bonum opus efficiat; quod de fide esse docuimus in c. 9. Ex hac ergo necessitate gratiæ ad operandum bonum, cūm dixerimus, authore S. Augustino, quod gratia ista debet esse talis naturæ, vt trahat liberum arbitrium ad faciendum bonum, & faciat facere bonum; oritur præsens quæstio, an, per hanc tractionem, liberum arbitrium lēdatur, idest necessitetur, vel aliquid de sua libertate, deperdat.

307. Adu. 4. ex Doctore Gratiæ S. August. in libro de Gratia, & libero arbitrio cap. 1. quod non ita defendendum est liberum arbitrium in ordine ad bonum, vt negetur gratia, vt fecit Pelagius, quasi ad Deum sine ea vocemur, vel à malis meritis sine ea liberemur, vel sine eadem bona merita comparemus, quibus ad vitam æternam perueniamus. Neque ita defendenda est gratia, vt negetur liberum arbitrium, sicut Calvinus, & sicut Monachi Aduerſarij olim putabant, quasi defendentes alterutrum negarent alterum; sed vtrumque conciliari debet. Quæ de re illum librum composuit, vt ostenderet, ad opus bonum gratiam, & liberum arbitrium, nedum non lēsa, sed instaurata libertate, concurrere.

308. Dico 1. Gratia efficax, seu faciens facere opus bonum (quam docet S. Augustinus, vt hucusque dictum est) non infert libero arbitrio violentiam, seu coactionem: est de fide.

309. Prob. 1. pars generali principio S. Augustini de Cinit. lib. 7. cap. 30. dicentis, Res, quas Deus condidit sic gubernat, ac regit, vt motus suos agere sinat. Ergo sinit liberum arbitrium in quocumque statu, præsertim eleuationis ad superna-

Non ita de
fendenda
gratia, vt
negetur li-
berum ar-
bitrium,
nec è con-
tra.

Gratia effi-
cax S. Aug.
non lēdit
liberum
arbitrium.

464 DE GRATIIS ACTVALIBVS, &c.
turalia, agere liberè, ac spontaneè sine vlla violentia, aut coactione. 2. ex alio principio eiusdem S. Doctoris, *aut voluntas non est, aut libera dicenda est*. Dum autem in operatione boni cum auxilio gratiæ efficacis elicit actum, voluntas est; ergo libera est.

Quod non
inferat uio-
lentiam.

310. Prob. 2. Si coactionem, aut violentiam inferret libero arbitrio gratia hæc efficax, opus bonum ex coacta, ac violentata voluntate emanans esset violentum. Sed hoc est falsum; primò quia ex Philosopho, *Violentum est illud, cuius principium est extra non conferente vim passo*, idest, non conferente inclinationem. Sed opus bonum elicitedum à voluntate prædita, & adiuta gratia, non est à principio extra, sed à principio interno; & passum, idest, voluntas, in qua reciperetur opus bonum, quod est immanens, inclinata est ad illud recipiendum, & multum in eo delectatur, & gustat eius dulcedinem, *Gustate*, inquit David, *& videte, quoniam suavis est Dominus*. 2. quia Deus exigit tunc actum voluntatis, nam Prou. 23. 26. dicit, *Fili præbe mihi cor tuum*, & in vtroque Testamento præcipit, *Diliges Dominum Deum tuum ex toto corde tuo, ita & proximum tuum, sicut teipsum*; & alia mandata, quæ opera per gratiam fiunt: igitur non violentat per gratiam. 3. Quia sequitur, quòd perseverans in bono, seu iustitia ex Dei dono esset in statu violento; idemque sequeretur de confirmatis in gratia: hi enim omnes ex gratiæ dono id haberent; quæ maxima absurda sunt, immò veriùs fatuitates dementium.

Ex S. Scrip.

Ex Glos.
probatur.

311. Confirmari potest ex Glos. ord. in cap. 6. Ioann. in locum illum, *Nemo venit ad me, nisi Pater meus, qui misit me traxerit eum: verbo tra-*
xerit

xerit, ait. *Traſtio hæc non eſt violentiæ, nec neceſſitatis, nec inuiti: ſed eſt voluntatis, & deſiderij; unde dicitur trahit ſua quemque voluptas: & ſequitur. Si ergo in his, in quibus non eſt vera dilectio trahitur homo amore, & deſiderio, quânto magis trahitur aliquis vehementi delectatione, cui Pater reuelat panem, qui eſt vita, & beatitudo, & omne bonum: in quo commendatur magna gratia: Hæc Gloſ. Commentarium S. Auguſtini ſuper hunc locum, aliàs à me adductum, iterum infra adducam loquens de modo, quo gratia facit, vt voluntas faciat bonum: neque de hoc eſt difficultas, ſi Caluinum excipias, qui blaſphemauit, Deum vim inferre homini, vt peccet; at hoc non dicit de opere bono, ſed ſolùm, quòd gratia neceſſitatem infert voluntati, vt operetur bonum. Contra quem*

312. Dico 2. Gratia efficax, quæ ſcilicet ſecundùm Auguſtinum facit infallibiliter facere opus bonum, non infert neceſſitatem phſicam, ſeu naturalem voluntati, nec lædit eius libertatem: eſt de fide.

313. Prob. 1. argumento, quo vtitur S. Auguſt. in lib. de Gratia, & libero arbitrio cap. 2. in quo demonſtrat in homine adimpleturo præcepta (quod ex ipſo, & ex fide fit per gratiam) ad eſſe liberum arbitrium, & per illud impleri; hoc enim ab homine exigit Deus, vt velit implere: & loca plura ex S. Scriptura adducit. Eccleſiaſtici 15. dicitur. *Deus ab initio fecit hominem, & reliquit eum in manu conſilij ſui. Si volueris conſeruabis mandata, & fidem placitam ſeruare. Apponet tibi ignem, & aquam, ad quodcumque volueris extendere manum tuam. In conſpectu hominis vita, & mors, & quodcumque placuerit, dabitur ei: Ecce* ait Auguſtinus, *apertiffimè videmus expreſſum libe-*

Calvinus
impie lo-
quens.

Gratia ef-
ficax non
infert ne-
ceſſitatem.

Libere ho-
mo implet
præcepta.

Ex Sacra-
Scriptura.

Ex Augusti-
multa Scri-
pturę loca
indicantia
libertatem

rum humane voluntatis arbitrium. Quid beatus il-
le de quo psalmus dicit, quod in lege Domini fuit vo-
luntas eius? Nonne satis indicat voluntate sua ho-
minem in lege Dei consistere? Deinde tam multa man-
data, quę ipsam quodammodò nominatim conueniunt
voluntatem, sicut est. Noli vinci à malo. Noli
te fieri sicut equus, & mulus, in quibus non est in-
tellectus. Noli repellere consilia matris tuę. No-
li esse sapiens apud te metipsum. Noli deficere à di-
sciplina Domini. Noli negligere legem. Noli ab-
stinere benefacere egentibus. Noli fabricare in amicum
tuum mala. Noluit intelligere, vt benè ageret: &
innumerabilia alia in veteribus libris diuinorum elo-
quiorum, quid ostendunt nisi liberum arbitrium vo-
luntatis humanę? In libris etiam nouis Euangelicis,
& Apostolicis, quid aliud ostenditur, vbi dicitur,
Nolite vobis condere Thesuros in terra, nolite time-
re eos, qui occidunt corpus; Qui vult venire post me
abneget semetipsum: & pax in terra hominibus bonę
voluntatis. Et refert alia plura ex Epistolis Pau-
li, Iacobi, & Ioannis: & concludit. Vbi dicitur
noli hoc, & noli illud; & vbi aliquid faciendum,
vel non faciendum in diuinis monitis, opus volunta-
tis exigitur, satis liberum demonstratur arbitriū. Nemo
ergo Deum iudicet in corde suo, sed sibi imputet quis-
que, cum peccat. Neque cum aliquid secundum
Deum operatur, alienet hoc à propria voluntate,
Quando enim volens facit; tunc dicendum est opus
bonum; tunc speranda est merces boni operis ab eo, à
quo dictum est, reddet unicuique secundum opera sua.
Cum ergo ista opera fieri nequeant sine diuina
gratia, quę facit ea facere; & tamen voluntas li-
berè ea facit; manifestè sequitur, quod à gratia
non necessitatur, sed liberè, ac voluntariè fa-
ciat.

Conclusio
clara de li-
bertate vo-
luntatis.

Con-

314. Confirmatur ex eodem S. August. lib. 3. de libero arbitrio cap. 4. ubi in Dialogo cum Euodio de libertate humana absque necessitate operante, non obstante, quod Deus, & præsciat actus liberos ab ea fiendos, & actuali cum ea concursu adsit quando eos elicit; concludit S. Doctor, quod semper libera est; & si necessariò operaretur, nec libera, nec voluntas esset; ergo per gratiam non necessitatur.

315. Prob. 2. ex multis S. August. dictis super hoc puncto, quod scilicet voluntas per gratiam, quam ipse docet ex se efficacem, non patiatur necessitatem: ex libro de spiritu, & litera cap. 30. *liberum arbitrium per gratiam non euacuatur, sed statuitur, & sanatur; ut per eam liberè diligit bonum; quia ubi spiritus, ibi libertas*: in lib. 2. contra epist. Petil. cap. 84. *liberum arbitrium non læditur per hoc, quod Deus per gratiam trahit homines ad filium*: In lib. 2. de pecc. mer. & remis. cap. 5. *liberum arbitrium cum gratia spontè concurrit ad opus bonum*. In lib. de Gratia, & lib. arb. cap. 20. *Per gratiam liberum arbitrium non tollitur; sed de malo mutatur in bonum*. In lib. 1. contra duas Epist. Pelagianorum cap. 19. *Gratia trahit ad Christum, & in cap. 20. Gratia conuertit cor efficacissimè, & non læditur liberum arbitrium*. In lib. 2. cap. 8. *Gratia facit, ut homo non sit inuitus, nec repugnans legi, & tamen arbitrium non læditur*. De Nuptijs, & concupiscentia lib. 1. cap. 30. *Gratia facit, ut homo condelectetur legi Dei secundum interiorem hominem*: lib. de Spirit. & lit. cap. 34. *Deus operatur in nobis ipsum velle bonum, sed consentire, voluntatis est*. At in cap. 3. dixerat, quod hoc modo Deus per gratiam iuuat liberum arbitrium, & cum eo concurrit. Accipit homo Spiritum Sanctum, quo fit in

Præscientia Dei non officit libero arbitrio.

Ex August. locis.

Multa S. Augustini loca.

eo delectatio, dilectioque summi, & incommutabilis boni; & sic inardeat inherere Creatori, & inflammetur accedere ad participationem veri luminis: & nisi delectet non agitur, non suscipitur, non bene vivitur. Lib. 2. de pecc. mer. & remis. cap. 18. ait. Gratia non ita sunt omnia tribuenda, ut auferatur liberum arbitrium; nec libero arbitrio sine gratia sunt omnia tribuenda, ne ingrati videamur: & in cap. 5. dixerat, Deum per gratiam concurrere cum voluntate ad bonum, sponte concurrente efficacia voluntatis. In lib. de spir. & lit. cap. 35. Gratia sanat liberum arbitrium, ita ut cognoscat bonum, & delectet. Lib. 2. cont. duas epist. Pelag. cap. 18. Deus per gratiam facit, ut homo faciat; & preparatur voluntas à Domino. Lib. de Grat. & lib. arb. cap. 14. liberum arbitrium pulsatur à gratia, ut velit consentire, & Deus auferit cor lapideum, & dat cor carneum. In cap. 15. ait. Deus precipit, ut serventur mandata, & fiant bona opera, & ipse dat gratiam, ut fieri possint, & tunc habet homo tantam voluntatem, quanta ei sufficit, ut impleat: & in cap. 16. dicit. Dat vires efficacissimas, ut impleat, quod multis Scripturæ locis probat: in cap. 17. ait. Ut velimus, Deus sine nobis operatur. Cum autem volumus, & sic volumus, ut faciamus, nobiscum cooperatur.

315. Prob. ulterius. Tota ratio, cui innititur Calvinus, cur gratia ista faciens facere bonum, seu efficax S. Augustini videtur imponere necessitatem voluntati, est, quia sistit eam, ut non possit actum oppositum malum facere, & sic remanet determinata ad unum, quod est proprium agentis necessariò. Sed hæc ratio ex pluribus capitibus ruit, & nulla est; ergo. Min. prob. primò ex S. August. lib. 22. de Ciuit. cap. 30. in Beatis erit liberum arbitrium, licet peccare non possint:

im-

Aperta loca, quod per gratiam non ledatur liberum arbitrium.

Argum. à sufficienti.

immò erit magis liberum per hoc, quod peccare non possunt. Immò, in Deo etiam est, ait, liberum arbitrium, licet peccare non possit. Numquid perfectionem aliquam importat posse peccare? absit; immò maximam imperfectionem. Ideò, quamvis Saluator omnes humanas inculpatas misérias, naturalesq; assumpserit imperfectiones; non tamen assumpsit peccabilitatē. Licet igitur gratia faciens facere bonum impediatur tunc voluntatem, ne peccet, faciatque actum contrarium ei ad quem faciendum data est; non propterea liberum arbitrium læditur, vel imperfectionem aliquam incurrit; quoniam hæc gratia relinquit in homine libertatem ad posse peccare, ut docet Concilium Tridentinum.

316. Secundò prob. eadem minor sic. Voluntas prædita gratia illa faciente facere, seu efficaci, quantum est in se potest eam non sequi, sed maxima delectatione, ac suauitate (ut infra dicam) afficitur à gratia, ab eaque suauiter trahitur, sed cum sua libertate: & hæc est illa communis Scholasticorum Augustini sequacium distinctio de sensu diuiso, & composito, nempe considerata voluntate secundum se, & ut informata gratia actuali, & actualiter cum illa cooperante, at semper in utroque sensu libera confitenda est.

317. Addenda existimo quædam Augustini loca de libertate non læsa, immò instaurata à gratia faciente facere, seu efficaci. In epist. 89. ait. *Voluntas tantò erit liberior, quantò sanior; tantò autem sanior, quantò diuinæ gratiæ, misericordiæque subiectior.* In lib. 1. operis imperfecti, dignam Augustini inuenimus sententiam de necessitate voluntatis in benè agendo. *Intelligere debemus esse quamdam beatam necessitatem, qua Deus inui-*

Cur deter-
minatio ad
vnum non
tollit liber-
tatem.

1. ratio.

Loca S. Au.
gust. pro
libertate
voluntatis
cum gratia

stus esse non potest. Immo verò si necessitas dicenda est, qua necesse est aliquid, vel esse, vel fieri, beatissima ista omninò necessitas, quæ necesse est non mori, necesse est in deterius non mutari. Hac necessitate, si necessitas etiam ipsa dicenda est, non premuntur Sancti Angeli, sed fruuntur. Nec enim dicere audeamus, Deum non voluntatem liberam habere, sed necessitatem iustitiæ, quia non potest velle peccare: optimè quidem. Quanta autem perfectio viatorum hominum esset, si essent in gratia confirmati, ita ut nec peccarent, nec possent peccare! Quis nam non cuperet hanc necessitatem semper benè operandi in via, ut posset in æternum fœliciter vivere, & frui in Patria! ò utinam. Ideò meritò ait S. Anselmus, ut refert S. Bonau. in 2. sent. dist. 7. q. de lib. arb. Potestas peccandi non est libertas, nec pars libertatis. Nullum ergo esset inconueniens, nullaque humanæ libertatis imperfectio, si gratia ita determinaret voluntatem; ut neque proximè, neque remotè, neque in sensu diuiso posset facere malū, bono ad quod se determinaret oppositum; & tamen, ut dixi secundum se, & in sensu diuiso potest, quia Concil. Trid. dicit voluntatem posse eam abijcere, si velit.

318. Tertiò prob. min. Tunc principium effectiuum determinatum ad vnum, necessariò agit in Scoti, &, ut puto, vera sententia, quando determinatum est illi principio intrinsecum essentialiter, ut v. g. intellectus respectu sui obiecti, & omnes sensus respectu suorum obiectorum, omnes enim propositis sibi obiectis in debita distantia, & non impediti, non possunt non tendere in sua obiecta. Voluntas autem intrinsecè libera est; gratia autem, quæ illi infunditur, licet ipsi inhereat tamquam forma subiecto; est tamen acci-

Quale determinati-
uum facit
necessitatē

accidens adiuvans eam ad bonum actum faciendum.

319. Quòd verò illa determinatio ad vnum proueniens à gratia non imponat naturalem, seu phisicam necessitatem operandi, prob. à fortiori. Potestas peccandi, & inclinatio ad peccatum est ita intrinseca homini, vt nisi à gratia iuuetur, peccaret; & tamen nemo nisi Calvinus dicit hominem à Deo necessitari ad peccandum; vel Manicheus aliquis dicit hominem fato compelli ad agendum malè, vel benè: Catholicus autem cum Sacra Scriptura, & Concilijs confitebitur *esse in hominis potestate facere vias suas bonas, vel malas*: bonas quidem cum adiutorio diuinæ gratiæ, malas verò propria voluntate: ergo si principium intrinsecum impellens voluntatem ad malum, eam non necessitat; multò minus principium extrinsecum alliciens, & delectans voluntatem, vt est, & facit gratia, dici potest necessitare voluntatem, eo quòd eam determinet ad solum bonum. Anteced. de principio intrinseco impellente ad solum malum, nisi à gratia iuuetur, prob. Per peccatum Adæ in vniuersum genus humanum transfusa est concupiscentia, quæ intrinseca est homini, & ab Apostolo appellatur peccatum; & tamen à Concilio Trid. dicitur sic, quia à peccato est, & ad peccatum inclinatur, de qua dicit Apostolus Rom. 7. *Video aliam legem in membris meis repugnantem legi mentis meæ, & captiuantem me in lege peccati, quæ est in membris meis*: & paulò ante dixerat. *Non enim quod volo bonum hoc ago; sed quod nolo malum illud facio*: & S. August. in lib. de spir. & lit. cap. 9. & in lib. 3. contra duas epist. Pelag. cap. 8. & alibi sæpè, docet, quòd liberum arbitrium captiuatum est, quia attenuatum, & debi-

Argum. ab opposito excludens necessitatem operandi.

Concupiscentia non necessitat ad malum.

Ergo nec
gratia ad
bonum.

Dato, ut nō
concesso,
quòd ad ho-
nūm sem-
per neces-
sitate, nul-
lum esset
malum fa-
cienti
bonum.

472 DE GRATIIS ACTVALIBVS, &c.
debilitatum, & non nisi ad peccandum valet; &
nisi Dei gratia adiuuetur ad bonum meritorium
non valet; vnde dolet de humana miseria, quòd
per lapsum Adæ, *succesit in homine peccandi
dura necessitas, non quia necessitetur volun-
tas, sed quia debilitata est*: sic in lib. de *Perfekt.
Iustitiæ* cap. 4. & in illo, & in tribus libris
de *libero arbitrio*, & in libro de *Gratia*, & *libero ar-
bitrio*, & in libro de *Corr. & Gratia*, & alibi, totus
est in probando, quòd homo liberè peccat; alio-
quin non posset ei imputari peccatum; quia, in-
quit, *peccatum aded est voluntarium, ut nullo modo
esset peccatum, nisi esset voluntarium*.

320. Si ergo inquam, hoc intrinsecum homi-
nis principium retrahens à bono, inclinans, & ca-
ptiuans voluntatem ad malum, & faciens etiam
exequi, nisi voluntas adiuuetur à gratia, non
infert necessitatem peccandi; quomodo gratia,
quæ retrahit voluntatem à peccato, estque acci-
dens, & extrinsecum comprincipium retrahens à
malo, & inclinans, & captiuans ad bonum re-
linquens in voluntate posse peccare, dici
poterit inferre necessitatem? Minimè verò. At
dato, & non concesso, quòd inferret necessita-
tem aliquam moralem faciendi bonum, & perse-
uerandi in bono vsque ad mortem, prosequendi
postea in Patria in bono perfectissimo, charitate
nempè consummata, quid mali tandem esset tali
facienti bonum? sed necessitatem non infert.

321. Adde. Confirmati in gratia, ut S. Ioann.
Baptista, & B. Virgo, ut tales sub Dei protectione
peccare non poterant; concursus enim Dei na-
turalem permittentem faciendi malum non habe-
bant, & tamen merebant, quia bona, & sancta
opera continuò exercebant; ac proindè liberè o-
pera-

perabantur ; meritum enim liberum opus esse debet . Sic ergo dicendum est de viris iustis operantibus bonum ex adiutorio gratiæ determinantis voluntatem ad bonum. Definitum enim nuper est per duas Apostolicas Constitutiones, quòd ad merendum, & demerendum non sufficit libertas à coactione , sed requiritur etiam libertas à necessitate .

322. Prob. tandem ex dicendis in Capite sequenti, quæ demonstrant, quòd gratia, quæ facit facere opus bonum, seu efficax, ex sui natura sub Dei decreto non solum excludit omnem vimbram violentiæ, ac necessitatis, & exigit arbitrij libertatem, eamque instaurat, ac confortat, sed etiam adducit voluntati delectationem operis faciendi, & suavitatem in faciendo; quod quidem verè, ac ingenuè libertatis, voluntarietatis, ac spontaneitatis euidens signum est .

Aliq̃ ratio.
nes ad pro-
bandam li-
bertatem,
in sequenti
capite ad-
ducuntur.

CAPVT XV.

Quomodo Gratia ista, seu Deus per eam, concurrat cum voluntate ad opus bonum.

323. **A**Du. I. hanc quoque quæstionem vrgerè Theologorum quorumcumq; intellectus, quomodo nempe gratia afficiat voluntatem, cum sit (vt postea dicam) qualitas quædam supernaturalis, ei phisicè, ac realiter inhærens; & cum ea concurrens ad actum: & honoris gratia non curabo discutere opiniones circa hoc, nec aliquam illarum iudicare audebo, quia dummodò saluem quouis modo libertatem, & efficaciam gratiæ, in suo statu eas relinquam: sed quia profiteor sequi in tota hac materia S. Gratiæ Doctorem

Difficilis
quæstio.

Protestatio
Authoris.

rem Augustinum, conabor ex eius libris, ac tractatibus (si Deus dederit, ut eius mentem bene capiam) resolutionem quaesiti pro viribus insinuare.

Actus ad
quos con-
currit grā-
tia.

324. Adu. 2. quod, ut aliàs dixi in c. 10. actus ad quos concurrat gratia adiuuans, seu efficax, ac faciens facere, sunt actus vocationis ad fidem, dispositionum ad eam usque ad iustificationem. loquendo de infidelibus, de fidelibus verò quomodocumque lapsis iidem actus quibus disponuntur ad penitentiam usque ad iustificationem: in iustis tandem omnes actus virtutum, obseruationis praeceptorum, consiliorum, & supererogationis facti, sicut oportet, ut ibi diximus: & querimus, quomodo gratia, seu Deus per eam faciat, ut voluntas eos actus efficiat: ideo

Cum dul-
cedine, de-
lectatione,
ac suauita-
te volunta-
tis concur-
rit.

325. Dico. Gratia efficax prius natura, seu tempore, quam cum voluntate libera concurrat, delectat illam, & nedum bonum, sed suauem, ac Deo placens, & utile illud ostendit, & inflammat ad volendum facere, & sic persuadendo dulciter, suauiter, ac delectabiliter, cum voluntate simultaneè facit opus bonum, propter quod datur.

Gratia vo-
luntas tra-
hitur, &
quomodo.

326. Prob. 1. ex S. Scripturæ locis. Ioann. 6. 44. *Nemo potest venire ad me, nisi Pater meus, qui misit me traxerit eum: Hæc est gratia veniendi ad fidem, de qua Apostolus dicebat de se, Misericordiam consecutus à Domino, ut sim fidelis, & alibi, me vocauit per gratiam suam.* Glos. ord. traxerit dicit. *Tractio hæc non est violentiæ, nec necessitatis, nec inuiti, sed est voluntatis, & desiderij; unde dicitur trahit sua quemque voluptas. Si ergo in his, in quibus non est vera dilectio trahitur homo amore, & desiderio, quanto magis trahitur aliquis vehemente delectatione, cui Pater reuelat panem, qui est vita, & beati-*

beatitudo, & omne bonum, in quo commendatur magna gratia: & quia Saluator addit rationem à Propheta Isaia prædictam, cur omnes tracti veniunt ad fidem, inquit, & scriptum est in Prophetis, & erunt omnes docibiles Dei, Glos. prosequitur: omnes Christianæ fidei erunt docibiles Dei, quia & si homines foris loquuntur; tamen Deus solus intus sensum aperit, intus instruit veritatis cognitione, & amore: Ecce quomodo Deus trahit ad faciendum bona opera; facit hominem docibilem, idest, persuasibilem cognitione veri boni, & illius amore.

327. S. August. in hunc Ioannis locum pluries dicit, delectatione, amore, & voluptate hominem trahi à Deo ad bonum: tract. 26. in Ioan. ait. *Non traheris, ora ut traharis: & post multa. Noli cogitare, te inuitum trahi; trahitur animus, & amore. Neque dicas quomodo voluntate credo si trahor? ego dico parum est voluntate, etiam voluptate. Quid est trahi voluntate? delectare in Domino, & dabit tibi petitiones cordis tui: est quedam voluptas cordis, cui panis dulcis est ille celestis. Porro, si Poeta dicere licuit, trahit sua quemque voluptas; non, necessitas, sed voluptas; non obligatio, sed delectatio; quanto fortius dicere debemus trahi hominem ad Christum; qui delectatur veritate, delectatur beatitudine, delectatur iustitia, delectatur sempiterna vita, quod totum est Christus: & post alia multa, ostendens, quod sicut sensus habent voluptates suas, & per eas trahuntur ad sua delectabilia, sic & animus, seu voluntas, inquit. Ramum viridem ostendis ovi, & trahis illam. Noces puero demonstrantur, & trahitur; & quod currit trahitur, amando trahitur, sine latione corporis trahitur, cordis vinculo trahitur. Si ergo ista, quæ inter delicias, & voluptates terrenas reuelantur amantibus, trahunt; quoniam verum est,*

S. August.
explicatio
illius loci.

Similitudo
trahendi
cum volup-
tate.

trahit sua quemque voluptas, quare non trahet reuelatus Christus à Patre? Quid enim fortius desiderat anima, quam veritatem? quo auidas fauces habere debet: unde optare, vt sanum sit intus palatum vera indicandi, nisi, vt manducet, & bibat sapientiam, iustitiam, veritatem, aeternitatem? &c. Idem confirmat in lib. 1. contra duas epist. Pelagianorum cap. 19. in fine, inquires. Homo trahitur miris modis, vt velit, ab illo, qui nouit intus in ipsis hominum cordibus operari; non vt homines, quod fieri non potest, nolentes credant; sed vt volentes ex nolentibus fiant: Deinde in cap. sequenti autoritatibus Sacra Scripturae probat, quod homines à Deo ad bonum faciendum, à malo recedentes trahuntur. His ergo suauibus, & dulcibus modis inflammando voluntates hominum, qui sibi placent, trahit ad benè operandum.

328. Prob. 2. ex Rom. 7. vbi Apostolus, vt sepe retuli narrans certamen hominis inter spiritum, & legem membrorum, seu concupiscentiam, à quo certamine continuo infelix homo angustia- tur, concludens per gratiam Dei superari, præ ceteris inquit. *Condelector enim legi Dei secundum interiorem hominem*: Interl. legi, ait: *volens, quod illa, & gaudens inuari ab ea*. S. August. expendens locum istum, tract. 41. in Ioannem, præ alijs dicit, *condelector, &c. Delectat me lex, delectat, quod iubet lex, delectat me ipsa iustitia*: Deus ergo per gratiam facit, vt opus legis, vel consilij delectet, & hoc modo trahit ad executionem.

329. Prob. ex Matth. 11. 30. *Tollite iugum meum super vos, &c. iugum enim meum suauis est, & onus meum leue*. Glos. ord. miratur de hoc dicto, quomodo suauis, si supra dicitur *arcta est via, quæ ducit ad vitam*: & respondet. *Arcta est initio, sed*

Deus per
gratiâ dul-
citer tra-
hit.

Ex alio S.
Scripturæ
loco.

Alius Scri-
pturæ lo-
cus.

tem-

temporis processu dilatatur dilectionis dulcedine. S. August. ser. 10. de Verb. Dom. inquit. *Quæ dura sunt laborantibus, eisdem mitescunt amantibus. Omnia seu, & immania prope nulla facit amor: alibi autem ait, Hunc amorem Deus inspirat, & super ijs Psal. verbis. Propter verba labiorum tuorum ego custodiui vias duras, August. ait. Dura sunt timori, non amor: ita in lib. de Natura, & Gratia cap. 69. & in lib. de Perf. iustitiæ, inquit. Laborant in Dei præceptis, qui ea, timendo, conantur implere; sed perfecta charitas foras mittit timorem, & facit præcepti sarcinam leuem, non solum non præmentem onere ponderum; verum etiam subleuantem vice pennarum. Hi autem sunt effectus gratiæ: ideo super illud psalm. 108. Quia suavis est misericordia tua, ait, hic gratiam commendat. Gratia si quidem Dei omnia opera, & si dura, & difficilia appareant, facit leuia, & suauia. Sic ergo voluntatem allicit, ac suadet, & persuadet, atque cum ea facit.*

330. Quia verò de hoc modo agendi gratiæ, nempe cum suauitate, ac delectatione voluntatis cui confertur, sæpissimè loquitur S. Augustinus explicans illud psal. *Dominus dabit suauitatem* (vt ipse legit) & *terra nostra dabit fructum suum*; placet aliqua saltem eius loca afferre, vt appareat, illius mentem esse, quòd gratia faciens facere, idest efficax, quamuis voluntatem ad vnum, nempe bonum faciendum, infallibiliter alliciat, & inclinet; id tamen non facit, nec vim inferendo, neque necessitando, vt in cap. præcedenti dictum est; sed delectationem, ac suauitatem inferendo, alliciendo, & quasi persuadendo, & moraliter inducendo: parcat lector, si multa, & si non omnia, congero loca. In lib. 2. de pecc. mer.

& re-

Dura per
gratiam fi-
unt dulcia.

Aliqua
August. lo-
ca, quòd
gratia fa-
cit dulcia
opera fa-
cienda, li-
cet dura
videantur.

& remifs. cap. 17. dicit. *Idem vnusquisque nostrum bonum opus suscipere, agere, implere nunc scit, nunc nescit, nunc delectatur, nunc non delectatur; vt nouerit, non suæ facultatis, sed diuini muneris esse, vel quod scit, vel quod delectatur: At sic ab elationis vanitate sanetur; & sciat quàm verè, non de terra illa, sed spiritualiter dictum est, Dominus dabit suauitatem, & terra nostra dabit fructum suum: & post multa dicit. Deum, bonum, idem etiam Sanctis suis, alicuius operis iusti aliquando non tribuere, vel certā scientiam, vel vittricem delectationem, vt cognoscant, non à seipsis, sed ab illo sibi esse lumen, vt illuminentur tenebræ eorum, & suauitatem, qua det fructum suum terra eorum: & quòd hanc suauitatem, ac scientiam Deus per gratiam conferat, subiungit. Cum autem ab illo illius adiutorium deprecamur ad faciendam, perficiendamque iustitiam, quid aliud deprecamur, quàm, vt aperiat quod latebat, & suauē faciat, quod non delectabat: quia, & hac ab illo esse deprecandum, eius gratia didicimus, cum antea lateret, eius gratia diligimus, cum antea delectaret.*

331. Idem S. Doctor in psalm. 118. multa dicit de hac suauitate, quam Deus per gratiam, concedit homini, vt operaretur bonum. At nota, quòd dum nos in vulgata legimus, bonitatem, ipse Sanctus legit suauitatem, & delectationem. Super illud. Bonitatem fecisti cum seruo tuo Domine, ait, Sic debemus intelligere suauitatem, vt Græci dicunt, vt in bonis spiritualibus deputetur. Propter hoc enim, eam, & bonitatem nostri appellare maluerunt. Nihil hic ergo aliud dictum existimo, suauitatem fecisti cum seruo tuo, nisi fecisti, vt me delectaret bonum. Quando enim delectat bonum; magnum Dei donum est. Quando autem bonum opus, quod lex

impe-

Cur Deus
aliquando
iustis non
dat istam
delectatio-
nem.

Multa de
suauitate
gratiæ loca

imperat sit timore pœnæ , non delectatione iustitiæ , cum Deus metuitur , non amatur , sit serviliter , non liberaliter : & super alium versum , Bonitatem , & scientiam , dicit , suavitatem , & eruditionem , & scientiam doce me , inquit , augere sibi ista poscit , & perfici . Nam utique , qui iam dixerat , suavitatem fecisti cum servo tuo , quomodo dicit , suavitatem doce me , nisi gratia magis , magisque abundet , vel innotescat dulcedine bonitatis : habebant enim fidem , qui dixerunt , adauge nobis fidem . Et super illum versum . Quam dulcia faucibus meis eloquia tua , super mel ori meo , dicit ; Hæc est illa suavitas , quam Deus dat , ut terra nostra det fructum suum , ut bonum verè benè , idest non mali carnalis formidin , sed boni spiritualis delectatione faciamus .

332. In lib. 2. ad Bonifac. cap. 9. inquit . Misericordia eius præueniet me , & ipse est , cui fideliter , veraciterque cantatur , quoniam præuenisti eum in benedictionibus dulcedinis : & quid hic aptius intelligitur , quàm ipsa de qua loquimur cupiditas boni ? Tunc enim bonum concupisci incipit , cum delectare incipit : & post aliqua . Idcò benedictio dulcedinis est gratia Dei , quasit in nobis , ut nos delectet , & cupiamus , hoc est , amemus , quod præcipit nobis , in qua si nos non præuenit Deus , non solùm non perficitur , sed nec inchoatur ex nobis .

333. In lib. de spir. & lit. cap. 3. inquit . Nos autem dicimus humanam voluntatem sic diuinitus adiuuari ad faciendam iustitiam , ut præterquod creatus est homo cum libero arbitrio voluntatis , præterque doctrinam , qua ei præcipitur quemadmodum vivere debeat , accipiat spiritum (idest gratiam) quo sibi in animo eius delectatio , dilectioque iustitiæ summi illius , atque incommutabilis boni , quod Deus est , etiam nunc , cum per fidem ambulans , non per speciem ,

Super di-
versos ps.
versus .

Alia plura
S. Aug. loca

Gratia dat
delectatio-
nem .

ciem, vt hoc ſibi veluti arrha data gratuiti muneris inardescat inherere Creatori, atque inflammetur accedere ad participationem illius veri luminis, vt ex illo ei bene ſit, à quo habet, vt ſit.

334. In eodem libro cap. 19. ait. *Per fidem confugiat (homo) ad miſericordiam Dei, vt det, quod iubet, atque inſpirata gratiæ ſuauitate per Spiritum Sanctum faciat plus delectare, quod præcipit, quam delectat, quod impedit.*

335. In lib. de Corr. & Gratia cap. 2. explicat vigorem gratiæ circa voluntatem, & modum ſuauem, quo agit, dicens. *Aguntur enim, vt agant, non vt ipſi nihil agant: & ad hoc eis oſtenditur, quid agere debeant; vt quando id agunt, ſicut agendum eſt, ideſt, cum dilectione, & delectatione, iuſtitie ſuauitatem, quam dedit Dominus, vt terra eorum daret fructum ſuum, accepiſſe ſe gaudeant.*

336. Idem S. Doct̃or in Pſalm. 84. in fine diſcurrens per multos virtutis actus, oſtendit, quomodò Deus per gratiam auertit homines à delectationibus ſenſualibus mortiferis per delectationes ſpirituales ſalubres, faciens nempe per eam delectare opera virtutum vitijs oppoſitarum, & inquit. *Conſitens illi peccata tua, mereberis ab illo delectationem, & ſuauitatem iuſtitie faciendæ. Dabit tibi, vt incipiat ſic delectare iuſtitia, quem primò delectabat iniquitas; vt qui primò gaudebas in ebrietate, gaudeas in ſobrietate; & qui primò gaudebas de furto, vt tolleres homini, quod non habebas, quæras donare non habenti, quod habebas; & quem delectabat rapere, delectet donare, quem delectabat ſpectare, delectet orare, quem delectabant cantica nugatoria, & adulteria, delectet hymnum dicere Deo, currere ad Eccleſiam, qui primò currebat ad theatrũ. Unde nata eſt iſta ſuauitas, niſi quia Dominus dabit ſua-*

Homo à gratia agitur, vt agat, cū delectatione.

Sic Deus auertit homines à delectationibus mortiferis.

suauitatem, & terram nostram dabit fructum suum. Ecce quomodo gratia, seu Deus per eam, facit, ut voluntas, quæ de se, vel indifferens manebat, vel inclinata ad malum aliquod, inspirata à Deo per gratiam, ostenso sibi per intellectum bono contrario eam delectante, auersa à mali delectatione, vult infallibiter obiectum illud bonum.

337. Idem S. Augustinus in psalm. 33. ait. *Intra cor tuum, & gaudebis tibi. Cum ibi ceperis gaudere, ipsa munditia cordis tui delectabit te, & faciet orare:* in homil. 29. cap. vlt. docet quomodo Deus per gratiam suam faciat nos operari bonum, dicens, *inspirando virtutem, dando menti tuæ calestem delectationem, qua omnis terrena delectatio superetur.*

338. Prob. vltteriùs eadem conclusio, quòd gratia, seu veriùs Deus per gratiam, inducat hominem ad operandum bonum, & faciat illud actu facere, inducens in eo, iam illuminato intellectu, notitiam veritatis, bonitatis, ac vtilitatis illius boni operis, & delectationem, ac suauitatem ipsius: ad quod concludendum S. Augustinus vtitur medio desumpto ex admirabili diuinæ sapiëntiæ modo operandi connaturali humanæ naturæ. Supponit enim primò; quòd omnis peccans ideò peccat, quia delectationem, gaudium, & suauitatem percipit, & gustat in quouis peccato: & licet res hæc notoria sit, & quilibet purus viator, concupiscentiæ tyrannidi subditus, hanc miseriam experiatur: tamen eam S. Doctor pluribus in locis probat, incipiens à primis parentibus, qui etiamsi concupiscentiæ miseriam adhuc non contraxissent; nihilominus ex delectatione pomi, & desiderio scientiæ boni, & mali peccarunt: ita in lib. 2. de Gen. cont. Manich. cap. 14. & de om-

Plura S. August. loca, quòd gratia facit delectari de obiecto bono.

Mirabilis modus Dei in hac operatione similis operationi naturalis hominis.

nibus alijs peccantibus omni peccatorum genere prosequitur probare, quòd ideò peccant, quia delectationem ex peccatis percipiunt; ita in *lib. 22. cont. Faustum cap. 18. in lib. 2. de Bapt. cap. 10. lib. 83. quæst. qu. 86.* & alibi sæpè. Vnum locum adducam per extensum, estque sermonis 6. de *Verb. Apost. cap. 1. Quidquid est peccatorum in dictis, in factis, in cogitationibus, non exoriuntur nisi ex mala cupiditate, nisi ex illicita delectatione, &c.* Supposita inquam hac inclinatione, & facilitate hominis ad peccandum ex mera cupiditate, ac delectatione, (ait S. Augustinus) Sapientissimus, Potentissimus, ac benignissimus Deus, vt hominem ad delectationes malas, ac terrenas deditum, ab illis auerteret, & ad bona opera virtutum vitijs illis còtraria per gratiam induceret, delectationes, ac suauitates spirituales, longè maiores, ac dulciores per gratiam voluntati hominis infundit, & sic illecta, & inflammata voluntas ad ea opera bona, siue præcepti, siue consilij, siue supererogationis prorumpit. Aliqua Augustini pro hac sententia afferam loca: in *lib. de continentia cap. 3.* ait. *Si lex factum præuicatorum, tamquam ad hoc grauius vulneratum, tamquam pedagogus perducit ad gratiam contra suauitatem noxiam, qua vincebat concupiscentia; Dominus dat suauitatem beneficam, qua delectetur amplius continentia, & terra nostra det fructum suum, quo pascitur miles, qui debellat, Deo iuuante, peccatum.* In *ser. 6. de verb. Apost. cap. 9.* inquit. *Delectat vxor aliena, & non annuis, mentem auertis, in secretarium mentis intras. Vides foris strepentem concupiscentiam; profers aduersus eam sententiam mundans conscientiam; nolo inquis, non facio: puta quia delectat, non facio; habeo, cui condelecter. Condelector enim legi Dei,*
secun-

Omne peccatum ob delectationem fit.

Ab opposito Deus facit, vt opera bona delectent.

secundum interiorem hominem . Quid tu de carne tua tumultuaris ? quid delectationes stultas, temporales, fluxas, vanas, noxias, tumultuosè sugcris, & eas quasi garula mihi narras . Narrauerunt mihi iniuste delectationes : inde est ista concupiscentia . Narrat mihi delectationes, sed non vt lex tua Domine . Condelector enim legi Dei , non de me , sed de gratia Dei .

Aliqua August. loca .

339. Idem habet in ser. 17. cap. 1. de verb. Apost. *Præ omnibus voluptatibus , hoc est delectationibus , etiam licitis, amanda iustitia . Si enim habes sensus interiores, omnes illi delectantur delectatione iustitiæ : & post aliqua , interroget vtrum sic delectet iustitia, vt cæteris ad hos sensus corporis pertinentibus delectationibus anteponiatur ? ecce delectat te aurum tuum : oculos tuos delectat ; metallum pulchrum, fulgentissimum delectat, &c. Decertant in te due delectationes : modò interrogo te, quid propones, quid plus delectat, aurum, an veritas ; aurum, an verum testimonium ? & post plura , longum est per singulos corporis sensus excurrere: sed quod de oculis dixi; hoc de cæteris intelligite , & proponite delectationi carnis delectationem mentis . Carnem quippè vestram delectant illicitæ voluptates; mentem vestram delectet inuisibilis , pulchra, sancta , canora , dulcis iustitia . Vult per hoc S. Doctor insinuare Dei sapientiam, & misericordiam; qui vt miseros homines ad mala obiecta, malasque circa ea operationes ex delectatione concupiscentiæ propensos, ab eis auerteret, ac ad obiecta, & opera eis contraria conuerteret, atque traheret, vt Saluator dicit, per gratiam, maiorem, & nobiliorem delectationem voluntati inducentem, id facit: & sic nullus coactionis, aut necessitatis remanet scrupulus, cum voluntas ad bonum operandum à gra-*

Delectationes spirituales maiores sunt corporalibus .

Ijs vultur Deus circa nos .

484 DE GRATIIS ACTVALIBVS, &c.
tia determinatur, sed vera voluntarietas, & vera voluptas, ac delectatio in ea reperitur.

340. Confirmatur ex eodem S. Doctore pluribus alijs in locis hic sapientissimus Dei nobiscum agendi modus, cum gratiam nobis concedit, qua auerimur à malo, & facimus bonum; faciens per eam verè cognosci verum bonum, & ingerens delectationem, ac suauitatem, qua delectabiliter faciat: in lib. 2. de pecc. mer. & remis. cap. 17. ait: *Tanto enim quidque vehementius volumus, quanto certiùs, quam bonum sit, nouimus, eoque delectamur ardentius. Ignorantia igitur, & infirmitas vitia sunt, quæ impediunt voluntatem, ne moueamur ad faciendum opus bonum, vel ab opere malo abstineamus. Vt autem innotescat quod latebat, & suaue fiat quod non delectabat, Gratiæ Dei est, quæ hominum adiunat voluntates: & in cap. 19. apertiùs id exprimit dicens: Deum aliquando non tribuere, vel certam scientiam, vel victtricem delectationem, vt cognoscant, non à seipsis, sed ab illo sibi esse lumen, et suauitatem, qui dat fructum suum in terra eorù: & ibid. ait: Cum à Deo illius adiutorium deprecamur ad faciendâ, perficiendamq; iustitiâ quid aliud deprecamur, quam vt aperiat, quod latebat, & suaue faciat, quod non delectabat. Hoc ergo suauimodo benignissimus Pater per suam gratiam trahit hominum voluntates ad benè operandum.*

341. Immo cum tali suauitate, ac delectatione boni spiritualis, ac supernaturalis Deus homines, quos vult per gratiam, facit persenerare in bono, nedum vsque ad exitum ex hac vita, quia in psal. 15. habetur, *Delectationes in dextera tua vsque in finem*, sed etiam in Patria per charitatem consumatam replet animam suauitate, ac delectatione omnes alias delectationes temporales
supe-

Modus Dei
cooperan-
di nobiscum.

S. August.
locus.

superante. De perseverantibus loquitur S. August. in lib. de Corr. & Gratia cap. 8. inquit. *Voluntas humana non libertate consequitur gratiam, sed potius gratia consequitur libertatem* (idest à servitute peccati) *& ut perseveret, delectabilem perpetuitatem, & insuperabilem fortitudinem.* Perseverantia enim in bono, est continua Dei protectio per gratiam, quod filij Dei, ac electi continuo experiuntur. De suavitatem, ac delectatione in Patria, qua per gratiam, atque consumatam charitatem Beati afficiuntur, S. Gregorius Magnus homil. 17. in Euang. ait. *Quæ autem lingua dicere, vel quis intellectus capere sufficit illa supernæ civitatis quanta sint gaudia. Angelorum Choris interesse, cum beatissimis spiritibus gloriæ conditori assistere; præsentem Dei vultum cernere, incircumscriptum lumen videre, nullo mortis metu affici; incorruptionis perpetuæ munere letari: omnes ergo actus beatifici, in gaudio, dulcedine, suavitatem, ac delectatione perficiuntur: & S. Augustinus in lib. 22. de Civit. cap. 30. docet singulare beneficium, atque gratiam, seu donum beatorum, esse delectationem, quod peccare amplius non possint, inquit. Nec ideo liberum arbitrium non habebunt, quia peccata eos delectare non poterunt, magis quippe erit liberum à delectatione peccandi vsque ad delectationem non peccandi indeclinabilem liberatum: & in lib. 4. cont. Iul. cap. 3. de illa suavi delectatione Patriæ, inquit. *Tanta satiabitur visione, & tanta inflammabitur charitate superioris boni, ac ad seipsum sibi placendo deficere ab illius dilectione non possit.* In lib. 9. de Civ. cap. 22. de Beatis Angelis dicit. *Illis Dei qua santificantur charitas cara est, præ cuius non tantum incorporali, verum etiam ines-
sibili, & incommutabili pulchritudine, cuius sancto**

In Patria
Beati, cum
delectatio.
ne amant
Deum.

Delectatio
maxima in
Beatis,
quòd pec-
care non
possint, &c.

Omnia cre-
ata delecta-
bilia despi-
ciunt.

amore inardescant, omnia quæ infra sunt, quod illud est, non sunt, seque ipsos inter illa contemunt, vt ex toto, quod boni sunt, eo bono, ex quo boni sunt, perfruantur. Quod confirmat in lib. 14. cap. 9. dicens. Vbi boni adepti amor immutabilis est; profectò si dici potest, mali cauendi timor securus est. Timoris quippe casti nomine, ea voluntas significata est, qua non necesse erit nolle peccare, & non sollicitudine infirmitatis, ne fortè peccemus, sed tranquillitate charitatis cauere peccatum: ex hoc autem modo agendi Dei, quem Deus exercet in Beatis, vt per gratiam, & charitatem faciat eis placere, ac delectare summum bonum, despiciant, & abhorreant alia omnia creata, licet delectabilia bona, existimo, quòd cum aliqua similitudine, vult inferre S. Augustinus, & ego cum eo, nisi fallor, quòd per suam gratiam sic operatur cum voluntate humana, vt omnia, quæ præcipit, vel consulit alicui, à quo vult, vt impleantur, ea reddit clara, vt cognoscatur eorum bonitas, ac veritas; & delectabilia, ac suauia, vt præferantur obiectis oppositis perniciosè delectabilibus, & hisce spre- tis, illa amentur, & amplectantur.

342. Quod totum comprobari potest ex factis plurium Sanctorum omnis conditionis: & primò ex factis Martirum: de quibus omnibus S. August. in lib. 18. de Ciuit. cap. 7. ait. Sed quando in abundantia gratiæ spiritus illius, qui vbi vult spirat, tantum Christum amare possent, vt cum tanto vitæ discrimine sub tanta spe veniæ negare non possent? Mors igitur pretiosa Sanctorum, quibus cum tanta gratia est præmissa, & prærogata mors Christi, vt ad eum acquirendum non cunctarentur suam impendere animam: & post. Mors ergo, non idèò bonum videri debet, quia in tantam vtilitatem, non vi
sua

sua , sed diuina opitulatione conuersa est , vt quæ tunc (in statu innocentia) metuenda proposita est , ne peccatum committeretur : nunc suscipienda proponitur , vt peccatum non committatur , commissumque deleatur ; magnæque victoriæ debita iustitiæ palma reddatur : & ad particularia descendendo ; de S. Stephano pleno gratia , & fortitudine , ex Act. 7. canit Ecclesia lapides torrentis illi dulces fuerunt . Mors ergo , quam pro Christo per lapidationem patiebatur , dulcior illi erat , quàm vita cum negatione Christi .

343. De Sancto Laurentio dicitur . *Cum in craticula superpositus vreretur , ad impiissimum Tyrannum dixit , Assatum est , iam versa , & manduca . Dolores despicit , temporalem vitam non curat , Tyrannum deridet præ dulcedine moriendi pro Christo . S. Andreas Apostolus , dum ad Crucem duceretur , dicebat ! O bona crux diu desiderata , sollicitè amata , sine intermissione quasita , & aliquando concupienti animo præparata ; accipe me ab hominibus , & redde me Magistro meo : & populus Andream faciliè liberasset , nisi ipse sedasset multitudinem , vehementius rogans , ne se ad optatissimam martirij coronam properantem impediret . Marcus , & Marcellianus fratres Romani ad stipitem alligati , pedibus clauis confixi , dicente iudice Fabiano , resipiscite miseri , & ab his cruciatibus vos eripite , responderunt . Numquam tam iucundè epulati sumus , quàm hac libenter Iesu Christi causa perferimus , in cuius amore nunc fixi esse capimus ; vitæ nam tamdiu nos hac pati sinat , quamdiu hoc corruptibili corpore vestiti erimus : &c. Alia plura ex Chronicis huius generis exempla adduci possunt , ex quibus luculenter patet , quòd in obseruantia præceptorum Deus concurrit cum gratia reddente*

Martirum
exempla.

Martires
cum spiri-
tuali dele-
tatione
terrena
spemnes
supplicia
sustinue-
runt.

te illam dulcem, suauem, delectabilem, & iucundam, etiam in cruciatibus.

Ex proprio
facto quis-
que potest
hoc expe-
riri.

344. Tandem quisque hominum, si verum, dicere vult, in se experitur, quod dum contra concupiscentiam, siue carnalem, siue aliam quamcumque operatur, cum difficultate quidem superat, sed in ea superanda delectatur, & gaudet: & vt aliqua pauca adducamus exempla vtriusque Testamenti: quomodo Abraham ætatis 99. annorum, Ismael filius 14. annorum, & Vernaculi (ideest serui in domo sua nati) ferè 400. consensissent in ea ætate se circumcidi, & grauem illum, dolorem sentire (vt notatur de Sichimitis à filiis Iacob occisis Gen. 34. 24.) nisi Deus cum sua gratia eis apparere, prius illuminando, & experiiri cooperando, fecisset suum præceptum, bonum, utile, suauem, ac delectabile? Quomodo idem Abraham in ætate 115. annorum consensisset præcepto Dei de immolando filio, & ipse Isaac filius annorum quindecim (cui ex Iosepho Hebreo Abraham manifestauit) consensisset, nisi Deus eodem modo facile, utile, ac suauem per suam gratiam eis apparere fecisset, & sic cum eis cooperando consensum de faciendo in vno, & patiendi in alio produxisset? licet Deus postea non perimiserit.

Abraham exemplum
in circum-
cisione sua,
& vernacu-
lorum.

Isaac im-
molando.

Exempla
Anachori-
tarum id
confirmant

345. Et quod de istis dictum est, dici potest de alijs sanctissimis viris, qui nedum in obseruantia præceptorum, sed & consiliorum, & asperrimis supererogationis operibus Deo seruierunt, *carnem suam crucifigentes cum vitijs, & concupiscentijs*, vt ait Paulus ad Gal. 5. 24. & vt dicit in cap. 11. 37. ad Hæbreos. *Alij ludibria, & verbera experti, insuper vincula, & carceres; lapidati sunt, scelti sunt, tentati sunt, in occisione gladij mortui sunt, circue-*

in melotis, in pellibus caprinis; egentes, angustii, afflicti; insolitudinibus errantes, in montibus, in speluncis, & in cauernis terræ; & tamen Paulus hæc scribens, adhuc Martirum sœuas non viderat persecutiones, tormenta, & mortes: quomodo autem potuissent fragiles, & infirmi homines, pueri, ac fœminæ libenter, & imperterritè hæc sufferre, nisi Deus per suam gratiam apprehendere fecisset hæc incommoda ipsis vtilia esse, & quòd in ijs perferendis delectationem, ac suauitatē fuissent experti? certè non potuit aliter esse. Ideò in eo loco promisit Paulus, hæc mala ipsos libenter tolerare, vt meliorem inuenirent resurrectionem.

346. Idem de alijs spontè ex semetipsis affligentibus se est dicendum; vt de S. Ioan. Baptista, de Paulo primo Eremita, de Antonio, de tot alijs Thebaidis, ac Nitriæ Anachoretis; de Simeone, ac Daniele Stilitis; de Marana, & Ciria inclusis, & Anachoretis fœminis; de Basilio, Benedicto, Dominico, Francisco, &c. eorumque asseclis, qui modum viuendi adeò arctum, & asperum, spontè, Deo illuminante, ac inspirante elegerunt; & per eandem Dei gratiam asperrima illa exercitia cum iucunditate, ac hilaritate imperturbabiliter perfecerunt: *Gustarunt enim, & viderunt, vt inquit Dauid, quàm suavis sit Dominus.* Sic ergo benignissimus Dominus, & amantissimus parens nobiscum operatur, cum præcepta, vel consilia, vel supererogatoria sunt adimplenda; facit enim veritatem boni apparere, inspirat, & inflammat, vt amplectatur, & delectationem, ac suauitatem in exequendo largitur: ipsi gloria in sæcula. Amen.

Exempla
Martirum

Exemplum
S. Io. Bapti-
stæ.
Pauli pri-
mi Eremi-
tæ.
Antonij Ab-
batis.
Danielis
& Simeo-
nis Stili-
tarum.
Marani, &
Ciriæ.
Basilij.
Benedicti.
Dominici.
Francisci,
&c.

CAPVT XVI.

*An Gratia ista faciens facere, seu efficax, detur
singulis hominibus, & semper.*

347. **A**Du. 1. nos hîc non loqui de gratia, quæ à Theologis dicitur *sufficiens*: nam de ea (licet in cap. 4. multa dixerimus) loquimur infra: sed loquimur de ea, quæ facit facere opus, habetque semper secum coniunctum opus principale, ad quod exequendum datur.

348. Adu. 2. in hoc quæsito duo proponi explicite; sed hæc duo alia plura secum trahunt, & omnia difficilima. Primum ergo quæritur, an omnes homines cuiuscumque Nationis, & Religionis, obtineant, obtinuerint, ac obtinebunt gratiam facientem facere, idest efficacem, pro obseruantia legis diuinæ, naturalis, vel positivæ, Mosaycæ pro tempore suo, ac Euangelicæ; & pro executione diuinorum consiliorum. 2. Cur non omnes eam obtinuerint, vel non obtineant, aut non obtinebunt. 3. Cur omnes saltem fideles non semper obtineant. 4. Cur saltem electi, seu prædestinati pro omni temporis momento, & pro omni actu bono, siue præcepti, siue consilij, siue supererogationis eam non obtineant; immò enormiter aliquando labantur, licet postea obtineant efficacem gratiam resipiscendi. De Gratia verò Perseuerantiæ, quæ singulari, ac speciali nomine appellatur donum Dei, loqui postea.

349. Adu. 3. Quod fortè non ita difficiles eua-
derent harum quæstionum solutiones, si teneretur, seu haberetur fundamentum clarum in Sacra

Scri-

Non est ser-
mo de suffi-
cienti.

Multa du-
bia hic cõ-
prehensa.

Scriptura, vel saltem in Sancto Augustino Doctore Gratia, tenendi illud sistema, quod Deus ab æterno decreuit dare omnibus, & singulis adultis, & pro omni vitæ tempore, & pro singulis actibus bonis faciendis in suis circumstantijs hæc, & nunc gratiam sufficientem ad benè operandum voluntati dimissam, sicut in Adamo; & quod præuiderit aliquos cum ea esse consensuros aliquando, & pro aliquibus actibus; alios pluries, & pro pluribus; alios numquam, & pro nullis: & propterea decreuisse, illis toties dare, alijs verò non; & ita posset concludi, cur illis, & non istis talis gratia datur; & quod illi, quibus datur, reddunt eam efficacem, sicut præuisi fuerant reddituri ex consensu præstando. Hoc autem supposito sistemate, puto, authores illud sequentes existimare, se posse facilius soluere omnes occurrentes difficultates, quæ nec paucæ, nec parvæ sunt. Hoc autem sistema, si detur, licet ego non impugnem, quia Ecclesia hucusque illud, cum omnibus suis sequelis permisit, & ego cum nemine disputo; tamen quia profiteor sequi S. Augustinum (quem video hoc sistema non sequi) item S. Thomam, & Scotum, qui in Augustino, & ut pro meo capto existimo, in Sacra Scriptura, & præcipuè in Apostoli Pauli dictis fundati sunt, alia incedo via, quamvis arctiori, & difficiliori. Si enim res ista præfati sistematis modo se habet, inquit Petrus Damiani, nullo negotio totum mysterium Prædestinationis ad gloriam, & gratiam, & Reprobationis, à singulis, etiam simplicibus perciperetur; neque Augustinus, neque Apostolus in ijs explicandis recurrissent ad mysteria abdita Dei, *O altitudo diuitiarum sapientiæ, & scientiæ Dei, quam incomprehensibilia sunt iudicia eius, & inue-*

Facilis esset solutio, si quodam sistema præscientiæ teneri posset.

Tale autem sistema author non sequitur, licet non impugnet.

fligabiles via eius ! Neque S. Petrus de Apostoli Pauli dictis loquens in epist. 2. cap. 3. 16. dixisset, Frater noster Paulus scripsit vobis, &c. in omnibus epistolis eius sunt quædam difficilia intellectu, quæ indotti, & instabiles deprauant. Vnum autem meo videri, ex arcanis, quæ docet Paulus in epist. ad Rom. 9. est hoc; Cuius vult miseretur, & quem vult, indurat: deindè obijcit sibi. Dicis itaque mihi. Quid adhuc queritur, nam voluntati eius quis resistit? & non respondet per supradictum sistema, quia præuidit homines non consensuros, &c. sed dicit. O homo tu quis es, qui respondeas Deo? numquid dici figmentum ei, qui se finxit, quid me fecisti sic? &c. vt ibi: & in cap. 11. iterum loquens de eiusmodi vocatis, & non vocatis; electis, & non electis, consecutis, & non consecutis misericordiam, non recurrit ad Dei præscientiam de consensibus præstandis, vel non præstandis suæ gratiæ: sed exclamat. O altitudo diuitiarum sapientiæ, & scientiæ Dei, quam incomprehensibilia sunt iudicia eius, & inuestigabiles viæ eius! Quis enim cognouit sensum Domini, aut quis consiliarius eius fuit? Ego igitur, quamuis difficultates utrobique agnoscam, malo tamen sequi vestigia Scoti, S. Thomæ, & cæterorum, qui S. Augustinum, per 13. ferè sæcula, duce Apostolo Paulo, sunt secuti, & ab Ecclesia explicitè laudati, quàm aliorum, quicumque sint. At quoniam gratia ista faciens facere, seu efficax necessaria est, primò pro uocatione efficaci ad fidem, & iustificationem primam; deindè etiam ad exequenda opera legis, & ad alias iustificationes post lapsus, & ad alia omnia opera bona, sicut oportet; singillatim, & breuiter dicam, an omnes, & singuli homines, ad singula præfata opera exequenda eam habuerint,

vel

Ob August.
& Pauli di
ctis, Author
non sequi-
tur illud
sistema.

In quibus
actibus est
necessaria
gratia effi-
cax.

vel habeant. Postea in sequenti Capite discutie-
mus, quomodo poterimus, motiua, ob quæ eam
non obtineant: ideò

350. Dico 1. Nec omnes, nec singuli homi-
nes, cuiuscumque Nationis fuerint, ante Christi ad-
uentum obtinuerunt gratiam efficacem vocatio-
nis ad veram fidem.

351. Probari facilè potest à posteriori, dis-
currendo per libros Sacræ Scripturæ, & per anna-
les, quos multi confecerunt; & præ cæteris erudi-
tissimus Iacobus Salius Iesuita incipiens ab o-
rigine mundi, & prosequens vsque ad Christi as-
censionem in Cælum. Patet autem ex Sacra
Scriptura, quòd post diluuium (quidquid fuerit
antea) post Nembrot, opera Nini filij cæpit Ido-
latría, & persecuta est in Oriente, & Occidente,
& in omnibus mundi partibus. Omnes ergo Ido-
latræ illi caruerunt gratia efficaci vocationis ad
veram Dei fidem (an verò habuerint sufficien-
tem, dicam postea.) Omnes ergo qui in Gentilita-
te, ac Idolatriæ Religione nati, ac mortui sunt,
ea efficaci vocationis gratia caruerunt. Qui au-
tem, & quot fuerunt, in scientia Dei sunt, & in
Patria, si Deo placebit, sciemus.

352. Dico 2. Neque omnes, aut singuli ho-
mines, qui post Christi aduentum hucusque fue-
runt, ac decesserunt, gratiam efficacem vocatio-
nis ad veram fidem obtinuerunt.

353. Probari potest eodem modo ex Chro-
nicis Ecclesiasticis, & à posteriori. Non omnes
Nationes, nec singuli alicuius Nationis homines
Christi fidem receperunt, & ad Baptismum vene-
runt; sed in sua perfidia, & falsa Religione deces-
serunt: ergo efficaci gratia, seu faciente venire
caruerunt: hæc enim est efficax faciens facere.

Non om-
nes, ac sin-
guli ante
Christum
gratiam ef-
ficacem vo-
cationis ad
fidem ha-
buerunt.

Neque om-
nes, qui
post Chri-
sti aduen-
tum fuerunt
efficacem
vocationē
ad fidem
obtinuerunt

Anteced. notorium est, primò de omnibus Gentilibus, qui in Gentilitate decesserunt; de Hæbreis, de Manichæis, de Mahometanis; & alijs eiusmodi Nationibus infidelibus, qui in infidelitate decesserunt: quæ clara sunt.

Neque omnes vocati
efficacem
vocationē
habuerunt

354. Dico 3. Neque omnes, qui gratiam vocationis ad fidem habuerunt, efficacem gratiam, seu facientem venire ad eam obtinuerunt.

355. Prob. à posteriori, & ex facto. Prædicante Christo, & Apostolis, tam in Iudæa, ac tota Palestina, quàm in alijs Prouincijs, & Regnis Gentilium, non omnes auditores susceperunt Fidem, ac Baptismum, & si sine his mortui sunt, gratiam illam efficacem facientem suscipere (vnde cumque id acciderit, vt postea dicitur) non habuerunt. Anteced. prob. ex facto, & ex dictis, primùm Christi, postea Pauli. Christus enim Matth. 13. 14. inquit. *Ided in parabolis loquar eis, quia videntes non vident; audientes non audiunt, neque intelligunt: & adimpletur in eis prophetia Isaie dicens. Auditu audietis, & non intelligetis, & videntes videbitis, & non videbitis. Incrassatum est enim cor Populi huius, & auribus grauitè audierunt, & oculos suos clauferunt; ne quando videant oculis, & auribus audiant, & corde intelligant, & conuertantur, & sanem eos:* & pluries exprobrauit Iudæis omnibus, & Betsaidæ, atque Corozaim, & Capharnaum, quòd audientes eum de Regno Deiloquentem, & viam salutis insinuantem, ac miraculis confirmantem, non crediderint; nec conuersi, ac sanati fuerint; cùm tamen alij multi crediderint. S. Paulus Act. 13. cùm Antiochiæ Pisidiæ prolixam habuisset concionem coram tota Sinagoga de Euangelio, ac factis, & dictis Christi, *Iudæi repleti sunt zelo (malo) & contradicebant*

Ex facto
predicatio-
nis Christi
& Aposto-
lorum.

cebant his, quæ à Paulo dicebantur, blasphemantes. Tunc constanter Paulus, & Barnabas dixerunt, Vobis oportebat primum loqui verbum Dei: sed quoniam repellitis illud, & indignos vos iudicatis æternæ vitæ, ecce conuertimur ad Gentes, &c. Gentes autem gauisæ sunt, & glorificabant verbum Domini, & crediderunt quotquot erant præordinati ad vitam æternam. Ecce quòd in eadem multitudine auditorum, & si tota gratiam vocationis habuerit, aliqui tamen gratiam conuersionis ad fidem sortiti sunt, alij multò plures eam non obtinuerunt: & Act. 16. 14. cum Paulus Philippis coram multitudine prædicaret, vna tantum mulier Lydia purpuraria, cuius Dominus aperuit cor, intendens his, quæ dicebantur à Paulo, baptizata est cū domo: & in c. 15. 9. S. Petrus loquens de conuersione gentiū, & quòd non oportebat eas obseruare legem Mosaicam, & quomodò Deus per efficacem gratiam vocaret, & faceret ad fidem, & baptismum venire, præ alijs ait. *Deus in vobis elegit per os meum, Gentes audire verbum Euangelij, & credere: & qui nouit corda Deus, testimonium perhibuit, & dans illis Spiritum Sanctum, sicut & nobis, & nihil disceruit inter nos, & illos, fide purificans corda eorum:* & ita discurrendo de omnibus prædicationibus Christi, & Apostolorum, & cæterorum omnium prædicantium Euangelium in toto mundo. Multi, & innumeri gratiam vocationis obtinuerunt, quia audierunt, excitati, & inflammati fuerunt; at gratiam conuersionis, vt clarum est, sortiti non sunt. Palam ergo est, quòd neque omnes ad fidem vocati, gratiam facientem venire habuerunt: vndecumque hoc aduenerit, nunc parum refert inquirere.

356. S. Augustinus in hoc puncto (quòd scilicet

Quinā crediderunt.

Pauli protestatio contra Iudæos.

licet non omnes vocati ad fidem consentiant, quia gratiam facientem consentire non habent) audiendus est . Primò in lib. 22. cont. Faustum cap. 78. de pœna peccati originalis discurrens, ait: *de hac iusta pœna, quod non liberat, nisi misericors gratia, certum est : & hinc Apostolus gemiturus exclamat . Infelix ego homo , quis me liberabit de corpore mortis huius ? Gratia Dei per Iesum Christum Dominum nostrum . Sed quæ sit distributio indicantis, & miserantis Dei, cur alius sic , alius autem sic, occultis sit causis , iustis tamen .* In lib. 1. ad Simplicianum qu. 1. circa medium, de vocatis consentientibus diffusè discurret, ostendens primò, quòd à Deo fit, ut vocati consentiant, & sequantur vocantem; alioquin non esset verum, quod dicit Paulus Rom. 9. *Non est volentis , neque currentis , sed Dei miserentis, & nisi à Deo fieret, ut consentiat, homo diceret, est mei volentis : deinde concludit ad rem nostram ; Igitur, si non miserentis est Dei, sed volentis , atque currentis est hominis; quoniam non potest effectus misericordiae Dei esse in hominis potestate , ut frustra ille misereatur, si homo nolit , posset ita vocare , quomoddò illis aptum esset , ut mouerentur , & intelligerent, & sequerentur. Verum est ergo, multi sunt vocati , pauci verò electi . Illi enim electi , qui congruenter vocati ; illi autem , qui non congruebant, neque contemperabant vocationi, non electi, quia non secuti, quamvis vocati .* Hæc est nostra conclusio . At prosequitur ulterius . *Item verum est , non volentis , neque currentis , sed miserentis est Dei, quia etiamsi multos vocet; eorum tamen miseretur, quos ita vocat , quomoddò eis vocari aptum est , ut sequantur . Falsum est autem si quis dicit : igitur non miserentis Dei , sed volentis , atque currentis est hominis, quia nullius Deus frustra mise-*

Multa S.
Aug. loca.

S. Pauli for-
tè argum.

August. di-
scursus .

miseretur . Cuius autem miseretur , sic eum vocat , quomodo scit ei congruere , vt vocantem non respuat . & adducit exempla de multis , quorum aliqui , vel miraculum aliquod Christi viderunt , vel nullū viderunt , sed cū prędicantē audierunt crediderunt , & conuersi sunt ; alij verò quā plurimi , & prędicantem audierunt , & miracula facientē viderunt ; & tamen non crediderunt , immò Discipuli ipsi titubarunt , fugerunt , &c. ergo ij , qui vocati non crediderunt , gratiam facientem facere non habuerunt : illi verò , qui crediderunt , obtinuerunt . Cur autem hoc , infra cum S. Augustino , & S. Paulo dicemus .

357. Probari etiam potest ex facto Missionariorum , qui in partibus infidelium Dei verbum prędicant : infideles audiunt , illuminantur interne , ac inflammanantur ; & tamen non omnes conuertuntur : ergo . Consequ. prob. hæc enim , vt sæpè dixi est gratia faciens facere , seu efficax , quę habet secum annexum effectum principalem , quem respicit , & qui est eius obiectum .

358. Tandem probari potest ex dicendis in sequenti Capite , in quo inquiretur ratio cur non detur omnibus : omnia enim argumenta , quę pro eo Capite sunt , pro isto etiam probant .

359. Dico 4. Fideles iam vocati , & conuersi etiam electi ex iusto Dei iudicio non semper , ac pro omni actu obtinent gratiam facientem facere opus bonum .

360. Prob. 1. ex facto . Fideles , quicumque sint , siue prędestinati , siue reprobi , non sunt confirmati in gratia , & sæpè labuntur in peccata mortalia . Ergo . Consequ. est euidentis ; quia gratia faciens facere actum bonum , si semper , & pro omni actu eliciendo adesset , non sineret fieri

Ex facto
argum.

Ex seq. capi
te sumendū
argum.

Neque fideles conuersi , nec electi pro omni actu obtinent gratiam efficientem .

actum malum ; sed semper faceret facere bonum. Anteced. prob. ex factis : Multi enim, vt ex Chronici patet, Catholici in hæreses lapsi sunt, & in eis mortui sunt. Multi pariter in eas lapsi resipuerunt, immò postea pœnitentes in opinione Sanctitatis decesserunt : & quod fortiùs est plures coram Tyrannis fidem negarunt, & postea resipiscentes pro fide per eosdem Tyrannos martirium subierunt : igitur fideles iusti, & etiam prædestinati, Deo permittente, ex iusto suo iudicio labuntur in mortalia peccata. Si autem gratiam facientem facere bonum, & impediens malum semper, & in omni actu haberent, numquam peccarent, quia hic est effectus tali gratiæ semper connexus, vt supponimus ex pluries dictis.

361. S. Augustinus pluries de hoc modo agendi Dei in conferenda gratia benè operandi, aut negandi, etiam iustis, loquitur, ad eos humiliandos : *In lib. 2. de pecc. mer. & remis. cap. 19.* dicit. Nos autem quantum concessum est sapiamus, & intelligamus, Deminum Deum bonum, idè etiam Sanctis suis alicuius operis iustitiam aliquando non tribuere, vel certam scientiam, vel victtricem delectationem, vt cognoscant, non à seipsis, sed ab illo sibi esse lucem, qua illuminentur tenebræ eorum, & suauitatem, qua det fructum suum terra eorum : & post multa dicit. Idcirco Sanctos, & fideles suos in aliquibus vitijs tardius sanat, vt in his minus, quam implendæ ex omni parte iustitiæ sufficit delectet bonum, siue cum latet, siue etiam, cum manifestum est, vt quantum pertinet ad integerrimam regulam veritatis eius, non iustificetur in conspectu eius omnis viuens. Nec in eo ipso vult nos damnabiles esse, sed humiles, commendans nobis eandem gratiam suam, ne facilitatem in omnibus affecuti, nostrum

pute-

Ex factis
argum.

S. Aug. R.
locus.

Ad humili-
liandū hoc
facit Deus.

putemus esse, quod eius est: qui error multum est Religioni, pietatique contrarius. Immo in lib. 14. de Civit. cap. 13. in fine, dicit, Deum permittere, ut Sancti viri cadant in peccatum, ob maius bonum humilitatis eorum. Audeo dicere superbis esse utile cadere in aliquod apertum, manifestumque peccatum, unde sibi displiceat, qui iam sibi placendo ceciderant. Salubrius enim Petrus sibi displicuit, quando fleuit, quam sibi placuit, quando presumpsit: & in lib. 2. de pecc. mer. & remiss. cap. 10. docet, ac numerat omnes Sanctos Veteris Testamenti, de quibus fit mentio in Sacra Scriptura, ostendens, quod peccauerint, Deo sic permitte; & de ipsomet S. Petro iterum loquitur: in lib. 2. de Symbolo ad Cathecumenos cap. 6. ubi de gratia huius concessione, ac suspensione in latrone, ac Petro à Christo in Cruce patrat, sic loquitur. *Videte Dominum virtutum in ipsa morte miracula facientem. Tunc latro confitetur, quando Petrus turbabatur. Tunc ille agnovit, quando iste negavit. Sed numquid, quia Dominus acquisivit Latronem, perdidit negatorem? Absit, absit. Agebat mysterium, qui fundebat pretium: in Petro demonstrans, non in se quemquam iustum debere presumere: in Latrone, nullum impium conuersum posse pervire. Timeat bonus, ne pereat per superbiam: non desperet malus de multa malitia: & in lib. de Gratia, & lib. arb. cap. 17. de eodem Petro ait. Ipsam charitatem Apostolus Petrus nondum habuit, quando timore, Dominum ter negavit; Timor enim non est in charitate, sicut ait Ioannes Euangelista, perfecta charitas foras mittit timorem: & tamen quamvis parua, & imperfecta non defuit, quando dicebat, Domino, animam meam pro te pono. Putabat enim se posse, quod se velle sentiebat: & quis istam, etsi par-*

Multa exempla iustorum qui peccaverunt.

De Petro, & de Latrone

Iterum de Petro Aug.

nam charitatem dare ceperat, nisi ille, qui præparat voluntatem, & operando perficit, quod operando incipit? quoniam ipse, ut velimus operatur incipiens, quod volentibus cooperatur perficiens. Rursus autem in atrio Caiphae post trinam negationem cum Galli cætu correptus, respexit in Petrum Dominus, penituit, & foras exiens flevit amarè, in se diuinam gratiam, seu charitatem, quæ ad penitudinem, & fletum illum induxit, expertus est: illa enim respectio corporalis non fuit, quia in locis diuersis erant Christus, & Petrus; ille in loco Concilij, vbi iudicabatur, Petrus in loco atrij, vbi cum ministris se calefiebat: sed hæc respectio fuit spiritualis, ac mentalis illuminatio, & inspiratio faciens cognoscere malum, illudque deplorare, & detestari: ita S. Augustinus de consensu Euangelistarum lib. 3. cap. 6. dicens. *Petrum Christus respexit diuinitus, ut ei veniret in mentem quoties iam negasset, & quid ei Dominus prædixisset, atque ita misericorditer Domino respiciente, pæniteret eum, & salubriter fletet; sicut quotidie dicimus, respice in me: & in lib. de 4. feria cap. 5. dicit ad Petrum. Respexit te intus in corde, ut amarè fletes: &c.*

Quomodo
Christus
respexit
Petrum.

362. Probari tandem potest conclusio ex postea dicendis de dono Perseuerantiæ: Nam cum de fide sit Perseuerantiam in bono, seu iustitia, esse donum Dei; euidentius est, quod qui decedunt in peccato, quia non pænituerunt, non habent hoc donum, seu hanc gratiam facientem perseuerare vsque ad vitæ finem. Igitur eodem modo dicendum est de temporali etiam perseuerantia in bono, quod nempe iustificatus, siue per baptismum, siue postea per pœnitentiam, si in bono nõ durat, ac perseuerat, sed vel paulò, vel multò post cadit in peccatum; id accidit, quia caret gratia facien-

Argum. de
perseueran-
tiæ caren-
tia.

faciente perseverare ulterius, si enim eam haberet non caderet, sicut è contra, qui eam habent, non cadunt: & hoc est, quod quærebat à Deo Dauid sæpè dicens. *Adiutor meus esto, ne derelinquas me*: ita in psal. 26. 9. in psal. 70. 9. & 18. in psal. 118. 8. & in psal. 19. 9. Vndè S. Augustinus in lib. de Gratia, & lib. arb. cap. 6. ait: *Dicendo Adiutor meus esto, ne derelinquas me; ostendit, quia si derelictus fuerit, nihil boni valet ipse per se. Vndè, & ille ait: ego dixi in abundantia mea non mouebo in æternum. Putauerat enim suum fuisse bonum, quod ei sic abundabat, vt non moueretur. Sed, vt ostenderetur illi, cuius esset illud bonum, de quo tamquam suo ceperat gloriari; paululum gratia Dei descendentè admonitus dicit (in psal. 29.) Domine in voluntate tua præstitisti decori meo virtutem. Auertiisti faciem tuam à me, & factus sum conturbatus. Idè necessarium est homini, vt gratia Dei non solum iustificetur impius, &c. Sed etiam cum iam iustificatus fuerit ex fide, ambulet cum illo gratia, & incumbat super ipsam, ne cadat. Sic August.*

Augustinus in
sententia.

363. In lib. de pecc. mer. & remis. cap. 21. diffusè de concessione, & de negatione gratiæ liberantis loquitur. *Ab hac quippè ira, qua omnes sub peccato sunt, de qua dicit Apostolus (Ephes. 2.) Fuimus & nos aliquando naturaliter filij iræ, sicut & cæteri, nulla res liberat, nisi gratia Dei per Iesum Christum Dominum Nostrum. Hæc gratia, cur ad illum veniat ad illum non veniat, occulta esse causa potest, iniusta esse non potest: & infra dicit, quòd existentibus multis æquè indignis, aliquibus datur, & aliquibus non datur: & de duobus pueris, quorū vnus baptizatur, alius sine baptismo moritur: & quòd duo homines si viuerent possent, & essent malè victuri, tamen vnus à Deo rapitur, nè malitia muta-*

Occulta est
causa cur
datur, &
non datur
semper, sed
iusta.

Exempla
multa.

ret intellectum eius, alius verò non rapitur, sed malus fit, & sic moritur. Aliqui paruuli à spiritu immundo vexantur, & alij non, &c. & in his casibus dicit recurrendum ad Pauli responsionem: *O altitudo diuitiarum, &c. quam incomprehensibilia sunt iudicia eius, & inuestigabiles vię eius!* ex hoc oritur inquit S. August. in fine capitis, tanta diuersitas: idem habetur in lib. 2. de pecc. mer. & remiss. cap. 18. in fine.

Ex Dei o-
raculo.

364. Concludamus hoc Caput (quòd non omnes, & singuli, neque in omni agibili habent gratiam istam facientem facere bonum, seu efficacem) cum oraculo ipsiusmet Dei, in cap. 33. Exodi, qui post longum, & notabilem sermonem, quem cum fidelissimo seruo suo Moysi habuit, dixit; *Miserebor cui voluero; & clemens ero, in quem mihi placuerit.* Interl. quę putatur S. Hieronymi, dicit. *Cum miseretur, gratia est; cum indurari permittit, iustum iudicium est, quamuis occultum.* S. Augustinus in quæstionibus in Exodum, q. 54. inquit: *miserebor, &c. ostendit vocationem, qua nos vocauit in Regnum suum, & gloriam, non pro meritis nostris, sed pro misericordia sua.* Atqui, nec omnes Iudæi, aut Barbari vocati sunt, aut vocantur vocatione faciente sequi, seu venire, & conuerti; neque sic vocati perseuerant in iustitia, seu charitate vsque in finem; neque isti perseueraturi, aut illi non perseueraturi semper abstinēt se à peccato, seu semper legem obseruant, vt experientia docet: ergo, nec omnibus, nec semper ista gratia conceditur, sed quibus, & quando ex sua misericordia Deus vult; & denegat, quando ex occulto, sed iusto iudicio, non vult. Rationes sequentis Capitis idem confirmāt.

CAPVT XVII.

Cur ista Gratia faciens facere, seu efficax, non detur omnibus, & semper.

365. **A**Du.1. quòd hìc loquimur non de gratia sufficiente (quæcumque illa sit) nam de ea loquemur postea, sed loquimur de gratia efficaci, seu faciente facere bonum, & abstinere à malo, habente semper secum coniunctum effectum principalē, vt in præcedentibus Capitibus sæpè dictum fuit; & quærimus causam (si quæ inueniri potest) cur Deus eam non concedat omnibus omninò, & singulis hominibus, sed aliquibus tantum; & cur non pro omni tempore, omnique occasione, in qua operandum est bonum ex præcepto, aut consilio; vel abstinendum est à malo.

Sensus quæ
fici.

366. Adu.2. quòd sicut potest considerari homo in diuersis statibus, nempe infidelitatis, & fidelitatis; ita pro diuersis actibus indigere potest gratia ista, quæ faciat facere bonum, & cauere malum; & propterea diuersæ assignari possunt causæ denegationis illius. Declaratur: homo in statu infidelitatis indiget gratia vocationis ad fidē, tantæ efficaciz, quæ faciat, vt vocatus sequatur vocantem, & veniat ad fidem: homo autem fidelis, siue talis sit ex baptismo in infantia, siue, quia in adulta ætate vocatus, conuersus est, ac baptizatus, pro obseruantia præceptorum Dei, & Ecclesiæ, atque consiliorum, aliorumque operum virtutum ex supererogatione eliciendorum, indiget gratia faciente ea facere, & cauere à malo; alioquin ea non faceret. De omnibus itaque istis

Homo in
diuersis sta-
tibus.

istis hominis statibus inquirimus (si inuenire possumus) quare Deus non omnibus concedat gratiam facientem facere opera bona necessaria, vel vtilia ad salutem proportionata omni statui. De gratia autem perseverantiæ vsque ad mortem, loquar postea. Idèoque quæri potest, cur non omnes omnis Nationis homines efficaciter vocentur ad fidem. 2. cur vocati, & conuersi non habeant eam pro omni actu, ita vt semper facerent bonum, semperque cauerent malum, sed eis permittatur peccare?

367. Dico I. Vniuersaliter loquendo, pro omni statu hominum nequit assignari alia conuincens, & adæquata ratio cur Deus, nec omnibus, nec in omni temporis circumstantia concedat gratiam facientem facere, seu efficacem, sicut in casu vocationis ad fidem, aut ad penitentiam, siue in casibus exercendi alia bona opera, & cauendi mala, nisi voluntas Dei iusta, & ab acceptione personarum, ac iniquitate alienissima.

368. Prob. prima pars ex Rom. II. 34. *O altitudo diuitiarum sapientiæ, & scientiæ Dei, quàm incomprehensibilia sunt iudicia eius, & inuestigabiles viæ eius! Quis cognouit sensum Domini, aut quis consiliarius eius fuit? aut quis prior dedit ei, & retribuetur illi?* Igitur sciri non potest causa euidens, aut conuincens, cur det, vel non det omnibus, & singulis in omnibus casibus operandi bonum, & cauendi malum, gratiam facientem ista facere.

369. Idem habetur Sap. 9. 13. *Quis enim hominum poterit scire consilium Dei? aut quis poterit cogitare, quid velit Deus? cogitationes enim mortaliū timidæ, & incertæ prouidentiae nostræ.* Idem dixit Isaias cap. 40. 13. *Quis audiuit spiritum Domini*

Sciri nequit causa, seu vniuersalis ratio cur non detur omnibus, & semper est iusta Dei voluntas.

1. pars ex S. Scrip.

Ex alio S. Scripturæ loco.

mini, aut quis consiliarius eius fuit, & ostendit illi? Cum quo inijt consilium, & instruxit eum, & docuit eam semitam iustitiæ, & erudit eum scientiam, &c.

370. S.Ioan. Chris. hom.20. in epist. ad Roman. in illum locum, O altitudo, &c. ait: O profunditatem, &c. Non enim incomprehensibilia tantum sunt iudicia Dei; sed inscrutabilia, & impernestigabiles viæ eius, hoc est, dispensationes; nam & ipsæ, non solum cognosci nequeunt, sed nec quæri. Neque enim inquit, ego omnia inueni (Philipp.3.) Sed modicam tantummodò partem, non totum. Ipse quippè solus instituta sua clarè cognovit. Vndè, & subiungit, quis enim nouit mentem Domini, aut quis fuit ei à consilijs?

S.Io.Christ.
fost.

371. S.Augustinus vtramque huius Conclusionis partem probat pluribus in locis, sed præsertim in lib. de bono Perseu. cap. 11. inquit. Proinde sicut Apostolus ait, non volentis, neque currentis, sed misereantis est Dei, &c. quibus non vult subuenire non subuenit; de quibus in sua prædestinatione occultè quidem, sed iustè aliud iudicauit; non enim est iniquitas apud Deum, sed inscrutabilia sunt iudicia eius, & inuestigabiles viæ eius. Vniuersæ autem viæ Domini, misericordia, & veritas. Inuestigabilis ergo est misericordia, quia cuius vult miseretur, nullis eius præcedentibus meritis; & inuestigabilis veritas, quia quem vult obdurat, eius quidem præcedentibus meritis, sed cum eo cuius miseretur plerumque communibus. Sic duorum geminorum, quorum vnus assumitur, alius relinquitur, dispar est exitus, merita communia. In quibus tamen sic alter magna Dei bonitate liberatur; vt alter sine vlla eius iniquitate damnetur. Numquid enim iniquitas est apud Deum? Absit: sed inuestigabiles sunt viæ ipsius.

S.Aug.verè
que partem
conclusionis
probat.

Clara S.
August.do-
ctrina.

ipſius. Itaque miſericordiam eius in his, qui liberantur, & veritatem in his, qui puniuntur, ſine dubitatione credamus.

372. Idem S. Doct̃or in lib. de Gratia, & lib. arb. cap. 22. inquit: *aliquando filijs infidelium præſtatur hæc gratia, cum multa Dei providentia in manu piorum quomodocumque perueniunt: aliquando fidelium filij non eam conſequuntur, aliquo impedimento exiſtente, ne poſſit periclitantibus ſubueniri. Fiunt verò iſta per occultam Dei providentiam, cuius inſcrutabilia indicia, & inueſtigabiles viæ: & in cap. 23. ait. Ad occulta Dei indicia reuocate, quando videritis in vna cauſa, quam certè habent omnes paruuli hæreditarium malum trahentes ex Adam, huic ſubueniri, vt baptizetur, illi non ſubueniri, vt in ipſa obligatione moriatur: illum baptizatum in hac vita relinqui, quem præſciuit Deus impium futurum; iſtum verò baptizatum rapi ex hac vita, ne malitia mutaret intellectum eius: & nolite in iſtis dare iniuſtitiam, vel inſipientiam Deo, apud quem iuſtitie fons eſt, & ſapientiæ. Sed ſicut vos exhortatus ſum initio ſermonis huius, in quod perueniſtis, in eo ambulate: & hoc quoque vobis Deus reuelabit, & ſi non in hac vita, certè in altera.*

373. In lib. de ſpir. & lit. cap. 34. in fine, mouens præſentem quæſtionem, cur vni detur gratia faciens facere, alteri non, ait: *Iam ſi ad illam profunditatem ſcrutandam quiſquam nos coarctet, cur illi ita ſuadeatur, vt perſuadeatur, illi autem non ita: duo ſola occurrunt interim, quæ reſpondere mihi placeat: ò altitudo diuitiarum; & numquid iniquitas apud Deum. Cui reſpoſio iſta diſplicet; quærat doctiores, ſed caueat, ne inueniat præſumptiores.*

374. In lib. de Corr. & Grat. cap. 8. ait. *Si d*

me

Alia plura
S. Aug. loca

Voluntas
Dei iuſta
in his caſi-
bus com-
mendatur.

eum Paule
reſponderet
Auguſt.

me quaratur cur Deus eis perseuerantiam non dederit, qui eam, qua Christianè viuerent, dilectionem dedit, me ignorare respondeo. Non enim arroganter, sed agnoscens modum meum, audio Apostolum dicentem: ò homo tu quis es, qui respondeas Deo: ò altitudo diuitiarum sapientiæ, & scientiæ Dei, quam incompræhensibilia sunt iudicia eius, & inuestigabiles viæ eius? Quantum itaque nobis iudicia sua manifestare dignatur, gratias agamus. Quantum verò abscondere; non aduersus eius consilium murmuremus; sed hoc quoque nobis saluberrimum esse credamus: & prolixo, dignoque discursu prosequitur hoc argumentum docens ex iustissima, licet imper scrutabili Dei voluntate id prouenire, & concludit caput illud, & cur alijs detur, alijs non detur, sine murmure aduersus Deum dignentur ignorare nobiscum.

375. Ex quibus satis constat nos ignorare, causam, cur Deus aliquibus denegat gratiam facientem facere, seu efficacem, tam in ordine, vocationis ad fidem, quàm in ordine perseuerantiæ, siue finalis, siue etiam temporalis, & ideo clamare debemus cum Sancto Augustino, & cum ipsomet S. Paulo, *O altitudo diuitiarum sapientiæ, & scientiæ Dei, quam incompræhensibilia sunt iudicia eius, & inuestigabiles viæ eius!* & cum Dauide psal. 35. 7. *Iudicia tua Domine abyssus multa.* Neque de hac notitia curare debemus, iuxta Pauli Rom. 12. 3. documentum; *Non plus sapere, quam oportet sapere, sed sapere ad sobrietatem:* & Ecclesiastici 3. 22. *Altiora te ne quæsieris; & fortiora te ne scrutatus fueris. Sed quæ præcepit tibi Deus, illa cogita semper, & in pluribus operibus eius ne fueris curiosus. Non est enim tibi necessarium eæ, quæ abscondita sunt videre oculis tuis: eo vel ma-*

Dicit se
ignorare
causam cur
Deus non
det.

Ignora est
causa.

Omnes id-
circo cum
Apostolo
clamare
debemus, ò
altitudo.

Documen-
ta, quòd nò
debemus
hæc iniqui-
tate.

Secunda
pars con-
clusionis
probat, &
cur non om-
nes habent.

Ex iusta
Dei volun-
tate oritur

Dens id di-
xit de Pha-
raone.

ximè, quia fide credimus, Deum iustum esse, abs-
que iniquitate, ac personarum acceptione, & nos
opera manuum suarum non despiciere; & miseri-
cordem quidem esse; verum tamen etiam iustum;
vndè David in psalm. 100. *miserecordiam, & iudi-
cium cantabo tibi Domine: ideo*

Secunda pars conclusionis, quòd denega-
tio talis gratiæ facientis facere, seu efficacis pro-
ueniat immediatè à Dei voluntate, facilimè pro-
batur: ex psal. 17. *Saluum me fecit, quoniam voluit
me: psal. 21. Saluum faciet eum, quoniam vult eum:
& psal. 134. Omnia quaecumque voluit fecit.* Cum
ergo gratia hæc, vt fides docet, sit donum Dei, si
aliquibus non datur, ex Dei voluntate dare no-
lentis provenit: & Apostolus apertè id docet,
Rom. 9. *Cuius vult miseretur, & quem vult indurat:*
& obijciens sibi ipsi, *dicis itaque mihi. Quid ad-
huc queritur: nam voluntati eius, quis resistit.* Re-
spondet: *ò homo tu quis es, qui respondeas Deo?*
*Numquid dicit figmentum ei, qui se finxit, quid fe-
cisti sic? An non habet potestatem figulus luti ex ea-
dem massa facere aliud quidem vas in honorem, aliud
verò in contumeliam?* Deindè statim subnectit ex-
cècationem, & indurationem Pharaonis, sicut
Deus pluries dixerat Moysi. Exodi 4. 21. *Ego in-
durabo cor Pharaonis:* & in toto illo libro decies
replicatur hæc Dei voluntas; & Paulus loco cita-
to dicit hoc Deum fecisse in ostensionem iustitiæ
suar: igitur denegatio gratiæ facientis facere bo-
num, & cauere malum, in quocumque hominis
statu, & in quocumque operandi ordine, proue-
nit à Deo ex iusto, & inscrutabili suæ sapientiæ
motiuo dare nolente.

376. Quòd verò iustè Deus eam denegat, ne-
mo dubitabit, nisi insanus, vel Manichæus ali-
quis

quis stultè asserens Deos duos, vnum bonarum, rerum, alterum malarum; vel demens Calvinus, qui vt in Opusc. de Præd. pluries dixi, blasphemauit dicens, Deum velle efficaciter, vt homo peccet, vt eum puniat, & propterea ei gratiam efficacem denegare.

377. Iustè autem Deus denegat, sicut iustè operatur omnia. Vniuersæ canonicæ Scripturæ Deum iustum, ac rectum prædicant: incipiendo à Deuter. cap. 32. 4. in cantico illo. *Audite celi quæ loquor*, in quo Moises Dei perfectiones, ac magnalia confitetur, versu 4. ait, *Dei perfectæ sunt opera, & omnes viæ eius iudicia. Deus fidelis, absque vlla iniquitate iustus, & rectus*: psal. 10. *Iustus Dominus, & iustitias dilexit, æquitatem vidit vultus eius*: psal. 111. *Misericors, miserator, & iustus Dominus*: idem habetur in psalmo 114. & psalm. 118. ac psal. 128. & in omnibus libris Veteris Testamenti sæpè legitur hæc magna Dei perfectio: in Nouo pariter innumeris ferè vicibus prædicatur Dei iustitia in omnibus suis operibus circa creaturas rationales, præsertim in epistola ad Romanos. Si ergo alicui aliquod denegat donum, iustè eum negare credendum est.

378. Quòd pariter sine personarum acceptione deneget, luce meridiana, supposita fide, clarius est. Primò, quia Deus nulli debet, ideò in donando non potest esse acceptor. 2. ex Ro. 2. 11. *Non est acceptio personarum apud Deum*, idem dicit ad Ephes. 6. 9. & ad Coloss. 3. 25. & Act. 10. 35. Cum Deus misisset Petrum ad Cornelium Centurionem Gentilem, vt eum baptizaret, admiratus de hoc, *aperiens os suum dixit. In veritate comperi, quod non est personarum acceptor Deus.*

Iustè deue-
gat.

Iustitia
Dei scpe in
S. Script.
laudata.

Deus non
est accep-
tor perso-
narum.

Abſque ini-
quitate
Deus de-
negat gra-
tiam.

Ex S. Scrip.

379. Quòd tandem ſine omni iniquitatis ſcrupulo Deus eam gratiam denegat aliquibus, nulli dubiũ eſt; quia nulli tenetur dare, immò titulo iniuſtitia omnibus hominibus lapſis in Adam conſtantibus maſſam damnatam, vt in Opusculo de Prædeſtinatione dictum eſt, iuſtè potuit negare; quia omnes in Adamo eam demeruerunt. Quòd ergo alijs dat, alijs negat, cum illis operatur miſericorditer, cum his autem iuſtè. 2. prob. ex Sacra Scriptura, quòd Deus non eſt capax iniquitatis. Deut. 32. vt ſupra. *Deus abſque vlla iniquitate.* Pſal. 5. *Non Deus volens iniquitatem tu es.* Rom. 9. 14. *Numquid iniquitas apud Deum? abſit: &* ſicut patet, ibi loquitur Paulus de prædeſtinatione aliquorum, & reprobatione aliorum, & in cap. 3. ait. *Numquid iniquus eſt Deus, qui inferit iram? ſecundum hominem dico, abſit. Alioquin, quomodò iudicabit Deus hunc mundum?* Alia plura ſuppetunt Sacra Scriptura loca, quæ Dei ſummam, ac infinitam ſanctitatem, ac benignitatem ab omni iniquitatis nequo alieniſſimam patefaciunt.

S. Aug. plu-
ries de hac
re loquitur

380. S. Auguſtinus pluries de hac gratiæ denegatione, vel conſeſſione loquens, ad Dei voluntatem refert, vel iuſtè denegando, vel miſericorditer concedendo. Primò in lib. 4. cont. Iul. cap. 8. videns, quòd Pelagianus iſte, vt ſaluaret, quòd opera bona hominis, non ex neceſſitate, aut fato eueniunt, docebat gratiam ob merita dari, præ cæteris hæc dicit. *Nos autem, cum vitia originis mala merita eſſe dicamus; & gratia dicimus intrare paruulum in Regnum Dei, quoniam bonus eſt Deus; & alium merito non intrare, quoniam iuſtus eſt Deus: & in neutro eſſe fatum, quoniam, quod vult facit Deus. Sed cum ſciamus ab*

eo, cui misericordiam, & iudicium *fideli voce cantamus*, istum, secundum iudicium damnari; illum, secundum misericordiam liberari: nos quid sumus, qui respondeamus Deo? Numquid dicit figmentum ei, qui se finxit, quare me sic fecisti? An non habet potestatem figulus luti ex eadem massa originis vitiatæ, atque damnatæ facere aliud vas in honorem secundum misericordiam, & aliud in contumeliam secundum iudicium?

Ad Dei iudicium iustum refere

381. In lib. 2. cap. 7. contra duas epistolas Pelagianorum prolixè hoc idem argumentum, discutit, ostendens, quòd gratiæ consecutio non est ex fato; neque in eius distributione adest personarum acceptio; sed ex Dei inscrutabili sapientia, & iustitia aliquibus non datur; multa ibi dicit; sed pauca, & paucis referam. 1. Nonne attenditis, nonne perspicitis, non à nobis diuinæ gratiæ nomine fatum afferi: sed à vobis potiùs diuinam gratiam fati nomine nuncupari. Item quod acceptio personarum ibi rectè dicitur, ubi ille qui iudicat, relinquens causæ meritum de qua iudicat, alteri contra alterum suffragatur, quia inuenit aliquid in persona, quod honore, vel miseratione sit dignum. Si autem quispiam duos habeat debitores, & alteri vellet dimittere debitum, & alterum exigere; cui vult donat, sed neminem fraudat, nec acceptio personarum dicenda est, quando iniquitas nulla est: Deindè adducit exemplum Euangelij de Patre familias cum operarijs vineæ, qui in sero voluit dare æqualem mercedem illis, qui vna hora laborauerant in vinea, ac illis, qui tota die, cum quibus conventionem fecerat de denario pro tota die: his enim murmurantibus, quòd æqualem cum illis acciperent mercedem, Pater familias dicit, *Nonne ex denario conuenisti mecum? accipe, quod tuum est, & vade.*

Quid est personarum acceptio.

Operario-
rum vineæ
exemplum.

Remoue-
tur perso-
narum ac-
ceptio exē-
plo.

vade. Volo autem, & huic nouissimo dare, sicut ti-
bi. An non licet mihi, quod volo facere? an ocu-
lus tuus nequam est, quia ego bonus sum? Sicut ergo
hic nulla est acceptio personarum, quia sicut alius
gratis honoratur, & alius debito non fraudatur; sic
etiam secundum propositum Dei alius vocatur, alius
non vocatur; vocato datur gratuitum bonum, cuius
boni est vocatio ipsa principium: non vocato red-
ditur malum; quia omnes rei sunt, ex eo
quod per vnum hominem peccatum intrauit in
mundum: & post aliqua. Vbi autem dicitur, cuius
vult miseretur, & quem vult obdurat, quod facit a-
liud vas in honorem, aliud in contumeliam, bonum
quidem immerito, & gratis datur, quia ex eadem
massa est, cui datur; malum verò merito, & debitum
redditur, quia in massa perditionis malum malo non
malè redditur; & ei cui redditur, malum est quia
supplicium est; ei verò à quo redditur bonum est, quia
rectè factum eius est. Nec acceptio personarum est in
duobus debitoribus æqualiter reis, si alteri dimittitur,
alter exigitur, quod pariter ab utroque debetur: po-
stea adducit aliud exemplum de duobus geminis
vnus meretricis filijs, quorum vnus ante baptis-
mum expirauit, alius verò baptizatus fuit: in
hoc facto, inquit, non adest personarum acce-
ptio; vterque enim erat debitor, at vni remissum
fuit, alteri non. Neque, inquit, fatum ade-
st, quia nullæ stellæ ista decernunt; nec fortuna; quia
nulli fortuiti casus hæc agunt; nec personarum, nec
meritorum diuersitas hoc fecerunt, quid restat? quan-
tum ad baptizatum attinet, nisi gratia Dei, quæ va-
sis factis in honorem gratis datur; quantum attinet ad
non baptizatum, ira Dei, quæ vasis factis in con-
tumeliam pro ipsius massæ meritis redditur.

de gratia liberante loquens inulta ad rem nostram, dicit, sic. *Hac gratia, cur ad illum veniat, ad illum non veniat, occulta esse causa potest; iniusta non potest. Neque frustra dictum est, in psalm. 35. Iudicia tua, sicut abyssus multa. Cuius abyssi altitudinem veluti expansefcens exclamat Paulus: ò altitudo diuitiarum, &c.* Referens totum Pauli dictum Rom. 11. subdit. *Valdè ergo paruum sensum habemus ad discutiendam iustitiam iudiciorum Dei: ad discutiendam gratiam gratuitam nullis meritis præcedentibus: non iniquum, quod non monet cum præstatur indignis, quàm cum æquè indignis alijs denegatur.* Adducit postea exemplum duorum paruulorum, quorum vnus accipit baptismum, alius non accipit: deinde aliud de duobus, qui præuiderentur malè operaturi, si viuunt; & tamen vnus rapitur, ne malitia mutet intellectum eius, Sap. 4. alius relinquitur, et malè viuunt, & damnatur: in quibus casibus, inquit, clamandum est, ò altitudo diuitiarum, &c. & concludit Caput illud. *Vndè ista tanta diuersitas, nisi quia inscrutabilia sunt iudicia eius, & inuestigabiles viæ eius.*

383. In lib. 2. de pecc. mer. & remis. cap. 18. in fine, postquam dixit, gratiam sumi pro misericordia, & è contra, quia in psalm. 100. dicitur. *Misericordiam, & iudicium cantabo tibi Domine:* inquit, *Quare autem illos velit conuertere, illos pro auersione punire; quâquam, & in beneficio tribuendo, nemo iustè reprehendat misericordem, & in vindicta exercenda nemo iustè reprehendat veracem, sicut in illis euangelicis operarijs, alijs placitam mercedem reddentem, alijs etiam non placitam largientem, nullus iustè culpauerit: consilium tamen occultioris iustitiæ, penes ipsum est.*

384. In lib. 1. ad Simplicianum qu. 2. proli-

S. August.
semper idè
docet de
gratiæ con-
cessione, ac
denegatione.

Quia Deus
miseretur,
homo vult
bonum, nō
ē contra.

xē discurret super Pauli verbis Rom. 9. *Itaque non volentis, neque currentis, sed misereantis est Dei; vbi probat, quod volentis quidem hominis etiam est opus bonum; sed non ideò Dei misereantis, quia homo vult; sed quod ideò homo vult, quia Deus miseretur, & facit, vt velit; ideòque Paulus Philipp. 3. dicit. Deus dat velle, & operari, quia miseratus hominis, dat ei gratiam, qua facit, vt velit. & cum homine efficit velle.* At inibi etiam dicit, *etiam si multos vocet, eorum tamen miseretur, quos ita vocat, quomodò eos vocari aptum est, vt sequantur.* Afferit multa exempla eorum, qui ad primam vocationem secuti sunt; & aliorum, qui non ita, & multi Iudæorum, qui visis tot miraculis Christi, non crediderunt, immò eum crucifixerunt, & tamen postea Apostolis prædicantibus, crediderunt, & subdit. *Cum ergo alius sic, alius autem sic moueatur ad fidem, eademque res sæpè alio modo dicta moueat, alio verò modo dicta non moueat, aliumque moueat, alium non moueat, quis audeat dicere defuisse modum vocandi, quo etiam Esau ad eam fidem mentem applicaret, voluntatemque coniungeret, in qua Iacob iustificatus est. Quod si tanta quoque potest esse obstinatio voluntatis, vt contra omnes modos vocationis obdurescat mentis aduersio; queritur etiam vtrum de diuina pœna sit ipsa duritia? Cum enim Deus deserit non sic vocando, quomodo ad fidem moueri potest? Quis etiam dicat modum, quo ei persuaderetur, vt crederet, etiam omnipotentia defuisse? Et subdit quod dicit Apostolus Rom. 9. de facto Pharaonis, quod obdurationem Deus permisit in Pharaone, vt suam in eo potentiam ostenderet, sic. Dicit enim Scriptura Pharaoni; quia ad hoc te excitauī, vt ostendam in te potentiam meam; & vt annuncietur nomen meum in vniuersa terra: hoc*

autem

Ex Dei misericordia
prouenit
dare gratiam;
& ex
eius iustitia
nō dare

autem subiecit Apostolus documentum, quo probaret quod supra dixerat. Igitur non volentis, neque currentis, sed miserationis est Dei, & hoc argumentum usque in prolixi capitis finem prosequitur, addens, quod carnalis non capit quæ sunt Dei, & denegationem gratiæ in reprobis, siue vocatis, siue non vocatis reducit ad suum proprium sistema massæ damnatæ, ex qua in ostensionem misericordiæ alios elegit ad gloriam, & gratiam; alios in ostensionem iustitiæ in ea massa reliquit, & vocare noluit, vel non eo modo, quo sequendo obedirent, & hoc ex suo inscrutabili, iusto tamen, iudicio.

385. In lib. 4. de Trin. cap. 1. declarans illud psal. 67. *Pluuiam voluntariam segregabis Deus hereditati tuæ, & infirmata est; tu verò perfecisti eam*, ait. *Pluuiam quippè voluntariam, non nisi gratiam vult intelligi non meritis debitam, sed gratis datam; vnde & gratia nominatur. Dedit enim eam, non quia digni eramus, sed quia voluit. Hoc cognoscentes, non fidentes in nobis erimus; & hoc est infirmari. Ipse verò perficit nos, qui etiam Paulo Apostolo dixit, sufficit tibi gratia mea, quia virtus in infirmitate perficitur.*

386. In lib. 2. contra Fælicem Manichæam, cap. 7. expendens illud 1. ad Timot. 6. *Deus habitat lucem inaccessibilem*, dicit primò Sanctos ad eam accedere, quia in psal. 35. dicitur; *Accedite ad eum, & illuminamini*; & Matt. 5. *Beati mundo corde, quoniam ipsi Deum videbunt*. At dicit 2. sed quia non ad eam potest accedere, nisi cui Deus ipse donauerit, ut accedat; idèd per se ipsam inaccessibilis est. Nemo ad eam potest accedere, quem Deus noluerit, ut accedat; cui autem donauerit ipse accedet: dicitur enim in psal. 38. *Gratiam, & gloriam dabit*

Ad Dei iustitiam voluntatem Aug. hoc totum refert.

Multa S. Aug. loca.

Dominus : igitur , quòd aliqui neutram , vel alterutram non habeant, ex Dei voluntate iusta provenit , sed ex secreto, & inscrutabili iudicio .

387. In lib. de cognitione veræ vitæ cap. 26. discutiens admirabilem Dei providentiam , cur non singulis creaturis cuncta suæ gratiæ dona tribuat , cum in cunctis inexistat , sed singula singulis , discurrendo per omnes creaturas vegetabiles , & sensitiuas , sicut anima existens in toto corpore , non omnibus membris eundem actum tribuit , postquam multa dixit , concludit sic . *Cur autem Deus vni creaturæ dulcedinem suæ præsentiae perfruendam exhibeat , alteri subtrahat , ratio nullo acumine penetrare valet ; sed terribilem Deum in indicijs suis stupet .*

388. Ex his ergo dictis infertur primò. Quòd pueri omnes , qui ab initio mundi vsque nunc mortui sunt cum peccato originali , quia scilicet non fuit eis applicatum remedium à Deo ab initio institutum pro lege naturæ , ac pro scripta , pro Hebreis, incipiendo tamen ab Abraham, idest annis 400. ante Moysen , & pro lege Evangelica pro omnibus, isti, inquam , pueri caruerunt gratia efficaci liberante eos à massa damnata .

389. Infertur 2. quòd omnes homines adulti, qui ab initio mundi vsque nunc extiterunt , & veri Dei fidem non habuerunt, sed Solem, vel Lunam , vel militiam Cœli (idest alios planetas) aut elementa, vel post diluvium, Idola adorauerunt, aut nunc adorant ; gratia efficaci vocationis, & conuersionis caruerunt .

390. Infertur 3. quòd post Christi aduentum, omnes homines , cuiuscumque Nationis , ac Regionis , qui Christi fidem per baptismum fluminis, aut flaminis , aut sanguinis non receperunt,

vel

Corollaria
deducta ex
prædictis.

Pueri cum
originali
defunctica
ruerunt
gratia .

Sic adulti
infideles
mortui.

Mortui sine baptismo post Christum, gratia efficaci caruerunt.

vel non recipiunt, gratia hac efficaci, seu faciente facere, caruerunt, & carent, quousque à Deo efficaciter vocentur.

391. Infertur 4. quòd omnes, qui fidem Christi per baptismum receperunt, & tamen extra Ecclesiam Catholicam reperiuntur, vel quia prius Catholici fuerunt, & ab ea recesserunt; vel quia à genitoribus Sectarijs orti, in Sectis educati, ad Catholicam fidem non veniunt, gratia ista efficaci, seu faciente facere carent, & alij defuncti caruerunt.

Sic morientes in hæresi.

392. Infertur 5. quòd Schismatici, quorum Schisma hæresi coniunctum est, sicut hodie est, vel etiam si hæresi non sit coniunctum, gratia ista efficaci faciente venire ad vnitatem carent; & qui in eo decesserunt caruerunt.

Ita Schismatici in Schismate decedentes

393. Infertur 6. quòd Catholici veri, ac puri decedentes in peccato mortali, gratia hac efficaci faciente resipiscere, & penitentia ad Deum redire, caruerunt.

Sic Catholici morientes in peccato.

394. Infertur 7. quòd Catholici prædestinati, ac sancti, qui in bono perseverantes sunt morituri, si in gratia confirmati non sunt, & interdum in peccata mortalia, & graua labuntur, dum eos labi Deus permittit in eorum humiliationem, tunc gratia efficaci, faciente cauere malum, & superare tentationem, carent; eaque postea potiuntur, cum ex Dei misericordia resurgunt.

Prædestinati dum peccant carent gratia efficaci.

395. Cur autem hoc diuerso modo procedat Deus cum vniuersitate hominum omnium à se creatorum, & per Vnigeniti Filij sui Domini nostri Iesu Christi passionem, ac mortem redemptorum, qui hoc scire vult interroget Sanctum Paulum, qui respondebit se quoque nescire, & dicit: *O homo tu quis es, qui respondeas Deo? Quis*
confi-

518 DE GRATIIS ACTUALIBVS, &c.
*consiliarius eius fuit? O altitudo, &c. quàm incomp-
 prehensibilia sunt iudicia eius, & inuestigabiles viae
 eius! consolatur nos tamen, dicens. Apud Deum
 non est personarum acceptio, nec iniquitas: Hæc sci-
 re nobis sufficiat: & non scrutemur in profundo, ne
 labamur in profundum, inquit Augustinus.*

C A P V T X V I I I.

*An saltem gratia dicta sufficiens, concedatur omni-
 bus hominibus, & in omni tempore.*

396. **A**DU. I. quæsitum hoc plura æquè diffi-
 cilia complecti, æquè pariter scitu di-
 gna. Primum est, an detur ista species gratiæ di-
 cta *sufficiens*, & qualis sit, seu in quo consistat; &
 cur ita dicta, cùm effectum principalem non pro-
 ducat: & quamuis in *cap. 4.* huius Opusculi de
 illa nonnulla dixerimus, non tamen completè, &
 pro dignitate de ipsa disseruimus, reservantes eius
 discussionem vsque ad locum istum. Secundum
 dubium hic resoluendum est: hoc supposito, quòd
 admittenda sit species ista gratiæ sufficientis, sicut
 de facto admittimus, quæritur, an detur omni-
 bus, & singulis hominibus, cùm omnes, & sin-
 guli sint capaces gloriæ, & mediorum, quæ dis-
 ponunt, atque conducunt ad gloriam; & omnes, &
 singuli redempti fuerint à Christo Domino. Ter-
 tium quæsitum in hoc loco resoluendum est: sup-
 posito, quòd gratia sufficiens admittatur, & con-
 cedatur, siue omnibus, siue aliquibus, quæren-
 dum est, an continuò, & pro quolibet temporis
 momento, ac pro qualibet actione faciendâ,
 Deus concedat hanc gratiam. Quæ omnia quæ-
 sita cum alijs annexis, Deo fauente, soluere co-
 nabi-

Quæsitum,
 difficile
 plura com-
 plectens.

1. An detur
 gratia suf-
 ficiens.

2. An omni-
 bus detur.

3. an sæpè,
 & cōtinuò.

nabimur ; & distinctionis , atque claritatis gratia per plura Capita ea distribuemus : primò tamen de eius existentia loquemur in sequenti §. vnico.

397. Adu. 2. quòd iuxta diuersum hominum statum , gratia , tam efficax , quàm sufficiens ad hæc quatuor operationum genera potest esse necessaria , scilicet ad credendum (pro infidelibus) sperandum , ac diligendum , &c. dum creditur . 2. ad penitendum . 3. ad seruandum præcepta , vel consilia , & virtutum opera facienda , sicut oportet ; 4. ad superandum tentationes , & ad cauendum mala ; & hæc omnia pro fidelibus , qui in his operibus mereri possunt : & ideò inquirendum , an tam infidelibus , vt veniant ad fidem , quàm fidelibus , vt præfata bona opera faciant , Deus , si efficacem gratiam non concedit ; saltem concedat sufficientem , & continuè illam eis præstet , illuminando , & inspirando .

Ad quæ opera gratia est necessaria .

§. Vnicus .

An admittenda sit gratia sufficiens , contradistincta ab efficaci, & in quo consistat .

398. **A**Du. 1. quòd vocabulum hoc *sufficiens* , deriuatum à verbo *sufficio* , sumi potest dupliciter , grammaticaliter , ac theologicè : primo modo sumptum significat rem aliquam non indigentem aliquo alio in suo genere ad effectum aliquem producendum . Theologicè verò sumptum , & applicatum gratiæ , sumptum est à Theologis ad significandam speciem quamdam gratiæ contradistinctam à gratia efficaci : vnde autem putauerint Theologi sumi æthimologiam , *sufficientis* , cùm reuera ad effectum principalem pro-

'Sufficiens dupliciter sumi potest

producendum in actu non sufficiat, vt mox dicam, sed tantum ad posse producere

399. Adu. 2. quod inter Theologos ipsos adhuc æquiuocum est vocabulum hoc *sufficiens gratia*. Quidam enim appellant gratiam *sufficientem* omnem illam, per quam nullo alio requisito effectus habetur; & sic in sensu grammaticali accipientes *sufficientem*, solam efficacem appellant sufficientem; quia ipsa sola in suo genere, ac ordine comprincipij nullo alio requisito sufficit ad ponendum effectum in esse. Sic eam sumit Riccardus de S. Victore in *serm. de missione Spiritus Sancti*, post medium, vbi plura dicit de gratia sufficiente, sed eam dicit sufficientem, quæ effectum producit, & de Apostolis ait, ante Pentecostem habuisse gratiam (dictam *presentem*) sed in Pentecoste per infusionem Spiritus Sancti habere ceperunt *gratiam sufficientem*, & subdit. *Qualis fuerit prima gratia testatur Petri casus: qualis fuerit secunda testatur constantia Stephani. Certè, nec Petrus caderet, si gratiæ plenitudinem haberet; nec Stephanus instanto virtutum fastigio staret, si gratiæ plenitudine careret: dicit deinde, quod Apostoli gratiam sufficientem habuerunt, sed non omnem plenitudinem gratiæ. Tertiò dicit, quod de Christi plenitudine omnes accepimus, secundum præsentis vitæ statum, & capacitatem omnes habere ad gratiã sufficientẽ: dicit 4. Siquidem gratiam sufficientem habuit Adamus ad malum cauendum. & omne debitum soluendum: alioquin non potuit vitare peccatum: & alia plura. Itaque sumit sufficientem diuerso modo, quàm moderni Theologi sumunt; & vt patet grammaticaliter potiùs, & in vltima propositione de Adami gratia, & in alia de gratia Petri cadentis, videtur accedere ad sensum*

Inter Theologos, etiã dupliciter sumitur sufficiens.

Primò pro efficaci.

Alijs modis sumpta sufficiens gratia,

sum modernorum : & ipfemet S. Auguftinus loquens de gratia neceffaria poft lapfum Adæ, ait , quòd illa dat vires *fufficientiffimas* , ad faciendum opus bonum:at de gratia hoc modo *fufficiente* in hoc loco non loquimur. Alij autem Theologi docuerunt , nullam dari gratiam fufficientem ; fed omnem gratiam effe efficacem : at hi diuifi funt. Quidam fic fuam declarant fententiam : omnis gratia facit fuum effectum , verbi gratia , dum Deus illuminat intellectum alicuius , & inspirat voluntati actum credendi , pœnitendi , præceptum adimplendi , &c. Gratia illa facit fuum effectum , quia illuminat, ac inspirat, etiam fi illuminatus , ac inspiratus non faciat actum credendi , pœnitendi , etc. & in hoc fenfu poteft admitti , quòd omnis gratia fit efficax : fed cum bona eorum venia exiftimo, non poffe fic abfolutè pronunciarì , *omnis gratia eft efficax* , fed cum aliqua limitatione, fcilicet, in aliquo fenfu, feu ordine, non verò abfolutè; quia talis illuminatio, & inspiratio non habent femper coniunctum effectum principalem , quem refpiciunt , nempè actum credendi , pœnitendi , &c. Alij verò dicunt , non dari aliam gratiam diuinam , quam nobis meruit Chriftus , nifi efficacem , quæ fcilicet , femper habet coniunctum effectum , & cui voluntas numquam refiftit , quæ fententia damnata eft ; & etiam fi damnata non foret , ex Sacræ Scripturæ , & SS. Patrum principijs conuinceretur falſa , & iniqua : de ifta ergo *fufficienti* gratia , vt contradiftincta ab efficaci, hic loquimur .

400. Adu. 3. quòd quamuis Authores omnes , qui gratiam fufficientem admittunt , contradiftinctam ab efficaci eam aſſerunt ; non tamen omnes eodem modo contradiftinguunt .

Etiam Auguſt. inter-
dum effica-
cem dicit
fufficientē.

Quomodò
dici poteſt
quòd om-
nis gratia
fit efficax.

Quidā dicunt gratiā esse sufficientem solum ex carentia consensu liberi: & per eum fieri efficacem.

Quidam enim Authores dicunt contradistingui per carentiam consensus liberi; licet etiam ipsi inter se in declarando rem istam dissentiant. Declaratur. Conueniunt in hoc, quod omnis gratia necessaria ad benè operandum est indifferens ad ponendum, & non ponendum effectum principalem ad quem à Deo confertur; ita quod, si voluntas consentit, fiat efficax; si non consentit, remanet *sufficiens*, eo quod quantum in se est ex parte principij gratiosi, sufficit ad producendum effectum, quia nullo alio indiget in genere gratiæ, at effectum non facit, quia aliud principium, quod vitale est, non vult ea uti. Quando autem vult ea uti, & concurrit ad opus, tunc gratia est sufficiens, & efficax. Hanc sententiam non sumus secuti, ut patuit in cap. 7. etc. quia si alio modo explicetur, putamus non esse S. Augustini: & Cardinalis Belar. in *lib. 1. de Gratia, & lib. arbit. cap. 12.* ingenuè fatetur non esse sententiam S. Augustini: & nos in superioribus notauimus à S. Austino potius impugnari pro statu naturæ lapsæ, admittente talem gratiam à voluntate determinandam in solis Angelis, & Adamo, asserens pro ratione, quia ut Deus exerceat misericordiam suam cum creaturis, non indiget consensu earum, neque illum expectat; sed ipse facit, ut consentiant, alioquin (à posteriori) frustra diceret Paulus, *Quis te discernit? quid habes, quod non accepisti?* etenim homo consentiens, dicere posset, *Ego me discerno*; quia ego feci, ut gratia esset efficax, & volui facere, ac feci bonum opus: hunc ergo modum declarandi gratiam sufficientem, qui ab Augustino, ut video reiicitur, sequi non possum, & qualiscumque valoris sit, non curo amplius discutere, sed non impugno.

Alij aliter distinguunt sufficientē ab efficaci.

Alij alio modo gratiã ex sufficienti fieri efficacẽ declarant, vt cum S. August. teneãt, & à prefata sententia recedant, quem modum idem Belarminus refert in dicto Capite, & iterum in Capite 13. respondens ad 3. obiectionem: quem modum non curo referre, quia illum non impugno, sed relinquo in suo statu; tũ quia fortẽ non bene capio; tũ etiam, quia omnem modum dicendi admitterem, dummodò saluet gratiam sufficientem, distinctam ab efficaci, & libertatem voluntatis, & quòd homo non se discernit, sed Deus.

Alij verò, qui se Sancti Augustini magis sequaces profitentur, (quibus subscribo) docent gratiam efficacem; & sufficientem esse duas species diuersas ex sui natura, nec posse hanc euadere illam: sed vt in toto hoc ferẽ tractatu diximus, dicunt, efficacem esse illam, quæ ex sua natura, vel ex diuino decreto talis est, quæ infallibiliter semper habet annexum effectum principalem, ad quem faciendum à Deo datur; sufficientem verò esse eam, quæ effectum principalem annexum non habet, vnde cumque hoc proueniat; sed dat posse tantum potentiæ, vt exemplis patebit. Vnde verò sortiatur nomen *sufficientis*, cũ reuera, se sola, & sine alia, nempe adiuvante, ad faciendum de facto opus non sufficiat, & ad quid detur, quoad me fateor ingenuẽ, hoc opus, hic labor est; ideo

401. Adu. 4. Quòd licet ex tempore Augustini, immò ab initio Ecclesię, etiam in Veteri Testamento, vt in cap. 4. patuit, & mox patebit agnita fuerit gratia ista inefficax, quę effectum principalem secum annexum non habet (vnde cumque hoc proueniat) non potui tamen inuenire quisnam ex maioribus, & antiquis nomen hoc *sufficientis*, & qua ratione, ei imposuerit. Autho-

Authoris
ingenuitas
ac mode-
stia.

res enim, qui docent omnem gratiam secundum se, & in suo ordine esse actiuam, si voluntas velit ea uti; at non agere, quia voluntas ea non utitur, facile assignant; cur dicatur, & sit *sufficiens*, quia, inquiunt, in genere gratiæ, & comprincipij supernaturalis nullo alio indiget, ut exeat in actum, sed expectat, ut voluntas ea utatur ad faciendum actum supernaturaliter bonum, ac liberum, & meritorium, siue de congruo, ut in se disponentibus ad iustitiam, siue de condigno, ut in iustis benè operantibus. Isti, inquam, suppositæ eorum sententia de submissione, ac dependentia gratiæ ad voluntatem, nullo negotio, immò euidenter ab hac difficultate se liberant. At qui dicunt certius se Sancti Augustini, S. Fulgentij, S. Prosperi, S. Thomæ, & Scoti sententiam sequi, nempe, quòd gratia efficax ex sui intrinseca natura sibi à Deo indita habet, ut delectabiliter trahat (ut supra diximus) voluntatem ad faciendum opus bonum, se habens ad voluntatem, sicut sessor ad iumentum, ut ait S. Augustinus, non quidem cum omnimoda paritate, ut phanaticè putauit Lutherus negans liberum arbitrium hominis, quia docuit, quòd sicut iumentum caret libertate, quæ tota in sessore est, ita homo sub gratia efficaci, demens enim est, qui putat in hoc sensu loqui Sanctum Augustinum; sed cum aliqua paritate, ut ostenderet præcellentiam gratiæ, quæ liberum arbitrium ex diuina virtute alliciendo illud trahit ad bonum operandum; & ideò facit, ut voluntas faciat; ac propterea sit, & dicatur efficax; alia autem species gratiæ hanc naturam, seu qualitatem à Deo non habet, ideòque inefficax, difficiliùs assignant rationem, cur dicatur *sufficiens*, cum ipsa in genere gratiæ, sola

Author ne
scit, quis sit
inuentor
vocabuli
sufficientis
pro gratia
inefficaci.

Aliqui fa-
cile assi-
gnant ratio-
nem: alij
non sic fa-
cile.

sola non satis, & valens sit, ad trahendam voluntatem, vt cum ea faciat opus bonum, sed sit necessaria gratia adiuuans, quę facit facere; cur autem sic vocetur, dicam.

402. Dico i. Omnino admitti debet Gratia dicta *sufficiens*, contradistincta ab efficaci; talis quidem ex sua natura sibi à Deo indita; & absque ordine ad voluntatis determinationem, sed dans ei posse bona facere. Prima pars nunc de fide est. Secunda verò disputatur donec ab Ecclesia expressè definiatur; at existimatur S. Augustini, & eius Discipulorum esse, inter quos minimus ego censerì cupio; quamuis opposita ab alijs, qui S. Augustinum quoque profitentur sequi, defendatur, quos non impugno.

403. Prima pars ex cap. 4. manet probata; nihilominus eas rationes recolere, & alias adiungere, inutile non erit. In Veteri Testamento legimus, quòd sepè Deus populum suum vocauit, reprehendit, admonuit, ac afflixit; & tamèn non obediuit, restitit vocationibus, sprenit monitiones, & peius aliquandò peccauit: ergo. Anteced. prob. ex pluribus locis: psal. 94. *Quadraginta annis (idest in deserto) proximus fui generationi huic, & dixi semper hi errant corde; ipsi verò non cognouerunt vias meas; quibus iuravi in ira mea, si introibunt in requiem meam*. Et ita accidit in pœnam, quia ex innumerabili ferè illo promiscuo populo, qui, duce Moise, egressus fuit de Ægypto, & vagatus annis 40. per desertum, duo soli, Iosue, & Caleb in terram promissionis intrarunt. 2. ex Prou. 24. Deus dicit. *Conuertimini ad correptionem meam. En proferam vobis spiritum meum, & ostendam vobis verba mea. Quia vocaui, & renuistis; extendi manum meam, & non fuit, qui aspiceret;*

Admitti
debet gra-
tia sufficiens
ex sua na-
tura.

Ex Veteri
Test. prob-
batur.

Ex psal.

Ex Prouer.

ret; despexistis omne consilium meum, & correptionem meam: ego quoque in interitu vestro ridebo, & subsannabo, cum id, quod timebatis, aduenerit.

Ex Isaia.

404. Confirmatur ex Isaia 1. vbi Deus con- queritur de Populo Hæbraico, quòd ei non obe- dierit, sed eius admonitiones spreuerit, & inuitat, vt ad ipsum redeat per pœnitentiam; qui tamen pertinax in Idolatria perseuerauit. *Filios enutri- ui, ipsi autem spreuerunt me. Cognouit bos possessorem suum, & asinus præsepe Domini sui; Israel au- tem me non cognouit, & populus meus non intelle- xit: & infra. Lauamini, mundi esote, auferte ma- lum cogitationum vestrarum ab oculis meis, quiesci- te perversè agere, etc. venite, & arguite me, etc.* & tamen conuersio populi secuta non est, immò hic Propheta ob has monitiones ab impio Manasse Rege Iudæ per medium sectus, & occisus est.

Ex toto Ve-
teri Test.
probari po-
test.

405. Confirmatur 2. ex omnibus libris Ve- teris Testamenti, & præsertim omnium Prophe- tarum, per quos Deus populos Hæbraicos post diuisionem Regni sub Roboam, et Ieroboam, hortatus est ad pœnitentiam, & miraculis veri- tatem ab eis prædicatam confirmauit; & nihilo- minus conuersi non sunt. Has autem gratias vo- camus *sufficientes*, contradistinctas ab efficaci- bus, quibus annexi sunt effectus, nempè conuer- siones ad fidem, vel pœnitentiam, vel ad alia bo- na peragenda.

Ad obiectionē, quòd fuerint ex- ternæ voca- tiones res- ponsio.

406. Neque potest dici, quòd prædicationes illæ, & exhortationes Prophetarum, vel aliorum Sanctorum Dei iussu factæ populis, aut priuatis personis fuerint externæ tantùm gratiæ, puta lo- cutiones, ac verba, sicut est ipsa lex à Deo da- ta, non autem interna qualitas in anima à Deo infusa; & ideo sicut lex non in omnibus, qui eam legunt

legunt producit effectum, quem dicitur, ita neque prædicationes illæ .

407. Respondetur enim , hanc fuisse vnam , ex propositionibus Pelagij Hæretici iam damnati ; ideò non posse ab vilo Catholico amplius adduci . Quòd verò prædicationes illæ , & aliorum à Deo missorum non fuerint , nec sint simplicia , seu externa tantum verba ; sed ijs prædicantibus externè , Deus tunc internè loquatur illuminando , vt veritatem audientes agnoscant ; & inspirando , vt eam cognitam diligant , alioquin frustra fieret prædicatio ; luculenter hoc docuit Sanctus Augustinus Doctor Gratia tract. 3. in epist. 1. Ioannis , vbi explicans illud , *Vnctio spiritus docet nos* , inquit , *Videte fratres magnum Sacramentum : sonus verborum nostrorum aures percutit , Magister intus est : admonere possumus per strepitum vocis nostræ ; si non sit intus , qui doceat , inanis est strepitus noster .* Et post aliqua subdit . *Magisteri a forinseca , adiutoria quædam sunt , & admonitiones : Cathedram in Cælo habet , qui corda docet ; propterea dicit in Euangelio , nolite vobis Magistrum dicere in terra . Vnus ergo Magister est Christus ; ipse ergo nobis intus loquitur , quando nemo hominum illic est : & infra . Interius ergo est Magister , qui docet ; Christus docet ; inspiratio illius docet . Vbi illius inspiratio , & vnctio non est : forinsecus inaniter perstreperunt verba : & assignat exemplum de Agricola , qui arborem irrigat , sed nec dat ei incrementum , nec ipse poma producit . Ideò dicit Apostolus . Ego plantavi , Apollo rigauit ; Deus autem incrementum dedit . Ergo cum Deus per Prophetas , alioque ministros manifestare facit hominibus veritatem doctrinæ , ac morum , & facit eos hortari , et admonere , vt conuertantur ad fidem , vel peniten-*

Ex S. Aug.
clara res-
ponso .

Cum quis
externè præ-
dicat ; Deus
internè lo-
quitur .

Deus per
prædicato-
res loqui-
tur externè
sed ipse in-
ternè .

tentiâ; vel ad exercitiû virtutû, ipse benignissimus Dominus tunc intus loquitur illuminando; et inspirando; quamuis audientes sæpè numero non conuertantur ad ea, ad quæ admonentur.

408. Prob. iterum eadem pars prima ex Nouo Testamento. Saluator post prædicationem, 40. ferè mensium, cùm pauci conuersi essent respectu tantæ multitudinis Iudæorum, Matth. 23. 37. dixit. *Ierusalem, Ierusalem, quoties volui cōgregare filios tuos quemadmodum gallina congregat pullos suos sub alis, & noluisti.* Ioann. 5. ait. *Quem misit ille (Pater) huic non creditis, scrutamini Scripturas, quia vos putatis in ipsis vitam æternam habere, & illæ sunt, quæ testimonium perhibent de me, & non vultis venire ad me, vt vitam æternam habeatis: & alia plura eiusmodi dicta Christi in Euangelio legimus.* Christus autem, vt nuper patuit, non externè tantum loquebatur, sed etiam internè, illuminando, & inspirando; & tamen auditores non crediderunt; ergo confitenda est gratia interna contradistincta ab efficaci, cui voluntas resistit, et effectum principale connexion non habet.

409. Primus omnium, qui post Christum, de hac sufficienti gratia testimonium perhibuit, est Protomartir Stephanus. Is Act. 7. post longam illam concionem, qua omnia beneficia populo à Deo collata, & ingratitude, ac duritiem cordium ipsorum ad Deo obediendum exprolasset, mox ob ipsorum perfidiam lapidandus, dixit. *Dura ceruice, & incircumcisis cordibus, & auribus vos semper Spiritui Sancto resistitis; sicut Patres vestri, ita & vos.* Ergo datur gratia, cui voluntas resistit, & quæ effectum principale annexum non habet.

Alia ratio
ad idem.

Ex Christi
dictis.

Ex dictis
Stephani.

410. Confirmatur ulterius ex aliquibus Pauli locis . Rom. 10. 16. *Sed non omnes credunt Euangelio : Isaias enim dicit , Domine quis credidit auditui nostro ?* Cùm autem Apostoli Euangelium externè prædicabant, Deus , vt ex Augustino patuit, internè loquebatur auscultantibus; & tamen non omnes credebant: & in die Pentecostes prædicatio eorum confirmata fuit cum miraculo linguarum; & tamen cùm tot millia hominum audissent, & illuminati, ac inspirati essent; tria millia tantùm conuersi fidem susceperunt. Sic etiam quando *Act. 3.* Petrus, & Ioannes, sanato claudio, protestati sunt se in nomine Iesu miraculum patrasse; & ideò eius sanctitatem, ac diuinitatem annunciarunt, asserentes, nullum sine eius fide saluari posse, quinque millia hominum tantummodò conuersi sunt; cæteri verò, etsi illuminati, ac inspirati, in sua infidelitate perstiterunt. Similes autem plures casus acciderunt Petro, & Paulo, & cæteris Apostolis, vt ex toto libro *Act.* Apostolorum constat; pauci enim ad eorum prædicationem conuertebantur, vt Paulo prædicante Athenis; & interdum vnus, vt de Lydia purpuraria ad prædicationem Pauli *Act. 16.* sola cū domo cōuersa Philippis. Hinc est, quòd Antiochiæ Pisidiæ *Act. 13.* cùm toties Hæbreis prædicasset, & rarissimas ipsorum conuersiones expertus esset, sancto zelo repletus, dixit. *Vobis oportebat primùm loqui verbum Dei; sed quoniam repellitis illud, & indignos vos indicatis eterne vitæ eccē conuertimur ad gentes: sic enim præcepit nobis Dominus . Posui te in lucem Gentium . Audientes autem gentes gauisæ sunt, & glorificabant verbum Domini, & crediderunt quotquot erant præordinati ad vitam eternam .* Ecce in hoc facto duplex gratiæ

Ex Aposto-
li didis, &
factis.

Multi au-
diebant cō-
uersiones; sed
pauci con-
uertebantur

genus ; in prioribus illuminatis , & inspiratis sufficiens , nam sine conuersione ; in posterioribus efficax, quia cum conuersione .

Alia arg.
vnde sumē.
da .

411. Alia argumenta , quibus probatur hæc gratia dicta *sufficiens*, desumpta ex Concil. & ex definitione Sedis Apostolicæ, & ex S. Augustino , in Capite 4. huius Opusculi relata sunt ; & alia infra adducentur , cum ostendamus gratiam sufficientem ad credendum omnibus , etiam infidelibus, dari ; & gratiam ad pœnitendum, & ad opera legis , atque consilij omnibus quoque fidelibus : at non omnes , nec illos , nec istos conuerti ad faciendum : ideòque suppositis fidei principijs , euident est , dari gratiam contradistinctam ab efficaci, quæ communiter nostris temporibus appellatur *sufficiens* .

S. Aug. non
sic nominat
hanc gratiam,
sed in re
admittit

S. Augustini clara loca adduxi in præfato Capite 4. ibi videnda . Quamuis, nec in illis, nec in alijs locis vmquam hoc nomine sufficientis in modernorum sensu appellat aliquam gratiam : in re tamen conuenit , admittendo gratiam vocationis , quam homo non sequitur . Hoc autem de eius mente nobis sufficit , quòd scilicet detur quodam gratiæ genus, qua homo illuminatur, ac inspiratur ad conuersionem, vel ad pœnitentiam, vel ad aliud virtutis opus , quod tamen homo nō facit , & non curamus de nomine , an adæquatè eam exprimat , nec ne ; & cum communi modernorum nomine vocamus *sufficientem*, mox cum alijs dicturi sub qua proprietate talis dicatur .

Gratia ista
ex se habet
quòd non
sit efficax.

412. Secunda pars conclusionis , quòd scilicet ex se habeat gratia ista, ex Dei dispositione , vt non sit efficax, seu faciens facere ; non verò respectu voluntatis non consentientis , ita quòd si consentiret, illa eadem sufficiens , euaderet efficax,

cax, probatur. S. Augustinus, cuius intentio in omnibus suis libris gratiam tangentibus principaliter fuit in probando, & firmando necessitatem, gratiæ facientis facere, seu efficacis, & per accedens aliquando de gratia non faciente facere, seu inefficaci locutus est, in duplici tantum casu admittit gratiam istam quorundam modernorum modo sufficientem, nempe cum ordine ad voluntatem, à qua fieri posset efficax, in casu scilicet Angelorum, & Adami innocentis: pro alijs autem casibus, aut personis post lapsum Adæ, nequaquam, ut sæpè superius ex eo ostendimus. Immo, cum in libro *de Bono Perseuer. cap. 9.* quærens, cur ex duobus vocatis, vnus sequatur vocantem, alius non sequatur, non assignat voluntatem non sequentis, sed recurrit ad inscrutabile Dei iudicium, sic autem ait: *Ex duobus ætate grandibus impijs, cur iste vocetur, ut vocantem sequatur; ille autem, aut non vocetur, aut non ita vocetur; inscrutabilia sunt iudicia Dei: ex duobus autem pijs, cur vni detur perseuerantia vsque in finem, illi non detur, incomprehensibilia sunt iudicia Dei.* Si autem à voluntate dependeret, ut effectum haberet vtraque vocatio, Augustinus ad voluntatem non sequentem recurrisset, non verò ad inscrutabile Dei iudicium, quod diuersæ rationis vocationem illis impartiat.

413. Præterea in *lib. 1. ad Simplicianum qu. 2.* ut diffusè retulimus in *cap. 4.* differens de duobus illis fidei principijs, vno *Rom. 9. non volentis, neque currentis, sed Dei est misereantis*, & alio, *Matt. 20. multi sunt vocati, pauci verò electi*, multa dicit ad rem nostram. Primò si dicatur, quòd ex voluntate hominis penderet vocationis effectus; igitur, inquit, *non misereantis est Dei, sed currentis*

Pro Adamo tantum
S. Aug. admittit sufficientem modernorum,
& pro Angelis.

S. August.
locus.

est hominis; quoniam non potest effectus misericordie Dei esse in hominis potestate, ut frustra ille misereatur, si homo nolit: qui si vellet etiam ipsorum (idest vocatorum non sequentium) misereri, posset ita vocare quomodo illis aptum esset, ut & monerentur, & intelligerent, & sequerentur: postquam autem impugnauit modum illum dicendi, his temporibus, vel paulò ante renouatum, quòd gratia secundum se sufficiens est, ut effectum producat, si voluntas velit, declarat, quomodo veræ sunt duæ illæ propositiones, multi sunt vocati, pauci verò electi, & alia, non volentis, neque currentis, sed miserentis est Dei, totum hoc tribuens, non voluntati humanæ diuersimodè volenti, sed gratiæ diuersitati diuersimodè ex Dei dispositione, et inscrutabili iudicio inclinanti; dicit enim. Verum est ergo, multi vocati, pauci verò electi: illi enim electi, qui congruenter vocati: qui autem non congruebant, neque contemperabant vocationi non electi, quia non secuti, quamuis vocati. Item verum est, non volentis, neque currentis, sed miserentis est Dei; quia etiamsi multos vocet; eorum tamen miseretur, quos ita vocat, quomodo eos vocari aptum est, ut sequantur. Deindè adducit multa exempla Discipulorum Christi, et aliorum, quorum aliqui ex diuersis vocationum rationibus statim secuti sunt Dominum, etiam nullo viso miraculo, alij, vel non secuti, vel post plures vocationes, visisque miraculis; ut videre est in cap. 4. ergo ex sua conditione istæ gratiæ vocationum habent, vel non habent virtutem, ut faciant sequi, vel non sequi vocantem, non verò dependenter à voluntate consentiente, vel non consentiente.

414. Dico 2. Gratia ista, quæ nunc communiter, et aprè dicitur, *sufficiens*, non est similis illi,

Absurdum
ex contra-
ria senten-
tia.

Cur ex duo-
bus vocatis
vnus sequi-
tur, alius
non; ex Au-
gust. ad di-
uersitatem
gratiæ re-
fertur.

illi, quam habuerunt Angeli, vel Adam in statu innocentiae: est eadem cum secunda parte precedentis conclusionis; de necessitate tamen ulterius explicanda.

415. Prob. ipsismet S. Augustini verbis, in *lib. de Corr. & Gratia cap. 11.* ubi docens primò necessitatem gratiae in omni homine, etiam in Adamo innocente, & Angelis, antequam beatificarentur, assignat differentiam inter gratiam collatam Angelis, & Adamo necessariam ad permanendum in bono sibi collato, & gratiam necessariam omni homini, ipsique Adamo post peccatum; dicens *præ cæteris de Adamo. Sed sanè habuit, in quo si permanere vellet, numquam malus esset, & sine quo etiam cum libero arbitrio bonus esse non posset; sed eam per liberum arbitrium deserere posset. Nec ipsum ergo Deus esse voluit sine gratia, quem reliquit in eius libero arbitrio: quoniam liberum arbitrium ad malum sufficit; ad bonum autem parum est, nisi adiungetur ab omnipotenti bono: quod adiutorium si homo ille non deseruisset per liberum arbitrium, semper esset bonus; sed deseruit, & desertus est. Tale quippè erat adiutorium, quod desereret cum vellet, & in quo permaneret, si vellet, non quo fieret, ut vellet. Hæc est prima gratia, quæ data est primo Adamo: sed hæc potentior est in secundo Adamo. Prima est enim qua fit, ut homo habeat iustitiam, si velit. Secunda ergo plus potest, qua etiam fit, ut velit; & tantum velit, tantoque ardore diligit, ut carnis voluptatem contrarium concupiscentem, voluntate spiritus vincat. Nec illa quidem parua erat, qua demonstrata est etiam potentia liberi arbitrii; quoniam sic adiuvabatur, ut sine hoc adiutorio in bono non maneret, sed hoc adiutorium, si vellet, desereret. Hæc autem tanto maior est, ut parum sit homi-*

Sufficiens
gratia non
est sicut il-
la Adam.

Gratia A-
dami quæ.

Gratia ali-
orum post
peccatum
quæ.

Gratia suf-
ficiens nūc
non est, si-
cut sufficiens
Adami.

homini per illam reparare perditam libertatem . Pa-
rum sit denique sine illa non posse , vel apprehendere
bonum , vel permanere in bono , si velit , nisi etiam
efficiatur , ut velit . Tunc ergo dederat homini Deus
bonam voluntatem : in illa quippè illum fecerat , qua
fecerat rectum . Dederat adiutorium , sine quo in ea
non posset permanere , si vellet : ut autem vellet , in
eius libero reliquit arbitrio . Posset ergo permanere ,
si vellet , quia dederat adiutorium , per quod posset ,
& sine quo non posset perseveranter bonum tenere ,
quod vellet : sed quia noluit permanere , profectò eius
culpa est , cuius meritum fuisset , si permanere voluis-
set . Sic fecerunt Angeli Sancti , qui cadentibus a-
lijs per liberum arbitrium , per idem liberum arbitriū
steterunt ipsi . Si autem hoc adiutorium , vel Ange-
lo , vel homini , quando primum facti sunt , defuisset ,
quoniam non talis natura facta erat , ut sine diuino a-
diutorio posset manere si vellet ; non utique sua culpa
cecidissent . Adiutorium quippè defuisset , sine quo
manere non possent . Nunc autem quibus deest tale
adiutorium , iam pœna peccati est . Quibus autem
datur , secundum gratiam datur , non secundum debi-
tum , & tantò ampliùs datur per Iesum Christum Do-
minum nostrum , quibus id dare Deo placuit , ut non
solum adsit , sine quo permanere non possumus , etiam
si velimus ; verum etiam tantum , ac tale sit , ut veli-
mus ; est quippè in nobis per hanc Dei gratiam in bo-
no recipiendo , & perseveranter tenendo non solum
posse , quod volumus : verum etiam velle quod possu-
mus . Quod non fuit in homine primo . Unum enim
in illo fuit , alterum non fuit . Itaque gratia
sufficiens , quam nos omnes Catholici confiteri te-
nemur contradistinctam ab efficaci (quia non
habet annexum effectum , sicut efficax) non est
similis gratiæ sufficienti Adami , nisi in vno tan-
tūm ,

Illa à volū-
tate Adami
pendebat ,
ut effectum
eliceret .

tum, quia ista Adami habuit posse tantum, & caruit effectu; at non est similis in alia parte, quod nempe ex dependentia voluntatis illa Adami, sine aliquo alio adiutorio habere potuit effectum, si voluntas voluisset; non sic est gratia nobis necessaria in statu naturæ lapsæ, ut effectus habeatur, quia præter posse effectum producere, ex se ipsa Deo sic disponente habet, ut voluntatem trahat, & cum ea effectum producat: igitur non ex eo, quod si voluntas velit, facit effectum, & si nolit non faciat, dicenda est sufficiens, sed ex aliquo alio capite.

416. Confirmatur eo eodem Augustino in eodem libro de *Corr. & Gratia cap. 12.* ubi iterum longo, sed fructuoso discursu probat gratiam datam hominibus post peccatum Adæ, non esse similem illi, quam dedit Adæ, qua scilicet possit facere actus bonos, & faciat si velit, subdens rationem, ne homo in se gloriatur, sed gloriatur in Deo, qui dat gratiā, qua possit facere, & quæ faciat facere, inquit. *Ac per hoc, nec de ipsa perseuerantia boni voluit Deus Sanctos suos in viribus suis, sed in ipso gloriari, qui eis non solum dat adiutorium, quale primo homini dedit, sine quo non possint perseuerare, si velint: sed in eis etiam operatur & velle, &c. Tanto quippe accenditur voluntas eorum, Spiritu Sancto, ut ideò possint, quia sic velint, & ideò sic velint, quia Deus operatur, ut velint: & validam rationem adducit, cur Deus voluntati humanæ in natura lapsa non remittat, ut gratiam reddat efficacem, si velit, ut fecit cum Adamo, inquit. Nam si in tanta infirmitate vitæ huius (in qua tamen infirmitate propter elationem reprimendam perfici virtutem oportebat) ipsis relinqueretur voluntas sua, ut in adiutorio Dei, sine quo perseuerare non*

Alius S.
Aug. locus
evidens

Neque San-
ctis dat, si-
cut dedit
Adæ, ne in
eo gloriem-
tur.

sent, manerent, si vellent, nec Deus in eis operaretur, ut vellent; inter tot, & tantas tentationes, infirmitate sua voluntas ipsa succumberet, & idèd perseuerare non possent, quia deficientes infirmitate, nec vellent infirmitate voluntatis, ut possent. Subuentum est ergo infirmitati humanae, ut diuina gratia indeclinabiliter; & inseparabiliter ageretur: & idèd quamuis infirma, non tamen deficeret, neque aduersitate aliqua vinceretur. Ita factum est, ut voluntas hominis inualida, & imbecilla in bono adhuc paruo perseueraret per virtutem Dei: cum voluntas primi hominis fortis, & sana in bono ampliore non perseuerauerit habens virtutem liberi arbitrij, quamuis non de futuro auxilio Dei, sine quo non posset perseuerare, si vellet; non tamen tale, quo in illo Deus operatur, ut vellet. Fortissimo quippè dimisit, atque permisit facere quod vellet: infirmis seruauit, ut ipso donante, inuictissimè, quod bonum est vellent, nec hoc deserere inuictissimè nollent. Igitur gratia, quæ asseritur nunc sufficiens, in Augustini sententia, non est similis illi, quam habuit Adam, dependens à voluntate, ut sit efficax; immò, videtur non conuenire naturæ infirmæ, quia tot concupiscentijs obruta, nullatenus posset actu ad spiritualia conuerti.

417. Dico 3. Gratia ista, qua homo illuminatur, ac inspiratur, siue ad credendum, siue ad pænitendum, siue ad alia virtutum opera faciendum, carens his effectibus, dici potest, & debet cõmuni vocabulo *sufficiens*, tum quia in eo genere eleuandi animam ad supernaturalia sufficit, sine qua non eleuaretur; tum etiam, quia dat posse ad talia opera; quòd si adiuuante gratia fulciatur, in eos actus homo exibat.

418. Prob. & declaratur. Anima nostra,
sine

Si daret
 nunc gra-
 tiam, sicut
 Adamo, ea
 nemo vte-
 retur, ob
 naturæ in-
 firmitatem

Gratia vn-
 de dicitur
 sufficiens.

sine gratia præueniente, & excitante, ac inspirante iacet, ac moratur in naturalium, & caducarum rerum agnitione, & affectione: hinc David psal. 124. *Anima mea, sicut terra sine aqua tibi; terreni enim sumus, & aridi, nisi diuinæ gratiæ rore irrigemur: vnde subdit, velociter exaudi me Domine, defecit spiritus meus.* A gratia autem præueniente, seu excitante incipit Deus eleuare animam, eamque disponere ad perfectionem, tam primam, quam cæteras post lapsum, & ad alia opera iustitiæ, ac supernaturalia; sic enim docet Concil. Trid. sess. 6. cap. 5. *Declarat præterea ipsius iustificationis exordium in adultis à Dei per Iesum Christum præueniente gratia sumendum esse, hoc est ab eius vocatione, qua nullis eorum existentibus meritis vocantur; & qui per peccata à Deo auersi erant per eius excitantem, atque adiuuantem gratiam ad conuertendum se ad suam ipsorum iustificationem eidem gratia liberè assentiendo, & cooperando disponuntur: ita ut tangente Deo cor hominis per Spiritus Sancti illuminationem, neque homo ipse nihil agat inspirationem illam recipiens, quippè qui illam abijcere potest; neque tamen sine gratia Dei mouere se ad iustitiam coram illo libera sua voluntate possit: in quo Capite plura pro nostra sententia habemus: primum, quòd per excitationem, seu illuminationem, aut vocationem (quæ idem sunt) cum præueniente Dei gratia homo incipit eleuari ad spirituales, ac supernaturales iustificationem. Secundum est, quòd adiuuans gratia necessaria est, ut opus consentiendi sequatur. Tertium, quòd voluntas tunc cooperatur. Quartum, quòd voluntas abijcere potest illuminationem: notandum hoc, dicit illuminationem, non dicit adiuuantem gratiam, quam prædixerat necessariam ad hanc*

Primum
principium
boni operis
est gratia
excitans,
ac inspirans.

Ex Concil.
Trid.

dispositionem; & subiungit, & *sine gratia Dei mouere se ad iustitiam non possit*: & in cap. sequenti, dicit. *Disponuntur autem ad ipsam iustitiam, dum excitati diuina gratia, & adiuti fidem, &c. credere, sperare, ac diligere incipiunt*. Gratia ergo excitans, ac preueniens, seu illuminans, est exordium eleuationis ad opera supernaturalia, & sine qua, nec eleuatio illa fieret, nec opus vllum supernaturale sequeretur: igitur ad hoc est sufficiens.

419. Prob. 2. paritate habituum supernaturalium fidei, spei, & charitatis: isti enim constituunt hominem in ordine supernaturali, & tribuunt posse facere actus credendi, sperandi, ac diligendi; & in tali ordine, & ad tales effectus sunt sufficientia principia; & tamen in actus illos non exeunt sine actuali Dei auxilio, quo concurrat cum homine ad actus illos producendos: & deficientia huius auxilij non aufert illis habitibus ratione sufficienti in ratione principij in ordine suo, & in actu primo. Ita pariter dici potest, ac debet de gratia, seu auxilio dicto *sufficienti*, contradistincto ab efficaci; quod scilicet, cum ipsum sit ita necessarium ad faciendum opus bonum supernaturale, ut sine ipso fieri non possit; licet ad illud actu faciendum sit necessarium aliud auxilium dictum, adiuuans, seu efficax; non proinde illud non potest, & debet dici sufficiens in ordine suo.

420. Prob. 3. paritate causarum naturalium, quę quidem in suo ordine habent actiuitatem, ac virtutem respectu suorum effectuum, & sine illis haberi non possunt ipsarum effectus: & tamen, nisi ab aliquo agente extrinseco applicentur materijs proportionatis, suos effectus non producant: neque propterea ex carentia talis applicationis cessant esse, aut dici sufficientes; ita de auxilio,

Paritas de
habitibus;
qui suffi-
cientes sūt
& in actus
non exeunt
sine alio
iunante.

Paritas
causarum
naturalium.

lio, seu gratia contradistincta ab efficaci dicendum est; quòd scilicet sufficiens dicenda sit: quāvis, vt effectus illius ponatur in esse, alia gratia adiuuans, seu efficax necessaria sit, quia sine illa sufficienti effectus poni nequit in esse: & per illam tantū numquam ponatur, sed potest poni cū alio adiuuante; & cum hoc de facto ponitur: hæc est sufficientis (quam tenemus) gratiæ natura.

421. Confirmatur. Gratia dicta *sufficiens*, est sine qua homo non potest operari opus supernaturale, credendi, diligendi, penitendi, &c. & cum qua potest, vt de gratia Adami docet S. Augustinus, ex supra dictis: igitur dat possibilitatem, ad faciendum; & sic in ordine possibilitatis, seu potestatis ad faciendum, est sufficiens, licet non det actualitatem, seu actum faciendi, quia hoc est munus adiuuantis, seu efficacis: sicut à pari, lumen est necessarium oculo ad videndum, & in suo genere ita dat ei posse videre, vt sine eo nō possit oculus videre, & cum eo possit videre: non tamen dat actu videre; immò potest oculus habens illud præsens eo non uti, & actum videndi, voluntate imperante, non elicere: neque propterea sequitur, quòd lumen non sit in suo genere sufficiens ad causandam visionem, & sine quo non possit causari visio: ita gratia ista, sine qua produci non potest actus bonus, & cum qua produci potest, dici potest, & debet sufficiens ad illum producendum, licet aliud sit necessarium, vt actu producat.

422. Probari solet ab alijs, quòd quāvis gratia ista præueniēs se sola in ratione principij supernaturalis non possit effectum in actu ponere; & ideo nequeat dici principium cōpletum sufficiens, poterit tamen dici sufficiens incōpletè: sed licet hic loquē

Paritas luminis ad videndum.

Aliorum ratio non multum placet Authori.

di modus admitti possit, ego tamen abstinerem ; quia gratia præueniens , quæ in illuminatione , & inspiratione operis boni consistit, non completur à gratia adiuuante , seu efficaci , nec istam complet ; sed ad istam necessariò præmittitur , eo quòd auxiliatur potentijs vitalibus intellectui, eū illuminando , vt cognoscat veritatem boni operis, & inspirando , seu inflammando voluntatem, vt ad illud volendum, seu diligendum disponatur ; & hæc duo peragens, suum explet munus : & tunc, si voluntas exequitur volendo, seu diligendo, aut imperando , per adiuuantem, seu efficacem gratiam id exequitur ; & si ista non adsit , non exequitur ; & tamen præueniens opus , seu munus suum iam impleuit ; & proindè nec ista, nec illa complentur ad inuicem : sed præueniens prærequiritur ad adiuuantem , & hæc necessariò illam supponit. Sed quidquid sit de modo isto loquendi , dummodò admittatur gratia ista contradistincta ab efficaci , & dicatur *sufficiens* , de quaestione nominis curandum non est , quia antiqui Scholastici , & Doctor ipse Gratiæ S. Augustinus hoc nomine vsi non sunt, sed gratias istas, nominibus *sine qua* , & *cum qua*, appellarunt ; in re tamen eadem significant , ac sufficiens , atque efficax .

CAPVT XIX.

An infidelibus omnibus Deus gratiam sufficientem ad credendum largiatur .

423. **A**Du. 1. quòd infidelium nomine veniūt multi : primò omnes Gentiles, tam ante , quàm post aduentum Christi , qui nempè idola

idola colebant, & colunt, Solem, Lunam, &c. 2. Atheistæ, qui Deum dari negant. 3. Mahometani, qui colunt quidem vnum Deum, non verò Trinitatem, neque Christum, quem Prophetam asserunt, non Deum; & Mahometem, vt Prophetam, & Legislatorem venerantur. 4. Iudæi, qui Deum credunt, non verò Trinitatem, neque Christum, & Legem diuinam profitentur, sed Mosaicam tantum: & hi omnes anthonomasticè appellantur nunc infidelès; quia non baptizati. 5. Infideles dicuntur Hæretici, qui baptizati in vnum Deum, & in Christum credunt, sed in aliquo, vel aliquibus fidei articulis errant. Hic ergo de omnibus his loquimur, sed principaliter de primis quatuor generibus infidelium; & quærimus, an Deus eis largiatur gratiam sufficientem, & ad quæ opera peragenda.

424. Adu. 2. quòd quamuis præfati infideles multa bona opera à lege naturæ dictata (vt mox dicam) facere possint, & faciant, vt dicit Apostolus Rom. 2. quia tamē ex eodem Hebr. 11. *sine fide impossibile est placere Deo*, opera illa, quæ faciunt, licet Deo non displiceant, quia lumine naturæ ab ipsomet Deo collato faciunt, et si absque defectu fiant, iuuent eos, sicut dicit S. Augustinus, ad minus in Inferno ardendum; tamen, non placent Deo in ordine ad salutem, seu æternam vitam consequendam; quia non fiunt, nec diriguntur ex magisterio fidei, à qua sumit initium iustificatio, vt docet *Concil. Trid. sess. 6. cap. 6.* & propterea immorari non debemus in quærendo, an infideles habeant gratiam saltem sufficientem ad faciendum opéra legis naturalis, quæ ex rationis dictamine, vel parentum, aut præceptorum doctrina faciunt, quia ad hæc peragenda

non

De omnibus est
questio.

Infidelium
bona opera
legis
naturæ,
quomodo
placeant,
& non placeant Deo

Quare de
sola gra-
tia ad cre-
dendum
fit questio

non videtur necessaria supernaturalis gratia : sed insistendum est in quærendo , an infideles isti, cuiuscumque Nationis sint, in quocumque tempore, & in quacumque mundi parte constituti, habuerint, & modo habeant gratiam sufficientem ad credendum, seu ad posse credere veritatem fidei, *sicut oportet*, idest modo ad salutem conferente.

Accuratè
notandum

Lex natu-
ræ indita
cordibus .

Dictat da-
ri Deum
authorem
naturæ .

425. Adu. 3. & accuratè obseruandum duco, quòd cuilibet homini, vt fides docet, inditum est lumen naturale, quo, sine alio docente, ex se cognoscit bona moralia facienda, & mala pariter inoralia fugienda. Nam ex *psal. 4.* habetur, *Multi dicunt, quis ostendit nobis bona ? & quasi respondens, dicit. Signatum est super nos lumen vultus tui Domine, dedisti latitiam in corde meo.* Hæc est lex naturalis cuilibet homini à Deo in creatione animæ indita, quam quilibet in se experitur. Inter hæc autem bona, quæ lex naturæ dictat, hoc est vnum, quòd Deus detur, licet non dictet, quid, qualisue sit; sed quòd sit Numen aliquod supremum, quod dat nobis esse, nosque regit. *Tanta enim est dicit S. Augustinus diuinitatis vis, vt nullum hominum latere possit.* Hoc ergo modo naturali, ac simplici omnes homines cognoscunt, & credunt dari Deum, si Atheistas dementes excipias. Docti verò, vt Philosophi, clariùs, & maiori cum fundamento, à posteriori, seu ab effectibus, cognouerunt, & modò cognoscunt, atque credunt dari Deum, seu supremum quoddam numen authorem naturæ, seu omnium creaturarum, at non cognoscunt, neque credunt Deum esse authorem gloriæ, atque æternæ vitæ, quia hoc sine reuelatione, qua carent, haberi, seu sciri non potest. Tàm ergo Philosophi, quàm simplices homines fidem, seu credulitatem Dei habent naturalem,

ralem, & acquisitam, non conducentem ad salutem, & iustificationem, & ideò actus credendi illorum, non sunt, *sicut oportet*; Quoniam ergo homines eleuari, & ordinati sunt à Deo ad finem supernaturalem, vt ad eius consecutionem disponantur, necessaria est iustificatio; & hæc fieri non possit in habentibus vsum rationis, sine actibus credendi, sperandi, ac diligendi Deum, vt definit *Concil. Trid. sess. 6. cap. 6.* & actus isti credendi, sperandi, ac diligendi fieri non possint sine Spiritus Sancti inspiratione, atque adiutorio ex eodem *Concil. can. 3.* iure querimus, an infideles habeant gratiam sufficientem, qua possint hoc modo, qui dicitur, *sicut oportet*, credere. Quid autem in eis efficiat hæc gratia, cum ea non vtantur, dicam postea.

426. Adn. 4. Ad Dei sapientiam, bonitatem, iustitiam, ac prouidentiam pertinere, quòd si præcipit homini aliqua opera supra vires proprias agenda, prouideat illis de requisitis ad ea peragenda, non enim, vt ex S. Augustino docet *Concil. Trident. sess. 6. cap. 11. Deus præcipit impossibilia, sed iubendo monet facere, quod possis, petere quod non possis, & addiuvat, vt possis*: & ex Ioan. in epist. 1. cap. 5. *mandata eius graua non sunt*, & Saluator ipse, ait *Iugum enim meum suauis est, & onus meum leue*. Ideò si (quod absit) Deus præciperet aliquid humanis viribus impossibile, & homo non exequeretur, non appareret, quomodò ob culpam eum puniret: dixi *ob culpam*, quia ex alio capite nempe supremi Domini, posset eum, nedum mortificare, sed annihilare. Si autem sine auxilio aliquo supernaturali præciperet homini, vt supernaturale aliquod faceret, sic prorsus se haberet, ac si cæco præciperet, vt videret, vel pedibus destitu-

Non verò
vt auctor
gloriz, &
vitæ eter-
næ.

Dei beni-
gnitati, ac
iustitiæ
competit
præcipere
hominem
possibilia.

stituto, vt ambularet; quæ indigna sunt, vt Deo adscribantur. Cum ergo ab omnibus, etiam infidelibus, si saluari volunt, Deus exigat fidem, sui dilectionem, atque spem conducentes ad salutem; negari posse non videtur, quòd auxilium ad posse hæc facere eis exhibeat. Non nego tamen, cum S. Augustino, quòd aliquibus in pœnam peccatorum aliquando denegat excæcando, & obdurando, antea tamen eis dedit, ipsique respuerunt, vt postea dicam; & in huius respicientiæ pœnam iuste deneget, excæcet, & obduret.

427. Adu. 5. quòd quidam Doctores, nescio quo spiritu ducti, non curantes derogare Dei benignitati, ac iustitiæ commutatiuæ, atque vindictiue in punitione malorum, negarunt, dari infidelibus gratiam sufficientem ad posse credere supernaturaliter; immò, quod peius est, neque fidelibus eam dari concedunt; illamque tamquam frustraneam, nulliusque vtilitatis negant; cuius contrarium in præcedenti Capite ostendimus. Quidam verò docent aliquibus, & multis infidelibus gratiam sufficientem ad posse credere à Deo concedi, & ex illis etiam quampluribus efficacem, quia ad fidem veniunt; at non omnibus concedi sufficientem. Sic autem se declarant. Infideles illi, ad quos non peruenit prædicatio veri Dei, vt authoris, nedum naturæ, sed gloriæ, siue per prædicatorem, siue per immediatam Dei reuelationem, nullam habent gratiam sufficientem ad posse credere; quia, dicunt, esse non potest in illis interna illuminatio, ac inspiratio, in quibus consistit gratia sufficiens, per quam homo habet posse credere, & sine qua non potest credere: illi verò, ad quos peruenit prædicatio veri Dei authoris, nedum naturæ, sed gloriæ, habent gratiam suffi-

Plures sen-
tentiæ: vna
negat da-
ri: & qua-
re.

2. Senten-
tia conce-
dit dari u-
trique
non omni-
bus, &
quare.

sufficientem ad posse credere, quia vt sæpè diximus cum S. Augustino, dum aliquis prædicat externè veritatem fidei; Deus internè in auditorum mentibus prædicat illuminando, ac inspirando. Quòd si respuunt, seu resistunt, ac reiiciunt vtrâque prædicationem, Deus tunc non prosequitur adiuuando, vt consentiant, credant, diligant, &c. Si autem non respuunt, Deus sine eorum meritis, dignatur eos adiuuare, vt consentiant, credant, diligant, peniteant, &c. & sic respuere illuminationem, ac inspirationem à Deo immis-
sas, est actus purè liberi arbitrij; consentire verò est actus liberi quidem arbitrij, sed adiuti à Deo per gratiam efficacem facientem facere. Alij tandem docent totum id, quod isti secundi, excepta prima parte, dicentes, quòd Deus omnibus omninò infidelibus dat gratiam sufficientem ad posse credere, siue ad eos loquatur prædicator, siue non, quia in istis Deus mouet mentem ad dubitandum de sua Religione, & illuminat, ac inspirat ad inquirendam veram, & si respuunt, ac reiiciunt, eos non adiuuat; si non respuunt, Deo non deest modus, quo faciat inuenire locum, & personam in quo, & à qua instruuntur.

428. Adu.6. quòd eadem difficultas est de infidelibus omnibus post Christi aduentum, an habeant gratiam sufficientem ad credendum, seu ad posse credere in Christum: et tandem de Hæreticis, qui credunt in Christum, an ipsi etiam habeant gratiam sufficientem ad credendum, seu posse credere eos articulos, seu eas doctrinas, ac propositiones definitas ab Ecclesia, in quibus ipsi errant, per quos errores sunt ab Ecclesia præcisi: his suppositis

Eadem
quæstio et
de infide-
libus pos-
Christum

Eadem de
Hæreticis

429. Dico primò . Pro omni lege omnibus infidelibus omnis generis Deus largitus est , ac largitur gratiam sufficientem ad posse in eum , credere , *sicut oportet* , & ad posse legem Dei saluantem, seu conducentem ad salutem obseruare; licet non fecerint .

430. Prob. & declaratur per singulas partes . In *Psal. 4.* dicitur . *Multi dicunt, quis ostendit nobis bona ?* Et quasi respondens ait . *Signatum est super nos lumen vultus tui Domine ; dedisti letitiam in corde meo .* Omnes Sacrae Scripturae interpretes locum istum intelligunt de lege naturæ, quam Deus animæ cuiuscumque hominis infundit, quatenus est Dei imago; per quam legem quilibet ex se cognoscit, quæ opera sint facienda, & quæ non. S. August. in hunc Psalmum dicit, *Signatum est in nobis , &c. Hoc lumen est totum hominis, & verum bonum , quod non oculis , sed mente conspicitur: signatum autem in nobis dixit, tanquam denarius signatur Regis imagine : Et post aliqua . Sic anima lumine vultus Dei est illustrata , atque signata .* Theodoretus in eundem psalmum dicit , quod homines graui corde , ac diffidentes de diuina prouidentia dicunt : *Quis ostendet nobis bona ?* Nos verò , qui tuæ diuinæ scientiæ lumen accepimus , radijsque à te illustrati sumus , etiam in his calamitatibus , quæ contra nos insurgunt , ex animo magnam spem in te collocamus . Gentiles autem , habent, sicut alij homines in anima imaginem , Dei , & consequenter lumen cognoscendi dari Deum, & cognoscendi , quæ sint bona opera facienda, & quæ mala, ac fugienda ; immò , vt postea dicemus , multa bona faciunt : ergo habent gratiam sufficientem ad cognoscendum , & faciendum bona ; quia quamuis cognitio ista Dei , &

bono-

Omnibus
infidelibus
datur gra-
tia suffi-
ciens .

Lex natu-
ræ omni-
bus data.

Ex S. Scri-
ptura .

bonorum operum faciendorum esset naturalis : tamen , vt mox dicam , ex S. Augustino , animis eorum occurrebat , vt veritatem Dei , & perfectionem eius inquirerent ; quod respuerunt facere , & multi non fecerunt , sicut in hominibus fidelibus etiam accidit multoties .

431. Confirmatur ex Ro. 1. 19. vbi Apostolus de Græcis, idest , Philosophis, ac Barbaris dicit, eos habere aliquam cognitionem Dei , & legis diuinæ, inquit . *Quia quod notum est Dei , manifestum est in illis ; Deus enim illis manifestauit . Inuisibilia enim ipsius à creatura mundi per ea , quæ facta sunt , intellecta conspiciuntur ; sempiterna quoque eius virtus , & diuinitas : ita vt sint inexcusabiles , quia , cum cognouissent Deum , non sicut Deum glorificauerunt , aut gratias egerunt , sed euannerunt in cogitationibus suis , & obscuratum est insipiens cor eorum , & commutauerunt gloriam incorruptibilis Dei in similitudinem imaginis corruptibilis hominis , & volucrum , & quadrupedum , &c. narrans idolorum species , quas Gentiles adorabant , & mala enormia , quæ patrabant .*

432. S. Augustinus expendens locum istum Pauli in lib. de spir. & lit. ad Marcellinum c. 12. ait . *Vide , quemadmodum non eos dixerit veritatis ignoras , sed quod veritatem in iniquitate detinerent : quia occurrebat animo , vt quærerent , vnde illis esse potuerit cognitio veritatis , quibus Deus legem non dederat ; neque hoc tacuit vnde habere potuerunt . Per inuisibilia namque creatura peruenisse eos dixit ad intelligentiam inuisibilium creatoris : quoniam reuera , sicut magna ingenia quærere præstiterunt , sic inuenire potuerunt . Vbi ergo impietas ? quia videlicet , cum cognouissent Deum , non sicut Deum glorificauerunt , aut gratias egerunt ; sed euannerunt in cogita-*

Ex Apo-
stolo .

Infideles
quomodo
habent Dei
notitiam .

Quomodo
gentiles
possunt ha-
bere Dei
notitiam .

548 DE GRATIIS ACTUALIBVS, &c.
tionibus suis, &c. & infra. *In lumine tuo videbi-*
mus lumen, ab ipso lumine incommutabilis veritatis
aversi sunt, & obscuratum est insipiens cor eorum.
Non enim sapiens cor, quamvis cognovissent Deum;
sed insipiens potius, quia non sicut Deum glorifica-
verunt, aut gratias egerunt.

433. Idem dicit S. Doctor de omnibus Philo-
sophis in lib. 8. de Civit. c. 9. quod Deum ex visibili-
bus hisce cognoverint, & subdit, Quicumque igitur
Philosophi de Deo summo, & vero ista senserunt,
quod & rerum creatarum sit effector, & lumen co-
gnoscentiarum, & bonum agendarum, quod ab illo
nobis sit principium naturæ, veritas doctrinæ, & sæ-
licitas vitæ, siue Platonici accomodatius nuncupen-
tur, siue quodlibet aliud sectæ nomen imponat, &c.
ista senserunt, sicut idem Plato, & qui eum benè in-
tellexerunt: & numerat omnes Philosophorum se-
ctas, quæ Deum ita cognoverunt, & concludit,
eos omnes exteris anteponimus, eosque nobis pro-
pinquiores fatemur: ergo fuit in Gentibus gratia
sufficiens ad cognoscendū Deum, & bona opera.

434. Confirmatur ex Ioan. 1. Qui illuminat
omnem hominem venientem in hunc mundum. At
infideles veniunt in hunc mundum: ergo. Scio
quod S. August. in Enchir. c. 103. in lib. 1. de pecc.
mer. & remiss. c. 25. & in soliloqu. animæ ad Deum
c. 1. 17. & 34. locum istum declarat, sicut illum
Pauli ad Timot. Deus vult omnes homines saluos
fieri, dicens intelligi non de singulis generum,
sed tantum de singulis generibus, quia scilicet
de omni natione, & conditione hominum ali-
quos vult saluare, & saluat quos vult, sicut
alibi diximus: ita in præfatis locis intelligit,
quod Deus illuminat omnem hominem, addens,
intelligi, nullum esse illuminatum, nisi à Deo illu-

illuminetur; & hoc etiam modo explicat Glosa interlinearis locum illum Ioannis. Sed salua pace eorum, qui S. August. pro hac re in hoc loco adducunt, existimo, quòd S. Augustinus semper vniformiter loquens intelligi debeat, nimirum de efficaciter illuminatis, scilicet illuminatis, & per illuminationem conuersis; non verò de illuminatis resistentibus illuminationi, eamque nolentibus, ac reiicientibus; sicut obiecit Iudæis Christus, & Stephanus; *quoties volui congregare filios tuos quemadmodum gallina congregat pullos suos sub alas, & noluisti?* dicit ad Ierusalem Christus. *Vos semper Spiritui Sancto resistitis*, dicit ad Sinagogam Stephanus. De his illuminationibus excitatiuis tantum, non verò de conuersiuis, vt ita dicam, nos loquimur, & dicimus omnes, & singulos homines infideles aliquo modo à Deo illuminari ad conuersionem; non verò omnes illuminatos conuerti. De illis autem non loquitur S. Augustinus, qui in ijs locis de efficaci gratia conuertente, & faciente facere opus loquitur; & rarò, aliquando tamen, vt supra patuit, de illuminatione, seu vocatione non conuertente, pro qua dicit recurrendum ad inscrutabile Dei iudicium. Non ergo hæc sententia, quòd Deus illuminet omnes infideles, licet non omnes conuertantur, est contraria S. Augustini doctrinæ, cum facilè præfato modo isti concilietur, & saluetur Dei benignitas, quam ab ipso met S. Augustino saluari mox dicam.

S. Ioann. Chrysostomus *homil. 7. in Ioan.* inquit, quòd Christus, quantum in se est, illuminat omnem hominem: quòd si aliqui non illuminantur, est quia oculos auertunt. Idem dicit S. Círrill. Alex. *lib. 1. in Ioan. cap. 11.* idem quoque

Cle-

S. Auguſt.
non bene
ab aliqui-
bus expli-
catur.

Quomodo
explicandus
ad rem.

Ex Chri-
ſoſtomo.

Clemens Alexand. *in oratione exhortatoria ad omnes gentes*; & S. Ambr. *ser. 8. in psal. 118.* super illud, *miserericordia Domini plena est terra.*

Qualis est
gratia suf-
ficiēs, quā
admittit
author.

435. Hæc autem Scripturæ, & Patrum loca, & sequentia, non sunt ita intelligenda, quasi gratia illa illuminans, ac inspirans sit eo modo sufficiens, vt, si illi quibus datur velint, euadat efficax, quia sic incideremus in sententiam S. Augustino quo ad me contrariam, quod scilicet homo in se possit gloriari; quia ipsemet, non Deus, facit eum iustum, & bonum; sed postea dicemus, quod illis, qui per sufficientem illuminantur, Deus non dat adiuuantem, quia, vt dicit Christus, nolunt illam illuminationem, ac inspirationem, non sibi complacent in ea, sed eis displicet; & Stephanus dicit, *resistunt*, & sic certè faciebant Iudæi, eum lapidaturi; cum enim eos grauitè repræhenderet, & Christum prædicaret, *exclamantes voce magna, continuerunt aures suas, & impetum fecerunt in eum, &c.* neque audire volebant, Stephanum quidem foris, Deum verò intus loquentem.

Alia Sacra-
Scripturæ
loca ad
idem.

436. Prob. vltèriùs alijs Scripturæ locis. Isaia 65. Dominus dicit, *expandi manus meas tota die ad populum non credentem, & contradicentem mihi.* Quo testimonio vtitur Paulus Rom. 10. & cap. 67. idem Propheta ait, *inuentus sum à non querentibus me.* Prouerb. 1. dicitur *Sapientia foris prædicat, in plateis dat vocem suam, in capite turbarum clamat, in foribus portarum vrbs profert verba sua, conuertimini ad correctionem meam; en proferam vobis spiritum meum. Vocavi, & renuistis &c.* Alia plura similia Scripturæ suppetunt loca, in quibus habetur, quod Deus hortatur omnes ad credendum, pænitendum, diligendum, malum fugien-

fugiendum, &c. & tamen homines reijciunt hortationes.

437. S. Augustinus pluribus in locis, tam antè ortam Pelagij sententiam, quàm post eam, etiam damnatam, videtur docere, quòd omnibus omninò hominibus Deus gratiam istam sufficientem concedat: primò in psal. 13. super illud, *Deus in medio eius non commovebitur*, ait. *Quid ergo est Deus in medio eius? hoc significat, quod Deus æquus est omnibus, & personas non accipit: quomodo enim illud, quod in medio est, paria habet spatia ad omnes fines, ita Deus medius esse dicitur, æqualiter omnibus consulens: & in psal. 24. super illud, Vniuersæ viæ Domini misericordia, & veritas, inquit. Videtur hoc significare Spiritus Sanctus; omnibus hominibus primum à Deo exhiberi misericordiam; deinde si ea non vrantur exhiberi iudicium: omnes ergo participât de misericordia Dei.*

438. In lib. 3. de lib. arbi. c. 18. hoc idem docere videtur. Si enim homo nullum haberet adiutorium, per quod peccare non posset, non peccaret: sic autè dicit. *Quæcumq; causa ista est voluntatis, si non ei potest resisti, sine peccato ei ceditur: si autè potest, non ei cedatur, & non peccabitur. An fortè fallit incautum? ergo caueat, ne fallatur. In tanta fallacia est, ut caueri omninò non possit: si ita est, nulla peccata sunt. Quis enim peccat in eo, quod nullo modo caueri potest? peccatur autem, ergo caueri potest. Igitur, si infideles nullum haberent lumen veritatis fidei, & eorum, quæ à fide dictantur, non peccarent contra fidem. Admittenda ergo est in eis gratia hæc sufficiens ad posse credere: quomodo autem possit eis contingere, dicam postea. Idem, iisdemque verbis confirmat in lib. de nat. & grat. c. 67. ubi tamen addit, quòd cum ignorantia pœna peccati, potest ali-*

S. August.
istam gra-
tiam ad-
mittit.

Plura Au-
gustini lo-
ca.

aliquando peccari: sed de hoc aliàs, quia de culpabili loquitur, vt mox dicam.

439. In eodem tamen cap. 6. de nat. & grat. ad omnium consolationem, Dei in omnes benignitatem commendat contra eos, qui de Deo conqueruntur, quòd ignorantes puniat, &c. inquit. *Quiescant, & aduersus Deum murmurare desistant. Cum verò vbique sit præsens, qui multis modis per creaturam sibi Domino seruientem auersum vocet, doceat credentē, consoletur sperantem, diligentē adhortetur, conantem adiuvet, exaudiat deprecantē, non tibi deputatur ad culpam, quod inuitus ignoras, sed quod volentem sanare contemnis.* Igitur ex S. August. si infideles omnimodè ignorarent modum, seu viam habendi notitiam fidei, non imputarentur eis in culpam infidelitas, aliaque peccata per solam fidem nota. Et hoc certè voluit Apostolus dicere Rom. 10. *Non est distinctio Iudæi, & Græci: omnis, qui inuocauerit nomen Domini saluus erit: quomodo ergo inuocabunt, in quem non crediderunt? quomodo credent ei, quem non audierunt? quomodo audient sine prædicante? &c.* Aliqua ergo notitia fidei est necessaria infidelibus, vt habeant posse credere, eisque imputetur, si reijciunt vocationem, vel ei resistunt: Saluator enim dicit. *Si non venissem, & locutus eis fuissem, peccatum non haberent; nunc autem excusationem non habent de peccato suo.* S. Augustinus tract. 6. in epist. Ioan. dicit, quòd Iudæi non haberent peccatum incredulitatis in Christum, si ipse Christus eis non manifestaret se esse Christum, seu Messiam, quem non crediderunt, sed contempserunt. Est ergo infidelibus aliqua notitia, verè fidei necessaria, siue certa, siue probabilis saltem, vt culpabiles sint, si reijciunt, vel resistunt

Misericordia Dei in omnes ex Augustino.

Ignorantia inuincibilis excusat.

sistunt illam vocamus *sufficientem gratiam*.

440. S. Prosper, fidelissimus S. Augustini Discipulus, multis in locis, hanc gratiam sufficientem ad posse credere in infidelibus etiam concedit. Nam in *lib. 1. de vocat. Gentium cap. 21.* dicit. *Quamvis credamus, nullis hominibus opem gratiæ in totum fuisse subtractam; de quo plenius in sequentibus differemus: in lib. 2. cap. 1. de Gentibus* sic ait. *Quibus tamen mensura generalis auxiliij, quæ desuper omnibus hominibus est præbita, non negatur: ibidem c. 23. loquens de paruulis, & maioribus, priores sine baptismo morientibus à gratia excludit; sed posteriores omnes sub ea concludit, dicens; Non enim religiosè arbitror credi, nec inconuenienter intelligi, quod isti (paruuli) paucorum dierum homines ad illam pertineant gratiæ partem, quæ semper vniuersis est impensa hominibus, qua neque si benè eorum vterentur parentes, etiam ipsi per eosdem inuarentur. Et infra subdit. Sicut autem circa maiores, præter illam generalem gratiam parcius, atque occultius omnium hominum corda pulsantem, excellentiore opere, largiore munere, potentiore virtute vocationis specialis excitetur, &c. Ecce quòd in prioribus locis de generali gratia, quæ alia nequit esse, nisi *sufficiens*, in hoc posteriori loco, de generali, quam omnibus hominibus adultis, & de speciali, idest de efficaci, quæ aliquibus datur, mentionem facit. Tandem in cap. 25. eiusdem secundi libri, clariùs, ac manifestius docet, quòd omnibus cuiuscunque status hominibus ab initio mundi Deus suam contulit gratiam, inquit. *Sive igitur nouissima contemplantur secula, siue prima, siue media, rationabiliter, & piè creditur, omnes homines saluos fieri Deum velle, semperque voluisse: & hoc non aliundè mon-**

S. Prosperi
sententia
eadem.

Gratia suf-
ficiens om-
nibus com-
munis ex
S. Prosp.

Stratur, quam de illis beneficijs, eaque Providentia Dei, quam vniuersis generationibus communiter, atque indifferenter impendit. Fuerunt enim, ac sunt huiusmodi dona ita generalia, vt per ipsorum testimonia ad Deum quærendum possint homines adiuuari, quibus donis authorem suum per omnia sæcula protestantibus, specialis gratiæ largitas superfusa est. In cap. postea 26. loquens de opitulatione gratiæ, quomodo à Deo concedatur, ait: quæ opitulatio per innumeros modos, siue occultos, siue manifestos omnibus adhibetur, & quod à multis refutatur, ipsorum est nequitia; quod autem à multis sustinetur, & gratiæ est diuinæ, & voluntatis humanæ. Ergo infideles etiam obtinent à Deo gratiam quærendi illum: quòd verò aliqui, & multi non quærant modum inueniendi, accidit, quia implicati, & addicti suis falsarum Religionum ritibus, respuunt monitiones, seu illuminationes sibi inditas ad quærendum.

441. *Ad Augustinum redeo, qui de gratia infidelibus etiam collata loquitur in lib. de spirit. & lit. ad Marcell. cap. 33. vbi habet. Vult autem Deus omnes homines saluos fieri, & in agnitionem veritatis venire, non sic tamen, vt eis adimat liberum arbitrium, quo vel bonè, vel malè vtentes iustissimè indidentur. Quod cum sit, infideles quidem contra voluntatem Dei faciunt, cum eius Euangelio non credunt; nec idèò tamen eum vincunt; verum seipsos fraudant magno, summoque bono, malisque penali- bus implicant, experturi in supplicijs potestatem eius, cuius in donis misericordiam contempserant. Duo hìc docet Augustinus; & quòd Deus etiam infideles vult aliquo modo saluos fieri; & quòd eis misericordiam in donis elargitur; quæ tamen ipsi contemnunt. Cùm ergo misericordia, & do-*

Ab initio
mundi om-
nibus col-
lata, & nūc
conferitur.

Item cum
Augustin.
probat,
quòd om-
nes habet
gratiam
sufficientem.

na ista (quæ aliud non sunt, quàm dona gratiæ) non sint efficacia, sunt *sufficientia*.

442. Idem S. Doctor ibidem *cap. 34.* postquam docuit, quòd dinerfis modis vocat homines, vt credant, & intrinsecè, ac extrinsecè suasionibus aliorum, vel intrinsecè tantùm faciens venire in mentem id, quod homo non habet in potestate sua, inquit. *Neque enim credere quis potest quolibet arbitrio, si nulla sit suasio, vel vocatio, cui credat; profectò, & ipsum velle credere Deus operatur in homine; consentire autem, vel dissentire à vocatione Dei, vt dixi, propriæ voluntatis est: Et post aliqua subdit. Iam si ad illam profunditatem scrutandam quisquam nos coarctet, cur illi suadeatur, vt persuadeatur; illi autem non ita: duo sola occurrunt interim, quæ respondere mihi placeat. O altitudo diuitiarum, & numquid iniquitas apud Deum? cui responsio ista displicet, quærat doctiores, sed caueat, ne inueniat presumptiores. Habemus ergo per Augustinum, & quòd Deus omnes infideles, varijs modis vocet, ac suadeat: & quòd sine vocatione, ac suasionem credere nemo potest. 2. quòd actus credendi est à Deo cum voluntate. 3. quòd consentire, aut dissentire vocationi, est voluntatis. 4. ad rem nostram, quòd aliqua vocatio, & suasio persua-deat; alia non. Tandem vnde hoc oriatur, Augustinus dicit, se nescire; scire autem, quòd in Deo non sit iniquitas: igitur firma manet cum Augustino conclusio, quòd infideles varijs modis vocantur; aliqui tamen sequuntur vocantem; ecce gratia efficax: alij non; ecce sufficiens, vocatio nempe, cui resistitur.*

443. Prob. tandem. Si aliquid obstaret, quin concederetur, gratiam sufficientem dari omnibus infidelibus, esset quia non ad omnes perue-

Aperè docet August. gratiam, cui homo dissentit.

Verum omnibus datur gratia faciens cōsentire, Aug. dicit se nescire.

nit prædicatio fidei ; nam vt docet Apostolus ,
Rom. 10. quomodo credent sine prædicante ? Sed hoc
 non obstat : ergo. Min. prob. sic: Vel loquimur de
 infidelibus, ac Gentilibus ante aduentum Christi;
 vel de illis post Christum. Si de primis, esto in
 Sacra Scriptura non habeamus omnia, quæ acci-
 derunt in toto mundo pro toto illo tempore ante
 Saluatoris aduentum; habemus tamen primò,
 quòd pro tempore legis naturæ antequam ince-
 perit Idolatria, (quæ vt aliàs dixi) incepit tem-
 pore Nini circa annum mundi ex Saliano bis mil-
 lesimum; illo inquam tempore fuerunt traditio-
 nes Patrum, quia Adam, qui vixit annis 930. tra-
 didit filiis mandata diuina circa fidem, charita-
 tem, & spem in Deum, necnon remedium con-
 tra originale peccatum pro paruulis, & reme-
 dium contra actuale proprium, contritionem,
 scilicet, etc. quia sine his saluari non poterant, &
 tamen legimus aliquos saluatos, vt Adamum,
 Abelem, Enoch, Noe, &c. Item tradidit ritum
 sacrificiorum, quæ Deo placebant, vt legimus de
 Abele, & Enos, *qui cepit inuocare nomen Domini*,
 idest publicè laudare, ac sacrificare, vt dicunt Sa-
 cræ Scripturæ interpretes; de Noe, qui vt dici-
 tur Gen. 6. *fuit vir iustus, atque perfectus*, hic au-
 tem non solum statim post diluuium sacrificia
 multa fecit in gratiarum actionem, & *odoratus*
est Dominus odorem suauitatis, sacrificiorum, Gen.
 8. sed dum fabricaret arcam, per tempus centum
 annorum prædicauit populis penitentiam, dicens,
 Deum contra eos esse iratum, *quia cuncta cogita-*
tio hominis prona erat ad malum omni tempore, &
 deleturus erat omnem hominem, nisi peniterent;
 & saluandi erant illi tantum, qui forent in arca
 illa, quam componebat. Post diluuium verò,
 quia

Difficultas
 vrgens eli-
 ditur.

Quomodo
 in lege na-
 turæ adfuit
 noticia Dei
 & honoris
 operum.

Patres tra-
 diderunt
 filiis.

Adam filijs

quia vixit annis 350. & post eum filij, probabilissimum, immò certum teneri debet, quòd docuerint filios suos, & per illas nouem generationes vsque ad Thare Patrem Abrahæ, successores eorum docuerint filios suos ea, quæ ad Deum colendum pro illo tempore spectabant. Post Thare verò tempora; quamuis Deus speciali vocatione in Abrahamo, & successione sua populum sibi elegerit, eosque specialibus donis, ac priuilegijs vsque ad Moysen, idest per annos supra quingentos; & postea per Legem Moisi in monte Sinai datam vsque ad Christum, protexerit, atque docuerit, *his enim eloquia Dei fuerunt credita, ex Apostolo Rom. 3. 2.* tamen in Oriente, & in toto mundo grassabatur Idolatria: immò ex libro Iosue cap. 24. 3. ipsemet Nachor, frater Abrahæ, Bathuel Filius, Nachor, & Laban nepos, in Mesopotamia seruierunt Dijs alienis; nec propterea credendum est, quòd defuerint viri pietatis, & fideles, qui traditiones veræ Religionis habuerint, eosque, & alios docuerint: legimus enim *Gen. 14. 18.* quòd eo Abrahæ tempore in Salem, quæ postea dicta est Ierusalem aderat Melchisedech, qui erat loci illius Rex, & Sacerdos Dei Altissimi, qui sacrificium obtulit in gratiarum actionem pro victoria Abrahæ; ideòque oportuit, quòd in ea Regione adessent homines Deum timentes non Hæbrei. *Gen. 20.* in Ciuitate Geraris, quæ erat Gentilium Philistijm, aderant timentes Deum, nam Abraham dixit ad Regem Abimelech (qui suam abstulerat vxorem, quam dixerat esse sororem, eamque restituit à Deo monitus) *cogitavi tecum dicens. Forsitan non est timor Dei in loco isto;* aderrat igitur. Immò Deus in somno locutus est cum Abimelech monens, vt redderet Saram viro suo

Abra-

Noe, filij
& deinceps

Abraham,
Hæbreis.

Moyses et
Legem Iosue

Gentiles
etiam aliquam Dei
cognitionem
habuerunt

Ex factis
Melchisedech.

Ex factis
Abrahæ cum
Abimelech

Abrahæ, subdens, scio, quod in simplici corde feceris, & idè custodiui te, ne peccares in me, & non dimisi, vt tangeres eam. Nunc ergo redde viro suo, quia Propheta est, & orabit pro te. Si in ijs Regionibus Gentilium in lege naturæ aderant timentes Deum, & Sacerdotes; signū est, quòd aderant Doctores, qui Dei mandata docerent. Legimus, quòd in Idumæa Gentilium, in terra Hus tempore Moisi fuit Sanctus Iob: adfuerunt tres illi consolatores, qui licet illum exasperarint, tamen de Religione, ac pietate erga Deum præstanda, de iustitia, patientia, ac misericordia Dei loquebantur, & afflictum hominem de impatientia, & blasphemia (licet indiscretè) illum arguebant. Aderat ergo inter Gentiles cognitio Dei, & Religionis; ac pietatis in eum exercendæ; & sic tenendum, quòd in alijs etiam Gentilium Regionibus diffusa fuerit Dei misericordia, prouidens de viris probis ad illuminandum omnes ad fidem, & pœnitentiam, licet non omnes crediderint, nec omnes pœnituerint.

444. De Ægyptijs autem loquendo; existimandum est sufficienter fuisse monitos de veritate fidei, primò per Abraham, quando sublata in Pharaonis domum eius vxore, quia dixerat esse suam sororem, Gen. 12. 17. *Deus flagellauit Pharaonem plagis maximis, & domum eius propter Sarai vxorem Abraham.* Quidam Interpretes, vt Lyranus, etc. dicunt plagas istas fuisse, quia tam Pharaoni, quàm alijs domesticis impediuit potentiam coeundi, præter alia mala. Cum autem restituit Abrahæ vxorem intactam, & conquestus est cum Abraham, quòd eum deceperat, dicens esse sororem, cessarunt plagæ: ex hoc miraculo scire potuit Ægyptus, quòd Deus Abrahæ, qui duplex

De Iob, &
alijs.

Per Abrahā
Ægyptum do-
cuit.

plex illud miraculum patrauit, erat verus Deus :
 at nihil de hoc curauit, sed dimisit Abraham, vt
 regrederetur. Sibi imputet, si veri Dei facientis
 miracula notitiam ab Abrahamo non quæsiuit.
 2. per Iosephum quadrigentes circiter annis an-
 te Moïsem; ait enim de eo Dauid Psal. 104. quòd
 cum Ioseph per calumniam esset in vinculis, *Elo-
 quium Domini inflammavit eum* (idest Iosephum,
 in Ægipto) *misit Rex, & soluit eum; constituit eum*
Dominum domus suæ, & Principem omnis possessio-
nis suæ. Vt erudiret Principes eius, sicut semetip-
sum, & senes eius prudentiam doceret. Quam aliam
 prudentiam docere poterat, nisi religiosam,
 quam ipse callebat? item per prædictiones penū-
 riæ, & vbertatis 7. annorum: post nouem annos
 principatus Ioseph in Ægipto accessit Iacob cum
 70. suis filiis, nuribus, ac nepotibus, & post an-
 nos 17. mortuus est: vixit Ioseph ad annum 110.
 multiplicati sunt Hēbrei cum vera Religione, &
 licet aliqui in Idolatriam lapsi sint ex *Iosue 24.*
 multitudo tamen in vera fide mansit. Potuerunt
 ergo Ægyptij ab Hēbreis in ea erudiri; & sic non
 defuit monitio, & illuminatio. 3. per Moïsem,
 & Aaron moniti sunt. Hi enim Dei nomine in-
 timarunt Pharaoni dicto *Cencres*, quòd Populum
 suum dimitteret, vt sacrificaret ei in deserto, *E-*
xodi 5.2. Hæc dicit Dominus, dimitte populum meū,
vt sacrificet mihi in deserto. At ille respondit; Quis
est Dominus, vt audiam vocem eius, & dimittam
Israel? Nescio Dominum, & Israel non dimittam.
 Et videns tot miracula, neque credidit, putans
 esse apparentia maleficia: ideò curabat per male-
 ficos suos *Iamnem, & Mambrem* ex 2. *Timot. 3. 14*
 arte Magica fieri similia, & vidit virgam Moïsi
 deuorasse virgam maleficorum; idest, fecit eam
 euane-

Deinlè
per Ioseph

Ex vita, &
factis Ioseph.

Ex Religio-
ne Hēbreo-
rum.

Deus po-
stea per mi-
racula Moi-
si docuit
Ægyptum.

evanescere; neque credidit. Vidit Nilum versum
in sanguinem, sicque per septem dies mansisse;
neque credidit. Vidit totam Ægyptum ranis ob-
rutam: præcatur Moïsem, & Aaron, *orate Dominum,*
ut auferat ranas à me, & populo meo. Orauerunt
& ablatae sunt ranæ; neque tamen credidit. Ve-
nerunt Cinifes, quæ vexabant Pharaonem, &
omnes populos: imperavit Pharaon maleficis Iam-
ni, & Mambre, ut per consuetas Magicas incan-
tationes facerēt comparere Cinifes. Tentarunt isti,
& facere nō potuerunt, immò dixerunt, *digitus Dei*
est hic; neque propterea credidit ipse, aut popu-
lus. Quid ultra! decem pessimas plagas per an-
num integrum Pharaon, & serui eius cum omni-
bus populis experti sunt, & non crediderunt: hæc
miracula, cum submersione Pharaonis, & totius
exercitus in mari rubro, transitus populi per sic-
cum maris rubri, & postea per Iordanem, aliaque
miracula, quæ per annos 40. acciderunt populo
in deserto, Victoriæ eiusdem populi contra Ama-
lecitas, Moabitas, Ammonitas, & Cananeos,
oppressio 31. Regum Amorrhæorum, sen Cana-
neorum facta per Iosue, & gloriosa eorum Cini-
tatum possessio, & cætera, quæ acciderunt stu-
penda in Hæbreorum fauorem portenta, diuulga-
ta fuere, & adhuc durat eorum memoria, nedum
per totam Ægyptum, sed per totam Asiam, Afri-
cam, & Europam: his ergo signis Deus monuit
Gentes omnes, ut eum inquirerent, & ab Hebræis
quærent, quis ipse esset, & quo ritu colendus.
Hæc utique sufficiens gratia fuit. At omnes gen-
tes, & neglexerunt inquirere, & non curarunt, &
restituerunt Deo illos illuminanti, ac inspiranti:
hac enim phrasi utitur Paulus 2. *Timoth. 3. 9.* lo-
quens de maleficis Pharaonis, & alijs infidelibus,
qui

Per alia
portenta
Deus do-
cuit Genti-
les.

Per ea si-
gna Deus
monuit om-
nes Gentes
ut eum in-
quirerent.

qui Dei illuminationes respuunt. *Quemadmodum Iannes, & Mambres resisterunt Moysi, ita & hi resisterunt veritati; homines corrupti mente, reprobi circa fidem, &c.* Omnibus ijs Nationibus data est gratia sufficiens ad inquirendam veritatem Religionis: at insipientia, & obstinata earum corda illam despexerunt, eique resisterunt.

445. In sequentibus postea temporibus magis distinctam habemus notitiam de eiusmodi Dei in infideles etiam misericordia, ac sufficienti gratia Gentibus, ac infidelibus, ipsisque Hæbreis Apostatis impertita, cum scilicet per Prophetas expressius eis Deus est allocutus. Nam in Ninivem Regiam Imperij Assiriorum Civitatem tempore Imperatoris Sardanapali ex Saliano anno mundi 3216. misit Ionam ad prædicandum; & hæc prædicatio per totum Imperium divulgata fuit. Ad Ieroboam, ac decem Tribus Hæbreorum Apostatas, ex eodem tempore usque ad desolationem Samariæ per Taglaphalasar, & transmigrationem earundem in Ninivem, totumque Orientem per Salmanasar Deus misit multos Prophetas, Eliam, Eliseum, Micheam, &c. Ad Reges Iuda, & Ierusalem, cum Idolis servirent, misit alios, Isaiam, Ieremiam, &c. Ad Reges Babiloniæ, & Caldeorum, Medorum, & Persarum, Nabucdonosorem, Balthasarem, Darium, & Cirum sibi succedentes, misit Danielelem, qui miracula plura coram eis patrauit: & tamen gratiam Dei neglexerunt, eique resisterunt. De Occidentalibus verò Regionibus notitiam non habemus, quibus modis, scilicet Deus eas monuerit, vocauerit, ac eis suaserit: existimandum tamen est, eas quoque Deum vocasse, ac monuisse; cum acceptor personarum non sit; omnesque homi-

Sed resisterunt.

Post tempora Moysi, quemodò Deus monuit Gentem.

Ad Reges misit Prophetas.

nes, *opera manuum suarum sint*; & ex vniuersali Pauli regula inferiùs adducenda habemus, omnibus gentibus Deum sui noticiam dedisse; sed non omnes eum glorificasse; & hæc de hominibus, etiam infidelibus ante Christi aduentum.

448. De infidelibus autem post Christi aduentum, clarè patet, quòd omnibus gratia sufficiens fuerit concessa, quamuis maxima illorum pars eam neglexerit, atque reiecerit, vt de Iudæis asserit Paulus Act. 13. *Vobis oportebat primum loqui verbum Domini; sed quoniam repellitis illud, & indignos vos iudicatis æternæ vitæ, ecce conuertimur ad Gentes.* Omnibus autem Gentilibus, siue per Apostolos in principalibus mundi partibus; siue per eorum discipulos, ac successores; siue per alios Missionarios progressu temporis, (vt nos in *tomò de fide parte secunda* historicè ostendimus) in omnibus Prouincijs totius orbis cogniti, prædicata fuit vera fides, vt cum veritate dici possit, *in omnem terram exiuit sonus eorum, & in fines orbis terræ verba eorum.* Ac propterea cùm iuxta Augustini doctrinam, externè prædicante aliquo veram doctrinam, Deus internè loquatur illuminando, ac inspirando; sequitur, quòd omnes infideles gratiam sufficientem habuerint, hodièque habeant ad credendum, diligendumque Deum, ac penitendum. In posteris siquidem earum Nationum, quibus fuit prædicata fides, adhuc remanet memoria, quòd fuerit in eis prædicata, & quotidie in eis reuiuiscit; quia finitimæ sunt Ciuitatibus, in quibus viget vera fides; & in eorum confusionem, puto Deum prouidisse, vt in omnibus mundi partibus propè Ciuitates, vel Prouincias infidelium, adsint Ciuitates fidelium, & propè Ciuitates Hæreticorum, aut Schismaticorum,

Infideles
post Christi
aduentum moni-
ti, & vocati
sunt omnes

Quomodò
vocati.

corum, adsint Ciuitates Catholicorum; vt illi, ac isti Synderesim continuò patiantur, quòd detur alia Religio melior propria, vt inquirant, si ita est; ipsi autem negligant facere, & reiiciant, atque opprimant cogitationes, ac impulsus ad hoc stimulant: habent ergo sufficientem gratiam, quam reiiciunt; & myriades martirum id testantur.

447. Vna tantùm, vel altera posset obijci difficultas. Prima, quòd non statim in omnem Prouinciã, aut Ciuitatem fuit prædicatum Euangelium, & adhuc adest aliqua mundi pars, puta Terra dicta *incognita* à Cosmographis, in qua non fuit prædicatum Euangelium: & habitatores aliarum, in quibus fuit prædicatum, obliiti sunt: vel rustici saltim, ac idiotæ illud non audierunt; & sic non omnes habent sufficientem gratiam ad credendum, ac pœnitendum, & Dei legem obseruandam.

Sed ad eiusmodi difficultatem per duas Apostoli fundamentales regulas respondetur. Prima habetur Rom. 1. 18. *Reuelatur ira de Cælo super omnem impietatem, & iniustitiam hominum eorum, qui veritatem Dei in iniustitia detinent, quia quod notum est Dei, manifestum est in illis; Deus enim illis manifestauit. Inuisibilia enim illius à creatura mundi per ea, quæ facta sunt intellecta conspiciuntur; sempiterna quoque eius virtus, & diuinitas, ita ut sint inexcusabiles; quia cum cognouissent Deum, non sicut Deum glorificauerunt, aut gratias egerunt, &c. sed ad vana, & corruptibilia se conuerterunt, ad Idola, & alia indigna, quæ narrat ibi Paulus.*

448. Altera Pauli regula habetur Rom. 2. 12. *Gentes, quæ legem non habent, ipsi sibi sunt lex;*

Difficultas
contra præ
dicta insur
gens.

At refelli-
tur per du-
as regulas
Pauli Apo-
stoli.

quia ostendunt opus legis scriptum in cordibus suis testimonium reddente illis conscientia ipsorum, & inter se inuicem cogitationibus accusantibus, aut etiam defendentibus in die, cum iudicabit Dominus occulta hominum.

449. Ex duabus his regulis habetur, quòd nulli hominum occultum est dari Deum: nullique occultam esse naturalem legem, ob cuius inobseruantiam homines damnari possunt, etiam si eis non prædicaretur Deus. Prima enim regula sic declaratur à Glos. ord. nam verbo reuelatur, dicit, *vel Evangelio de Cælo, quod accusat eos, quia indicauit eis Creatorem, vel Saluatorem, ex ipsa enim cæli fabrica iratus illis Deus ostenditur, quia ideo tam pulchra astra condidit, vt ex eis quantus, & admirabilis eorum creator sit, possit agnosci, & adorari.* V. eorum qui veritatem, Glos. dicit. Cur eis ira de impietate, cum non cognouerint Deum? Respondet. Poterant quidem cognoscere, sed sibi tollunt, malentes morari in insuetudine in sua voluptate. V. in iustitia multa dicit; sed præ alijs ex Augustino ait: *Totum considerasti Dei ordinem, & non vis attendere, quod mundus est opus Dei, Idolum opus fabri.* Si Faber Idolo, sicut dedit figuram, daret cor, ab ipso Idolo Faber adoraretur: quis ergo Deus tuus, nonne qui te fecit? V. notum est Dei. Ex Gregorio dicit. En, quod ex mundi huius dispositione, & naturali ordine assequi possumus: ignotum verò Dei, quod omnem latet creaturam, vt ratio substantiæ eius, vel naturæ, & mysterium humanæ liberationis. V. manifestum est in illis: Ex Augustino dicit. Quia non solum ratio naturalis ad hoc profuit, sed & Deus quotidie adiuvat, ne sola natura sufficere videretur. V. inuisibilia, ex Haimone, dicit, ostendit, quid de Deo scribere potuerit. Pluraliter dicit, quia pluribus modis

Ex his inferatur omnibus notum esse dari Deum; & omnibus insitam legem naturalem.

Glosa interpretatio

modis cognoscitur ; scilicet , quod æternus , omnipotens , & huiusmodi ; & alia plura dicit Glosa .

450. De altera Pauli regula. *Gentes, quæ legem non habent, &c.* Interl. quæ est Origenis , dicit . Naturali ratione illuminati discernunt faciendâ , & vitandâ , quod faceret lex . Glos. ord. dicit . Cum enim dixisset , Gentilem damnari , si malè operaretur ; saluari si benè . Sed cum legem non habeat , quasi nesciat , quid sit bonum , quidue malum , videretur sibi neutrum debere imputari . Contra Apostolus , etsi non habeat legem scriptam , habet tamen naturalem ; quia intelligit , & sibi conscius est , quid sit bonum , & quid sit malum . Benè operari dico , & saluari , quod non fit , nisi per gratiam , & fidem , quæ renouat naturalem imaginem Dei in homine ex vitio , & reuoluate sopitam , sine qua renouatione malè operaretur , et damnatur accusante eum cōscientia . Non enim vsq; aded in humana anima imago Dei terrenorū affectuū labe detrita est , vt nulla in ea lineamenta remanserint . Non omnino deletum est , quod ibi per imaginem Dei cū crearetur deletū est . Proinde vitio sanato per gratiam , naturaliter fiunt , quæ legis sunt . Non quod per naturæ nomē negata sit gratia , sed potiùs per gratiam renouata natura , qua gratia interiori homine renouato , lex iustitiæ rescribitur , quam delcuerat culpa : & V. opus legis , dicit , est fides , quam vltro habent in cordibus , id est intimo affectu , vbi fides per dilectionem operatur . Totum hoc Glosa concedit Gentibus non habentibus Legem scriptam in carta , sed legē naturalem in cordibus eorum scriptam : ergo habēt sufficientē gratiam ad cognoscenda bona agenda , & mala vitanda , & ad Deum colendum , atque orandum , vt ipsis veritatem Religionis insinuet .

S. August. circa primam Pauli regulam in lib. 8. de Ciuit. cap. 9. de Gentilibus dicit . *Vbi dictum*

Lumen naturale discernit bona , & mala .

Cum eo gratia adest .

Ex August.

dictum est, quod per ea, quæ facta sunt Deus illis manifestauit intellectu conspicienda inuisibilia sua; illi etiam dictum est, non illos ipsum Deum rectè coluisse; quia & alijs rebus, quibus non oportebat diuinos honores illi vni tantum debitos detulerunt. Quoniam cognoscentes Deum, non sicut Deum glorificauerunt, aut gratias egerunt; sed euannerunt in cogitationibus suis, & obscuratum est insipiens cor eorum. Circa secundam Pauli regulam Rom. 2. Gentes, quæ legem non habent, &c. S. August. dicit. cognouisse veritatem à suis Prophetis, Dubitandum non est, & Gentes suos habere Prophetas: & in lib. de spir. & lit. ad Marcell. cap. 27. vt postea dicam, docet, Gentes bona quædam opera facere, quæ laudamus, licet non sint veræ iustitiæ; quia sine fide Christi fiunt, ea tamen faciunt, quia habent legem Dei scriptam in cordibus suis: igitur donum hoc Dei habent, & possent inquirere veritatem, & orare Deum, vt faceret inuenire: hæc autem est gratia, quia à Deo in ordine ad bona opera facienda gratis donata: at non efficax, vt patet; ergo est illa, quæ dicitur sufficiens.

451. De eiusmodi duabus Pauli regulis, Doctores aliqui, ac Sacræ Scripturæ interpretes aliter sentiunt, nempe, quod Gentiles, qui veram Dei, Trinitatis, & Christi fidem non habent, nullum lumen auxilij supernaturalis habent; neque ad cognoscendum Deum, neque ad facienda opera placencia Deo, nam ex Hebr. 11. sine fide impossibile est placere Deo: & illa Dei cognitio, quam habuerunt, vel habent, est cognitio naturalis ab effectibus in vniuerso existentibus deducta; & sic opera bona, si quæ faciunt, sunt naturalia, non à spiritu gratiæ directæ, sed à lumine naturali: & cum Apostolus dixit. Inuisibilia, &c. ac Gentes, que

Plures D.
D dicunt
etiam Gen-
tium auxi-
lia esse or-
dinis natu-
ralis.

quæ legem non habent, &c. voluit reprehendere Iudeorum superbiam, qui gloriabantur de obseruantia legis Mosaicæ in tabulis, sibi tantum conceditis; scriptæ; quasi diceret Apostolus; quid gloriamini de lege scripta vobis concedita? Nam etiam Gentes faciunt opera legis, quæ vos facitis, & habent legem scriptam, non quidem in tabulis, sed in cordibus, & sic naturaliter, quæ legis sunt, faciunt, & ideo ex ijs regulis non inferitur gratia *sufficiens*; immò inferretur etiam efficax, quia dicit, *quæ legis sunt faciunt*. Soli autem efficaci gratiæ competit, quòd faciat facere: & tamen nequit hoc dici de infidelibus, quia *sine* file, vt dictum est, *impossibile est placere Deo* Hebr. 11. sed contra hæc dicta, notandum, quòd

452. Andreas Vega Ordinis Min., qui fuit præsens Concilio cum Card. Petro Pacioco, vt ipsemet fatetur in præfatione sui voluminis Defensionis Concilij Tridentini, in lib. 6. cap. 21. dicit, tam pro certo habitum fuisse in Concilio, quòd nullum hominum vmquam latuit diuinæ Maiestatis notitia, ac fides, vt in Concilio nullum verbum de re ista factum fuerit: eius referam verba. *Fuitque semper adèd super merita nostra prouida diuina Maiestas circa ista, vt verisimile non sit absque culpa ignorare potuisse, Deum esse. Atque ideo prouidentia, & inspiratione diuina factum arbitror, vt omnes Patres, qui interfuerunt Concilio, nulla habita, vel ceriè modica hac de re discussione, tamquam rei indubitatae, consenserint, ac diffinierint, nulli prorsus absque fide iustificationem contigisse. Deindè sibi obijcit. Diceret aliquis, verba Patrum de fide infusa posse intelligi, aut legem tantum, & illam communem ab eis esse expositam, & verba illa, sine fide impossibile est placere Deo: & respondet.*

Sed

Refellitur
hæc senten-
tia ex Ve-
ga.

Omnes ho-
mines ac-
tualiter Dei
fidem habe-
re potue-
runt.

Si non ha-
bent culpa-
biles sunt.

Generalis
conclusio.

*Sed nobis nulla illarum explanationum, immò tergi-
uerſationum placet. Si propositum Patrum, & cir-
cumſtantia omnia bene expendamus, apertiffimè vi-
debimus, fidem actualem propriè ab eis diffinitam
ſemper neceſſariam fuiſſe ad iuſtificationem, & id qui-
dem, vt noſtra fert opinio, propterea ſecuti Paulum,
ac Doctores, quos citauimus, veriffimè offeruerunt,
quod ante omnia ad veram iuſtitiam nobis neceſſarium
eſt, vt captinemus intellectus noſtros in obſequium
vnius Dei, & Legislatoris noſtri: & ita in omni tem-
pore, & omni loco ſuæ diuinitatis opinionem propa-
gavit Deus in orbe, vt nullus ea fide abſque ſua cul-
pa caruerit.*

453. Si ergo Patres Concilij exiſtimantes
cum Apoſtolo Paulo, ſine fide impoſſibile eſſe place-
re Deo, & quemlibet hominem habere poſſe fi-
dem Dei, & neminem abſque propria culpa ca-
uiſſe, aut carere illa; per neceſſariam conſequen-
tiam inferitur, quòd omnes homines habuerint,
& de facto habeant principium aliquod ſuperna-
turale, per quod poſſint ſaltem eam habere; alio-
quin ſine propria culpa ea carerent: hoc autem
ſupernaturale principium eſt gratia ſufficiens; pu-
ta illuminatio, ac inſpiratio ad credendum in
Deum, illum diligendum, in illumque ſperandum,
& ad dolendum de peccatis: quæ quidem illu-
minatio, ac inſpiratio tripliciter accidere potuit,
ac poteſt, vel aliquo prædicante, vt regulariter fit
ex Rom. 10. *Quomodo credent, quem non audierunt?*
& *quomodo audient ſine prædicante?* Tunc enim
prædicante aliquo extra, Deus (vt cum Auguſtino
tract. 6. in primam Ioann. epiſt. diximus) lo-
quitur intra, illuminans, ac inſpirans: alio, ſed
ſpeciali modo Deus, ſine prædicante extra, illu-
minat immittendo in alicuius infidelis intelle-
ctum

Etum cogitationem, ac dubitationem de veritate suæ Religionis, & inspirando ad inquirendum de vera, & ad orandum ipsum, vt faciat cognoscere veritatem. Tertio tandem modo, qui frequentius accidit in rusticis, & idiotis, & alijs, qui prædicantem immediatè non audierunt, sed à suis maioribus, vel alijs ciuilibioribus, aut in agendis rebus magis instructis, licet non credentibus, audierunt, quòd detur alia Religio, quæ ab eius sectatoribus prædicatur, vt verior: in his casibus Deus illuminat, ac inspirat, vt ea inquireatur. Quòd si præfati omnes, quomodocumque illuminati, ac inspirati, non despiciant, seu non respuant, resistent, ac derideant illuminationes illas, ac inspirationes, vt factum legimus, & modò fieri scimus à Gentilibus, Mahometanis, Iudæis, & Hæreticis ipsis, Deus concederet gratiam adiuuantem, & efficacem ad inquirendam veram Religionem, & successiue ad eam amplectendam: at quia reiiciunt, despiciunt, & irrident, reiiciuntur à Deo, despiciuntur, & irridentur: *ex Pron. 1. 28. Apostol. cap. 7. & cap. 13.* sibi ergo imputent, non Deo.

454. Quod autem quidam dicunt de Gentilibus, quòd bona, quæ faciunt, nempe actus credendi Deum, & in Deum, actus diligendi Deum, actusque aliarum virtutum, fiant ab illis, cum Dei quidem auxilijs, sed ordinis naturalis, mihi valde displicet: sed quia digni sunt, libet eorum dicta declarare. Existimo ergo sic intelligendos; quòd nempe infideles, dum operantur opera legis naturæ secundum dictamen rationis naturalis, nullo præcedente supernaturali actu, ac lumine fidei, sed sola fide acquisita, illa scilicet notitia, seu credulitate Dei, eiusque legis, quæ lumine

Multipli-
citer acci-
dere potest
illuminatio,

Non placet
authori, quòd illa
auxilia
sint ordinis
naturalis.

Declarat
quomodo
tolerari
possit hoc
dictum.

naturæ habetur; tunc auxilia illa sunt ordinis naturæ, sicut sunt ipsamet opera, quæ faciunt, non enim sunt conducentia ad salutem: & hoc est, quod dicit Apostolus *Rom. 2. Gentes, quæ legem non habent, naturaliter quæ legis sunt faciunt.* At si infidelis, audito prædicante veritatem fidei, à Deo illuminetur, & inspiretur ad credendum, diligendumque Deum; vel absque prædicante, à Deo immediatè illuminetur, & inspiretur ad inquirendam veritatem fidei, & in utroque, vel alterutro eam infidelis non solum non rejicit illuminationem, ac inspirationem, sed consentiat, eamque velit, & credat, ac diligat, ut in primo casu; vel consentiat, ac velit inquirere veritatem fidei, seu Religionis, ut in secundo casu; tunc auxilia illa, nedum illuminationis, ac inspirationis, sed actiones, nempe credendi, diligendi, &c. ut in primo casu, & volendi inquirere veritatem, ut in secundo casu, sunt auxilia supernaturalia disponētia ad iustificationem, ut ex *Concil. Trid. sess. 6. cap. 5. & 6.* & non sufficientia tantum, sed efficacia: si verò illuminati, & inspirati, non solum non consentiunt, sed etiam rejciunt illuminationem, ac inspirationem, tunc, etsi malè faciant; auxilium tamen sufficiens iam habuerunt, quod in illa excitatione, seu illuminatione, ac inspiratione consistit; quod Deus, ut diximus, omni homini concedit.

Quando
auxilium
est ordinis
naturalis,
& quando
non.

455. Et hæc dicta sufficiant pro infidelibus omnibus, antè, & post aduentum Christi, de gratia sufficienti eis impertita circa fidem Dei vnius, per quam gratiam possent credere in Deum, eumque diligere, sicut oportet, idest, ut disponit ad iustificationem, quæ ab actu credendi, & diligendi Deum, ut oportet, initium habet; ex *Trid. sess. 6. cap. 6.*

Dicen-

456. Dicendum ergo, & veraciter confitendum, quòd benignissimus Dominus, & amantissimus Pater noster Deus, qui creauit hominem, vt summum bonum intelligeret, intelligendo amaret, amando possideret, ac possidendo frueretur, idest illum eleuauit ad supernaturalium fruendorum ordinem; quamuis illum liberum, formauerit, & in manu consilij sui reliquerit, vt faceret quod vellet, siue bonum, siue malum: sciens eum suis proprijs viribus non posse bonum supernaturale, hoc est, ad summi boni cognitionem, & possessionem conducere; verisimile, ac probabile non est, quòd homini talia bona opera ad id bonum conducentia preceperit, nisi ei virtutem, seu auxilium, per quod id posset facere, concesserit; alioquin, & impossibilia precepisset; & postea sine culpa hominem damnaret: hic est ipsissimus S. Augustini discursus, vt in suo loco diximus, de auxilio sine quo non collato Angelis, & Adamo; inquit, quòd si illud non dedisset, transgrediendo Dei preceptum, non peccassent: huc enim collimant omnia Sacrae Scripturae loca, quae Dei in hominem amorem, ac misericordiam commendant. Placet aliqua solum adducere.

457. Ezechielis 18. 23. habetur. *Numquid voluntatis meae est mors impij, dicit Dominus Deus, & non vt conuertatur à vjs suis, & viuat? Sapientiae 11. 24. Misereris omnium Domine, quia omnia potes; diligis enim omnia quae sunt, & nihil odisti eorum, quae fecisti. Nec enim odicens aliquid constituisti, aut fecisti. Sapientiae 12. 1. 2. &c. ò quam bonus, & suauis est Domine spiritus tuus in omnibus; ideòque eos, qui exerrant, corripis, & de quibus peccant, admones, & alloqueris, vt relictà malitia,*

Ex Dei benignitate inferitur firmitas conclusio huius sententiae.

Scripturae loca, quae Dei amoris in hominem commendant.

credant in te Domine. Exodi 34. 6. Dominator Domine Deus, misericors, & clemens, patiens, & multę miserationis, & verax. Psal. 32. Misericordia Domini plena est terra: & psalm. 144. Suavis Dominus vniuersis, & miserationes eius super omnia opera eius. Psal. 76. Numquid in æternum proijciat Deus, aut non apponet, vt complacitior sit adhuc. Aut in finem misericordiam suam abscindet à generatione in generationem, aut obliuiscetur misereri Deus, aut continebit in ira sua misericordias suas? Psalm. 88. Misericordias Domini in æternum cantabo. Psal. 100. Misericordiam, & iudicium cantabo tibi Domine: et in toto psalterio sæpissimè.

458. Ioann. 3. 16. sic Deus dilexit mundum, vt filium suum vnigenitum daret, vt omnis, qui credit in ipsum non pereat, &c. in epist. 1. Ioan. 4. &c. In hoc apparet charitas Dei in nobis, quoniam filium suum vnigenitum misit Deus in mundum, vt viuamus per eum. In hoc est charitas, non quia nos dilexerimus Deum; sed quoniam ipse prior dilexit nos, & misit filium suum propitiationem pro peccatis nostris, &c. & Saluator ipse Lucæ 5. 12. Veni vocare peccatores ad pœnitentiam. Prima Timot. 2. 4. Deus vult omnes homines saluos fieri, & ad agnitionem veritatis venire, &c.

459. Hæc, inquam, & alia plura Sacræ Scripturæ loca suppetunt eam legenti, in quibus amor, & misericordia cum iustitia Dei in vniuersum genus humanum indifferēter commendatur. At ex epist. Iacobi cap. 2. 13. Misericordia superexaltat iudicium: & ex Psal. 143. Miserationes eius super omnia opera eius: quomodo ergo cogitari, aut concipi potest, quòd non dederit, aut non det omnibus aliquando, & aliquibus saltem vicibus, sufficiētem ad minus gratiam, qua possent ad

cum

Ex Veter.
Test.

Ex Nouo
Testam.

Ex imposs.
bilitate o-
perandi.

eum conuerti, in eum credere, eumque diligere, *vt oportet*, idest modo supernaturali, & ob supernaturalem finem? Quomodo diceret Deus Osee 13.9. *Perditio tua ex te Israel; tantummodò in me auxilium tuum?* Quomodò Saluator, Matth. ult. misisset in mundum vniuersum Apostolos, dicens, *docete omnes gentes, baptizantes, &c. docentes eos seruare omnia quaecumque mandavi vobis?* & Marc. ult. *Qui crediderit, & baptizatus fuerit, saluus erit; qui verò non crediderit, condemnabitur?* nisi auditores eorum haberent requisitum supernaturale, per quod possent credere, & possent facere, quæ ipsi docebant. Quomodò Christus in die iudicii diceret reprobis, *Ite maledicti in ignem æternum, &c. esuriui, & non dedistis mihi bibere, &c.* nisi illi habuissent requisita ad ea facienda, *sicut oportet*, quæ quidem à semetipsis habere non potuerunt? Multi siquidem inter Gentiles, & Turcas, vt ex Alcorano præcipiente, & ex praxi Mahometanorum, obseruata, vacant operibus istis misericordiæ corporalis, & tamen respondere non poterunt, cibauimus esurientes, potauimus sitientes, operui nudos, &c. quia opera ista non sunt *sicut oportet*, scilicet ex directione fidei; & fides illa, quam ipsi habent de Deo est naturalis, seu acquisita, non ex Spiritus Sancti inspiratione, & adiutorio, vt requirit *Concil. Trid. sess. 6. can. 3.* sed est, sicut fides, quam habent de alijs rebus mundi, quas audierunt, & de ipsomet Mahometo. Si ergo condemnandi sunt omnes ex eo quòd non fecerunt ea opera, à Deo præcepta, & *vt oportet*: perneceffe fateri debemus, quòd Deus eis omnibus dederit principium illud requisitum ad posse facere opera illa, *vt oportet*: at quoniam illud reiecerunt, hodieque reiiciunt, immò persecuti sunt, hodieque perse-

Multa Scripturæ dicta nou saluarentur.

Ex absurdis ratio.

Opera misericordiæ Gentilium non sunt, sicut oportet, & quare.

persequuntur, atque occidunt eos, per quos principium illud potest in eorum mentibus à Deo produci, si audirent eos, quos persequuntur, & occidunt; ideò deest etiam illis aliud principium, seu adiutorium, per quod facerent, *vt oportet*: habent ergo illuminationes, vel habere possunt, quia Deus eis vult dare; sed reiiciunt, Deoque hoc modo resistunt, vt dicitur Act. 7. His autem Saluator in iudicio dicere poterit quod habetur Prou. 1. *Quia vocavi, & renuistis, extendi manum meam, & non fuit, qui aspiceret, &c. ego quoque in interitu vestro ridebo.*

460. Sit ergo Deo laus, virtus, & gloria in æternum, qui neminem vult perire, & omnibus gratiam sufficientem concedit, per quam habent posse non perire: sed eam maior hominum pars respuit, ac reiicit, ideòque vlteriùs non adiuuantur; quod ab æterno præuisum, vt in secundo Opusculo diximus, reprobationis causa fuit.

Quoties autem, & quando Deus sufficientem gratiam concedat, tam infidelibus, quam fidelibus, dicam, Deo dante, infra.

CAPVT XX.

An omnia infidelium opera sint peccata: vel saltem aliqua, & quæ.

461. **A**Du. 1. difficultatem hanc in hoc loco discuti, eo quòd infideles cum careant fide habituali, & actuali supernaturali videntur non posse operari alia opera nisi mala, quia inquit Saluator, *non potest arbor mala bonos fructus facere*. Anima autem hominis infidelis est pessima moraliter; ac propterea videtur non posse pro-

Concludi-
ur, quòd
omnes ha-
bent, vel
possunt ha-
bere, sed
respuunt
gratiam
sufficientem.

Mens Au-
thoris, cur
de hoc a-
git.

producere bonos fructus . Accedit præterea Pauli dictum Rom. 14. *quod non est ex fide peccatum est, & sine fide impossibile est placere Deo*, Hebr. 11.

462. Adu. 2. quòd hìc nomine *infidelium* intelligimus omnes carentes habitu fidei, etiam Hereticos; hi enim per infidelitatem habitum fidei, quem in Baptismo receperant adulti iam facti non credentes perdidērunt: at principaliter intelligimus non baptizatos, vt Gentiles, Mahometanos, & Hæbreos.

Qui sint infideles.

463. Adu. 3. quòd licet sententia assertiua, quòd omnia infidelium opera sint peccata, iam damnata sit à Pio V. & Gregor. XIII. inter Michaelis Bay propositiones; quia tamen Scioli quidam, qui S. Augustini opera, vel non omnia, vel non accuratè legerunt, Sancto Doctori propositionem istam absolutam, & sine limitatione ipsius Sancti, affinxerunt, nec desint hodiè, qui adhuc affingant, operæ pretium duxi de hoc puncto in hoc Opusculo, in quo de infidelium gratia agitur, contingenter loqui.

Affirmatiua damnata est.

464. Dico ergo 1. Non omnia infidelium opera sunt peccata: sed ea tantum, quæ in sequenti Capite dicentur.

Non omnia infidelium opera sunt peccata.

465. Prima pars, vt nuper dixi, iam remanet probata ex Ecclesiæ damnatione, vt ex Constitutionibus præfatorum Pontificum, quibus opposita damnatur, quæ assererat, *quòd omnia opera infidelium sunt peccata*.

466. Prob. 2. quòd non omnia sunt peccata. Aliqua infidelium opera commendantur in Sacra Scriptura. Ergo. Antec. prob. primò ex Ionæ 3. 4. Niniuitæ populi Gentiles erant; & tamen de eis hæc leguntur, prædicante Iona. *Adhuc quadraginta dies, & Ninive subuertetur; credide-*

runt

venerunt viri Niniuitæ in Deum, & prædicauerunt ieiunium, & vestiti sunt saccis à maiore vsque ad minorem. Et peruenit verbum ad Regem Ninive; & surrexit de solio suo, & abiiecit vestimentum suum à se, & indutus est sacco, & sedit in cinere. Præcepit ieiunium pro hominibus, & iumentis; & clamauerunt omnes ad Dominum: & ait Textus: & vidit Deus opera eorum, quia conuersi sunt de via sua mala, & misertus est Deus super malitiã, quam locutus fuerat ut faceret eis, & non fecit. At quoniã non factũ est sicut dixit Ionas, & Ninive subuersa non est; & inquit textus in cap. 4. quod afflictus est Ionas afflictione magna, & optabat mori, quia videbatur mendax esse, & conquerebatur cum Deo; Deus autem ei dixit: Et ego non parcam Ninivæ Civitati magnæ, in qua sunt plusquam centum viginti millia hominum, qui nesciunt, quid sit inter dexteram, & sinistram suam, & iumenta multa? Niniuitæ, ut dixi, Gentiles erant, Idola colebant; Imperator erat Sardanapalus ex Saliano; in luxu, & ambitione vivebant, ait Lyranus, & penitentiam hanc egerunt; neque legitur, quod desierint esse Gentiles: igitur non semper, nec omnia infidelium opera sunt mala.

467. Secundò ex Daniel. 4. 24. Prophetæ hic prædicit mala, quæ postea acciderunt Nabuchodonosori Regi Babiloniæ; & ad ea euertenda dixit. *Quam obrem Rex consilium meum placeat tibi, & peccata tua elemosinis redime, & iniquitates tuas misericordijs pauperum, forsitan ignoscet (Deus) delictis tuis. Daniel autem non consulebat Regi opera mala: ideòque, si elemosinas erogasset, mala opera non fecisset, sed bona, quibus, ut dixit Prophetæ, Deus forsitan ad ignoscendum conuersus esset.*

Aliqua eorum opera commendantur.

Ex facto Niniuitarũ

Ex facto Regis Babiloniæ.

468. Tertium exemplum habemus de Cornelio Gentile *Act. 10.* Ad hunc misit Dominus Angelum, qui dixit ei : *Orationes tuæ, & eleemosinæ tuæ ascendunt in memoriam in conspectu Dei :* & iussit, vt mitteret in Ioppen ad vocandum Petrum, à quo fuit baptizatus : ergo non omnia infidelium opera sunt peccata. Omitto casum Iob, qui licet esset Gentilis, idest, non de stirpe Hēbreæ; tamen erat fidelis, sicut alij, qui observabant legem naturę, sicut & Abraham, & Isaac, & Iacob, cæterique qui fuerunt ante legem traditam Moysi in Monte Sina quadrigentis post annis ab Abraham, iuxta tempus, quo prædixerat Deus Abrahæ exitum de Ægipto, *Gen. 15.* Patet ergo, quòd non omnia opera Gentilium, sunt mala.

469. Prob. 2. Ideò Bayus, & alij asseruerunt hoc de infidelibus, quia Paulus *Rom. 14.* dicit, *quod non est ex fide, peccatum est;* quasi velit dicere, quòd actus omnes, non solùm contra fidem, sed etiam actus virtutum moralium, qui sunt ab hominibus sine fidei Magisterio, seu dictamine, sint peccata. Sed hæc explicatio falsa est : ergo. Min. prob. primò. Glosa Interl. *quod non est ex fide,* ait, *quod sit contra fidem, idest contra conscientiam, vt credatur malum esse :* sic locum istum intelligunt D. Hieronymus, & Theodoretus; quia, Apostolus loquitur de ieiunantibus; de uescientibus carnes, & non uescientibus; de bibentibus, & non bibentibus vinum : inquiens, quòd si alterutri alios iudicant, cùm neutrum sit à fide determinatum, ipsimet contra rectam rationem faciunt, & peccant, si neutrum fides statuit, & hoc modo omnes Scholastici locum illum intelligunt.

Ex factis
Cornelij
Centurio-
nis.

Deceptus
est Bayus.

August. sen-
tentia quæ.

470. Quo verò ad sententiam Augustini, dico, quòd S. Augustinus de actionibus infidelium dupliciter locutus est; aliquando dixit esse bonas, sed non ita bonas, vt debitam iustitiæ laudem mereantur; idest non sunt apud Deum meritorie vitæ æternæ: aliquando verò dicit esse peccata, quia non ex debito fine, aut ordine, sed cum aliqua mala circumstantia contra legem naturæ factæ. Exemplum primi dicti habemus in lib. de Spir. & lit. ad Marcellinum cap. 37. in calce. *Qui naturaliter quæ legis sunt faciunt, nondum sunt habendi in numero eorum, quos Christi iustificat gratia; sed eorum potius, quorum etiam impiorum, nec Deum verum veraciter, iustèque colentium, quadam tamen facta, vel legimus, vel novimus, vel audiimus, quæ secundum iustitiæ regulam, non solum vituperare non possumus, verum etiam meritò, rectèque laudamus: quamquam si discutiatur, quo fine fiant, vix inveniuntur, quæ iustitiæ debitam laudem, defensionemve mereantur.* Tria hic dicit: primò, quòd faciunt quædam opera, quæ nò possunt vituperari: secundò, quòd debent laudari: peccata autem vituperari debent, & non laudari: tertio; dubitat, quòd recto fine non fiunt; hæc est suspicio, non assertio, alioquin essent vituperanda. At si fierent cum fine bono, naturali lumine, ac ratione cognito, licet non essent bona supernaturaliter, essent bona moraliter; lumen namque naturæ dicitur, *quod tibi vis, alteri feceris; quod tibi non vis, alteri ne feceris*: honorandos parentes, succurrendum egenis, &c. Immo ex Can. *ius naturale dist. 1. naturales leges sunt, quæ omnibus Nationibus sunt communes ex instinctu naturæ, vt viri, & femina coniunctio, liberorum successio, & educatio, communis omnium possessio, & om-*
nium

Aliquando
laudat eo-
rum virtu-
tes.

Lumen na-
turæ quid
dicat.

nium una libertas, acquisitio eorum, quæ cælo, marique capiuntur; item deposita, vel commodata pecunie restitutio; violentiæ per vim repulsio. Nam hoc, aut si quid huic simile est, numquam iniustum, sed naturale, æquumque habetur. Si ergo ista, & similia inter Infideles, Gentiles, Turcas, Hebræos, &c. fiant ex fine simplici virtutis, ac honestatis, ex rationis naturalis dictamine, bona moralia sunt, non verò peccata.

471. Aliud exemplum laudis virtutum infidelium, licet Idolatrantium, ac Gentilium magno cum encomio habemus ex Sancto Augustino in libro quinto de Ciuitate Dei cap. 18. in quo loquens de Romano Imperio, laudat virtutes Romanorum, inter quas pro adipiscenda terrena Ciuitate excreuerunt, inuitans Christianos ad similes pro acquirenda Ciuitate cælesti, dicens. Proinde per illud imperium tam magnum, tamque diuturnum, virorumque tantorum virtutibus præclarum, atque gloriosum, & illorum intentioni merces, quam quærebant, est reddita, & nobis proposita necessariæ commonitionis exempla, ut si virtutes, quarum istæ, utcumque sunt similes, quas isti pro Ciuitatis terrena gloria tenuerunt, pro Dei gloriosissima Ciuitate non tenuerimus perdere pungamur. Ecce quantum laudat virtutes Gentilium Romanorum. In alijs autem locis damnat virtutes Infidelium, vel quia non referuntur ad Deum; vel quia sunt inflatæ, ac superbæ, scilicet, ex fine vanæ gloriæ exercitæ, & ideo potius ait dici vitia, quàm virtutes; nam in lib. 19. de Ciuit. cap. 25. dicit. Proinde virtutes, quas sibi habere videntur, per quas imperant corpori, & vitijs ad quodlibet adipiscendum, vel tenendum, nisi ad Deum retulerint, etiam ipsæ vitia potius sunt, quàm virtutes. Nam licet à quibusdam

Multa legis naturæ opera, & laude digna.

Rom. virtutes laudat S. August.

Alibi damnat virtutes Gentilium.

Quia ob va-
nam gloriā
exercitq.

tunc verae, & honestae putentur esse virtutes, cum ad seipsas referuntur, nec propter aliud expetuntur, etiam tunc inflatae, ac superbae sunt: & ideo non virtutes, sed vitia indicanda sunt: igitur ratione finis mali, non quidem negativè tantum, sed positivè, eas damnat. Declaratur. Non referre actus virtutum ad Deum, stat dupliciter: positivè, scilicet, referendo ad aliud numen, vel Idolum; & negativè tantum, non referendo ad Deum, sed nullo cogitato fine, virtuosè operando. His ergo duobus modis, dicit Augustinus, virtutes infidelium non esse veras virtutes, sed potius vitia, quando non referuntur ad verum Deum, sed ad falsum infidelium numen: vel quando nec etiam ad hoc referuntur, sed propter vanam gloriam exercentur. Si autem haec duo absint, & ex ipsius virtutis, ac rectae rationis naturalis dictamine exerceantur; non video, quomodo Augustinus eas damnet. Non enim credo, quòd damnet sui procreationem, & educationem à Patre infideli, neque coniugium eius cum matre sua, si non ob libidinem, sed propter prolem factum fuerit. Neque damnet, quòd infidelis honoret Parentes, sicut ipsemet Manicheus faciebat, neque si fur restitueret furata Domino, & cetera similia.

Ex duplici
capite po-
tuerunt ef-
fe vitia.

Alia Aug.
loca de ijs
operibus
infidelium

472. Secundum Augustini dictum de operibus infidelium, quando sunt peccata, habetur in *lib. 15. de Civit. cap. 20.* ubi loquens de ijs, qui ob finem virtutis ab opere generandi se abstinere, dicit. *Secundum hominem quippè viuunt, non secundum Deum; & Indorum Gimnosophistae, qui nudi perhibentur philosophari, in solitudinibus Indiae Cives eius (idest Diaboli) sunt, & à generando se cohibent. Non enim est hoc bonum, nisi sit secundum fidem summi boni, qui est Deus. Existimo, quòd*

quòd S. Augustinus ibi noluit damnare cælibatum, dicens non esse bonum; sed quòd ille non esset verè bonus, idest meritorius, conducens ad salutem, & quia sine vanæ gloriæ, vel cum relatione ad falsum eorum Numen, fiebat.

473. Tertium Augustini dictum contra virtutes infidelium habemus in *lib. 4. contra Iulianum Pelag. cap. 5.* Quoniam Augustinus dixerat, pudicitiam coniugalem esse donum Dei; & Iulianus obiecerat, etiam inter infideles reperiri, respondet S. Augustinus: dixi, *pudicum non veraciter dici, qui non propter Deum veram fidem connubij servat uxori*: & rationem assignat; quia, inquit, *omnes virtutes, quæ per corpus operantur, in animo etiam habitant; quomodo vera ratione pudicum corpus asseritur, quando à vero Deo ipse animus fornicatur, &c.* ait enim Scriptura psal. 70. *perdidistis omnes, qui fornicantur abste*: infra autem rursus dicit. *Absit, ut sit in aliquo vera virtus, nisi fuerit iustus. Absit autem, ut sit iustus verè, nisi viuat ex fide, iustus enim ex fide vivit.* Quis porro, etiam fortè, tu solus (dicit ad Iulianum) *iustum dixeris infidelem, iustum impium, iustum diabolo mancipatum: sit licet ille Fabritius; sit licet Fabius, sit licet Scipio; sit licet Regulus, quorum me nominibus, tamquam in antiqua Romana Curia loqueremur, putasti esse tenendum*: Deindè ait, quòd etiam Pitagorici putabant, illas esse veras virtutes, quæ menti quodammodò imprimuntur à forma illius æternæ, immutabilisque substantiæ, quod est Deus. Quæ Augustini dicta existimo intelligenda de bonitate supernaturali, & meritoria apud Deum, & conducente ad salutem, saltem dispositivè de congruo, quia certè talis non est in infidelibus, nisi à Deo vocentur.

474. Et hæc intelligentia confirmatur ex alijs
eius

Cur pudici-
tiam infi-
delium nō
laudat, di-
cens non
esse veram.

cuius dictis in eodem Capite 3. contra Iulianum docentem cum Magistro suo Pelagio, non esse necessariam gratiam ad operandum opera virtutum ad salutem conducentia. At infra post medium impugnans Iulianum sic ait. *Si Gentilis, qui non viuit ex fide, nudum operuerit, periclitantem liberauerit, agri vulnera fouerit, diuitias honestæ amicitiae impenderit, ad testimonium falsum, nec tormentis potuerit impelli; quæro abs te, vtrum hæc opera bona benè fecerit, an malè? Si enim quamuis bona, malè tamen facit; negare non potes, eum peccare, qui malè quodlibet facit. Sed quia eum non vis, cum facit ista, peccare, profectò dicturus es, & bona facit, & benè. Fructus ergo bonos facit arbor mala? Quod fieri non posse veritas dicit, Matth. 7. & quia Iulianus dicit bona illa placere Deo, August. ait: sine fide impossibile est placere Deo, Hebr. 11. Iulianus dicit. Infidelis bona facit, quatenus est arbor bona, à Deo enim creatus est. August. respondet: voluntatem infidelem esse malam, licet homo quatenus opus Dei sit bonus; & idcò mala voluntas non potest facere fructus bonos. Iulianus dicit, misericors voluntas, bona est. August. respondet. Est bona si secundum Christi fidem sit, quæ per dilectionem operatur. At reperitur misericordia mala, qua persona pauperis accipitur in iudicio; & adducit exemplum malæ misericordiæ Saul 1. Regum 15. qui contra præceptum Dei misertus est Regis Agag Amalecitarum, propter quod Deus abiecit Saul; & quod si vitium est malè misereri; vitium etiam est infideliter misereri. Quod si & ipsa per seipsam naturali compassione opus est bonum, etiam isto bono malè vtitur, qui infideliter vtitur, & hoc bonum malè facit, qui infideliter facit, &c. ex quo colligitur etiam ipsa bona opera, quæ faciunt infideles, non ipsorum esse, sed illius,*

Bonitatem
meritoriā
negat Au-
gust. in infi-
delibus.

Quando
misericor-
dia est ma-
la.

illius, qui bene utitur malis. Ipsorum autem esse peccata, quibus, & bona male faciunt, quia ea non fidei, sed infidei, hoc est, stulta, & noxia voluntate faciunt: hæc, & alia plura ibi dicit Augustinus. Eodem modo intelligendus est, cum in lib. de Nup. & Concup. cap. 4. dicit, infideles non habere veram virtutem pudicitie virginalis, vel coniugalis: & in cap. 5. cum dicit, infideles habentes pudicitiam conjugalem propter motuum aliquod humanum, non habent donum Dei: at non dicit hæc facta, esse peccata; sed quod non sunt veræ virtutes conducentes ad salutem, eo quod à fide non dependent; illa enim est salutis initium, & sine ea impossibile est placere Deo in ordine ad salutem: ex quibus omnibus collige, quod dum docet opera infidelium non esse bona, debet intelligi de bonitate, quam asserbat Iulianus, id est conducente ad salutem, sine gratia Dei; de hoc siquidem puncto erat disputatio, non de bonitate naturali, seu morali. Dū verò dicit esse mala, loquitur de operibus moralibus ex se bonis, sed factis cum circumstantia mala, vel contra præceptū Dei: exempla clara sunt; quia exemplificat de Iudice accipiente personam pauperis, & de Saule contra Dei præceptum non occidente Agag Regem Amalecitarum: Et existimo non posse aliter explicari, neque hic, neque alibi S. Augustinum; alioquin ipse peccasset, cum vsque ad annum ætatis 29. honoravit parentes, laudavit Deum, quomodo in Manicheismo apprehensum; si legē naturæ servauit secundum rectam rationem operans.

475. Neque est dicendū malum, atq; peccatum opus misericordie factum à Samaritano in eum, qui in Latrones inciderat, & spoliatus, ac vulnera-

Quæ opera non bona, & qua bonitate.

Et quæ mala.

Aliter non potest intelligi S. August.

neratus iacebat in via semiuiuus; quod tamen opus à Christo fuit commendatum, Lucæ 10. & legis perito, qui interrogauerat eum, *quis est meus proximus*, post narrationem præfatæ historie, seu parabolæ, dixit, *vade, & tu fac similiter*. Ideò supradicto modo intelligendus est Augustinus. Quando dicit opera infidelium, etiam rectæ rationi conformia, non esse bona, loquitur de bonitate supernaturali, seu conducente ad salutem sine gratia. Quando dicit esse mala, loquitur de operibus secundum se, seu ex obiecto bonis; sed ex fine, vel alia circumstantia mala, sunt mala.

476. Immò obseruo in quibusdam Augustini locis, quòd non solum negat omnia infidelium opera esse peccata; sed aliquando esse bona, & ex Dei auxilio facta. Adducam aliqua. In lib. de Prædest. SS. cap. 7. habet, *Solet dici, ideò credere meruit, quia vir bonus erat, & antequam crederet, quod de Cornelio dici potest, cuius acceptæ sunt eleemosinæ, & exauditæ sunt orationes antequam credidisset in Christum. Nec tamen sine aliqua fide donabat, & orabat. Nam quomodo inuocabat, in quem non crediderat?* &c. ergo Cornelius licet Gentilis, Dei saltem fidem habens, licet adhuc non Christi, Deo iuuante, eleemosinas, & orationes faciebat; ideòque eius opera non omnia erant peccata per Augustinum.

477. In lib. 4. contra Iulianum cap. 3. loquens de virtutibus, quas Iulianus admittebat in infidelibus, dicit. *Quanto satius, hæc ipsa in eis dona Dei esse fatereris, sub cuius occulto iudicio, nec iniusto; alij natura leues, alij spadones, &c.* Et paulò post, *quanto ergo tolerabilius illas, quas dicis in impijs esse virtutes, diuino muneri potius, quàm eo-*

rum tribueres tantūmodo voluntati . Si ergo virtutes infidelium aliquando diuino muneri possunt adscribi , non sunt peccata semper .

478. In epist. 136. concedit continentiaē coniugalis, & castitatis virtutes etiam in infidelibus à Deo prouenire ; vtens argumento bonorum corporis, quæ in eis à Deo sunt , sic . *Ipsius namque corporis , quod est infirmum nostrum , si qua bona sunt , sicut forma , & vires , & salus , & si quid eiusmodi est , non sunt nisi à Deo creatore , ac perfettore naturæ ; quanto magis animi bona donare nullus alius potest ? Quid enim superbius , vel ingratus cogitare potest humana recordia , si putauerit , cum carne pulchrum facere Deum hominem , animo castum ab homine fieri ? Scio quemlibet dicturum , quod sicut pulchritudo , vires , &c. pertinent ad ordinem naturæ , sic & continentia , atque castitas , quas S. Augustinus dicit infidelibus à Deo concedi . Hoc mihi sufficit ; non enim contendo , quod virtutes infidelium pertineant ad ordinem gratiæ , & quod sint conducentes ad salutem ; sed quod non sint peccata : si enim à Deo dantur , peccata non sunt .*

479. In ferm. 12. de temp. cap. 2. maxime commendat charitatem humanam in parentes, in coniuges, & in filios, sic . *Charitas alia est diuina , alia humana . Humana autem alia licita , alia illicita . Humana charitas non solum licita est , vt concedatur ; sed ita licita , vt si defuerit reprehendatur . Liceat nobis humana charitate diligere coniuges , filios , amicos , &c. sed videtis istam charitatem esse posse & impiorum , idest , Paganorum , Iudæorum , Hæreticorum . Quis enim eorum non amat uxorem , filios , &c. Si ergo tali quisque crudelitate fertur , vt perdat etiam humanum dilectionis affectum , & non*

Plura Aug.
gust. exem
pla .

A paritate
bonorum
corporum,
quæ à Deo
concedun-
tur :

Aug. com-
mendat
charitatē
infidelium
in cognatos,
& alios

amet filios suos, & non amet coniugem suam, nec inter homines nominandus est: non enim laudandus est, qui non amat filios suos, sed damnandus est: & ferè amant filios aspides. Ergo qui non amat filios suos, etiam Leone peior est.

480. In lib. 1. de Gratia Christi cap. 24. considerans factum Assueri erga Ester dicente Scriptura, Deus transfudit indignationem eius in lenitatem, ait. Inueantur, atque fateantur, non lege, atque doctrina insonante forinsecus; sed interna, atque occulta mirabili, atque ineffabili potestate operari Deum in cordibus hominum, non solum veras reuelationes; sed etiam bonas voluntates. Notum enim est Ester 14. quod Assuerus ad petitionem Ester mutauit voluntatem suam lædendi populum Hebraicum, qui erat trucidandus, in voluntatem ei fauendi, vt fecit.

481. In epist. 130. loquens de continentia Polemonis, quem intemperantem habituarum, ingressum tamen in Scholam Xenocratis discurrentis de virtutæ temperantiæ, huius sermo repente conuertit in temperatissimum; Augustinus inquit, fuisse donum Dei, sic: & ne ipsum quidem, quod melius in eo factum est, humano operi tribuerim, sed diuino: & in lib. 4. contra Iulianum cap. 3. videns negari, dari posse quædam bona, ac virtuosa opera inter infideles, inquit ea à Deo esse, sic: Ex quo colligitur, etiam ipsa bona opera, que faciunt infideles, non ipsorum esse, sed illius, qui benè vritur malis. In homil. 23. quæ est de muliere peccatrice, introducit Deum sic loquentem homini infideli. Adulter non fuisti in tua vita præterita plena ignorantia, nondum illuminatus, nondum bonum, malumque discernens, nondum credens in illum, qui nescientem regebat. Hoc dicit tibi Deus

Factum Assueri laudat ex Deo

Factum Polemonis laudat ex Deo.

Deus tuus. Regebam te mihi, seruabam te mihi, vt alterutrum non committeres. Suasor defuit: vt suasor deesset ego feci. Adfuit suasor, non defuit locus, non defuit tempus, vt non consentiret, ego terrui. Agnosce ergo gratiam eius, cui debes, & quod non admisisti. Nullum est enim peccatum, quod fecit homo, quod non potest facere alter homo, si desit rector, à quo factus est homo. Alia plura extant S. August. dicta, quibus non solum non asserit omnia opera infidelium esse peccata; sed multa asserit nedum bona, sed à Deo facta: Asserit quidem non esse vera bona, idest ad salutem, eternamque vitam conducentia: at ea laudat, vt bona.

482. Postremum huius Augustini sensus exemplum, vt huic quæstioni finem imponam, adducam, ex ijs, quæ scribit ad Macedonium Christianum, & fortè malè operantem.

483. In epist. 52. *Abijcimus, inquit, falsorum Philosophorum vanitates: quia nec virtus vera nobis erit, nisi adsit ipse quo iuuemur: nec beatitudo, nisi adsit ipse, quo fruamur. Deindè de virtutibus Cardinalibus discurrens, dicit. Itaque, si omnis prudentia tua, qua consulere conaris rebus humanis: si omnis fortitudo tua, qua nullius iniquitate aduersante terreris; si omnis temperantia, qua in tanta labe nequissima consuetudinis hominum, te à turpitudinibus abstinere: si omnis iustitia, qua certè indicando, sua cuique distribuis, adlaborat, idnitur, vt hi quibus vis, vt benè sit, salui sint corpore, & ab omni cuiusquam improbitate tuti, atque pacati, &c. ita non erunt verè virtutes tuæ, sicut nec istorum beatitudo: & postea. Si quolibet inquam administratio tua istis quam commemoravi instructa virtutibus hoc intentionis fine determinatur, vt homines secundum carnem nullas iniquas molestias patiantur; nec*

Deus facit
vt infide-
les faciant
quedam o-
pera bona.

Cur dam-
nat Philo-
sophorum
virtutes.

Damnat,
quia dicūt
ducere ad
felicitatē .

Laudat eas
quę ad ve-
ram felici-
tatem per-
ducunt .

ad te existimas pertinere , qui istam quietem , quam præstare niteris, referant, idest, vt verbis non ambiant; quomodo Deum verum , vbi est quietæ vitæ omnis fructus, colant, nihil tibi prodest ad vitam verè beatam tantus labor . Si enim virtutes , quas accepisti , à quo acceperis sentiens , eique gratias agens , eas ad ipsius cultum , etiam in tuis secularibus honoribus conseras, tuæque potestati subditos homines ad eum colendum exemplo tuæ religioſæ vitæ, & ipso studio consulendo, seu fouendo, seu terrendo erigas , & adducas, nihilque aliud , quod per te seuerius viuunt velis, nisi, vt hinc illum promereantur , apud quem beatè viuunt; & veræ virtutes erunt , & illius opitulatione , cuius largitate donatæ sunt, ita crescent , ac perficientur , vt te ad vitam verè beatam, quę non nisi æterna est, sine vlla dubitatione perducant . Ex quibus habemus, quod omnes illas morales , seu Cardinales virtutes, quas Macedonius exercebat, non damnat, tamquam peccata, sed dicit, quod non perducunt ad beatitudinem, nec illos homines, quos regebat Macedonius , nec ipsum Macedonium, nisi eas referret in Deum , à quo virtutes illæ obtinentur. Immo ex hoc Augustini dicto, aliud validius desumitur argumentum, quod non sint peccata : Si enim per eum à Deo dantur, nec peccata , nec alia mala sunt , sed bonæ qualitates ; quæ enim facit Deus in omni rerum genere in suo genere bona sunt .

484. Et insuper confirmari potest , quod de hac veritate virtutum semper locutus est Augustinus, quando dixit infideles non habere veras virtutes ; siquidem semper eas sic vocauit , quę ad veram, perfectam , & æternam beatitudinem perducunt : confirmatur inquam ex ijs , quę dicit contra Iulianum Pelagianum lib. 4. cap. 3. Idco

veras

veras virtutes habemus, quibus verū est propter quod facimus, idest, hoc naturæ nostræ consentaneum est ad salutem, & veram felicitatem. Non enim absurdè virtus definita est ab eis, qui dixerunt, est animi habitus naturæ modo, atque rationi consentaneus. Verum dixerunt: sed quid sit, consentaneum liberanda, ac beatificanda naturæ mortalium nescierunt: & post. Si ergo ad consequendam veram beatitudinem, quam nobis immortalē fides, quæ in Christum est vera, promittit, nihil prosunt homini virtutes, nullo modo veræ possunt esse virtutes.

485. Patet ergo, quòd eas qualitates veritatis virtutibus moralibus infidelium negat, quæ ad felicitatem æternam conducunt; at non dicit esse peccata, nisi ex fine malo, humanæ gloriæ verbi gratia, vel ut falsis Dijs placeant, exerceantur. Prudentia enim, Iustitia, Fortitudo, ac Temperantia, cum suis speciebus, seu partibus potestatiuis, vel considerantur, ut habitus tantum; vel ut actus tantum, vel ut actus procedentes ab habitibus: quocumque modo considerantur, secundum se sunt recte rationi conformes; recta autem ratio specificat bonitatem in actibus, quos dirigit. Si autem infidelis habituatus in his virtutibus, vel in earum aliqua veniret ad fidem; in eis, vel in aliqua, quam haberet, operaretur tunc eadem facilitate, ac promptitudine, sicut prius operabatur. At post receptam fidem, sunt eædem qualitates, quæ erant ante fidem: tunc post fidem male non sunt; ergo neque ante: in hoc differunt; quia si post fidem exercentur in gratia sunt meritorie, non autem ante. At dato, quòd post fidem non exercentur in gratia, vel neque explicitè propter Deum, sed propter finem virtutis; numquid male sunt? Absit. Ergo neque ante. Quæ de hoc puncto dixisse sufficiat.

CAP.

Eas semper
vocavit v
ras, quæ ad
æternam
conducunt
vitam, qua
les sunt il
læ infide
lium.

At non di
cit sem
per esse
peccata, ni
si dum ma
lo fine fiūt.

CAPVT XXI.

*An in omnibus infidelibus infidelitas sit peccatum ;
& an alia in eis adsint peccata ; & quæ .*

486. **A** Du. quòd licet prima facie quæsitum hoc non videatur ad disputationem istam de gratia sufficiente pertinere, quia ad peccandum non requiritur gratia ; cùm peccatum sit opus solius voluntatis permissæ à Deo operari pro libito : adhuc tamen hæc quæstio disputationi de gratia accessoria est, quatenus infidelis, & quilibet homo non peccaret, si gratiam haberet, per quam impediretur peccare : & quamuis ad nos non spectet statum infidelium, eorumque indagare opera, quia dum in peruersitate permanent, sufficit eis prædicare errorem infidelitatis ; & dum conuertuntur, per baptismum omnia ipsorum delentur peccata : utile tamen est scire, quæ peccata committunt ; tum quia possunt eis inproperari etiam tamquam indigna, sed prouenientia ex carentia fidei, vt fecit Augustinus in volumine *de Ciuit. Dei* ; tum etiam, quia dum veniunt ad fidem, in Cathéchismo peccata illa possunt eis cum sua grauitate insinuari, vt de eis doleant ; tum tandem in vtilitatem fidelium, vt sciant qualis ignorantia excusat à peccato : quod enim dicitur de infidelibus circa fidem, & consequentia ad eam, dicendum videtur de fidelibus circa alia principia positiua, & eorum consequentias, circa quas peccare possunt.

487. Adu. 2. vt clarè procedamus, sensum huius quæsitum esse ; an infideles, idest non baptizati habeant peccatum infidelitatis, si habent, vel habe-

Cur de hac
re hic lo-
quitur au-
thor.

Sensus quæ-
siti.

habere possunt notitiam fidei Christianæ; de his enim infidelibus, nempe post Christi aduentum loquimur. 2. an si inuincibiliter ignorent fidem Christianam, habeant peccatum infidelitatis. 3. an præter peccatum infidelitatis, habere possint alia peccata, vel contra legem naturę patrata, veletiam contra alias leges positivas à fide dependentes; vel, an quo ad istas excuset ignorantia.

488. Adu.3. & recolo, quę in præcedenti dicta sunt Capite; quod vt de nostrorum temporū, idest post Christi aduentum, infidelibus loquamur, nulla ferè Natio in quauis mundi parte constituta excusari potest de Christi fidei, & consequenter de Trinitatis, ac vitę æternę ignorantia. Si quidem, vt ibi diximus cum S. Augustino, & cum eodem mox confirmabimus, in omnibus præcipuis mundi partibus prædicatum est Euangelium, vel per Apostolos, vel per eorum Discipulos, aliosue Missionarios, sicut egomet clarè in tomo *de Fide parte secunda*, ex Chronistis historicè demonstraui. Nec vlla mundi pars est, in qua nota non sint martiria, quę pro prædicatione, ac defensione fidei Christianæ tot hominum omnis status, & sexus passi sunt, hodièque eorum extant apud omnes memoria; & proindè omnes infideles, ex eo motiuo excitati potuissent, hodièque possent inquirere de veritate istius fidei. At non modò non inquirunt, sed resistunt prædicantibus, qui volunt eam prædicare, & eos reiiciunt, & occidunt: non ergo laborant inuincibili ignorantia.

Dico I. Infideles omnes post sufficientem notitiam Euangelij, seu fidei Christianæ laborare cæperunt, hodièque laborant grauissimo infideli-

Non videtur dari nunc inuincibilis ignorantia de fide Christi.

Infideles peccatum infidelitatis habent, si probabi.

delitatis peccato; quo non laborarent, si nullam omninò illius notitiam haberent, vel habere possent.

489. Prob. ex ipsius Saluatoris oraculo, Ioann. 15. 22. vbi de Iudeis dicit. *Si non venissem, & locutus eis fuisset, peccatum non haberent. Nunc autem excusationem non habent de peccato suo: & in cap. 9. eiusdem Ioannis dixerat. Si cæci essetis, non haberetis peccatum. Nunc dicitis, quia videtis, peccatum vestrum manet.* At loquebatur de peccato infidelitatis, seu incredulitatis in eum, eiusque doctrinam, non enim alijs carebant peccatis, vt notauit S. Augustinus in lib. de Corrept. Donatist. cap. 29. *Non omne peccatum intelligi voluit; quandoquidem pleni erant multis, magnisque peccatis; sed aliquod proprium peccatum, idest, quod in eum venientem non crediderunt: idemque confirmat in lib. 3. contra duas epist. Pelagianorum cap. 3. explicans illud Ioann. 16. Spiritus Sanctus arguit mundum de peccato, inquit, infidelitatem intelligi voluit, hoc enim cum exponeret, ait, de peccato quidem, quia non crediderunt in me; & vbi ait si non venissem, & locutus eis fuisset, peccatum non haberent, subdens, quòd infidelitas facit homines filios Diaboli: idem confirmat in tract. 6. in primam Ioannis epistolam.*

490. At plenius, ac diffusius S. Augustinus mouet, ac soluit hanc quæstionem de peccato infidelitatis in tract. 89. in Euang. Ioannis: vbi querit, *an solis Iudeis, quibus locutus est Christus, & multa coram eis, magnaque, illis stupentibus, patrauit miracula, eo quia in eum non crediderunt, imputanda sit infidelitas; an etiam Gentibus, quibus locutus non est, nec eius viderunt miracula: & pro solutione huius dubij plura ad rem dicit. Primò, quòd*

liter tantū
idem Chri
sti ignorēt

Christi o-
raculo.

S. Aug. plu-
ries id do-
cet.

quòd post Christi aduentum, Gentiles non sunt excusabiles; quia licet eis non loquatur Christus immediatè, locutus est per Discipulos, & nunc eis loquitur per Ecclesiam: eius verba sunt hæc. *Per Discipulos venit, & per eos est locutus, sicut nunc facit. Nam per Ecclesiam suam venit ad Gentes, & per Ecclesiam suam loquitur Gentibus. Ad hoc enim pertinet quod ait, qui vos recipit, me recipit, & qui vos spernit, me spernit; An vultis, inquit Apostolus, experimentum accipere eius, qui loquitur in me Christus?*

491. Secundò mouet difficiliorem quæstionem. *Vtrum hi, qui priusquam Christus veniret in Ecclesia ad Gentes, & priusquam Euangelium eius audirent, sine vitæ huius præuenti sunt, seu præueniuntur, possint habere hanc excusationem? & responderet S. Doctor. Possunt planè: sed non idèò possunt effugere damnationem. Quicumque enim sine lege peccauerunt, sine lege peribunt, Rom. 2. & quicumque in lege peccauerunt, per legem iudicabuntur: & post multa inquit. Perire Deo dicitur quisquis ab illa beatitudine, quam dat Sanctis suis, per supplicium separatur, tanta autem est suppliciorum, quanta est diuersitas peccatorum. Quæ quomodò se habeant, altiùs indicat sapientia diuinæ, quàm coniectura scrutatur, aut effatur humana: & concludit. Isti certè, ad quos venit, et quibus locutus est Christus, non habent de magno infidelitatis peccato illam excusationem, qua possint dicere, non vidimus, non audimus. Sine non acceptaretur ista excusatio ab illo, cuius inscrutabilia sunt iudicia, sine acceptaretur; & si non vt ab omni damnatione liberarentur, certè, vt aliquanto leuius damnarentur. Sic S. Doctor.*

492. At quoniam difficilè videtur quomodò possent infideles peccare peccato infidelitatis in-

Gentile.
non sunt
excusabi-
les, & qua
re.

Ignoran-
tes inuincibiliter,
quomodo
excusantur

Si inuincibiliter i-
gnorarent
adhuc dā-
narentur
ex Augusti-
sed mīcū
punirentur.

Christum, in eum non credendo, si eum non viderunt immediatè, vel mediatè per alios loquentem, cum ad eos illius prædicatores non accesserint? S. Augustinus ingeniosè conatur hoc declarare in tractatu sequenti, scilicet 90. in *Euangel. Ioannis*, quòd scilicet sicut potest quis cognosci per famam, & cum hac cognitione potest laudari, vel vituperari, ita, cum fama de Christo, eiusque doctrina per mundum vniuersum sit diffusa, si ab aliquibus non creditur, sed potius irridetur, aut blasphematur, iniqui isti, non credentes, sed blasphemantes, excusationem non habent de infidelitate; quia poterant inquirere de veritate Christi, illis per famam noti. Itaque aliqua notitia de Christi fide est necessaria, saltem per famam, vt incurratur peccatum infidelitatis, & non adsit excusationi locus.

493. Quòd autem infideles excusationem non habeant de peccato infidelitatis allegando ignorantiam, præter ea quæ adducta sunt in Capite præcedenti contra eiusmodi allegationem ignorantiae, ex alijs authoribus sic probatur. S. Ioann. Chrysost. *homil. 7. in Ioannem*, inquit. *Illuminat omnem hominē venientem in hunc mundum: quoniam pacto tot homines sine lumine permanent? neque enim omnes homines Christum cognoscunt; quomodo ergo illuminat omnem hominem? Et responderet: Illuminat profectò quantum in ipso est. Si qui autem spontè sua mentis oculis continentibus ad huius lucis radios dirigere noluerint; non ex luminis natura in tenebris perstituerunt; sed malitia sua sponte tanto se dono indignos reddiderunt.*

494. Plura S. Augustini, ac S. Prosperi in præcedenti Capite adduximus loca ad probandum, quòd omnes infideles adulti habent gratiā suffi-

Saltem per famam est necessaria Christi cognitio ad incurrendum peccatum infidelitatis.

S. Io. Chrysost.

sufficientem , qua possint in Deum credere : ergo hæc eadem probant , quòd excusationem non habent , si non credunt , remanentes in infidelitate : explicitè autem id dicit consequenter ad hæc S. Augustinus *in lib. de Nat. & Grat. cap. 67.* ubi postquam multa dixit de modis, quibus Deus omnes vocat ad fidem, concludit . *Tibi non deputatur ad culpam, quod inuitus ignoras ; sed quòd negligis quærere, quod ignoras: neque illud, quòd vulnerata membra non colligis , sed quod volentem sanare contemnis :* Ergo duo dicit , vt in præcedenti Capite ; & quòd omnes possunt Dei cognitionem habere, quia omnes aliquo modo illuminantur ad minus ad inquirendum locum , in quo haberi possit talis notitia, quod illi non faciunt , & propterea culpabiles sunt ; & nullatenus excusabiles : alterum , quod dicit , est , quòd si quis inuitus ignoraret , idest inuincibiliter (si daretur iste casus) hic homo non haberet hoc infidelitatis peccatum . An autem dari possit casus iste , non disputo .

495. Sed magna, & iure merito hic oritur difficultas . Supposito namque , quòd, vt hic innuitur , & in præcedenti Capite probatum est , quòd omnes infideles habeant gratiam sufficientem ad posse credere , aliquam nempe illuminationem , ac inspirationem , vel medio prædicante , aliove loquente de fide Christi , vel sine prædicante , immediatè à Deo excitante illam dubitationem in mente, saltem ad inquirendum veritatem istam fidei , cùm isti sic illuminati non habeant adiutorium *quo* credant prædicanti, vel quo moueantur , vel ad inquirendum , vel ad orandum Deum , vt eis veritatem ostendat , vel faciat inuenire ; quod auxilium secundum Sanctum Augustinum ,

Varijs modis Deus vocat ad fidem ,

Ignorans inuincibiliter non peccaret .

Difficultas magna solvenda .

necessarium est, vt homo operetur, quia est efficax, sed à Deo dependens; quod quidem infideles non habent, quia si haberent, facerent; quomodo inquam potest eis imputari, si non faciunt, si deest illis quod est necessarium, vt faciant; & à se non possunt habere hoc *quo* faciant.

496. Respondetur, hanc difficultatem non urgere solum pro infidelibus, sed pro omnibus, etiam fidelibus, tam iustis, quam peccatoribus, qui urgente aliquo præcepto habent gratiam sufficientem, qua possint implere, & aliquando non implent, eo quod careant adiutorio efficaci, quod si haberent, certè implerent. Nihilominus ad utramque respondendum est cum Sacra Scriptura, S. Augustino, & alijs Patribus sic. Urgente præcepto credendi, v. g. respectu infidelium, idest posito, quod mediante prædicatore, vel Deo immediatè excitante, ac inspirante, vt infidelis credat, vel inquirat locum, aut personam, per quam possit edoceri de veritate Religionis (his enim modis illuminat, & inspirat) tunc accidere potest, vt infidelis ille, vel credat, si audiens prædicantem illuminatur; aut se accingat ad inueniendam personam, à qua edoceatur, vel oret Deum, vt faciat inuenire, si ad hoc illuminatur; & in his casibus habet, nedum gratiam sufficientem, qua possit facere, sed etiam efficacem, quæ facit facere. Si verò infidelis ad alterutrum faciendum illuminatus, ac inspiratus reijcit, seu respuit illuminationem, per actum istum reiectionis talis illuminationis peccat in causa, & ex infideli negatiuo, sicut erat ante illuminationem ob ignorantiam, fit infidelis positivus, quia reijcit fidem, dum *non vult eam intelligere, vt benè agat*. Sic pariter accidit in homine fide-

Hæc difficultas urget etiam pro fidelibus, & iustis.

Delinquit omnes reijciendo gratiam sufficientem.

li, siue peccatore in ordine ad pœnitentiam, ac præceptorum obseruantiam; siue in homine iusto in ordine ad obseruanda præcepta: vterque enim habet sufficientem gratiam, qua potest implere præcepta, ad quæ habet illuminationē, ac inspirationem: si adimplent, ac exequuntur; præter sufficientem, habent istam efficacem, quæ facit facere: si verò reijciunt, ac respuunt, non curantes de illuminatione, ac inspiratione, à proprijs concupiscentijs abstracti, & illecti, carent efficaci adiutorio, non implent præceptum, & peccant: hoc ergo, tam his, quàm illis imputatur, quòd propria voluntate gratiam sufficientem abiecerunt, ac respuerunt. Ita prorsus docet S. Prosper in *lib. 1. de vocatione Gentium cap. 28. Manifestum est* (inquit) *quod diuersis, atque innumeris modis omnes homines vult Deus saluos fieri: sed qui veniunt, Dei auxilio diriguntur; qui non veniunt sua pertinacia reluctantur: & in cap. 26. dixerat. Quæ opitulatione, idest gratiæ, per innumeros modos, siue occultos, siue manifestos omnibus adhibetur; & quod à multis refutatur, ipsorum est nequitia; quod autem à multis sustinetur; & gratiæ est diuinæ, & voluntatis humanæ. Resistentia igitur, respuentia, seu reijcientia illuminationis, quæ pernicacia, seu pertinacia etiam dicitur, à sola voluntate hominis infidelis prouenit, eiq. imputatur; & vt aliàs vidimus in Sacra Scriptura sæpè hæc resistentia impropèratur infidelibus, vt Prou. 1. Quia vocauimus, & renuistis, &c. Christus ipse Matth. 23. ait. Quoties volui vos congregare, quemadmodum Gallina congregat pullos suos sub alas, & nolulistis. Act. 7. Stephanus prædicans Christum, persecutionem patiens, & lapidationem, sic Iudeis impropèrat. Dura cervice, vos semper Spiritui Sancto*

Reiectio
gratiæ suf-
ficientis est
causa cur
peccent.

S. Prosper.

Hæc resis-
tentia im-
propèratur
infidelibus
in S. Scri-
ptura.

Et resistitis : sicut Patres vestri , ita & vos. Act. 13. Paulus ait , quia non recipitis verbum Dei , conuertimur ad Gentes : & hoc est peccatum graue , quod Paulus 2. Timor. 3.8. imputat ijs , qui resistunt veritati fidei ; & hoc imputat Maleficis Pharaonis videntibus miracula euidentia , quæ ab eo patrabantur , inquit ; Quemadmodum Iamnes , & Mambres resisterunt Moysi ; ita & hi resistunt veritati ; homines corrupti mente , reprobi circa fidem , &c.

497. Sibi ergo imputent infideles , immò & alij omnes , si reiicientes illuminationes , seu excitationes ad fidem , seu ad aliud opus præcepti , aliud adiutorium diuinum , quo credant , aut præceptum impleant , non obtinent : reiicientia , seu resistentia namque illa ab ipsis prouenit .

498. Si verò quæras , cur Deus non impedit reiicientiam , seu resistentiam illam , vel suspendendo concursum suum ad actum illum resistenti , vel dando efficax adiutorium ad consentiendum , responderem , & cum Augustino , & ipsomet Apostolo Paulo Rom.9. *O homo tu quis es , qui respondeas Deo ? & cap. 11. Quis cognouit sensum Domini , aut quis consiliarius eius fuit ? & ibidem . O altitudo diuitiarum , &c. quam incomprehensibilia sunt iudicia eius , & inuestigabiles viæ eius ! Qui autem responderet , Quia permittit Deus , ut illi utantur libero suo arbitrio , cum quo creati sunt , adhuc benè diceret , quia sic est . Nam Ecclesiastici 15. 14. habetur . Deus ab initio constituit hominem , & reliquit eum in manu consilij sui : adiecit mandata , & præcepta sua . Si volueris mandata seruare , conseruabunt te . Apposuit tibi aquam , & ignem : ad quod volueris porrigere manum tuam : inseruit ergo , nedum ad aliquid , sed ad multum .*

Si

Quæsitum
inscrutabi-
le .

Deus per-
mitte homi-
nes vti
libero ar-
bitrio , quæ
do respuat
illumina-
tiones .

499. Si tandem instares, cur Deus aliquos impedit, ne resistent, vel suspendendo concursum circa actum resistentiæ, vel conferendo auxilium efficax, quod facit consentire; alios verò non sic tractat, sed finit eos resistere, non suspendens concursum ad resistentiam, aut non dans auxilium efficax, quod facit consentire? Responderem, sicut supra. *Nemo cognoscit sensum Domini; nemo consiliarius eius fuit: incomprehensibilia sunt iudicia eius: & ulterius adderem cum eisdem Augustino, & Paulo, Deus non est personarum acceptor. In Deo nulla est iniquitas: & tandem, Deus nemini debet. Nam ex Rom. II. in fine. Quis prior dedit illi, & retribuetur ei. Quoniam ex ipso, & per ipsum, & in ipso sunt omnia. Captiuemus ergo intellectum nostrum in obsequium diuinæ prouidentiae, iustitiae, ac misericordiae: & non scrutemur in profundo, nè labamur in profundum, ait S. Augustinus.*

500. Dico 2. Infideles non baptizati præter peccatum infidelitatis subiacent alijs peccatis, quæ contra legem naturæ committi possunt.

501. Prob. ex Rom. 2. *Gentes, quæ legem non habent, naturaliter ea, quæ legis sunt faciunt: eiusmodi legem non habentes, ipsi sibi sunt lex, qui ostendunt opus legis scriptum in cordibus suis, testimonium reddente illis conscientia ipsorum, & inter se cogitationum inuicem accusantium, aut etiam defendentium in die, cum iudicabit Deus occulta hominum, &c. Interl. naturaliter, quæ est Origenis, dicit, ratione naturali illuminati discernunt facienda, & vitanda, quod faceret lex. Interl. testimonium reddente illis conscientia, dicit, non solummodò conscientia operatur, sed etiam cogitationum malarum, & bonarum, &c. Ista ergo omnia Gentilium ope-*

Ad interrogationem
molestam
humilis
responsio.

Infideles
alijs subiacent
peccatis.

Ex Sacra-
Scriptura.

ra in die iudicij à Christo iudicabuntur; nam-
prosequitur Apostolus, *cum indicabit Deus occul-
ta hominum secundum Euangelium meum per Iesum
Christum*; Interl. dicit, *quia Pater omne iudicium
dedit filio*.

Ratio ge-
neralis.

502. Confirmatur: Omnia opera, quæ fiunt
contra legem naturæ sunt peccata: Ergo. Antec.
prob. nam *peccatum est dictum, factum, aut concu-
pitum contra legem Dei eternam*. Lex autem natu-
ræ est lex æterna Dei indita cordibus omnium
hominum; ait enim Dauid Propheta psal. 4. *Si-
gnatum est super nos lumen vultus tui Domine*: ideò-
que ad differentiam legis positivæ, ignorantia
legis naturæ non excusat à peccato: alioquin
melioris conditionis essent Gentiles, quàm fide-
les, qui de peccatis contra legem naturæ patris
iudicabuntur. Immò sequeretur, quòd homines
omnes, qui ab initio mundi extiterunt vsque ad
Moysen, per quem Deus pro Hebræis dedit Le-
gem scriptam non peccassent: Adde, quòd neque
post legem illam Gentiles peccassent; quia lex il-
la non fuit eis intimata; & alia positiua non ex-
tabat; & sic, si neque lege naturæ obligabantur,
non peccabant; cuius oppositum in Sacro Tex-
tulegimus, à Caino incipientes; & prosequen-
tes de alijs ferè omnibus hominibus tempore
Noe; nam Genesis 6.5. habetur. *Videns autem
Deus, quod multa malitia hominum esset in terræ,
& cuncta cogitatio cordis intenta esset ad malum om-
ni tempore; pœnituit eum, quod hominem fecisset
in terræ; & tactus dolore cordis intrinsecus; delebo
inquit hominem, quem creavi à facie terræ*. Glosa
Lyrani, quæ literalis est, declarans hominum il-
lorum peccata, in versu præcedente, *Viri famo-
si*, dicit, *scilicet malæ famæ, quia raptores, & luxu-
riosi*:

Argum. ex
absurdo.

Ab initio
mundi, &
semper o-
bligavit
lex naturæ.

riof. in V. *videns quod multa malitia*, dicit, *quantum ad multitudinem vitiorum*. V. *cuncta cogitatio*, dicit, *ex quo patet, quod peccabant, non ex passione tantum, sed ex certa malitia*. V. *omni tempore*, dicit, *quoad continuationem peccatorum suorum*. Sceleratissimi ergo homines illi erant, & licet ante diluuium non essent Idola, quæ, vt alibi diximus, cæperunt multò post, scilicet tēpore Nini; alia tamen peccata vigeabant; propter quæ, exceptis octo animabus, omnes deleri sunt. Immo Pederius existimat omnes homines, exceptis paruulis, fuisse tunc in Inferno demersos; at S. Hieronymus existimat, aliquos iustos adfuisse, & saluatos esse, quod *ex epistola prima Petri cap. 3. 19.* comprobatur. Quidquid autem sit de hoc; certum de fide habetur, quòd homines cuiuscumque temporis, aut Nationis non habentes legem scriptam, seu positiuam, potuerunt peccare, & de facto peccarunt contra legem naturæ operantes. An verò Gentiles præter peccata contra legem naturæ, Idolatriæ, ac Infidelitatis positiuæ committant alia peccata contra fidem inter se distincta, v. g. negantes Trinitatem Personarum, æternitatem Dei, infinitatem, immensitatem, vel aliud simile prædicatum, vel attributum Dei, vt opera redemptionis in Christo, aliudue, quod Catholici credunt ex reuelatis in vtroque Testamento, curiosum quidem esset inquirere, sed nullius vtilitatis, neque pro Gentilibus; ipsi enim, dum ad fidem veniunt, per baptismum omnium peccatorum obtinent remissionem; ideòque nihil refert scire, quot peccatorum species in Gentilitate commiserint. Si verò in Gentilitate decesserint, *Deus iustus Iudex, qui renes omnium scrutatur, & corda*, pro quantitate, & qualitate delictorum, iusta illis

Et homi-
nes contra
eam pecca-
bant.

Dubium cu-
riosum, sed
non vtile.

Authoris
sententia,
circa alia
infidelium
peccata.

inferet supplicia. Existimo tamen, quòd plura contra fidei obiecta possunt infidelitatis peccata patrare: contra ea namque obiecta, quorum notitiam aliquam habuerunt, vel habere potuerunt, sed neglexerunt; non verò contra ea, quæ inuincibiliter ignorauerunt: Apostolus enim Rom. 1. clarè dicit, *quod notum est Dei, manifestum est in illis; Deus enim illis manifestauit, inuisibilia enim illius à creatura mundi per ea quæ facta sunt intellecta cõspiciuntur; sempiterna quoque eius virtus, & diuinitas, ita ut sint inexcusabiles.* Circa ista ergo, quæ cognoscere possunt, atque credere, & nolunt, existimo, quòd diuersa possunt peccata infidelitatis committere. Sed de his hætenus.

Hæretici
multis pec-
catis subia-
cent.

503. Dico 3. Infideles baptizati, seu Hæretici, præter peccatum principale suæ infidelitatis, cauere tenentur, non solum omnia peccata contra legem naturæ; sed etiam alia omnia, quæ possent Catholici committere contra legem positiuam diuinam, & Ecclesiasticam, & si contra eas faciunt, de facto committunt, supposita tamen aliqua earum legum notitia; & remota ignorantia inuincibili, cum qua numquam stat peccatum.

Tenentur
seruare to-
tam legem
Christianã

504. Prob. primò. Hæretici subduntur toti legi Christianæ, quæ includit legem naturæ, diuinam positiuam, & Ecclesiasticam: ergo omnia peccata contra eam cauere tenentur: ideòque eam, vel totam, vel secundum aliquam partem transgredientes, peccant. Anteced. prob. 1. Christianus tenetur obseruare legem Euangelicam, & traditiones Ecclesiæ: ex Concil. Trid. sess. 6. can. 19. & sess. 7. de Baptismo can. 7. & 8. Hæreticus autem est Christianus: ergo. 2. Baptizati tenentur relinquere ritus omnium aliarum Sectarum, & sequi ritus

ritus Ecclesiæ Catholicæ, ex *Concil. Later. 4. cap. 70. & ex cap. Quidam, De Apostatis*: Hæretici autem sunt baptizati. Ergo.

505. Prob. 2. Hæretici ob negationes cuiuscumque articuli fidei, aut propositionis reuelatæ, vel ab Ecclesia definitæ, vel traditionis, vel Catholicæ Ecclesiæ ritus, ab Ecclesia puniri possunt spiritali, & corporali pœna: ergo in illa negatione peccant; alioquin puniri non possent; pœna enim consequitur culpam.

506. Confirmatur. Hæretici abutentes Sacramentis, vel Sacramentalibus Catholicæ Ecclesiæ, puniri possunt vtraque pœna, corporali scilicet, ac spiritali: ergo in ijs actibus peccant.

507. Prob. 3. Hæretici, quamvis præcisi sint ab Ecclesia per excommunicationem; tamen, subditi sunt Ecclesiæ. Contumaces enim cuiuslibet Principis, non cessant esse sui Principis subditi, alioquin fierent melioris conditionis per crimen læsæ maiestatis, & reportarent commodum de iniquitate. Ex quo autem homines Christum induerunt per baptismum, sunt Ecclesiæ, & Capiti eius subiecti: ideoque Ecclesia, & eius Caput potest de omnibus baptizatis iudicare, cuiuscumque conditionis sint, siue Imperatores, siue Reges, siue alij, ex *cap. Novit ille; de iudicijs, & ex can. certum, & can. suscipitis ne? dist. 20. & Extra: Vnam sanctam de maiorat. & obed. in fine* definitur, *esse de necessitate salutis omni humanæ creaturæ subesse Romano Pontifici, Ecclesiæ Capiti*. Igitur Hæretici subiecti sunt omnibus Ecclesiasticis, seu canonicis, ac decretalibus legibus: unde eas non observantes, toties quoties peccant: ideo si ad fidem veniunt, tenentur omnes, & singulas transgressionēs legum naturalis, divinæ

Argum. ex
pœnis eorū

Argum. ex
eo quod sit.
biecti Ec-
clesiæ.

Licet sint
præcisi.

positiua, & Ecclesiastica, tamquam graua peccata in Sacramento poenitentiae confiteri. Hoc enim in re, vel in voto cum contritione, (si in re sit impossibile) est secunda tabula post naufragium.

508. Dixi in Conclusionem, *supposita tamen aliqua earum legum notitia*, nam semper tenui, ignorantiam inuincibilem in qualibet materia excusare à peccato, nam peccatum ex Augustino est quid voluntarium, ita ut nullo modo sit peccatum, nisi sit voluntarium: sed ex 2. Ethic. 5. *Inuoluntarium est, quod vi, vel ignorance accidit*: ergo.

CAPVT XXII.

An Gratia sufficiens concedatur omnibus pro quolibet temporis momento.

509. **A**Du. 1. quod in hac disputatione omnium primò explodendi sunt auctores, qui negant dari auxilium, seu gratiam sufficientem, docentes, nullam aliam dari gratiam contradistinctam ab efficaci; cuius oppositum firmauimus in cap. 18. §. unico. 2. sunt pariter explodendi, qui docent vniuersaliter, quod nulli infideli concedatur gratia sufficiens, per quam credere possint; cuius oppositum firmauimus in cap. 19. 3. explodendi sunt illi, qui dicunt, quod Deus dat gratiam sufficientem ijs tantum, qui eam desiderant, & ab eo expectant; cum falsum generaliter sit, quia saepissimè Deus illuminat, & vocat homines, nedum non desiderantes, nec petentes à Deo illuminari, sed neque de Deo cogitantes, immò habituales peccatores, & interdum actua-

Ignorantia
inuincibi-
lis à pecca-
to excusat.

Qui reijci-
untur ab
hac dispu-
tatione.

Quinque
puncta di-
scutienda
sunt, & quæ.

actualiter peccantes. Quæstio ergo adhæc 5. puncta restringitur. 1. An aliquibus, siue infidelibus, siue fidelibus, grauib; tamen peccatoribus, Deus in pœnam peccatorum, vel perpetuò, vel ad tempus deneget gratiam sufficientem; ita quòd remaneant obcæcati, carentes nempe illuminatione, & inspiratione. 2. An infidelibus continuò Deus concedat gratiam sufficientem, qua possint credere, vel saltem, qua illuminentur ad dubitandum de sua Religione, & quærendum viam, qua possent de veritate institui. 3. An fidelibus peccatoribus continuò Deus det gratiam sufficientem, qua illos excitet ad resipiscendum: insuper, an gratiam hanc eis concedat, quando vrget obseruantia alicuius diuini, vel naturalis præcepti, vt possint illud implere. 4. An hominibus iustis Deus continuò concedat gratiam sufficientem, vt omnia sua opera sint sancta, ac meritoria; an saltem quando vrget obseruantia præceptorum diuinorum, ac naturalium. 5. An iustis Deus concedat gratiam sufficientem ad perseuerandum, seu ad posse perseuerare in gratia, siue ad tempus, siue vsque ad vitæ exitum.

510. Dico 1. Interdum ob plura, & grauiora peccata Deus pro aliquo tempore priuat gratia sufficiente, illuminatione, scilicet, ac inspiratione homines aliquos scelestos, siue infideles; siue etiam fideles in pœnam talium peccatorum, quæ priuatio dicitur obcæcatio, & induratio.

511. Prob. primò. Hæc priuatio sub vocabulo *excacationis*, Isaïæ 6. 11. dicitur imprecaturè contra populum peruersum, ac idolatrantem, *excæca cor populi huius, & aures eius aggraua, & oculos eius clande, ne videant oculis suis, & auribus suis audiant, & corde suo intelligant, & conuertantur,*

Notabilia sunt, quæ discutiuntur.

Aliquibus excacatis deest gratia sufficiens

Ex Isaia.

Ex Glosis.

tur, & sanem eos. Interl. Populi, dicit, tam nequam. V. oculos eius claudet, dicit, ostium peccatorum: &c. Glos. ord. V. excaca, ait, Prauidens Propheta cecitatem superuenturam in Israel, vt plenitudo Gentium intraret ad fidem, dicit, Domine excaca cor populi huius. Si enim populus hic excacatus fuerit Gentes illuminabuntur. Nec est Dei crudelitas, sed misericordia, infidelibus excacatis, humiles illuminare. Vnde quoties volui congregare filios tuos, & noluiſti?

Ex S. Aug.
pluries de-
claratur
hec excacatio.

512. S. Augustinus contra Pelagianos in Hippogn. lib. 6. impugnans eos dicentes, quod Deus vult omnes homines omnino saluos fieri, vtitur hoc Isaia loco, inquit. Quaro à vobis, vt dicatis mihi, quare Deus, qui vult omnes homines saluos fieri, quorundam, vt dicit Isaiaſ Propheta, excacat oculos, ne videant, & obdurat corda, ne intelligant, ne conuertantur, & sanentur; quod verum esse Ioannes Euangelista confirmat, dicens de Iudæis; propterea non poterant credere, quia dixit Isaiaſ excacauit oculos eorum, & indurauit cor eorum, vt non videant oculis, & intelligant corde, & conuertantur, & sanem eos: & in Euangelio secundum Marcum, vobis datum est nosse mysterium Regni Dei: illis autem, qui foris sunt, in parabolis omnia sunt; vt videntes videant, & non videant; & audientes audiant, & non intelligant, ne quando conuertantur, & dimittantur eis peccata.

Cecitas est
illuminatio-
nis pri-
uatio.

513. In lib. 5. cont. Iul. cap. 3. ait. Cecitas, quam solus remouet illuminator Deus, & peccatum est, qua in Deum non creditur, & pœna peccati, qua cor superbum digna animaduersione punitur, & causa peccati, cum aliquid mali cæci cordis errore committitur: igitur dantur homines, qui ob peccatorum enormitatem, in pœnam eorum à Deo excacan-

cæcantur, idest, priuantur illuminationibus, & inspirationibus ad bona cognoscēda, & volenda: & hoc est quod dicitur Pro. 18. 3. *Impius cū in profundum venerit contemnit: sed sequitur eum ignominia, & opprobrium.*

514. In lib. de Prædest. & Gratia cap. 4. in fine loquens de duritia cordis, & obcæcatione, dicit. *Indurare enim Deus dicitur, quem mollire noluerit. Sic etiam excæcare dicitur eum, quem illuminare noluerit. Sic etiam repellere eum, quem vocare noluerit.*

515. Prob. 2. sub eodem vocabulo excæcationis, ex 2. Cor. 4. 4. *Deus huius sæculi excæcavit mentes infidelium, vt non fulgeat illis illuminatio Euangelij gloriæ Christi, qui est imago Dei.*

516. S. Augustinus in lib. 21. contra Faustum cap. 9. discutiens hunc Pauli locum, dicit. *Cum diabolus suggerit, homo consentit, Deus deserit. Quo circa in opere malo, idest excæcatione infidelium, si intelligatur, & diabolus propter suadendi malignitatem, vt sic distinguatur Deus huius sæculi, non mihi videtur absurdum; neque enim sine additamento dicitur Deus, cum adiungitur huius sæculi, idest hominum impiorum, non nisi in hoc sæculo florere volentium.* Siue ergo Diabolus posituè excæcet infideles, siue alios impios homines suggerendo praua obiecta, & alliciendo pro suo posse ad eorum concupiscentiam, siue ex se ipsis homines à suis naturalibus concupiscentijs alliciantur, & distrahantur, vt dicit Sanctus Iacobus, & semetipsos excæcent; à Deo per negationem illuminationum excæcati remanent. Neque propterea sequitur, quòd ante talem obcæcationem positiuam per concupiscentias vndecumque exortam, non fuerint aliquando illuminati, sicut in præcedentibus

Ex Paulo
excæcatio.

Diabolus
dicitur
Deus huius
sæculi ex
August.

Excæcati
antea fue-
runt illu-
minati.

Capitibus abundè probauimus.

517. Prob. secundò eadem priuatio gratiæ sufficientis à Deo proueniens sub vocabulo *indurationis* de qua sæpè loquitur Sacra Scriptura : Exodi 4. 11. & in cap. 7. 3. Deus dicit Moysi, Ego *indurabo cor Pharaonis*, & cap. 9. 12. *indurauitque Dominus cor Pharaonis*; quæ formulæ loquendi vsque ad cap. 14. pluries replicantur: deindè Deuter. 3. 30. & Iosue 10. 20. & alibi sæpè in Veteri Testamento. In Nouo verò habemus tria loca, Ioann. 12. 40. Act. 19. 8. & Rom. 9. 10. *Cuius vult miseretur, & quem vult indurat*: omnes autem Sacræ Scripturæ interpretes hanc indurationem docent esse gratiæ, seu auxiliij diuini subtractionem. S. August. in lib. de Prædest. & Gratia, cap. 6. pluribus declarat hanc indurationem: declaransque primò locum Pauli, *cuius vult miseretur, & quem vult indurat*, ait, *quasi diceret, cui vult miseretur, & cui non vult non miseretur. Itemque hoc ipsum rursus intelligat, quasi diceretur, cui vult donat, & à quo vult debitum poscit*: & infra explicans illud Exodi, *Ego indurabo cor Pharaonis, ne dimittat populum*, ait, *Quid est enim indurabo cor, nisi non molliam*? Apparet enim in alios manente iustitia, in alios gratia profluente, Scripturæ sententiam fuisse completam.

Idem S. Doctor in libro de essentia Diuinitatis declarans quædam opera, quæ de Deo in Sacra Scriptura dicuntur, vt obliuisci, dormire, &c. de *indurare*, dicit, *indurare dicitur Deus quorundam corda*; sicut de Pharaone Rege Ægypti scriptum est; non quod omnipotens Deus per potentiam suam corda eorum induret; sed exigentibus eorum culpis, cum duritiam cordis, quam ipsi sibi mala perpetrando nutriunt, non aufert; quasi ipse eos induret,

quia

Induratio
etiam signi-
ficat priua-
tionem il-
luminatio-
nis.

In utroque
Testamen-
to legitur
induratio.

Ex S. Aug.

Pluries sic
declarat in-
durationē.

quia iusto iudicio indurati sunt.

Et in lib. de Prædest. & Gratia cap. 14. de induratione Pharaonis loquens, duo dicit; primò, quòd iustè eam sit passus: secundò, quòd *si pte de Deo, ut expedit, sentiamus, etiam Pharaoni datam misericordiam reperimus. Patientia enim Dei ei valere debuit ad salutem, qua differens iustum, meritumque supplicium, miraculorum verbera crebra densabat.*

518. Dico 2. Ex reuelatione explicita non habetur, quòd Deus quolibet temporis momento aliquo vocationis internæ modo vocet, seu illuminet infideles ad credendum, vel saltem ad dubitandum de sua Religione, & querendum veram.

519. Prob. 1. Nullibi in Scriptura legitur; omnia enim loca, quæ adduci possent, probant solum ad summum, quòd omnibus datur auxilium sufficiens, non verò, quòd singulis momentis Deus illud præstet: & ad summum concluderent hoc esse probabile non solum pro infidelibus, sed etiam pro fidelibus; at non concluderent esse reuelatum explicitè.

520. Primus Scripturæ locus, qui adduci posset pro continua gratia sufficienti vocationis ad fidem, desumitur ex cap. 1. Prou. 4. *Sapientia foris prædicat, in plateis dat vocem suam, &c vocauit, & reuocauit, extendi manum meam, & non fuit, qui aspiceret.* Sed locus hic probat ad summum, quòd Deus vocat omnes, sicut in suo loco probauimus; at non probat, quòd continuò, & in quolibet momento id faciat, & cum omnibus infidelibus: maximè cum maior eorum pars sit obcæcata, & indurata in poenam peccatorum.

521. Secundus locus desumitur ex Isaia 65.

Etiam Pharaon prius fuit illuminatus.

Non est reuelatum, quod Deus continuò vocet infideles.

Script. loca, quæ pro affirmatiua adducuntur non concludunt.

1. locus ex Prou.

2. locus ex
Isaia.Diversi
sensus Isa-
ia loci.

expandi manus meas tota die ad populum incredulum, & contradicentem mihi: sed locus iste probaret tantum de populo Iudaico, ad quem Deus per Prophetas loquebatur; & tamen non quotidie, neque singulis momentis Prophetæ populo prædicabant, quod de Iudæis loquuntur, dicunt Glosæ Interl. & Lyran. & Textus ipse, dicens, populus, qui ad iracundiam prouocat me ante faciem meam semper, qui immolant in hortis, & sacrificant super lateres, &c. qui comedunt carnem suillam, & ius prophanum in vasis eorum: hæc erant Iudæorum delicta. V. tota die, in quo fit vis, non vrget, nam Interl. dicit allegoricè tota die passionis. Lyran. literaliter, tota die, dicit, ab antiquo vsque ad præsens per Prophetas; postea per me ipsum incarnatum.

3. ex Ezze.

522. Tertium argumentum sumitur ex Ezzech. 18. *Numquid voluntatis meæ est mors impij dicit Dominus Deus, & non vt magis conuertatur, & viuat?* Sed hoc argum. probat contra eos, qui infidelibus omnibus omnem negant sufficientem gratiam: nos autem concedimus eis dari; at dicimus, non esse explicitè reuelatum, quod pro quolibet temporis momento eis detur, sed aliquando; & hoc sufficit ad saluandam Textus intelligentiam.

4. ex Euan-
gel. Ioan.

523. Quartum argum. desumitur ex 1. Ioannis, *illuminat omnem hominem venientem in hunc mundum:* sed hoc non probat, quod singulis horis, ac momentis illuminet; sed quod pro aliquo tempore illuminet; & ideò hoc argumento nos quoque vsi sumus in cap. 18. & 19. ad probandum, quod Deus omnibus hominibus largiatur gratiam sufficientem.

5. ex Apoc.

524. Quintum argum. desumitur ex Apocal. 3. *Ecce sto ad ostium, & pulso: si quis aperuerit mihi*

hi ianuam, introibo, & cenabo cum eo, &c. sed hoc probat quidem pulsationem, seu vocationem, at non continuam; immò neque vniuersalem omnium.

525. Sextum argum. desumitur ex aliquibus Pauli dictis. 1. Timot. 4. *Qui est Saluator omnium maximè fidelium, &c.* Timot. 2. *Deus vult omnes homines saluos fieri: & ad Rom. 10. Ne dixeris in corde tuo quis ascendet in Cælum? prope est verbum in ore tuo, & in corde tuo.* Sed, vt manifestum est, hæc, & alia similia dicta probant ad summum vocationem omnium; at non continuam, atque perpetuam, de qua est quæstio.

6. ex pluri-
bus Pauli
locis.

526. Septimum argum. quod videtur aliquid probare, desumitur ex Concilio Senonensi cap. 15. dicente: *auxilium Dei circa hominem, semper est in promptu, & ne momentum quidem est, in quo Deus non stet ad ostium, & pulset.* Sed in primis, hoc argum. non infringit nostram conclusionem, quæ dicit, non haberi explicitè reuelatum, quòd Deus quolibet temporis momento aliquo vocationis modo omnes homines vocet ad opus salutis: at Concil. istud non docet oppositum. 2. nostra conclusio loquitur de infidelibus. 3. Concilium hoc non videtur approbatum; & licet mereatur aliquem honorem, non tamen obligat ad sic tenendum; eo vel magis, quia compræhendit omnes homines, & omne tempus vitæ; cum tamen magna infidelium pars obcæcata, & indurata sit; & inter fideles, non pauci impij, pessimique peccatores excæcati reperiantur: Alij autem fideles, siue iusti, siue iniusti in se ipsis non experiantur continuas huiusmodi assertas vocationes, seu illuminationes. Immò, si infideles, cum ad fidem veniunt, siue Gentiles sint, siue Turcæ,

7. ex Conc.
Senonensi.

Experien-
tia docet
non conti-
nuè homi-
nes vocari.

sive etiam Hæretici, interrogentur, an, cum in sua Religione viuerent, experti fuerint aliquas internas vocationes, vel dubitationes de sua Religione, vel incitationes ad inuestigandam aliam Religionem? Respondent, vel quòd aliquando habuerint, vel quòd rarò, vel aliqui, quòd numquam, nisi pro ea vice, qua efficaciter vocati, venerunt ad fidem. Quod euidentis signum est, non solum non esse explicitè reuelatum, quòd omnes infideles continuo, & pro quolibet temporis momento vocentur: sed quòd neq; hanc continuam, immò neque frequentem vocationem experiuntur.

Neq; reue-
latum est
explicitè,
quòd fide-
les pecca-
tores pro
omni mo-
mento vo-
centur.

527. Dico 3. neque est explicitè reuelatum, quòd fidelibus peccatoribus pro quolibet temporis momento Deus largiatur gratiam sufficientem, seu illuminationem, ac inspirationem ad penitendum, aliaue bona opera, *sicut oportet*, exercendum.

Exaltatur
Dei mise-
ricordia, si
aliquoties
peccatores
vocantur.

528. Prob. 1. eisdem argumentis nuper allatis: nusquam enim hæc reuelatio explicitè habetur. Quamuis enim in tota Sacra Scriptura vtriusque Testamenti maxima Dei misericordia commendetur, & misericordia superexaltare dicatur iudicium: tamen iudicium, seu iustitia quoque, sæpissimè prædicatur, idèd in psal. 100. ait David, *Misericordiam, & iudicium cantabo tibi Domine*. Alioquin nullus reperiretur peccator, nullus damnaretur; omnes essent iusti; omnes salui, cuius contrarium experimur, & credimus. Adhuc autem Dei exaltatur misericordia, dum peccatores sibi ingratos sæpissimè ad penitendum excitat.

529. Prob. 2. experientia, quam quilibet Christianus Catholicus in semetipso potest habere, cum in peccatum incidit, & maximè si est recidivus,

ciduus, aut consuetudinarius, vel rarò confite-
tur, aut semel in aano: hic enim suis negotijs
domesticis, vel publicis incumbit, vel in suæ pro-
fessionis exercitio sedulus est, & totus in eo po-
situs, si Lector, si Iudex, si Aduocatus, si Nota-
rius, si Artifex, si Agricola, &c. quilibet enim
horum, dum suo muneri incumbit, nullam expe-
ritur cogitationem ad penitendum. Si autem
sordidis occupatur negotijs, vt vsuræ, concubi-
natus, meretricij, &c. dum ijs incumbit experi-
tur se totum tunc in eo esse, & de opposito nihil
cogitare. Sic de vindicatio, & de alijs hisce
peccatoribus discurrendum. De studentibus pa-
riter euident est, quòd dum per plures horas in
discutiendis legum difficultatibus sunt immer-
si, nihil de pœnitentia, alijsue præceptorum operi-
bus cogitant; igitur non singulis momentis à
Deo vocantur, sed, vt dicemus, statutis à diuina
sapientia, atque prouidentia temporibus.

530. Dico 4. neque est explicitè reuelatum,
quòd hominibus iustis Deus continuò, & singulis
momentis concedat gratiam sufficientem ad om-
nia, & singula opera perficienda, sed statutis tem-
poribus.

531. Prob. eisdem argumentis. Nuspiam
enim in Sacra Scriptura legitur hoc pactum, seu
hæc promissio; vel assignetur ubi

532. Prob. 2. experientia. Quis enim Ca-
tholicus potest in semetipso experiiri; quòd dum
omni qua potuit diligentia suorum peccatorum
confessionem fecit, absolutionemque obtinuit; in-
super, & sacratissima Eucharistia refectionis est; non
continuò, & singulis momentis obtinet illumina-
tiones, ac inspirationes ad facienda aliqua opera
sancta; sed aliquando, ac interpolatis tempori-
bus,

Conclusio
probat
experientia.

Neque est
explicitè
reuelatum,
quòd iusti
continuò
vocantur.

Experien-
tia id do-
cet.

614 DE GRATIIS ACTVALIBVS,&c.
bus, & dum vrgent præcepta: ergo .

533. Probari potest generaliter de omnibus, siue infidelibus, siue fidelibus, & de his, siue peccatoribus, siue iustis, sic. Omnis homo alicui professioni præsertim intellectuali addictus, vt Philosophiæ, Metaphisicæ, Mathematicæ, Astrologiæ, Algebræ, Iurisprudentiæ, aut Theologiæ, dum in contemplando aliquo suæ professionis puncto applicatus est, ita absorbetur, vt extra se positus, & suimet oblitus videatur, & per multum tempus sic remaneat: exemplum de Archimede præstantissimo Mathematico adducere sufficiat, cuius etiam S. Augustinus meminit *de Ciuit. lib. 1. cap. 6.* Is enim cum Siracusæ Ciuitas ipsius Patria oppugnaretur, & catapultis, cæterisque bellicorum tunc temporis instrumentorum fragoribus, & oppressorum clamoribus quateretur, Mathesis, ac Geometriæ circulis pangendis sic erat intentus, vt tot rumores, clamores, ac ruinas non aduerterit, & capta Patria in eisdem operibus suæ scientiæ perseuerans inuentus, occisus sit. Similes ferè distractiones præfati omnes professores patiuntur, dum suis vacant studiis, & plures horas, noctesque integras, vt de multis audiui (quos numquam imitari curavi) in suis speculationibus sunt intenti, vt nullam aliam cogitationem, nec diuinam, nec humanam in seipsis experiantur. Isti ergo, cuiuscumque conditionis sint, siue infideles, siue fideles; siue peccatores, siue iusti, pro ijs temporibus, immò nec pro alijs functionibus, quas exercent, edendo, ludendo, dormiendo, &c. illuminationes, ac inspirationes diuinas experiuntur: ergo Deus eas non largitur singulis momentis, sed dum adest necessitas.

534. Dico 5. Neque est explicite reuelatum, quòd

Quilibet
professioni
alicui ad-
dictus hoc
experitur.

quòd Deus largiatur iustis pro singulis momentis gratiam sufficientem ad perseverandum in iustitia, seu gratia, siue ad tempus, siue vsque ad finem vitæ.

535. Prob. eisdem prorsus argumentis; negatione nempe reuelationis, & experientia contraria. Complures siquidem iusti speculatiuis scientijs præditi sunt, in eisque immorantur; & quamuis aliquando, & pluries incipientes sua studia, illa ad Deum referant, & pro eo, & proximorum beneficio velint ea facere; cùm tamen in eis progrediuntur, & speculationibus insistant; alias cogitationes non experiuntur. Gratia autem sufficiens ad perseverandum in accepta iustitia, aliud non est, nisi diuina illuminatio, ac inspiratio, ut quis progrediatur in operando bonum præcepti, vel consilij, & cauendo malum: has autem cogitationes, iustus cùm speculatiuis scientijs, vel artibus, alijsue similibus functionibus incumbit, experitur se non habere: ergo non habet continuò, & singulis momentis; quilibet enim de suis actibus internis, ut sunt excitatio intellectus, & inspiratio voluntatis ad bonum opus supernaturale, potest testari.

536. Dico 6. Piè tenendum est, quòd Deus gratiam sufficientem largiatur infidelibus, siue mediante Missionario, alioue externo modo; siue immediatè per seipsum tantùm, absque externo medio, in diuersis temporibus, pluribusque vicibus iuxta æternam suæ sapientiæ, & providentiæ nobis occultam dispositionem.

537. Prob. Id piè tenendum est de Deo, quoad rationalium creaturarum gubernium, quod eius iustitiam cum misericordia commendat, & Sacræ Scripturæ non est contrarium; sed potius con-

Neque explicite reuelatum est quòd iusti singulis momentis gratiam sufficientem habeant ad perseverandum.

Piè tenendum, quòd Deus pluries vocet infideles.

consonum : sic se habet hæc sententia : ergo. Maior secundum omnes suas partes pio intellectui est evidens . Nam *Misericordia Domini plena est terra ; & miserationes eius super omnia opera eius : & Ecclesia in suis collectis dicit , Deus , qui omnipotentiam tuam parcendo , & miserando maxime manifestas : & David in psalm. 100. Misericordiam , & iudicium cantabo tibi Domine .* Si autem pluries vocet infidelem , quamvis respicientem , magis commendatur illius benignitas , & misericordia : ergo sic existimandum est facere .

Min. prob. quod hæc sententia non sit contraria Sacre Scripturæ , sed consona , ex Christi clarissimo oraculo Matth. 23. *Ierusalem , &c. Quoties volui congregare filios tuos , quemadmodum gallina congregat pullos suos sub alas , & renuisti ?* Igitur non vna , sed pluribus vicibus Deus vocat , ac illuminat infideles , quamvis isti vocationem reiijciant .

538. Prob. 2. Omnia loca , quæ adducebantur ab ijs , qui docebant continuò homines à Deo vocari (quod reiecit) saltem verificari possunt de multiplici vocatione . V. g. illud dictum Apocal. *Ego sto ad ostium , & pulso , nequit intelligi de vocatione simplici per modum transeuntis , sed per modum itantis , & assidue pulsantis .*

539. Confirmatur ex facto pro infidelibus . Non enim pro vna vice Deus in Veteri Testamento misit Prophetas ad prædicandum Regibus , ac Populis Samariæ , qui erant Apostatæ à fide ; sed pluries , vt ex libris Regum , ipsorumque Prophetarum patet . Neque vna tantum vice misit Prophetas ad ipsosinet Reges Iuda Idolatras , vt ex eisdem libris Regum , & Prophetarum constat . Immo , vt à lege naturæ incipiamus ,

Fundamentalis huius
piæ credulitatis ratio .

Ex Christi
oraculo
colligitur,
quod pluries
vocat.

Omnia argum.
addu-
cta pro cō-
tinua vocatione,
probant multum
plurimum .

Exempla
Script.

mus. Deus deleturus mundum per diluuium, vñus est Noe, vt Propheta, ex Augustino de *Ciuitate lib. 18. cap. 38.* prædicante pœnitentiam, & mundi destructionem secuturam per diluuium, nisi pœniterent, & saluandos esse eos tantum, qui in Arca, quam formabat, reperiendi erant: ac formatio Arce durauit per annos centum, nã vt ex Sacra Scriptura docet S. Augustinus de *Ciuit. lib. 15. cap. 27.* capìt eam fabricare etatis sue anno 501. & diluuium accidit anno etatis sue 601. vt etiam Salius notauit in Noemo. Igitur non semel, aut bis, aut centies, sed plusquam millies, & vltra, per Noe Deus vocauit ad pœnitentiam, totam gentem illam peccatricem in peccatis sensus habituata.

540. Idem dicendum de Ægyptijs, ipsorumque Rege *Cencres Pharaone*: totum enim populum illum, ac Regem per Moysen, & Aaron ad sui obedientiam, & cultum vocauit, & vocationem tot miraculis, decem scilicet plagarum, confirmauit. Hæc autem miracula per annum integrum patrata sunt: & vt supra dixi de Samaritis, ipsisque Iudæis, cum Deus illos corrigendo per Prophetas ad pœnitentiam vocauit, non semel, aut bis, sed sæpissimè Prophetæ illis locuti sunt.

541. Idem dicendum de Regibus Caldeorum, Persarum, ac Medorum in Babilonia regnantibus, nempe Nabuchdonosore, Balthasare, Dario, & Ciro. Cum enim sub illis Iudæi transmigrati per annos 70. manserint, multis miraculis Deus vocare visus est Reges illos, ac eorum populos. Etenim quatuor pueri Iudæi, Ephebi Nabuch, ne cibus immolatis contaminarentur, rogarunt nutriri leguminibus, atque

Exemplum
de lege na-
turæ.

Centum an-
nis durauit
formatio
Arce.

Exemplum
de Ægyptijs

Exemplum
de Caldeis

aqua; & tamen post decem dies, *vultus eorum appa-
ruerunt pulchriores, & corpulentiores ijs, qui ve-
scebantur cibo regio*: tres ex iisdem nolentes iuxta
fidem Mosaicam adorare statuum Nabuch, inie-
cti in ardentem fornacem, illæsi seruati sunt, &
flamma combussit Ministros eam incendentes:
qua de causa Nabuch sub pœna capitis prohibuit
blasphemari Deum Iudæorum: & tamen infidelis,
ac Idolatra cum suis permansit. Daniel pluribus
signis, ac miraculis quatuor illos præfatos Reges
docuisse videtur fidem veri Dei; primò dum cum
alijs tribus leguminibus, & aqua tantum nutri-
tus pulchrior, & corpulentior apparuit ijs, qui
cibo regio vescebantur. 2. cum ex Dei reuelatio-
ne manifestauit Nabuch visionem statuę ex diuer-
sis metallis compositę, quam Rex in somno ha-
buerat, eamque illi declarauit, quòd significabat
Imperium, seu Dominium, quod successiuè di-
uersis Nationibus post Nabuch contingere debe-
bat; & quòd lapis ille, qui sine alicuius opera,
ex altissimo monte euulsus, cadensque super pe-
des statuę eam comminuerat, ipseque lapis cre-
uerat in montem immensum, significabat Mes-
siam de Cælo sine humano opere conceptum ven-
turum, & dominium Romanorum subiugatu-
rum, eiusque fidem, ac potestatem totum mun-
dum peruagaturam. 3. cum eidem Nabuch ex-
plicauit aliam visionem arboris ramos expanden-
tis per totam Asiam, fructus pulcherimos af-
ferentis, & vidit bestias terrę sub ea pascentes, &
aues cœli super ea commorantes; deindè San-
ctum de cœlo descendere, ac dicere *succidite ar-
borem, & dissipate illam; attamen germen radicem
eius in terra dimittite*: Et Daniel explicauit, arbo-
rem illam esse dominium Nabuch, quod ex Dei

iudi-

Miracula
corā Cal-
deis facta.

Multa pro
Caldeorū
vocatione
exempla.

iudicio erat ei ad tempus auferendum, & post annos octo eidem restituendum . Et sic accidit ; quia mente captus , ab hominibus segregatus in desertis cum feris habitauit , fœnum , vt Bos comedit ; deindè ex Dei misericordia ad se rediens , regimen reassumpsit . Propterea consilium ei dedit , vt *peccata sua eleemosinis redimeret* ; quod non legitur fecisse . Ecce quoties Deus excitauit Regem illum , suumque populum : hæc omnia iam viderat , & audierat Balthasar filius Nabuch ; & tamen cum suo populo in Idolatria prosequabatur : & Deus iterum per Danielelem eum , Optimatesque Regni excitauit , dum in solemnî conuiuio cum Regni Principibus profanans vasa Templi , quæ pater suus ab Ierusalem attulerat ; in muro aulæ conuiuij apparuerunt digiti scribentes , *Mane , Thecel , Phares* , quæ iuxta Danielis explicationem significabant finem sui Regni, suæque vitæ, & tamen nihil ex illa excitatione profecit , sed conuiuium prosecutus , vino tandem temulentus eadem nocte per Dariûm , vita, ac Regno priuatus fuit . Hæc omnia, quæ diximus, sciuit Darius successor ; & alia duo vidit ex Daniele stupenda miracula ; ex persecutione, siquidem aulicorum, Daniel ob veri Dei fidem bis in lacum Leonum missus , illæsus inde euasit : primò cum Sacerdotum Idolorum fraudem prodidit, qui dicebant suum Idolum comedere ; at ipsimet noctu in cauea sub altari cibos immolatos comedebant, deindè draconem à populis adoratum incendit . Secunda autem vice , cum contra edictum Regis, ne per certum tempus aliquod Numen oraretur, præter Regem, accusatus fuit Daniel , quòd oraret conuersus ad Ierusalem, & tunc in lacum Leonum missus, à Deo protectus fuit, ne à Leonibus

Nabuch
pluries vo-
catus cum
suo populo

Balthasar
pluries vo-
catus .

Darius plu-
ries voca-
tus .

Duo miracula vidit.

lēderetur, & visitatus à Propheta Abacuch, quem Deus per Angelum capillo capitis sui asportari fecit è Iudæa in Babilonem cum prandio, quod messoribus ferebat: & viso miraculo illæisionis à Leonibus, Rex educto Daniele de lacu, statim in illum immitti iussit Danielis accusatores, quos antequam ad laci pavimentum pervenirent, Leones lacerarunt, ac deuorarunt: alia Danielis facta omitto. Ecce quot vicibus Deus Reges illos, populosque Caldeos, Medos, ac Persas excitauit ad cognoscendam, atque credendam Iudæorum fidem.

Exempla
plurimæ vo-
cationum
earundem
personarum
ex Nouo
Test.

542. Sed à factis Veteris Testamenti transeuntes ad facta post euulgationem Noui, tot vicibus noscimus, Deum excitasse Regulos, Imperatores, & omnes Gentiles Populos; quot martiria, & miracula in Dei seruis illi conspexerunt: ex quibus miriades hominum, ipsius iudices, atque carnifices conuersi sunt ad fidem; cæteris autem excitatis, ac inspiratis respuentibus, & in sua perfidia remanentibus. Omnes autem præfati Reges, Principes, ac Populi, vel proprio, vel alieno auditu, Christi; ac Sanctissimæ Trinitatis fidem à martiribus illis prædicari audierunt, eamque reiecerunt. Alias autem immediatas Dei vocaciones, seu excitaciones, ac inspirationes infidelium eis immisas, siue per recordationem talium prædicationum, siue per sufficientiam martiriorum, ac miraculorum ab eis patratorum, siue alio modo à Deo immediatè in eorum animas immisas, ego nequeo referre; quia nescio; ipsi sciunt: hoc vnum scio, & firmiter credo, quòd *Deus diues est in misericordia, & miserationes eius super omnia opera eius*; ideòque existimo, quòd sæpè infideles omnes, aliquibus modis mediatè,

ac immediatè ad fidem veram excitet, ac inspi-
ret; ipsi autem excitationes, ac inspirationes re-
spuant, ac reiiciant: Sibi imputent.

543. Tandem (quamvis de vno populo in-
credulo sepius à Deo vocato ad fidem, ac pœ-
nitentiam) insignem locum habemus Isaia 65. 2.
quo postea vsus est Paulus Rom. 10. 22. Isaia ex
parte Dei contra populum ab initio, & semper
Deo rebellem idolatrantem, & contumacem, ait.
*Ecce ego ad Gentes, quæ non inuocabant nomen meum,
expandi manus meas tota die ad populum incre-
dulum;* (Paulus loco citato addit, & contradicen-
tem,) *qui graditur in via non bona post cogitationes
suas. Populus, qui ad iracundiam prouocat me an-
te faciem meam semper; qui immolant in hortis, &
sacrificant super lateres, qui habitant in sepulchris,
& delubris Idolorum, &c. Glos. ord. tota die, in-
quit, ei benefaciendo ex quo illum eduxi de Ægypto.
Incarnatus quoque infirmitates eorum curavi, mor-
tuos suscitavi, paucis paucis eos pavi: ipsi tamen
semper fuerunt increduli. Glos. Lyr. tota die, ait,
ab antiquo vsque ad præsens per Prophetas, postea
per meipsum: & V. expandi manus meas, dicit, vo-
lens ad me trahere; & ideo per Isaiam cap. 5. 5. de
eo populo sub vineæ nomine conqueritur, *indicate
inter me, & vineam meam: quid debui ultra facere
vineæ meæ, & non feci ei?* multoties ergo, mul-
tisque visibilibus, ac inuisibilibus modis incre-
dulam, & contradicentem Nationem ad veram
fidem, & pœnitentiam excitauit, & vocauit. I-
dem autem de alijs populis incredulis, vt supra
aliqua patuit, circa pertinentia ad salutem,
puta fidem, ac pœnitentiam, dicendum est, non
enim Deus fuit, aut est vnus populi, aut Natio-
nis tantum Deus, Creator, ac Pater; sed om-
nium*

Ex 3. Scrip.
Deus plu-
ries vocat
incredulos

Ex probat
Deus incre-
dulis mul-
tas vocatio-
nes.

De alijs
Nationibus
idem dictum.

nium Populorum, ac Nationum; nullamque Nationem sine remedio ad salutem necessario reliquit: ac proinde si populo Iudaico multiplicem vocationem existimauit necessariam ad salutem; ita pro alijs necessariam existimasse dicendum est, eamque pro sua benignitate omnibus imperitiuisse.

Tenendum
quod fide-
libus vrge-
tibz præ-
ceptis Deus
argiatur
gratiam
sufficientem.

544. Dico 7. De fidelibus loquendo, siue iustis, siue peccatoribus, tenendum censeo, quod dum vrget obseruantia diuini, vel Ecclesiastici præcepti, vt hoc possit obseruari, *sicut oportet*, Deus semper gratiam sufficientem impartitur.

Vt obser-
uentur si-
cut oportet

545. Declaratur hæc conclusio, antequam probetur: & declaratio notanda est, quia ab ea dependent plurium dubiorum solutiones: sciendum ergo, quod contingere potest, vt præcepta diuina, vel Ecclesiastica duplici modo obseruentur; nempe *sicut oportet*, & *aliter quam oportet ad salutem*. Tunc obseruantur, *sicut oportet*, ad salutem, quando obseruantur propter Deum, vt scilicet obseruatio placeat Deo, sicut in suo loco declarauimus; quia, ait Apostolus, *finis legis est charitas*; & hoc modo Christus Dominus semper operabatur inquit Ioann. 8. 10. *Quæcumque sunt placita Patri, hæc facio semper*. Tunc verò obseruantur *aliter quam oportet*, quando non ex fine placendi Deo, sed ex vana gloria, vel politico, aliove mundano fine positio obseruantur. V.g. loquendo de diuinis negatiuis præceptis; aliquis non occidit, non furatur, non inæchatur, &c. non vt obsequium obedientiæ præstet Deo ea præcipienti, sed solum, vt apud Principem, vel populum nomen bonum acquirat, & inde ad honores, ac dignitates promoueat: vel ea obseruat, vt effugiat penas contra ea delicta statutas; nã

Oderunt peccare boni virtutis amore;

Oderunt peccare mali formidine pœnæ:

Sic etiam dicendū est de præceptis diuinis positivis, de cultu Dei, de honore parentū, &c. Quo verò ad Ecclesiastica eadem distinctio est: quidā sanctificant Festa; Sacramentum Pœnitentiæ, & Eucharistiæ suscipiunt propter Deū, ut Deo placeant: quidā verò propter mundū ad captandā vanam gloriam, vel ad effugiendas pœnas contra omittentes statutas. Illi qui præfata præcepta observant propter Deum, observant, *sicut oportet*; qui verò propter mundum, seu prauum finem, dico, quòd observant quidem, sed aliter, quàm oportet: & ad observandum primo modo, idest, ut possint sic observari, Deus semper concedit gratiam, sufficientem; & si ista non reijcitur, concedit efficacem (iuxta sua inscrutabilia decreta) per quam impletur observatio præceptorum, *sicut oportet*: ad alium verò observandi modum, non concedit gratiam sufficientem, per quam possit quiseo modo observare: sed concedit ad non, sic observandum; illuminat, excitat, ac inspirat, ut abstineat, & alio modo observet. Hoc posito

546. Probatur nunc conclusio. Nisi adesset gratia sufficiens, quando observanda sunt Dei præcepta, *sicut oportet*, præcepta essent impossibilia. Sed non sunt impossibilia; immò non gravia, ex Epistol. 1. Ioannis dicentis in cap. 5. *Mandata eius gravia non sunt*; sed ut ait Saluator, Matth. 11. *lenia. Iugum meum suave est, & onus meum leue*. Et Concil. Trident. sess. 6. cap. 11. sententiam asserentem, quòd Deus præcipit impossibilia, ut anathema damnatam dicit à Patribus, & subdit Augustini dictum, *Deus non iubet*

Quid sit observare aliter quam oportet.

Ad observandum ut oportet dat Deus gratiam.

Dei præcepta ex Dei gratia non sunt impossibilia.

bet impossibilia ; sed iubendo mouet , & facere quod possis , & petere quod non possis , & adiuvat , vt possis . Anteced. prob. Sine gratia Dei excitante , ac inspirante , mandata Dei impossibilia sunt obseruari , sicut oportet , & cum illa fiunt possibilia , vt ipsummet Concilium loco citato asserit , inquiens : *qui diligunt Deum sermones eius seruant ; quod vtique cum diuino auxilio præstare possunt* : & hoc docuerant duo Concilia , *Mileuitanum canon. 5. Africanum can. 8.* in quibus decernitur , quòd indigemus gratia , vt possimus operari : ista autem sufficiens est , qua possumus benè operari ; efficax verò est , quæ facit operari , vt in suo loco diximus : igitur si urgente , præcepto non daretur homini gratia sufficiens , scilicet excitans , ac inspirans ad operandum , præceptum esset impossibile .

Aburdum, quòd sequeretur .

547. Prob. 2. paritate actuum disponentium ad iustificationem , qui sine gratia ista excitante , ac inspirante fieri non possunt , vt oportet . Ait enim Concil. Tridentin. sess. 6. canon. 3. *Si quis dixerit sine præueniente Spiritus Sancti inspiratione , atque eius adiutorio , hominem credere , sperare , diligere , ac penitere posse , sicut oportet , vt ei iustificationis gratia conferatur , anathema sit* . Ergo idem dicendum de obseruantia præceptorum , sicut oportet , nam ea in iustis disponit ad augmentum gratiæ , & gloriæ : in peccatoribus verò disponit ad pœnitentiam , & iustificationem . Si enim peccator obseruat præcepta propter Deum , vt scilicet ei obediat , ac placeat , signum est , quòd diligit eum , vel diligere illum incipit ; ait enim Saluator Ioann. 14. 15. *si diligitis me mandata mea seruate* : ergo à posteriori , qui seruat mandata propter Deum , illum diligit : & sic in vtroque

que hæc obseruantia præceptorum, *sicut oportet*, prærequirit gratiam sufficientem, vt possit fieri; efficacem verò, vt fiat, vt in suo loco diximus.

548. Prob. 3. experientia, tam iustorum, quam peccatorum; & quisque, qui aliquando fuit in alterutro statu, expertus est, quòd urgente præcepto, siue aliquo externè hortante, siue solo Deo internè loquente, excitationem, & inspirationem habuit ad implendum præceptum, quod Deus iubet; & si non reiecit inspirationem, sed impleuit, nedum sufficientem habuit gratiam, sed efficacem quoque: si autem non impleuit, vel ob vanam gloriam, aliumue mundanum finem, impleuit, reiecit inspirationem, vt propter Deum, & sicut oportet, impleret.

549. S. Augustinus in psalm. 56. inquit. *Non imperaret hoc Deus, vt faceremus, si impossibile iudicaret, vt hoc ab homine fieret. Si consideras infirmitatem tuam, deficis sub præcepto; confortare in exemplo; sed etiam exemplum multum est ad te: adest ille, qui præbuit exemplum, vt præbeat & auxilium.* Neque aliter cogitare possumus de bonitate, ac misericordia Dei, vt nempe imperauerit nobis ea, quæ viribus nostris facere non possumus; nam ita prorsus accideret, ac si cæco, & pedibus orato præciperes, vt ambularet, & recto tramite ambularet. De fide autem est, quòd sine Dei gratia nemo potest opus bonum ad salutem conducens operari; quod quidem ante omnes Sanctos Patres, & ante omnia Concilia docuit ipsemet omnium Conciliorum author Christus Dominus, Ioann. 15. *sine me nihil potestis facere.* Cum ergo implenda sunt præcepta, *sicut oportet*, idest, non materiali modo, sed vt ad sa-

Arg. ab experientia.

S. August. ratio.

lutem conducentia, vt possit homo facere, ne sibi reddatur impossibile quod præceptum est, adest Deus præbens sufficientem gratiam illuminationis, ac inspirationis, per quam constituitur potens exequi; & si non respuit, habet à Deo adiutorium, quo etiam faciat, seu exequatur: Deus enim, qui incæpit, nisi homo deficiat, dat velle, & perficere; ex Tridentin. sess. 6. cap. 13.

550. Dico 8. Cùm adest vehemens tentatio contra aliquod Dei præceptum, tenendum censeo, quòd Deus præbeat tentato sufficientem gratiam, per quam possit tentationi resistere, camque vincere.

551. Prob.eisdem argumentis, quibus probata est præcedens concl. quia urgente tentatione contra præceptum, vrget obseruantia præcepti; idè què est necessaria gratia illa, per quam quis possit implere præceptum, & sine qua non potest: nihilominus probatur etiam alijs argumentis. In 1. Corinth. 10. 13. asserit Apostolus, quòd Deus dat auxilium in tentationibus, vt possimus resistere, & non succumbere. *Fidelis autem Deus est, qui non patietur vos tentari vltra id, quod potestis, sed faciet etiam cum tentatione prouentum, vt possitis resistere.* 2. Tentationes vinci non possunt sine gratia Dei, ex Concilio Diospolitano canone 12. & ex Cælestin. 1. Epistol. 1. cap. 6. Quilibet enim in semetipso experiri potest, quòd dum graui aliqua tentatione premitur, excitatur, & inspiratur à Deo, vt ei resistat, & petat à Deo immediatè, vel Sancti alicuius Aduocati inuocatione, vt eam superet. Quòd si tunc à passione aliqua concupiscentiæ, vel iracundiæ agitur, excitationem, ac inspirationem resistendi, & auxilium inuo-

Tenendum
quòd vrget.
tentatio.
ne, Deus
dat gratiã
sufficientẽ.

Ex Aposto-
lo.

Sine gratia
tentatio
vinci non
potest.

inuocandi non curat, reijcit, ac respuit, succumbit: ideò quotidie, & sæpè petimus à Deo, *re nos inducas in tentationem*, idest, non permittas nos à tentatione superari; sed fac, vt nos eam superemus, ac vincamus. Præstò ergo est benignissimus Deus, cùm à Demone, vel à nostris concupiscentijs tentamur, illuminans, ac inspirans, vt resistamus, & ab eo adiutorium petamus, vt vincamus; & cum ex corde petimus, ex eius adiutorio vincimus; si autem petere omittimus, vincimur. Cauendum tamen est, ne solo ore petamus, sicut monet Augustinus, & de se ipso fatetur aliquando sic petiisse; *Petebam Domine, vt auferres à me concupiscentiam, sed solo ore; verebar enim, ne me exaudires, & auferres à me concupiscentiam, quam expleri malebam potius, quàm extingui.*

552. Dico 9. Tenendum censeo, quòd ad vitandum nouum peccatum, *sicut oportet*, Deus cuiuslibet præstat auxilium sufficiens.

553. Prob. eisdem argumentis de impossibilitate: Nam abstinentia à peccatis à Deo præcepta est, & peccatorum commissio incessanter in Sacra Scriptura prohibita est. Cùm ergo cadat sub præcepto, vt in actu poni possit, est necessaria gratia sufficiens, per quam homo potest, & sine qua non potest; quia ait Saluator, vt sæpè dictum est, *sine me nihil potestis facere*: frustra autem præciperetur abstinentia à quouis peccato, nisi homo haberet à Deo vires ad posse resistere: quia sic præciperetur aliquod impossibile; quod à Deo alienum esse de fide tenendum est.

554. Dixi, & semper replicabo, *sicut oportet*; quia si aliquis abstineret à nouo peccato furti, adulterij, calumnie, &c. propter vanam, ac

Toto corde
orantius est
Deus, vt adi-
diuer.

Ad vitan-
dū nouum
peccatum,
Deus dat
auxilium
sufficiens.

mundanam gloriam, vel ob finem alium temporalem ad sic faciendum, gratia sufficienti non indigeret; quamvis etiam istam, ut mox dicam, experiretur; ut scilicet ob finem bonum abstinere, quamquam eam reijceret: ob finem siquidem supernaturalem Deus largitur supernaturale donum gratiæ, non ob naturales, & præsertim prauos fines.

555. Confirmatur experientia. Quilibet peccator, & maximè Christianus, & Catholicus, dum est in propinqua occasione patrandi nouum peccatum, si verum fateri velit (ut plerique fatentur) experitur in se Synderesim, seu conscientie remorsum, & monitionem quamdam ne offendantur Deus, seu ne præceptum violetur, dum agitur de peccatis occultis: & quando agitur de publicis, interdum Deus præter internum, quem immittit conscientie remorsum, ac illuminationem, & inspirationem, ne patretur peccatum, quo offenditur Deus, permittit externè etiam, per aliquem moneri, ne peccet. Quotidiana autem experientia docet, benignissimum Dominum, nullam prætermittere occasionem, in qua homo tenetur bonum facere, & à malo abstinere, quin præstò fit cum sua gratia illuminando, & inspirando ad faciendum bonum, & ad abstinendum à malo: & hoc certè modo existimo intelligendum illum Apocalipsis locum, *ego sto ad ostium, & pulso*, & alia Sacre Scripturæ loca, in quibus commendari legimus Dei assistentiam ad illuminandum, & inspirandum homines ad faciendum bonum, & cauendum à malo; intelligenda inquam sunt in sensu accommodo, quando scilicet adest necessitas, regulariter loquendo; nam de bonis supererogatorijs loquar postea. Nunc au-

Ad vitandum sicut oportet est necessaria.

Deus præstat auxilium sufficiens, dum adest necessitas.

tem de bonis præceptis, & de malis prohibitis loquimur, pro quibus sequendis, ac vitandis gratia est necessaria, vt exequi, & vitari possint, ne talium executio sit impossibilis; & ita intelligendum *Concil. Senonense cap. 15.*

556. Dico 10. Tenendum etiam est, quòd vt possit homo exercere opera quæcumque consilij, ac supererogationis, *sicut oportet*, Deus elargitur gratiam sufficientem.

557. Prob. eisdem argumentis; quia cùm ad ea sic facienda natura potestatem non habeat, nisi Deus concedat posse, opera illa essent impossibilia: igitur neque sub consilio cadere possent; frustraneum enim esset Dei consilium de re impossibili.

558. Prob. 2. Specialiter de consilij, ac supererogationis (idest non præcepti) opere, ex *Concil. Araus. 2. canon. 11. Gratia Dei est causa, cur quis voueat*: Votum autem est opus consilij: ergo. Consequentia est euidens: nam actu vouere est effectus gratiæ efficacis; hæc autem sufficientem semper supponit, vt sibi connexam, non è contra. Dum enim quis opus bonum, siue præcepti, siue consilij facit, gratiam habet, quæ illuminat, ac inspirat, estque iussiciens, & habet gratiam facientem facere, quæ, vt sæpè dictum fuit, est efficax.

559. Prob. 3. Experientia. Omnes, qui se disponunt ad consilia exequenda, siue postea exequantur, siue non, experiuntur se, vel ex lectione alicuius libri spiritualis, aut canonici; vel ex auditione alicuius Concionatoris, aut alterius de operibus consilij loquentis, internè vocari, seu inuitari ad illud exequendum; & si exquitur ex gratia efficaci id habent: si verò non
exequi-

Ad exercenda opera consilij est necessaria gratia iussiciens.

Concil. Araus.

Experientia id docet.

exequitur ex motiuo aliquo retrahente, & faciente reijcere vocationem, iam eam experti sunt se habuisse.

560. Dixi, & sæpè replico, vt possit exequi, *sicut oportet*, quia plures mundani ad opera consilij, & supererogationis se accingunt, & faciunt, non sicut oportet, idest, propter finem pietatis, alteriusue virtutis, sed propter mundanum finem: v.g. quis ingreditur Religionem, vt ei subueniatur de victu, ac vestitu, quibus in sæculo carebat; vel quia ex capite sedendæ inimicitie inter duas familias fuit obligatus ingredi Religionem; vel vt per ingressum Religionis fiat capax alicuius dignitatis, quam habere non poterat in sæculo. Sic & puellæ, quæ Moniales fiunt ex vi, aut metu, saltem reuerentiali, vel alio fine sæculari: sic qui fiunt Clerici, vel vt se retrahant à iurisdictione Principis secularis, & licentiousius viuant, vel vt Gabellas, & impositiones sæcularium effugiant: sic qui itinera peregrinationum longinquarum assumunt, solum vt vxoribus, vel parentibus rem ingrati faciant, &c. hi, inquam, & similes, qui consilij, & supererogationis opera decernunt facere, vt sic, seu istis modis faciant, non egent gratia sufficiente, nec Deus ad his modis faciendū inspirat: sed existimo quidem, quod inspiret eos omnes ad ea opera assumenda ex motiuis virtutum Religionis, ac pietatis, vt ea opera prosint eis ad salutem; licet ad hæc motiua virtutum illi non reflectant, sed proprium sensum, propriamque passionem sequantur. Nihilominus pariter existimo, quod cum benignissimus Dominus stet ad ostium, & pulset eosdem, qui modum illum viuendi ex fine illo naturali, aut indifferente, aut non bono, seu non

Ad exequē-
dum licet
oportet,
Deus dat
gratiam
sufficientē,
vt possit.

Nō dat ob
alia moti-
ui munda-
na.

Etiā si
quis malo
fine incē-
pit illumi-
natur ne
prosequa-
tur.

ex fine placendi Deo aggressi sunt , progressu temporis illuminet , ac inspiret , vt quod sine Dei motiuo aggressi sunt , ex eius motiuo saltim progrediantur . Et sic accidere experiuntur , & confitentur eiusmodi homines , vt ab aliquibus audiui , qui Religionem ingressi nihil de Deo , aut pietate cogitantes , at propter Deum excitantem , & adiuvantem postea persecuti , veri , ac magni Dei serui euaserunt .

561. Dico 11. Tenendum etiam est , quòd omnibus iustis Deus concedit gratiam sufficientem , vt possint in iustitia , ac sanctitate perseuerare , tam ad tempus , quàm finaliter .

562. Prob. facilè ex hucusque dictis : primò , quia posse perseuerare in iustitia , seu gratia idem est ac posse abstinere à malo , posse adimplere præcepta , posse superare tentationes ad malum inducentes : sed ex supradictis ad posse hæc omnia facere datur gratia sufficiens ; ergo ad posse perseuerare in iustitia , seu sanctitate (gratia nempe sanctificante) datur gratia sufficiens .

563. Prob. 2. De perseuerantia in iustitia , seu sanctitate datur præceptum . Si autem Deus non largiretur posse , cùm natura ex se non habeat tale posse supernaturale , præceptum illud esset impossibile . Anteced. prob. ex Matth. 10. 22. & ex eodem 22. 13. *Qui perseuerauerit vsque in finem hic saluus erit* . Omnia autem , quæ ad salutem sunt necessaria , præcepta sunt : igitur si perseuerantia est ad salutem necessaria , sub præcepto cadit . Si autem non adsit in nobis posse , erit impossibilis .

564. Prob. 3. Ad hoc facit damnatio primæ propositionis Iansenij , in qua dicebatur , *Quòd aliqua Dei præcepta iustis volentibus , & conantibus*

Deus dat
gratiam
sufficientem,
vt iustus
possit per-
seuerare .

Perseueran-
tia præcep-
ta est .

Ex damnatione primæ propositionis Iā. senj arg.

bus sunt impossibilia ; deest eis quoque gratia , quæ possibilia fiant , quæ damnata fuit tamquam Hæretica . Si autem non daretur iustis gratia ad posse perseverare in gratia per fugam peccatorum , & per adimpletionem præceptorum , fierent impossibilia eis hæc mandata . Ergo dicendum est , quòd iusti pro omni tempore , quo possent à iustitia , ac sanctitate cadere , habent posse non cadere , alioquin , si non haberent posse , idest gratiam , per quam possent , obligarentur ad impossibilia .

Ex Concil. Trident. multa de hac re consideranda .

365. Prob. 4. ex Concilio Tridentino , multa de perseverantia docente , quæ magna consideratione digna sunt , & ad rem nostram faciunt . In sess. 6. cap. 13. dicitur . *De munere perseverantiae , de quo scriptum est , qui perseveraverit usque in finem , hic saluus erit , quod quidem aliundè haberi non potest , nisi ab eo , qui potest eum , qui stat , statuere , ut perseveranter stet , & eum qui cadit restituere ; nemo sibi certi aliquid absoluta certitudine polliceatur : tametsi in Dei auxilio firmissimam spem collocare , & reponere omnes debent , Deus enim , nisi ipsi eius gratiæ defuerint , sicut capit opus bonum , ita perficiet , operans velle , & perficere : & postea in canone 22. sic habetur . Si quis dixerit iustificatum , vel sine speciali auxilio Dei in accepta iustitia perseverare posse , vel cum eo non posse ; anathema sit .* Plura hic notanda : primò , quòd actualis perseverantia sit Dei donum , & à gratia faciente facere proveniens , quia actu ponitur . 2. quòd Deus incipit hoc opus , & quòd si iustus non defuerit gratiæ eius , perficiet : at Deus incipit excitando , & inspirando ; ista ergo gratia præcedit , quam si iustus non reijcit , Deus cum eo perficit . 3. quòd iustus non potest perseverare .

Actualis perseverantia est Dei donum .

feuerare, sine speciali Deo auxilio: igitur cum perseverantia, tamquam necessaria ad salutem, præcipiatur; & sine Dei auxilio, quod potest homo iustus reijcere, hic non possit eam ex se habere, ne fiat ei impossibilis, Deus gratiam sufficientem concedit.

§. Vnicus.

*Corollaria quædam ex præcedentibus Capitulis
illata.*

566. **I**nfertur primò: Quòd datur quodam genus gratiæ dictæ *sufficientis*, contradistinctæ ab efficaci: & licet hoc nomen in hoc sensu fuerit gratiæ isti impositum paulò post initium præteriti sæculi; tamen quoad rem ab initio mundi, in Angelis scilicet, ac in Adamo extitit: deinceps verò in toto humano genere, quamvis non cum eodem ordine dimissionis, seu remissionis ad humanam voluntatem, ut ipsa det ei efficaciam, sicut Angelis, & Adamo fuerat concessum, ut in suo loco diximus; sed cum hoc ordine ad voluntatem, ut illam reijcere, seu respuere possit, si velit. Nomen ergo retinemus omnes, & conuenimus in significato, licet quoad effectum, seu efficiendi modum, sit controuersia. Dicimus ergo, quòd illa gratia dicitur *sufficiens*, per quam Deus excitat, seu illuminat, ac inspirat homines ad faciendum actum aliquem conducentem ad salutem, siue per modum præcepti, siue per modum consilij, puta ad credendum,

Nomē gratiæ sufficientis nouum; sed res antiqua.

Quænam sit in re.

634 DE GRATIIS ACTVALIBVS, &c.
 dendum, sperandum, diligendum Deum, ac
 proximum: ad pœnitendum, & in iustis ad opera
 etiã supererogationis facienda: siue sequantur hæc
 opera, siue non sequantur, illa dicitur sufficiens;
 vt sequantur autem, requiritur alia gratia di-
 cta efficax: illa ergo dicitur sufficiens, quasi in
 actu primo; quia dat posse facere; sine
 ea enim non potest quis illa opera facere, & cum
 ea potest, sed non facit sine efficaci gratia:
 hæc ergo quoad nomenclaturam, & officium
 gratiæ sufficientis ex dictis in proprijs locis.

567. Infertur 2. Verum, certumque est,
 quòd Deus ex sua infinita benignitate, iuxta
 sua æterna decreta omnibus pro loco, & tempo-
 re concedit gratiam sufficientem ad posse ope-
 rari salutis opera, tam infidelibus, vt ad fidem
 Catholicam veniant, quàm fidelibus, vt opera
 præceptorum, & consiliorum faciant; & ex ho-
 minum defectu, qui reiiciunt, ac respuunt gra-
 tiam illam, prouenire, quòd efficacem non con-
 cedat, vt scilicet faciant quæ fuerant inspirata:
 & sæpè notandum admonui, quòd Deus conqu-
 ritur de hominibus, non tantum, quia non con-
 senserint vocationibus; nam iuxta Pauli doctri-
 nam ad Philipp. 3. *Deus dat velle, & perficere*;
 & Saluator Ioann. 14. *Nemo venit ad me, nisi Pa-
 ter meus, qui misit me traxerit eum*; sed sæpè con-
 queritur, quòd homines respuunt, & reiiciunt
 vocationem, seu gratiam sufficientem, propter
 quod ipse eos reiicit. Claræ sunt Scripturæ vtriuf-
 que Testamenti. Prouerb. 1. 4. *Quia vocaui, &
 renuistis, extendi manum meam, & non fuit, qui
 aspiceret; ego quoque in interitu vestro ridebo*: &
 Christus Dominus Matt. 23. de hac reiciencia
 vocationis cum Iudæis conqueritur. *Ierusalem,*
Ieru-

Omnibus
 Deus eam
 concedit.

Mulci eam
 respuunt:
 de his cõ-
 queritur
 Deus.

Ierusalem quoties volui congregare filios tuos, quemadmodum gallina congregat pullos suos sub alas, & noluisti? Deindè comminatur eis mala ob eiusmodi respicientiam: & Sanctus Stephanus, plenus Spiritu Sancto, ac fide, Act. 7. quasi de maximo peccato arguit Iudeos tunc præsentes, & Patres eorum, quòd Spiritui Sancto resistebant, inquit. Dura cervice, & incircumcisis cordibus, & auribus, vos semper Spiritui Sancto resistitis: sicut Patres vestri, ita & vos: de seipsis ergo doleant, non de Deo.

568. Infertur 3. consequenter ad modò dicta, quòd nisi admittatur, quòd omnibus fuerit concessa gratia sufficiens, non possunt cum sua proprietate explicari multa Sacræ Scripturæ loca, presertim duo illa mox relata, & alia in quibus exprobratur impijs, quòd ipsi sunt causæ suæ perditionis: nam Osee 1.39. dicitur. *Perditio tua ex te Israel: tantummodò in me auxilium tuum: & alibi, numquid voluntas mea est mors impij.* 2. Petri 3.9. de Deo ait. *Nolens aliquos perire, sed omnes ad pœnitentiam reuerti.* Hoc etiam modo in aliquo sensu saluatur Pauli dictum, 1. Timot. 2. 5. *Deus vult omnes saluos facere, & ad cognitionem veritatis venire:* & quomodò Ecclesia in vna collecta Veneris Sancti pro Hæreticis, &c. canit, *Deus, qui omnes saluas, et neminem vis perire,* & cetera similia dicta. Cùm enim neminem adultum saluet, aut iustificet, aut perseuerare faciat in iustitia, ac sanctitate, nisi per dona actualia gratiæ, vt in suis locis abundè cum Sacra Scriptura, & S. Augustino contra Pelagium probatum est: & experientia (supposita fide) notum sit, nec omnes homines saluari, nec omnes iustificari, quia omnis infidelium turba non iustificata perit;

Christi
de hac res
picientia
conqueri
tur.

Omninò
admitti de
bet gratia
sufficiens:
aliàs absur
da multa
sequeren
tur.

Ratio cla
ra.

nec omnes iustificatos perseverare vsque ad exitum in sanctitate, euidenter concluditur, quòd isti omnes gratiam efficacem pro prædictis effectibus consequendis non obtinuerunt: & quamuis Deus (vt postea dicam) nulli teneatur ullam gratiam præbere; quia tamen ex suppositione, quòd voluerit, vt dixi, homines mediante gratia saluare per præceptorum obseruantiam, quæ sine gratia obseruari nequeunt, *sicut oportet*, per necessariam consequentiam inferitur, quòd omnibus conferat gratiam sufficientem ad posse prædictos effectus præstare: ob cuius sufficientis gratiæ reiectionem, repulsam, ac resistantiam aliã gratiã quæ efficax esset, non cõcedit: & sic iure merito Deus exprobrat, *vocaui, & renuisti, ex te perditio tua*: quasi dicat, nolui te perire; volui saluare, &c. tu restitisti quin facerem.

569. Inferitur 4. Supposita gratiæ sufficientis collatione pro omni hominum statu, & conditione, optimè intelliguntur duo præclara Concilij Tridentini loca, cur, & quomodò Deus deserat homines; vnum apertè pro iustificatis, aliud promiscuè pro omnibus. De primis in sess. 6. cap. 11. dicitur. *Deus namque sua gratia semel iustificatos non deserit, nisi prius deseratur*. Iustificatus autem Deum deserit, quando per alicuius præcepti positiui, vel negatiui inobseruantiam, peccat, quia debuit obseruare; at existens in gratia habituali, non potuit per eam solam obseruare præcepta, sed indignit gratia, seu auxilio actuali, vt posset obseruare, & per hoc auxilium habet id, per quod fiat ei possibile ex *Constitution. Innocent. X. & Alexandr. VII.* Sed iustificati interdum peccant: igitur deseruerunt Deum, ideòque deserti fuere. At hæc actina deser-

Supposita
fide legis
diuinæ o-
bligantis;
necessario
admitti de-
bet gratia
sufficiens,
quæ possit.

Duo præ-
clara Con-
cil. Trid.
loca ad rē
declaran-
tur.

desertio iustificati prouocans Deum ad illum, deferendum, meo videri, non est ipsum peccatum, sed reiectio, ac respuentia auxilij sufficientis; ob quam Deus non prosequitur opus, quod incæpit excitando, & inspirando, conferens efficax perficiendo quod incæpit, vt mox dicam. De secundis promiscuis hominum conditionibus, iustificatis nempè, & non iustificatis, loqui videtur Concilium in eadem *sess. 6. cap. 13.* vbi, licet de Perseuerantię munere loquatur, vnum tamen ad rem nostram dicit omni vocato accommodatum, correspondens alteri dicto in *cap. 5.* de omnibus etiam primò vocatis, ad iustificationem se disponentibus: in capite ergo *13.* dicit. *Deus enim, nisi ipsi (homines iusti) illius gratiæ defuerint; sicut cæpit opus bonum, ita perficiet, operans velle, & perficere.* Iusti autem, & quicumq; alij, non deficiunt gratiæ efficaci, quia hæc facit facere effectum, & coniungitur semper cum facto: Ergo deficiunt gratiæ sufficienti, eam vt diximus reijciantes: & confirmatur ex verbis sequentibus, quia *Deus, qui incæpit opus, nisi defuerint illius gratiæ, perficiet, operans velle, & perficere.* Sed Deus incipit opus bonum per excitationem, ac inspirationem ex *cap. 5. & 6.* mox adducendis; hæc autem est sufficiens gratia: igitur, si hanc deserunt excitati, & inspirati, à Deo deseruntur, & opus bonum non perficitur. Sic puto discurrendum, ni fallor. •

570. In *cap. 5.* vbi de dispositionibus, ac præludijs ad primam iustificationem per Baptismum obtinendam fit sermo, hæc habentur. *Ipsius iustificationis exordium in adultis, &c. à præueniente gratia sumendum esse, hoc est ab eius vocatione, &c. per eius excitationem, atque adiuvantem gratiam*

Quando
iustificatus
deserit
Deum.

Quando
homines
desunt gra-
tiæ, & cui.

Quomodo
reijci po-
test gratia,
& quæ ex
Concil.

tiam ad conuertendum se ad suam ipsorum iustificacionem, eidem gratia liberè assentiendo, & coope-
perando adiuuantur, ita vt tangente Deo cor hominis
per Spiritus Sancti illuminationem, neque homo ipse
nihil omninò agat inspirationem illam recipiens,
quippe qui illam & abijcere potest. Ecce quomodò
vocati abijcere possunt; & innumeri, præcipuè
infideles, de facto abijciunt inspirationem.

571. Infertur 5. Quòd omni carent funda-
mento Doctores quidam, qui paucis abhinc an-
nis negarunt dari gratiam sufficientem, cui vo-
luntas resistere potest, & sæpè resistit, vt in toto
hoc Opusculo probatum est, asserentes omnem
gratiam efficacem; & hanc tantùm, non illam,
nobis meruisse Christum. Elapsis annis, ante-
quam eorum opera exactè perlegissem, excusa-
bam eos, putans eorum sensum esse (sicut aliàs
cum doctis Thomistis notavi) quòd omnis gra-
tia in hoc sensu est efficax, quia aliquem, & pro-
prium effectum habet; verbi gratia, Deus, vel
mediante Concionatore, vel lectione alicuius li-
bri, vel aspectu alicuius Martiris patientis pro fi-
de, vel alio modo internè tantùm vocat, seu ex-
citât, ac inspirât infidelem aliquem ad fidem:
iste reiicit vocationem; tunc vocatio, seu inspi-
ratio habuit effectum in vocato, ac inspirato, in-
spirauit enim, licet iste non consenserit: similiter
peccator vocatur, & inspiratur ad pœnitentiam;
reiicit vocationem, ac inspirationem, à sua con-
cupiscencia distractus, ac illectus: item omnes, si-
ue iusti, siue peccatores, vocantur, ac inspiran-
tur ad exequenda diuina præcepta: si distracti ab
alijs passionibus abijciunt inspirationes, istę iam
suum effectum formalem inspirandi hauerunt: &
sic loquendo de operibus consilij, vel superero-
gatio-

Decipiun-
tur qui ne-
gant gra-
tiam suffi-
cientem.

Quomodo
sufficiens
habet suū
effectum.

gationis , in hoc sensu benè diceretur, quòd omnis gratia est efficax in genere suo . At prædicti Doctores non sistunt in hoc sensu; sed dicunt nullam gratiam internam dari , cui resistatur , aut resisti possit: & ideò dico eos carere omni fundamento ; tum quia in hoc sensu accepta sententia ista, iam damnata est in secunda propositione Iansenij ; tum etiam , quia ex Sacris Scripturis iam patuit , dari gratias istas , quibus resistitur ; & tandem si possem colloqui cum aliquo istorum , qui negant gratias istas sufficientes vocationum , ac inspirationum , quas homines non sequuntur , sed reiiciunt , interrogarem illum , an aliquando expertus sit aliquas eiusmodi vocationes , siue circa obseruantiam præceptorum , siue circa obseruantiam consiliorum , aut supererogationum . Si diceret numquam habuisse , dicerem primò ei: Vel es excæcatus , vel omnium infelicitissimus ; quia nemo hominum caret aliquibus hisce vocationibus . 2. dicerem ; si ex Dei beneficio non es excæcatus , & Dei præcepta , & consilium aliquod , aut supererogatorium opus obseruas, quero an omnes diuinas vocationes , & inspirationes exequutus es, an non ; si sic ; igitur perfectus es ; quod dicere non potes , & quia *septies in die cadit iustus* ; & quia Ioannes inquit, *si dixerimus , quia peccatum non habemus, ipsi nos seducimus , & veritas in nobis non est* ; & nemo asserere potest se esse impeccabilem . Si verò diceret, vel quòd aliquando Dei præceptum violauit , vel inspirationes ad consilia , & supererogatoria opera non est secutus , iam confitetur , se gratiam illam habuisse, quam, *sufficientem* , dicimus ; eamque non fuisse secutum, sed respuisse : hanc ergo , quam expertus est, confiteretur ; & hoc mihi sufficeret .

Disensus
moralis
authoris
conuincens.

Sine funda-
mento im-
pugnatur
gratia suf-
ficiens.

Sine gratia
sufficiente
nequit quis
operari.

571. Infertur 6. Nedum sine fundamento ,
sed meo videri insulsè ab his sufficientis gratiæ
hostibus probari negatiuam , eo quòd dicant
hanc gratiam, *sufficientem*, dictam , ad nihil inser-
uire ; & pro hac non esse mortuum Christum .
Contra primum ergo dictum sic insurgo : Do-
num illud Dei , sine quo opus bonum , siue præ-
cepti , siue consilij fieri non potest , dici non po-
test ad nihil inseruire , sed multum inseruit , &
de potentia Dei ordinaria, ac secundum præsen-
tem Dei prouidentiam est absolutè necessarium :
Talis est gratia , quam dicimus, *sufficientem* . Er-
go . Minor plusquam centies probata hucusque
fuit: quia sine diuina excitatione , seu illumina-
tione , aut vocatione (quæ idem sunt) ac sine di-
uina inspiratione nemo potest credere in Deum ,
diligere illum , aut sperare in eo , aut pœnitere ,
sicut oportet : hæc sunt verba Concilij Trident. *sess.*
6. canon. 3. dicentis . *Si quis dixerit sine præue-*
niente Spiritus Sancti inspiratione , atque eius adiu-
torio, hominem credere, diligere , aut pœnitere posse,
sicut oportet , vt ei iustificationis gratia conferatur ,
anathema sit : igitur sine illa inspiratione non po-
test homo actus illos facere ; & cum illa potest: &
ita dici non potest , quòd ad nihil inseruiat , sed
absolutè necessaria est . Adde, quòd idem Con-
cilium docuit in eadem *sess. 6. cap. 5.* Ita vt tangen-
te Deo cor hominis per Spiritus Sancti illuminatio-
nem , neque homo ipse nihil omnino agat , inspira-
tionem illam recipiens ; quippe qui illam & abijce-
re potest: neque tamen sine gratia Dei mouere se ad
iustitiam coram illo libera sua voluntate possit. Vn-
de in sacris litteris cum dicitur : *Conuertimini ad me,*
& ego conuertar ad vos; libertatis nostræ admonemur:
Cum respondemus: Conuerte nos Domine ad te , &

conuertemur, Dei nos gratia præueniri confitemur. Ecce quod est illa inspiratio præueniens Spiritus Sancti, per quam Concilium statuit posse hominem credere, diligere, sperare, ac pænitere: & sic homo eam recipiens potest abijcere, si velit: hæc autem est illa gratia præueniens, quam voco sufficientem. Præterea maxima Deo, & Christo Domino irrogat iniuriam, & blasphemiam, qui dicit talem gratiam, seu vocationem, ac inspirationem, cui non est coniunctus effectus, sed rejicitur, ad nihil inferuire, cum Deus etiam tales, qui eam abiecturi sunt, vocet, ac inspiret: Prou. siquidem 1. 4. de Deo dicitur. *Quia vocaui, & renuistis.* Item, *quadraginta annis proximus fui generationi huic, & dixi semper hi errant corde, ipsi verò non cognouerunt vias meas, &c.* Psalm. 49. & Christus ait, *Multi sunt vocati, pauci verò electi.* Item, *Ierusalem, Ierusalem, quoties volui congregare filios tuos, quemadmodum gallina congregat pullos suos sub alis, & noluisti?* & per totum triennium, & ampliùs prædicationis, & patratiōis miraculorum, quid aliud fecit, quàm continuè externè, & internè vocare? Quid fecit Deus per 18. Prophetas in Veteri Testam. reprehendens populos, & ad bonum hortans? nonnè semper vocauit? Quid facit nunc in toto mundo per Missionarios in partibus infidelium, & per ordinarios prædicatores inter fideles? & tamen non omnes eas vocationes sequuntur. Deus hoc præuidit ab æterno, & Christus quoque præuidit sic futurum; & tamen Deus vocauit, vocat, & vsque in finem mundi vocabit. Audebit proinde blasphemus quis dicere, Vocationes ad nihil inferuiunt, & Deus frustra gratias vocationis largitur? Adde quod in eodem Concilio Tridentino insuper habetur in

Ex 6. Scriptura colligitur gratia sufficientis

Euidens discursus.

eadem *seſs. 6. cap. 13.* vbi de Perſeuerantiæ mune-
re eſt ſermo, inter cætera dicitur; *Tametsi in Dei
auxilio firmissimam spem collocare, & reponere om-
nes debent; Deus enim nisi ipsius gratiæ defuerint,
ſicut capit opus bonum, ita perficiet operans velle,
& perficere, &c.* igitur Deus incipit cum auxilio
præueniente opus bonum, cui auxilio ſic præuen-
tus poteſt deficere, illud nempe reiſciendo; quòd
ſi non deficeret, Deus cooperaretur perficiendo
opus: quod clarè innuiſſe videtur S. Auguſt. in
lib. 2. de pecc. mer. & remiſſ. cap. 17. inquiens.
*Vt autem innotescat, & ſuaue fiat quod non dele-
ſtabat, gratiæ Dei eſt, quæ hominum adiuuat volun-
tates; qua vt non adiumentur, in ipsis itidem cauſa
eſt: & paulò infra referens dictum Hieremiæ
cap. 10. Scio Domine, quia non eſt in homine via
eius, ait S. Auguſt. tamquam diceret, ſcio ad cor-
reptionem meam pertinere, quod minus abs te adiu-
uer.*

573. Et huc ex eodem S. Auguſt. lib. de Fide, &
oper. cap. 17. & in lib. 2. contra Gaudentium cap.
17. collimat inſignis parabola Saluatoris Lucæ
14. de homine illo, qui fecit cœnam magnam,
& inuitauit multos, & mittens ſeruum ſuum ad
vocandum eos; iſti diuerſis excuſationibus no-
luerunt ire: iterum mittens ſeruum ad vocandum
alios pauperes, debiles, claudos, & cœcos in-
troduxit in cœnaculum: & quia adhuc locus
erat, miſit tertio ſeruum in vias, & ſepes, vt com-
pelleret alios intrare: & tandem dixit, *nemo viro-
rum illorum, qui vocati ſunt, guſtabit cœnam meam:*
S. Doct̃or de fide, & oper. cap. 17. ait: *qui ad-
uerſantur Euangelio, non ſunt inter eos deputandi,
qui ad conuiuium nuptiarum venerunt; ſed inter eos,
qui venire noluerunt: & in alio loco contra Gau-
den-*

dentium ubi supra, dicit: *Exi in vias, & sapes, & compelle intrare: intelligimus vias hereses, Schismata sapes. Viæ quippè hoc loco significant diuersas opiniones; sapes autem per diuersas opiniones. Quid autem miramini, si non corporalis cibi, sed spiritualis fame moritur quisquis ad istam cenam, nec libenter introductus, nec violenter impulsus ingreditur: hæc Augustinus. Si ergo recusant intrare in Ecclesiæ cenam vocati, sibi imputent, si Dominus eos indignos reputat, inquit, Nemo illorum, qui vocati fuerunt, gustabit cenam meam. Non ergo inanis est gratia sufficiens vocationis; alioquin Deus, nec vocaret, nec puniret eos, qui respuunt vocationem.*

S. August.
sensus de
vocationis re-
spondebatur

Contra secundum negantium auxilium, sufficiens dictum, quòd scilicet Christus illud nobis per suam passionem non meruerit, sic inuehor. Omnia dona supernaturalia, quæ nobis Deus largitur, etiam præuenientia auxilia, illuminationes, ac inspirationes, quas homo potest abijcere, per Christum Deus concedit: Ergo ea omnia nobis meruit Christus: Euidens est consequentia. Anteced. est ipsiusmet Concilij Tridentini in sess. 6. cap. 5. ubi de exordio, ac dispositione ad iustificationem adultorum, dicit: *Iustificationis exordium in adultis à Deo per Christum Iesum, præueniente gratia, sumendum esse, hoc est ab eius vocatione, qua nullis eorum existentibus meritis vocantur, &c. igitur Deus concedit gratiam præuenientem vocationis, ac inspirationis per Christum, idest per merita Christi: in cap. 7. docet Christum fuisse causam meritoriam nostræ iustificationis: iustificatio autem prærequirit gratiam excitantem, seu præuenientem, ac inspirationem ad faciendum actus fidei, spei, dilectio-*

Christus
gratiam e-
tiam suffi-
cientem
nobis me-
ruit.

Ex Concil.
Trid.

nis, ac pœnitentiæ ex eodem *in cap. 6. & can. 3.*
 & in eodem *cap. 7.* dicitur: *quamquam nemo possit esse iustus, nisi cui merita passionis Domini Nostri Iesu Christi communicantur: in cap. 11.* de iustificatis dicitur; *piè viuentes proficere possunt per Christum Iesum, per quem accessum habuerunt in gratiam istam.* Accessus autem ad gratiam iustificantem habetur, vt ex nuper dictis, per gratiam præuenientem, & inspirationem habitam, per Christum, & sine ea haberi non potest talis accessus in adultis: illa autem est gratia, quæ dicitur *sufficiens*, quæ, quando ei coniungitur efficax faciens facere actus illos credendi, sperandi, diligendi, ac pœnitendi, habet etiam annexam iustificationem, quæ fit per remissionem peccatorum, & gratiam habitualement sanctificantem, quæ est causa formalis iustificationis. Si autem præuentus per excitantem gratiam, ac inspirationem, eam reiicit, sicut potest facere, ex eodem Concilio, & ei non coniungitur efficax, nec iustificatio, non propterea dici debet, quod non fuit præueniens gratia, & inspiratio, ex Christi merito impertita; sicut ex hoc, quod quis non vtitur, vel abutitur Sacramento Baptismi, vel alio, non propterea sequitur, quod Christus non meruit etiam pro illo Sacramenta. Omnem ergo gratiam, omneque supernaturale donum Christus Dominus nobis meruit, quamuis nos ingrati eis abutamur, vel ea reiiciamus.

Præterea Saluator *Ioann. 15. 5.* inquit, *sine me nihil potestis facere:* igitur per eum, idest per merita eius, seu per dona, quæ ipse nobis acquisiuit suis meritis, possumus bona opera facere, præcepta seruare, & à peccatis abstinere. Sed sine gratia sufficiente, excitatione, inquam, &

inspi-

Plura C6-
il. loc.

Argum. ad
hominem.

Locus Ios
ad rem.

inspiratione diuina ad bonum opus faciendum, non possumus opus illud facere, & cum illa possumus: Ergo illam nobis Christus meruit. Omnia siquidem supernaturalia dona, quæ habemus, per Christi merita habemus; & propterea Sancta Mater Ecclesia quæcumque bona à Deo petit, per passionem, eiusque merita petit, concludens omnes collectas *per Christum Dominum Nostrum*.

574. Neque aliquid vrget instantia negantium sufficientem gratiam hominibus per Christum acquisitam, quia effectum principalem non seper obtinet: innumeri enim tam infideles, quam fideles excitati, ac inspirati ad opus bonum, illud non efficiunt; & sic inaniter Christus gratiam illam meruisset. Respondetur enim, vt sepe diximus habere suum effectum, excitationem, & inspirationem passiuam, vt omnes experiantur, quamuis non omnes exequantur id ad quod excitantur, quia excitationem, & inspirationem reiiciunt, *quia vocati, & renuistis*, &c. Si ergo de facto dantur istæ excitationes, & inspirationes, sicut dici nequit, quod eas Deus inaniter concedit; & ita neque Christus inaniter nobis meruit: omnia enim, quæ in mente Patris à se facienda nouit, fecit, inquit, *quæ placita sunt Deo hæc facio semper, & sicut Pater dedit mihi mandatum sic facio*. Si Deus Pater, idest, Sanctissima Trinitas ab æterno istam gratiam aliquibus dare decreuit, non vltiorem, hanc eis Christus meruit. Quia verò idem Deus ab æterno decreuit alijs dare vltiorem gratiam, nempe efficacem, Christus pro eis illam meruit. Si autem queratur, cur Deus prioribus decreuit dare illam, tantum, & non aliam? posset fortasse quis dicere (sicut de decreto reprobationis dictum est)

Ad obiecta
negantium
gratiam
sufficientem
respond.

quia

Interroga-
tio imper-
tinens.

Responſio
Apoſtol. &
Auguſt.

Alia Aug.
reſponſio.

646 DE GRATIIS ACTUALIBVS, &c.

quia Deus præſciuit tales reiecturos illam gratiam. At eſto ſic. Si ulterius quis interrogaret, cur præſciens illos reiecturos illam gratiam, non decreuit dare eis gratiam efficacem, ne reijcerent, ſed conſentirent, ſicut decreuit pro alijs? Ad hoc, ſicut aliàs feci, reſpondeo cum Apoſtolo Rom. 9. *O homo tu quis es, qui reſpondeas Deo? Numquid dicit figmentum ei, qui ſe fixit, quid me feciſti ſic? An non habet poteſtatem figulus luti ex eadem maſſa facere, aliud quidem vas in honorem, aliud verò in contumeliam?* Vel reſpondeo cū eodem in cap. 11. *O altitudo diuitiarum ſapientiæ, & ſcientiæ Dei, quàm incompræhenſibilia ſunt iudicia eius, & inueſtigabiles viæ eius! Quis enim cognouit ſenſum Domini, aut quis conſiliarius eius fuit? Quoniam ex ipſo, & per ipſum, & in ipſo ſunt omnia: qua reſponſione S. Auguſtinus Doctör gratiæ ad hoc propoſitum pro curioſis hæc Dei occulta iudicia perſcrutantibus, pluſquam ſexcenties in ſuis operibus vtitur. Vel tandem cum alijs eiufdem S. Auguſtini reſponſionibus, prima in lib. 1. de Prædeſt. SS. cap. 8. in fine. *Cur autem potius hunc, vel illum liberet, inſcrutabilia ſunt iudicia eius, & inueſtigabiles viæ eius. Melius enim & hic audimus, aut dicimus: o homo tu quis es, qui reſpondeas Deo, quam dicere audeamus, quaſi noverimus, quod occultum eſſe voluit, qui tamen aliquid iniuſtum velle non potuit. Alia reſponſio S. Auguſtini ad hanc interrogationem habetur in lib. de ſpir. & lit. cap. 34. in fine, vbi de hoc puncto diſcurrens, cur Deus alicui gratiam concedat, ad quam ſequitur, alteri aliam ad quam non ſequitur effectus; ſic reſponder. *Iam ſi ad illam profunditatem ſcrutandam quiſquam nos coarctet, cur illi ita ſuadeatur, vt perſuadeatur illi autem non*
ita:**

ita : duo sola occurrunt interim , quæ respondere mihi placeat : ò altitudo diuitiarum ; & numquid iniquitas apud Deum ? cui responsio ista displicet , quærat doctiores , sed caueat , ne inueniat præsumptiones : itaque admittit S. Augustinus gratiam , qua suadetur quis , & persuadetur ; & gratiam qua alter suadetur , at non persuadetur : (hanc vocamus sufficientem) causam verò huius differentiæ se nescire ait , sed ad altitudinem diuitiarum sapientiæ Dei remittit , consolans omnes , quòd apud eum non est iniquitas , aut personarum acceptio , sed misericordia , & iustitia : Cui sit gloria in sæcula .

Ex Aug da
tur gratia
cui resisti-
tur .

CAPVT XXIII.

An aliqua gratia interdum cadat sub merito .

575. **A**Du. 1. Quòd nomine gratiæ veniunt omnia dona Dei , quæ hominibus à Deo ex sua liberalitate conferuntur , siue naturalia , siue supernaturalia , siue corporalia , siue spiritualia , ipsumque totum esse hominis ; omnia enim Deus nobis *gratis* largitur , nulli enim debet Deus ; nam ex Rom. II. 35. *Quis prior dedit illi , & retribuetur ei ? Quoniam ex ipso , & per ipsum , & in ipso sunt omnia : sed hic non loquimur de gratia in tanta latitudine .* 2. Nominè gratiæ veniunt dona spiritualia , & supernaturalia , quæ in via conferuntur hominibus , ut sunt Virtutes Theologicæ , Fides , Spes , & Charitas ,
Gra-

Omnia do-
na data à
Deo homi-
nibus di-
cuntur gra-
tiæ .

Non fit ser-
mo de gra-
tia sic ac-
cepta.

Gratia item habitualis, si ponatur distincta à Charitate; Virtutes Cardinales, si teneatur infundi cum Theologicis; septem dona Spiritus Sancti; nouem gratiæ gratis datæ; octo beatitudines, & vita æterna; & tandem Gratia actualis, de qua in toto hoc Opusculo locuti sumus, quæ actuale etiam auxilium appellatur.

576. Adu.2. Quòd quamuis de gratia actuali fuerit tota, ac perpetua disputatio S. Augustini cum Pelagio, ac Celestio, eorumque assleclis, quando (licet fictè, & equiuocè) admiserunt necessitatem gratiæ, & sub merito cadere posse dicebant auxilium gratiæ; & de hac præcipuè hinc nobis esset loquendum, nihilominus existimans alicuius fore vtilitatis nostris tyronibus, si de omni supernaturali gratia aliquid dicam, an aliqua earum cadere possit sub merito, & quomodò, pro mea tenuitate libenter exequar, exclusis priùs ijs, quæ non cadunt sub merito.

Quid sit
meritum.

577. Adu.3. & suppono ex communi Theologorum sententia, vt dixi in tomo de Incarnatione, quòd meritum est actio aliqua, cui ex pacto aliquo, seu lege debetur merces, seu præmium; & distinguitur in bonum, & malum, quod propriè vocatur demeritum. Bono ex pacto, seu lege debetur præmium; malo verò debetur supplicium: de bono est nobis sermo, & apud Deum. Supponendum pariter cum eadem communi sententia, quòd ad constitutionem meriti apud Deum hæc 5. requiruntur: primùm, vt sit opus moraliter bonum, quod Deus ipse indicauit Caino Gen. 4. *Nonne si bene egeris recipies; sin autem malè, statim in foribus peccatum aderit.* 2. vt sit opus bonum liberum, ex 1. Cor. 9. *Si volens hoc ago mercedem accipio.* Licet Deus ex sua liberalitate ac-
cepta-

ceptare posset passionem alicuius sine libertate, perperam, & ei conferre præmium, ut cum innocentibus fecit occisis in odium Christi. 3. requiritur, ut sit opus factum ab homine viatore, nam post mortem nemo potest mereri: Ecclesiaste 11. 3. *Si exciderit lignum ad Austrum, aut ad Aquilonem, in quocumque loco ceciderit, ibi erit*: idè Paulus ad Galat. 6. ait, *dum tempus habemus operemur bonum*. 4. requiritur, ut sit opus bonum factum ab homine existente in statu gratiæ, sicut docuit Saluator, *Manete in me, & ego in vobis: sicut palmes non potest facere fructum à semetipso, nisi in vite manserit, sic nec vos, nisi in me manseritis: ego sum vitis, vos palmites; qui manet in me, & ego in eo, hic fert fructum multum, quia sine me nihil potestis facere*: Ioann. 15. 5. & Concilium Trident. sess. 6. cap. 16. docet, quod sine gratia per Christum antecedente, comitante, & subsequente, opera bona, nullo pacto Deo grata, & meritoria esse possent. 5. tandem ad meritum apud Deum requiritur aliquod pactum, seu promissio diuina de compensatione, seu retributione alicuius boni, seu mercedis pro opere bono ab ipsomet Deo præcepto, seu pro passione pro nomine eius, seu pro fide perperam. De hac promissione vitæ æternæ, & aliorum conducentium ad eam, abundat Sacra Scriptura: idè notandum valdè est ex S: Augustino ser. 16. de Verb. Apost. quod, cum Deus ex gratia concedat homini vitam æternam, hæc concessio dicitur quidem actio iustitiæ, sicut ait Apostolus, *reposita est mihi corona iustitiæ, quam reddet mihi Dominus iustus Index, & omnibus, qui, &c.* tamen non est iustitia in rigore, quia gratia est semen gloriæ; & idè, ut postea dicam, vita æterna dicitur gratia pro gratia;

Requisita
ad meritum
saltem
quinque.

Ut sit opus
moraliter
bonum.

Liberum.

A viatore
factum
existente,
in gratia.

Et factum,
seu promissio
Dei de
præmio.

tia; sed dicitur iustitiæ actio largè, ex promissione Dei, qui fidelis est: ait enim S. Doctor. Debitor nobis factus est Deus non aliquid à nobis accipiendo, sed quod ei placuit promittendo nobis, ut dicamus ei: redde, quod promissisti, quia fecimus quod iussisti, & hoc ipsum quod fecimus, tu fecisti, quia nos laborantes tu iuivisti.

578. Adu. 4. quòd sensus huius quæsti duplex esse potest. Primus, an sub merito ex naturæ viribus procedente cadere possit aliqua gratia, sicut aliqui Semipelagiani olim docebant, contra quos toto vitæ suæ tempore pugnauit, & Ecclesia iudicante, vicit S. Augustinus. Alter sensus quem à paucis video discursum, (& tamen pijs viris scitu dignus est) an gratia aliqua cuiuscunque generis cadere possit sub merito procedente, ab homine existente in statu gratiæ, benè, ac sanctè operante, Deumque precante, ut nouas gratias, vel earum augmentum ei concedat, ex pacto aliquo, vel promissione, sicut dicitur de alijs donis spiritualibus, quæ ex promissione, seu pacto per Christum expresso, obtineri possunt: Ioann. 14. 13. *Quodcumque petieritis Patrem in nomine meo, hoc faciam, ut glorificetur Pater in filio. Si quid petieritis Patrem in nomine meo, hoc faciam:* his autem suppositis

579. Dico 1. Prima gratia vocationis ad fidem, vel ad pœnitentiam cadere non potest sub merito ex naturæ viribus procedente: est de fide.

580. Prob. 1. Ex Rom. 11. 8. *Si autem gratia, iam non ex operibus; alioquin gratia non est gratia. Interl. dicit, non est gratia, sed debitum.*

Theodoretus in eum locum dicit. *Salus etiam*

Deus factus est debitor hominibus ex sua liberalitate.

Sensus quæsti duplex

Vnus reicitur.

Prima gratia vocationis non potest cadere sub merito.

Theodoret

etiam gratia appellatur, quia ex diuina liberalitate, ac munificentia profecta est. Hoc etiam dixit, ubi egit de Patriarcha Abraham: Operanti autem merces non imputatur secundum gratiam, sed secundum debitum.

581. Prob. 2. ex Concil. Diospolit. cap. 7. Gratia Dei adiutorium ad singulos actus bonos necessarium non datur secundum nostra merita: idem confirmat Gelasius Papa in epist. 6.

Ex Concil.
Diospolit.
Ex Gelaso.

582. Prob. 3. ex Concil. Araus. 2. plura de hac re dicente, quod nempe gratia semper precedere debeat opus bonum, non verò sequi illud: in can. 4. ait. Gratia Dei preparat voluntatem hominis, ut purgetur, &c. non expectat voluntatem: in can. 6. inquit. Gratia Dei est causa cur homo credat, velit, petat, & alia bona faciat: in can. 8. dicit. Gratia precedit bona opera, ut fiant: Ergo non cadit sub merito.

Ex Concil.
Araus. 2.

583. Prob. 4. ex pluribus Cœlestini primi dictis: in epist. 1. cap. 8. A gratia Dei omnia bona opera habent originem: in cap. 12. ait. A gratia Dei procedunt bona opera. Item, Gratia Dei cooperatur homo; & hoc donum Dei est.

Ex Cœlest.

S. Augustini authoritates in sequenti conclusionem referam.

584. Prob. 5. experientia, quod scilicet prima gratia vocationis non possit cadere sub merito. Si sermo sit de Infideli, Gentili, vel Hæretico, experientia docet, quod sic conuertuntur, ut ipsummet Concilium Tridentinum docet, sess. 6. cap. 5. Per gratiam præuenientem vocantur, nullis eorum existentibus meritis; quia siue mediante concionatore, siue immediatè à Deo illuminantur, cum ipsi antea nihil cogitarint de re, de qua illuminantur; quia veritas fidei, de qua il-

Arg. ab ex-
perientia.

luminantur, ac inspirantur, ab eis non cogitabatur; ideò nulla apparet via, quomodò illuminationem illam, ac inspirationem mereri potuerint, *nihil enim volitum, quin præcognitum*; sed à Deo immediatè ex sua misericordia illuminantur, ac inspirantur ad veritatem agnoscendam, & amplectendam: & ideò ex Apostolo vocatur *gratia*, quia *gratis* data. Eamdem experientiam agnoscit peccator, qui vel audiens Concionatorem, vel à Deo immediatè excitatur, & inspiratur ad detestandum peccatum, illudque confitendum; cùm ipse in alijs negotijs esset immersus, nullumque opus fecisset, vt illuminationem, ac inspirationem illam obtineret.

585. Prob. 6. Meritum apud Deum, ex notabili 3. est actio libera procedens ab existente in gratia. Sed ante primam vocationem, ac inspirationem, nec infidelis, nec fidelis lapsus in mortale, est in gratia. Ergo neuter eorum habere potest meritum respectu primæ gratiæ.

586. Dico 2. Gratià adiuuans, seu efficax, per quam infidelis, ac fidelis peccator consentiunt gratiæ excitanti, non cadit sub proprio excitati merito: est de fide, sicut præcedens; immò de hac gratia, quo ad me, principalius videntur locuti Apostolus, Concilia, Pontifices, & S. Augustinus.

587. Prob. omnibus præfatis argumentis. 2. sic: Excitatus, ac inspiratus per illuminationem, ac inspirationem, aut eam reiicit, aut ei consentit: si reiicit, de eo non loquimur: si verò consentit, hoc oritur ex gratia efficaci faciente consentire, & postea exequi, vt in suis locis dictum est: in eo autem casu post excitationem, & immediatè ante consensum, talis excitatus nullum

exer-

Exemplum
vocationis
sine vlla
præiudicia ac-
tione.

Gratia ef-
ficax non
potest ca-
dere sub
merito.

exercet opus, per quod mereri possit gratiam illam facientem consentire, sed post excitationem experitur se statim consentire: igitur non potest eam mereri, sed à Deo ex sua misericordia, iuxta æterna suæ sapientiæ iudicia, gratis eam obtinet: & ideò gratia, & verè gratia est, non merces, aut præmium. Si ergo quis non meruit gratiam excitantem, neque meret efficacem.

Ab expectantia arg.

588. Prob. 2. dogmaticè: ex Philipp. 3. Deus est, qui dat velle, & perficere pro bona voluntate. 2. Cor. 3. 5. non sumus sufficientes cogitare aliquid ex nobis, tamquam ex nobis, sed omnis sufficientia nostra ex Deo est: & 1. Cor. 4. 3. Quid habes, quod non accepisti? si autem accepisti, quid gloriaris, quasi non acceperis?

Dogmaticè prob.

589. Prob. 3. ex Concilijs. Diospolitano cap. 7. definit hoc modo. Gratia Dei adiutorium ad singulos actus bonos necessarium non dari secundum hominis merita: Ergo multò minus ob merita infidelium, aut fidelium peccatorum. Concil. Araus. 2. c. 3. sic definit. Gratia Dei facit, ut ipsa innocetur: in can. 4. Gratia Dei preparat voluntatem hominis, ut ipsa purgetur, velit, ac proficiat; & non ipsa expectat voluntatem: in can. 6. Gratia Dei est causa cur homo credat, velit, petat, & cetera bona faciat: in can. 18. Gratia Dei præcedit bona opera, ut fiant, & c. igitur nullo modo potest homo mereri gratiam illam adiuuantem, seu efficientem, per quam præuentus, seu excitatus ad opus bonum faciendum, consentit facere, & postea facit.

Conc. Dio. spolit.

Concil. Araus.

590. Prob. ex Concil. Trident. sess. 6. cap. 5. in quo exactè decernitur modus iustificationis, & præparatio ad eam per actus credendi, diligendi, aut

Conc. Trid. exactè,

aut pœnitendi factos absque meritis iustificando-
rum. *Declarat ipsius iustificationis exordium in a-*
adultis à Dei per Christum Iesum præueniente gratia
sumendum esse; hoc est ab eius vocatione, qua nullis
eorum existentibus meritis vocantur, vt qui per pec-
cata à Deo auersi erant, per eius excitantem, atque
adiuuantem gratiam ad conuertendum se ad suam ip-
sorum iustificationem eidem gratiæ liberè assentiendo,
& cooperando disponantur, &c. nullum ergo me-
ritum adest in homine, cuius intuitu Deus confe-
rat gratiam efficacem, per quam infideles, seu
fideles peccatores, vel excitentur, vel excitati
consentiant, & exequantur.

591. Confirmatur argumento à fortiori de-
sumpto ex eodem Concilio eadem *sess. 6. cap. 8.*
vbi exponens illud Rom. 5. *iustificari gratis per fi-*
dem, duo dicit; primum, quòd licet causa for-
malis iustificationis sit gratia sanctificans *ex cap.*
præced. dicitur tamen fides iustificare tamquam
radix, à qua incipit iustificatio, ab actu scilicet
credendi *ex cap. 6.* Secundum ad rem nostram, est,
quòd quamuis actus credendi, sperandi, diligen-
di, ac pœnitendi præcedant iustificationem; hæc
tamen, dicit, sit *gratis*, idest sine meritis: igitur
multò minus gratia illa, quæ facit credere, spe-
rare, diligere, ac pœnitere datur ex meritis, sed
est omninò gratuita. Verba Concilij sunt hæc: *gra-*
tis autem iustificari idèd dicimur, quia nihil eorum,
quæ iustificationem præcedunt, siue fides, siue opera,
ipsam iustificationis gratiam promeretur: si enim gra-
tia, iam non ex operibus; alioquin, vt idem A po-
stolus inquit, gratia iam non est gratia.

592. Confirmatur ex alio loco eiusdem Con-
cilij in eadem *sess. 6. c. 13.* vbi de Perseuerantiæ do-
no loquens dicit. *Deus enim, nisi illius gratiæ desue-*
rint,

rint, sicut capit opus bonum, ita perficiet, operans velle, & perficere. Cùm ergo Deus illuminat, ac inspirat, tunc incipit opus bonum independenter à merito illuminati, ac inspirati: & si hic non defuit gratiæ Dei, idest, si eam non respuit (vt multi faciunt) Deus ipse, sine vlllo istius merito, perficit illud opus bonum, idest concedit gratiam efficacem, per quam voluntas vult illud facere, & facit.

593. S. Augustinus sepissimè hanc conclusionem probat, quòd scilicet gratia ista dicta, *qua*, seu auxilium *quo*, necessarium homini post Adami lapsum, necessarium, inquam, ad sanctè operandum, sine merito illorum, qui recipiunt, Deus ex sua mera misericordia concedit, vt per illud, seu illam operentur: ita docet in Euangel. Ioan. tract. 3. tract. 82. tract. 86. & tract. 87. in lib. 6. cont. Iulian. Pelagianum cap. 8. in lib. cont. Pelagium, & Celestium. De gratia Christi lib. 1. cap. 22. & 23. in lib. de Bono Persenerantia cap. 8. 12. & 13. in lib. de Vera Innocentia cap. 374. lib. 1. ad Simplicianum qu. 2. in lib. de Gratia, & lib. arbit. cap. 1. 5. 14. & 21. in lib. de Patientia cap. 20. in lib. 3. Hippognosticon. in lib. de Nat. & Grat. cap. 4. in lib. 1. de pecc. mer. cap. 21. in lib. 1. cont. Pelagium cap. 22. & 23. in lib. 1. cont. duas epistolas Pelagianorum cap. 19. & 20. & deficeret tempus, si alia omnia eius loca narrare vellem. Constans autem eius voluntas est, quòd tam gratia vocationis dicta *sine qua non*, & cui voluntas resistit aliquando, quàm gratia *qua*, qua nempè est efficax faciens facere opus bonum, sine meritis hominis *gratis*, à Deo ex sua misericordia conceduntur.

594. Dico 3. Gratia habitualis sanctificans, seu

3. arg. ex
Concil.

S. Aug. loca
plura, in
quibus
docet gra-
tiam sine
misericor-
dia.

Gratia ha-
bitualis sã

Iustificans
non cadit
sub merito

656 DE GRATIIS ACTVALIBVS, &c.
seu iustificans, non cadit sub merito.

595. Prob. ex modò dictis per Trid. Concil.
si enim sermo sit de paruulis, certum est, quòd
absque vllò proprio actu, in vim meritorum,
Christi iustificantur per infusionem Gratiae, &
donorum, fidei, spei, & charitatis: & de his non
est sermo; sed de adultis, quos dicimus, quòd sine
proprijs meritis, licet præcedentibus ex Dei gra-
tia quibusdam dispositionibus, scilicet actibus
proprijs fidei, spei, charitatis, ac pœnitentię, ob-
tineant iustificantem, seu sanctificantem gratiã;
illi tamen actus non sunt merita gratiæ illius san-
ctificantis, quia licet proueniant ab homine ex-
citato, inspirato, & adiuto à Dei actuali gratia,
seu auxilio supernaturali, non adhuc tamen filio
Dei, quia talis euadit per gratiam habitualement
sanctificantem. Vt autem clariùs pateat nostra,
sed communis conclusio, placet ordinem iustifi-
cationis à Concilio sancitum breuiter adduce-
re; ex eo enim colligitur totam iustificationem,
ex gratia obtineri: in sess. 6. cap. 5. dicitur. *Do-
cet præterea ipsum iustificationis exordium in adul-
tis à Dei per Christum Iesum præueniente gratia su-
mendum esse, hoc est ab eius vocatione, qua nullis
eorum existentibus meritis vocantur; ut qui per pec-
cata auersi erant, per eius excitantem, atque adiu-
uantem gratiam ad conuertendum se ad suam ipsorum
iustificationem, eidem gratiæ liberè assentiendo, &
cooperando disponantur: in cap. 6. Declaratur, quo-
modò fiat hæc dispositio ad iustificationem. Di-
sponuntur autem ad iustitiam, dum vocati diuina gra-
tia, & adiuti fidem ex auditu concipientes liberè
mouentur in Deum, credentes vera esse, quæ diuini-
tus reuelata, & promissa sunt, &c. at dum cogno-
scentes se esse peccatores, sperant per Christi merita,*

in

Conc. Tri-
dent. clarè
argum.

Ordo ius-
tificationis
per
Conc.

in Baptismo sibi condonanda fore peccata, &c. Deum tamquam omnis iustitiæ fontem diligere incipiunt, & mouentur aduersus peccata per eorum odium aliquod, & detestationem, proponunt suscipere baptismum, inchoare nouam vitam, & seruare diuina mandata: hæc est dispositio per Dei gratiam præuenientem; & adiuuantem, seu efficacem secuta: in cap. 7. dicitur. Hanc dispositionem, seu preparationem iustitia ipsa consequitur, quæ non est sola peccatorum remissio; sed & sanctificatio, & renouatio interioris hominis per voluntariam susceptionem gratiæ, & donorum: & post multa dicitur. Quamquam enim nemo possit esse iustus, nisi cui merita passionis D. N. Iesu Christi communicantur: id tamen in hac impij iustificatione fit dum eiusdem sanctissimæ passionis merito per Spiritum Sanctum charitas Dei diffunditur in cordibus eorum, qui iustificantur, atque ipsis inhaeret. Vnde in ipsa iustificatione cum remissione peccatorum, hæc omnia simul infusa, accipit homo per Iesum Christum, cui inferitur, fidem, spem, & charitatem, &c. Ecce ordo iustificationis: At quoniam remanebat vnum, dubium soluendum, quia Apostolus Rom. 5. dicit, Iustificari gratis per fidem, Concilium in cap. 8. ad rem nostram sic declarat, Per fidem iustificari dicimur; quia fides est humanæ salutis fundamentum, & radix omnis iustificationis, sine qua impossibile est placere Deo, & ad filiorum eius consortium peruenire. Gratis autem iustificari idè dicimur; quia nihil eorum, quæ iustificationem præcedunt, siue fides, siue opera, ipsam iustificationis gratiam promeretur. Si enim gratia est; non iam ex operibus; alioquin, vt idem Apostolus inquit, gratia iam non est gratia. Concludendum ergo, quòd non solum gratia præueniens, ac adiuuans, & ipsamet gra-

Omniem
difficultatē
tollit Con-
cilium.

658 DE GRATIIS ACTVALIBVS,&c.

tia sanctificans , quæ est causa formalis iustificationis ; sed totum opus iustificationis , & quoad singulas partes, sine merito obtinetur, sed gratis ex Dei misericordia .

596. Videndum modò , quænam cadere possunt sub merito , si non ex debito iustitiæ , saltem ex promissione diuina, Deique fidelitate , vt ex Augustino notauimus , quòd Deus voluntariè debitor noster fieri voluit , promittendo nobis quæ voluit .

597. Dico igitur 4. In iustis existentibus in gratia sanctificante ex Dei promissione , non ex debito iustitiæ, augmentum fidei, spei, & charitatis, seu gratiæ cadere possunt sub merito per opera bona facta ab eis cum auxilio gratiæ .

598. Prob. 1. quòd isti habitus possunt augeri. Apostoli Lucæ 17. 1. petunt à Christo, *Domine adauge nobis fidem*: & Ecclesia in Oratione Dominicæ 13. post Penthecosten sic orat. *Deus da nobis fidei, spei, & charitatis augmentum* .

599. Prob. 2. ex Concil. Trident. sess. 6. cap. 10. vbi de augmento iustificationis , idest donorum , quæ iustificationem constituunt , sic loquitur. *Sic ergo iustificati, & amici Dei euntes de virtute in virtutem renouantur, vt Apostolus inquit de die in diem, hoc est mortificando membra carnis suæ, & exhibendo ea arma iustitiæ, in sanctificationem, per obseruationem mandatorum Dei, & Ecclesiæ, in ipsa iustitia per Christi gratiam accepta, cooperante fide bonis operibus crescunt, atque magis iustificantur, sicut scriptum est. Qui iustus est iustificetur adhuc: & iterum, Ne verearis vsque in finem iustificari: & rursus. Videtis quoniam ex operibus iustificatur homo, & non ex fide tantum: Iac. 2. Hoc verò iustitiæ incrementum petit Sancta Ecclesia, cum*

orat,

Aliqua cadere possunt sub merito ex Dei promissione .

Habitus Theologici possunt augeri .

Ex Concil. Trid.

Ex Orat. Ecclesiæ .

orat, da nobis fidei, spei, & charitatis augmentum: & in can. 24. Si quis dixerit iustitiam acceptam non conservari, atque etiam non augeri coram Deo per bona opera, sed opera ipsa fructus solummodò, & signa esse iustificationis adeptę, non autem ipsius augendę causam, anathema sit.

600. Cõfirmatur. Omnia Sacramenta in non ponente obicem causant gratiam ex Tridentino sess. 7. canon. 6. & 8. cum hac tamen differentia, quòd duo Sacramenta Baptismi, & Pœnitentię dicta sunt mortuorum, quia suscitant mortuos, per peccatum conferendo primam gratiam sanctificantem; cetera quinque dicuntur vivorum, quia iustis tantum conferunt augmentum gratię sanctificantis. Ergo tam gratia, seu charitas, quę per Scotum idem sunt, quàm alię Virtutes Theologicę per bona opera augentur.

601. Prob. modò, quòd augmentum concessum à Deo intuitu bonorum operum cadat sub merito promissionis diuinę, non verò debiti iustitię. De merito iustitię patet, quòd non adsit, quia sicut docet S. Augustinus, & ante eum S. Paulus, ut patuit, Deus ex debito iustitię nulli debet: de merito verò promissionis sic probatur. Apocal. 22. 11. præcipitur, qui iustus est, iustificetur adhuc, & qui sanctus est, sanctificetur adhuc: idest iustus incumbat, ut fiat iustior, & sanctus, ut fiat sanctior: at hoc fit per novos gradus Sanctitatis, quos Deus concedit iustis, & sanctis, quos nequit à semetipso homo producere. Sed, ut ex Concilio nuper vidimus, per fidem, & bona opera habetur hoc iustitię, & sanctitatis augmentum. Ergo per ea opera à Deo requisita, tamquam merita, sine quibus maiorem sanctitatem non cõcederet, regulariter. Con-

Ex effecti-
bus Sacra-
mentorum.

Sub merito
promissio-
nis cadit
augmen-
tum virtu-
tum.

sequ. prob. Opera illa bona facta à iusto habent omnes conditiones meriti ex¹ promissione : sunt enim bona , vt suppono ; sunt libera ; sunt facta à viatore ; sunt facta à iusto existente in gratia ; tandem supponunt pactum diuinum de augendo gratiam contentum implicite in præfato dicto , *qui iustus est , iustificetur adhuc ; & qui sanctus est , sanctificetur adhuc* , quia homo per Dei gratiam , dispositiue tantum concurrat ad illam per bona opera ; Deus verò effectiue per productionem , augmenti sanctificantis gratiæ . Ergo implicite eam promittit sancto , & iusto bene operanti . Si enim de hac promissione Dei, fidelitate, & benignitate , non esset certus , ea opera non faceret .

602. Confirmatur à pari de vita æterna, quæ promittitur homini bene operanti , & ideò bona opera dicuntur in iusto merita respectu vitæ æternæ , vt dicam postea .

603. Confirmatur 2. ex alia promissione Christi Matth. 13. 12. & cap. 25. 29. *habenti dabitur , & abundabit* : igitur homo iustus habens gratiam sanctificantem , credens quòd possit ei conferri alius gradus illius per sua bona opera facta cum Dei auxilio , & in ea abundare , dum ea facit , cum promissione Dei facit : igitur sunt merita promissionis .

604. Dico 5. Iusti orantes , & postulantes à Deo alia spiritualia bona conducentia ad salutem propriam , vel proximi , vt dona Spiritus Sancti , &c. per multiplicationem bonorum operum possunt mereri à Deo eorum assecutionem , non quidem per modum debiti iustitiæ , sed promissionis .

605. Prob. sicut præcedens, 2. A Christo Domino

Bona opera iusti habent omnia requisita talis meriti.

Promissio patet ex Script.

Alia dona cadere possunt sub merito promissionis.

mino facta est hæc promissio de omni spiritu bono concedendo 'postulantibus: Lucæ enim 11. 13. ait. *Si vos cum sitis mali nostis bona data dare filijs vestris; quanto magis Pater vester de Cælo dabit spiritum bonum petentibus se.* Si ergo iusti postulant à Deo spiritualia bona, & ad ea obtinenda multa bona opera faciunt, nihil deest istis operibus quin dicantur merita promissionis: & ideo S. Iacobus in sua epist. cap. 1. 3. iustos sic hortatur. *Patientia autem opus perfectum habet, ut sitis perfecti, & integri in nullo deficientes. Si quis autem indiget sapientia, postulet à Deo, qui dat omnibus affluenter, & non impropere, & dabitur ei. Postulet autem in fide nihil hæsitans: ecce promissio assequendi: si autem iustus præter postulationem, opera bona multiplicet, & præsertim supererogatoria, meritum promissionis habebit: & hæc dona pro Colossensibus impetranda per suas orationes, aliaque sua opera orabat Paulus Coloss. 1. 9. Non cessantes pro vobis orantes, & postulantes, ut impleamini agnitione voluntatis eius in omni sapientia, & intellectu spirituali, ut ambuletis dignè, Deo per omnia placentes, in omni opere bono fructificantes, & crescentes in scientia Dei in omni virtute confortati secundum potentiam claritatis eius; sua meritoria opera applicabat Paulus; ut Deus illa dona Colossensibus concederet.*

608. Dixi, per meritum, non debiti iustitiæ, quia, ut sæpè dixi, Deus nemini debet, sed promissionis, ut cum August. diximus in notabili 3. quia debitor factus est nobis Deus, quod ei placuit promittendo nobis; ut dicamus ei, redde, quod promissisti, quia fecimus, quod iussisti; & hoc ipsum quod fecimus tu fecisti, quia nos laborantes tu iuuvisti.

Quo-

Ex Christi
promissio-
ne.

Deus volū-
tariè factus
est nobis
debitor.

Quoties ergo legimus in Sacra Scriptura Dei promissionem alicuius boni spiritualis pro aliquo opere facto ab existente in gratia, legimus, Deum sua benignitate debitorem talis boni, si opus fiat: & consequenter tale opus dici potest meritum promissionis, non debiti iustitiæ.

607. Dico 6. Iusti, idest, existentes in gratia sanctificante petentes à Deo continuationem, & multiplicationem auxiliorum diuinæ gratiæ per bonorum operum multiplicationem possunt ea obtinere per modum meriti promissionis, non debiti iustitiæ.

608. Prob. eisdem argumentis. Deus promisit adiuuare petentes auxilium suum, & sic iuxta Augustini doctrinam, ex sua benignitate, ac fidelitate factus est debitor: igitur iustus recurrens pro auxilijs, si per bona opera facta ex eiusdem Dei auxilio curet reddere sibi Deum, propitium, meretur ex promissione illa obtinere: in hoc enim, vt sepè dixi, consistit meritum promissionis: Anteced. prob. ex psal. 90. vbi de iusto fit sermo; *Qui habitat in adiutorio Altissimi, in protectione Dei Cæli commorabitur: &c.* in quo præ cæteris, quæ promittuntur homini iusto, adduntur hæc. *Quoniam in me sperauit, liberabo eum, protegam eum, quoniam cognouit nomen meum; Clamabit ad me, & ego exaudiam eum: cum ipso sum in tribulatione, eripiam eum, & glorificabo eum; longitudine dierum replebo eum, & ostendam illi salutare meum.*

609. Theodoretus in psal. 90. post quam discussit omnia beneficia, quæ in eo Deus promittit præstare homini iusto, explicans illam promissionem, *Quoniam in me sperauit liberabo eum*, & cætera sequentia, ait. *Deus edocet, qui nam sit spei fru-*
ctus

Alia auxilia potest iustus mereri promissionis merito.

Ex S. Scriptura.

Ex Theodoretto promissio diuina probatur.

Etus: liberabo eum, inquit, ex supradictis visibilibus, inuisibilibusq; insidiatoribus ipsum mea ope munitu: idcirco eum custodiam, & protegam, audiam, & preces admittam, & si in aliquam tentationem incidere, vna ero, & idoneam consolationem offeram; non modò à grauioribus rebus ipsum liberabo, verum etiam illustrem faciam.

610. Et S. Augustinus in eundem psalmi locum inquit: Nos, qui laboramus in terra, adhuc in tentationibus viuimus: quorum gressus timentur, ne in laqueos incidunt. Audiamus vocem Domini Dei nostri consolantis nos, & dicentis nobis, quoniam in me sperauit, eripiam eum; protegam eum, quoniam cognouit nomen meum: noli timere, quando tribularis, ne quasi non sit tecum Deus in tribulatione. *Fluctus sunt maris: turbaris in nauigio, quia dormit Christus: dormiebat in mari Christus, peribant homines: si fides tua dormit in corde tuo, tamquam in navi tua dormit Christus, quia Christus per fidem in te habitat: cum turbari caperis, excita Christum dormientem: exige fidem tuam, & noueris, quia te non deserit: sed idè putas te deserui, quia non quando vis eripit: eripuit tres pueros de igne. Qui eripuit tres pueros, deseruit Machabeos & absit: & illos eripuit, & istos: illos corporaliter, ut infideles confunderentur; istos spiritualiter, ut fideles imitarentur. Cum ipso sum in tribulatione, eripiam eum, & glorificabo eum: ergo clara est auxiliorum diuinorum promissio.*

Et Christus Dominus, pluries promittit nos fore exaudiendos quoties petierimus Patrem spiritualia bona: Matth. 7. 7. *Petite, & dabitur vobis: & infra, quantò magis Pater vester, qui in Cælis est, dabit bona petentibus se. Lucæ 11. Dabit spiritum bonum petentibus; & ex Matt. omnia quæ-*
cum-

Ex S. August. declaratur promissio.

Christi promissio generalis.

cumque petieritis Patrem in nomine meo, dabit vobis: ecce quales, & quot promissiones; pactum ergo Dei adest: dum autem iustus orat Deum, vt sibi sua augeat, ac multiplicet auxilia, petit spiritum bonum, & si opera bona ex Dei gratia multiplicet, vt exaudiatur, nihil remanet faciendum, vt dicatur, eum promissionis merito exaudiri, eaque obtinere, Vnde hac phrasi vtitur Ecclesia in Dominica prima Aduentus, petendo diuina auxilia, *Excita Domine potentiam tuam, & veni; vt ab imminentibus peccatorum nostrorum periculis mereamur te protegente eripi, te liberante saluari*: notandum, quòd dicit, *mereamur eripi*, & saluari, quod meritum promissionis tantum esse potest, non verò debiti iustitiæ, quia Deus nemini (vt sæpè dixi) absolutè debet, sed ex promissione tantum, ac fidelitate.

611. Concludendum ergo, quòd sicut iustus per bona opera potest dona alia, vel eorum augmentum, supposita Dei promissione, mereri, sic & auxilia, si cum fide, ac spe petat: vt dicere possit cum Augustino, *Domine, redde quod nobis promisisti, quia fecimus quod iussisti &c.*

Dico tandem: Iustus per bona opera, nempe per mandatorum obseruantiam potest mereri merito promissionis maximam omnium gratiam, vitam æternam: est de fide.

612. Prob. facilè: quòd ex promissione diuina, non ex debito aliquo præcedente potest iustus eam mereri, & de facto meretur: ex Matt. 19. 17. *Si vis ad vitam ingredi, serua mandata*, ait Saluator: & interrogatus, *quæ?* responder narrans præcepta Decalogi: & David in psal. 14. quærit, *Domine quis habitabit in tabernaculo tuo, aut quis requiescet in monte sancto tuo?*

& respondet. *Qui ingreditur sine macula, & operatur iustitiam, qui loquitur veritatem in corde suo, & qui non egit dolum in lingua sua, nec fecit proximo suo malum: &c. & tota Scriptura vtriusque Testamenti plena est eiusmodi promissionibus vitæ æternæ, iustis, pro operibus bonis, & mandatorum obseruatione, reddendæ.*

Ex S. Scriptura.

613. Quòd verò vitæ æternæ collatio sit gratia, probatur ex Rom. 6. 23. *stipendia enim peccati mors. Gratia autem Dei, vita æterna in Christo Iesu Domino nostro.* S. August. in Enchir. c. 107. explicans locum istum, dicit: *stipendium peccati mors; ut mortem peccato non immeritò illatam, sed debitam demonstraret: Gratia verò, nisi gratis sit, gratia non est: Intelligendum est igitur etiam ipsa hominis bona merita esse Dei munera, quibus cum vita æterna redditur, quid nisi gratia pro gratia redditur: & in lib. de Correp. & Gratia cap. 13. inquit: verumtamen, quia, & ipsa vita æterna, quam certum est, bonis operibus debitam reddi à tanto Apostolo Dei gratia dicitur, cum gratia non bonis operibus redditur; sed gratis detur: sine vlla dubitatione confitendum est, idèd gratiam vitam æternam vocari, quia meritis redditur; quæ gratia contulit homini. Rectè quippè ipsa intelligitur, quæ gratia in Euangelio legitur, Ioann. 1. gratia pro gratia, idest pro his meritis, quæ contulit gratia: & tract. 3. in Euang. Ioan. circa finem explicans illud, Gratia, & veritas per Iesum Christum facta est, inter alia dicit: Nobis promittitur vita æterna. Hæc est autem vita æterna, ut cognoscant te vnum verum Deum, & quem misisti Iesum Christum; cognitio Dei promittitur, & ipsa est gratia pro gratia. Alia eius Doctoris loca mox referam: ergo vita æterna est verè gratia.*

Ex S. Augustino.

614. Quòd verò per merita acquiratur maximà hæc gratia, probatur. Vita æterna iustis concedenda in sacro textu appellatur merces, Matt. 5. 12. *Gaudete, quoniam merces vestra copiosa est in Cælis*: idem habetur in cap. 10. num. 41. & num. 42. idem habetur Lucæ 6. 23. & num. 29. idem repetit sæpè Apostolus in suis Epistolis: merces autem est præmium meriti: vnde idem Apostolus Rom. 4. 4. ait, *ei autem; qui operatur, merces non imputatur secundùm gratiam, sed secundùm debitum*; & propterea in vtroque Testamento legimus, quòd Deus reddet unicuique secundùm opera sua, & quòd Opera eorum sequuntur illos: si ergo bonis operibus iusti redditur merces vitæ æternæ, quia ex Simbolo Athanasij, qui bona egerunt ibunt in vitam æternam: & ex oraculo Saluatoris Matt. 25. *esurini enim, & dedistis mihi manducare, &c. venite benedicti Patris mei, possidete paratum vobis regnum & constitutione mundi*, sequitur euidenter, quòd bona illa opera iusti sunt merita mercedis, æternæ scilicet vitæ; quæ in vno sensu est merces, in alio gratia, & ideò merces, seu promissionis gratuita præmiũ.

615. Confirmatur. Apostolus vitam æternam appellat *Bravium*, & inuitat fideles ad currendum, vt illud obtineant: ergo cadit sub merito: bravium enim ob meritum datur: Anteced. prob. ex 1. Cor. 9. 24. *Nescitis, quod ij, qui in stadio currunt, omnes quidem currunt, sed vnus accipit bravium? sic currite vt comprehendatis: omnis autem, qui in agone contendit, ab omnibus se abstinere, & illi quidem, vt corruptibilem coronam accipiant, nos autem incorruptam*: & ad Philipp. 3. 14. ait, *quæ quidem retro sunt obliuiscens; ad ea verò, quæ sunt priora extendens me ipsum, ad bravium*

propter
merita da-
tur vita
æterna.

Ex S. Scri-
ptura.

Vita æter-
na est Bra-
vium, &
Corona.

nium supernæ vocationis Dei in Christo Iesu.

616. Interdum vitam æternam vocat coronam, vt in loco priùs citato, & 2. Tim. 25. *non coronabitur nisi qui legitimè certauerit*: interdum, quod quidem consideratione dignum est, vocat vitam æternam, coronam iustitiæ correspondentem laboribus iustorum: 2. Tim. 4. 8. de se, & alijs ait. *Bonum certamen certavi, cursum consummaui, fidem seruaui; in reliquo reposita est mihi corona iustitiæ, quam reddet mihi Dominus in illa die iustus iudex: non solum autem mihi, sed ijs, qui diligunt aduentum eius*: ergo vita æterna cum sit merces, brauium, & corona iustitiæ, datur ob merita.

617. S. Augustinus considerans hunc duplicem modum loquendi Apostoli de vita æterna, quam modò appellat gratiam, tamquàm gratis datam; modò mercedem, brauium, & coronam, quæ ob merita dantur; conatur hæc duo concordare, & quidem ingeniosè de more in lib. de Correp. & Gratia cap. 13. *Verumtamen, quia & ipsa vita æterna, quam certum est bonis operibus debitam reddi, à tanto Apostolo gratia Dei dicitur; cum gratia non operibus reddatur, sed gratis detur: sine vlla dubitatione confitendum est, idèò gratiam vitam æternam vocari, quia his meritis redditur, quæ gratia contulit homini. Rectè quippè intelligitur, quæ gratia in Euangelio legitur, gratia pro gratia, idèst, pro his meritis, quæ contulit gratia.*

618. Et idem S. Doctor iterum conciliat hæc loca Apostoli, quomodò vita æterna detur propter merita, & sit gratia, quæ datur gratis, & non propter merita, in lib. de Grat., & lib. arb. cap. 8. initio dicens: *Nascitur indè non parua quæ-*

Vita æterna est corona iusti-
tiz.

S. Augustinus conciliat hæc duo, quòd sit merces, & gratia.

Iterum, August.

stio. Si enim vita aeterna bonis operibus redditur, sicut apertissimè dicit Scriptura, quoniam Deus unicuique reddet secundum opera eius: quomodo gratia est vita aeterna, cum gratia non operibus reddatur, sed gratis detur, ipso Apostolo dicente, Ei qui operatur, merces non imputatur secundum gratiam, sed secundum meritum: & iterum reliquiae, inquit, per electionem gratiae saluae factae sunt: & mox addidit, si autem gratia, iam non ex operibus, alioquin gratia iam non est gratia: quomodo ergo gratia vita aeterna, quae ex operibus sumitur? an fortè vitam aeternam non dicit Apostolus gratiam? immò verò sic dicit, ut negari omnino non possit: nec intellectorem acutum, sed tantummodò intensum desiderat auditorem: cum enim dixisset, stipendium peccati mors: continuo subdidit, gratia autem Dei vita aeterna in Christo Iesu Domino nostro: ista ergo quaestio nullo modo mihi videtur posse dissolui, nisi intelligamus, & ipsa bona opera nostra, quibus aeterna redditur vita, ad Dei gratiam pertinere, propter illud, quod ait Dominus Iesus. Sine me nihil potestis facere: & ipse Apostolus, cum dixisset, gratia salui facti estis per fidem: & hoc non ex vobis, sed donum Dei est; non ex operibus, nè fortè quis extollatur, &c.

619. Idem S. Doctor explicans verba Pauli 2. Tim. 4. supra allata, Bonum certamen certavi, &c. superest mihi corona iustitiae, quam reddet mihi iustus iudex, &c. in eodem libro de Grat. & lib. arb. cap. 6. plura, proluxaque dicit; præ ceteris, hæc: ista utique iam merita sua bona commemorat, ut post bona merita consequatur coronam, qui post merita mala consecutus est gratiam. Denique attendite quid sequitur: superest inquit mihi corona iustitiae, quam reddet mihi Dominus in illa die iustus

Vita æterna est gratia, & præmium ex gratia ex Apostolo.

Tertio S. August., idem probat.

Index . Cui redderet coronam iustus Index , si non donasset gratiam misericors Pater ? & quomodo esset illa corona iustitiæ , nisi præcessisset gratia , qua iustificat impium ? quomodo ista debita redderetur , nisi prius illa gratuita donaretur . Ergo magna hæc vitæ æternæ gratia propter merita gratuita quoque datur .

Quòd tandem meritum hoc dicendum sit meritum promissionis , ac donationis diuinæ , non verò debiti naturæ humanæ , ex præmissis euidenter patet : in natura siquidem humana non adsunt tales qualitates , talisque dignitas , vt eius operibus debeatur ex vera iustitia præmium supernaturale adeò excellens , vt est vita æterna . Si enim , inquit Apostolus , *non sumus sufficientes cogitare aliquid ex nobis , tamquam ex nobis , quomodo poterimus ex nobis , seu nostris operibus mereri , & assequi maximum omnium bonum , vitam æternam ?* Ideò S. Augustinus in cap. 6. nuper relato , postiam dicta , inuehens contra Pelagium dicentem , & gratiam , & vitam æternam ex nostris operibus nobis dari , inquit . *Si cum Pelagiani dicant vitam æternam secundum meritum nostrum dari , intelligerent , vt etiam ipsa merita dona Dei esse cognoscerent , non esset reprobanda ista sententia . Quoniam verò merita humana sic prædicant , vt ea ex semetipso habere hominem dicant : prorsus rectissime respondet Apostolus . Quis te discernit ? Quid autem habes , quod non accepisti ? si autem accepisti , quid gloriaris quasi non acceperis ?* Prorsus talia cogitanti verissime dicitur , dona sua coronat Deus , non merita tua , si tibi à teipso , non ab illo sunt merita tua : hæc enim si talia sunt , mala sunt , quæ non coronat Deus : si autem bona sunt , Dei dona sunt , quia Iacobus Apostolus dicit . Omne da-

Ex merito
promissionis
datur
vita æterna .

Ex S. Aug.

datum optimum, & omne donum perfectum defursum est, descendens à Patre luminum; & Ioannes Præcurſor Domini. Non poteſt homo accipere quidquam, niſi fuerit ei datum de Cælo.

620. Concludo ergo cum ſimplicitate ſermonis. Si Deus ab æterno non elegiſſet homines ad gloriam, nullus hominum haberet ius ad illam: & ſi non decreuiſſet eam dare propter bona opera, tamquam merita fundata in infinito merito Chriſti Domini, nemo illam obtineret: & ideò omnes prædeſtinati, ſiue Patriarchæ, ſiue Prophetæ, aliique Sancti, qui Chriſti aduentum præceſſerunt; ſiue qui eum ſecuti ſunt, vt Apoſtoli, Martires, ſimplices Confeſſores, Virgines, Viduæ, Anachoritæ, &c. ideò ad vitam æternam electi ſunt, quia Deus voluit; ideò ad gratiam electi ſunt, quia Deo ſic placuit; ideò bona eorum opera facta in gratia, & fundata in Chriſti merito, meritoria ſunt conſecutionis vitæ æternæ, quia Deo placuit ſic diſponere. Vnde ſi Apoſtolus dicit eis operibus deberi coronam iuſtitia, intelligēdus eſt de iuſtitia proueniēte ex pacto, promiſſione, ac fidelitate Dei facientis, quod promittere voluit; & nobiſcum opera illa facit, quia nos laborantes iuuat, vt ex Auguſtino diximus ſer. 16. de Verb. Apoſt.

621. Hæc ſunt, quæ pro mea tenuitate de rebus tam arduis, ac ſubtilibus in hoc triplici Opusculo contentis potui ex S. Auguſtini Doctrina, ſi eum intellexi, dicere, vt amicis meis ſatisfacerem. Nulli contrariæ ſententiæ Authori volui iniuriam facere; nullam ſententiam reprobare; ſed omnes in ſua probabilitate relinquere. Si quæ dixi placent alicui, laudet Deum, à quò bona omnia. Si non placent; eiſdem S. Auguſtini

Concluſio
ducta ex
dictis.

Ex Deivo.
untate o-
pera om-
nium San-
ctorū ſunt
merita vi-
tæ æternæ.

Excusatio
Authoris.

ni in lib. de Spir. & lit. cap. 34. in fine, responsio-
nem pro eo in memoriam reducam . *Quærat do-
ctiores, sed caueat, ne inueniat præsumptiores .*

622. Hæc omnia, & quęcumque alia toto vi-
tæ meæ tempore dixi, scripsi, aut typis mandavi,
Sanctæ Romanę Ecclesię, eiusque summo, ac in-
fallibili Capiti, ac Doctori subijcio .

L A V S D E O .



784452





